

四庫全書存目叢書編纂委員會編

齊魯書社

四庫全書存目叢書

子部
第二一二冊



魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB5/043

四庫全書存目叢書·子部二一二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經二路勝利大街)

廣東精裝印務有限公司印製

787×1092 毫米 16 開本 46.375 印張

1995 年 9 月第 1 版 1995 年 9 月第 1 次印刷

印數 1-100

ISBN 7-5333-0478-0

Z·27 子部定價：78300 圓

子部第二一二冊目次

子部·類書類

詩雋類函一百五十卷(二)

[明]俞安期輯 梅鼎祚增定
山東省圖書館藏明萬曆三十七年自刻本

.....

詩雋類函一百五十卷(二)

〔明〕俞安期輯 梅鼎祚增定

山東省圖書館藏明萬曆三十七年自刻本

詩雋類函卷五十一

東吳俞安期彙纂 宣城梅鼎祚增定

〔陽羨曹師建訂校〕

樂部二

琴 〔琴譜〕 胡琴並附

○琴

琴薦 胡琴並附

詠琴

齊謝朓

洞庭風雨榦龍門生歟枝雕刻紛布濩冲響鬱清巵
春風搖蕙艸秋月滿華池是時操別鶴淫淫客淚垂

秋夜詠琴

梁劉琨

寄語調絃者客子心易驚離泣已將墜無勞別鶴聲

樂部

卷五十一

秋夜詠琴

梁劉孝綽

上宮秋露結上客夜琴鳴幽蘭暫罷曲積雪更傳聲

賦詠得琴

陳江總

可憐嶧陽木雕爲綠綺琴田文垂睫淚卓女弄絃心
戲鶴聞應舞游魚聽不沈楚妃辛勿歎此異丘中吟

一作

詠琴

唐楊師道

久擅龍門質孤竦嶧陽名齊娥初發弄趙女正調聲
嘉客勿遽返繁絃曲未成

詠琴

唐劉允濟

昔在龍門側誰想鳳鳴時雕琢今爲器官商不自持
已人緩疎節楚客弄繁絲欲作高張引翻成下調悲

詠琴

唐李嶠

隱士竹林隈英聲寶匣開風前綠綺弄月下白雲來
淮海多爲室梁氓舊作臺子期如可聽山水響餘哀

詠琴

唐王昌齡

孤桐祕虛鳴朴素傳幽真髣髴絃指外遂見初古人
意遠風雪苦時來江山春高宴未終曲誰能辨經綸

琴

唐潘緯

客來鳴素琴惆悵對遺音一曲起於古幾人聽到今

樂部

卷五十一

十一

琴

畫合風雷起日汎月煙深夙續水山操坐生方外心

琴

唐孫氏

玉指朱絃軋復清湘妃愁怨最難聽初疑颼颼涼風

動又似蕭蕭暮雨零近若流泉來碧嶂遠如玄鶴下

青冥夜深彈罷堪惆悵霧濕叢蘭月滿庭

雅琴篇

唐司馬逸客

亭亭嶧陽樹落落千萬尋獨抱出雲節孤生不作林

影搖綠波水彩絢丹霞岑直榦思有託雅志期所任

匠者果留盼雕斲爲雅琴文以楚山玉錯以昆吾金

虬鳳吐奇狀商徵含清音清音雅調感君子一撫一

弄懷知已不見鍾期百年餘還憶朝朝幾千里馬卿

臺上應無及阮籍惟前空已矣山情水意君不知拂

匣調絃爲誰理調絃拂匣倍含情況復空山秋月明

隴水悲風已嗚咽離鵠別鶴更淒清將軍塞外多奇

操中散林間有正聲正聲諧風雅欲竟此曲誰知者

自言幽隱乏先容不道人物知音寡誰能一奏和天

地誰能再撫歡朝野朝野歡娛樂未央車馬駢闐盛

彩章歲歲汾川事簫鼓朝朝伊水聽笙簧窈窕樓臺

臨上路妖嬈歌舞出平陽彈絃本自稱仁祖吹管由

來許季長猶憐雅歌淡無味綠水白雲誰相貴還將

樂部

卷五十一

三十一

琴

逸調賞幽心不覺繁聲論遠意傳聞帝樂奏鈞天倘

冀微身備五絃願持東武宮商韻長奉南薰億萬年

朱絃絃

唐楊衡

寂寞瑤琴上深知直者情幸傳朱鷺曲那止素絲名

瑞草人空仰王言世久行大方聞正位樂府動清聲

文武音初合官商調屢更誰能向機杼終日泣無成

寶琴

原作古意

唐王績

幽人在何所紫巖有仙躅月下橫寶琴此外將安欲

材抽嶧山幹微點峴丘玉漆抱蛟龍辱絲纏鳳凰足

前彈廣陵罷後以明光續百金買一聲千金傳一曲

世無鍾子期誰知心所屬

幽琴

唐劉長卿

月色滿軒白琴聲宜夜闌颼颼一作冷青絲上靜聽松風寒古調雖自愛今人多不彈向君投此曲所貴知音難

同張參軍喜李尚書寄新琴 唐司空曙

新琴傳鳳皇晴景稱高張白玉連微淨朱絲繫爪長輕埃隨拂拭雜籟滿鏗鏘暗想山泉合如親蘭蕙芳正聲消鄭衛古狀掩笙簧遠識賢人意清風願激揚聞亡友王七嘉禾寺得素琴 唐李益

樂部

卷五十一

四

故人惜此去留琴明月前今來我訪舊淚洒白雲天詎欲匣孤響送君歸夜泉撫琴猶可絕況此故無絃何必雍門奏然後使潺湲

五絃行

唐韋應物

美人爲我彈五絃塵埃忽靜心悄然古刀幽磬初相觸千珠貫斷落寒玉五絃中曲又不喧徘徊夜長月當軒始伴流風縈艷雪更逐落花飄御園獨鳳寥寥有時隱碧霄來下聽還近燕姬萬一作恨楚客愁言之不盡聲能盡末有幾曲感我情解憂釋結和樂生壯士有仇未得報拔劍欲去憤已平憤已平夜寒酒

多愁遽明

琴原作擬古

唐韋應物

有客天一方寄我孤桐琴迢迢萬里隔託此傳幽音冰霜中自結龍鳳相與吟絃以明直道一作絃以漆以固交深

五絃彈

唐白居易

五絃彈五絃彈聽者傾耳心寥寥趙壁知君入骨愛五絃一一爲君調第一第二絃索索秋風拂松疎韻落第三第四絃冷冷夜鶴憶子籠中鳴第五絃聲最掩抑隴水凍咽流不得五絃竝奏君試聽淒淒切切

樂部

卷五十一

五

復錚錚一作鐵擊珊瑚一兩曲冰寫玉盤千萬聲鐵聲殺水聲寒殺聲入耳膚血憊寒氣中人肌骨酸曲終聲盡欲半日四座相對愁無言座中有一達方士唧唧咨嗟一作聲不已自嘆今朝初得聞始知辜負平生耳唯憂趙璧白髮生老成人間無此聲遠方士爾聽五絃信爲美吾聞正始之音不如是正始之音其若何朱絃疏越清廟歌一彈一唱再三歎曲淡節稀聲不多融融洩洩召元氣聽之不覺心平和人情重今多賤古古瑟有絃人不撫自一作更從趙璧一作成來二十五絃不如五

寶琴

唐釋彪

吾有一寶琴價重雙南金刻作龍鳳像彈爲山水音
星從微裏發風來絃上吟鍾期不可遇誰辨曲中心

侍宴賦得起坐彈鳴琴

陳江總

絲傳園客意曲奏楚妃情罕有知音者空勞流水聲

賦得爲我彈鳴琴

陳賀徹

薄暮高堂上調琴召美人伯喈聲未盡相如曲復新

點微還轉弄亂八更留賓聊持一絃響雜起豔歌塵

賦得爲我彈鳴琴

陳沈炯

爲我彈鳴琴琴鳴傷我襟半歿無人見入竈始知音

樂部

卷五十一

六一琴

空爲貞女引誰達楚妃心雍門何假說落淚目淫淫

侍宴賦得起坐彈鳴琴

唐楊師道

北林鵲夜飛南軒月初進調絃發清微蕩心祛褊悵

變作離鴻聲還入思歸引長歎未終極秋風飄素餐

挾琴歌

梁沈氏

范靜

逶迤起塵唱宛轉遶梁聲調絃可以進蛾眉畫未成

詠鄰女樓上彈琴

陳吳尚野

青樓誰家女開牕弄碧絃貌同朝日麗裝競午花燃

一彈哀塞鴈再撫哭春鵲此情人不會東風千里傳

弄琴二首

北周庾信

雉飛催曉別鳥啼驚夜眠若交新曲變惟須促一絃

二

不見石城樂惟聞鳥噪林新聲逐絃轉應得動春心

日晚彈琴

北齊馬元熙

上客敞前扉鳴琴對晚暉掩抑歌張女淒清奏楚妃

稍視紅塵落漸覺白雲飛新聲獨見賞莫恨知音稀

彈琴

唐劉希戡

碧山本岑寂素琴何清幽彈爲風入松崕谷廳已秋

庭鶴舞白雪泉魚躍洪流予欲娛世人明月難暗投

感歎未終曲淚下不可收嗚呼鍾子期零落歸山丘

樂部

卷五十一

七

死而若有知竟今從我遊

山夜調琴

唐王績

促軫乘明月抽絃對白雲從來山水韻不使俗人聞

初晴抱琴登馬退山對酒望遠醉後作

唐獨孤及

年長心易感况爲憂患纏壯圖迫世故行止兩茫然

王旅方伐叛虎臣皆被堅魯人著儒服甘就南山田

挈榼上高磴超遙望平川滄江大如綆隱映入遠天

荒服何所有山花雪中燃寒來得日景吐霧鳴前湍

舉酒勸白雲唱歌慰頽年從風度竹來韻我號鐘絃

一彈一引滿耳熱知心宜曲終予亦酣起舞山水前
人生幾何時太半百憂煎今日羈愁破始知濁酒賢

船夜援琴

唐白居易

鳥栖魚不動月照夜江深身外都無事舟中只有琴
七絃爲益友兩耳是知音心靜即聲淡其間無古今

對琴待月

唐白居易

竹院新晴夜松牕未臥時共琴爲老伴與月有秋期
玉軫臨風久金波出霧遲幽音待清景唯是我心知

夜調琴憶崔少卿

唐白居易

今夜調琴忽有情欲彈惆悵憶崔卿何人解愛中徽

樂部

卷五十一

琴

上愁思頭邊八九聲

和王中丞聞琴

齊謝朓

涼風吹月露圓景動清陰蕙風入懷抱聞君此夜琴
蕭瑟滿林聽輕鳴響澗音無爲澹容與蹉跎江海心

離夜聽琴

梁何遜

別離既有緒琴瑟返成悲美人多怨態亦復慘長眉

聽琴

北齊蕭慤

洞門涼氣滿閑館夕陰生絃隨流水急調雜秋風清
掩抑朝飛弄淒斷夜啼聲至人齊物我持此悅高情

和淮南公聽琴聞絃斷

北周庾信

嗣宗看月夜中散對行雲一絃雖獨韻猶足動文君

秋夕聽羅山人彈三峽流泉

唐岑參

皤皤岷山老抱琴鬢蒼然衫袖拂玉徽爲彈三峽泉
此曲彈未半高堂如空山石林何颺颺忽在牕戶間
繞指弄鳴咽青絲激潺湲演漾怨楚雲虛徐韻秋煙
疑兼陽臺雨似雜巫山猿幽引鬼神聽靜令耳目便
楚客腸欲斷湘妃淚斑斑誰裁青桐枝絙以朱絲絃
能含古人曲遞與今人傳知音難再逢惜君方老年
曲終月已落惆悵東齋眠

聽從叔琴彈三峽流泉歌

唐李季蘭

樂部

卷五十一

九

琴

妾家本住巫山雲巫山流泉常自聞玉琴彈出轉寥
寥直似當時夢裏聽三峽迢迢幾千里一時流入幽
閨裏巨石崩崖指下生飛泉走浪絃中起初疑噴怒
含雷風又似鳴咽流不通迴湍曲瀨勢將盡時逢滴
瀝平沙中憶昔阮公爲此曲能令仲容聽不足一彈
既罷還一彈願似流泉鎮相續

聽彈風入松闌贈楊補闕

唐王昌齡

商風入我絃夜竹深有露絃悲與林寂清景不可度
寥落幽居心颺颺青松樹松風吹草白溪水寒日暮
聲意去復還九變待一顧空山多雨雪獨立君始悟

聽鄭五惜琴

唐孟浩然

阮籍推名飲清風坐竹林半酣下衫袖拂拭龍唇琴
一杯彈一曲不覺夕陽沈予意在山水聞之諧夙心

聽蜀僧濬彈琴

唐李白

蜀僧抱綠綺西下我眉峯爲我一揮手如聽萬壑松
客心洗流水餘音入霜鐘不覺碧山暮秋雲暗幾重

月夜聽盧子順彈琴

唐李白

閒夜坐明月幽人彈素琴忽聞悲風調宛若寒松吟
白雲亂纖手綠水清虛心鍾期久已歿世上無知音

彈幽澗泉

唐李白

樂部

卷五十一

十一 琴

拂彼白石彈吾素琴幽澗愀今流泉深善手明微高
張清心寂歷似千古松颺颺今萬尋中見愁猿弔影
而危處今叫秋水而長吟客有哀時失志而聽者淚
淋浪以沾襟乃緝商綴羽潺湲成音吾但寫聲發情
於妙指殊不知此曲之古今幽澗泉鳴深林

聽董大彈胡笳聲兼寄語弄房給事

唐李頎

蔡女昔造胡笳聲一彈一十有八拍胡人落淚沾邊
草漢使斷腸對歸客古戍蒼蒼烽火寒大荒陰沈飛
雪白先拂商絃後角羽四郊秋葉驚撼撼董夫子通

神明深松竊聽來妖精言遲更速皆應手將往復旋

如有情空山百鳥散還合萬里浮雲陰且明嘶酸雛

鴈失羣夜斷絕胡兒戀母聲川爲淨其波鳥亦罷其

鳴鳥珠部落家鄉遠遛沙塵哀怨生幽音變調忽

飄灑長風吹林雨墮瓦迸泉颯颯飛木末野鹿呦呦

走堂下長安城連東掖垣鳳凰池對青瑣門高才脫

略名與利日夕望君抱琴至

聽杜山人彈胡笳歌

唐戎昱

綠琴胡笳誰妙彈山人杜陵名庭蘭杜君少與山人
友山人沒來今已久當時海內求知音囑付胡笳入

樂部

卷五十一

十一 琴

君手杜陵攻琴四十年琴聲在音不在絃座中爲我
彈此曲滿堂蕭瑟如窮邊第一第二拍淚盡蛾眉沒
蕃客更聞出塞入塞聲穿廬瑣帳難爲情胡天雨雪
四時下五月不曾芳草生須臾促軫變宮徵一聲悲
今一聲喜南看漢月雙眼明却顧胡兒寸心歎回鶻
數年收洛陽洛陽士女皆驅將豈無父母與兄弟聞
此哀情皆斷腸杜陵先生證此道沈家祝家皆絕倒
如今世上雅風衰若箇深知此聲好世上愛筆不愛
琴則明此調難知音今朝促軫爲君奏不同俗流傳
此心

彈小胡笳引 桂府王推官出蜀宦雷氏金徽琴請姜宣彈

唐□□□

雷氏金徽琴主君寶重輕千金三峽流中將得來明
牕拂席幽匣開朱絃宛轉盤鳳足驟擊數聲風雨迴
哀笳慢指董家本姜生得之妙思忖汎微胡鴈咽蕭
蕭繞指轉轆圓袞袞吞恨絨情乍輕激故國關山心
歷歷潺湲疑是□鵲鵲若騷如聞發鳴鏑流宮變徵
漸幽咽別鶴欲飛援欲絕秋霜滿樹葉辭風寒難墜
地鳥啼血哀絃已罷春恨長恨長何恨懷我鄉我鄉
安在長城窟聞君虜奏心飄忽何時窄袖短貂裘臙

樂部

卷五十一

十一

脂山下彎明月

聽妻彈別鶴操

唐元稹中

別鶴聲聲怨夜絃聞君此奏欲潸然商陵五十知無
子便付琴書與仲宣

和微之聽妻彈別鶴操因為解釋其義依韻加

四句

唐白居易中

義重莫若妻生離不如死誓將死同穴其奈生無子
商陵追禮教婦出不能止舅姑明且辭夫妻中夜起
起聞雙鶴別若與人相似聽其悲喚聲亦如不得已
青田八九月遼城一萬里徘徊去住雲鳴咽東西水

寫之在琴曲聽者酸心隨况當秋月彈先入憂人耳
怨抑掩朱絲沈吟停玉指一聞無兒歎相念兩如此
無兒雖薄命有妻借老矣幸免生別離猶勝商陵氏
雨中聽琴者彈別鶴操

唐白居易中

聽彈湘妃怨

唐白居易中

玉軫朱絃瑟瑟微吳娃徵調奏湘妃分明曲裏愁雲
雨似道蕭郎久不歸

聽渾淥水

唐白居易中

樂部

卷五十一

十三

聞君古淥水使我生和平欲識漫流意為聽疎汎聲
西窻竹陰下竟日有餘音

聽樂山人彈易水

唐賈島中

朱絲絃底燕泉急燕將雲孫白日彈羸氏歸山陵已
掘聲猶帶髮衝冠

聽穎師彈琴

唐韓愈中

昵昵兒女語恩怨相爾汝劃然變軒昂勇士赴敵場
浮雲柳絮無根蒂天地闊遠隨飛揚喧啾百鳥群忽
見孤鳳凰鳳聲嗩分寸不可上失勢一落千丈强嗟予
竹門耳未有聽絲簧目聞穎師彈起坐在一旁推手

遽止之濕衣淚湧潸潸乎爾誠能無以水炭置我腸

聽穎師琴歌

唐李賀

別浦雲歸桂花渚蜀國弦中雙鳳語芙蓉葉落秋鸞
離越王夜起遊天姥暗佩清臣敲冰玉渡海蛾眉牽
白鹿誰看挾劍赴長橋誰看浸髮題春竹竺僧前立
當吾門梵宮真相眉稜尊古琴大軫長八尺嶧陽老
樹非桐孫涼館聞絃驚病客藥囊暫別龍鬚席請歌
直一作請卿相歌奉禮官卑復何益

昭國里第聽元師彈琴

唐韋應物

竹林高宇霜露清朱絲玉徽多故情暗識啼鳥與別

樂部

卷五十一

古

鶴祗緣中有斷腸聲

聽琴

唐張喬

清月轉瑤軫弄中湘水寒能令坐來客不語自相看
靜恐鬼神出急宜風雨殘幾時歸嶺嶠更過洞庭彈

河口逢江州朱道士因聽琴

唐盧綸

廬山道士夜携琴映月相逢辨語音引坐霜中彈一
弄滿船商客有歸心

聽劉尊師彈琴

唐曹鄴

曾於清海獨聞蟬又向空庭夜聽泉不似齋堂人靜
處秋聲長在七條絃

涇州聽張處士彈琴

唐項斯

邊州獨夜正思鄉君又彈琴在客堂髮髻不離燈影
外似聞流水到瀟湘

秋夜聽葉上人彈琴

唐僧貫休

萬物多寂寂堪聞彈正聲人心盡如此天下自和平
湘水瀉秋碧古風吹太清往年廬嶽奏今夕更分明

聽趙秀才彈琴

唐韋莊

滿匣水泉咽又鳴玉音閒澹入神清巫山夜雨絃中
起湘水晴波指下生蜂簇野花吟細韻蟬移高柳迸
殘聲不須更奏幽蘭曲卓氏門前月正明

樂部

卷五十一

十五

江上琴興

唐常建

江上調玉琴一絃清一心泠泠七絃遍萬木澄幽陰
能使江月白又令江水深始知梧桐枝可以徵黃金

司空主簿琴席

唐韋應物

煙華方散薄蕙氣猶含露澹景發清琴幽期默玄
悟留連白雪意斷續迴風度掩抑雖已終忉忉在
幽素

屏風上各賦一物得携琴客

唐皇甫冉

不是向空林應當就磐石白雲知隱處芳草迷行跡
如何祇役心見爾携琴客

秋夜仰懷錢孟二公琴客會 唐賈島

月色四時好秋光君一作子知南山昨夜雨爲我寫

清規獨鶴聲寒骨高杉韻細颺仙家縹緲弄髣髴此

中期

松下琴贈客

唐白居易中

松寂風初定琴清夜欲闌偶因群動息試撥一聲看
寡鶴當微怨秋泉應指寒慙君此傾聽本不爲君彈

和順之琴者

唐白居易中

陰陰花院月耿耿蘭房燭中有弄琴人聲貌俱如王
清聆石泉引澹佇松風曲遂使君子心不愛凡絲竹

樂部

卷五十一

十六

贈彈琴殷山人

唐李遠中

有客抱琴宿值予多怨懷啼鳥絃易斷嘯鶴調難諧
曲罷月移幌韻清風滿齋誰能將此妙一爲奏金堦

送彈琴李長史往洪州

唐錢起中

抱琴爲傲吏孤棹復南行幾度秋江水皆添白雪聲
佳期來客夢幽思緩王程佐牧無勞問心和政自平

酬裴侍御留岫師彈琴見寄

唐李白盛

君同鮑明遠邀彼休上人鼓琴亂白雪秋變江上春
瑤草綠未衰攀翻寄情親相思兩不見流淚空盈巾

聽琴秋夜贈寇尊師

唐常建盛

琴當秋夜聽況是洞中人一指指應法一聲聲

寒蟲臨砌默清吹裊燈頻何必鍾期耳高閑自可親

奉和張舍人閣中直夜思聞雅琴因書事通簡

僚友

唐呂溫中

迢遞天上直寂寞丘中琴憶爾山水韻起予仁智心
凝情在正始超想疎煩襟涼生子夜後月照禁垣深

遠風蕭蕭氣微露清桐陰方襲縑衣慶永奏南薰吟

題琴朴一作奉柳吳興

梁丘遲

邊山此嘉樹搖影出雲垂清心有素體直幹無曲枝
凡耳非所別君子特見知不辭去根本造膝仰光儀

樂部

卷五十一

十七

李西川薦琴石

唐柳宗元中

達師騶忌鼓鳴琴去和南風愜舜心從此他山千古
重殷勤曾是奉徽音

崔湖州贈紅石琴薦煥如錦文無以荅之以詩

酬謝

唐白居易中

賴錦支綠綺韻同相感深千年古澗石八月秋堂琴
引出山水思助成金玉音人間無可比比我與君心

問支琴石

唐白居易中

疑因星隕空中落歎被泥埋澗底沈天上定應勝地
上支以未必及支琴提携拂拭知恩否雖不能言合

有心

鄂渚聽杜別駕彈胡琴

唐劉長卿

文姬留此曲千載一知音不解胡人語空留一作楚

客心聲隨邊草動意入隴雲深何事長江上蕭蕭出

塞吟

○瑟

詠瑟

唐李嶠

伏羲初製法素女昔傳名流水嘉魚躍叢臺舞鳳驚

嘉賓飲未極君子娛俱并倘入丘之戶應知由也情

趙瑟曲

梁沈約

樂部

卷五十一

大瑟

邯鄲奇弄出文梓繁絃急調切流徵玄鶴徘徊白雲起白雲起鬱披香離復合曲未央

錦瑟

唐李商隱

錦瑟無端五十絃一絃一柱思華年莊生曉夢迷蝴蝶望帝春心託杜鵑滄海月明珠有淚藍田日暖玉

生煙此情可待成追憶只是當時已惘然

瑤瑟

唐杜牧

玉仙瑤瑟夜珊珊月過樓西柱燭殘風景人間不如

此動搖湘水徹明寒

古瑟怨

唐李益

破瑟悲秋已減絃湘靈沈怨不知年感君拂拭遺音在更奏新聲明月天

湘靈鼓瑟

唐錢起

善撫一作雲和瑟常聞帝子靈馮夷空自舞楚客不

堪聽逸韻諧金石清音發杳冥蒼梧來怨慕白芷動

芳馨流水傳湘浦悲風過洞庭曲終人不見江上數

峯青

湘靈鼓瑟

唐魏瓘

瑤瑟多哀怨朱絃且莫聽扁舟三楚客聚竹二妃靈

浙歷聞餘響依稀欲辨形柱間寒水碧曲裏暮山青

樂部

卷五十一

九瑟

良馬悲銜草游魚思繞萍知音若相遇終不滯南溟

湘靈鼓瑟

唐陳季

神女泛瑤瑟古祠嚴野亭楚雲來泱泱湘水助清冷

妙指微幽契繁聲入杳冥一彈新月白數曲暮山青

調苦荆人怨時遙帝子靈餘音如可賞試奏爲君聽

湘靈鼓瑟

唐莊若訥

帝子鳴金瑟餘聲自抑揚悲風絲上斷流水曲中長

出沒游魚聽透迤彩鳳翔微音時扣徵雅韻乍含商

神理誠難測幽情詎可量至今聞古調應恨滯三湘

調瑟詞

唐劉禹錫

里有富豪翁厚自奉養而嚴督臧獲力屈形削
役之無藝極一旦不堪命亡者過半追亡者亦不
來復翁頽沮而追昨非之莫及也予感之作調瑟

詞

調瑟自張絃絃平音自足朱絃二十五缺一不成曲
美人愛高張瑤軫再三促上絃雖獨響下應不相屬
日暮聲未和寂寥一枯木却顧膝上絃流淚難相續

○箏

詠箏

梁王臺卿

依歌時轉韻按曲動花鈿促調移輕柱亂手度繁絃

樂部

卷五十一

二十一 箏

惟有高秋月秦聲獨可憐

詠箏

梁沈約

秦箏吐絕調玉柱揚清曲絃依高張斷聲隨妙指續
徒聞音繞梁寧知顏如玉

詠箏

唐李嶠

蒙恬芳軌設游楚妙彈開新曲帳中發清音指下來
鈿裝模六律柱列配三才莫聽西秦奏箏箏有刺哀

玄圃宴各詠一物得箏

陳陸瓊

三五併時年二八共來前今逢泗濱樹定減琴中絃
鶴別霜初繁鳥啼月正懸

秦箏曲

梁沈約

羅袖飄飄拂雕桐促柱高張散輕宮迎歌度舞遏歸
風遏歸風止流月壽萬春歡無歇

秦箏歌送外生蕭正歸京

唐岑參

汝不聞秦箏聲最苦五色纏絃十三柱怨調慢聲如
欲語一曲未終日移午紅亭水木不知暑忽彈黃鍾
和白紵清風颭來雲不去聞之酒醒淚如雨汝歸秦
今彈秦聲秦聲悲今聊送汝

箏

唐白居易

雲髻飄飄綠花顏倚旒紅雙眸翦秋水十指刺春葱

樂部

卷五十一

二十一 箏

楚豔爲門閤秦聲是女工甲鳴銀鈞瓌柱觸玉玲瓏
援苦啼嫌月鶯嬌語訕風移愁來手底送恨入絃中
趙瑟清相似胡琴闌不同慢彈迴斷鴈急奏轉飛蓬
霜珮鏘還委冰泉咽復通珠聯千拍碎刀截一聲終
倚麗精神定矜能意態融歇時情不斷休去思無窮

哀箏

唐李商隱

延頸全同鶴柔腸素怯猿湘波無限淚蜀鬼有餘冤
輕幃長無道哀箏不出門何由問香炷翠幕月黃昏

詠彈箏人

梁昭明太子

故箏猶可惜應度幾一作新人邊塵多澁移柱風燥脆

調絃還作三洲曲誰念九重哀

和彈箏人二首

梁元帝

橫箏在故帷忽憶上絃時舊柱未移處銀帶手經持
悔道啼將別教成今日悲

瓊柱動金絲秦聲發趙曲流徵含陽春美手過如玉

彈箏

梁簡文帝

彈箏北窓下夜響清音愁張高絃易斷心傷曲不道

高樓夜彈箏

唐常建

高樓百餘尺直上江水平明月照人苦開簾彈玉箏

山高猿狖急天靜鴻鴈鳴曲度猶未終東峰霞半生

樂部

卷五十一

三三

李湖州孺人彈箏歌

唐顧况

武帝昇天留法曲淒清掩抑絃柱促上陽宮人一作女

怨青苔此夜想夫憐碧玉思婦高樓刺壁窺愁猿叫

月鸚呼兒寸心十指有長短妙入神處無人知獨把

梁州凡幾拍風沙對面胡秦隔聽中忘却前溪碧醉

後猶疑邊草白

彈箏人

唐溫庭筠

晚

天寶年中事玉皇曾將新曲教寧王鈿蟬金鳳今零

落一曲伊州淚萬行

和鄭愚贈汝陽王孫家箏妓二十韻

唐李商隱

水霧愁何窮秦絲嬌未已寒空煙霞高白日一萬里

碧嶂愁不行濃翠遙相倚茜袖捧瓊姿皎日丹霞起

孤猿耿幽寂西風吹白芷迴首蒼梧深女蘿閉山鬼

荒郊白鱗斷別浦晴霞委長行壓河心白道連地尾

秦人昔富家綠窓聞妙音鴻驚鴈背飛象牀殊故里

因令五十絲中道分宮徵斗粟配新聲娣姒徒纖指

風流大堤上悵望白門裏蠹粉實雌絃燈光冷如水

羌管促蠻柱從醉吳宮耳滿門不掃眉君王對西子

初花慘朝露冷臂淒愁髓一曲送連錢達別長於歎

樂部

卷五十一

三三

玉砌銜紅蘭妝牕結碧綺九門十二闕清晨禁桃李

聽箏雜言

陳後主

文窓玳瑁影嬋娟香帷翡翠出神仙促柱點唇鶯欲

語調絃繫水鴈相連秦聲本自楊家解吳歎那知謝

傳憐祇愁芳夜促蘭膏無那煎

聽箏

唐張九齡

初

端居正無緒那復發秦箏纖指傳新意繁絃起怨情

悠揚思欲絕掩抑態還生豈是聲能感人心自不平

聽箏

唐李端

鳴箏金粟柱素手玉房前欲得周郎顧時時誤拂絃

聽箏

唐白居易

花臉雲鬟坐玉樓十三絃裏一時愁憑君向道休彈
去白盡江州司馬頭

夜聞箏彈瀟湘送神曲感舊

唐白居易

縹緲巫山女歸來七八年殷勤湘水曲留在十三絃
苦調吟還出深情咽不傳萬重雲水思今夜月明前

觀箏

唐王灣

虛室有秦箏箏新月復清絃多弄委曲柱促語分明
曉怨凝繁手春嬌入慢聲近來唯此樂傳得美人情

夜坐看箏

唐王諷

樂部

卷五十一

二五

調箏夜坐燈光裏却挂羅帷露纖指朱絃一一聲不
同玉柱連連影相似不知何處學新聲曲曲彈來未

觀名應是石家金谷裏流傳未滿洛陽城

宴席賦得姚美人擲箏歌

美人在禁中

唐盧綸

出簾仍有鈿箏隨見罷翻令恨識遲微收皓腕纏紅
袖深遏朱絃低翠眉忽然高張應繁節玉指迴旋若
飛雪鳳簫龍管寂不喧繡幕紗牕儼秋月有時輕弄
和郎歌慢處聲遲情更多已愁紅臉能佯醉又恐朱
門莫過昭陽伴裏最聰明出到人間纔長成遙知

禁曲難翻處猶自君王說小名

觀李中丞美人軋箏歌

唐僧皎然

君家雙美姬善歌工箏人莫知軋用蜀竹絃楚絲清

哇宛轉聲相隨夜靜酒闌佳月前高張水引仍

淵淵美人

世稱絕

時如逆泉趙瑟素所

嘉齊謳世稱絕

且莫停金疊

聲已闕雅聲來游魚噉鳴鶴徘徊主人高情始爲

開

箏柱子

唐朱灣

散本今在幸良工不棄捐力微慙一柱材薄仰

樂部

卷五十一

三五

群絃且喜聲相應靈辭跡屢遷知音如見賞雅調爲

君傳

傷秦姝行

并序

唐劉禹錫

河南房開士前爲虞部郎中爲予語曰我得善箏
人于長安懷遠里其後開士爲赤縣牧容州求國
工而誨之藝工而天今年開士遺予新詩有悼佳
人之句顧予知所自也惜其有良伎獲所從而
不克久乃爲傷詞以貽開士

長安二月花滿城插花女兒彈銀箏南宮仙郎下朝
晚曲頭駐馬聞新聲馬蹄遲心蕩漾高樓已遠猶

頻望此時意重千金輕鳥傳消息紺輪迎芳筵銀燭

一相見淺笑低鬟初目成蜀絃鐸指如玉皇帝弟

子韋家曲青牛文梓赤金簪玫瑰寶柱秋鴈行斂蛾

收袂凝清光抽絃授調怒且長入鸞鏤鏤渡銀漢九

雛成鳳鳴朝陽曲終韻盡意不足情思悄絕愁空堂

從郎鎮南別城關樓船理曲瀟湘月馮夷隔蹀舞漾

波鰲人出聽停綃梭北池含煙瑤草短萬松亭下清

風滿北池萬松亭秦歌一曲此時聞嶺泉鳴咽腸堪

斷來自長陵小市東薜華零落瘴江風侍兒掩泣悲

銀甲鸚鵡不言愁玉籠博山爐中香自滅鏡奩塵暗

樂部

卷五十一

五

同心結從此東山非昔遊長嗟人與絃俱絕

詩傳類函卷五

詩傳類函卷五十二

東吳俞安期彙纂 宣城梅鼎祚增定

陽羨曹師建訂校

樂部三

琵琶 阮咸 附 笙 篳 篥 胡 茄 箏 瑟 管 角 拍板

○琵琶

阮咸附

詠琵琶

梁徐勉

雖為遠道怨翻成今日歡含花已灼灼類月復團團

詠琵琶

唐李嶠

朱絲聞岱谷鑠質本多端半月分絃出叢花拂面安

樂部

卷五十二

五

將軍曾制曲司馬屢陪觀本是胡中樂希君馬上彈

琵琶

齊王融

抱月如可明懷風殊復清絲中傳意緒花裏寄春情

掩抑有奇態懷懣多好聲芳袖幸時拂龍門空自生

琵琶

唐太宗

半月無雙影全花有四時摧藏千里態掩抑幾重悲

促節繁紅袖清音滿翠帷快彈風響急緩曲釧聲遲

空餘關隴恨因此代相思

琵琶

唐白居易

絃清撥刺語錚錚昔却殘燈就月明賴是心無惆悵

事不然爭奈子絃聲

琵琶行

并叙

唐白居易

元和十年予左遷九江郡司馬明年秋送客湓浦口聞舟船中夜彈琵琶者聽其音錚錚然有京都聲問其人本長安倡女嘗學琵琶於穆曹二善才年長色衰委身為賈人婦遂命酒使快彈數曲曲罷憫然自敘少小時歡樂事今漂淪憔悴轉徙於江湖間予出官二年恬然自安感斯人言是夕始覺有遷謫意因為長句歌以贈之凡六百一十二言命曰琵琶行

樂部

卷五十二

二

琵琶

潯陽江頭夜送客楓葉荻花秋瑟瑟主人下馬客在船舉酒欲飲無管絃醉不成歡慘將別別時茫茫江浸月忽聞水上琵琶聲主人忘歸客不發尋聲暗問彈者誰琵琶聲停欲語遲移船相近邀相見添酒迴燈重開宴千呼萬喚始出來猶抱琵琶半遮面轉軸撥絃三兩聲未成曲調先有情絃絃掩抑聲聲思似訴平生不得志低眉信手續續彈說盡心中無限事輕攏慢捻抹復挑初為霓裳後六么大絃嘈嘈如急雨小絃切切如私語嘈嘈切切錯雜彈大珠小珠落玉盤間關鶯語花底滑幽咽泉流水下灘水泉冷澌

絃疑絕疑絕不通聲暫歇別有幽愁暗恨生此時無聲勝有聲銀瓶乍破水漿迸鐵騎突出刀鎗鳴曲終收撥當心劃四絃一聲如裂帛東舟西舫悄無言唯見江心秋月白沈吟放撥插絃中整頓衣裳起斂容自言本是京城女家在蝦蟆陵下住十三學得琵琶成名屬教坊第一部曲罷曾教善才服妝成每被秋娘妬五陵年少爭纏頭一曲紅綃不知數鈿頭銀篦擊節碎血色羅裙翻酒汙今年歡笑復明年秋月春花等閒度弟走從軍阿嬖歿暮去朝來顏色故門前冷落鞍馬稀老大嫁作商人婦商人重利輕別離前

樂部

卷五十二

三

琵琶

月浮梁買茶去去來江口守空船遶船月明江水寒夜深忽夢少年事夢啼妝淚紅闌干我聞琵琶已歎息又聞此語重唧唧同是天涯淪落人相逢何必曾相識我從去年辭帝京謫居臥病潯陽城潯陽地僻無音樂終歲不聞絲竹聲住近湓江地卑濕黃蘆苦竹遶宅生其間日暮聞何物杜鵑啼血猿哀鳴春江花朝秋月夜往往取酒還獨傾豈無山歌與村笛嘯啞啁啾難為聽今夜聞君琵琶語如聽仙樂耳暫明莫辭更坐彈一曲為君翻作琵琶行感我此言良久立却坐促絃轉急淒淒不似向前聲滿座聞之皆

掩泣就中泣下誰最多江州司馬青衫濕

琵琶歌

唐白居易中

琵琶宮調入十一旋宮三調彈不出玄宗偏許賀懷
智段師此藝還相匹自後流傳指撥衰景崙善才徒
爾爲頌聲少得似雷吼纏絃不敢彈半皮人間奇
事會相續但有下和無有玉段師弟子數十人李家
管兒稱上足管兒不作供奉兒拋在東都雙鬢絲蓬
人便請送杯盞著盡功夫夫人不知李家兄弟皆愛酒
我是酒徒爲密友著作曾邀連夜宿中稌春溪葉新
綠平明船載管兒行盡日聽彈無限曲曲名無限知

樂部

卷五十二

四

琵琶

者鮮霓裳羽衣偏宛轉涼州大遍最豪嘈六么散序
多攏撚我聞此曲深賞奇賞著奇處驚管兒管兒爲
我雙淚垂自彈此曲長自悲淚垂捍撥朱絃濕水泉
嗚咽流鶯澁因茲彈作雨霖鈴風雨蕭條鬼神泣一
彈既罷又一彈珠幢夜靜風珊珊低徊慢弄關山思
坐對燕然秋月寒月寒一聲深殿磬驟彈曲破音繁
併自萬金鈴旋舞玉盤醉客滿船皆暫醒自茲聽後
六七年管兒在洛我朝天遊想慈恩杏園裏夢寐仁
風花樹前去年御史雷東臺公私蹙促顏不開今春
制獄正擿亂晝夜推囚心似灰暫擬歸時尋著作著

作南園花折萼膳脂耀眼桃正紅雪片蒲溪梅已落

是夕青春值三五花枝向月雲含吐著作施餽命管

兒管兒久別今方覩管兒還爲彈六么六么依舊聲

迢迢猿鳴雪岫來三峽鶴喚晴空聞九霄逡巡彈得

六么微霜刀破竹無殘節幽關鴉軋胡馬悲斷絃若

騷層冰裂我爲含淒歎奇絕許作長歌始終說藝奇

思寡塵事多許來寒暑又經過如今左降在閒處始

爲管兒歌此歌歌此歌寄管兒管兒管兒憂爾衰爾

衰之後繼者誰繼之無乃在鐵山鐵山已近曹穆間

二善性靈甚好功猶淺急處未得臻幽閒努力鐵山

才

樂部

卷五十二

五

琵琶

勤學取莫遣後來無所祖

彈大道曲

謝尚爲鎮西將軍常著紫羅襪拂胡
道曲市人不

知是三公也

晉謝尚

青陽二三月柳青桃復紅車馬不相識音落黃埃中

感琵琶絃

馮小憐本齊叔妃周高祖平齊以賜
齊王感而作

詩以寄意焉

北齊馮淑妃

雖蒙今日寵猶憶昔時憐欲知心斷絕應看膝上絃

聽隣人琵琶

唐陳叔達

本是龍門桐因妍入漢宮香緣羅袖裏聲逐朱絃中

雖有相思韻翻將入塞同關山臨却月花蕊散迴風

爲將金谷引添今曲未終

聽琵琶妓彈畧畧

唐白居易中

腕輒撥頭輕新教畧畧成四絃千遍語一曲萬重情
法向師邊得能從意上生莫欺江外手別是一家聲

聽李士良琵琶

唐白居易中

聲似胡兒彈古語愁如塞月恨邊雲閒人暫聽猶眉
斂可使和蕃公主聞

夜聽琵琶

唐羊士諤中

掩抑危絃咽又通朔雲邊月想朦朧當時誰佩將軍
印長使蛾眉怨不窮

樂部

卷五十二

六

琵琶

一曲徘徊星漢稀夜闌幽怨重依依忽似擬金來上
馬南枝栖鳥盡驚飛

劉禪奴彈琵琶歌

唐顧况中

樂府只傳橫吹好琵琶寫出關山道霸鴻出塞繞黃
雲邊馬仰天嘶白草明妃怨中漢使迴蔡琰愁處胡
笳哀神鬼知妙欲收響陰風切切四面來寄書陵寄書
別蘇武自有人生無此苦當時若值霍嫖姚滅盡烏
孫奪公主

代琵琶弟子謝女師曹供奉寄新調弄譜

唐白居易中

琵琶師在九重城忽得書來喜且驚一紙展看非舊
譜四絃翻出是新聲裊裊掩抑嬌多怨散水玲瓏峭
更清珠顆淚霑金捍撥紅妝弟子不勝情新調名

悲善才詩

唐李紳中

穆王夜幸蓬池曲金鑾殿門高秉燭東頭弟子曹善
才琵琶請奏新翻曲翠娥列坐層城女笙歌參差齊
笑語天顏靜聽朱絃彈衆樂寂然無敢舉銜金鳳
當承撥轉腕籠絃促揮霍妹花翻鳳天上來徘徊滿
殿飛春雪抽絃度曲新聲發金鈴玉佩相磋切流罵
子母飛上林仙鶴雌雄唳明月此時奉詔侍金鑾別

樂部

卷五十三

七

琵琶

殿承恩許占看三月曲江春草綠九霄天樂下雲端
紫髯供奉前屈膝盡彈妙曲當春日寒泉注射隴水
開胡鴈翻飛朔天沒日曛塵暗車馬散爲惜新聲有
餘歎明年冠劍閉橋山萬里孤臣投海畔籠禽鍛翮
尚迴飛白首生從五嶺歸聞道善才成朽骨空餘弟
子本宜徽南譙寂寞三春晚有客彈絃獨悽怨靜聽
深奏楚明光憶昔初聞曲江宴心悲不覺淚闌干更
爲調絃反覆彈秋風動搖神女佩月珠敲擊水精盤
自憐淮海同泥滓恨魄凝心未能歿惆悵追懷萬事
空誰聞感慨徒爲爾

和令狐僕射小飲聽阮咸

唐白居易

掩抑復淒清非琴不是箏還彈樂府曲別占阮家名
古調何人識初聞滿座驚落盤珠歷歷搖珮玉琤琤
似勸杯中物如含林下情時移音律改豈是昔時聲

○箏篴

賦樂名得箏篴

梁簡文帝

振遲初挑吹弄急時催舞劍響逐絃鳴衫回半障柱
欲知心不平君看黛眉聚

箏篴引

唐王昌齡

盧一一作溪郡南夜泊舟夜聞兩岸羌戎謳其時月黑

樂部

卷五十二

八阮咸 瑟 篴

援嗽嗽微雨沾衣令人愁有一遷客登高樓不言不
寐彈箏篴彈作薊門桑葉秋風沙颯颯青塚頭將軍
鐵駿汗血流深入匈奴戰未休黃旗一點兵馬收亂
殺胡人積如丘瘡病驅來役邊州仍披漠北羔羊裘
顏色飢枯掩面羞眼暈淚滴深兩眸還思本鄉食糲
牛欲語不得指咽喉或有強壯能咿嚶意說被他邊
將雛五世屬藩漢主留碧毛氍毹河曲遊豪駝五萬
部落稠較賜飛鳳金兜鍪為君百戰如過等靜掃陰
山無鳥投家藏鐵券特承優黃金百斤不稱求九族
分離作楚囚深溪寂寞結苦幽草木悲感聲颼颼僕

木東山為國憂明光殿前論九疇簾讀兵書盡冥搜
為君掌上施權謀洞曉山川無與儔紫宸詔發遠懷
柔搖筆飛霜如奪鉤鬼神不得知其由憐愛蒼生比
蟬蜩朔河屯兵須漸抽盡遣降來拜御溝便令海內
休戈矛何用班超定遠侯史臣書之得已不

李憑箏篴引

唐李賀

吳絲蜀桐張高秋空山凝雲頽不流江娥啼竹素女
愁李憑中國彈箏篴崑山玉碎鳳凰叫芙蓉泣露香
蘭笑十二門前融冷光二十三絲動紫皇女嫺煉石
補天處石破天驚逗秋雨夢入神山教神嫺老魚跳

樂部

卷五十二

九箏 篴

波瘦蛟舞吳質不眠倚桂樹露脚斜飛濕寒兔

○鐘

詠鐘

唐李嶠

既接南陵磬還隨北里笙平陵通曙響長樂徹宵聲
秋至含霜動春歸應律為欲知長待扣金巖有餘清
聽鐘鳴梁書曰綜武帝第二子綜母齊東昏美
人武帝滅齊納之七月而生綜綜自以
本東昏子在魏乃與數騎奔魏以為侍中太
王蕭寶融在魏乃與數騎奔魏以為侍中太
尉綜既不得志嘗作聽鐘
鳴悲落葉辭以申其志北魏蕭綜
聽鐘鳴當知在帝城參差定難數歷亂百愁生去聲
懸窈窕來響急徘徊誰憐傳漏子辛苦建章臺

聽鐘鳴聽聽非一所懷瑾握瑜空擲去攀松折桂誰
相許昔朋舊愛各東西譬如落葉不更齊漂漂孤鴈
何所栖依依別鶴夜半啼

聽鐘鳴聽此何窮極二十有餘年淹留在京域窺明

鏡罷容色雲悲海思徒揜抑

落月東窓見曉星露濕未分明鳥啼啞已流
聲驚客思動客情客思驚蟬橫關關何所栖依
依別鶴半夜啼今歲行已暮雨雪向凄妻飛蓬且夕
起揚柳尚翻低氣鬱結涕洟思無所託強作聽
歌鐘

山夜聽鐘

唐張說初

夜卧聞夜鐘夜靜山更響霜風吹寒月窗窸虛中上

樂部

卷五十一

十一

前聲既春容後聲復見盪聽之如可見尋之定無像
信知本際空徒挂生滅想

寒夜聞霜鐘

唐鄭網中

霜鐘初應律寂寂出重林拂水宜清聽凌空散迴音
春容時未歇搖曳夜方深月下和虛籟風前聞達砧
靜兼寒漏徹聞逐曙更侵遙想千山外冷冷何處尋

寒夜聞霜鐘

唐盧景亮中

洪鐘發長夜清響出層岑暗入繁霜切遙傳古寺深
何城亂達漏幾處雜疎砧已警離人夢仍知旅客襟
待時當命侶抱器本無心倘若無知者誰能設此音

寒夜聞霜鐘

唐

渺渺飛霜夜寥寥遠岫鐘出雲疑斷續入戶乍春容
度枕頻驚夢隨風幾韻松悠揚來不見杳靄去何從
髮髯煙嵐隔依稀巖嶠重無聊須一聽餘響繞千峰

曉聞長樂鐘聲

唐

漢苑鐘聲早泰郊曙色分霜凌萬戶徹風散一城聞
已啓蓬萊殿初朝鴛鴦羣虛心方應物大扣欲干雲
近雜鷄人唱新傳鳧氏文能令翰苑客流聽思氣氤

遠寺鐘

唐李嘉祐中

疎鐘何處來度竹兼拂水漸逐微風聲依依猶在耳

樂部

卷五十二

十一

遠寺鐘

唐司空曙中

杳杳疎鐘發月風清後引中宵獨聽之似與東林近

煙際鐘

唐韋應物中

隱隱起何處迢迢送落暉蒼茫隨思遠蕭散逐一作
煙微秋野寂云一作晦望山僧獨歸

鼓

唐李嶠初

舜日諧鼓響堯年韻土聲向樓疑吹擊震谷似雷驚

山鶴排門起靈龜帶水鳴樂云行已奏禮曰冀相成

官街鼓

唐李賀中

曉聲隆隆催轉日暮聲隆隆呼月出漢城黃柳映新
簾柏陵飛燕埋香骨礎發千年日長白孝武秦王聽
不得從君翠髮蘆花色獨共南山守中國幾迴天上
奠神僊漏聲相將無斷續

聽鼓

唐李商隱晚

城頭疊鼓聲城下暮江清欲問漁陽慘時無禰正平

書鼓

孫抱爲延陵縣吏調之抱了無故人情爽
出縣閣下取筆書鼓以抱形體肥帶十圍
之

梁高爽

徒有八尺圍腹無一寸腸面皮如許厚受打未詎央

詠鞞應詔

鞞一作鞞
騎上鼓

梁蕭琛

樂部

卷五十二

十三 鼓 鳴 嘒 嘒

抑揚口雅舞擊享逗和音却馬旣云在將帥止思心

鞞鼓行

唐元稹中

淮海生雲暮慘澹廣陵城頭鞞鼓暗寒聲坎坎風動
邊忽似孤城萬里絕四望無人煙又如虜騎截遼水
胡馬不食仰朔天座中亦有燕趙士聞鞞不語客心
死何況鰥孤火絕無晨炊獨婦夜泣官有期

○笙

詠笙

梁沈約

彼美實枯枝孤篠定參差鷓鴣已咽嘶素下復林離
本期王子宴寧待洛濱吹

詠笙

梁陸罩

管清羅袖拂響合絳唇吹含情應節轉逸態逐聲移
所美周王子弄羽一參差

詠笙

唐楊希道初

短長插鳳翼洪細羣鸞音能令楚妃歎復使荆王吟
切切孤竹管來應雲和琴

詠笙

唐李嶠初

懸匏曲沃上孤篠汶陽隈形寫歌鸞翼聲隨舞鳳哀
歡娛分北里純孝即南陔今日虞音奏踰踰鳥獸來

鳳笙曲

梁武帝

樂部

卷五十二

十三 笙

綠耀冠碧彤瑤笙朱唇玉指學鳳鳴流速參差飛且
停飛且停在鳳樓弄嬌響聞清謳

鳳笙曲

唐沈佺期初

憶昔王子晉鳳笙遊雲空揮手弄白日安能戀青宮
豈無嬋娟子結念羅帷中憐壽不貴色身世兩無窮

鳳笙曲

唐李白盛

仙人十五愛吹笙學得崑丘彩鳳鳴始聞煉氣餐金
液復道朝天赴玉京玉京迢迢幾千里鳳笙去去無
窮已欲歎離聲發絳唇更嗟別調流纖指此時惜別
詎堪聞此地相看未忍分重吟真曲和清吹却奏仙

歌響綠雲綠雲紫氣滿函關訪道因尋緱氏山莫學
吹笙王子晉一遇浮丘斷不還

嵩嶽聞笙

唐劉希夷 初

月出嵩山東月明山益空山人愛清景散髮卧秋風
風止夜何清獨夜草蟲鳴仙人不可見乘月近吹笙
絳唇吸靈氣玉指調真聲真聲是何曲三山鸞鶴情
昔去落塵俗願言聞此曲今來卧嵩岑何幸承幽音
神仙樂吾事笙歌銘夙心

秋夜安國觀聞笙

唐劉禹錫 中

織女分明銀漢秋桂枝梧葉共颼颼月露滿庭人寂
樂部 卷五十二 十四 笙

寂寞裳一曲在高樓

聽隣家吹笙

唐郎士元 中

鳳吹聲如隔綵霞不知牆外是誰家重門深鎖無尋
處疑有碧桃千萬花

緱山月夜聞王子晉吹笙

唐張仲素 中

王子千年後笙音五夜聞逶迤清洛斷續下仙雲
泄泄飄難定啾啾曲未分松風助幽律波月動輕文
鳳管聽何遠鸞聲若在群暗空思羽蓋餘韻自氛氲

緱山月夜聞王子晉吹笙

唐厲玄 晚

緱山明月夜岑寂隔塵氛紫府參差曲清宵次第聞

韻流多入洞聲度半和雲拂竹簾鸞侶經松鶴舞群
蟾光聽處合仙路望中分坐惜千曲曙遺音過汝墳

緱山月夜聞王子晉吹笙

唐鍾輅 晚

月滿緱山夜風傳子晉笙初聞盈谷遠漸聽入雲清
杳異人間曲遙分鶴上情孤鸞驚欲舞萬籟寂無聲
此夕畱煙駕何時返玉京唯愁音響絕曉色出都城

銀河吹笙

唐李商隱 晚

悵望銀河吹玉笙樓寒院冷接平明重衾幽夢他年
斷別樹羈雌昨夜驚月榭故香因雨發風簾殘燭隔
霜清不須浪作緱山意湘瑟秦簫自有情

樂部

卷五十二

十五 笙

寶嬰州見寄寒食日憶故姬小紅吹笙因和之

唐劉禹錫 中

鸞聲窈窕管參差清韻初調衆樂隨幽院妝成花下
弄高樓月好夜吹時忽驚暮雨飄零盡唯有朝雲夢
想期聞道今年寒食日東山舊路獨行遲

○簫

詠簫

梁劉孝儀

危聲合鼓吹絕弄混笙篴管僥知氣促欵動覺唇移
蕭一作史安爲貴能令秦女隨

詠簫

唐李嶠 初

虞舜調清管王褒賦雅音參差橫鳳翼搜索動人心

短簫

梁張嶷

促柱絃始繁短簫吹初亮舞袖拂長席鐘音由簾颺
已落簾尾間復繞梁塵上時屬清其陰恩暉亦非望

簫史曲

宋鮑照

簫史愛長一作年羸女一作羸童顏火粒願排棄霞霧好
登攀龍飛竟一作逸天路鳳起出秦關身去長不返簫

聲時往還

簫史曲

齊張融

引響猶天外吟聲似地中戴勝噪落景龍歌清霄風

簫史曲

陳江總

弄玉秦家女簫史仙處童來時兔月滿去後鳳樓空
密笑開還斂浮聲咽更通相期紅粉色飛向紫煙中

鳳簫曲

唐沈佺期初

八月涼風動高閣千金麗人捲綃幕已令池上歌芳
菲不念君恩坐搖落世上榮華如轉蓬朝隨阨陌暮
雲中飛燕待寢昭陽殿班姬飲恨長信宮長信宮昭
陽殿春來歌舞妾自知秋至榮華君不見昔時羸女
厭世氛學吹鳳簫乘絲雲含情轉盼向簫史千載紅
顏持贈君

○笛 荒附

詠笛

梁武帝

柯亭有奇竹含情復抑揚妙聲發玉指龍音響鳳皇

賦得笛

隋姚察

作曲是佳人製名由巧匠鵲絃時莫並鳳管還相向
隨歌響更發逐舞聲彌亮宛轉度雲際逶迤出黼帳
長隨畫堂裏承恩無所讓

詠笛

唐劉孝孫初

涼秋夜笛鳴流風韻九成調高時慷慨曲變或淒清
征客懷離緒鄰人思舊情辛以知音顧千載有奇聲

詠笛

唐李嶠初

羌笛寫餘聲長吟入夜清關山孤月下來向隴頭鳴
逐吹梅花落含春柳色驚行觀向子賦坐憶舊隣情

賦得長笛吐清氣

魏文帝善鼓行曰悲絃激新聲長笛吐清氣

陳周弘讓

商聲傳後出龍吟鬱前吐情斷山陽舍氣咽平陽塢
胡騎爭北歸偏知別鄉苦羈旅情易傷零淚如交雨

賦得長笛吐清氣

陳賀微

胡關氛霧侵羌笛吐清音韻切山陽曲聲悲隴上吟
柳折城邊樹梅舒嶺外林方知出塞虜不憚武溪深

龍笛曲

梁武帝

美人綈眇在雲堂雕金鏤竹眠玉牀
婉愛寥亮繞紅梁繞紅梁流月臺
駐狂風鬱徘徊

秋笛

唐杜甫

清商欲盡奏苦血沾衣他日傷心極
征人白骨歸相逢恐恨過故作發聲微
不見秋雲動悲風稍稍飛

寄珉笛與宇文舍人

唐杜牧

調高銀字聲還側物比柯亭韻校奇
寄與玉人天上去年桓將軍見不教吹

寄澧州張舍人笛

唐杜牧

樂部

卷五十二

十八

髮勺肉好生春嶺截玉璫星寄使君
柳的淅時痕半月落梅飄處響穿雲
樓中威鳳傾冠聽沙上驚鴻掠水分
遙想紫泥封詔罷夜深應隔禁牆聞

武昌老人說笛歌

唐劉禹錫

武昌老人七十餘手把庾令相問書
自言少小學吹笛早事曹王曾賞激
往來鎮戍到蘄州楚山蕭蕭笛竹秋
當時賁材恣搜索典却身上烏貂裘
古苔蒼蒼封老節石上孤生飽風雪
商聲五音隨指發水中龍應行雲絕
曾將黃鶴樓上吹一聲占盡秋江月
如今老去語尤遲音韻高低耳不知
氣力雖微心尚在時

時一曲夢中吹

吹笛

唐杜甫

吹笛秋山風月清誰家巧作斷腸聲
風飄律呂和切月傍關山幾處明
胡騎中宵堪北走武陵一曲想南征
故園楊柳今搖落何得愁中却盡生

和王七度玉門關上吹笛

唐高適

胡人吹笛戍樓間樓上蕭條海月閒
借問落梅凡幾曲從風一夜滿關山

觀胡人吹笛

唐李白

胡人吹玉笛一半是秦聲十月吳山
曉梅花落敬亭

樂部

卷五十三

十九

愁聞出塞曲淚滿逐臣纓却望長安
道空懷戀主情金陵聽韓侍御吹笛

唐李白

韓公吹玉笛側傍留英音風吹繞鍾山
萬壑皆龍吟王子停鳳管師襄掩瑤琴
餘韻渡江去天涯安可尋

與史郎中聽黃鶴樓上吹笛

唐李白

一為遷客去長沙西望長安不見家
黃鶴樓中吹玉笛江城五月落梅花

聞笛

唐張巡

笛是試一臨房騎附城陰不辨風塵色
安知天地心月邊月近戰苦陣雲深
旦夕更樓上遙聞橫笛音

江中聞笛

唐王昌齡

橫笛怨江月，扁舟何處尋。聲長楚山外，曲繞胡關深。
相去萬餘里，遙傳此夜心。寥寥浦溆寒，響盡唯幽林。
不知誰家子，復奏邯鄲音。水客背擁棹，空霜遂盈襟。
羸馬望北走，遷人悲越吟。何當邊草白，旌節隴頭陰。

剡溪館聞笛

唐丁仙芝

夜久聞羌笛，寥寥虛客堂。山空響不散，溪靜曲宜長。
草木生邊氣，城池汎夕涼。虛然異風山，彷彿宿平陽。

秋夜聞笛

唐岑參

天門街西聞掃帚，一夜愁殺湘南客。長安城中百萬人，

樂部

卷五十一

十一

家不知何人夜吹笛

青溪半夜聞笛

唐李白

羌笛梅花引，吳溪隴水清。寒山秋浦月，斷腸玉關聲。

春夜洛陽聞笛

唐李白

誰家玉笛暗飛聲，散入春風滿洛城。此夜曲中聞折柳，何人不起故園情。

聞笛

唐成昱

入夜思歸切，笛聲清更哀。愁人不願聽，白到枕邊來。
風起塞雲斷，夜深關月開。平明獨惆悵，飛盡一庭梅。

野次聽元昌奏橫笛

唐韋應物

立馬蓮塘吹橫笛，微風動柳水生波。非人聽罷淚將落，南朝曲中怨更多。

春夜聞笛

唐李益

寒山吹笛喚春歸，遷客相看有淚垂。一夜無窮鴈不待，天明盡北飛。

舟中月明夜聞笛

唐于鵠

浦裏移舟候信風，蘆花漠漠夜江空。更深何處人吹笛，疑是龍吟寒水中。

胡兒吹笛

原作龍吟

唐李賀

繫髮胡兒眼睛綠，高樓夜靜吹橫竹。一聲似向天上

樂部

卷五十一

十一

來月下，美人望鄉哭。直排七點星，藏指暗合清風調。
宮徵蜀道秋深雲，蒲林湘江半夜龍驚起。玉堂美人邊塞情，碧牕皓月愁中聽。寒砧能擣百尺練，粉淚凝珠滴紅線。胡兒莫作隴頭吟，隔牕暗結愁人心。

江樓月夜聞笛

唐劉滄

南浦蒹葭疎雨後，寂寥橫笛怨江樓。思飄明月浪花白，聲入碧雲楓葉秋。河漢夜闌孤鴈度，瀟湘水闊二妃愁。髮寒衣濕曲初罷，露色河光生釣舟。

聽江笛送陸侍御

唐韋應物

遠聽江上笛，臨觴一送君。還愁獨宿夜，更向郡齋聞。

聽笛歌留別鄭協律

唐劉長卿

舊遊憐我長沙謫載酒沙頭送遷客天涯月自沾
衣江上何人復吹笛橫笛能令孤客愁冰波淡淡如
不流商聲寥亮羽聲苦江天寂歷江楓秋靜聽關山
聞一叫三湘月色悲猿嘯又吹楊柳激繁音千里春
色傷人心隨風飄向何處落唯見曲盡平湖深明發
與君離別後馬上一聲堪白首

楚竹吟

酬盧虔端公
見和湘夜怨

唐孟郊

握中有新聲楚竹人未聞識音者謂誰清一作夜吹
贈君昔爲滿湘引曾動瀟湘雲一驚鳳改聽再驚鶴

樂部

卷五十二

三

失一作群江花匪秋落山日當晝曛衆濁響雜香孤

清思氛風欲知怨有一作形願向明月分一掬靈均
淚千年湘水文

詠荒

梁沈約

江南簾管地妙響發孫枝殷勤寄玉指含情舉復垂
雕梁冉三繞輕塵四五移曲中有深意丹誠君記知

○胡笳

胡笳

唐鄭嵎

漢將留邊朔遙遙歲序深誰堪牧馬思正是胡笳吟
曲斷關山月聲悲雨雪陰傳書向蘇武陵也獨何心

胡笳曲

宋吳邁遠

輕命重意氣古來豈但今緩頰獻一說揚眉受千金
邊風落寒草鳴笳墜飛禽越情結楚思漢耳聽胡音
既懷離俗傷復悲朝光侵日當故鄉沒遙見浮雲陰

胡笳曲

唐王昌齡

城南虜已合一夜幾重圍自有金笳引能霑出塞衣
聽臨關月苦清入海風微三秦高樓晚胡人掩淚歸

胡笳曲

唐王貞白

隴底悲笳動隴頭鳴非風一輪露月落萬里塞天空
戍卒淚應盡胡兒哭未終爭教班定遠不念玉關中

樂部

卷五十二

三

碧笳曲

唐溫庭筠

胡管迎秋動離音鴈來早上郡隱黃雲天山吹白草
嘶馬悲寒磧朝陽照霜堡江南戍客心門外芙蓉老

邊上聞胡笳

唐杜牧

何處吹笳薄暮天塞垣高鳥沒狼煙遊人一聽頭堪
白蘇武爭禁十九年

胡笳歌送顏真卿使赴河隴

唐岑參

君不見胡笳聲最悲紫綉綠眼胡人吹吹之一曲猶
未了愁殺樓蘭征戍兒涼秋八月驚關道北風吹斷
天山草崑崙山南月欲斜胡人向月吹胡笳胡笳怨

兮將送君秦山遙望隴山雲邊城夜夜多愁夢胡笳誰喜聞

○感策

小童薛陽陶吹感策歌

唐白居易

蕭蕭乾蘆掃寒竹九孔漏聲五音足近來吹者誰得名
蕭蕭老歟李衮生衮今又老誰其嗣薛氏樂童年
十二指點之下師授聲含嚼之間天與氣潤州城高
霜月明吟霜思月欲發聲山頭江底何悄悄猿鳥不
喘魚龍聽翕然聲作疑管裂曲然聲盡疑刀截有時
婉軟無筋骨有時顛挫生稜節急聲圓轉促不斷

樂部

卷五十一

三

感策

樂麟麟似珠貫緩聲展引長有條有條直如筆描
下聲乍墜石沈重高聲忽舉雲飄蕭明旦公堂陳宴
席主人命樂娛賓客碎絲細竹徒紛紛宮調一聲雄
出群衆音颺縷不落道有如部伍隨將軍嗟爾陽陶
方稚齒下手發聲已如此若教頭自吹不休但恐聲
名壓關李

李相妓人吹感策歌

唐溫庭筠

蠟煙如繭新蟾清門外平沙草芽短黑頭丞相九天
歸夜聽飛瓊吹朔管情遠氣調蘭蕙熏天香瑞彩含
網繡皓然纖指都揭面日暖碧霄無片雲含商咀徵

雙幽咽軟殺疎羅共蕭瑟不盡長圓鼎翠愁柳風吹
破澄潭月鳴梭浙瀝金絲縈恨語殷勤墮水漢將
營前萬里沙更深一一霜鴻起十二樓前花正繁交
枝簇蕭連壁門景陽宮女正愁絕莫被此聲摧斷

申胡子感策歌

唐李賀

申胡子朔客之蒼頭也朔客李氏本亦世家子得
祀江夏王廟當年踐履失序遂奉官北郡自稱學
長調短調久未知名今年四月吾與對舍于長安
崇義里遂將衣質酒命子合飲氣熱杯闌因謂吾
曰李長吉爾徒能長調不能作五字歌詩真強迴

樂部

卷五十一

二

感策

筆端與陶謝詩勢相連幾里吾對後請撰申胡子
感策歌以五字斷句歌成左右人合譟相唱朔客
大喜擎觴起立命花娘出幕徘徊拜客吾問所宜
稱善平弄於是以致辭配聲與余為壽

顏熱感君酒含嚼蘆中聲花娘纂綏妥休睡芙蓉屏
誰截太平管列點排空星直貫開花風天上驅雲行
今夕歲華落令人惜平生心事如波濤中坐時時驚
朔客騎白馬劍把懸蘭縷俊健如生孫官拾蓬中螢

夜聞感策

唐杜甫

夜聞感策滄江上衰年側耳情所嚮鄰舟一聽多感

傷寒曲三更歎悲壯積雪飛霜此夜寒孤燈無伴
風滿君知天地干戈滿不見江湖行路難

○管

春晚太平公主小樓聞雙管 唐沈佺期

主家天上鳳樓人傳得仙音到客新未省落梅和折
柳風吹散作萬家春

樓中間清管

唐韋應物

山陽道韻在林端橫吹驚響迴迴高閣曲怨繞秋城
漸瀝危葉振蕭瑟涼氣生始過茲管骨已懷故園情
夜上受降城聞管

唐李益

樂部

卷五十一

王

回樂峰前沙似雪受降城上月如霜不知何處吹蘆
管一夜征人盡望鄉

相里使君宅聽惠澄上人吹小管

唐張維中

秦僧吹竹閉秋城早在梨園稱主情今夕襄陽山太
守坐中流淚聽商聲

黃筍調嘯引

唐李賀

請說軒轅在時事伶倫采竹二十四伶倫采之白崑
丘軒轅詔遣中分作十二伶倫以之正音律軒轅以
之調元氣當時黃帝上天時二十三管成韻隨唯聞

一管人間吹無德不能得此管此管沈埋虞舜祠

江宿聞蘆管

商船小
重善吹

唐鄭谷

塞曲淒清楚水濱聲聲吹出落梅春須知風月千樯
下亦有胡蘆河畔人

○磬

慈恩寺石磬歌

唐盧綸

靈山石磬生海西海濤平處與天齊長眉老僧同佛
力呪使蛟人往求得珠穴沈成綠浪痕天衣拂盡蒼
苔色星漢徘徊山有風禪翁靜扣月明中群仙下雲
龍出水鸞鶴交飛半空裏城精木魅不可聽落葉秋

樂部

卷五十一

二七

砧一時起花宮杳杳響冷冷無數沙門昏睡醒古廊
燈下見行道疎林池邊聞誦經徒壯洪鐘祕高閣萬
金費盡工雕鑿豈如全質挂青松數葉殘雲一片峰
吾師寶之壽中國願同劫石無終極

泗濱得石磬

唐李建勳

浮磬潛清深依依呈碧潯出水見貞質在縣含玉音
對此喜還歎幾秋還到今器古契良覲韻和諧宿心
何爲值明鑒適得離幽沈自茲入清廟無復泥沙浸
終南精舍月中聞磬

唐獨孤申叔

精廬凝夜景天宇滅埃氛幽磬此時擊餘音幾處聞

去支策月中分斷絕如殘漏淒清不隔雲
翳人方罷夢獨鴈忽迷羣響盡河漢落千山

終南精舍月中聞磬

唐呂溫中

月峯禪室掩幽磬靜昏氛思入空門妙聲從覺路聞
泠泠滿虛壑杳杳出寒雲天籟疑難辨霜鐘詎可分
偶來遊法界便欲謝人羣竟夕聽真響塵心自解紛

范成君擊銅磬

唐范傳正中

歷歷聞金奏微微下玉京為祥家譏久偏識洞陰名
澹佇人間聽鏗鏘古曲成何須百獸舞自暢九人情
注目看無見畱心記未精雲霄如可托借鶴向層城

樂部

卷五十一

二八

笙磬同音

唐

笙磬聞何處淒淒宛在東激揚音自徹高下曲宜同
歷歷俱盈耳泠泠遠散空獸因繁奏舞人感至和通
詎問洪纖韻能齊搏拊功四懸今盡美一聽辨移風

○角

曉角

唐方干晚

曉角吹殘月寒聲發戍樓立霜嘶馬怨攢積泣兵愁
燕鴈鳴雲畔胡臥吟草頭罷聞三會後天迴曉星流

賦得邊城角

唐白居易中

邊角兩三枝霜天隴上見望鄉相並立向月一時吹

戰馬頭皆舉征人手盡垂鳴鳴三奏罷城上展旌旗

聽鳴角

唐李益中

繁霜一葉落庭蕪吹角當城漢月孤無限塞鴻飛不
度秋風卷入小單于

晚泊潤州聞角

唐李涉中

孤城吹角水茫茫風引胡笳怨思長驚起暮天沙上
鴈海門斜去兩三行

聞角

唐杜牧

曉樓煙檻出雲霄景下林塘已寂寥城角為秋悲更
達護霜雲破海邊遙

樂部

卷五十二

二九

聞角

唐章孝標晚

邊秋蕭蕭角怨金微半夜對吹驚賊圍塞鴈遶空秋不
下胡雲暮草東還飛關頭老馬嘶看月積裏疲兵淚
濕衣餘韻媚空何處盡戍天寥落曉星稀

○拍板

詠拍板

唐朱灣中

赴節心常在從繩道可觀須知片木用莫向散材看
空為歌偏苦仍愁和節難既能親掌誓願得接日於

詩集類函卷五十二

詩雋類函卷五十三

東吳俞安期彙纂 宣城梅鼎祚增定

金壇王懋鯤訂校

文學部一

經 講書 著書附 讀書 鈔書 借書 校書附 史

○經

經

唐李嶠

漢室鴻儒盛鄉堂大義明五千道德闡三百禮儀成
青紫方拾芥黃金徒滿籬誰知懷逸辯重席冠群英

太學創置石經

唐馮涯

聖唐復古制德義功無替與旨悅詩書遺文分篆隸

文學

卷五十三

一

銀鉤互交映石壁靡塵翳永與乾坤期不逐日月逝
儒林道益廣學者心彌銳從此理化成恩光遍遐裔

孝經詩

二章○春秋正義曰傳成七經詩王義之曰然今所存者六經耳

晉傅咸

立身行道始于事親上下無怨不惡於人一作不孝
無終始不離其身三者備矣以臨其民

以孝事君不離令名進思盡忠義則不爭匡救其惡
災害不生孝悌之至通于神明

論語詩

二章

晉傅咸

守死善道磨而不磷直哉史魚可謂大臣見危受命

能致其身

克已復禮學優則仕富貴在天為仁由己以道事君
死而後已

毛詩詩

二章

晉傅咸

無將大車維塵冥冥濟濟多士文王以寧顯允君子
大猷是經

聿修厥德令終有攸勉爾遐思我言維服盜言孔甘
其何能淑讒人罔極有視面目

周易詩

晉傅咸

卑以自牧謙尊而光進德修業既有典常暉光日新

文學

卷五十三

二

經

照于四方小人勿用君子道長

周官詩

二章

晉傅咸

惟王建國一作設官分職進賢興功取諸時文易直
除其不蠲無敢反側以德詔爵九臻其極

辨其可任以告于正掌其戒禁治其政令各修乃職
以聽王命

左傳詩

前四首藝文類聚各分二章此首藝文不載以例考之亦當爾也

晉傅咸

事君之禮敢不盡情敬奉德義樹之風聲昭德塞違
不殞其名然而利國以為已榮茲心不爽忠而能力

不為利啗古之遺直威黜不端勿使能植

賦尚書

唐太宗

崇文時駐步東觀還停輦輟膳玩三墳暉燈披五典
寒心覩肉林飛鳧看沈酒縱情昏主多克已明君鮮
滅身資累惡成名由積善既承百王末戰兢隨歲轉

賦禮記

唐李百藥

玉帛資王會郊丘協聖情重廣開環堵至道軼金籙
盤薄依厚地逢裔騰太清方悅升中禮足以慰餘生

○講書

著書附

諸人共講老子

晉湛方生

文學

卷五十三

三 講書

吾生幸凝湛智浪紛競結流宕失真宗遂之弱喪轍
雖欲返故鄉埋翳歸途絕滌除非玄風垢心焉能歇
大矣五千鳴特為道喪設鑒之誠水鏡塵穢皆朗徹

於賈謐坐講漢書

晉潘岳

治道在儒弘儒由人顯允魯侯文質彬彬筆下摘藻
席上敷珍前疑惟辨舊史惟新惟新爾史既辨爾疑
延我寮友講此微辭

講易

宋鮑照

雲澤翔羽姬橫蓋招益人賁園無金尚履道易書紳

命學士講書

宋謝靈運

卧病同淮陽宰邑曠武城弦歌愧言子清淨謝伏生
古人不可攀何以報恩榮時往歲易周華來政無成
曾是展余心招學講羣經鑠金既云刃凝土亦能鉤
望爾志尚隆達嗣竹箭聲敢謂荀氏訓且布一作蘭
陵情待罪豈久期禮樂俟賢明

厲吏人講學

梁任昉

暮燭迫西榆將落誠南畝曰余本疎惰顏暮積榆柳
踐境涓師臣臨政欽益友盱食願橫經終朝思擁帚
雖欣辨蘭艾何用闢蒿莠

贈別殷山人說易後歸幽墅

唐孟郊

文學

卷五十三

四

夫子說天地若與靈龜言幽幽人不知一一予所敦
秋月吐白夜涼風韻清源旁通忽已達神感寂不喧
一悟祛萬結夕懷傾朝煩旅輶無停波別馬嘶去轅
殷勤荒草士會有知己論

撰孔子正言竟述懷詩

隋志孔子正言二
十卷梁武帝撰

梁武帝

志學耻傳習弱冠闕師友愛悅夫子道正言思善誘
刪次起實沈殺青在建西孤陋乏多聞獨學少擊叩
仲冬寒氣嚴霜風折細柳白水凝澗溪黃落散堆阜
康哉信股肱惟聖歸元首獨歎予一人端然無四友

○讀書 觀書附

齋中讀書

宋謝靈運

昔予遊京華未嘗廢丘壑矧乃歸山川心跡雙寂寞
虛館絕譚訟空庭來鳥雀卧疾豐暇豫翰墨時閒作
懷抱觀古今寢食展戲謔既笑沮溺苦又哂子雲閣
執戟亦以疲耕稼豈云樂萬事難並歡達生幸可托

讀書

宋謝惠連

賁園奚足慕下帷故宜遵山成由一簣崇積始微塵
虞軒雖渺芥顏限亦何人

和劉七讀書

唐錢起

文學

卷五十三

五

夜雨深館靜苦心黃卷前雲陰留墨沼螢影傍華編
夢鳥富青藻通經仍妙年何愁丹穴鳳不飲玉池泉

讀書

唐柳宗元

幽沈謝世事倏默窺唐虞上下觀古今起伏千萬途
遇欣或自笑感戚亦以吁縹帙各舒散前後互相逾
瘴痾擾靈府日與往昔殊臨文乍了了徹卷元若無
竟夕誰與言但與竹素俱倦極更倒卧熟寐乃一蘇
欠伸展支體吟詠心自愉得意適其適非願為世儒
道蓋即閉口蕭散捐囚拘巧者為我拙智者為我愚
書史足自悅安用勤與劬貴爾六尺軀勿為名所驅

縣齋讀書

唐韓愈

出宰山水縣讀書松桂林蕭條捐末事邂逅得初心
哀吟醒俗耳清泉潔塵襟詩成有共賦酒熟無孤斟
青竹時默釣白雲日幽尋南方本多毒北客恒懼侵
謫譴甘自守滯留愧難任投章類編帶佇答逾兼金

讀山海經十三首

晉陶潛

孟夏草木長遶屋樹扶疎眾鳥欣有託吾亦愛吾廬
既耕亦已種時還讀我書窮巷隔深轍頗迴故人車
歡言然一作酌春酒摘我園中蔬微雨從東來好風與
之俱汎覽周王傳流觀山海圖俯仰終宇宙不樂復

文學

卷五十三

六

何如

二

玉臺凌霞秀王母怡妙顏天地共俱生不知幾何年
靈化無窮已館宇非一山高酣發新謠寧向俗中言

三

迢遞槐江嶺是謂玄圃丘西南望崑墟光氣難與儔
亭亭明玕照落落清瑤流恨不及周穆託乘一來遊

四

丹木生何許乃在峯山陽黃花復朱實食之壽命
長白玉凝素液瑾瑜發奇光豈伊君子寶見重我軒

黃

五

翩翩三青鳥毛色奇可憐朝為王母使暮歸三危山
我欲因此鳥具向王母言在世無所須惟酒與長年

一作惟願
此年長

六

逍遙蕪阜上杳然望扶木洪柯百萬尋森散覆陽谷
靈人侍丹池朝朝為日浴神景一登天何幽不見燭

七

粲粲三珠樹寄生赤水陰亭亭凌風桂八幹共成林

文學

卷五十三

七

藏書

靈鳳撫雲舞神鸞調玉音雖非世上寶爰得王母心

八

自古皆有沒何人得靈長不歿復不老萬歲如平常
赤泉給我飲員丘足我糧方與三辰遊壽考豈渠央

九

夸父誕宏志乃與日競走俱至虞淵下似若無勝負
神力既殊妙傾河焉足有餘迹寄鄧林功竟在身後

十

精衛銜微木將以填滄海荆天舞干戚猛志故常在
回物既無慮化去不復悔徒設在昔心良晨詎可待

十一

巨猾肆威暴欽馭違帝旨竄竄上音軌強能變祖江
遂獨攸明明上天鑒為惡不可履長枯固已劇鷄鶡
豈足恃

十二

鵲鵲見城邑其國有放士念彼懷王世當時數來止
青丘有奇鳥自言獨見爾本為迷者生不以喻君子

十三

巖巖顯朝市帝者慎用才何以廢共鯀重華為之來
仲父獻誠言姜公乃見猜臨沒告飢渴當復何及哉

文學

卷五十三

八

藏書

讀莊子

唐白居易中

去國辭家謫異方中心自怪少憂傷為尋莊子知歸
處認得無何是本鄉

送王正字山寺讀書

唐李嘉祐中

欲究先儒教還過支遁居山階開聽法竹徑獨看書
向日荷新卷迎秋柳半疎風流有佳句不似帶經鋤

澧水送鄭豐之鄂縣讀書

唐皇甫冉中

麥秋中夏涼風起送君西郊及澧水孤煙遠樹動離
心隔岸江流若千里早年江海謝浮名此路雲山慙
爾情上古全經皆在口秦人如見濟南生

送諸葛覺往隨州讀書

唐韓愈

鄴侯家多書插架三萬軸一一懸牙籤新若手未觸
爲人強記覽過眼一再讀偉哉群聖文磊落載其腹
行年餘五十出守數已六京邑有舊廬不容久食宿
臺閣多官員無地寄一足我雖官在朝氣勢日局縮
屢爲丞相言雖退不見錄送行過滹水東望不轉目
今子從之遊學問得所欲入海觀龍魚矯翮逐黃鵠
勉爲新詩章月寄三四幅

和劉明府觀湘東王詩

梁庾肩吾

陳王擅書府河間富典墳五車方累篋七閣自連雲

文學

卷五十三

九

詩書

松輶

芳帙氣柏燠

起厨文羽陵青簡出

泉綠字分方因接遊聖暫得奉朝聞峯樓霞早發林

殿日先曠洛城復接限歸軒畏後羣

○鈔書

借書 校書附

鈔衆書應司徒教

齊王融

說禮固多才悖詩信爲善嚴笥發仙華金滕開碧篆

和竟陵王鈔書

梁沈約

教微因弛轡維峻屬貞期義乖良未達斯文煥在茲
超河綜絕禮冠楚綴淪詩披滕辨蠹冊酌醴訪深疑
澄流黜往性泛畧引前滋漢書合遺篆名山多逸詞

綠編方委閣素簡日盈輜公幸參鸞鷟比秀而瓊芝
挹沅旣知廣復道還自嗤

借劉大常說文

陳江總

劉棻慕子雲許慎詢景伯碩學該蟲篆奇文秀鳥跡
曰予徒下帷待問垂重席不詣王充市聊投班玩籍
三寫徧鑽研六書多補益幽居服藥餌山宇生虛白
留連嗣芳杜曠蕩依泉石夫君愛滿堂願言馳下澤
預麟趾殿校書和劉儀同 北周庾信

止戈興禮樂修文盛典謨壁開金石篆河浮雲霧圖
芸香上延閣碑石向鴻都誦書徵博士明經拜大夫

文學

卷五十三

十

詩書借書校書

壁池寒水落學市舊槐疎高譚變白馬雄辯塞飛狐
月落將軍樹風驚御史烏子雲猶汗簡溫舒正削蒲
連雲雖有閣終欲想江湖

○史

詠司馬彪續漢志

唐太宗

三儀初創一作象三才乃分位非惟樹司牧固亦垂
文字綿代更膺期芳圖無輟記炎漢承君道英謨纂
神器潛龍旣可躍一作免奚難致前史殫妙詞後
昆沈雅思書言揚盛跡補闕興洪志川谷猶舊途郡
國開新意梅山未覺朽穀水誰云異車服隨名表文

物因時置鳳戟翼康衢鸞衛總系轡清濁必能澄洪
纖幸無棄觀儀不失序遵禮方由事政宣竹律和時
平玉條備文囿雕奇彩藝門蘊深致雲飛星共流風
揚月兼至類禋遵今典壇遺資良地五勝竟無違百
司誠有庇學承暇景談叢引泉祕討論窮義府看
覈披經笥大辨良難仰小學終先置聞道諒知榮含
毫孰忘愧帝嘗作官體詩使虞世南賡和世南曰聖
臣恐此詩一傳天下風靡不敢奉詔帝曰朕試卿爾
世南曰後帝讀司馬彪漢志作詩一篇述古與亡既
而歎曰鍾子期死伯牙不復鼓琴朕此詩
何所示耶教諸遂良即世南靈坐焚之

賦西漢

唐魏徵初

文學

卷五十三

十一 史

受降臨軹道爭長趨鴻門驅傳渭橋上觀兵細柳屯
夜宴經柏谷朝遊出杜原終藉叔孫禮方知皇帝尊
太宗幸積翠池各賦一事帝賦尚書李百藥賦禮記
魏徵賦西漢徵落句云終藉叔孫禮方知皇帝尊帝
曰徵言未嘗不約我以禮

讀前漢外戚傳

唐李嶷盛

人錄尚書事家臨御路傍鑿池通渭水避暑借明光
印綬妻封邑軒車子拜郎寵因宮掖裏勢極必先亡

讀後漢逸民傳二首

唐張謂盛

子陵沒已久讀史思其賢誰謂潁陽人千秋如比肩
常聞漢光武曾是曠周旋名位苟無心對君猶可眠

東過富春渚樂此佳山川夜卧松下月朝看江上煙
釣時如有待釣罷應忘筌生事在林壑悠悠經暮年
于今七里灘遺跡尚依然高臺竟寂寞流水空潺湲

二

龐公南郡人家在襄陽里何處偏來往襄陽東陂是
誓將業田種終得保妻子何言二千石乃欲勸吾仕
鸛鵲巢茂林黿鼉穴深水萬物從所欲吾心亦如此
不見鹿門山朝朝白雲起采藥復采樵優游終暮齒

覽史

唐張良璞盛

享年八十已歷數窮蒼生七虎門源上咆哮關內鳴

文學

卷五十三

十一 史

建都用鵲宿設險因金城舜曲煙火起汾河珠翠明
海雲引天仗朔雪留邊兵作孽人怨久其亡鬼信盈
素靈感劉季白馬從子嬰昏虐不務德百代無芳聲

讀狄梁公傳

唐張祐中

失運廬陵厄乘時武后尊五丁扶造化一柱正乾坤
上保儲皇位深然國老勲聖朝雖百代長合問王孫

讀史

唐白居易中

楚懷放靈均國政亦荒淫彷徨未忍決遶澤行悲吟
漢文疑賈生謫置湘之陰是時刑方措此去難為心
士生一代問誰不有浮沈良時真可惜亂世何足欽

乃知汨羅恨未抵長沙深

讀史

唐劉駕

平地見天涯登高天更遠功名及所望岐路又滿眼
萬金買園林千金修池館他人厭遊覽身獨戀軒冕
唯有漢二疎應覺還家晚

鄧杜馬上念漢書

陵懷古

唐李商隱

世上蒼龍種人間武帝孫小來唯射獵興罷得乾坤
渭水天開苑咸陽地獻原英靈殊未已丁傳漸華軒
讀李斯傳

唐曹鄴

一車致三轂本圖行地速不知駕馭難舉足成顛覆

文學

卷五十三

十三

欺暗尚不然欺明當自戮難將一人手掩得天下目
不見三尺墳雲陽草空綠

詠史

詩品曰孟堅才流而老于掌故觀其詠史有感歎之詞

漢班固

三王德彌薄惟後用肉刑太倉令有罪就逮長安城
自恨身無子困急獨笑笑小女痛父言必者不可生
上書請闕下思古歌雞鳴一作上書請闕下憂心摧折
裂晨風揚激聲聖漢孝文帝惻然感至情百男何憤
憤不如一緹縈

三良詩

魏陳思王

功名不可爲忠義我所安秦穆先下世三臣皆自殘

生時等榮樂既沒同憂患誰言捐軀易殺身誠獨難
攬涕登君墓臨穴仰天歎長夜何當冥一往不復還
黃鳥爲悲鳴哀哉傷肺肝

詠史

魏王粲

自古無殉歿達人所共知秦穆殺三良惜哉空爾爲
結髮事明君受恩良不訾臨沒要之歿焉得不相隨
妻子當門泣兄弟哭路陲臨穴呼蒼天涕下如縋縈
人生各有志終不爲此移同知埋身刺心亦有所施
生爲百夫雄死爲壯士規黃鳥作哀詩至今聲不虧

詠史詩二首

魏阮瑀

文學

卷五十三

十四

誤哉秦穆公身沒從三良忠臣不違命隨軀就歿亡
低頭闕壙戶仰視日月光誰謂此何處恩義不可忘
路人爲流涕黃鳥鳴高桑

燕丹養勇士荆軻爲上賓圖擢盡匕首長驅西入秦
素車駕白馬相送易水津漸離擊筑歌悲聲感路人
舉坐同咨嗟歎氣若青雲

詠三良

晉陶潛

彈冠乘通津但懼時我遺服勤盡歲月常恐功愈微
忠情謬獲露遂爲君所私出則陪文輿入則侍丹帷
箴規向已從計議初無虧一朝長逝後願言同此歸

厚恩固難忘君命安可違臨穴罔惟一作疑投義
攸希荆棘籠高墳黃鳥聲正悲良人不可贖法然沾
我衣

詠史八首

晉左思

弱冠弄柔翰卓犖觀群書著論准過秦作賦擬子虛
邊城苦鳴鏑羽檄飛京都雖非甲冑士疇昔覽穰苴
長嘯激清風志若無東吳鉞刀貴一割夢想騁良圖
左眄澄江湘右眄定羌胡功成不受爵長揖歸田廬

二

鬱鬱澗底松離離山上苗以彼徑寸莖蔭此百尺條

文學

卷五十三

五

史

世胄躡高位英俊沈下僚地勢使之然由來非一朝
金張藉舊業七葉珥漢貂馮公豈不偉白首不見招

三

吾希段干木偃息藩魏君吾慕魯仲連談笑却秦軍
當世貴不羈遭難能解紛功成耻一作受賞高節卓
不群臨組不肖緹對珪寧肯分連璽曜前庭比之猶
浮雲

四

濟濟京城內赫赫王侯居冠蓋陰四術朱輪竟長衢
朝集金張館幕宿許史廬南隣擊鐘磬北里吹笙竽

寂寂楊子宅門無卿相與寥寥空宇中一作所講在
玄虛言論准宣尼辭賦擬相如悠悠百世後英名擅
八區

五

皓天舒白日靈景耀神州列宅紫宮裏飛宇若雲浮
我裁高門內藹藹皆王侯自非攀龍客何爲歛來遊
被褐出閭闔高步追許由振衣千仞岡濯足萬里流

六

荆軻飲燕市酒酣氣益震哀歌和漸離謂若傷無人
雖無壯士節與世亦殊倫高眴邈四海豪右何足陳

文學

卷五十三

六

史

七

貴者雖自貴視之若埃塵賤者雖自賤重之若千鈞
主父宦不達骨肉還相薄買臣困樵採伉儷不安宅
陳平無產業歸來翳負郭長卿還成都壁立何寥廓
四賢豈不偉遺烈光篇籍當其未遇時憂在填溝壑
英雄有逋邇由來自古昔何世無奇才遺之在草澤

八

習習籠中鳥舉翮觸四隅落落窮巷士抱影守空廬
出門無通路枳棘塞中途計策棄不收塊若枯池魚
好望無寸祿內顧無斗儲親戚還相蔑朋友日夜疎

蘇秦北游說李斯西上書俛仰生榮華咄嗟復彫枯
飲河期滿腹貴足不願餘巢林栖一枝可爲達士模

詠史

晉張協

昔在西京時朝野多歡娛請請東都門群公祖二疎
朱軒耀金城供帳臨長衢達人知止足遺榮忽如無
抽簪解朝衣散髮歸海隅行人爲隕涕賢哉此大夫
揮金樂當年歲暮不留儲顧謂四座賓多財爲累患
清風激萬代名與天壤俱咄此蟬冕客君紳宜見書

詠史

晉曹毗

軒轅應玄期幼能總百神體鍊五靈妙氣含雲露津

文學

卷五十三

十七

史

慘石曾城岫鑄鼎荆山濱豁焉天扉開飄然跨騰鱗
儀轡灑長風塞裳躡紫宸

詠史一首

晉袁宏

周昌梗槩臣辭達不爲訥汲黯社稷器棟梁天表骨
陸賈厭解紛時與酒檣机婉轉將相門一言和平勃
趨舍各有之俱令道不沒

無名困螻蟻有名世所疑中庸難爲體狂狷不及時
楊惲非忌貴知及有餘辭躬耕南山下蕪穢不遑治
趙瑟奏哀音秦聲歌新詩吐音非凡唱負此欲何之
世說曰袁虎少貧嘗爲人傭載運租謝鎮西經船行
其夜清風朗月聞估客船上有人詠詩聲甚有情致

遺訊問乃是表自詠其所作詠史詩
因此相與大相賞得虎表宏小字也

讀史述九章

有片

晉陶潛

予讀史記有所感而述之

夷齊

二子讓國相將海隅天人革命絕景窮居采薇高歌
慨想黃虞貞風凌俗爰感懦夫

箕子

去鄉之感猶有遲遲矧伊代謝觸物皆非哀哀箕子
云胡能夷校童之歌懷矣其悲

管鮑

文學

卷五十三

八

史

知人未易相知實難淡美初交利乖歲寒管生稱心
鮑叔必安奇情雙亮令名俱完

程杵

遺生良難士爲知己望義如歸允伊二子程生揮劍
懼茲餘耻令德永聞百代見紀

七十二弟子

恂恂舞雩莫曰匪賢俱映日月共餐至言慟由才難
感爲情牽回也早天賜獨長年

屈賈

進德修業將以及時如彼稷契孰不願之嗟乎二賢

逢世多疑懷沙寫志感鵬獻辭

韓非

豐狐隱穴以文自殘君子失時白首抱關巧行居災
伎辯召患哀矣韓生竟歿說難

曾二儒

易代隨時迷變則愚介介若人特爲貞夫德不百年
汚我詩書逝然不顧被褐幽居

張長公

遠哉長公蕭然何事世路多端皆爲我異敘轡揭來
獨養其志寢跡窮年誰知斯意

文學

卷五

十九

史

詠史

宋孝武帝

聶政憑驍氣荆軻擅美風孤刃駭韓庭獨步震秦官
懷音豈若始捐軀在命終雄姿列往志流聲固無窮

詠史

宋鮑照

五都矜財雄三川養聲利百金不市茲明經有高位
京城十二衢飛甍各鱗次仕子影華纓游客疎輕轡

明星晨未晞軒蓋已雲至賔御紛颯沓鞍馬光照地
寒暑在一時繁華及春媚君平獨寂寞身世兩相棄

擬左記室思詠史

梁江淹

韓公淪賣藥梅生隱市門百年信在苒苒爲一作芒

心寬當學衛霍將建功在河源珪組賢君眇青紫明
主恩終軍才始達賈誼位方尊金張服貂冕許史乘
華軒王侯貴片義公卿重一言太平多懽娛飛蓋東
都門顧念張仲蔚蓬蒿滿中園

詠史四首

唐盧照隣初

季生昔未達身辱功不成髡鉗爲臺隸灌園變姓名
幸逢滕將軍兼遇曹丘生漢祖廣招納一朝拜公卿
百金孰云重一諾良匪輕廷議斬樊噲群公寂無聲
處身孤且直遭時坦而平丈夫當如此唯唯何足榮

二

文學

卷五

二十

史

詠史

大漢昔云季小人道遂振玉帛委奄尹斧鑕嬰繒紳

邈哉郭先生卷舒得其真雍容謝朝廷談笑獎人倫
在晦不絕俗處亂不爲親諸侯不得友天子不得臣

冲情甄負醜重價折角巾悠悠天下士相送洛橋津
誰知仙舟上寂寂無四鄰

三

公業負奇志交結盡才雄良田四百頃所食常不充
一爲侍御史慷慨說何公何公何爲敗吾謀適不同
仲穎恣殘忍廢興良在躬歟人如亂麻天子如轉蓬
干戈及黃屋荆棘生紫宮鄭生運其謀將以清國戎

時來命不遂脫身歸山東凜凜千載下穆然懷清人

四

昔有平陵男姓朱名阿游直髮上衝冠壯氣橫三秋
願得斬馬劍先斷佞臣頭天子玉檻折將軍丹血流
捐生不肯拜視死如若休歸來教鄉里童蒙達相求
弟子數百人散在十二州三公不敢吏五鹿何能酬
名與日月懸義與天壤儔何必疲執戟區區在封侯
偉哉曠達士知命固不憂

詠史

唐李嶠

馬記天官設班圖地理新善談方壘聲青簡見彬彬

文學

卷五十三

史

方朔初聞漢荆軻昔向秦正辭堪載筆終冀作良臣

詠史

唐張九齡

大德始無頗中智是所是居然已不一況乃務相詭
小道致泥難巧言因襲毀穰侯或見遲蘇生得陰揣
輕既長沙傳重亦邊郡徙勢傾不幸然跡在胡寧爾
滄溟所為大江漢日來委澧水雖復清魚鼈豈游此
賢哉有小白讎中有管氏若人不世生悠悠多如彼

詠史

唐王丘

高潔非養正盛名亦險艱偉哉謝安石携妓入東山
雲巖響金奏空水豔朱顏蘭露滋香澤松風鳴珮環

歌聲入空盡舞影到池閒杳眇同天上繁華非世間
卷舒混名跡縱誕無憂患何必蘇門子冥然閉清關

詠史

唐王昌齡

荷畚至洛陽胡馬騰北門天下裂其土豺狼滿中原
明夷方濟世敝翼黃埃昏披雲見龍顏始蒙國士恩
位重謀亦深所舉無遺奔長策寄臨終東南未可吞
賢知苟有時貧賤何可論唯然嵩山老而後知我言

詠史十一首

唐李華

日照崑崙山羽人披羽衣乘龍駕雲霧欲往心無違
此山在西北乃是神仙國靈氣皆自然求之不可得

文學

卷五十三

史

何為漢武帝精思徧群山糜費巨萬計宮車終不還
蒼蒼茂陵樹足以戒人間

二

天生忠與義本以佐雍熙何意李司隸而當昏亂時
古墳襄城野斜徑橫秋陂況不禁樵採茅茨無子遺
高標尚可仰精爽今何之一忤中常侍銜冤誰見知
嘗觀黨錮傳撫卷不勝悲

三

文侯耽鄭衛一聽一忘餐白雪燕姬舞朱絃趙女彈
淫聲流不返悵蕩日無端獻歲受朝時鳴鐘醺百官

兩牀陳管罄九奏殊未闌對此唯恐卧更能整衣冠

四

蜀主相諸葛功高名亦尊驅馳千萬衆怒目瞰中原
曹伯任公孫國亡身不存社宮久蕪沒白鴈猶飛翻
勿言君臣合可以濟黎元爲蜀諒不易如曹復難論

五

六國韓最弱末年猶畏秦鄭生爲韓計且欲疲秦人
利物可分社原情堪滅身咸陽古城下萬頃稻苗新

六

沂水春可涉泮宮映楊葉麗色異人間珊珊搖珮環

文學

卷五十三

三

史

展禽常獨處深巷生禾黍城上飛海雲城中暗春雨
適來鳴珮者復是誰家女泥沾珠綴履雨濕翠毛簪
電影開蓮臉雷聲飛蕙心自言沂水曲采蘋兼采綠
歸徑雖可尋天陰光景促憐君貞且獨願許君家宿
徒勞惜衾枕子不顧雙蛾豔質誠可重淫風如禮何
周王惑褒姒城闕成陂陀

七

昂藏獬豸獸出自太平年亂世乃潛伏縱人爲禍愆
常聞斷馬劍每壯朱雲賢身歿名不滅寒風吹墓出
精靈如有在幽憤滿松煙

八

漢皇修雅樂乘輿臨太學三老與五更天王親割牲
一人調風俗萬國和且平單于驟款塞武庫欲銷兵
文物此朝盛君臣何穆清至今遺壇下如有簫韶聲

九

巢許在蒿穎陶唐不得臣九州尚洗耳一命安能親
縣邈數千祀丘中誰隱淪朝遊公卿府夕是山林人
蒲帛揚側陋薜蘿爲縉紳九重念入夢三事思降神
且設庭中燎寧窺泉下鱗

十

文學

卷五十三

三

史

漢時征百粵楊僕將樓船幕府功未立江湖已騷然
島夷非敢亂政暴地仍偏得罪因懷璧防身輒控弦
三軍求裂土萬里詎聞天魏關心猶在旗門首已縣
如何得良吏一爲製方圓

十一

秦滅漢帝興南山有遺老危冠揖萬乘幸得厭征討
當君逐鹿時臣等已枯槁寧知市朝變但覺林泉好
高卧三十年相看成四皓帝言翁甚善願見何不早
咸稱太子仁重義亦尊道側聞驪姬事申生不自保
甦出商山雲竭來趨酒掃東宮成羽翼楚舞傷懷抱

後世無其人戾園滿秋草

詠史

唐高適

尚有綈袍贈應憐范叔寒不知天下士猶作布衣看

詠史

唐徐九臯

亡國秦韓代榮身劉項年金槌擊政後玉斗碎增前
聖主稱三傑明離保四賢已申黃石祭方慕赤松仙

詠史

唐劉禹錫

賈生明王道衛綰工車戲同遇漢文時何人居貴位

詠史

唐僧皎然

田氏門下客馮公衆中賤一朝市義還百代名獨擅

文學

卷五十三

三五

文學

卷五十三

二六

始知下客不可輕能使二人功業成借問高車與珠履何如疵賤一書生

詠史詩

唐胡曾

石城

古郢雲開白雪樓漢江還遶石城流何人知道寥大

月曾向朱門送莫愁

居延

漠漠平沙際碧天問人云此是居延停驂一顧猶寬

斷蘇武爭禁十九年

沛宮

漢高辛苦事干戈帝業興隆俊傑多猶恨四方無壯士還鄉悲唱大風歌

夷陵

夷陵城關倚朝雲戰敗秦師縱火焚何事三千珠履客不能西禦武安居

東晉

石頭城下浪崔巍風起聲疑出地雷何事有堅太相小欲投鞭策過江來

李陵臺

北入單于萬里疆五千兵敗滯窮荒英雄不分蠻夷

文學

卷五十三

二六

歿更築高臺望故鄉

漢宮

明妃遠嫁泣西風玉筋雙垂出漢宮何事將軍封萬戶却令紅粉爲和戎

滹沱河

光武經營業未興王郎兵革正憑陵須知後漢功臣力不及滹沱一片冰

望思臺

太子銜冤去不回臨臯徒築望思臺至今漢武消冤處猶有悲風木上來

五月驅兵入不毛月明瀘水瘴煙高誓將雄略酬三

文帝鑾輿勞北征條侯此地整嚴兵轅門不峻將軍
令今日爭知細柳營

溫嶠內歸輟棹晨燃犀牛渚照通津誰知萬丈洪流
下更有朱衣躍馬人

文學

卷五十三

主七

目照荒城芳草新相如曾此挫強秦能令百二山河
主使作尊前擊缶人

番禺

重岡復嶺勢崔巍一卒當關萬卒回不是大夫多辨說尉陀爭肯築朝臺

詩集類函卷五十二

詩集類函卷五十四

東吳俞安期彙纂 宣城梅鼎祚增定

丹陽賀烺訂校

文學部

詩
墨
筆
附
文
格
附
碑
硯
附
書
帙
附
書
紙

○詩

賦附

詠詩

唐李嶠初

都尉僊覺達梁王駟馬來扇中紈素製機上錦紋迴
天子三章傳陳王七步才縑衣久擅美祖德信悠哉
夜聽許十一誦詩愛而作

許生五臺賁業白出石壁余亦師餐可身猶縛禪寂

文學

卷五十四

詩

何階十方便謬引爲匹敵離索晚相逢包蒙欣有擊
誦詩渾游衍四座皆辟易應手看捶釣清心聽鳴鐺
精微寄溟滓飛動摧霹靂陶謝不枝梧風騷共推激
紫鸞自超詣翠駁誰翦剔君意人莫知人間夜寥聞

蘇侍御訪江浦賦八韻記異并序唐杜甫盛

并唐杜甫盛

蘇大侍御渙靜者也旅于江側凡是不交州府之
客人事都絕久矣肩輿江浦忽訪老夫舟楫而已
茶酒內余請誦近詩肯吟數首才力素壯詞句動
人接對明日憶其湧思雷出書篋几杖之外殷殷
留金石聲賦八韻記異亦記老夫傾倒於蘇至矣

龐公不浪出蘇氏今有之再聞誦新作突過黃初詩
乾坤幾反覆楊馬宜同時今晨清鏡中勝食齋房芝
余髮喜却變白間生黑絲昨夜舟火滅湘娥簾外悲
百靈未敢散風破寒江遲

暇日覽舊詩因以題詠

唐錢起中

逍遙心地得關關偶被功名淹一作免我閑有壽亦將
歸象外無詩兼不戀人間何窮默識輕洪範未象期
文勝大還筐篋靜閒難似此藥珠春色一作雪海中山

詩解

唐白居易中

新篇日日成不是愛聲名舊句時時改無妨悅性情
文學 卷五十四 二 詩

但令長守郡不覺却歸城祇擬江湖上吟哦過一生

讀李杜詩集因題卷後

唐白居易中

翰林江左日員外劔南時不得高官職仍逢苦亂離
暮年通客恨浮世謫仙悲吟詠流千古聲名動四夷
文場供秀句樂府待新辭

祇役駱口驛喜蕭侍御書至兼親新詩吟諷通

宵因寄八韻

唐白居易中

日暮心無慘吏役正營營忽驚芳信至復與新詩并
是時天無雲山館有月明一吟三四歎聲盡有餘清
雅哉君子文詠性不詠情使我靈府中鄙悵不得生

始知聽韶濩可使心和平

宣州崔大夫閣老忽以近詩數十首見示吟諷
之下竊有所喜因成長句寄題郡齋

唐白居易中

謝玄暉沒吟聲寢郡閣寥寥筆硯閑無復新詩題壁
上虛教遠岫列牕間忽驚歌雪今朝至必恐文星昨
夜還再喜宣城章句動飛觴遙賀敬亭山

看夢得題荅李侍郎詩詩中有文星之句因戲

和之

唐白居易中

看題錦繡報瓊瓊俱是人天第一才好遣文星守纏
文學 卷五十四 三 詩

次亦須防有客星來

江樓夜吟元九律詩

唐白居易中

昨夜江樓上吟君數十篇詞飄朱檻底韻墜淥江前
清楚音諸律精微思入玄收將白雪麗奪盡碧雲妍
寸截金爲句雙雕玉作聯八風淒間發五彩爛相宣
水扣聲聲冷珠排字字圓文頭交比繡筋骨軟如綿
頑湧同波浪錚鏦過管絃醴泉流出地鈞樂下從天
神鬼聞如泣魚龍聽似禪星迴疑聚集月落爲留連
鴈感無鳴者猿愁亦怕然交流遷客淚停住賈人船
聞被歌姬乞濟聞思婦傳斜行題粉壁短卷寫紅牋

肉味經時忘頭風當日痊天教聲烜赫理合命地
道屈才方振身開業始專名高折人爵思苦減天年
不得當時遇空令後代憐相悲今若此湓浦與通川

酬樂天江樓夜吟稹詩

唐元稹中

忽見君新句君吟我舊篇見當已傲外吟在楚江前
思鄙寧通律聲清遂扣玄三都時覺重一顧世稱妍
排韻曾逢荅分題幾共聯昔憑銀翰寫今賴玉音宣
布鼓隨椎響坯泥仰匠圓鈴因風斷續珠與調牽綿
阮籍驚長嘯商陵怨別絃猿羞啼月峽鶴讓警秋天
志士潛興感高僧暫廢禪興飄滄海動氣合碧雲連

文學

卷五十四

四詩

點綴工微者吹噓勢特然休文徒倚檻彥伯浪迴船
妓樂當筵唱兒童滿巷傳改張思婦錦騰躍賈人賤
魏拙虛教出曹風敢望痊

三鄉驛樓伏觀玄宗望女几山詩小臣斐然有

感

唐劉禹錫中

開元天子萬事足唯惜當時光景促三鄉陌上望仙
山歸作霓裳羽衣曲仙心從此在瑤池三清八境相
催隨天上忽乘白雲去世間空有秋風詞

都城從事蕭員外寄海棠花詩盡綺麗至惠然

達及

唐羊士諤中

珠履行臺擁附蟬外郎高步似神仙陳詞今見唐風
盛從事遙瞻衛國賢擲地好詞凌綵筆浣花春水膩
魚箋東山芳意須同賞子著囊盛幾日傳

讀白氏文集有詩以美之

唐李紳中

寄玉蓮花藏絨珠貝葉局院間容客讀講倦許僧聽
部列雕金榜題名刻石銘永添鴻寶集莫雜小乘經

處州見鄭表新詩因以寄贈

唐崔峒中

梅花嶺裏見新詩感激情深過楚詞平子四愁今莫
比休文八詠自同時萍鄉露冕真堪惜鳳沼鳴珂已
訝遲才子風流定難見湖南春草但相思

文學

卷五十四

五詩

項斯始末為聞人因以卷謁敬之苦愛之贈詩

唐楊敬之中

幾度見詩詩盡好及觀標格過於詩平生不解藏人
善到處逢人說項斯

讀故許昌薛尚書詩集

唐鄭谷晚

篇篇高且真真為國風陳澹薄雖師古縱橫得意新
剪裁成幾篋近世詩人述作公篇什最多唱和是誰人華嶽題無
敵黃河句絕倫京之內上題自序云此皆二吟殘荔
枝雨詠徹海棠公在公海家荔枝二首序云此李白
欺前輩公有寄行雲中詩云我生若陶潛仰後塵自

論詩一章云李白終難忘嵩室下公有嵩山巨篇不負蜀江
無取監替固不刊
濱中著江干集屬思看山眼冥搜倚樹身楷模勞夢
想諷誦爽精神落筆空追愴留蒙借斧斤

高蟾先輩以詩筆相示寄酬 唐鄭谷 晚

張生故國三千里知者唯應杜紫微杜牧舍人贈張祐處士云可憐
故國三千里虛君有君恩秋後葉可能更美謝玄暉
唱歌詞滿六宮後葉日日向人疎也

讀前集二首 唐鄭谷 晚

殷璠鑒裁英靈集頗覺同才得辨深何事後來高仲
武品題間氣未公心

文學 卷五十四 六 詩

風騷如線不勝悲國步多艱卽此時愛日滿堦看古
集祗應陶集是吾師

讀庾信集 唐崔金 晚

四朝十帝盡風流建業長安兩醉遊唯有一篇楊柳
曲江南江北爲君愁

秘書省有賀監知章題詩筆力道健風尚高遠

拂塵尋詠因此有作 唐溫庭筠 晚

越谿漁客賀知章任達憐才愛酒狂鷗鷺葦花隨釣
艇蛤蜊菰菜夢橫塘幾年涼月拘華省一宿秋風憶
故鄉榮路脫身終自得福庭迴首莫相忘出籠鸞鶴

歸遼海落筆龍蛇滿壞牆李白死來無醉客可憐神
彩弔殘陽

讀李白集 唐僧貫休 晚

竭雲濤剝巨鰲搜括造化空口牢冥心入海海神怖
驪龍不敢爲珠主人間物像不供取飽飲遊神向玄
圃鏘金鏗玉千餘篇膾吞炙嚼人口傳須知一一丈
夫氣不是綺羅兒女言

讀修睦上人歌篇 唐李咸用 晚

李白亡李賀死陳陶趙睦尋相次須知代不乏騷人
貫休之後唯修睦而已矣睦公睦公真可畏開口向
文學 卷五十四 七 詩

人無所忌才似煙霞生則媚直如屈軼佞則指意下
紛紛造化機筆頭滴滴文章髓明月清風三十年被
君驅使如奴婢勸君休莫容易世俗由來稀則貴珊
瑚高架五色毫小小不須煩藻思

覽陳丕卷 唐羅鄴 晚

雪宮詞客燕宮遊一軸煙花象外搜漫把蜀紋當畫
展徒誇湘碧帶春流吟時致我寒侵骨得處疑君白
盡頭從北南歸明月夜嶺猿灘鳥更悠悠

謝先輩防記念拙詩甚多異日偶有此寄

唐李商隱 晚

曉用雲添句寒將雪命篇良辰多自感作者豈皆一

熟寢初同鶴含嘶欲並蟬題時長不展得處定應偏

南浦無窮樹西樓不住煙改成人寂寂寄與路綿綿

星勢寒垂地河聲曉上天夫君自有恨聊借此中傳

韓冬郎即席為詩相送一座盡驚他日余方追

吟連宵侍坐徘徊久之句有老成之風因成

二絕寄酬兼呈畏之員外 唐李商隱 晚

十歲裁詩走馬成冷灰殘燭動離情桐花萬里丹山

路雛鳳清於老鳳聲

劍棧風檣各苦辛別時冰雪到時春為憑何遜休聯

文學

卷五十四

八 詩

句瘦盡東陽姓沈人

沈東陽約嘗謂何遜曰吾每讀卿詩一月三復終未能口余雖

無東陽之才而有東陽之瘦矣

贈陸鬯浙西進詩除官

唐章孝標 晚

帝城雲物得陽春水國煙花失主人昨日天風吹樂

府六宮絲管一時新

歐陽示新詩因貽四韻

唐劉威 晚

衡憂瑤瓊得至音數篇清越應南金都由苦思無休

日已證前賢不到心風入寒松聲自古水歸滄海意

皆深欲知字字驚神鬼一氣秋時試夜吟

山中獨吟

唐白居易

白為江上客半在山中住有時新詩成獨上東巖路
身寄白石崖手攀青桂樹狂吟驚林壑棲鳥皆窺覷
恐為世所嗤故就無人處

詠吟

唐僧貫休

經天緯地物動必計天才盡日覓不得有時還自來

真風含素髮秋色入靈臺吟向霜蟾下終須神鬼哀

靜吟

唐鄭谷 晚

騷雅荒涼我未安月和餘雪夜吟寒相門相客應相

笑得句勝於得好官

夜吟

唐李山甫 晚

文學

卷五十四

九 詩

除却閒吟外人間事事慵更深成一句月冷上孤峰

窮理多瞑目含毫靜倚松終篇渾不寐危坐到晨鐘

苦吟

唐盧延遜 晚

莫話詩中事詩中難更無吟安一箇字撚斷數莖鬚

險有天應悶狂搜海亦枯不同文賦易為著者之乎

苦吟

唐崔塗 晚

朝吟復暮吟只此望知音舉世輕孤立何人念苦心

他鄉無舊識落日美歸禽況住寒江上漁家似故林

偶題

唐杜甫 盛

文章千古事得失寸心知作者皆殊列名聲豈浪垂

騷人嗟不見漢道盛於斯前輩飛騰入餘波綺羅爲
後賢兼舊制歷代各清規法自儒家有心從弱歲疲
未懷江左逸多病鄴中奇騷驥皆良馬麒麟帶好兒
車輪徒已斲堂構肯仍虧謾作潛夫論虛傳幼婦碑
緣情慰漂蕩抱疾屢遷移經濟慙長策飛棲假一枝
塵沙傷蜂蠆江峽繞蛟螭蕭瑟唐虞遠聯翩楚漢危
聖朝兼盜賊異俗更喧卑鬱鬱星辰劍蒼蒼雲雨池
兩都開幕府萬寓挿軍麾南海殘銅柱東風避月支
音書恨鳥鵲號怒怪熊羆稼穡分詩興柴荆學土宜
故山迷白閣秋水憶黃陂不敢要佳句愁來賦別離

文學

卷五十四

十

詩三百四十三

戲爲六首

唐杜甫

盛

庾信文章老更成凌雲健筆意縱橫今人嗤點流傳
賦不覺前賢畏後生

楊王盧駱當時體輕薄爲文哂未休爾曹身與名俱
滅不廢江河萬古流

縱使盧王操翰墨劣於漢魏近風騷龍文虎脊皆君
馭歷塊過都見爾曹

才力應難跨數公凡今誰是出羣雄或看翡翠蘭石
上未掣鯨魚碧海中

不薄今人愛古人清詞麗句必爲隣竊攀屈宋宜方

駕恐與齊梁作後塵

未及前賢更勿疑逋相祖述復先誰別裁僞體親風
雅轉益多師是汝師

解悶五首

唐杜甫

盛

沈范早知何水部曹劉不待薛郎中獨當省署開文
苑兼泛滄浪學釣翁

李陵蘇武是吾師孟子論文更不疑一飯未嘗留俗
客數篇今見古人詩

復憶襄陽孟浩然清詩句句盡堪傳卽今耆舊無新
語謾釣槎頭縮項鰖

文學

卷五十四

十一

詩

陶冶性靈存底物新詩改罷自長吟孰知二謝將能
事頗學陰何苦用心

不見高人王右丞藍田丘壑蔓寒藤最傳秀句懷長
滿未盡風流相國能

卷末偶題三首

唐鄭谷

晚

一卷疎蕪一百篇名成未敢暫忘筌何如海日生殘
夜一句能令萬古傳

七歲侍行湖外去岳陽樓上敢題詩如今寒晚無功
業何以勝任國士知

一第由來是出身垂名俱爲國風陳此生君不知騷

雅孤宦如何作近臣

漫成二首

唐李商隱

沈約憐何遜延年毀謝莊清新俱有得名譽底相傷

二

霧夕詠美渠何郎得意初此時誰最賞沈范兩尚書

酬盧仝

唐僧含曦

長壽寺石壁盧公一首詩渴讀卽不渴饑讀卽不饑
鯨飲海水盡露出珊瑚枝海神知貴不知價留向人
問光照夜

寄鄭谷

唐王貞白

文學

卷五十四

十一詩文

五百首新詩緘封寄與誰祗憑夫子鑒不要俗人知
火鼠重收布冰蠶乍吐絲真須天上手裁作領巾披

詠賦

唐李嶠

布義孫卿子登高楚屈平銅臺初下筆樂觀正飛纓
乍有凌雲勢時聞擲地聲造端長體物無復大夫名

賦得一日成三賦應令

陳江總

副君睿賞適清夜北園遊下筆成三賦傳觴對九秋
飛文綺縠采落紙波濤流樹密寒蟬響簷暗雀聲愁
綠淑明層殿青山照近樓此時盛禮物領省良若抽

○文

寄江滔求孟六遺文

唐劉脊虛

南望襄陽路思君情轉親偏知漢水廣應與孟家鄰
在日食爲善昨來聞更貧相如有遺草一爲問家人

美楊侍御清文見示

唐錢起

伯牙道喪來絃絕無人續誰知絕唱後更有難和曲
層峰與清流逸勢競奔感清文不出戶彷彿皆在目
霧雪看滿懷蘭茝坐盈掬孤光碧潭月一片崑崙玉
初見歌陽春韶光變枯木再見吟白雪便覺雲肅肅
則知造化源方寸能展縮斯文不易遇清爽心豈足
願言書諸紳可以爲佩服

文學

卷五十四

十三文

過胡居士觀王右丞遺文

唐司空曙

舊日相知盡深居獨一身閉門空有雪看竹永無人
每許前山隱曾憐陋巷貧題詩今尚在暫爲拂流塵

題故元少尹集後二首

唐白居易

黃壤詎知我白頭徒憶君唯將老年淚一灑故人文

二

遺文三十軸軸軸金下聲龍門原上土埋骨不埋名

酬友人見寄新文二首

唐孟郊

爲客棲未定況當玄月中繁雲翳碧霄落雪和清風
郊陌絕行人原隰多飛蓬耕牛返村巷野鳥依房櫺

我無饑凍憂身託蓮花宮安閑賴禪伯復得疏塵蒙
覽君郢曲文詞彩何冲融謳吟不能已頓覺形神空

二

白日照清水淺深無隱姿君子業高文懷抱多正思
砥行碧山石結交青松枝碧山無轉易青松難傾移
落落出俗韻琅琅大雅詞自非隨氏掌明月安能持
千里不可到一返無近期如何非意中良覲忽在茲
道語必疎淡儒風易凌遲願存堅貞節勿爲霜霰欺

○碑文

羽林恩詔御書王太尉碑

唐張說初

文學

卷五十四

十四

隴首名公石來承聖札歸魚龍生意態劍劒動鉉輝
字得神明保詞慙少女微誰家羽林將入逐鳳書飛

同觀陳十六史興碑并序

唐高適盛

楚人陳章甫繼毛詩而作史興碑遠自周末迨乎
隋季善惡不隱蓋國風之流未藏名山刊在樂石
僕美其事而賦是詩焉

荆衡氣偏秀江漢流不歇此地多精靈有時生才傑
伊人今獨步逸思能開發永懷掩風騷千載常屹屹
新碑亦崔嵬佳句懸日月則是刊石經終然繼檣杙
我來觀雅製慷慨變毛髮季主盡荒淫前王徒貽厥

東周既削弱兩漢更淪沒西晉何披猖五胡相唐突
作歌乃彰善比物仍惡訐感歎將謂誰對之空咄咄

朱放自杭州與故里相使君立碑回因以奉簡

吏部楊侍郎製文

唐劉長卿中

片石羊公後淒涼江水濱好辭千古事墮淚萬家人
鵬集占書久鸞回刻篆新不堪相顧恨文字日生塵

神禹碑原作崎

唐韓愈中

响嶠山尖神禹碑字青石赤形模奇科斗拳身薙倒
披鸞飄鳳泊掣虎螭事嚴跡秘鬼莫窺道人獨上偶
見之我來咨嗟涕連漣千搜萬索何處有森森綠樹

文學

卷五十四

十五

依倭悲

御製段太尉碑

唐葉元良中

多難全高節時清軫聖君園塋標石篆雨霽降天文
義激忠貞沒詞傷蘭蕙焚國人皆墮淚王府已銘勲
揭出臨新陌長留對古墳瘡情幽感處應使九泉聞

御製段太尉碑

唐薛存誠中

葬儀從儉禮刊石荷堯君露跡垂繁宇天哀麗麗文
詔深榮嗣子海變記孤墳寶思皆涵象皇心永念勲
雅詞黃絹妙渥澤紫泥分青史應同久芳名萬古聞
題酸棗縣蔡中郎碑

唐王建中

蒼苔滿字土埋龜風雨銷磨絕妙詞不向圖經中舊見無人知是蔡邕碑

王思道碑堂下作

唐劉禹錫中

蒼蒼宰樹起寒煙尚有威名海內傳四府舊聞多故吏幾人垂淚拜碑前

讀任彥昇碑

唐李商隱晚

任昉當年有美名可憐才調最縱橫梁臺初建應惆悵不得蕭公作騎兵

韓碑

唐李商隱晚

元和天子神武姿彼何人哉軒與義誓將上雪列聖文學

卷五十四

六碑

恥坐法宮中朝四夷淮西有賊五十載封狼生羆羆生羆不據山河據平地長戈利矛日可麾帝得聖相相曰度晏子春秋仲尼聖相賊斫不死神扶持腰懸相印作都統陰風慘淡天王旗愬武古通作牙爪儀曹外郎載筆隨行軍司馬智且勇十四萬衆猶虎貔入蔡斬馘獻太廟功無與讓恩不訾帝曰汝度功第一汝從事愈宜爲辭愈拜稽首蹈且舞金石刻畫臣能爲古者世稱大手筆此事不繫於職司當仁自古有不讓言訖屢領天子願公退齋戒坐小閣濡染大筆何淋漓點竄堯典舜典字塗改清廟生民詩文成破體書在

紙清晨再拜鋪丹墀表曰臣愈昧死上詠神聖功之碑碑高三丈字如手負以靈龜蟠以螭句奇語重喻者少讒之天子言其私長繩百人拽碑倒麤砂大石相磨治公之斯文若元氣先時已入人肝脾湯盤孔鼎有迹作今無其器存其辭嗚呼聖皇及聖相相與烜赫流淳熙公之斯文不示後曷與三五相攀追願書萬本誦萬過口角流沫右手舐傳之七十有三代以爲封禪玉檢明堂基

檄

唐李嶠初

羽檄本宣明由來未敷聲聯翩至漢國迢遞入燕營文學

卷五十四

十七書

毛義持書去張儀韞壁行曹風雖覺愈陳草始知名○書

詠書

唐李嶠初

削簡龍文見臨池鳥跡舒河圖八卦出洛範九疇初垂露春光滿崩雲骨氣餘請君看入木一寸乃非虛急就章并序

漢史游

自三蒼湧喜亡小學不絕如綫字書行於今者篇莫加於類篇韻莫善於集韻所載隸古以石刻校之攬撫甚多脫畧隸法皆以悠作悠此碑又省作悠稽之篇韻咸無焉聊因論此擬急就之一章云

湧喜悠悠獨無繼隸法乖離防中世聘異爭新隸筆
意斷據圖籍載一二氏義農邦舜禹終春秋陳鄒魯
劉暴嬴禽霸楚基宇恢啓劉祚皇夔棄朝弼聚解業
曹衮孟呂秉典禮垂律度儒術顯爵祿屢風雲霜露
星電輝簋籩壺兕與鼎彝黍稷香馥薦血犧滌齋饗
禱靈響歸鳥獸鼠蚌鳩麟龜道邊通達遭過隨測深
闕與表出之凡此類皆非假借字書所不應棄蔡前
取正未嘗一字好奇也如前急就雖曰漢人典刑亦
石經之所不取今之學者事不師古乃緣手隨筆變
點畫繁偏旁以取新尚怪爲能間有所據不過魏晉
以後字體兩此膏肓之疾也○續博物志曰自秦同
書文丞相李斯作著頤篇中府車今趙高作爰歷篇
太史胡毋敬作博學篇文圉令司馬相如作凡將篇

文學

卷五十四

十九

黃門令史游作急就篇皆書文之林苑欲識字者不
可不知惜哉凡將以上不可復見急就章存焉西京
文氣亦可見矣

篆書體

漢蔡邕

龜文斜列櫛比龍鱗紆體放尾長短副身頽若黍稷
之垂穎蘊若蟲蛇之焚縕揚波振體龍躍鳥震延頸
脇翼體似凌雲或輕舉內投微本濃末若絕若連似
露緣絲垂凝下端從者如懸衡者如編抄者邪趣不
方不圓若行若飛蚊蚊翾翾

隸書體

晉成公綏

皇頡作文因物構思觀彼鳥跡遂以成章閱之後嗣

存載道義綱紀萬事俗所傳述實由書記時變巧易
古今各異蟲篆既繁草藁近僞適之中庸莫尚於隸
規矩有則用之簡易隨便適宜亦有弛張操筆假墨
抵押毫芒彪煥磔落形體抑揚芬葩連屬溢分羅行
爛若天文之布曜蔚若錦繡之有章或輕拂徐振緩
案急挑挽橫引從左牽右繞長波鬱拂微勢縹緲若
乃八分墮法殊好異制分白賦黑基布星列翹首舉
尾直刺邪擿繖繖結體刺彩奮節或若虬龍盤游蜿
蟬軒翥鸞鳳翱翔矯翼欲去或若鷲鳥將擊并體抑
怒良馬騰驤奔放向路仰而望之鬱若宵霧朝升游

文學

卷五十四

十九

煙連雲俯而察之凜若清風厲水漪瀾成文垂象表
式有模有楷形功難詳聊舉大體

李潮八分小篆歌

唐杜甫

蒼頡鳥跡旣茫昧字體變化如浮雲陳倉石鼓又已
訛大小二篆生八分秦有李斯漢蔡邕中間作者寂
不聞嶧山之碑野火焚棗木傳刻肥失真苦縣光和
尚骨立書貴瘦硬方通神惜哉李蔡不復得吾甥李
潮下筆親尚書韓擇木騎曹蔡有鄰開元已來數八
分潮也奄有二子成三人况潮小篆逼秦相快劍長
戟森相向八分一字直百金蛟龍盤拏肉屈強吳郡

張顛誇草書草書非古空雄壯豈知吾甥不流宕丞相中郎丈人行巴東逢李潮逾月求我歌我今衰老才力薄潮乎潮乎奈汝何

送顧八分文學

唐杜甫 盛

中郎石經後八分蓋憔悴顧侯運鑪錘筆力破餘地昔在開元中韓蔡同龔嶺玄宗妙其書是以數子至御札早流傳揄揚非造次三人並入直恩澤各不二顧於韓蔡內辨眼工小字分日示諸王鈞深法更秘

飛白書勢

宋鮑照

秋毫精勁霜素凝鮮露此瑤波染彼松煙超出八法

文學

卷五十四

二十一 書

盡奇六文鳥企龍躍珠解泉分輕如游霧重似崩雲絕鋒劍摧驚勢箭飛差池驚起振迅鴻歸臨危制節中險騰機圭角星芒明麗爛逸絲繁髮垂平理端密盈尺錦兩片字金溢

奉述飛白書勢

唐岑文本 初

六文開玉篆八體曜銀書飛毫列錦繡拂素起龍魚鳳舉崩雲絕鸞驚游霧踈別有臨池草恩霑垂露餘

草書體

漢崔瑗

書體之興始自頡皇寫彼鳥跡以定文章爰暨末葉典籍彌繁人之多僻政之多權官事荒蕪勦其墨翰

惟作佐隸舊字是刪草書之法蓋先簡略應時論古周於卒迫兼功并用愛日省力純儉之變豈必古式觀其法象俯仰有儀方不中矩圓不副規抑左揚右望之若歛竦企鳥時志在飛移狡獸暴駭將奔未馳或黜點染狀似連珠絕而不離蓄怒拂鬱放逸生奇或凌遽而惴慄若據槁而臨危傍點邪附似螳螂而拘枝絕筆放體餘綆糾結若山蜂施毒看隙緣巖騰蛇赴穴頭沒尾垂

殿中楊監見示張旭草書圖

唐杜甫 盛

斯人已云亡草聖秘難得及茲煩見示滿目增悽惻

文學

卷五十四

二十一 書

悲風生微綃萬里有古色鏘鏘鳴玉動落落羣松直連山蟠其間湏漲與筆力有練實先書臨池真盡墨俊拔爲之主暮年思轉極未知張王後誰並百代則嗚呼東吳精逸氣感清識楊公拂篋筭舒卷忘寢食念昔揮毫端不得觀酒德

草書歌

唐李白 盛

少年上人號懷素草書天下稱獨步墨池飛出北溟魚筆鋒殺盡中山兔八月九月天氣涼酒徒詞客滿高堂牋麻素絹排數箱宣州石硯墨色光吾師醉後倚繩牀須臾掃盡數千張飄風驟雨驚颯颯落花飛

雪何茫茫起來向壁不停手一行數字大如斗恍恍
時聞神鬼驚時時只見龍蛇走左盤右戲如驚電狀
同楚漢相攻戰湖南七郡凡幾家家屏障書題徧
王逸少張伯英古來幾許浪得名張顛老死不足數
我師此義不師古古來萬事貴天生何必要公孫大
娘渾脫舞

懷素上人草書歌

唐朱逵 盛

幾年出家通宿命一朝却憶臨池聖轉腕摧鋒增崛
崎秋毫爾紙常相隨衡陽客舍來相訪連飲百杯酒
轉王忍聞風裏度飛泉紙落紛紛如跼蹙形容脫略

文學

卷五十四

三三書

真如助一作脫落心思周遊在何處筆下惟看激電
流字成只畏盤龍去怪狀崩騰若轉蓬飛絲歷亂如
迴風長松老死倚雲壁感浪相翻驚海鴻于今年少
尚如此歷觀遠代無倫比妙絕當能動鬼神崔蔡幽
鬼更心死

懷素上人草書歌

唐竇冀 盛

狂僧揮翰狂且逸獨任天機摧格律龍虎慙因點畫
生雷霆却避鋒鏑疾魚鱗素且不貴只嫌局促兒
童戲粉壁長廊數十間興來小豁習一作襟氣長幼
畢集賢豪至枕糟藉麴酒半醉忽然絕叫三五聲滿

壁縱橫千萬字吳興張老爾莫顛葉縣公孫我何謂
如熊如羆不足比如虺如蛇不足擬涵物爲動鬼神
泣狂風入林花亂起殊形怪狀不易說就中枯燥尤
驚絕邊風殺氣同慘烈崩槎卧木爭摧折塞草逢飛
大漠霜胡天亂下陰山雪偏看能事轉新奇郡主王
公同賦詩枯藤勁鐵愧三舍驟雨寒猿驚一時此僧
絕藝人莫測假此常爲護持力連城之壁不可量五
百年知草聖當

懷素上人草書歌

唐王邕 中

衡陽雙峽插天峻青壁巉巖萬餘仞此中靈秀衆所
文學

卷五十四

三三書

知草書獨有懷素奇懷素身長五尺四嚼湯誦呪呼
可畏銅瓶錫杖倚閒庭斑斑管狡毫多逸意或粉壁或
絲牋蒲葵編素何相鮮忽作風馳及電掣更點飛花
兼散雪寒猿飲水撼枯藤壯士伸眉按勁鐵君不見
張芝昔日稱獨賢君不見近日張旭爲老顛二公絕
藝人所惜懷素傳之得真跡崢嶸感出海上山突兀
狀成湖畔石一縱又一橫一欹又一傾臨江不美飛
帆勢下筆長爲驟雨聲我牧此州喜相識又見草書
多慧力懷素懷素不可得開卷臨池轉相憶

懷素上人草書歌

唐戴叔倫 中

楚僧懷素工草書古法盡能新有餘神清骨竦意直
率時來爲我揮健筆始從破體變風姿一一花開春
景遲忽爲壯麗就枯澀龍蛇騰盤獸屹立馳毫驟墨
刺奔駟滿座失聲看不及心手相師勢轉奇詭形怪
狀翻令凝一作合有人若問此中妙懷素自言初不知

懷素上人草書歌

唐魯收中

吾觀開士多利用筆精墨妙誠堪重身上藝能無不
通就中草聖最天縱有時興發逞神機抽毫點墨縱
橫揮風聲吼烈隨手起龍蛇迸落空壁飛連拂一作掃
數行勢不絕藤懸杳感生奇節劃然放縱驚雲濤或

文學

卷五十四

二十四

時頓挫繁毫髮自言轉腕無所拘大笑羲之用陣圖
狂來紙盡勢不盡投筆抗聲連叫呼信如鬼神助此
道墨池未盡書已好行路談君口不容滿堂觀者空
絕倒

張伯高草書歌

唐釋皎然中

伯英死後生伯高朝看手把山中毫先賢草律我草
狂風雲陣發愁鍾王須臾變態皆自我寫形類物無
不可閨風游雲千萬朵驚龍蹀躞欲墮更覩鄧林
落葉一作落朝狂風亂擾何飄飄有時凝然筆空握情
在寥天獨飛鶴有時取勢氣更高憶得春江千里濤

張生奇絕再難遇草罷臨風展輕素陰慘陽舒如有
道鬼狀魍容若可懼黃公酒壚與偏入阮籍不嘖嵇
亦顧長安酒勝醉後書此日騁君千里步

陳氏童子草書歌

唐釋皎然中

儒家孺子有奇名天然文章今人驚僧虔老時把筆
法孺子如今皆暗合鸞飛電灑眼不及但覺毫端鳴
颯颯有時作點險且能太行片石看欲崩偶然長掣
濃又燥少室孤松欹不倒夏室炎炎少人歡山軒日
色在闌干桐花飛盡子規思主人高歌興不至濁醪
不飲嫌昏沈欲翫草書開我襟龍爪狀奇鼠鬚銳冰

文學

卷五十四

三十五

蕭郎草書歌

唐顧况中

蕭子草書人不及洞庭葉落秋風急上林花開春露
濕花枝濛濛向水泣見君數行之灑落石上之松松
下鶴若把君書比仲將不知誰在一作上凌雲閣

洛中寺北樓見賀監草書題

唐劉禹錫中

高樓寶監昔曾登壁上筆跡龍虎騰中國書流尚皇
象北朝文士重徐陵偶因特見空驚目恨不同時便
伏膺唯恐塵埃轉磨滅再三珍重屬山僧

送草書獻上人歸廬山

唐孟郊中

狂僧不為酒狂筆自通天將書靈片直至清明顯
手中飛黑電象外瀉玄泉萬物隨指顧三光為迴旋
驟書雲霧對洗硯山晴鮮忽怒畫蛇虺噴然生風煙
江人願停筆驚浪恐傾船

觀洛出書

唐張欽敬

浮空九洛水瑞聖千年質奇象八卦分圖書九疇出
含微卜筮遠抱數陰陽密中得天地心傍探鬼神吉
昔聞夏禹代今獻唐堯日謬此叙彝倫寰宇賀清謐
觀洛出書

唐郭邕

德合天貺呈龍飛聖人作光宅被宸區圖書薦河洛
文學

卷五十四

三十一

象登四氣順文闢九疇錯氣氤瑞彩浮左右靈儀廓
微造功不宰神行利攸博一見皇家慶方知功薄

觀洛出書

唐叔孫玄

清洛含溫溜玄龜薦寶書波開綠字出瑞應紫宸居
物著羣靈首文成列卦初美珍翔閣鳳慶邁躍舟魚
仰似惟可遠休皇復在諸東都主人意歌頌望乘輿

觀洛出書

唐肅昶

海內昔凋瘵天網斯浮瀾龜靈啓聖圖龍馬負書出
大哉明德盛遠矣彝倫秩地敷作又功人免為魚恤
既彰千國理豈止百川溢永賴至于今疇庸未云畢

賦虞書歌

唐賈能

衆書之中虞書巧體法自然歸大道不同懷素只攻
顛豈類張芝惟割草形勢素口筋骨老父子君臣相
揖抱孤青似竹更颯颯開白如波長浩渺口能方正
不隳倒功夫未至難尋奧須知孔子廟堂碑便是青
箱中至寶

御題國子監門

唐□□□

宸翰符玄造榮題國子門筆鋒迴日月字勢動乾坤
簷下雲光色梁間鵲影翻張英聖莫擬索靖妙徒言
為著盤龍跡能彰舞鳳尊更隨垂露象常以冰皇恩

文學

卷五十四

三十七

○紙

唐附

詠紙

梁宣帝

皎白猶霜雪方正若布基一作基宣情且記事寧同魚
網時

紙

唐李嶠

妙跡蔡侯施芳名古伯馳雲飛錦綺落花發縹紅披
舒卷隨幽顯廉方合軌儀莫驚及掌字當取葛洪規

詠苔紙

隋薛道衡

昔時應春色引淚泚清流今來承玉管布字改銀鈎
為傳建康詠紅牋

梁江洪

雜彩何足奇惟紅偏作可灼爍類渠開輕明似霞破
鏤質卷芳脂裁花承百和且傳別離心復是相思裏
不值情牽人豈識風流座

酬崔駙馬惠賸百張

唐楊巨源

百張雲樣亂花開七字文頭豔錦回浮碧空從天上
得殷紅應自日邊來捧持價重凌雲葉封裏香深笑
海苔滿篋清光應照眼欲題風韻愧凡才

襲美以魚牋見寄因謝成篇

唐陸龜蒙

擣成霜粒細鱗鱗知作愁吟幸見分向日乍驚新
色臨風時辨白萍文魚子曰好將花下承金粉堪送

文學

卷五十四

二八

天邊詠碧雲見倚小牕親葉染盡圖春色寄夫君

奉酬見荅魚牋之作

唐皮日休

輕如隱起膩如飴除却鮫工解製稀欲寫恐成河伯
詔試裁疑是大仙衣毫端白獺脂猶濕指下水蠶子
欲飛若用莫將閑處去好題春思贈江妃

○墨

詠墨

唐李嶠

長安分石炭上黨結松心遶盡蠅初落含滋綬更深
悲絲光易染疊素絲還沈別有張芝學書池幸見臨

訓張司馬贈墨

唐李白

上黨碧松煙夷陵丹砂末蘭麝凝珍墨精光乃堪掇
黃頭奴子雙鵝鬚錦囊養之懷袖間今日贈余蘭亭
去興來灑筆會稽山

○筆

筆格附

詠筆

梁武帝

昔聞蘭惠月獨是桃李年春心儻未寫爲君照情筵

詠筆

梁徐摛

本自靈山出名因瑞草傳纖端奉積潤弱質散芳煙

直寫飛蓬牒

一作橫承落絮篇

一逢提

一作握重寧

憶仲升捐

文學

卷五十四

二九

詠筆

唐李嶠

握管門庭側含毫山水隈霜輝簡上發錦字夢中開
鸚鵡摘文至麒麟絕句來何當遇良史左右振奇才

賦詠宣州筆

唐耿湣

寒竹漸虛受纖毫任幾重影端緣守直心勁懶藏鋒
落紙驚風起搖空露濃丹青與事捨此復何從

李員外寄紙筆

唐韓愈

題是臨池後分從起草餘免尖鍼莫並蘭淨雪難如
莫怪殷勤謝虞卿止著書

楊尚書寄柳筆知是小生本樣令更商推使盡

其功輒獻長句

唐柳宗元

截玉銛錐作妙形貯雲含霧到南溟尚書舊用裁天
詔內史新將寫道經曲藝豈能裨損益微辭祇欲播
芳馨桂陽卿月光輝偏毫末應傳顧兔靈

詠筆格

梁簡文帝

英華表玉笈佳麗稱珠網無如茲制奇雕飾雜衆象
仰出寫含花橫抽學仙掌幸因提拾用遂厠珽臺賞
○硯

詠硯

唐楊師道

圓池類壁水輕翰染煙華將軍欲定遠見棄不應賒
文學

卷五十四

三十一 筆硯

詠硯

唐李嶠

左思裁賦日王充作論年光隨錦文發形帶石巖圓
積潤循毫裏開池小學前君苗徒見蕤誰詠士衡篇

石硯

唐杜甫

平公今詩伯秀發吾所羨奉使三峽中長嘯得石硯
巨璞禹鑿餘異狀君獨見其滑乃波濤其光或雷電
聯均各盡墨多水遞隱見揮灑容數人十手可對面
比公頭上冠正質未爲賤當公賦佳句况得終清宴
公舍起草姿不遠明光殿致于丹青地知汝隨顧盼

楊生青花紫石硯歌

唐李賀

端州石工巧如神踏天磨刀割紫雲傭刈抱水含滿
唇暗灑長弘冷血痕紗帷晝暖墨花春輕漚漂沫松
麝熏乾膩薄重立脚勻數寸光秋無日昏圓毫促點
聲靜新孔硯寬頑何足云

古石硯

唐李山甫

追琢他山石方圓一勺深抱貞惟守墨求用每虛心
波浪因文起塵埃爲廢侵憑君更研究何啻直千金

贈徐希仁石硯別

唐盧仝

靈山一片不靈石手斲成器心所惜鳳鳥不至池不
成蛟龍乾蟠水空滴青松火鍊翠煙凝寒竹風搖達
文學

卷五十四

三十二 硯

天碧今日贈君離別心此中至淺造化深用之可以
過珪璧棄置還爲一片石

唐秀才贈端州紫石硯

唐劉禹錫

端州石硯人間重贈我因知正草玄闕里廟堂空舊
物開方竈下豈天然玉蜨吐水霞光靜綵翰搖風絳
錦鮮此日傭工記名姓因君數致墨池前

謝友生遺端硯硯

唐李咸用

尋常濡翰大恨不到端硯得自新知已如逢舊解攜
翫餘輕照乘謝次等懸黎靜對勝凡客閑窺憶好題
燭天補剩石昆劍切來泥著指痕猶濕停句水未低

何雲潤柱礎筆彩飲虹霓鶴眼工諳謬羊肝士乍判

連漸光比鏡囚墨賦於磐書信成池黑吟須到日西

正誇憂盜竊將隱怯攀躋捧受同交印矜持過東珪

草顛終近旭嬾癖必無嵇用合緣鸚鵡珍應負會稽

貞姿還落落寒韻或淒淒風月情相半煙花勢豈迷

宜從方袋挈枉把短行批磈小金爲斗泓澄玉作隄

○書帙

書簡 詩簡並附

賦書帙

梁昭明太子

擢影兔園池抽莖淇水側朝映出嶺雲暮聚飛歸翼

幸雜湘囊用聊因班女織一合軒義曲千齡如可卽

文學

卷五十四

三

書帙

訓字文少府見贈桃竹書簡

唐李白

桃竹書簡綺繡文良工巧妙稱絕羣靈心圓映三江

月彩質疊成五色雲中藏寶訣峨嵋去千里提攜長

憶君

與微之倡和來去常以竹簡貯詩

唐白居易

揀得琅玕截作筒緘題章句寫心曾隨風每喜飛如

馬渡水常憂化作龍

詩雋類函卷五十四

詩雋類函卷五十五

東吳俞安期彙纂

宣城梅鼎祚增定

武部一

講武

征伐 行軍併入

校獵 射

從征 觀兵

○講武

從武帝瑯琊城講武應詔

齊王融

治兵聞魯策訓旅見周篇教民良不棄任智理恒全

白日映丹羽頽霞文翠旂凌山炫組甲帶水被戈船

凝葭鬱摧槍清管乍聯綿早逢文化洽復屬武功宣

願陪王鑾右一舉掃燕然

武部

卷五十五

一

講武

和武帝講武宴二首

梁簡文帝

校尉開疎勒將軍定月支南通新息柱北屆武陽碑

豫遊戲馬館教戰昆明池銀塘瀉清渭銅溝引直漪

常從良家子命中幽并兒金鞍飾紫佩玉燕帖青驪

車書今已共願奏云亭儀

祭壺今息鼓董案或開帷聊舉青龍陣正取絳宮時

犒兵隨後拒輶祭逐前師軍門初露節步陳始分旗

從齊武帝瑯琊城講武應詔

梁沈約

九功播桃墀七德陳武懸展事昌國圖息兵由重戰

皇情恣閱典出車迨辰選飾徒映寒隰翻綬臨廣甸

風香佩吳戈參差腰夏箭風旆舒復卷雲霞清以轉
輕舞信徘徊前歌且逢衍秋原嘶代馬朱光浮楚練
虹壑寫飛文巖阿藻餘絢發震岳靈從揚旌水華變
憑高訓武則中天起遐眷鳳蓋捲洪河珠旗掃一作拂
長汧方待翠華舉遠適瑤池宴

從駕觀講武

北周庾信

校戰出長楊兵欄入鬪場置陣橫雲起開營鴈翼張
門嫌磁石礙馬畏鐵菱傷龍淵觸牛斗繁弱駭天狼
落星奔驥驟浮雲上驕驕急風吹戰鼓高塵擁貝裝
駭猿時落木驚鴻屢斷行樹寒條更直山枯菊轉芳

武部

卷五十五

講武

一作香豹略推全勝龍圖揖所長小臣欣寓目還知奉
會昌

奉和杜員外扈從教閱

唐李嶠初

杪冬嚴殺氣窮紀送頽光薄狩三農隙大閱五戎場
萊田初起燒蘭野正開防夾岸虹旗轉分朋獸畧張
燕弧帶曉月吳劍動秋霜原啓前禽路山縈後騎行
雲區墜日羽星苑斃天狼禮振軍容肅威宣武節揚
神心體殷祝靈兆叶姬祥幸陪仙駕末欣採翰林芳

吳宮教美人戰

唐顏粲中

有客陳兵畫功成欲霸吳王顏承將略金鈿指軍符

轉佩風雲暗鳴輦錦繡趨雪花頻落粉香汗盡流珠
掩笑誰欺令嚴刑必用誅至今孫子術猶可靜邊隅

吳宮教美人戰

唐葉季良中

強吳矜霸略講武在深宮盡出嬌娥伎先觀上將風
揮戈羅袖卷環甲汗妝紅掩笑分旗下含羞入隊中
鼓停行未正刑舉令纔崇自可威隣國何勞逞戰功

昆明池水戰詞

唐溫庭筠晚

汪汪積水光連空重疊細紋晴激紅赤帝龍孫鱗甲
怒臨流一時生陰風鼉鼓三聲報天子雕旌獸艦凌
波起雷吼濤驚白石山石鯨眼裂蟠蛟死溟池海浦

武部

卷五十五

講武

俱喧厓青幟白旌相次來箭羽槍纓三百萬踏翻西
海生塵埃茂陵仙去菱花老唼唼游魚近煙島渺莽
殘陽釣艇歸綠頭江鴨眠沙草

校獵

校獵

魏文帝

中車出鄴宮校獵東橋津重直施密網罕畢飄如雲
鸞弓忽高馳一發連雙鷹

仲春振旅

晉傅玄

仲春振旅大致民武教於時日新師執提工執鼓坐
作從晉書節有序盛矣允文允武蒐田表禡申法誓

遂圍禁獻社祭允以時明國制文武並用禮之經列
車如戰大教明古今誰能去兵

夏苗田

晉傅玄

夏苗田運將徂軍國異容文武殊乃命羣吏撰車徒
辨其號名讚契書王軍啓八門行同上帝居時路建
大麾雲旗翳紫虛百官象其事疾則疾徐則徐回衡
旋軫罷陳弊車獻禽享祠蒸蒸配有虞

仲秋獮田

晉傅玄

仲秋獮田金德常剛涼風清且厲凝露結爲霜白藏
司辰蒼隼時鷹揚鷹揚猶尚父順天以殺伐春秋時
武部

卷五十五

四

校獵

叙雷霆振威曜進退由鉦鼓致禽祀祊羽毛之用充
軍府

順天道

晉傅玄

順天道握神契三時示講武事冬大閱鳴鐻振鼓鐸
旌旗象虹霓文制其中武不窮武動軍警衆禮成而
義舉三驅以崇仁進止不失其序兵卒練將如闕虎
惟闕虎氣凌青雲解圍三面殺不殄羣偃旌麾班六
軍獻享蒸修典文

遊獵篇

晉張華

登嶽凝霜結堅氷互幽泉厲風蕩原隰浮雲蔽昊天

玄雲晻曖合素雪紛連翩鷹隼始擊驚虞人獻時鮮
嚴駕鳴騶侶攬轡過中田戎車方四牡文軒馭紫燕
輿徒旣整飭容服麗且妍武騎列重圍前驅抗脩旃
倏忽似回飈絡繹若浮煙鼓噪山淵動衝塵雲霧連

輕繒拂素霓纖網蔭長川游魚未暇竄歸鳥不得還
一作由基控繁弱公差操黃間機發應弦倒一縱連

雙肩僵禽正狼籍落羽何翩翩積獲被山阜流血丹
中原馳騁未及勅曜靈俄移晷結罟彌數澤翬聲振
四鄙鳥驚觸白刃獸駭挂流矢仰手接游鴻舉足蹴
犀兕如黃批狡兔青散撮飛雉鵠驚不盡收鳥驚安

武部

卷五十五

五

校獵

足視日冥徒御勞賞勳課能否野饗會衆賓玄酒甘
且旨燔炙播遺芳金觴浮素蟻珍羞墜歸雲織看出
淥水四氣運不停年時何疊疊人生忽如寄居世遽
能幾至人同禍福達士等生死榮辱渾一門安知惡
與美遊放使心狂覆車難再履伯陽爲我誠檢跡投
清軌

校獵曲

齊謝朓

凝霜冬十月殺盛涼飈哀原澤曠千里騰騎紛往來
平望望煙合烈火從風迴煢獸華容浦張樂荆山臺
虞人昔有論明明時戒哉

行行且遊獵篇

梁劉孝威

之采講射所上林娛獵場選徒驕楚客召符跨胡王
罕車已戒道風鳥復起行飲飛具增繳材官命蹶張
高置掩月兔勁矢射天狼蹠地不遑逸排虛豈及翔
日暮勾陳轉風清鏡吹颺歸來宴平樂寧肯滯禽荒
行行且遊獵篇

唐李白

邊城兒生平不讀一字書但將遊獵誇輕趨胡馬秋
肥宜白草騎來躡影何矜驕金鞭拂雪揮鳴鞘半酣
呼鷹出遠郊弓彎滿月不虛發雙鷁迸落連飛騎海
邊觀者皆辟易猛氣英風振沙磧儒生不及游俠人
武部

卷五十五

六

校獵

白首下帷復何益

行行且遊獵篇

唐孟雲卿

少年多武力勇氣冠幽州何以縱心賞馬蹄春草頭
遲遲平原上狐兔奔林丘猛虎忽前逝俊鷹連下韝
俯身逐南北輕捷固難儔所發無不中失之如我讎
豈惟務馳騁倚爾暴田疇殘殺非不痛古來良有由
和諸葛覽從軍游獵

陳張正見

治兵耀武節獵駭畿封迅騎馳千里高置起百重
騰騰斃馬足飢飢落劍鋒雲根飛燒火鳥道絕禽蹤
力羅四海俊聊以習軍戎

伏聞遊獵

北周庾信

虞旗喜旦晴獵馬向山橫石關魚貫上山梁鴈翅行
雪平尋兔跡林藪聽雉聲馬嘶山谷響弓寒桑柘鳴
聞弦鳥自落望火獸空驚無風樹即正不凍水還平
誰知茂陵下願入睢陽城

出獵

唐太宗

楚王雲夢澤漢帝長楊宮豈若因農暇閱武出轅嵩
三驅陳銳卒七萃列材雄寒野霜氣白平原燒火紅
瑯戈夏服箭羽騎綠沈弓怖獸潛幽壑驚禽散翠空
長煙晦落景灌木振嚴風所為除民瘼非是悅秋叢
武部

卷五十五

七

校獵

校獵義成喜逢大雪率題九韻以示羣臣

唐玄宗

弧矢威天下旌旗遊近縣一面施鳥羅三驅教人戰
暮雲積成雪曉色開行殿皓然原隰同不覺林野變
北風勇士馬東日華組練觸地銀塵出連山縞鹿見
月兔落高增星狼下急箭旣欣盈尺兆復憶礪谿便
歲豐將遇賢俱荷皇天眷

奉和聖製校獵義成喜逢大雪應制

唐張說

文教資武功郊畋閱邦政不知仁育久徒看禽獸盛

夜霰氛埃滅朝日山川靜綽伏飛走繁攄絃筋骨勁
帝射參神道龍馳合人性五犯連一發百中皆先命
勇爵均萬夫雄圖羅七聖星爲吉符老雪作豐年慶
喜聽行獵詩威神入軍令

冬狩行

北周庾信

三川羽檄馳六郡良家選觀兵細柳城校獵長楊苑
驚雉逐鷹飛騰猿看箭轉鳴笳河曲還猶憶南皮返
從駕狩

北周庾信

冬狩出離宮還過獵武功澗橫偏礙馬山虛絕響弓
更羸承落鴈韓盧鬻能猶開三面網誰肯一山重

武部

卷五十五

校獵

冬狩貞觀十六年十二月上獵於驪山登山見
刑則監軍法刑之則是吾登高臨下以求
人之過也乃托以道險引警人谷以避之

唐太宗

烈烈寒風起慘慘飛雲浮霜濃凝廣隰冰厚結清流
金鞍多上苑玉勒騁平疇旌旗四望合置羅一面求
楚路爭兕羶秦亡角鹿愁默忙投密樹鴻驚起礫州
騎歛原塵靜戈迴嶺日收心非洛汭逸意在渭濱遊
禽荒非所樂撫轡更招憂

冬狩行

唐杜甫

君不見東川節度兵馬雄校獵亦似觀成功夜發猛

士三千人清晨合圍步驟同禽獸已斃十七八殺聲
落日迴蒼穹暮前生致九青兕駱駝崑崙垂玄熊東
西南北百里間髮髯蹴踏寒山空有鳥名鷗鴒力不
能高飛逐走逢肉味不足登鼎俎胡爲見羈虞羅中
春蒐冬狩侯得同使君五馬一馬驄況今攝行大將
權號令頗有前賢風飄然時危一老翁十年厭見旌
旗紅喜君士卒甚整肅爲我回轡擒西戎草中狐兔
盡何益天子不在咸陽宮朝廷雖無幽王禍得不哀
痛塵再蒙嗚呼得不哀痛塵再蒙

從獵渭川獻詩

唐魏知古

武部

卷五十五

九

校獵

嘗聞夏太康五事訓禽荒我后成冬狩三驅盛禮張
順時鷹隼擊講事武功揚奔走未成去翾飛豈暇翔
非熊從渭水瑞鸞想陳倉此欲誠難縱茲遊不可常
子雲陳羽獵僖伯諫魚棠得失鑒齊楚仁恩念禹湯
雍熙亮在宥亭毒匪多傷辛甲今爲史虞箴遂孔彰

從張丞相獵贈裴迪

唐孟浩然

從禽非吾樂不好雲夢田歲暮登城望偏令鄉思懸
公卿有幾幾車騎何翩翩世祿金章貴官曹幕府連
順時行殺氣飛刃爭割鮮十里留賓館微聲匪伎筵
高標回落日平楚歷芳煙何意狂歌客從公亦在旃

同羣公出獵海上

唐高適

畋獵自古昔况伊心賞俱偶與羣公遊
曠然出平蕪層陰漲溟海殺氣窮幽都
鷹隼何翩翩馳驟相傳呼豺狼竄榛莽
麋鹿罹難虞高鳥下駢弓凶獸鬪匹夫
塵驚大澤晦火燎深林枯失之有餘恨
獲者無全軀叫彼工拙間恨非指縱徒
猶懷老氏訓感歎此歡娛

漢武出獵

唐錢起

漢家無事樂時邑羽獵千千出九重
玉帛不朝金闕路旌旗長繞彩霞峰
且貪原獸輕黃屋寧畏漁人犯白龍
薄暮方歸長樂觀垂楊幾處綠煙濃

武部

卷五十五

十一 校獵

校獵曲

唐錢起

長楊殺氣連雲飛漢主秋畋正掩圍
重門日晏紅塵出數騎胡人獵獸歸

御獵

唐王建

青山直遶鳳城頭滙水斜分入御溝
新教內人唯射鴨長隨天子苑東遊

看獵

北周王褒

上林冬狩返回中講射歸還登宣曲
觀更獵黃山圍嚴冬桑柘慘寒霜馬
騎肥縹青隨兔起高鷹接雉飛獨嗟
來遠客辛苦倦邊衣

觀獵

唐王昌齡

角鷹初下秋草稀鐵驄拋鞚去如飛
少年獵得平原兔馬後橫捎意氣歸

觀獵

唐王維

風勁角弓鳴將軍獵渭城草枯鷹眼疾
雪盡馬蹄輕忽過新豐市還歸細柳營
迴看射鵰處千里暮雲平

觀獵

唐李白

太守耀清威乘閑弄晚輝江沙橫獵騎
山火繞行圍箭逐雲鴻落鷹隨月兔飛
不知白日暮歡賞夜方歸

觀獵

唐張祐

武部

卷五十五

十一 校獵

殘獵渭城東蕭蕭西北風雪花鷹背上
冰片馬蹄中臂挂捎荆兔腰懸落箭鴻
歸來逞餘勇兒子亂彎弓

觀徐州李司空獵

唐張祐

晚出郡城東分圍淺草中紅旗開向日
白馬驟迎風背手抽金鏃翻身控角弓
萬人齊指處一鴈落寒空

連州臘日觀莫後獵西山

唐劉禹錫

海天殺氣薄蠻軍步伍蒼林紅葉盡
變原黑草如燒圍合繁鉦息禽興大旆
挂張羅依道口旋犬上山腰清鷹慮奮
迅驚鹿時踟躕瘴雲四面起臘雪半空
消箭頭餘鵠血鞍傍見雉翹日暮還城
邑金笳發麗譙

觀獵

唐韋莊

苑牆東畔欲斜暉
傍苑穿花兔正肥
公子喜逢朝罷日
將軍誇換戰時衣
鶻翻錦翅雲中落
犬帶金鈴草上飛
直到四郊高鳥盡
盡掉鞍齊向國門歸

觀校獵上淮西相公

唐劉長卿

龍驤校獵邵陵東
野火初燒楚澤空
師事黃公千載後
身騎白馬萬人中
笳隨晚吹吟邊草
箭沒寒雲落塞鴻
三十擁旄誰不美
周郎少小立奇功

觀獵騎

唐司空曙

繆臂繡綸巾
貂裘窄稱身
射禽風助箭
走馬雪翻塵

武部

卷五十五

十二

校獵

贈獵騎

唐杜牧

已落雙鵬血
尚新鳴鞭走馬
又翻身憑君
莫射南來鴈
恐有家書寄遠人

見征客始還遇獵

北周庾信

貳師新受詔
長平正凱歸
猶言乘戰馬
未得解戎衣
上林遇逐獵
宜春暨合圍
漢帝能猶憤
秦王雉更飛
故人迎借問
念舊始依依
河邊一片石
不復肯支機
秋獵孟諸夜
歸置酒單父
東樓觀妓

唐李白

傾暉速短炬
走海無停川
冀餐圓丘草
欲以還顏年
此事不可得
微生若浮煙
駿發誇名駒
彫弓控鳴弦
鷹豪魚草白
狐兔多肥鮮
邀遮相馳逐
遂出城東田
一掃四野空
喧呼鞍馬前
歸來獻所獲
炮灸宜霜天
出舞兩美人
飄飄若雲仙
留歡不知疲
清曉方來旋

射

射一作狸首凡二見禮記射義諸侯以狸首為節

曾孫侯氏四正具舉
大夫君子凡以庶士
小大莫處

御於君所以燕以射
則燕則譽見禮記曾孫者諸侯推本始封之君故

武部 卷五十五 十三 校獵 射 以燕以射先行燕禮而後射也則燕則譽燕安也言君臣上下以射而習禮樂則安樂而有名譽也

質參既設執旌既載計反千侯既抗中獲既置弓既平張四侯且良決拾有常既順乃讓陽反乃揖乃讓

乃躋其堂乃節其行剛反既志乃張射夫命射射者之聲御車之旌既獲卒莫紀聞曰此命射之辭也

大射登歌

隋無名氏

道謐金科照時又玉條明優賢饗禮洽選德射儀成鑾旗鬱雲動寶軼軼天行中車整三乏司表飾五正鳴球響高殿華鍾震廣庭鳥號傳昔美淇衛著前名揖讓皆時傑升降盡朝英附枝觀體定杯水觀心平

豐觚既來去燔炙復縱橫欣看禮樂盛喜遇黃河清

射鳥辭

漢明帝東巡有鳥飛鳴乘輿上虎黃郎王吉射中之遂作辭云云帝賜錢百萬皆盡焉

漢王吉

鳥鳥啞啞引弓射洞左腋陛下壽萬年臣爲一作二千石

射鳶

魏劉楨

鳴鳶弄雙翼飄飄薄青雲我后橫怒起意氣凌神仙發機如驚焮三發兩鳶連流血灑牆屋飛毛從風旋庶士同聲贊君射一何妍

落日射熊

梁元帝

武部

卷五十五

十四

射

促宴引枚鄒中園觀獸侯日度墀陰廣風橫旗影浮移竿標入箭疊鼓送爭籌附枝時可息言從清夜遊

同管記陸瑜九日觀馬射

陳後主

晴朝麗早霜秋景照堂皇幹慘風威切荷彫池望荒樓高看鴈下葉散覺山涼歇霧含空翠新花濕露黃飛禽接旆影度日轉鉞光連翻北幽騎馳射西園傍勒移碼碯色鞭起珊瑚場已同過隙遠更異良弓藏且觀千里汗仍瞻百步楊非爲從逸賞方追塞外羌

北園射堂新成

北周庾信

軒臺聊可習仙的不難登轉箭初調筈橫弓先望朔

驚心一屬落連臂兩猿騰直知王濟巧誰覺魏舒空心不死樹無葉未枯藤擇賢方至此傳厄欣得朋

玄武門侍射

并序

唐張說

開元之初季冬其望天子始御北闕朝羽林軍禮修事厥後二日乃命紫微黃門九卿六事與能罷之將爪牙之臣合宴焉侑以純錦頒以珍器爾其射棚新成布侯旣設梁仗林立帷軒霧布衆官半酣皇情載悅卷珠箔臨玉除唐弓在手夏箭斯發應弦屢中屬羽連飛弧矢以來未之有也若夫天地合道星辰獻儀端視和容內正外直自近而制

武部

卷五十五

十五

射

遠耀威而觀德無不通神無不極用是射也其惟聖人乎於時繁雲覆城大雪飛苑天人同澤上下交歡退食懷恩賦詩頌義凡若干篇

射觀通玄闕兵欄闕御筵雕弧月半上盡的暈重圓羿后神幽贊靈王法暗傳貫心精四返飲羽妙三連雪鶴來銜箭星麟下集弦一逢軍宴洽萬慶武功宣

始建射侯

唐韋應物

男子本懸弧有志在四方虎竹忝明命熊侯始張皇賓登時事畢諸將備戎裝星飛的屢被鼓譟武更揚曾習鄒魯學亦陪鴛鴦翔一朝願投筆世難激中腸

和王懷州觀西營秋射

唐耿漳中

謝公親校武草碧露漫漫落葉停高駕空林滿從官
迎籌皆疊鼓揮箭或移竿名借三軍勇功推百中難

主皮山郡晚飲算柳營寒明日開鈴閣新詩雙玉盤

觀衛尚書九日對中使射

唐戎昱中

盛宴傾黃菊殊私降紫泥月營開射圃霜旆拂晴霓
出將三朝貴彎弓五善齊腕迴金鏃滿的破綠弦低
勇氣千牛斗歡聲震鼓鼙忠臣思報國更欲取關西

觀騎射

唐李益中

邊頭射鵰將走馬出中軍遠見平原上翻身向暮雲

武部

卷五十五

十六射

射虎行

唐王建中

自去射虎得虎歸官差射虎得虎遲獨行以死當危
命兩人因疑終不定朝朝暮暮空手迴山下綠苗威
道徑遠立不敢汗箭鏃聞死還來分虎肉惜留猛虎
著深山射殺恐畏終身閑

射鵰騎

唐馬戴晚

蕃面將軍著鼠裘酣歌衝雪在邊州獵過黑山猶走
馬寒鵰射落不回頭

李波小妹歌

魏書曰廣平人李波宗族疆威殘
云刺史李安世設方畧
誘波等殺之州內肅然

李波小妹字雍容褰裙逐馬如卷蓬左射右射必疊
雙婦女尚如此男子安可逢

○觀兵

廣陵觀兵

一作至廣陵於馬上作魏志黃初六
年十月行幸廣陵故城臨江觀兵成
卒十餘萬旌旗數百
里帝於馬上為詩曰

魏文帝

觀兵臨江水水流何湯湯戈矛成山林玄甲耀日光
猛將懷暴怒膽氣正縱橫誰云江水廣一葦可以航
不戰屈敵虜戢兵稱賢良古公宅岐邑實始翦殷商
孟獻營虎牢鄭人懼稽顙充國務耕殖先零自破亡
興農淮泗間築室都徐方量宜運權畧六軍咸悅康
武部 卷五十五 十七射

豈如東山詩悠悠多憂傷

宿溫城望軍營

唐駱賓王初

虜地寒膠折邊城夜柝聞兵符關帝闕天策動將軍
塞靜胡笳徹沙明楚練分風旗翻翼影霜劍轉龍文
白羽搖如月青山斷若雲煙踈疑卷幔塵滅似銷氛
投筆懷班業臨戎想召勳還應雪漢恥持此報明君

觀兵

唐杜甫盛

北庭送壯士獵虎數猶多精銳舊無敵邊隅今若何
妖氛推白馬元帥待彫戈莫守鄴城下斬鯨遼海波
觀安西兵過赴關中待命二 唐杜甫盛

四鎮富精銳摧鋒皆絕倫還聞獻士卒足以動風塵
老馬夜知道蒼鷹饑著人臨危經久戰用意始如神

二

奇兵不在衆萬馬救中原談笑無河北心肝奉至尊
孤雲隨殺氣飛鳥避轅門竟日留歡樂城池未覺喧

登邯鄲洪波臺置酒觀發兵 唐李白 盛

我把兩赤羽來遊燕趙間天狼正可射感激無時閑
觀兵洪波臺倚劍望玉關請纓不繫越且向燕然山
風引龍虎旗歌鐘昔追攀擊筑落高月投壺破愁顏
遙知百戰勝定掃鬼方還

武部

卷五十五

十八

九日登巴陵置酒望洞庭 唐李白 盛

九日天氣清登高無秋雲造化闢川嶽了然楚漢分
長風鼓橫波合沓感龍文憶昔傳遊豫樓船壯橫汾
今茲討鯨鯢旌旆何繽紛白羽落酒樽洞庭羅三軍
黃花不掇手戰鼓遙相聞舞劍轉額陽當時日停驂
酣歌激壯士可以摧妖氛齷齪東籬下淵明不足羣

涇州觀元戎出師

唐戎昱 中

寒日征西將蕭蕭萬馬叢吹笳覆樓雪祝纛滿旗風
遮虜黃雲斷燒羌白草空金鐃肅天外玉帳靜霜中
朔野長城隰河源舊路通衛青師自老魏絳賞何功

槍壘依沙迴轅門壓塞雄燕然如可勒萬里願從公

蒜山津觀發軍

唐許渾 晚

羽檄徵兵急轅門選將雄犬羊憂破竹貔虎極飛蓬
定繫猖狂虜何須矍鑠翁更探黃石略重振黑山功
別馬嘶營柳驚鳥散井桐低星連寶劍殘月讓雕弓
浪曉戈鋌裏山晴鼓角中甲開魚照水旗颺虎拏風
去想金河遠行聞 一作 玉塞空漢庭應有問師律在
元戎

○征伐

行軍併入

命將出征歌

晉張華

武部

卷五十五

十九

觀兵

重華隆帝道戎蠻或不賓徐夷興有周鬼方亦違殷
今在聖明世寇虐動四垓豹狼染牙爪羣生號寧旻
元帥統方夏出車撫涼秦衆貞必以律臧否實在人
威信加殊類踈逖思自親單醪豈有一 一作 味挾續感
至仁武功尚止戈七德美安民遠跡由斯舉永世無
風塵

北伐

宋孝武帝

表裏跨原隰左右御川梁月羽皎素魄皇旗赳赤光

詠霍將軍北伐

梁虞羲

擁旌爲漢將汗馬出長城長城地勢險萬里與雲平

涼秋八九月虜騎入幽并飛狐白日晚瀚海愁雲生
羽書時斷絕刁斗晝夜驚乘墉揮寶劍蔽日引高旂
雲屯七萃士魚麗六郡兵胡笳關下思羌笛隴頭鳴
骨都先自誓日逐次亡精玉門罷斥堠甲第始修營
位登萬庾積功立百行成天長地自久人道有虧盈
未窮激楚樂已見高臺傾當令麟閣上千載有雄名

南征

陳蘇子卿

一朝遊桂水萬里別長安故鄉夢中近邊愁酒上寬
劍鋒但須利戎衣不畏單南中地氣暖少婦莫愁寒

李雲南征蠻詩并序

唐高適

武部

卷五十五

二十一 征伐

天寶十一載有詔伐西南夷右相楊公兼節制之
寄乃奏前雲南太守李宓涉海自交趾擊之道路
險艱往復數萬里蓋百王所未通也十二載四月
至於長安君子是以知廟堂使能而李公効節適
忝斯人之舊因賦是詩

聖人赫斯怒詔伐西南戎肅穆廟堂上深沈節制雄
遂令感激士得建非常功料死不料敵顧恩寧顧終
鼓行天海外轉戰蠻夷中梯巘近高鳥穿林經毒蟲
鬼門無歸客北戶多南風蜂蠆隔萬里雲雷隨九攻
長驅大浪破急擊羣山空餉道忽已遠懸軍垂欲窮

精誠動白日憤薄連蒼穹野食掘田鼠哺餐兼熨僮
收兵列亭候拓地彌西東臨事恥苟免履危能飭躬
將星獨照耀邊色何溟濛瀘水夜可涉交州今始通
歸來長安道召見甘泉宮廉蘭若未死孫吳知暗同
相逢論意氣慷慨謝深衷

東征行

唐王建

桐柏水西賊星落梟雉夜飛林木惡相國刻日波濤
清當朝自請東南征舍人為賓侍郎副曉覺蓬萊欠
珮聲玉階舞蹈謝旌節生炊向前山可穴同時賜馬
并賜衣御樓看帶弓刀發馬前猛士三百人金書左
武部 卷五十五 二十一 征伐

征西將

唐張籍

黃沙北風起半夜又翻營戰馬雪中宿探人冰上行
深山旗未展陰磧鼓無聲幾道征西將同收碎葉城

東兵

唐杜牧

上黨爭為天子春邯鄲四十萬秦坑狂童何者欲專
地聖主無私豈玩兵玄象森羅搖北落詩人章句詠
東征雄如馬武皆彈劍少似終軍亦請纓屈指廟堂

無失策垂衣堯舜待昇平羽林東下雷霆怒楚甲南
來組練明即墨龍文光照曜常山地陣勢縱橫落鵬
都尉萬人敵黑稍將軍一鳥輕漸見長圍雲欲合可
憐窮壘帶猶縈凱歌應是新年唱便逐春風浩浩聲

飲馬長城窟

魏文帝

汎舟橫大江討彼犯荆虜武將齊貫鉅征人伐金鼓
長戟十萬隊幽冀百石弩發機若雷電一發連四五

泛舟橫大江三首

梁簡文帝

滄波白日暉遊子出王畿旁望重山轉前觀遠帆稀
廣水浮雲吹江風引夜衣旅鴈同洲宿寒鳥夾浦飛

武部

卷五十五

二五

征伐

行客誰多病

一作

當念早旋歸

二

隴西四戰地羽檄歲時聞護羌擁漢節校尉立元勳
石門留鐵騎冰城息夜軍洗兵逢驟雨送陣出黃雲
沙長無止泊水脉屢縈分當思勒羣鼎無用想羅裙

三

悠悠縣旆旌知向隴西行減竈驅前馬銜枚進後兵
沙飛朝似幕雲起夜疑城迴山時阻路絕水亟稽程
往年郵支服今歲單于平方歡凱樂盛飛蓋滿西京

分兵救朔方

原作出自
北門

宋鮑照

羽檄起邊亭烽火入咸陽徵師一作屯廣武分兵救
朔方嚴秋筋竿勁虜陣精且彊天子按劍怒使者逢
相望鴈行緣石徑魚貫度飛梁蕭鼓流漢思一作旌
甲被胡霜疾風衝塞起沙礫自飄揚馬毛縮如蝟角
弓不可張時危見臣節世亂識忠良投軀報明主身
死爲國殤

戰城南

梁吳筠

蹀躞青驪馬往戰城南畿五歷魚麗陣三入九重圍
名留武安將血汗秦王衣爲君意氣重無功終不歸

戰城南

陳張正見

武部

卷五十五

二五

征伐

薊北馳胡騎城南接短兵雲屯兩陣合劍聚七星明
旗交無復影角憤有餘聲戰罷披軍策還嗟李少卿

戰城南

唐盧照鄰

將軍出紫塞冒頓在烏貪笳喧鴈門北陣翼龍城南
琨子夜宛轉鐵騎曉驂驪應須駐白日爲待戰方酣

戰城南

唐楊炯

塞北途遼遠城南戰苦辛幡旗如鳥翼甲冑似魚鱗
凍水寒傷馬悲風愁殺人寸心明白日千里暗黃塵

戰城南

唐徐九臯

塞北狂胡旅城南敵漢圍巉巖一鼓氣拔利五兵威

虜騎瞻山哭王師拓地飛不應須龍戰當遂勒金微

征役原作

梁吳均

維虜寇銅提征役去三齊扶山翦疏勒傍海掃沈黎
劍光夜揮電馬汗書成泥何當見天子畫地取關西

二

匈奴數欲盡僕在玉門關蓮花穿劍鏑秋月掩刀環

春機思一作

窈窕夏鳥鳴一作

思

綿蠻中人坐相望狂

夫終未還

發白馬

白馬

梁費昶

家本樓煩俗召募羽林兒怖羌角觝戲習戰昆明池

武部

卷五十五

二十四

征伐

弓殘不復挽劍衣恒露鉞一辭豹尾內長別屬車垂

白馬今雖發黃河未結澌寄言閨中婦逢春心勿移

發白馬

唐李白盛

將軍發白馬旌節度黃河簫鼓昭川嶽滄溟湧濤波

武安有振瓦易水無寒歌鐵騎若雪山飲流涸潯沱

揚兵獵月窟轉戰略朝那倚劍登燕然邊鋒列嵯峨

蕭條萬里外耕作五原多一掃清大漠包虎戢金戈

次天元十載華陰發兵作時有郎官點發

唐儲光義盛

鬼方生獫狁時寇盧龍營帝念霍嫖姚詔發咸林兵

天星下文閣簡師臨我城三陌觀勇夫五餌謀長纓

雷野大車發震雲靈鼓鳴太華色蒼蒼清渭風交橫

胡馬悲雨雪詩人歌旆旌閼氏爲女奴單于作邊氓

神皇麒麟閣大將不書名

奉和杜相公初夏發京城作

唐岑參盛

按節辭黃閣登壇戀赤墀銜恩期報主授律遠行師

野鵲迎金印郊雲拂畫旗叨陪幕中客敢和出車詩

奉和杜相公發益昌

唐岑參盛

相國臨戎別帝京擁旄持節遠橫行朝登劍閣雲隨

馬曉渡巴江雨洗兵山花萬朶迎征蓋川柳千條拂

武部

卷五十五

二十五

征伐

去旌暫到蜀城應計日須知明主待持衡

行軍

唐李白盛

驕馬新誇白玉鞍戰罷沙場月色寒城頭鐵鼓聲猶

振匣裏金刀血未乾

出軍

唐戎昱中

龍繞旌竿獸滿旗翻營乍似雪中移中軍一隊三千

騎盡是并州游俠兒

出師原作

唐司空曙中

月沒遼城暗出師雙龍金角曉天悲黃塵滿目隨風

散不認將軍舊尾旗

侍宴餞臨川王北伐應詔 梁王筠

金版韜英玉牒蘊精帝德乃武王威有征軒集弧矢
夏陳干戚周騫戎車漢馳羽檄我皇俊聖千年踵武
德洞十一作門威加八柱金正圯德水行失道胡馬
南牧戎徒西保薦食伊瀍整居豐鎬金關一作揚塵
銅臺茂草命彼膳夫爰詔協律樂賦出車絃操吉日
玉饌駢羅瓊漿泛溢聖德溫溫賓儀秩秩

送衛王南征 北周庾信

望水初橫陣移營寇未降風塵馬足起先暗廣陵江
送趙二尚書彥昭北伐 唐張說初

武部 卷五十五 征伐 二十六

虜地河水合邊城備此時兵連紫關路將舉白雲司
題劍榮中貴銜珠盛出師日華光組練風色焰旌旗
投筆罇前起橫戈馬上辭梅花吹別引楊柳賦新詩

同諸公送李雲南伐蠻 唐儲光義

昆明濱滇池蠢爾敢逆常天星耀鐵鎖弔彼西南方
冢宰統元戎太守齒軍行囊括千萬里矢謨在廟堂
耀耀金虎符一息到炎荒蒐兵自交趾芟舍出瀘陽
羣山高嶺巖凌越如鳥翔封豕驟踰伏巨象遙披攘
迴谿深天淵揭厲踰舟梁玄武掃孤蟻蛟龍除方良
雷霆隨神兵礪礪動穹蒼斬伐若草木繫縲同犬羊

餘醜隱弭河啁啾亂行藏君子惡薄險王師恥重傷
廣車設置梁太白收光芒邊吏靜縣道新書行紀綱
劍關掉鞅歸武弁朝建章龍樓加命服獬豸擁秋霜
邦人頌靈旗側聽何洋洋京觀在七德休哉我神皇
走馬川行奉送出師西征 唐岑參

君不見走馬川行雪海邊平沙莽莽黃入天輪臺九
月風夜吼一川碎石大如斗隨風滿地石亂走匈奴
草黃馬正肥金山西見煙塵飛漢家大將西出師將
軍金甲夜不脫半夜軍行戈相撥風頭如刀面如割
馬毛帶雪汗氣蒸五花連錢旋作水幕中草檄硯水

武部 卷五十五 征伐 二十七

凝虜騎聞之心膽懾料知短兵不敢接車師西門佇
獻捷

輪臺歌送封大夫出師西征 唐岑參

輪臺城頭夜吹角輪臺城北旄頭落羽書昨夜過渠
黎單于已在金山西戍樓西望煙塵黑漢兵屯在輪
臺北上將擁旄西出征平明吹笛大軍行四邊伐鼓
雪海湧三軍大呼陰山動虜塞兵氣連雲屯戰場白
骨纏草根劍河風急雲片闊沙口石凍馬蹄脫亞相
勤王甘苦辛誓將報主靜邊塵古來青史誰不見今
見功名勝古人

送張將軍征西

唐錢起

長安少年唯好武金殿承恩爭破虜沙場烽火隔天
山鐵騎征西幾歲還戰處黑雲霾瀚海愁中明月度
陽關玉笛聲悲離酌晚金方路極行人遠計日霜戈
盡敵歸回首戎城空落暉始笑子卿心計失徒看海
上節旄稀

送秦光祿北征

唐李賀

北虜膠堪折秋沙亂曉聲胡頻犯塞驕氣似橫霓
灞水樓船渡營門細柳開將軍馳白馬豪彥騁雄材
箭射攏槍落旗縣日月低榆稀山易見甲重馬頻嘶

武部

卷五十五

主人

征伐

天遠星光沒沙平草葉齊風吹雲路火雪汗玉關泥
屢斷呼韓頸曾燃董卓膺太常猶舊寵光祿是新躋
寶玦騏驎起銀壺狒狒啼桃花連馬發綵絮撲鞍來
呵臂縣金斗當唇注玉疊清蘇和碎蟻紫膩卷浮杯
虎鄴先蒙馬魚腸且斷犀趁趨西旅狗威額北方奚
守帳燃香暮看鷹永夜棲黃龍就別鏡青塚念陽臺
周處長橋役侯調短弄哀錢塘階鳳羽正室壁鸞釵
內子攀琪樹羌兒奏落梅今朝擎劍去何日刺蛟迴

送劉將軍入關討賊

唐李山甫

世人多恃武何者是英雄欲滅黃巾賊須憑黑稍公

指星憂國計望氣識天風明日凌雲上期君第一

○從征

從征行方頭山

晉袁宏

我我太行凌虛抗勢天嶺交氣竄然無際澄流入神
玄谷應契四象悟心幽人來慰

從征

宋傅亮

息徒西楚佇楫舊鄉止猶岳立動則雲翔烈烈羣師
星言啓行汎舟掩河秣馬登芒

從武帝平閩中

宋傅亮

鞠旅揚城大蒐徐方旂旌首路元戎啓行弭一作
武部

卷五十五

三九

從征

洪河總轡崇岡

從戎曲

齊謝朓

選旅辭輟軒弭節赴河源日起霜戈照風迴連騎翻
紅塵朝夜合黃沙萬里昏寥戾清笳轉蕭條邊馬煩
自勉輟耕願征役去何言

從蕭驃騎新帝壘

梁江淹

鯢妖毀王度虹氣咀王猷上宰軫靈畧宏威肅廣謀
綿嶮冒戈堞乘嶠架烽樓燕兵歌越水代馬思吳州
金笳夜一達明月信悠悠雲色被江出煙光帶海浮
開襟夾蒼宇拓遠局溟洲折日承丹谷總駕臨青丘

側待殘霧晏方從賦壑遊

劍客遠從征原作度關山

陳張正見

關山度曉月劍客遠從征雲中出迴陣天外落奇兵
輪摧偃去節樹倒礙縣旌沙揚折坂暗雲積榆谿明
馬倦時銜草人疲屢看城寒隴胡笳溜空林漢鼓鳴
還聽鳴咽水併切斷腸聲

從北征

北齊裴讓之

沙漠胡塵起關山烽燧驚皇威奮武略上將總神兵
高臺朔風駛絕野寒雲生匈奴定遠近壯士欲橫行
從北征

北齊祖珽

武部

卷五十五

三十一

從征

翠旗臨塞道靈鼓出桑乾祁山斂霧瀚海息波瀾
戍亭秋雨急關山朔氣寒方繫單于頸歌舞入長安
侍從徐國公殿下軍行

北周庾信

八風占陣氣六甲候兵韜置府仍張幕麾軍即東旄
長旗臨廣武烽火照城皋巡寒重挾纊酌水勝單醪
陣後雲逾直兵深星轉高電燄驅龍馬山精鑊寶刀
塞迴翻榆葉關寒落鴈毛既得從神武何須念久勞
西征軍行遇風

唐崔融初

北風捲塵砂左右不相識颯颯吹萬里昏昏同一色
馬煩不敢進人急未遑食草木春更悲天景晝相匿

夙齡慕忠貞雅尚存孤直覽史懷浸驕讀詩歎孔棘
及茲戎馬地忝從書記職兵氣騰北荒軍聲振西極
坐覺威靈遠行看稜氛息愚臣何以報倚馬申微力
得柳員外書封寄近詩書中兼報新主行營兵

馬因代書戲荅

唐獨孤及

郎官作椽心非好儒服臨戎政已聞說劍嘗宗漆園
吏戒嚴應笑棘門軍遙知抵掌論黃道時復吟詩向
白雲百越待君言即叙相思不敢愴離羣

行營酬呂侍御時尚書問罪襄陽軍次漢東境
上侍御以州鄰寇賊復有水火迫於征稅詩

武部

卷五十五

三十一

從征

以見諭

唐劉長卿中

不敢淮南卧來趨漢將營受辭瞻左鉞扶疾拜前旌
井稅鶉衣樂壺漿鶴髮迎水歸餘斷岸烽至掩孤城
晚日歸千騎秋風合五兵孔璋才素健早晚檄書成
從軍北征

唐李益中

天山雪後海風寒橫笛偏吹行路難磧裏征人三十
萬一時回向月明看

東征荅朝臣相送

唐陳子昂初

平生白雲意疲蕭嫺爲雄君王謬殊寵旌節此從戎
按繩當繫虜單馬豈邀功孤劍將何託長謠塞上風

送著作佐郎崔融等從梁王東征 并序

唐陳子昂 初

古者涼風至白露下天子命將帥訓甲練兵將以
外威羌戎內輯中夏時義遠矣自我大君受命百
蠻蟻伏匈奴含蒲萄之宮越裳重翡翠之貢虎符
不發象胥攸同寔欲高議靈臺偃兵天下而林胡
遺孽竄亂邊氓驅蚊蚋之師忽雷霆之伐乃竊海
裔弄燕陲皇帝哀北鄙之人罹其辛螫以東征之
義降彼偏裨猶恐威令未孚亭塞可留岐路方乖
關山成恨嗟乎朝廷好入期富貴于崇朝林嶺吾
武部 卷五十五 三十二 從征

棲學神仙而未畢青霞路絕朱紱途遙言此會之
何時願相逢而誰伐永懷千古豈知口者之交凡
我三人盍崇不朽之迹斯文未喪題之此山同疏
四韻云爾

唐李義 初

金天方肅殺白露始專征王師非樂戰之子慎佳兵
海氣侵南郡邊風掃北平莫賣盧龍塞歸遼麟閣名
夏日都門送司馬員外逸客孫員外佺北征

候月期截翦經時念別離坐聞關隴外無復引弓兒

夏日都門送司馬員外逸客孫員外佺北征 時

王為元帥魏大
夫元忠為副

唐沈佺期 初

三庭追虜騎六月動周師廟略天人授軍麾相國持
復言徵二妙才命重當時盡省連征橐橫門共別詞
雲迎出塞馬風捲渡河旗計日方夷寇旋聞枹杜詩
送盧管記僊客北伐 唐沈佺期

羽檄西北飛交城日夜圍廟堂盛徵選戎幕生光輝
鴈行度幽谷馬首向金微湛湛山川暮蕭蕭涼風稀
餞途予憫默赴敵子英威今日楊朱淚無將灑鐵衣

武部

卷五十五

三十二

從征

送白利從金吾董將軍西征 唐李白

西羌延國討白起佐軍威劒決浮雲氣弓彎明月輝
馬行邊草綠旌卷曙霜飛抗手凜相顧寒風生鐵衣

送梁公昌從信安王北征 唐李白

入幕推英選捐書事遠戎高談百戰術爵作萬夫雄
起舞蓮花劒行歌明月宮將飛天地陣兵出塞垣通
祖席留丹影征麾拂綵虹旋應獻凱入麟閣佇深功
貽鼓吹李丞時信安王北伐李公王之所器者

唐儲光義 初

北伐昧天造王師示有征轅門統元律帝室命宗英

靈威方首事伏鉞按邊城膏雨被春草黃雲浮太清
文儒託後乘武旅趨前旌出車發西洛營軍臨北平
曰予深固陋志氣頗縱橫常思驃騎幕願逐嫖姚兵
維賢美無度海內依揚聲河間舊相許車騎日逢迎
折節下謀士深心論客卿忠言雖未列庶以知君誠

送陸員外

唐王維 盛

郎署有伊人居然古人風天子顧河北詔書除征東
拜手辭上官緩步出南宮九河平原外七國薊門中
陰風悲枯桑古塞多飛蓬萬里不見虜蕭條胡地空
無爲費中國更欲邀奇功遲遲前相送握手嗟異同

武部

卷五十五

三

從征

行當封侯歸肯訪南山翁

詩雋類函卷五十六

東吳俞安期彙纂

宣城梅鼎祚增定

金明蕭如薰訂校

武部二

從軍 赴軍

監軍附 送軍

○從軍

從軍詩五首

魏志曰夷安二十年三月公西征張魯魯及五子降十二年自南

鄭是行也侍中王粲作五言詩以美其事

魏王粲

從軍有苦樂但問所從誰所從神且武焉得久勞師
相公征關右赫怒震天威一舉滅獯虜再舉服羌夷
西收邊地賊忽若俯拾遺陳賞越丘山酒肉踰川坻

武部

卷五十六

從軍

軍中多沃饒人馬皆溢肥徒行兼乘還空出有餘資
拓地三千里往返一如飛歌舞入鄴城所願獲無違
晝日處大朝日暮薄言歸外參時明政內不廢家私
禽獸憚爲犧良苗實已揮竊慕負鼎翁願厲朽鈍姿
不能效沮溺相隨把鋤犁熟覽夫子詩信知所言
涼風厲秋節司典告詳刑我君順時發桓桓東南征
汎舟益長川陳卒被隰垌征夫懷親戚誰能無戀情
拊衿倚舟檣眷眷思鄴城哀彼東山人喟然感鸛鳴
日月不安處人誰獲恒一作常寧昔人從公旦一徂輒
三齡今我神武師暫往必速平棄余親睦恩輸力竭

忠貞懼無一夫用報我素餐誠夙夜自忤普反性思

逝若抽縈將秉先登羽豈敢聽金聲建安二十二年

此下四首蓋征吳作也

從軍征遐路討彼東南夷方舟順廣川薄暮未安坻

白日半西山桑梓有餘暉蟋蟀夾岸鳴孤鳥翩翩飛

征夫心多懷悽惻一作愴令吾悲下船登高防草露

我衣迴身赴牀寢此愁當告誰身服干戈事豈得念

所私卽戎有授命茲理不可違

朝發鄴都橋暮濟白馬津逍遙河隄上左右望我軍

連舫踰萬艘帶甲十萬人率彼東南路將定一舉勲

武部卷五十六二從軍

籌策運帷幄一由我聖君恨我無時謀譬諸具官臣

鞠躬中堅內微畫無所陳許歷爲完士一言猶一作

敗秦我有素餐責誠愧伐檀人雖無鉛刀用庶幾奮

薄身

悠悠涉荒路靡靡我心愁四望無煙火但見林與丘

城郭生榛棘蹊徑無所由一作荏苒竟廣澤葭葦夾長

流日夕涼風發翩翩漂吾舟寒蟬在樹鳴鸛鵲摩天

游客子多悲傷淚下不可收朝入譙郡界曠然消人

憂雞鳴達四境黍稷盈原疇館宅充鄼里士女滿莊

道一作道一作自非賢聖國誰能享斯休詩人美樂土雖

客猶願留

從軍原作

漢無名氏

十五從軍征八十始得歸道逢鄉里人家中有阿誰

遙望是君家松柏冢纍纍從狗竇入雉從梁上飛

中庭生旅穀井上生旅葵烹穀持作飯采葵持作羹

羹飯一時熟不知貽阿誰出門東向望淚落沾我衣

從軍行二首

魏左延年

苦哉邊地人一歲三從軍三子到燉煌二子詣隴西

五子遠鬪去五婦皆懷身

又見初學記

武部卷五十六三從軍

從軍何等樂一驅乘雙駃騠馬照人白龍驤自動作

苦哉遠征人飄飄一作窮四遐南陟五嶺巔北戍長

城阿深一作谷逸一作無底崇山鬱蒼蒼我奮臂攀喬

木振迹涉流沙降暑固已慘涼風嚴且苛夏條集一作

鮮藻寒水結衝波胡馬如雲屯越旗亦星羅飛鋒

無絕影鳴鏑自相和朝食一作不免胃夕息常負戈

苦哉遠征人撫心悲如何

從軍原作晉張協

此鄉非吾地此郭非吾城騎旅無定心翩翩如懸旌

出觀軍馬陣入聞鞞鼓聲常懼羽檄飛神武一朝征
長鈞鳴鞘中烽火列邊亭捨我衡門衣更被縵胡纓
疇昔懷微志惟幕竊所經何必操干戈堂上有奇兵
折衝樽俎間制勝在兩楹巧遲不足稱拙速乃垂名

從軍行

宋顏延之

苦哉遠征人畢力幹時艱秦初略揚越漢世爭陰山
地廣旁無界岳阿上虧天嶠霧下高鳥水沙固流川
秋飈冬未至春液夏不涓閩烽指荆吳胡埃屬幽燕
橫海咸飛驪絕漠皆控弦馳騁發章表軍書交塞邊
接鑄赴陣首卷甲起行前羽檄馳無絕旌旗晝夜懸

武部

卷五十六

四 從軍

卧伺金柝響起候亭燧煙遯矣遠征人惜哉私自憐

和王僧辯從軍

梁元帝

寶劍飾龍淵長虹畫彩旃山虛和鏡管水淨寫樓船
連雞隨火度燧象帶烽然洞庭晚風急瀟湘夜月圓
苟令多文藻臨戎賦雅篇

從軍行

梁簡文帝

雲中亭障羽檄驚甘泉烽火通夜明貳師將軍新築
營嫖姚校尉初出征復有山西將絕世愛雄名三門
應遁甲五壘寧神兵白雲隨陣一作色蒼山蒼鼓聲
迤邐觀驚翼參差覩鴈行先平小月陣却滅大宛城

善馬還長樂黃金付水衡小婦趙人能鼓瑟待婢初
竿解鄭聲庭前桃花一作飛已一作欲合必應紅妝來
起迎一作起

從軍行

梁簡文帝

貳師惜善馬樓蘭貪漢財前年出右地今歲討輪臺
魚雲望旗聚龍沙隨陣開水城朝浴鐵地道夜銜枚
將軍號令密天子璽書催何時返舊里遙見下機來

從軍行

梁戴嵩

長安夜刺聞夜警按刺胡騎白銅鞮詔書發隴右召
募取關西劍縣三尺鞘鎧累七重犀督軍鳴戰鼓巡

武部

卷五十六

五 從軍

夜數更鞞侵星出柳塞際晚入榆谿秦淫含藥燭晉
火逐飛雞通泉開地道望敵豎雲梯陰山日不暮長
城風自淒子寒折錦鞬鞬字林云雜馬凍滑斜蹄燕
旗竿上晚羌笛管中嘶登山試下趙憑軾且平齊當
今函谷上唯用一丸泥

從軍行

梁沈約

惜哉征夫子憂恨良獨多浮天出鯁海東馬渡交河
雪繁九折燈風卷萬里波維舟無夕島秣驢乏平莎
陵濤富驚沫援木闕垂蘿江颺鳴壘嶼流雲照層阿
玄埃晦朔馬白日照吳戈寢興動征怨寤寐起還歌

馬豈輟警夕壘詎淹和苦哉遠征人悲矣將如何

從軍行

梁劉孝儀

冠軍親挾射長平自合圍木落離弓燥氣秋征馬肥
賢王皆屈膝幕府復申威何謂從軍樂往返速如飛

從軍行

梁吳均

男兒亦可憐立功在北邊陣頭橫却月馬腹帶連錢
懷戈發隴坻乘凍至遼川微誠君不愛終自直如弦

擬李都尉陵從軍

梁江淹

樽酒送征人踟躕在親宴日暮浮雲滋握手淚如霰
悠悠清水川嘉鮪得所薦而我在萬里結友一作不

武部

卷五十六

六 從軍

相見袖中有短書願寄雙飛鸞

從軍

原作古意
報奏功

梁江淹

從軍出隴北長望陰山雲涇渭各異流恩情於此分
故人贈寶劍鏤以瑤華文一言鳳獨立再說鸞無羣

何得晨風起悠悠哉凌翠氛黃鵠去千里垂涕爲報君

從軍行

梁蕭子範

左角明王侵漢邊輕薄良家惡少年縱橫向沮澤凌
厲取山田黃塵不見影飛蓬恒滿天邀功封浞野竊

寵劫一作

祁連春風春月將進酒妖姬舞女亂君前

同盧記室從軍

北周庾信

河圖論陣氣金匱辨星文地中鳴鼓角天上下將軍

苗犀恒七屬絡鐵本千羣飛梯聊度絳合弩暫凌汾

寇陣先中斷妖營卽兩分連烽對嶺度嘶馬隔河聞
箭飛如疾雨城崩似壞雲英王於此戰何用武安君

從軍行

北周趙王括

遼東烽火照甘泉北亭障接燕然水凍草蒲未生
節關寒榆莢不成錢

從軍行二首

北周王褒

兵書久閑習征戰數曾經講戎平樂觀學戲一作羽
林亭西征度疏勒東驅出井陘牧馬濱長渭營軍毒

武部

卷五十六

七 從軍

上涇平雲如陣色半月類城形羽書封信璽詔使動

流星對岬流沙白綠河柳色青將幕恒臨斗旌門常
背邢勲封瀚海石功勒燕然銘兵勢因麾下軍圖送

掖庭誰憐下玉筋向暮掩金屏

黃河流水急驄馬遠征人谷望河陽縣橋渡小平津

年少多游俠結客好輕身代風愁握馬胡霜宜角筋

羽書勞警急邊鞍倦苦辛康居因漢使盧龍稱魏臣
荒戍惟看柳邊城不識春男兒重意氣無爲羞賤貧

從軍

北齊高昂

春中長驅不可息六日六夜三度食初時口言作虎

牢更被處置河橋北迴首絕望便蕭條悲來雪涕還
自抑

從軍行

陳張正見

胡兵屯薊北漢將起山西故人輕百戰聊欲定三齊
風前噴盡角雲上舞飛梯鴈塞秋聲遠龍沙雲路迷
燕然自可勒函谷詎須泥

從軍五更轉五首

陳代知道

一更刁斗鳴校尉連城遙聞射鵬騎懸憚將軍名

二

二更愁未央高城寒夜長試將弓學月聊持劍比霜

武部

卷五十六

八

從軍

三

三更夜警新橫吹獨吟春彊聽梅花落誤憶柳園人

四

四更星漢低落月與雲齊依稀北風裏胡笳雜馬嘶

五

五更催送籌曉色映山頭城烏初起堞更人悄下樓

從軍行

隋盧思道

朔方烽火照甘泉長安飛將出祁連犀渠玉劍良家
子白馬金羈俠少年平明偃月屯右地薄暮魚麗逐
左賢谷中石虎經銜箭山上金人曾祭天天涯一去

無窮已薊門迢遞三千里朝見馬嶺黃沙合夕望

城陣雲起庭中奇樹已堪攀塞外征人殊未還白雲

初下天山外浮雲直上五原間關山萬里不可越誰

能坐對芳菲月流水本自斷人腸堅冰舊來傷馬骨

邊庭節物與華異冬霰秋霜春不歇長風蕭蕭渡水

來歸鴈連連映天沒從軍行軍行萬里出龍庭單于

渭橋今已拜將軍何處覓功名

從軍行

隋明餘慶

三邊烽亂驚十萬且橫行風卷常山陣笳喧細柳營

劒花寒不落弓月曉逾明會取淮南一作河西地持作朔

武部

卷五十六

九

從軍

方城

從軍原作木蘭詩

古辭

唧唧復唧唧一作促織木蘭當戶織不聞機杼聲唯

聞女歎息問女何所思問女何所憶女亦無所思女

亦無所憶昨夜見軍帖可汗點大兵軍書十二卷卷

卷有耶名阿耶無大兒木蘭無長兄願為市鞍馬從

此替耶征東市買駿馬西市買鞍轡南市買轡頭北

市買長鞭朝辭耶孃去暮宿黃河邊不聞耶孃喚女

聲但聞黃河流水鳴濺濺旦辭黃河去暮至黑山頭

不聞耶孃喚女聲但聞燕山胡騎聲一作啾啾萬里

赴戎機關山度若飛朔氣傳金柝寒光照鐵衣將軍
百戰死壯士十年歸歸來見天子天子坐明堂策勲
十二轉賞賜^{一作賜}百千彊可汗問所欲木蘭不用尚
書郎^{一作欲與木蘭}願馳千里足^{借明曉千里足}送
兒還故鄉耶嬾聞女來出郭相扶將阿姊聞妹來^{一作}
姊求^{一作}當戶理紅妝小弟聞姊來磨刀霍霍向猪羊
開我東閣門坐我西間牀脫我戰時袍著我舊時裳
當牕理雲鬢對鏡帖花黃出門看火伴火伴始^{一作}
驚惶同行十二年不知木蘭是女郎雄兔脚撲朔^{一作}
雌兔眼迷離兩兔傍地走安能辨我是雄雌

武部

卷五十六

從軍

從軍^{原作木蘭詩}

古辭

木蘭抱杼嗟借問復爲誰欲聞所憾憾感激疆其顏
老父隸兵籍氣力日衰耗豈足萬里行有子復尚少
胡沙沒馬足朔風裂人膚老父舊羸病何以疆自扶
木蘭代父去秣馬備戎行易却統綺裳洗却鉛粉妝
馳馬赴軍幕慷慨攜干將朝屯雪山下暮宿青海傍
夜襲月支虜更攜子闐羌將軍得勝歸士卒還故鄉
父母見木蘭喜極成悲傷木蘭能承父母顏却卸巾
韞理絲簪皆爲烈士雄今復嬌子容親戚持酒賀父
母始知生女與男同門前舊軍都十年共崎嶇本結

兄弟交死戰誓不渝今也見木蘭言聲雖是顏貌殊
驚愕不敢前歎重徒嘻吁世有臣子心能如木蘭節
忠孝兩不渝千古之名焉可滅

從軍行二首

唐虞世南^初

塗山烽候驚弭節度龍城冀馬樓蘭將燕犀上谷兵
劍寒花不落弓曉月逾明凜凜嚴霜節冰壯黃河絕
蔽日卷征蓬浮天散飛雪全兵值月滿精騎乘膠折
結髮早驅馳辛苦事旌麾馬困重關冷輪摧九折危
獨有西山將年年屬數奇

武部

卷五十六

從軍

俠客吹龍劍惡少縵胡衣朝摩骨都壘夜解谷蠡圍
蕭關遠無極蒲海廣難依沙磴離旌斷晴川候馬歸
交河梁已畢燕山旆欲飛方知萬里相侯服有光輝

從軍行

唐駱賓王^初

平生一顧念意氣溢三軍野日分戈影天星合劍文
弓弦抱漢月馬足踐胡塵不求生入塞唯留死報君

從軍行

唐楊炯明^初

烽火照西京心中自不平牙璋辭鳳闕鐵騎遶龍城
雪暗彫旗盡風多雜鼓聲寧爲百夫長勝作一書生

從軍行

唐崔融^初

穹廬雜種亂金方武將神兵下玉堂天子旌旂過細柳匈奴運數盡枯楊關頭落月橫西嶺塞下凝雲斷北荒漠漠塵飛衆鳥昏昏朔氣聚羣羊依稀蜀杖迷新竹髣髴胡牀識故桑臨海舊來聞驃騎尋河本自有中郎坐看戰壁爲平土近待軍營作破羌

從軍行

唐劉希夷 初

秋天風颯颯羣胡馬行疾巖城畫不開伏兵暗相失天子廟堂拜將軍凶門出紛紛晉陽道戎馬幾萬匹軍門壓黃河兵氣衝白日平生懷仗劍慷慨卽投筆南登漢月孤北走代雲密近取韓彭計早知孫吳術

武部

卷五十六

十二

從軍

丈夫清萬國誰能掃一室

從軍行

唐劉庭琦 初

朔風吹寒塞胡沙千萬里陣雲出岱山孤月生海水次勝方求敵銜恩本輕死蕭蕭牧馬鳴中夜拔劍起

從軍行

唐王宏 初

兒生三日掌上珠燕領後肱稷李膺十五學劍北擊胡羌歌燕筑送城隅城隅路接伊川北河陽渡頭邯鄲陌可憐少年把手時黃鳥雙飛梨花白秦王築城三十里西自臨洮東遼水山邊疊疊黑雲飛海畔莓莓青草死從來戰鬪不求勲殺身爲君君不聞鳳凰

樓上吹急管落日徘徊腸先斷

從軍行

唐李昂 初

漢家未得燕支山征戌年年沙朔間塞下長驅汗血馬雲中恒閉玉門關陰山浩海千萬里此日桑河凍流水稽落山邊雲騎來漁陽戍裏烽煙起長途羽檄何相望天子按劍思北方羽林練士拭金甲將軍校戰出玉堂幽陵異域風煙改亭障連連古今在夜聞鴻鴈南渡河曉望旌旗北極海塞沙飛淅瀝遙裔連窮嶺玄漠雲平初合陣西山月出聞鳴鑼城南百戰多苦辛路傍死卧黃沙人戎衣不脫隨霜雪汗馬蹏蹏

武部

卷五十六

十三

從軍

從軍行

唐賀朝 盛

朔胡采月冠邊城軍書插羽刺中京天子金壇拜飛將軍于玉塞振佳兵騎射先鳴推任俠龍韜決勝佇時英聞有河湟客情情理惟常山啓霸圖汜水先

天策銜珠浴鐵向桑乾纛旗膏鼓指烏丸鳴雞已報
關山曉來鴈遙傳沙塞寒直爲寸心從苦節龍頭流
水鳴咽咽邊樹蕭蕭不覺春天山漠漠長飛雪魚麗
陣接塞雲平鴈翼管通海月明始看晉幙飛鵝入旋
聞齊壘啼鳥聲自從一戍燕支山春光幾度晉陽關
金河未轉青絲騎玉筋應啼紅粉顏鴻歸燕相續池
邊芳草綠已見氛清細柳營莫更春歌落梅曲烽沈
竈咸靜邊亭海晏山空肅已寧行望鳳京旋凱捷重
來麟閣盡丹青

從軍行

唐王昌齡盛

武部

卷五十六

十四

從軍

向夕臨大荒朔風軫歸慮平沙萬餘里飛鳥宿何處
虜騎獵長原翩翩傍河去邊聲搖白草海氣主黃霧
百戰苦風塵十年履霜露雖投定遠筆未坐將軍樹
早知行路難悔不理章句

從軍行六首

唐王昌齡盛

琵琶起舞喚新聲總是關山離別情撩亂邊愁聽不
盡高高秋月照長城

關城榆葉早疎黃日暮雲沙古戰場表請回軍掩塵
骨莫教兵士哭龍荒

青海長雲暗雪山孤城遙望玉門關黃沙百戰穿金

甲不破樓蘭終不還

大漠風塵日色昏紅旗半捲出轅門前軍夜戰洮河
北已報生擒吐谷渾

胡瓶落膊紫薄汗碎葉城西秋月圓明勅星馳封寶
劍辭君一夜取樓蘭

玉門山嶂幾千重山北山南總是烽人依遠戍須看
火馬踏深山不見蹤

從軍行

唐王維盛

吹角動行人喧喧行人起笳悲馬嘶亂爭渡金河水
日暮沙漠陲戰聲煙塵裏盡係名王頸歸來獻天子

武部

卷五十六

十五

從軍

從軍辭

唐王維盛

髭頭夜落捷書飛來奏金門看賜衣白馬將軍頻破
敵黃龍戍卒幾時歸

從軍辭二首

唐王維盛

簇甲從軍令風雲識陣難今朝拜韓信計日斬成安

燕領多奇相狼頭敢犯邊寄言班定遠正是立功年

古從軍行

唐李頎盛

白日登山望烽火黃昏飲馬傍交河行人刁斗風沙
暗公主琵琶幽怨多野雲萬里無城郭雨雪紛紛連

大漠胡鴈哀鳴夜夜飛胡兒眼淚雙雙落聞道玉門
猶被遮應將性命逐輕車年年戰骨埋荒外空見蒲
桃入漢家

從軍行

唐崔國輔盛

塞北胡霜下營州索兵救夜裏偷道行將軍馬亦瘦
刀光照塞月陣色明如晝傳聞賊滿山已共前鋒鬪

從軍行

唐李白盛

從軍玉門道逐虜金微山笛奏梅花曲刀開明月環
鼓聲鳴海上兵氣擁雲間願斬單于首長驅靜鐵關

從軍行

唐李白盛

武部

卷五十六

十六 從軍

百戰沙場碎鐵衣城南已合數重圍突營射殺呼延
將獨領殘兵千騎歸

從軍五首

唐劉長卿中

迴首虜騎合城下漢兵稀白刃兩相向黃雲愁不飛
手中無尺鐵徒欲穿重圍

日極鴈門道青青邊草春一身事征戰匹馬同辛勤

末路成白首功歸天下人

黃沙一萬里白首無人憐報國劒已折歸鄉身幸全

單于古臺下邊色寒蒼然

落日更蕭條北風動枯草將軍追虜騎夜失陰山道

戰敗仍樹勳韓彭但空老
秋草秋塞上望見漁陽郭胡馬嘶一聲漢兵淚雙落
誰爲吮瘡者此事今人薄

從軍行

唐戎昱中

昔從李都尉雙鞬照馬蹄擒生黑山北殺敵黃雲西
太白沈虜地邊草復萋萋歸來邯鄲市百尺青樓梯
感激然諾重平生膽力齊芳筵暮歌發豔粉輕鬟低
半酣秋風起鐵騎門前嘶遠戎報烽火孤城嚴鼓聲
揮鞭望塵去少婦莫含啼

古從軍

唐王建中

武部

卷五十六

十七 從軍

漢家一作逐單于日沒處河曲浮雲道傍起行子車
下宿槍城圍鼓角氍帳依山谷馬上懸壺漿刀頭分
頰肉

一

從軍行二首

唐令狐楚中

却望水河關前登雪嶺高征人幾多在又擬戰臨洮

二

胡風千里驚漢月五更明縱有還家夢猶聞出塞聲

從軍行

唐盧綸中

二十在邊城軍中得勇名卷旗收敗馬占磧擁殘兵
覆陣烏鳶起燒山草木明塞閑思遠獵師老厭分營

雪嶺無人跡永河有鴈聲李陵甘此沒惆悵漢公卿

從軍行

唐李約中

看圖閑教陣畫地靜論邊烏壘天西戍鷹姿塞上川
路長唯算月書遠每題年無復生還望翻思未別前

從軍行

唐僧皎然中

黃紙君王詔青泥校尉書誓師張虎落選將擐犀渠
霧暗津浦失天寒塞柳疎橫行十萬騎欲掃虜塵餘

來從寶車騎行

唐李益中

束髮逢世屯懷恩抱明義讀書良有感學劍慙非智
遂別魯諸生來從寶車騎追兵赴邊急絡馬黃金轡

武部

卷五十六

八

從軍

出入燕南陲由來重意氣自經臯蘭戰又破樓煩地
西北護三邊東南留一尉時過欵如雲參差自不意
將軍失恩澤萬事從此異置酒高堂上薄暮秋風至
長戟與我歸騎來同棄置自酌還自飲非名又非利
歌出易水寒琴下雍門淚出逢平樂舊言在天階侍
問我從軍苦自陳少年貴丈夫交四海徒論身自致
漢將不封侯蘇卿勞遠使貴人難識心何由知忌諱

從軍樂

原作武夫詞

唐劉禹錫中

有武夫過說余以從軍之樂翌日質於通武之善
經者則曰果有樂也夫威資而賞勞則樂用威雌

而賞競則樂橫顧其樂安出耳予惕然作是詞

武夫何光光衣紫襲絳裳借問胡為爾列校在鷹揚
依倚將軍勢交結少年場探九害公吏袖刃宿名倡
家產既不事顧眄自生光酣歌高樓上袒裼大道傍
昔為編戶不足數血汚城西一坏土南風無火楚澤
閑夜行不鎖穆陵關策勲禮畢天下泰猛士按劍看
常山時常山不定

送劉校書從軍

唐楊炯初

天將下三宮星門召五戎坐謀資廟略飛檄佇文雄
赤土流星劍烏號明月弓秋陰生蜀道殺氣繞湟中

武部

卷五十六

十九

從軍

風雨何年別琴樽此日同離亭不可望溝水自西
送魏大從軍

唐陳子昂初

匈奴猶未滅魏絳復從戎悵別三河道言追六郡雄
鴈山橫代北狐塞接雲中勿使燕然上獨有漢臣功

送駱奉禮從軍

唐李嶠初

玉塞邊烽舉金壇廟略申羽書資銳筆戎幕引英賓
劒動三軍氣衣飄萬里塵琴樽留別賞風景惜離晨

笛梅合晚吹營柳帶餘春希君勒石返歌舞入城闌

送人之軍中

唐賀知章盛

常經絕脉塞復見斷腸流送子成今別令人起昔愁

隴雲晴半雨邊草夏先秋萬里長城寄無貽漢國憂

送蘇六從軍一作送吳宣從事

唐孟浩然

才有幕中畫而無塞上勲漢兵將滅虜王粲始從軍
旌旆邊庭去山川地脉分平生一七首感激贈夫君

送人從軍

唐杜甫

弱水應無地陽關已盡天今君渡沙磧累日斷人煙
好武寧論命封侯不計年馬寒防失道雪沒錦鞍韉

送族弟綰從軍安西

唐李白

漢家兵馬乘北風鼓行而西破大戎爾隨漢將出門
去剪虜若草收奇功君王按劍望邊邑旄頭已落胡

武部

卷五十六

二十一

從軍

天空匈奴繫頸類應盡明年應入蒲桃宮

送外甥鄭灌從軍

唐李白

六博爭雄好彩來金盤一擲萬人開丈夫賭命報天
子當斬胡頭衣錦回

丈人蛇矛出隴西彎弧拂箭白猿啼破胡必用龍韜
策積甲應將熊耳齊

月蝕西方破敵時及瓜歸日未應遲斬胡血變黃河
水梟首當懸白鵠旗

送張秀才從軍

唐李白

六駿食猛虎心從驚馬羣一朝長鳴去矯若龍行雲

壯士懷遠略志存解世紛周粟猶不顧齊珪安肯分
抱劍辭高堂將投霍冠軍長策掃河洛寧親歸汝墳
當令千古後麟閣著奇勲

送崔校書從軍

唐錢起

鴈門太守能愛賢麟閣書生亦投筆寧唯玉劍報知
已更有龍韜佐師律別馬連嘶出御溝家入幾夜望
刀頭燕南春草傷心色薊北黃雲滿眼愁聞道輕生
能擊虜何嗟少壯不封侯

送韓愈從軍

唐孟郊

志士感恩起變衣非變姓親賓改舊觀僮僕生新敬
武部 卷五十六 二十一 從軍

淒淒天地秋凜凜軍馬令驛塵時一飛物色極四靜
王師旣不戰廟略在無競王粲有所依元瑜初應命
一章喻檄明百萬心氣定

送侯判官赴廣州從軍

唐張籍

年少才高求自展將身萬里赴軍門辟書遠到開呈
客公服新成著謝恩驛舫過江分白候戍亭當領見
紅旛海花蠻草連冬有行處無家不滿園

○赴軍

監軍附

錢趙尚書攝御史赴朔方軍

唐蘇頌

勁虜欲南飛揚兵護朔垂趙堯寧易印鄧禹即分麾

野餞迴三傑軍謀出六奇雲邊愁出塞日下慘臨岐
拔劍行人舞揮戈戰馬馳明年麟閣上充國拜於斯
送王尚一嚴疑二侍御赴司馬都督軍

唐張說初

漢掖通沙塞邊兵護草腓將行司馬令助以鐵冠威
白露鷹初下黃塵騎欲飛明年春酒熟留酌二星歸
送游員外赴淮西

唐獨孤及

多君有奇略投筆佐元戎已佩郎官印兼乘御史驄
使星隨驛騎歸路有秋風莫遣無書札他年懷袖空
武威送劉判官赴磧西行軍

唐岑參

武部

卷五十六

三王

武部

卷五十六

三王

火山五月人行少看君馬上疾如鳥都護行營太白
西角聲一動胡天曉

送李副使赴磧西官軍

唐岑參

火山六月應更熱赤亭道口行人絕知君慣度祁連
城豈能愁見輪臺月脫鞍暫入酒家壚送君萬里西
擊胡功名祗向馬上取真是英雄一丈夫

赴軍

古風

唐李白

羽檄如流星虎符合專城喧呼救邊急羣鳥皆夜鳴
白日曜紫微三公運權衡天地皆得一澹然四海清
借問此何爲蒼言楚徵兵渡瀘及五月將赴雲南征

怯卒非戰士炎方難遠行長號別嚴親日月慘光晶
泣盡繼以血心摧兩無聲困獸當猛虎窮魚餌奔鯨
千去不一回投軀豈全生如何舞干戚一使有苗平

贈別于羣投筆赴安西

唐劉長卿

風流一才子經史仍滿腹心鏡萬象生文鋒衆人服
項遊靈臺下頻棄荆山玉蹭蹬空數年徘徊冀微祿
竭來投筆硯長揖謝親族且欲圖變通安能守拘束
本持鄉曲譽肯料泥塗辱誰謂命途迢還令計反覆
西戎今未弭胡騎屯山谷坐恃龍豹韜全輕蜂蠆毒
拂衣從此去擁傳一何速元帥許提携他人佇瞻矚

武部

卷五十六

三王

出門寡傳侶矧乃無僮僕黠虜時相逢黃沙暮口宿
蕭條遠迴首萬里如在目漢境天西窮胡山海邊綠
想聞羌笛處淚盡關山曲地濶鳥飛遲風寒馬毛縮
邊愁如浩蕩離思空斷續塞上歸限賒樽前別期促
知君志不小一舉凌鴻鵠且願樂從軍功名振殊俗
送裴使君赴荆南行軍司馬

唐劉長卿

盛府南門寄前程積水中月明臨夏口山晚望巴東
故節辭江郡寒笳發渚宮漢川風景好遙羨逐羊公

送孔巢父赴河南軍

按此詩皇

甫所作

唐劉長卿

江南相送隔煙波况復新秋一鴈過聞道全軍征北

虜又言詩將會南河邊心冉冉鄉人絕寒色青青戰
馬多共許陳琳工素記知君名行未蹉跎

送裴四判官赴河西軍試

唐劉長卿中

吏道豈易愜如君誰與儔逢時將騁驥臨事無全牛
鮑叔相知田蘇頗同遊英資挺孤秀清論含古流
出塞佐持簡辭家擁鳴騶憲臺貴公舉幕府資良籌
武士佇明試皇華難久留陽關望天盡洮水令人愁
萬里看一鳥曠然煙霞收晚花對古戍春雪含邊州
道路難暫隔音塵那可求他時相望處明月西南樓
奉餞郎中四兄罷餘杭太守承恩加侍御史充

武部

卷五十六

三

赴軍

行軍司馬赴汝南行營

唐劉長卿中

星使三江上天波萬里通權分金節重恩借鐵冠雄
梅吹前軍發棠陰舊府空殘春錦帳外初日羽旗東
岸柳遮浮鷁江花隔避驄離心在何處芳草滿吳宮

送南特進赴歸行營

唐劉長卿中

聞道軍書至楊鞭不問家虜雲連白草漢月到黃沙
汗馬河源飲燒羌隴坻遮翩翩新結束去逐李輕車

送傅管記赴蜀軍

唐錢起中

終童之死誰繼出燕領儒生今俊逸主將早知鸚鵡
賦飛書許載蛟龍筆峨眉玉壘指霞標鳥沒天低幕

府遙巴山雨色藏征旆漢水須聲咽短簫賜壁嚴金
應可料才略縱橫年且妙無人不重樂殺賢何敵能
當魯連嘯日暮黃雲千里昏壯心輕別不銷寬勸君
用却龍泉劍莫負平生國士恩

送鮑中丞赴太原軍營

唐錢起中

年壯才仍美時來道易行寵兼三獨任威肅貳師營
將略過南仲天心寄北京雲旂臨塞色龍笛出關聲
漢月隨霜去邊塵計日清漸知王事好文武用書生
送王使君赴太原行營

唐錢起中

太白明無象皇威未戢戈諸侯持節鉞千里控山河

武部

卷五十六

三

赴軍

漢驛雙旌度胡沙七騎過驚烽連鴈起牧馬入雲多
不賣盧龍塞能消滄海波須傳出師頌表一作莫奏式
微歌

送常大夫加散騎常侍赴朔方

唐皇甫冉中

故壘煙霞後新軍河塞間金貂寵漢將玉節度蕭關
澶漫沙中雪依稀漢口山人知寶車騎計日勒銘還
送王相公赴幽州

唐皇甫冉中

台案兼戎律勤憂東化元鳳池東掖龍節北方尊
長路山河轉前驅鼓角喧人安布時令地遠蒼君恩
暮日平沙漠秋風大旆翻漁陽在天末戀別信陵門

送徐大夫赴南海

唐皇甫湜

舊國當分闕天涯答聖私大軍傳羽檄老將拜旌旗
位重登壇後恩深弄印時何年諫獵賦今日飲泉詩
海內求民瘼城隅見島夷由來黃霸去自有上台期

送韋行軍員外赴河陽

唐權德輿

五年武弁侍明光輟佐中權拜外郎記事還同楚倚
相傳經遠自漢扶陽離堂處處羅簪組東望河橋壯
聲鼓三城曉角啓轅門一縣繁光照蓮府上略儒風
並者稀翩翩騶騎有光輝只今左職多虛位應待他
時伏節歸

武部

卷五十六

三六 赴軍

送孫潑赴雲中

唐韓翃

黃鵠少年舞雙戟自視旁人皆辟易百戰能誇隴上
兒一身復作雲中客寒風動地氣蒼茫橫吹先悲出
塞長敲石軍中傳夜火斧冰河畔汲朝漿前鋒直指
陰山外虜騎紛紛膽應碎匈奴破盡口看歸金印酬
功如斗大

送王誕渤海使赴李太守

唐韓翃

少年結客散黃金中歲連兵掃綠林渤海名王曾折
首漢家諸將盡傾心行人去指徐州近飲馬迴看泗
水深

送劉侍御赴令公行營

唐韓翃

東城躍紫驕西路大刀頭上客劉公幹元戎郭細侯
一軍偏許國百戰又防秋請問蕭關道胡塵早晚收

送李侍御赴徐州行營

唐韓翃

少年兼柱史東至舊徐州遠屬平津閣前驅博望侯
向營淮月滿吹角楚天秋客夢依依處處寒山對白樓

送鄭正則赴徐州行營

唐郎士元

從軍非隴頭師在古徐州氣勁三河卒功全萬戶侯
元戎闔外略才子握中籌莫聽關山曲還生塞上愁

送李傳侍郎赴劍南行營

唐賈島

武部

卷五十六

三七 赴軍

走馬從邊事新恩受外臺勇看雙節出期破八蠻回
許國家無戀盤江棧不推移軍刁斗逐報捷劍門開
角咽獼猴叫鼙鼓乾霹靂來去年新甸邑猶滯佐時才

送邊將

唐李咸用

天驕頻犯塞鐵騎又征西臣節輕鄉土雄心生鼓鼙
地寒花不豔沙遠日難低漸喜秋弓健鵬翻白草齊

送友罷舉赴邊職

唐李洞

出剡篇章入洛文無人細讀歎俱焚莫辭秉笏隨紅
旆便好攜家住白雲過水象浮蠻境見隔關江一作猿
叫漢州聞高談闊略陳從事盟誓邊庭壯我軍

送監軍李判官

唐韓翃中

上客佩雙劍東城喜再遊舊從張博望新事鄭長秋
踏水回金勒看風試錦裘知君不久住漢將掃旄頭
○送軍

從駕送軍

陳沈炯

惟堯稱乃武軒后號神兵弔民資智勇治亂屬師貞
我君膺寶業歷駕視前英蒲海方無浪夷山未有平
星光下結旆劍氣上舒精雲開萬里徹日麗百川明
撫鼓山靈應詔蹕水祇驚

和趙王送峽中軍

北周庾信

武部

卷五十六

三八

送軍

樓船聊習戰白羽試搗軍山城對却月岸陣抵平
赤地縣弩影流星抱劍文胡笳遙警夜塞馬暗嘶
客行明月峽猿聲不可聞

送兵到薊北

唐高適盛

積雪與天河屯軍連塞愁誰知此行邁不爲覓封侯
獨孤判官部送兵

唐高適盛

餞君嗟遠別爲客念周旋征路今如此前軍猶眇然
出關逢漢壁登隴望胡天亦是封侯地期君早著鞭
送白少府送兵之隴右

唐高適盛

殘更登隴首遠別指臨洮爲問關中事何如州縣勞

軍容隨赤羽樹色引青袍誰斷單于臂今年

送部四鎮人往單于別知故

唐徐九思

天下今無事雲中獨未寧
驅更戍卒方遠送邊庭
馬飲長城水軍占太白星
國恩行可報何必守經營
送防秋人

唐周賀中

匹馬無窮地三年逐大軍
算程淮邑遠起帳夕陽曛
口浪行時漱邊笳語次聞
要傳書札去應到磧東雲

武部

卷五十六

三九

赴軍

夕戍邊城有懷京邑

唐駱賓王 初

擾擾風塵地，遑遑名利圖。盈虛一易舛，心迹兩難俱。
弱齡小山志，寧期大丈夫。九微光噴玉，千仞忽彈珠。
棘寺遊三禮，蓬山造八儒。懷鉛慙後進，投筆願前驅。
北走非通趙，西之似化胡。錦車朝促候，刁斗夜傳呼。
戰士青絲絡，將軍黃石符。連星入寶劍，半月上雕弧。
拜井開疏勒，鳴桴動密須。戎機習短蔗，妖祲淨長榆。
季月炎初盡，邊庭草早枯。層陰籠古木，窮色變寒蕪。
海鶴聲嘹唳，城烏尾畢逋。葭繁秋色引，桂滿夕輪虛。
行役風霜久，鄉園夢想孤。瀾池遙夏國，秦海望陽紆。

武部

卷五十七

三

戌

三十九

沙塞三千里，京城十二衢。楊溝連鳳闕，槐路擬鴻都。
壁殿規宸象，金隄法斗樞。雲浮西北界，月照東南隅。
寶帳垂連理，銀牀轉轆轤。廣庭留上客，豐饌引中厨。
漏緩金徒箭，嬌繁玉女壺。秋濤飛喻馬，春水泛仙舳。
意氣風雲合，言忘道術趨。共矜名已泰，詎肯沫相濡。
有志慙凋朽，無庸類散樗。關山暫超忽，形影歎艱虞。
結網空知美，圖榮豈自誣。忘情同塞馬，比德類轅駒。
隴坂肝腸絕，陽關亭障迂。迷覓驚落鴈，離恨斷飛鳬。
春去容華盡，年來歲月無。邊愁傷郢調，鄉思繞吳歊。
河氣通中國，山途限外區。相思若可寄，冰泮有銜蘆。

戍龍庭

原作古風

唐李白 盛

岱馬不思越，越禽不戀燕。情性有所習，土風固其然。
昔別鴈門關，今戍龍庭前。驚沙亂海日，飛雪迷胡天。
蟣蝨生虎鶻，心覓逐旌旃。苦戰功不賞，忠誠難可宣。
誰憐李飛將，白首沒三邊。

贈戍兵

唐韋莊 晚

漢皇無事暫遊汾，底處狐狸嘯作羣。夜指碧天占晉
分曉磨孤劍，望秦雲紅旌不卷風。長急盡角閑吹日，
又燠止竟有征須。有戰洛陽何用久，屯軍

幕府

武部

卷五十七

四

幕府

三十九

信安王幕府詩 并序

唐高適 盛

開元二十年，國家有事。林胡詔禮部尚書信安王
總戎大舉，時考功郎中王公勳、郎中劉公主客
郎中魏公侍御史李公監察御史崔公咸在幕府。
詩以頌美，數公見于詞。

雲紀軒皇代，星高太白年。廟堂浴上叢，幕府制中權。
盤石藩維固，昇壇禮樂先。國章榮印綬，公服貴貂蟬。
樂善旌深德，輸忠格上玄。翦桐光寵錫，題劍美貞堅。
聖祚雄圖廣，師貞武德虔。雷霆七校發，旌旆五營連。
華省徵群乂，霜臺舉二賢。豈伊公望遠，曾是茂才遷。

並秉鉞鈴術兼該翰墨筵帝思麟閣像臣獻柏梁篇
振玉登遼甸擬金歷薊瑈度河飛羽檄橫海汎樓船
北伐聲逾邁東征務以專講戎喧涿野料敵靜居延
軍勢持三畧兵戎自九天朝瞻授鉞去時聽偃戈旋
大漠風沙裏長城雨雪邊雲端臨碣石波際隱朝鮮
夜壁衝高斗寒空駐彩旂倚弓玄兔月飲馬白狼川
庶物隨交泰蒼生解倒懸四郊增氣象萬里絕風煙
關塞鴻勳著京華甲第全落梅橫吹後春色凱歌前
直道常兼濟微才獨棄捐曳裾誠已矣投筆尚悽然
作賦同元淑能詩匪仲宣雲霄不可望空欲仰神仙

武部

卷五十七

五

幕府

三

中丞宋公以吳兵三千赴河南軍次尋陽脫余
之囚參謀幕府因贈之 唐李白 盛

獨坐清天下專征出海隅九江皆渡虎三郡盡還珠
組練明秋浦樓船入郢都風高初選將月滿欲平胡
殺氣橫千里軍聲動九區白猿慙劍術黃石借兵符
戎虜行當翦鯨鯢立可誅自憐非劇孟何以佐良圖
在水軍宴贈幕府諸侍御 唐李白 盛

月伏五白龍翻飛凌九天胡沙驚北海電掃洛陽川
虜箭雨宮闕皇輿成播遷英王受廟畧秉鉞清南邊
雲旗捲海雪金戟羅江煙聚散百萬人弛張在一賢

霜臺降羣彥水國奉戎旃繡服開宴語天人借樓船
如登黃金臺遙謁紫霞仙卷身編蓬下冥機四十年
寧知草間人腰下有龍泉浮雲在一決誓欲清幽燕
願與四座公靜談金匱篇齊心戴朝恩不惜微軀捐
所冀旄頭滅功成追魯連

奉贈盧五丈參謀琬

唐杜甫 盛

恭惟同自出妙選異高標入幕知孫楚披襟得鄭僑
丈人藉才地門閥冠雲霄老矣逢迎拙相於契托饒
賜錢傾府待爭米駐船遙鄰好艱難薄珉心杼軸焦
客星空伴使寒水不成潮素髮乾垂領銀章破在腰

武部

卷五十七

六

幕府

三

說詩能累夜醉酒或連朝藻翰惟牽率湖山合動搖
時清非造次興盡却蕭條天子多恩澤蒼生轉寂寥
休傳鹿是馬莫信鵬爲鴉未解依依袂還斟汎汎瓢
流年疲蟋蟀體物幸鷦鷯辜負滄洲願誰云晚見招
送史司馬赴崔相公幕 唐岑參 盛

岷嶓丞相府清切鳳凰池羨爾瑤臺鶴高栖瓊樹枝
歸飛晴日好吟弄惠風吹正有乘軒樂初當學舞時
珍禽在羅網微命若游絲願托周南羽相銜漢水湄
送趙判官赴黔府中丞叔幕 唐李白 盛
廓落清雲心結交黃金盡富貴翻相忘令人忽自哂

蹭蹬贅毛斑盛時難再還巨源咄石生何事馬蹄間
綠蘿長不厭却欲還東山君爲魯曾子拜揖高堂裏
叔繼趙平原偏承明主恩風霜推獨坐旌節鎮雄藩
虎士秉金鉞蛾眉開玉樽才高幕下去義重林中言
水宿五谿月霜啼三峽猿東風吹草綠江上候歸軒

送張遙之壽陽幕府

唐李白盛

壽陽信天險天險橫荆關苻堅百萬衆遙阻八公山
不假築長城大賢在其間戰夫若熊虎破敵有餘閑
張子勇且英少輕衛霍屏投軀紫髯將千里望風顏
最爾効才畧功成衣錦還

武部

卷五十七

七

幕府

三四六

送程劉二侍御兼獨孤判官赴安西幕府

唐李白盛

安西幕府多才雄喧喧惟道三數公繡衣貂裘明積
雪飛書走檄如飄風朝辭明主出紫宮銀鞍送別金
城空天外飛霜下葱海火旗雲馬生光彩胡塞塵清
幾日歸漢家草綠遙相待

送李八秘書赴杜相公幕

唐杜甫盛

青簾白舫益州來巫峽秋濤天地迴石出倒聽楓葉
下櫓搖背指菊花開貪移相府今晨發恐失佳期後
命隄南望一星朝北斗五雲多處是三台

贈別劉長卿時起河南嚴中丞幕府

唐嚴維中

早見登郎署同時跡下僚幾年江路永今去國門遙
文變騷人體官移漢帝朝望山吟度日接枕話通宵
萬里趨公府孤帆恨信潮匡時知己老聖代耻逃堯

送嚴維赴河南嚴中丞幕府

唐劉長卿中

久別耶溪客來乘使者軒用才榮入幕扶病喜同樽
山旻留何處江帆去獨翻暮情辭鏡水秋夢識雲門
蓮府開花萼桃園寄子孫何當舉嚴助偏沐漢朝恩

送李校書赴東浙幕府

唐劉長卿中

武部

卷五十七

八

幕府

三五上

方從大夫後南去會稽行森森滄江外青青春草生
芸香辭口事梅吹聽軍聲應訪王家宅空憐江水平

送王季友赴洪州幕下

唐錢起中

列郡皆用武南征所從誰諸侯重才畧見子如瓊枝
撫劍感知己出門方遠辭煙波帶幕府海日生紅旗
問我何功德負恩留玉墀銷覓把別袂愧爾酬明時

送宋校書赴宣州幕

唐盧綸中

南想宣城郡清江野戍閒艤艫高映浦睥睨曲隨山
名寄圖書內威生將吏間春行板橋暮應伴庾公還

送李縱別駕加員外郎却赴常州幕

唐盧綸中

霄漢正聯飛江湖又獨歸暫歡同賜被不待易朝衣
山雨迎軍晚蘆風候火微還當宴鈴閣謝守亦光輝

唐盧綸中

送從叔程歸西川幕
千山水雪晴山靜錦花明群鶴栖蓮府諸戎拜柳營
浪依巴宇息風入蜀關清豈念在貧巷竹林鳴鳥聲

唐盧綸中

送暢當赴山南幕
含情脫佩刀持以佐賢豪是月霜霰下伊人行役勞
事將名共易文與行空高去矣奉戎律悲君爲我曹

唐盧綸中

武功

卷五十七

九

幕府

三十四

唐劉禹錫中

家襲韋平生業文素風清白至今聞南宮通籍新
吏西族從戎舊主人城外草黃秋有雪烽頭煙靜
無塵鼎門爲別霜天曉賸把離觴三五巡

送趙中丞自司金員外郎轉官參山南令狐僕

射幕府

補氏弟兄皆僕射門客

唐劉禹錫中

綠樹滿褒斜西南蜀路賒驛門臨白草縣道入黃花
相府開油幕門生逐絳紗行看布政後還從入京華

送韋侍御赴湖南幕府

唐李嘉祐中

執憲隨征虜逢秋出故關雨多愁郢路葉下識衡山

地遠從軍樂兵疆分野閒皇家不易將此去未應還

送元侍御還荆南幕府

唐李嘉祐中

迢遞荊州路山多水又分霜林淡寒日朔鴈蔽南雲
入座由持節三湘亦置軍自當行直指應不爲功勳

送劉評事赴廣州使幕

唐韓翃中

征南官屬似君稀才子當今劉孝威蠻府參軍趨傳
舍交州刺史拜行衣前臨瘴海無人過却望衡陽少
鴈飛爲報蒼梧雲影道明年早送客帆歸

送趙評事赴洪州使幕

唐韓翃中

孤舟行遠近一路過湘東官屬張廷尉身隨杜幼公

武功

卷五十七

十

幕府

三十五

山河映湘竹水驛帶青楓萬里思君處秋江夜雨中

送張郎中副使自南省赴鳳翔府幕

唐羊士諤中

仙郎佐氏謀廷議寵元侯城郭須來貢河湟亦順流
亞夫高壘靜充國大田秋當奮燕然筆銘功向隴頭

送陸郎中歸田司空幕

唐李端中

漢家分列宿東土佐諸侯結束還軍府光輝過御溝
農桑連紫陌分野入青州覆被恩難報西看成白頭

送王副使君還并州幕

唐李端中

并州近胡地此去事風沙鐵馬垂金絡貂裘犯雪花

曾持兩郡印多比五侯家繼世新恩厚從軍舊國賒
成煙千里直過鴈一行斜想到青油幕長謀出左車

送李侍御益赴幽州幕

唐韋應物

二十揮篇翰三十窮典墳辟書五府至名為四海聞
始從車騎幕今赴嫖姚軍契闊晚相遇草感遽離羣
悠悠行子遠眇眇川塗分登高望燕代日夕生夏雲
司徒擁精甲誓將除國氛儒生幸持斧可以佐功勳
無言羽書急坐關相思文

送石處士赴河陽幕

唐韓愈

長把種樹書人云避世士忽騎將軍馬自號報恩子

武部

卷五十七

十一

幕府

三五六

風雲入壯懷泉石別幽墅鉅鹿師欲老常山險猶恃
豈惟彼相憂固是吾徒耻去去事方急酒行可以起

送韋校書佐靈州幕

唐朱慶餘

共知行處樂猶惜此時分職已為書記官曾校典墳
塞城初落葉高戍遠生雲邊事何須問深謀祇在君

送崔校書赴梓幕

唐司空曙

碧峰天柱下鼓角鎮南軍管記催飛檄蓬萊輟校文
棧霜朝似雪江霧晚成雲想出襄中望巴庸方路分

送盧汀侍御歸天德幕

唐孟郊

仲宣領騎射結束皆少年匹馬黃河岸射鵬清霜天

旌旗防日北道路上雲巔古雪無銷鑠新冰有堆填
清溪徒聳峭白壁自招賢豈比重恩者閉門方獨全

送馮八將軍奏事畢歸滑臺幕府

唐崔峒

王門別後到滄州帝里相逢俱白頭自歎馬卿常帶
疾還嗟李廣不封侯棠梨宮裏瞻龍袞細柳營中看
虎裘想到滑臺桑葉落黃河東注杏園秋

送復夢赴韋令幕

唐元稹

世上如今重檢身吾徒耽酒作狂人西曹舊事多持
法慎莫吐佗丞相茵

武部

卷五十七

十一

幕府

三五六

送李司直歸浙東幕兼寄鮑將軍

唐朱長文

翩翩書記早曾聞二十年來願見君今日朝廷想白
髮同時幾許在青雲人從北固山邊去水到西陵渡
口分會作王門曳裾客為余前謝鮑將軍

送杜顥赴潤州幕

唐杜牧

少年才俊赴知音丞相門欄不覺深直道事人男子
業異鄉加飯弟兄心還須整理韋弦佩莫獨矜誇玳
瑁簪若去上元懷古去謝安墓下與沈吟

送從翁從東川弘農尚書幕

唐李商隱

昔帝廻冲脊維皇惻上仁三靈迷赤氣萬彙叫蒼旻
刊木方隆禹陞而始創殷夏臺曾圯閉汜水敢逡巡
拯溺休規步防虞要徙薪烝黎今得請宇宙昨還淳
續祖功宜急貽孫計甚勤降災雖有代稔惡不無因
官掖方爲蠱邊隅忽邁迤獻書秦逐客間諜漢名臣
北伐將誰使南征決此辰中原重板蕩玄象失鉤陳
詰旦違清道銜枚別紫宸茲行殊厭勝故老遂分新
去異封於輦來寧避處幽永嘉幾失墜宣政遽酸辛
元子當傳啓皇孫合授詢時非三指讓表請再陶鈞
舊好盟還在中樞策屢遵蒼皇傳國聖違遠屬車塵

武部

卷五十七

十三

高帝廟

四

雛虎如憑怒燎龍性漫馴封崇自何等流落乃斯民
逗撓官軍亂優容敗將頻早朝披草莽夜譴達絲綸
忘戰追無及長驅氣益振婦言終未易廟畧况非神
日馭難淹蜀星旄要定秦人心誠未去天道亦無親
錦水湔雲浪黃山掃地春斯文虛夢鳥吾道欲悲麟
斷續殊鄉淚存亡滿席珍魂銷季羔寶衣化子張紳
建議庸何所通班昔濫臻浮生見開泰獨得詠汀蘋

送從翁從東川弘農尚書幕

唐李商隱

晚

大鎮初更帥嘉賓素見邀使車無遠近歸路更煙霄
穩放驂前步高安翡翠巢御風知有在去國肯無聊

早忝諸孫末俱從小隱招心懸紫雲閣夢斷赤城標
素女悲清瑟秦娥弄碧簫山連玄圃近水接絳河遙
豈意聞周鐸翻然慕舜韶皆辭喬木去達逐斷蓬飄
薄俗誰其激斯民已甚忉驚皇期一舉燕雀不相饒
敢共頽波達因之內火燒是非過別夢時節慘驚颺
未至誰能賦中乾欲病瘳屢曾紆錦繡勉欲報瓊瑤
我恐霜侵鬢君先綬挂腰甘心與陳阮揮手謝松喬
錦里差隣接雲臺閉寂寥一川虛月魄萬崦自芝苗
瘴雨龍間急離魂峽外銷非關無燭夜其奈落花朝
幾處逢鳴珮何筵不翠翹鸞儻象舞江市賣鮫綃

武部

卷五十七

十四

幕府

三十八

南詔知非敵西山亦屢驕勿貪佳麗地不爲聖明朝
少減東城飲時看北斗杓莫因乖別久遂逐歲寒凋
盛幕開高宴將軍問故寮爲言公玉季早日棄漁樵

○軍中

擬鮑參軍照戎行

梁江淹

豪士枉尺璧宵人重恩光徇義非爲利執羈輕去鄉
孟冬郊祀月殺氣起嚴霜戎馬粟不暖軍士冰爲漿
晨上城皐坂磧礫皆羊腸寒一作雲陰籠白日大谷晦
蒼蒼息徒稅征駕倚劍臨八荒鵠鵬不能飛玄武伏
川梁鍛翮由時至感物聊自傷豎儒守一經未足識

行藏

軍中行路難

唐辛常伯

君不見封狐雄虺自成羣憑深負固結妖氛玉璽分
兵徵惡少金壇授律動將軍將軍擁旄宣廟畧戰士
橫戈靜夷落長驅一息背銅梁直指三危登劍閣閣
道迢遙起戍樓劍門遙裔俯靈丘邛關九折無平路
江水雙源有急流征役無期返他鄉歲月晚杳杳丘
陵出蒼蒼林薄遠途危紫蓋峯路澀青泥坂去去指
哀牢行行入不毛絕壁千里險連山四望高中外分
區宇夷夏殊風土交趾枕南荒昆彌臨北戶川源饒

武部

卷五十七

十五

軍中

毒霧谿谷多淫雨行潦四時流崩查千歲古漂梗飛
蓬不暫安捫蘿引葛陟危巒昔時聞道從軍樂今日
方知行路難滄江綠水東流駛炎州丹徼南中地南
中南斗映星河秦關秦塞阻煙波三春邊地風光少
五月瀘中瘴癘多朝驅疲斥埃夕息倦樵歌向月彎
繁弱連星轉太阿重義輕生懷一顧東征西伐凡幾
度夜夜朝朝斑鬢新年年歲歲戎衣故壩城隅滇池
水天涯望轉積地際行無已徒覺炎涼節物非不知
關山千萬里棄置勿重陳征行多苦辛且悅清笳梅
柳曲誰憶芳園桃李人絳節紅旗分日羽丹心白刃

酬明主但令一被君王知誰憚三邊征戰苦行路難
幾千端無復歸雲憑短翰空餘望日想長安

軍中行路難

同辛常伯

唐駱賓王

君不見玉關塵色暗邊庭銅鞮雜虜寇長城天子按
劍徵餘勇將軍授脰事橫行七德龍韜開玉帳千里
鼙鼓疊金鉦陰山苦霧埋高壘交河孤月照連營連
營去去無窮極擁旆遙遙過絕國陣雲朝結晦天山
寒沙夕漲迷疎勒龍鱗水上開魚貫馬首山前振鵬
翼長驅萬里驚祁連分麾三命武功宣百發烏號搖
碎柳七尺龍文迴照運春來秋去移灰琯蘭闥柳市

武部

卷五十七

十六

軍中

芳塵斷鴈門迢遞尺書稀鴛被相思雙帶緩行路難
替令氛祲靜皇蘭但使封侯龍額貴詎隨中婦鳳樓
寒

在軍中贈先還知己

唐駱賓王

蓬轉俱行役瓜時獨未還魂迷金闕路望斷玉門關
獻凱多慙霍論封幾謝班風塵催白首歲月損紅顏
落鴈低秋塞驚鳥起暝灣胡霜如劍鏑漢月似刀環
別後庭前樹相思幾度攀

夜發軍中

唐李益

邊馬櫪上驚雄劍匣中鳴半夜軍書至匈奴寇六城

中間分暗陣太乙起神兵出沒風雲合蒼黃豺虎爭
今日邊庭戰綠賞不緣名

疲兵篇

唐劉長卿

驕虜乘秋下薊門陰山日夕煙塵昏三軍疲馬力已
盡百戰殘兵功未論陣雲決滌屯塞北羽書紛紛來
不息孤城望處增斷腸折劍看時可霑臆元戎日夕
且歌舞不念關山久辛苦自矜倚劍氣凌雲却笑聞
笳淚如雨萬里飄飄空此身十年征戰老胡塵赤心
報國無片賞白首還家有幾人朔風蕭蕭動枯草旌
旗獵獵榆關道漢月何曾照客心胡笳只解催人老

武部

卷五十七

七

軍中

○乞師

召募附

代宋州將淮上乞師

唐耿漳

中

唇齒幸相依危亡故遠歸輕身百戰出家數重圍
上將堅深壘殘兵關落暉常聞鐵劍利早晚借餘威
旅次丹陽郡遇康侍御宣慰召募兼別岑單父

唐劉長卿

中

客心募千里迴首煙花繁楚水渡歸夢春江連故園

羈人懷上國驕虜窺中原胡馬暫為害漢臣多負恩
羽書晝夜飛海內風塵昏霜鬢日已白孤舟心且論
繡衣從此來汗馬宣王言憂憤激忠勇悲歎動黎元
南徐爭赴難發卒如雲屯倚劍看太白洗兵臨海門
故人亦滄洲少別堪傷竟積翠下京口歸潮落山根
如何天外帆又此波上樽空使憶君處鶯聲催淚痕

○出圍

出重圍和傅昭

梁沈約

魯連揚一策陳平出六奇邯鄲風雨散白登煙霧維
排雲出九地陵定振五厄

武部

卷五十七

十八

乞師

送裴判官自賊中再歸河陽幕府

唐岑參

盛

東郊未解圍忠義似君稀誤落胡塵裏能持漢節歸
卷簾山對酒上馬雪沾衣却向嫖姚幕翩翩去若飛

喜達行在所三首

唐杜甫

盛

西憶岐陽信無人遂却回眼穿當落日心歎著寒灰
霧樹行相引蓮峯望忽開所親驚老瘦辛苦賊中來

二

愁思胡笳夕淒涼漢苑春生還今日事閒道暫時人
司隸章初覩南陽氣已新喜心翻倒極嗚咽淚沾巾

三

去憑誰報歸來始自憐猶瞻太白雪喜遇武功天
影靜千官裏心蘇七校前今朝漢社稷新數中興年
太常魏博士遠出賊庭江外相逢因叙其事

唐皇甫冉

烽火驚戎塞豺狼犯帝畿川原無稼穡日月翳光輝
里社紛榆毀宮城騎吏非群生被慘毒雜虜耀輕肥
毀士從芳餌唯君識禍機心同合浦棄命寄首陽薇
耻作纖鱗煦方隨高鳥飛山經商嶺出水泛漢池歸
離別霜凝鬢逢迎淚迸衣京華長路絕江海故人稀

武部

卷五十七

十九

出關

三

秉節身常苦求仁志不違祗應窮野外耕種且相依

○武功

破陳樂詞二首

唐張說

初

漢兵出頓金微照日光明鐵衣百里火幡焰焰千行
雲騎駢駢蹙蹙踏遼河自竭鼓譟燕山可飛正屬西方
朝賀端知萬舞皇威

少年膽氣凌雲共許驍雄出群匹馬城西挑戰單刀
薊北從軍一鼓鮮卑送款五餌單于解紛誓欲成名
報國羞將開口論勲

平戎詞二首

唐王維

盛

太白酒高助後兵長風夜卷虜塵清男兒解却腰間
劍喜見從王道化平

捲旆生風喜氣新早持龍節靜邊塵漢家天子圖麟
閣身是當今第一人

哥舒大夫頌德

唐儲光義

盛

天紀啓真命君生臣亦生乃知赤帝子復有蒼龍精
神武建皇極文昌開將星超超渭濱器落落山西名
畫闥入受服鑿門出扞城戎人昧正朔我有軒轅兵
隴路起鄠鎬關雲隨旆旌河湟訓兵甲義勇方橫行
韓魏多銳士屢張在幕庭大非四決軋石堡高崢嶸

武部

卷五十七

二十一

武功

三

攻伐若振槁孰云非神明嘉謀即天意驟勝由師貞
枯草被西陸烈風昏太清戰戈旄頭落牧馬崑崙平
賓從儼冠蓋封山紀天聲來朝美容闕鳴玉飄華纓
直道濟時憲天邦遂輕刑抗書報知已松柏亦以榮
嘉命列上第德輝照天京在車持簡牘粲粲皆詞英
顧我擒榆者莫能翔青冥遊燕非騏驥躑躅思長鳴

觀范陽遞俘

唐儲光義

盛

北河旄星殞鬼方彌林胡羣師舞弓矢電發歸燕墟
皇皇軒轅君贊贊皇陶謨方思壯軍實遠近遞生俘
車馬踐大逵合沓成深渠牧人過橐駝校正引胸駝

烈風朝送寒雲雪霽天隅草木同一色誰能辨榮枯
四履封元戎百金酬勇夫大邦武功爵固與炎皇殊
送丘健至州勅放作時任下邳尉

唐儲光義盛

太史登觀臺天街耀旄頭大君忽震震詔爵冠軍侯
南必梁孫源西將圍崑丘河隴徵擊卒虎符到我州
朝集咸林城師言亂啁啾殺氣變木德凜凜如高秋
元戎啓神皇廟堂發嘉謨息兵業稼穡歸馬復休牛
和風開陰雪大耀中天流歡聲殷河岳涵盪非煙浮
邦牧新下車德禮被毗謳乾坤日交泰吾亦遂優游
武部 卷五十七 三十一 武功 三十一

贈鄭員外

唐陶翰盛

驄馬拂繡裳按兵遼水陽西來鴈門騎北逐樓煩王
聞道五軍集相邀百戰場風沙暗天起虜陳森幾行
儒服揖諸將雄謀吞八荒金門求謁見朱紱生輝光
數載侍御史稍遷尚書郎人生志氣立所貴功業昌
何必守章句終年事蒼黃同時獻賦客尚在東陵傍
寄董卿嘉榮十韻 唐杜甫盛

聞道君牙帳防秋近赤霄下臨千嶺雪却背五繩橋
海內久戎服京師今晏朝犬羊曾爛熳宮闕尚蕭條
猛將官營膽龍泉必在腰黃圖遭汚辱月窟可焚燒

會取干戈利無令斥埃驕居然雙捕虜自是一嫖姚
落日思輕騎秋天憶射鵬雲臺畫影像皆爲掃氛妖
寄賀田侍中東平功成 唐王建

使迴高品滿城傳親見沂公在陣前百里旌旗衝即
斷兩重衣甲射皆穿探知點檢兵應怯算得新移柵
未堅營被數驚乘勢破將經頻敗遂生全密招殘寇
防人覺遙斬元兇恐自專首讓諸軍無敢近功歸部
曲不爭先開通州縣斜連海交割山河直到燕戰馬
散驅還逐草肉牛齊散却耕田府中獨拜將軍貴門
下兼分宰相權唐史上頭功第一春風雙節好朝天
武部 卷五十七 三十二 武功 三十二

和渭北劉大夫借便秋遮虜寄朝中親友

唐白居易

巨鎮爲邦屏全材作國楨韜鈴漢上將文墨晉諸生
豹虎關西卒金湯渭北城龍深初授檄威重正揚兵
陣占山河布軍由水草行夏苗侵部落宵遁失蕃營
雲隊攢戈戟風行卷旆旌埃空烽火滅氣勝鼓鼙鳴
胡馬辭南牧周師罷北征迴頭問天下何處有機槍
晚秋鄆城夜會聯句 與李 唐韓愈
從軍古云樂譚笑青油幕燈明夜觀棊月暗秋城柝
正封 羈客方寂歷驚鳥時落泊語闌壯氣衰酒醒寒

砧作愈遇主貴陳力夷凶匪兼弱百牢犒輿師千戶
購首惡正封平生耻論兵未暮不輕諾徒然感恩義
誰復論勳爵愈多士被沾汚小夷施毒蠱何當鑄劍
戟相與歸臺閣正封室婦歎鳴鶴家人祝喜鵲終朝
考著龜何日親烝祔愈間使斷津梁潛軍索林薄紅
塵羽書靖大水沙囊涸正封銘山子所工挿羽余何
忤未足煩刀俎祗應輸管鑰愈雨矢逐天狼電矛驅
海若靈誅固無縱力戰誰敢却正封戕戕雲梯翔赫
赫火箭著連空隱雉堞照夜焚城郭愈軍門宣一令
廟筭建三畧雷鼓揭千槍浮橋交萬笮正封蹂野馬

武部

卷五十七

三

武功

四

地理畫封疆天文掃寥廓正封天子懷濟將軍禁
鹵掠策勳封龍領歸獸獲麟脚愈詰誅改王怒給復
哀人瘼澤髮解兜牟醜顏傾繫落正封安存惟恐晚
洗雪不論昨暮烏已安巢春蠶看清箔愈聲名動朝
闕光寵耀京洛旁午降絲綸中丞擁鼓鐸正封密坐
列珠翠高門塗粉牋跋朝賀書飛塞路歸鞍躍愈魏
闕橫雲漢秦關東巖粵拜迎羅縵鞬問遺結囊橐正
封江淮永清晏宇宙重開拓是日號昇平此年名作
盟愈洪赦方下究武臆亦旁魄南據定蠻陬北攫空
朔漠正封儒生恆教化武士猛刺斫吾相兩優游他

武部

卷五十七

二十四

武功

一

諸酒席展慷慨戎裝著斬馬祭旄纛魚烹禮芒屨

山多離隱豹野有求仲蠖推選閱群材薦延搜一黜

正封左右供諂譽親交獻諛喙名聲載掄揚權勢實

重灼道舊生感激當歌發酬酢群孫輕綺紈下客

豐醴酪正封窮天貢賤異匝海賜餉餽作樂鼓還地

從禽弓始曠愈取歡移日飲求勝通宵博五白氣爭

呼六奇心運度正封恩澤誠布濩器頑已蕭勺告成

上云亭考古垂矩矱愈前堂清夜吹東第良晨酌池

蓮折秋房院竹翻夏籜正封五符朝恒岱三畋宿楊

柞農書乍討論馬法長懸格愈雪下收新息陽生過

武部卷五十一三五

京索爾牛時寢託我僕或歌嘏正封帝載彌天地臣

辭少螢燭為詩安能詳庶用存糟粕愈

詩雋類函卷五十八

東吳俞安期彙纂宣城梅鼎祚增定

金明蕭公訂校

武部四

刀

平虜 恢復附 受降 告捷 凱旋 陣圖 烽火 旌旗

○平虜

恢復附

江都平解嚴

宋謝莊

肅旗簡廟律聳鉞暢乾靈朝晏推物泰通渥抃身寧
擊轅歌至世撫壤頌惟馨

平胡 并序

唐玄宗

武部

卷五十八

平虜

戎羯不虔竊我荒服命偏師之俘翦彼應期而咸
殄一麾克定告捷相仍爰作是詩聊以言志

雜虜忽猖狂無何敢亂常羽書朝繼入烽火夜相望
將出凶門勇兵因歿地疆蒙輪皆突騎按劍盡鷹揚
鼓角雄山野龍蛇入戰場流膏潤沙漠澣血染鋒鏑
霧掃清玄漠雲開靜朔方武功今已立文德愧前王
奉和御製平胡 唐韓休初

南牧正紛紛長河起塞氛玉兵徵選士金鉞拜將軍
疊鼓搖邊吹連旌暗朔雲祆星乘夜落雲氣入朝分
始見幽烽警俄看烈火焚功成奏凱樂戰罷策歸勳

盛德陳清廟神謨屬大君叨榮逢偃羽率舞詠時文

奉和御製平胡

唐裴淮

玄漠聖恩通由來書軌同忽聞窺月滿相乘寇雲中
廟畧占黃氣神兵出絳宮將軍行逐虜使者亦和戎
一舉輶輶滅再麾沙朔空直將威禁暴非用武爲雄
飲至明軍禮壽勳錫武功干戈還再戢文德在唐風

同李員外賀哥舒大夫破九曲

唐高適

遙聞副丞相昨日破西蕃作氣群山動揚軍大旆翻
奇兵邀轉戰連弩絕歸奔泉噴諸戎血風驅大虜冤
頭飛攢萬戟面縛聚轅門鬼哭黃埃暮天愁白日昏

武部

卷五十八

平虜

石城與巖險鐵騎皆雲屯長策一言決高蹤百代存
威靈懾沙漠忠義感乾坤老將黯無色儒生安敢論
解圍憑廟筭止殺報君恩唯有關河渺蒼茫空樹墩

滅胡曲

唐岑參

都護新滅胡士馬氣亦麤蕭條虜塵淨突兀天山孤

平番曲三首

唐劉長卿

吹角報番營廻軍欲洗兵已教青海外自築漢家城

二

渺渺戍煙孤茫茫塞草枯隴頭那用閉萬里不防胡

三

絕漠大軍還平沙獨戍閑空留一片石萬古在燕山

平秦二首

唐劉禹錫

秦中秦中衆心歎妖星夜落照河水漢家飛將下天
來馬箠一揮門洞開賊徒奔騰望旗拜有若群鷺驚
春雷狂童面縛登檻車太白妖矯垂捷書相公從容
來鎮撫常侍郊迎負文弩四民歸業閭里閒小兒踉
跳健兒舞

汝南晨鷄喔喔鳴城頭鼓角音和平路傍老人憶舊
事相與感激涕零老人收泣前致辭官軍入城人
不知忽驚元和十二載喜見天寶承平時

武部

卷五十八

平虜

平齊行二首

唐劉禹錫

胡塵昔起剽北門河南地屬平盧軍貂裘代馬繞東
岳嶧陽孤桐削爲角地形十二虜意驕恩澤含容歷
四朝魯人皆科帶弓箭齊人不復聞蕭韶今朝天子
聖神武手握元符平九土初哀狂童襲故事文告不
來方振怒去秋詔下誅東平官軍四合猶嬰城春來
群鳥噪且驚氣如壞山墮其庭牙門大將有劉生夜
半射箭機槍星帳中虜血流滿地門外三軍撫連臂
驛騎回首過黃河城中無賊天氣和朝廷侍郎來慰
撫耕夫滿野唱行歌

泰山沈寇六十年旅祭不享生愁煙今逢聖君欲封禪神使陰兵來助戰妖氛掃盡河水清日觀杲杲慶雲生開元皇帝東封時蹋曲興無窮調同詞不同願郎千萬壽長作主人翁

平淮夷雅二篇

唐柳宗元

皇武命丞相度董師集大功也

皇者其武于激于淮既巾乃車環蔡其來狡衆昏闇甚毒于醒狂奔叫呶以干大刑○皇咨于度惟汝一德曠誅四紀其後汝克錫汝斧鉞其往視師師是蔡人以宥以釐○度拜稽首廟于元龜既禡既類于社

武部

卷五十八

四

平虜

是宜金節煌煌錫盾雕戈犀甲能旂威命是荷○度拜稽首出次于東天子餞之壘壁是崇鼎臚俎載五獻百籩凡百卿士班以周旋○既涉于滄乃翼乃前孰圖厥猶其佐多賢宛宛周道于山于川遠揚邇昭陟降連連○我旆我旗于道于陌訓于群帥拳勇來格公曰徐之無恃領頌式和爾容惟義之宅○進次于郾彼昏卒狂哀兇鞠頌鋒蝟斧蟾赤子匍匐厥父是亢怒其萌芽以悖太陽○王旅渾渾是佚是怙既獲敵師若飢得餽蔡兇伊窘悉起來聚左擣其虛靡愆厥慮○載闢載被丞相是臨施其武刑諭我德心

其危既安有長如林曾是譴譎化為謠諠○皇曰來歸汝復相予爵之成國昨以夏區度拜稽首天子聖神度拜稽首皇祐下人○淮夷既平震是朔南宜廟宜郊以告德音歸牛休馬豐稼于野我武惟皇永保無疆

皇武十有一章章八句

方城命愬守也卒入蔡得其大醜以平淮右

方城臨臨王卒峙之匪微匪競皇有正命皇命于愬往舒余仁踣彼艱頑柔惠是馴○愬拜即命于皇之訓既礪既攻以後厥刃王師巍巍熊罷是式衡勇韜

武部

卷五十八

五

平虜

力日思余殛○寇昏以狂敢蹈愬疆士獲厥心大袒高驤長戟酋矛粲其綏章右翦左屠聿禽其良○其良既宥告以父母恩柔于肌卒貢爾有維彼攸恃乃偵乃誘維彼攸宅乃發乃守○其恃爰獲我功我多陰謀厥圖以究爾訛雨雪洋洋大風來加于燠其于邇其遐○汝陰之茫懸瓠之我是震是拔大殲厥家狡虜既縻輸于國都示之市人即社行誅○乃諭乃止蔡有厚喜完其室家仰父俯子汝水云云既清而瀟蔡人行歌我步逶遲○蔡人歌矣蔡風和矣孰類蔡初胡輓爾居式慕以康爲愿有餘是究是咨皇

德既舒○皇曰咨愬裕乃父功昔我文祖惟西平是庸內誨于家外刑于邦孰是蔡人而不率從○蔡人率止惟西平有子西平有子惟我有臣疇允大邦俾惠我人于廟告功以顧萬方

方城十有一章章八句

破北虜太和公主歸宮闈

唐許渾

毳幕承秋極斷蓬飄飄一劍黑山空匈奴北走荒秦壘貴主西還盛漢宮定是廟謨傾種落必知邊寇畏驍雄恩沾殘類從歸去莫使華人雜犬戎

收京三首

唐杜甫

武部

卷五十八

六

仙仗離丹極妖星照一作玉除須爲下殿走不可好樓居一作得非群盜暫屈汾陽駕聊飛燕將書依然七廟畧更與萬方初

二

生意甘衰白天涯正寂寥忽聞哀痛詔又下聖明朝羽翼懷商老文思憶帝堯叨逢罪已日霑洒望青霄

三

汗馬收宮闕春城鏜賊壕賞應歌杖杜歸及薦櫻桃雜虜橫戈數功臣甲第高萬方頻送喜無乃聖躬勞

收京

唐杜甫

復道收京邑兼聞殺犬戎衣冠却扈從車駕已還宮剋復誠如此安危一作扶危在數公莫令回首地慟哭起悲風

聞官軍收河南河北

唐杜甫

劍外忽傳收薊北初聞涕淚滿衣裳却看妻子愁何在漫卷詩書喜欲狂白首放歌須縱酒青春作伴好還鄉即從巫峽穿巴峽便下襄陽向洛陽

聞王師收二京因書事寄上浙西節度李侍郎

中丞行營五十韻

唐劉長卿

武部

卷五十八

七

天上胡星孛人間反氣橫風塵生汗馬河洛縱長鯨本謂才非據誰防禍已萌食參將可待誅錯輒爲名萬里兵鋒接三時羽檄驚負恩殊鳥獸流毒遍黎甿朝市成蕪沒干戈起戰爭人心縣反覆天道暫虛盈畧地侵中土傳烽到上京王師陷魑魅帝坐逼欒槍渭水嘶胡馬秦山泣漢兵關原馳萬騎煙火亂千甍鳳駕瞻西幸龍樓議北征自將行破竹誰學去吹笙白日重輪慶玄穹再造榮鬼神潛蓄憤夷狄遠輸誠海內八衣卷關中賊壘平山川隨轉戰草木助橫行區宇神功立謳歌帝業成天回萬象變龍見五雲迎

小苑春猶在長安日更明星辰歸正位雷雨發殘生
文物登前古簫韶下太清未央新柳色長樂舊鐘聲
入使推邦彥中司按國程蒼生屬伊呂明主仗韓彭
兇醜將除蔓奸豪已負荆世危看柱石時難識忠貞
薄伐貞貔虎長驅擁旌旌吳山依重鎮江月帶行營
金石懸詞律煙雲動筆精運籌初減竈調鼎未和羹
北虜傳初解東人望已傾池塘催謝客花木待春卿
昔忝登龍首能傷困驥鳴難悲伏劍提握喜懸衡
巴曲誰堪聽秦臺自有情遂令辭短褐仍欲請長纓
久客田園廢初官印綬輕榛蕪上國路苔蘚北山楹
武部 卷五十八 平旁

收襄陽城二首

唐岑參

悲風慘慘雨脩脩峴北山低草木愁暗發前軍連夜
戰平明旌旆入襄州
五營飛將擁霜戈百里僵屍滿澠河日暮歸來看劍
血將軍却恨殺人多

復京

唐岑參

虜騎胡兵一戰摧萬靈廻首賀軒臺天教李令心如
日可要昭陵石馬來

○受降

雲中受突厥主朝宴席賦

大業三年八月帝北
巡車駕發榆林雲

中沂金河時天下承平百物豐實甲士五十
餘萬馬十萬匹旌旗輜重千里不絕突厥
民克汗奉獻帳以俟車駕帝幸其
帳啟民奉觴上壽帝大悅賦詩曰

隋煬帝

鹿塞鴻旗駐龍庭翠輦回羶帷望風舉穹廬向日開
呼韓頻顙至屠耆接踵來索綽擎羶肉韋鞬獻酒杯

武部

卷五十八

九

受降

如何漢天子空上單于臺

北庭西郊侯封大夫受降回軍獻上

唐岑參

胡地首酋美輪臺征馬肥大夫討匈奴前月西出師
甲兵未得戰降虜來如歸橐駝何連連穹帳亦纍纍
陰山烽火滅劍水羽書稀却笑霍嫖姚區區徒爾爲
西郊侯中軍平沙懸落暉驛馬從西來雙節夾路馳
喜鵲捧金印蛟龍蟠畫旗如公未四十富貴能及時
直上排青雲俯看疾若飛前年斬樓蘭去歲平月支
天子日殊寵朝廷方見推何幸一書生忽蒙國士知

側身佐戎幕敎祗事邊睡自逐定遠侯
近來能走馬不弱并州兒

○告捷

旋師喜捷

唐玄宗

邊服胡塵起長安漢將飛龍蛇開陣法貌虎振軍威
詐虜腦塗地征夫血染衣今朝書奏入明日凱歌歸
侍宴旋師喜捷應制

唐韋安石

蜂蟻屯夷落熊羆逐漢飛忘軀百戰後屈指一年歸
厚眷紆天藻深慈解御衣典酬歌舞出朝野歎光輝

還至張掖古城聞東軍告捷贈韋五

武部

卷五十八

十一

唐陳子昂

孟秋首歸路仲月旅邊亭聞道蘭山戰相邀在井陘
屢關關月滿三捷虜雲平漢軍追北地胡騎走南庭
君爲幕中士疇昔好言兵白虎鋒應出青龍陣幾成
披圖見丞相按節入咸京寧知玉門道空作隴西行
非游朱旌落東歸白露生縱橫未得意寂寞寡相迎
負劍空歎息蒼茫登古城

太社觀獻捷

功字爲韻

唐白居易

淮海妖氛滅乾坤喜氣通班師郊社內操袂凱歌中
廟筭無遺策天兵不戰功小臣同鳥獸率舞向皇風

觀劍南獻捷

唐□□□

遐圻新破虜名將舊登壇戎首西南至瓊裘君長觀
邊疆氣已息矛戟血猶殘紫陌歡聲動丹墀嘉氣盤
唐虞方德易衛霍比功難共覩俘囚入唐歌萬國安

河中獻捷

唐張隨

叛將忘恩久王師不戰通凱歌千里內佳氣二儀中
寇盡條山下兵迴漢苑東將軍初執信明主欲論功
落日煙塵盡寒郊壁壘空蒼生幸無事自此樂堯風
○凱旋

回軍附

武部

卷五十八

十一

凱旋

河梁歌
吳越春秋曰越句踐既滅吳霸諸侯號
令于齊楚秦晉皆輔周室秦應公不如
命句踐乃選吳越將士西渡河以次秦秦人
懼白引咎越乃還軍軍人悅樂作河梁之詩
渡河梁考渡河梁舉兵所伐攻秦王孟冬十月多雪
霜隆寒道路誠難當陳兵未濟秦師降
懼皆恐惶聲傳海內威遠邦稱伯穆桓齊楚莊天下
安寧壽考長悲去歸兮河無梁

勞還師歌

晉張華

徽旆背天德構亂擾邦畿戎車震朔野群帥贊皇威
將士齊心旅感義忘其私積勢如鄴弩赴節如發機
蹕聲動山谷金光耀素暉揮戰一作陵勁敵武步蹈
橫屍鯨鯢皆授首北土永清夷昔往冒隆暑今來白

雪霏征夫信勤瘁自古詠采薇收榮於舍爵燕喜在凱歸

凱樂歌詞三首

隋無名氏

於穆我后睿哲欽明膺天之命載育群生開元創曆
邁德垂聲朝宗萬寓祗事百靈煥乎皇道昭哉帝則
惠政滂流仁風四塞淮海未賓江湖背德運籌必勝
濯征斯克八荒霧卷四表雲塞雄圖盛略邁後光前
寰區已泰福祚方延長歌凱樂天子萬年

二

帝德遠覃天維宏布功高雲天聲隆韶濩惟彼海隅

武部

卷五十八

十三 凱旋

未從王度皇赫斯怒元戎啓路桓桓猛將赴赴英謨
攻如燎髮戰似摧枯救茲塗炭克彼一作從妖迪塵清
兩越氣靜三吳鯨鯢已夷封疆載闢班馬蕭蕭歸旌
奕奕雲臺表効司勳紀績業竝山河道固金石

三

阪泉軒德丹浦堯勳始實以武終乃以文嘉樂聖主
大哉爲君出師命將廓定重氛書軌既并干戈是戢
弘風設教政成人立禮樂事興衣裳載戰風雲自美
嘉祥爰集皇皇聖政穆穆神猷牢籠虞夏度越姬劉
日月比耀天地同休永清四海長帝九州

軍師凱旋自邕州順流舟中 唐李嶠 初

鳴鞞入嶂口汎舸歷川湄尚想江陵陣猶疑下瀨師
岸迴帆影疾風逆鼓聲遲萍葉沾蘭槳林花拂桂旗
弓鳴蒼隼落劍動白猿悲芳樹吟羌管幽篁入楚詞
全軍多勝策無戰在明時寄謝山東妙長纓徒自欺

獻封大夫破播仙凱歌六首

岑參送封大夫出師西征

中甸奴回紇寇邊翰花門畧金山煙塵相連
侵軼海濱天子於是校鉞常清出師征之及
破播仙奏捷獻凱參乃作凱歌○按唐書封
常清傳曰開元末達奚背叛自黑山北向西
趣碎葉其後常清破賊有功天寶六年又從
高仙芝破小勃律不言播仙疑史之闕文也

唐岑參 盛

武部

卷五十八

十三 凱旋

漢將承恩西破戎捷書先秦未央宮天子預開麟閣
待祗今誰數貳師功

官軍西出過樓蘭營幕傍臨月窟寒蒲海曉霜凝馬
尾慈山夜雪撲旌竿

鳴笳疊鼓擁回軍破國平番昔未聞丈夫鵠印搖邊
月大將龍旗掣海雲

日落轅門鼓角鳴千群西縛出蕃城洗兵魚海雲迎
陣秣馬龍堆月照營

番軍遙見漢家營滿谷連山遍哭聲萬箭千刀一夜
殺平明流血浸空城

暮雨旌旗濕未乾胡煙白草日光寒昨夜將軍連勝戰番軍只見馬空鞍

九曲詞三首

天寶中哥舒翰攻破吐蕃洪濟大漠等城收黃河九曲以其地置郡

適由是作

唐高適

許國從來徵廟堂連年不為在壇場將軍天上封侯印御史臺中異姓王

萬騎爭歌楊柳春千場對舞繡麒麟到處盡逢歡洽事相看總是太平人

鐵騎橫行鐵嶺頭西看邏逤取封侯青海只今將飲馬黃河不用更防秋

武部

卷五十八

古

凱歌

元和癸巳歲仲秋詔發江陵偏師問罪蠻傲後命宣慰釋兵歸降凱旋之辰率爾成詠

唐劉禹錫

蠻水阻朝宗兵符下渚宮前籌得上策無戰已成功漢使星飛入夷心草偃同歡誼開竹枝拜舞戢桑弓就日知冰釋投人念鳥窮網羅三面解章奏九門通卉服聯操袂雕題盡鞠躬降幡秋練白驛騎畫塵紅火號休傳警機橋罷亘空登山不見虜振旆自生風江遠煙波靜軍回氣色雄佇看聞喜後金石賜元戎聞常山旋師出勳有過王澤大治因寄李六侍

郎

唐劉禹錫

昨聞凱歌旋飲至酒如淮無戰陋丹水垂仁輕藁街清廟既策勳圓丘俟燔柴車馬一以混幽遠靡不懷逐客顙頰久故鄉雲雨乖禽魚各有化予欲問齊諧

凱歌辭五首

唐書樂志曰唐制凡命將出征有大功蘇儼鼓其凱樂用燒吹

二部樂器有笛簫箏篳篥等四曲一破陣樂二應聖樂三賀聖樂四君臣同慶樂初太宗平東都破宋金剛其後蘇定方執賀曾李勣平高麗皆修軍容凱歌以入而貞觀顯慶開元禮並無儀注太常舊有破陣樂應聖樂兩曲歌辭至太和三年始具儀注又補撰三曲為五曲云

唐

受律辭元首相將討叛臣咸歌破陣樂共賞太平人

武部

卷五十八

十五

凱歌

聖德期昌運雍熙萬寓清乾坤資化育海嶽共休明

三

關土欣耕稼銷戈遂偃兵殊方歌帝澤執贄賀昇平

四

四海皇風被千年德水清戎衣更不著今日告功成

五

主聖開昌歷忠臣奉大猷君看偃革後便是太平秋

凱歌進詩

唐白居易

一詔皇城四海頌醜戎無數東身還戍樓吹角人休

戰牧野嘶風馬自閒河水九盤收數曲天山千里鎖
諸關西邊北塞今無事爲報東南夷與蠻

和敏中凱旋進詩

唐馬植晚

舜德堯仁化犬戎許提河隴款皇風指揮猛虎皆神
算恢拓乾坤是聖功四帥有征無汗馬七關雖戍已
破弓天留此事還英主不在他年在大中

凱旋進詩

唐崔鉉晚

邊陲萬里注恩波宇宙羣方洽凱歌右地名王爭解
辦遠方戎壘盡投戈煙塵永息三秋戍瑞歲逢清九
折河共偶聖明千載運更觀俗阜與時和

武部

卷五十八

唐王建中

田侍郎歸鎮八首

唐王建中

去處長將決勝籌迴迴身在陣前頭賊城破後先鋒
入看者紅妝不敢收

熨帖朝衣拋戰袍藥龍班裏侍中高對時先奏牙間
將次第天恩與節旄

踏著家鄉馬脚輕暮山秋色眼前明老人上酒齊頭
拜得侍中來盡再生

功成誰不用蕃方富貴還須是本鄉萬里雙旌汾水
上玉鞭遙指白雲莊

鼓吹旗幡道兩邊行男走女喜駢闐舊交省得當時

別指點如今却少年

廣場破陣樂初休彩纛高於百尺樓老將氣雄爭起
舞管絃迴作大纏頭

笳聲萬里動燕山草白天青塞馬閒觸處不如別處
樂可憐秋月照江關

將士請承忘却貧綠牕紅燭酒樓新家盡踏還鄉
曲明月街中不絕人

送袁郎中破賊北歸

唐皇甫冉中

優詔親賢時獨稀中途紫綬換征衣黃香省闥登朝
去楊僕樓船振旅歸萬里長聞隨戰角十年不得偃

武部

卷五十八

唐王建中

郊扉□□□□□□但將詞賦奉恩輝

和表郎中破賊後經剡中山水

唐皇甫冉中

武庫分帷幄儒衣事鼓鼙兵連越徼外寇靜海門西
節比全疎勒功當雪會稽旌旗迴剡嶺士馬濯靈溪

受律梅初發班師草未齊行看佩金印豈得訪丹梯
和表郎中破賊後經剡縣山水上太尉

唐李嘉祐中

受律仙郎貴長驅下會稽鳴笳山月曉搖旆野雲低
窮寇人皆賀迴軍馬自嘶地閒春草綠城靜夜烏啼
破竹清閨嶺看花入剡溪元戎催獻捷莫道事攀躋

潤州揚別駕宅送蔣侍御收兵歸揚州

唐李嘉祐

沴氣清金虎兵威壯鐵冠揚旌川色暗吹角水風寒
人對輜輶醉花垂睥睨殘羨歸丞相閑空望舊門欄
晉公破賊回重拜台司以詩示幕中賓客

唐韓愈

南伐旋師太華東天書夜到冊元功將軍舊壓三司
貴相國新兼五等崇鷄鷺欲歸仙仗裏熊羆還入禁
營中長慚典午非材職得就閑官即至公

觀回軍

唐李益

武部

卷五十八

回軍

行行上隴頭隴月暗悠悠萬里將軍沒回旌隴戍秋
誰令嗚咽水重入故宮流

觀軍回戈

唐韋莊

關中群盜已心離關外猶聞羽檄飛御苑綠莎嘶戰
馬禁城寒月擣征衣漫教韓信兵塗地不及劉琨嘯
解圍昨日屯軍還夜道滿車空載洛神歸

○宴勞

正陽堂宴勞凱旋

梁沈約

凱入同高宴飲至均多祐昔往歌采薇今來歡挾杜
善戰惟我皇勝之不窺戶推轂授神謨餘壯終能賈

浩蕩金壘溢周流玉觴傳

宴詩

北史曰武成三年計平文州氏師還帝宴
群公卿士仍賦詩言志琳詩末章云云帝
大悅曰重險陸梁未時款
寒卿言有驗國之福也

北周高琳
寄言竇章騎為謝霍將軍何以報天子沙漠靜妖氛

陪柏中丞觀宴將士二首

唐杜甫

極樂三軍士誰知百戰場無私齊綺饌久坐密金章
醉客霑鸚鵡佳人指鳳凰幾時來翠節特地引紅妝

二

繡段裝簷額金花帖鼓腰一夫先舞劍百戲後歌鐮
江樹城孤遠雲臺使寂寥漢朝頻選將應拜霍嫖姚

武部

卷五十八

宴勞

軍中冬燕

唐韋應物

滄海已云宴皇恩猶念勤式燕徧恒秩彙遠及斯人
茲邦實大藩伐鼓軍樂陳是時冬服成戎士氣益振
虎竹謬朝寄英賢降上賓旋罄周旋禮媿無海陸珍
庭中九劍闌堂上歌吹新光景不知晚觥酌豈言頻
單醪昔所感大醪況同欣顧謂軍中士仰答何由申

賀州宴行營回將

唐羊士諤

九劍盈庭酒滿卮戍人歸日及瓜時元戎靜鎮無邊
事盡道營中偃畫旗

○陣圖

八陣圖

晉羊祜

望古識其真臨源愛往跡恐君遺事節聊下南山石

八陣圖

唐杜甫

功蓋三分國名成八陣圖江流石不轉遺恨失吞吳

觀八陣圖

唐劉禹錫

軒皇傳上畧蜀相運神機水落龍蛇出平沙鵝鸛飛
波濤無動勢鱗介避餘威會有知兵者臨岐指是非

烽火

夕烽

唐杜甫

夕烽來不近每日報平安塞上傳光小雲邊落點殘

武部

卷五十八

二十

照秦通警急過隴自艱難聞道蓬萊殿千門立馬看

烽火

唐韓愈

登高望烽火誰謂塞塵飛王城富且樂曷不事光輝
勿言日已暮相見恐行稀願君熟念此秉燭夜中歸
我歌寧自感乃獨淚沾衣

劍

寶劍

梁吳均

我有一寶劍出自昆吾谿照人如照水切玉如切泥
鏗邊霜凜凜匣上風淒淒寄語張公子何當來見携

詠劍

唐崔融

寶劍出昆吾龜龍夾采珠五精初獻術千戶競論都

匣氣衝牛斗山形轉轉轡欲知天下貴持此問風胡

詠劍

唐李嶠

我有昆吾劍求趨天子庭白虹時切玉紫氣夜干星
鏘上芙蓉動匣中霜雪明倚天持報國畫地取雄名

寶劍篇

唐李嶠

吳山開越溪涸三金冶成寶鏐淬綠水鑿紅雲五
采焰起光氛氤背上名為萬年字胸中點作七星文
龜甲參差白蛇色轉轡宛轉黃金飾文犀中斷寧方
利駿馬群騅未擬直風霜凜凜匣上青精氣滛滛斗

武部

卷五十八

三

間明避災朝穿晉帝屋逃亂夜入楚王城一朝運偶
逢大仙虎吼龍鳴騰上天東谷顯昇紫微座西王佩
下赤城田承平久息干戈事僥倖得充文武備除災
辟患宜君王益壽延齡後天地

寶劍篇

唐郭元振

君不見昆吾鐵冶飛炎煙紅光紫氣俱赫然良工鍛
鍊凡幾年鑄得寶劍名龍泉龍泉顏色如霜雪良工
嗟咨歎奇絕琉璃玉匣吐蓮花錯鏤金環映明月正
逢天下無風塵幸得周防君子身精光黯黯青蛇色
文章片片綠龜鱗非直結交游俠子亦曾親近英雄

人何言中路遭棄捐零落飄淪古獄邊雖復沈埋無

所用猶能夜夜氣衝天郭代公元振初尉通泉任俠使氣撥去小節武后知所為

召欲詰責既與語奇之紫索所為文章上寶劍篇后覽嘉歎詔示學士李嶠等

寶劍原作古風

唐李白盛

寶劍雙蛟龍雪花照芙蓉精光射天地雷騰不可衝

一去別金匣飛沈失相從風胡滅已久所以潛其鋒

吳水深萬丈楚山邈千重雌雄終不隔神物會當逢

寶劍篇

唐劉長卿中

寶劍不可得相逢幾許難今朝一度見赤色照人寒

匣裏星文動環邊月影殘自然神鬼伏無事莫空彈

武部

卷五十八

三

蕃劍

唐杜甫盛

致此自僻遠又非珠玉裝如何有奇怪每夜吐光芒

虎氣必騰上龍身寧久藏風塵苦未息持汝奉明王

古劍

唐劉長卿中

龍泉閒古匣苔蘚淪此地何意久藏鋒翻令世人棄

鐵衣今正濯寶刀猶可試儻遇拂拭恩應知剗犀利

李都尉古劍

唐白居易中

古劍寒黯黯鑄來幾千秋白光納日月紫氣排斗牛

湛然玉匣中秋水澄不流至寶有本性精剛無與儔

可使寸寸折不能繞指柔願快直士心將斷佞臣頭

不願報小怨夜半刺私讐勸君慎所用無作補子

古劍行

唐韋應物

千年土中兩刃鐵土蝕不入金星滅沈沈青春鱗甲

滿蛟龍無足蛇尾斷忽欲飛動中有靈豪士得之敵

國寶仇家舉意半夜鳴小兒女子不可近龍蛇變化

此中隱夏雲奔走雷聞闐恐成霹靂飛上天

春坊正字劍子歌

唐李賀中

先輩匣中三尺水曾入吳潭斬龍子隙月斜明刮露

寒練帶平鋪吹不起蛟胎皮老蒺藜刺鵝鵝淬花白

鵬尾直是荆軻一片心莫教照見春坊字授絲團金

武部

卷五十八

三

懸麗敷神光欲截藍田玉提出西方白帝驚嗷嗷鬼

母秋郊哭

仗劍行

唐萬齊融盛

昨夜星宮動紫微今年天子用武威登車一呼風雷

動遙振陰山撼巍巍胡驕子當見旄頭蝕應死願騎

單馬仗天威援取長繩縛虜歸仗劍逢叱咤路傍子

奴頭血濺君衣

賦得錦帶佩吳鉤

唐張友正

帶劍誰家子春朝紫陌遊結邊霞聚錦縣處月隨鉤

絲縷迴文出雄雉練影浮葉依花裏艷霜向鏢中秋

的皦□駿馬爛爛映綺裘應須持報國一劍月支

觀淬龍泉劍

唐裴夷

歐冶將成器風胡幸見逢發矟思剗玉投水化為龍
詎肯藏深匣終期用剗鐘蓮花生寶鏤秋日勵霜鋒
鍊質纔三尺吹毛過百重聲一作擊磨如不倦提握願
長從

劍化為龍

唐張聿

古劍誠難屈精明有所從沈埋方出獄合會却成龍
牛斗冤初歇蜿蜒氣漸濃雲濤透百丈水府躍千重
拖尾迷蓮鐸張鱗露錦容至今沙岸下誰得覩玄蹤

武部

卷五十八

五

劍

劍客

唐賈島

十年磨一劍霜刃未曾試今日把似君誰為不平事

刀

戈附

刀

魏王粲

相時陰陽制茲利兵和諸色剗考諸濁清陸剗犀兕
水截鯢鯨君子服之式章威靈

刀三首

北周庾信

風伯吹鑪雲師煉一作鍊冶鐵燄朝流金精夜下價重

十城名高千馬

千金穎合百煉鋒成光連斗氣燄動山精身文水動

刀古珠生

斗精遙降山靈下從水文千曲虵鱗百重燕砥斂刀
蜀水開鋒氣生分景環成屈龍

詠刀

唐李嶠

列辟鳴鸞至惟良佩犢旋帶環疑寫月引鑑似含泉
入夢華梁上含鋒彩筆前莫驚開百鍊特擬定三邊
荆南兵馬使太常卿趙公大食刀歌

唐杜甫

太常樓船聲嗷嘈問兵刮寇超下牢牧出令奔飛百
艘猛蛟突獸紛騰逃白帝寒城駐錦袍玄冬示我胡

武部

卷五十八

五

刀

國刀壯士短衣頭虎毛憑軒拔鞘天為高翻風轉日
水怒號水翼雲淡傷哀猱鏘錯碧甕鴈鵠膏鏐鏐已
瑩虛秋濤鬼物撇捩亂坑壕蒼水使者捫赤條龍伯
國人罷釣鰲芮公回首顏色勞分閫救世用賢豪趙
公玉立高歌起攬環結佩相終始萬歲持之護天子
得君亂絲與君理蜀江如線針如水荆岑彈丸心未
已賊臣惡子休干紀魑魅魍魎徒為耳妖腰亂領敢
欣喜用之不高亦不痺不似長劍須天倚吁嗟光祿
英雄弭大食寶刀聊可比丹青宛轉麒麟裏光芒六
合無泥滓

崔五六圖屏風各賦一物得鳥孫佩刀

唐李頎

鳥孫腰間佩兩刀刀可吹毛錦為帶握中枕宿寄廬
室馬上割飛翳蟄塞執之魍魎誰能前氣凜清風沙
漠邊磨用陰山一片玉洗將胡地獨流泉主人屏風
寫奇狀鐵銷金環儼相向回頭睨目時一看使予心
在江湖上

難縮刀子歌

唐盧綸

黃金鞘裏青蘆葉麗若翦成鉞且髮輕冰薄玉狀不
分一尺寒光堪映雲吹毛可試不可觸似有蟲搜關

武部

卷五十八

五十六

裂文淬之幾墮前池水焉知不是蛟龍子割鷄刺虎
皆若空願應君心逐君指并州難縮竟何人每成此
物如有神

詠戈

唐李嶠

富父春暎日殷辛漂杵年曉霜含白刃落影駐雕鋌
夕擯金門側朝提玉塞前願隨龍影度橫口陣雲邊

○弓

弩

箭 彈並附

詠弓

梁宣帝

虞人招不進繁氏久稱工已悲軒主跡復挹楚王風

詠弓

唐太宗

上弦明月半激箭流星遠落鴈帶書驚啼猿映夜

奉和詠弓

唐楊師道

霜重麟膠勁風高月影圓鳥飛隨帝輦鴈落逐鳴絃

詠弓

唐李嶠

桃文稱辟惡桑質表初生宛轉雕鞬際依稀半月明
遙彎落鴈影虛引怯猿聲徒切烏號思攀龍遂不成

賦弩

吳朱異

南岳之幹鍾山之桐應機命中射隼高墉

詠弩

唐李嶠

挺質本軒黃申威振遠方機張驚雉雉玉彩耀星芒

武部

卷五十八

五十七

高鳥行應盡清猿坐見傷蘇秦六百步持此說韓王

詠箭

唐李嶠

漢甸初收羽燕城忽解圍影隨流水急光帶落星飛
真列三成範堯沈九日輝斷蛟雲夢澤希為識忘歸

長平箭頭歌

唐李賀

漆灰骨末丹水沙淒淒古血生銅花白翎金鏐雨中
盡直餘三春殘狼牙我尋平原乘兩馬驛東石田蒿
塢下風長日短星蕭蕭黑旗雲濕懸空夜左覓右鬼
啼肌瘦酪瓶倒盡將竿炙蟲棲鴈病蘆荀紅迴風送
客吹陰火訪古汎瀾收斷鐵折鋒赤墮曾封肉南陌

東城馬上見勸我將金換簪竹

詠彈

唐李嶠初

俠客持蘇合佳游滿帝鄉避丸深可請求炙遂難忘
金迸疑星落珠成似月光誰知少孺子將此見吳王

南林彈

晉桓玄

散帶躡良驄揮彈出長林歸翮赴舊栖喬木轉翔禽
落羽尋絕響屢中轉應心

○旌旗

詠旌

唐李嶠初

告善康莊側求賢市肆中擁麾分彩雉持節曳丹虹

武部

卷五十八

三十八 旌旗

影麗天山雪光搖朔塞風方知美周政抗旆賦車攻

詠旗

唐李嶠初

桂影承宵月虹輝接曙雲縱橫齊八陣舒卷引三軍
日薄蛟龍影風翻鳥隼文誰知懷勇志蟠地幾繽紛

揚旗

六月成都尹鄭公置酒
公堂觀騎士試新旗幟

唐杜甫盛

江雨颯長夏府中有餘清我公會賓客肅肅有異聲
初筵閱軍裝羅列照廣庭庭空六馬入駭駭揚旌旌
迴迴偃飛蓋熠燿迸流星來纏風颭急去擘山嶽傾
材歸俯身盡妙取畧地平虹霓就掌握舒卷隨人輕
三州陷犬戎但見西嶺青公來練猛士欲奪天邊城

此堂不易升庸蜀日已寧吾徒且加餐久違簪與

○鞭

詠馬鞭

唐高適盛

龍竹養根凡幾年工人截之爲長鞭一節一目皆天
然珠重重星連連繞指柔純金堅繩不直規不圓把
向空中捎一聲良馬有心日馳千

賦得鐵馬鞭

唐戎昱中

成器雖因匠懷剛本自天爲憐持寸即長擬靜三邊
未入英髦用空存鐵石堅希君剖腹取還解抱龍泉

露青竹杖歌

唐顧況中

武部

卷五十八

三十九 鞭

鮮于仲通正當年童仇兼瓊在蜀川約束蜀兒採馬
鞭蜀兒採鞭不敢眠橫截斜飛飛鳥邊繩橋夜上層
崖顛頭插白雲捧飛泉採得馬鞭長且堅浮漚丁子
珠聯聯灰糞蠟揩光爛然童仇兼瓊持上天上天雨
露何其偏飛龍閑廐馬數千朝飲吳江夕秣燕紅塵
撲轡汗濕羈獅子麒麟聊比肩江面昆明洗刷牽四
蹄踏浪頭擁天蛟龍稽顙河伯虔拓羯胡雛脚手鮮
陳閔韓幹丹青妍欲貌未貌眼欲穿金鞍玉勒錦連
乾騎入桃花楊柳煙十二樓中春管絃樓中美人奪
神仙爭愛大家把此鞭祿山入關關破年忽見揚州

北印前祗有人還千一錢亭亭筆直無缺節
相一條鐵市頭格是無人別江海賤臣不抑纔垂懸
挂影西窓缺稚子覓衣桃仰穴家僮拾薪幾拘折玉
潤猶沾玉壘雪碧鮮似滌莨弘血蜀帝城邊子規咽
相如橋上文君絕往年策馬降至尊七盤九折橫劍
門穆王八駿超崑崙安用冉冉孤山根聖人不貴難
得貨金玉珊瑚誰買恩

武部

卷五十八

三

鞭

詩集類函卷五十八

詩集類函卷五十九

東吳俞安期彙纂 宣城梅鼎祚增定

金明蕭如薰訂校

人部

（祖）生子 父母子 生女附

（祖）生子 父母子 生女附 子 女 附 子 女 附

（祖）

赫矣我祖 韋孟為玄 成六世祖

漢韋玄成

赫矣我祖侯于豕韋賜命建伯有殷以綏厥績既昭
車服有常朝宗商邑四牡翔翔德之令顯慶流于裔
宗周至漢羣后歷世肅肅楚傳輔翼元夷厥駟有庸
惟慎惟祗

人部

卷五十九

祖

述祖德詩二首 并序

宋謝靈運

太元中王父龕定淮南負荷世業尊主隆民逮賢
相但謝君子道消拂衣蕃岳考上東山事同樂生
之時志期范蠡之舉

達人貴自我高情屬天雲兼抱濟物性而不纓垢氛
段生蕃通作魏國展季救魯人弦高犒舊作師仲

連卻秦軍臨組乍不縲對珪璫肯分惠物辭所賞勵
志收絕人若若歷千載遙遙播清塵清塵竟誰嗣明
哲一作經綸委講綴當作道論改服康世屯屯難

既云康尊主隆斯民

中原昔喪亂，喪亂豈解已。崩騰永嘉末，逼迫太元始。
河外無反正，江介有蹙圯。萬邦咸震懼，橫流賴君子。
拯溺由道情，龕暴資神理。秦趙欣來蘇，燕魏遲文軌。
賢相謝世運，遠圖因事止。高揖七州外，拂衣五湖裏。
隨山疏濬潭，傍巖藝粉梓。遺情捨塵物，貞觀丘壑美。

倬彼我系

唐王勃

倬彼我系，舍弟虢州參軍勃所作也。傷迫乎家貧，
道未成而受祿，不得如古之君子四十強而仕也。
故本其情性源，其事業因陳先人之迹，以議出處，
致天爵之艱難也。勃兄勵序。

人部

卷五十九

二

祖三子

倬彼我系，出自有周。分疆錫社，派別枝流。居衛仕宋，
臣嬴相劉。廼武廼文，或公或侯。晉曆崩拆，衣冠擾弊。
粵自太原，播徂江嶺。禮喪賢隱，時屯道閉。王室如燬，
生人多殪。伊我有器，思逢其主。自東旋西，擇木開宇。
田彼河曲，家乎汾浦。天未厭亂，吾將誰輔。伊我祖德，
思濟九埏。不常厥所，於茲五遷。欲及時也，夫豈願焉。
其位雖屈，其言則傳。爰述帝制，大蒐王道。曰天曰人，
是祖是考。禮樂咸若，詩書具草。貽厥孫謀，永爲家寶。
伊余小子，信慙明哲。彼網有條，彼車有轍。思屏人事，
先終前烈。於嗟代網，卒余來續。伊何謂乎，曰仕。

我瞻先達三十方，起夫豈不懷高山。仰止願言，
啜菽飲水有烏反哺。其聲嗷嗷，言念舊德。憂心忉忉，
今我不養。歲月其消，僮僮從役。豈敢告勞，從役伊何。
薄求卑位，告勞伊何。來參卿事，名存事爽。負信愆義，
靜言遐思，中心是愧。

○父母

思親詩

華虞文章流別云：王粲爲潘文則，
作思親詩，其文當而整，近乎雅矣。

魏王粲

穆穆顯皇，一作妣德音徽。止思齊先，姑志倅姜。奴躬此
勞，瘁鞠予小子。小子之生，遭世罔寧。烈考勤時，從之

人部

卷五十九

三

父母

于征奄邁，不造殷憂。是嬰咨于靡及，退守祧祫。五服
荒離，四國分爭。禍難斯逼，救死於頸。嗟我懷歸，弗克
弗逞。聖善獨勞，莫慰其情。春秋代逝，于茲九齡。緬彼
行路，焉託予誠。予誠既否，委之于天。庶我顯一作妣
克保遐年，暨暨惟懼。心乎如懸，如何不弔。早世徂顛，
於存弗養。於歿弗臨，遺愆在體。慘痛切心，形景尸立。
魂爽飛沈，在昔蓼莪。我哀有餘音，我之此譬。憂其獨深，
胡寧視息。以濟于今，巖巖叢險。則不可摧，仰瞻歸雲。
俯聆飄回，飛焉靡翼。超焉靡階，思若流波。情似坻頽，
詩之作矣。情以告哀。

思親詩

魏嵇康

奈何愁兮愁無聊恒惻惻兮心若抽愁奈何兮悲思
多情鬱結兮不可化奄失恃兮孤帆帆內自悼兮啼
失聲思報德兮邈已絕感鞠育兮情剝裂嗟母兄兮
永潛藏想形容兮內摧傷感陽春兮思慈親欲一見
兮路無因望南山兮發哀歎感机杖兮涕汎瀾念疇
昔兮母兄在心逸豫兮壽四海忽已逝兮不可追心
窮約兮但有悲上空堂兮靡無依親遺物兮心崩摧
中夜悲兮當告誰獨收淚兮抱哀戚日遠邁兮思予
心戀所生兮淚不禁慈母沒兮誰與驕顧自憐兮心
人部 卷五十九 四 父母

離親詠

晉夏侯湛

剖符兮南荆辭親兮遐征發軔兮皇京夕臻兮泉亭
撫首兮內顧按轡兮安步仰戀兮後塗俯歎兮前路
既感物以永思兮且歸身乎懷抱苟違親以從利兮
匪曾閔之攸寶視微榮之瑣瑣兮知吾志之愈小獨
申愧於一心兮斯報德之彌少

表哀詩

并序

晉孫綽

天地之大德曰生生之所恃者親親存則歡泰情

盡親亡則哀悴理極故老萊婆娑於膝下曾閔泣
血於終年哀悼之思至矣自然之性篤矣余以薄
祜夙遭閔凶越在九齡嚴考卽世未及志學過庭
無聞天覆既淪俯憑坤厚殖根外氏賴以成訓然
以不才不能負荷仁妣弘母儀之德邁榮寒之操
雕琢固頑勉以道義庶幾砥礪犬馬之報豈悟一
朝復見孤棄上天極禍怨痛莫訴皆由惡積咎深
不能通感自丁荼毒載離寒暑因惟塵寂棟宇寥
恍仰悲軌迹長自矜悼不勝哀號作詩一首敢冒
諒闇之譏以申罔極之痛詩曰

人部

卷五十九

五

父母

茫茫太極賦受理殊咨生不辰仁考宿一作但微微
冲弱眇眇偏孤叩心昊蒼痛貫黃墟肅我以義鞠我
以仁嚴邁商風恩洽陽春昔聞鄒母勤教善分懿矣
慈妣曠世齊運嗟予小子譬彼土糞俯愧陋質仰忝
高訓悠悠玄運四氣錯序自我酷痛載離寒暑寥寥
空堂寂寂響戶塵蒙几筵風生棟宇感昔有恃望晨
遲顏婉變懷袖極願盡歡奈何慈妣歸體幽延酷矣
痛深剖髓摧肝

周公伯禽贊

北周庾信

伯禽居魯鳴玉來朝周公問政治國風謠北山有梓

南山有喬禮容雖俯仰無驕

鄭公歌

北史曰鄭述祖天保中為兗州刺史有特原之自是境內無盜先是述祖之父道昭亦嘗為兗州刺史故百姓歌之

大鄭公小鄭公相去五十載風教尚猶同

廬里龐公

風俗通曰魏郡龐參失父時餘錢三萬遂巨富求老蒼頭使主牛馬耕種直錢二萬有實婚大會堂上作樂奴在竊言堂上母我婦也婦即具白母母使餘呼問事實曰是我翁也婦因下堂抱其頸啼泣遂為夫婦餘及子歷二千石刺史七八人時人為之語曰

廬里龐公鑒并得銅買奴得翁

○子

孤兒附

人部

卷五十九

六十一

送始安王方畧入關

梁武帝結好于魏遣始安王方畧入關送之作詩曰

梁武帝

如何吾幼子勝衣已別離十日無由宴千里送達垂

岳州別子均

唐張說

離筵非讌喜別酒正消魂念汝猶童孺嗟予隔遠藩

津亭拔心草江路斷腸後他日將何見愁來獨倚門

驥子

原作遺興

唐杜甫

驥子好男兒前年學語時問知人客姓誰得老夫詩

世亂憐渠小家貧仰母慈鹿阿攜不遂鴈足繫離期

天地軍麾滿山河戰用悲僮歸兒相失見日敢辭遲

憶幼子

唐杜甫

驥子春猶隔鶯歌暖正繁別離驚節換聰慧與誰論

澗水空山道柴門老樹村憶渠愁只睡炙背俯晴軒

宗武生日

唐杜甫

小子何時見高秋此日生自從都邑語已伴老夫名

詩是吾家事人傳世上情熟精文選理休覓綠衣輕

凋瘵筵初秩欹斜坐不成流霞分片片消滴就徐傾

貽主客李員外賢子裴知

唐杜甫

鍊金歐冶子歎王天宛兒符彩高無敵聰明達所為

夢蘭他日應折桂早年知爛熳通經術光芒刷羽儀

人部

卷五十九

七十一

謝庭瞻不遠潘省會於斯唱和將雛曲田翁號鹿皮

徐卿二子歌

唐杜甫

君不見徐卿二子生絕奇感應吉夢相追隨孔子釋

氏親抱送並是天上麒麟兒大兒九齡色清澈秋水

為神玉為骨小兒五歲氣食牛滿堂賓客皆迴頭吾

知徐公百不憂積善衮衮生公侯丈夫生兒有如此

二雛者名位豈肯卑微休

寄東魯二稚子

唐李白

吳地桑葉綠吳蠶已三眠我家寄東魯誰種龜陰田

春事已不及江行復茫然南風吹歸心飛隨酒樓前

樓東一株桃枝葉拂青煙此樹我所種別來三三
桃今與樓齊我行尚未旋嬌女字平陽折花倚桃邊
折花不見我淚下如流泉小兒名伯禽與姊亦齊眉
雙行桃樹下撫背復誰憐念此失次第肝腸日憂煎
梨素寫遠意因之汶陽川

戲題贈二小男

唐劉長卿中

異鄉流落頻生子幾許悲歡併在身欲並老容羞白
髮每看兒戲憶青春未知門戶誰堪主且免琴書別
與人何幸暮年方有後舉家相對却沾巾

觀兒戲

唐白居易中

人部

卷五十九

八

韶齡七八歲綺紈三四兒弄塵復關草盡日樂嬉嬉
堂上長年客鬢間新有絲一看竹馬戲每憶童騃時
童騃饒戲樂老大多憂悲靜念彼與此不知誰是癡

自嘲

唐白居易中

五十八翁方有後靜思堪喜亦堪嗟一珠甚小還慙
蚌八子雖多不羨鴉秋月晚生丹桂實春風新長紫
蘭芽持杯祝願無他語慎勿頑愚似汝爺

兒璩授京兆府參軍戲書以示兼呈獨孤郎

唐權德輿中

見爾府中趨初官足慰吾老牛還詆牘凡鳥亦將雛

喜至翻成感癡來或欲殊因慙玉潤客應笑此非夫

示添丁

唐盧仝中

春風苦不仁呼逐馬蹄行人家慚媿瘴氣却憐我入
我惟悴骨中爲生涯數日不食強強行何忍索我抱
看滿樹花不知四體正困憊泥人啼哭聲呀呀忽來
案上翻墨汁塗抹詩書如老鴟父憐母惜摑不得却
生癡笑令人嗟宿春連曉不成米日高始進一椀茶
氣力龍鍾頭欲白憑仗添丁莫惱爺

小兒詩

唐

情態任天然桃紅兩頰鮮乍行人共看初語客多憐

人部

卷五十九

九

臂膊肥如瓠肌膚軟勝綿長頭纔覆額分角漸垂肩
散誕無塵慮逍遙占地仙徘徊朱閣上喝道盡堂前
合調歌楊柳齊聲踏採蓮走堤行細雨奔巷趁輕煙
嫩竹乘爲馬新蒲折作鞭鴛鴦金鏤繫猶子綵絲牽
擁鶴歸晴島驅鵝入暖泉楊花爭弄雪榆葉共收錢
錫當曾挂銀銖對耳懸頭依蒼鶴束袖學柁檣
酒罍丹砂暖茶催小玉煎頻邀籌箸擇時乞繡針穿
寶篋拏紅荳妝奩拾翠鈿戲袍披按禪尖帽戴靴氈
展盡趨三開屏笑七賢貯懷青杏小垂額綠荷圓
驚鴻沾羅襖嬌流汚錦涎僊書饒姪姪憎藥巧遷延

弄帳燕綃映藏衾鳳綺纏指敲銀使鼓筋撥賽神絃
簾拂魚鈎動筆推鴈柱偏基圖添路盡笛管欠吹鐺
惱客初酣睡驚僧半入禪尋蛛窮屋瓦探雀遍樓椽
拋果忙開口藏鈎亂出拳夜分圍楫柁朝聚打鞦韆
折竹裝泥燕添絲放紙鳶互誇輪水碓相教放風旋
旗小裁紅絹書幽戴碧綬遠鋪張鵠網低控射蠅弦
詁語時時道謠歌處處傳匿隱眉乍曲遮路臂相連
蘭草當春逕爭毬出晚田柳傍慵獨坐花底困橫眠
等鵲潛離畔聽蛩伏砌邊旁枝粘舞蝶隈樹捉鳴蟬
平島誇喬上層崖逞捷緣嫩苔車跡小深雪履痕全

人部

卷五十九

十一

競指雲生岫齊呼月上天蟻巢尋逕斷蜂穴遶堦填
樵唱迴深嶺牛歌下遠川壘柴爲屋木和土作盤筵
險砌高臺石危跳峻塔塼忽陞鄰舍柱偷上後池船
項橐稱師日甘羅作相年明時方任德勸爾減狂顛

驕兒詩

唐李商隱

衮師我驕兒美秀乃無匹文葆未周晬固已知六七
四歲知姓名眼不視梨栗交朋頗窺觀謂是丹穴物
前朝尚器貌流品方第一不然神仙姿不爾燕鶴骨
安得此相謂欲慰衰朽質青春妍和月朋戲渾甥姪
繞堂復穿林沸石金鼎溢門有長者來造次請先出

客前問所須含意不吐實歸來學客面闕敗秉斧笏
或謔張飛胡或笑鄧艾喫豪鷹毛削此乃良直猛
馬氣估僂截得青質管騎走恣唐突忽復學參軍按
聲喚蒼鶻又復紗燈旁稽首禮夜佛仰鞭臂蛛網俯
首飲花蜜欲爭蛺蝶輕未謝柳絮疾階前逢阿姊六
甲頗輸失疑走弄香奩拔脫金屈戌抱持多反倒威
怒不可律曲躬牽牕網絡唾拭琴漆有時看臨書挺
立不動膝古錦請裁衣玉軸亦欲乞請命書春勝春
勝宜春日芭蕉斜卷牋辛夷低過筆命昔好讀書懇
苦自著述顛悴欲四十無肉畏蚤虱兒慎勿學命讀

人部

卷五十九

十一

書求甲乙懷直司馬法張良黃石術便爲帝王師不
假更纖悉况今西與北羌戎正征悖誅赦兩未成將
養如探疾兒當速成大痼雛入虎窟當爲萬戶侯勿
守一經裘

楊本勝說於長安見小兒

唐李商隱

聞君來日下見我最驕兒漸大啼應數長貧學恐遲
寄人龍種瘦失母鳳雛癡語罷休邊角青燈兩鬢絲
孤兒行古辭言孤兒爲兄嫂所苦難與久居也一日孤兒生行一日放歌行
孤兒生孤子遇生命獨當苦父母在時乘堅重駕駟
馬父母已去兄嫂令我行賈南到九江東到齊與魯

臘月來歸不敢自言苦頭多蟣虱面目多塵大兄言
辦飯大嫂言視馬上高堂行取殿下堂孤兒淚下如
雨使我朝行汲暮得水來歸手為錯足下無菲作
愴愴覆霜中多蕤藜拔斷蕤藜腸月下愴欲悲淚下
漉漉清涕纍纍冬無複襦夏無單衣居生不樂不如
早去下從地下黃泉春氣動草萌芽三月蠶桑六月
收瓜將是瓜車來到還家瓜車反覆助我者少嚼瓜
者多願還我帶兄與嫂嚴獨且急歸當與校計亂曰
里中一何饒饒願欲寄尺書將與地下父母兄嫂難
與久居

人部

卷五十九

十三

孤兒

原作上留田行○古今注曰上留田地名
也其地人有父母死不字其孤弟者鄰人
為其弟作悲歌以風其兄漢古辭

里中有啼兒似類親父子回車問啼兒慷慨不可止

孤兒

原作駕出
北郭門行

魏阮瑀

駕出北郭門馬樊不肯馳下車步踟躕一作仰折枯

楊枝顧聞丘林中噉噉有悲啼借問啼者出何為乃

如斯親母舍我歿後母憎孤兒飢寒無衣食舉動鞭

捶施骨消肌肉盡體若枯樹皮藏我空室中父還不

能知上蒙察故處存亡永別離親母何可見淚下聲

正嘶棄我于此間窮厄豈有皆傳告後代人以此為

明規

○女

嬌女詩

晉左思

吾家有嬌女皎皎頗白皙小字為纖纖一作素口齒自
清歷鬢髮覆額雙耳似連璧明朝弄梳臺黛眉類
掃跡濃朱衍丹唇黃吻瀾漫赤嬌語若連瑣念速乃
明愷握筆利彤管篆刻未期益執書愛綈素誦習矜
所獲其姊一作姊字惠芳兩目燦如畫輕妝喜樓邊臨
鏡忘紡績舉觴擬京兆立的成復易玩弄眉頰間劇
兼機杼役從容好趙舞延袖像飛翾上下絃柱際文

人部

卷五十九

十三

史軼

卷顧盼屏風畫如見已指擿丹青日塵闇明

義為隱隲馳驚翔園林果下皆生摘紅葩掇紫蒂萍

實驟抵擲食華風雨中倏忽數百適務隲霜雪戲重

綦常累積并心注肴饌端坐理盤榻翰墨戢閑按相

與數離遯動為鑪鉦屈展復任之適止為茶菽據吹

吁對鼎鑪一作脂膩漫白袖煙薰染阿錫衣被皆重

池重池彼之心如池也玉難與沈水碧任其孺子意

羞受長者責皆重施誤聞當與杖掩淚俱向壁

別李氏女子

唐劉長卿

念爾嫁猶近稚年那別親臨岐方教誨所貴和六姻

俛首戴荆釵欲拜妻且嘔本來儒家子莫耻梁鴻貧
漢川若可涉水清石磷磷天涯遠鄉婦月下孤舟人

送楊氏女

唐韋應物

永日方慙感出門復悠悠女子今有行大江汭輕舟
爾輩况無恃撫念益慈柔幼爲長所育幼女爲楊氏所撫育兩
別泣不休對此結中腸義往難復留自小闕內訓言
無事姑貽我憂賴茲託令門仁恤庶無尤貧儉誠所
尚資從豈待一作周孝恭遵婦道容止順其猷別離
在今晨見爾當何秋居閑始自遣臨感忽難收歸來
視幼女零淚綠纓流

人部

卷五十九

羅子

唐白居易

有女名羅子生來纔兩春我今年已長日夜二毛新
顧念嬌啼面思量老病身直應頭似雪始得見成人

吾雛

唐白居易

吾雛字阿羅阿羅纔七齡嗟吾不才子憐汝無弟兄
撫養雖驕騃性識頗聰明學母畫眉樣効吾詠詩聲
我齒今欲墮汝齒昨始生我頭髮盡落汝頂髻初成
老幼不相待父衰汝孩嬰緬想古人心茲愛亦不輕
蔡邕念文姬于公歎緹縈敢求得汝力但未忘父情

寄義興小女子

唐孟郊

江南莊宅淺所固唯疎離小女未解行酒弟一作老
更癡家中多吾語教爾遙可知山怪夜動門水妖時
弄池所憂癡酒腸不解委曲辭漁妾注咽強耕童手
皺勢想茲爲襁褓如鳥拾柴枝我咏元魯山胸臆流
甘滋終當學自乳起坐常相隨

○誠子

誠子詩

漢東方朔

明者處世莫尚于中優哉游哉於道相從首陽爲拙
柳惠爲工飽食安步以仕代農依隱玩世詭時不逢
才盡身危好名得華有羣累生孤貴失和遺餘不賈

人部

卷五十九

自盡無多聖人之道一龍一蛇形見神藏與物變化
隨時之宜無有常家

戒子孫詩

漢書曰元帝卽位以玄成爲少府選
定國爲丞相貶黜十年之間遂繼父相位封

侯故國榮當世焉玄成復作詩著復缺之
難辭因以

戒示子孫

漢章玄成

於肅君子既令厥德服此溫恭棣棣其則咨予小子
既德靡逮曾是車服荒嫚以隊明明天子俊德烈烈
下遂我遺恤我九列我既茲恤惟夙夜畏忌是申
供事靡惰天子我監登我三事顧我傷隊爵復我舊
我既此登望我舊階先後茲虞漣漣孔懷司直御事

我熙我盛羣公百僚我嘉我慶于異卿士非我同心
三事惟贍莫我肯衿赫赫三事力雖此畢非我所度
退其罔日昔我之隊畏不此居基庶今我度茲戚戚
其懼唯一作我後人命其靡常靖共爾位瞻仰靡荒
慎爾會同戒爾車服無媚爾儀以保爾域爾無我視
不慎不整我之此復惟祿之幸於戲後人惟肅惟栗
無忝顯位以蕃漢室

家風詩

晉潘岳

縮髮縮髮髮亦鬢止日祗日祗敬亦慎止靡專靡有
受之父母鳴鶴匪和析薪弗荷隱憂孔疚我堂靡構

人部

卷五十九

十六

誠子

義方既訓家道穎穎豈敢荒寧一日三省

責子

舒嚴宣侯雍仲端佚通終凡五人舒宣雍端通皆小名也

晉陶淵明

白髮被兩鬢肌膚不復實雖有五男兒總不好紙筆
阿舒已二八懶惰故無匹阿宣行志學而不好文術
雍端年十三不識六與七通子垂九齡但覓梨與栗
天運苟如此且進杯中物

命子

十章

晉陶淵明

悠悠我祖爰自陶唐邈為虞賓歷世重光御龍勤夏
豈冀商穆穆司徒厥族以昌

紛紛戰國漠漠衰周鳳隱於林幽人在丘逸蚪遶雲
奔鯨駭流天集有漢眷予愍侯

於赫愍侯運當攀龍撫劍夙邁顯茲武功書晉山河
啓土開封疊疊丞相允迪前蹤

渾渾長源蔚蔚洪柯羣川載導衆條載羅時有語默
運因隆窳在我中晉業融長沙

桓桓長沙伊勲伊德天子疇我專征南國功遂辭歸
臨寵不忒一作孰謂斯心而近可得

肅矣我祖慎終如始直方二臺惠和千里於皇仁考
淡焉虛止寄迹風雲實茲愠喜

人部

卷五十九

十七

誠子

嗟予寡陋瞻望弗及顧慙華鬢負影隻立三千之罪
無後爲急我誠念哉呱聞爾泣

上云嘉日占亦良時名汝曰儼字汝求思溫恭朝夕
念茲在茲尚想孔伋庶其企而

厲夜生子遽而求火凡百有心奚特於我既見其生
實欲其可人亦有言斯情無假

日居月諸漸免于孩福不虛至禍亦易來夙興夜寐
願爾斯才爾之不才亦已焉哉

又示宗武

唐杜甫

覓句新知律攤書解滿牀試吟青玉案莫帶紫羅囊

暇日從時飲明年共我長應須飽經術已似愛文章
十五男兒志三千弟子行曾參與游夏達者得升堂

示兒

唐韓愈中

始我來京師止攜一束書辛勤三十年以有此屋廬
此屋豈爲華於我自有餘中堂尚且新四時登牢蔬
前榮饌賓親冠婚之所於庭內無所有高樹八九株
有藤婁絡之春華夏陰敷東堂坐見山雲風相吹噓
松果運南亭外有瓜芋區西偏屋不多槐榆翳空虛
山鳥旦夕鳴有類澗谷居主婦坐北堂膳服適戚疎
恩封高平君子孫從朝裾開門問誰來無非卿大夫
人部 卷五十九 十八 誠子

不知官高卑玉帶懸金魚問客之所爲峨冠講唐虞
酒食罷無爲棋槩以相娛凡此座中人十九持釣樞
又問誰與頻莫與張樊如來過亦無事考評道精麤
蹢躅媚學子牆屏日有徒以能問不能其蔽豈可祛
嗟我不修飾事與庸人俱安能坐如此比肩於朝儒
詩以示兒曹其無迷厥初

寄男抱孫

唐盧仝中

別來三得書書道違離久書處甚麤殺且喜見汝手
殷十七又報汝文頗新有別來纔經年囊益未合斗
當是汝母賢日夕加訓誘尚書當畢功禮記速須剖

嚶嚶兒讀書何異摧枯朽尋義低作聲便可養年壽
乘涼勸奴婢園裏薅葱韭遠籬編榆棘近眼栽桃柳
引水灌竹中蒲池種蓮藕竹林吾最惜新筍好看守
萬籜苞龍兒攢迸溢林數殷十七老儒是汝父師友
傳讀有疑誤輒告諮問取兩手莫破拳一吻莫飲酒
莫學捕鳩鵠莫學打雞狗小時無大傷習性防已後
○生子 生女附

生子

原作有喜致辭

北周庾信

忽見庭生玉聊欣蚌出珠蘭芬猶載寢蓬箭始懸弧
既喜枚都尉能歡陵大夫頻朝中散客連日步兵尉
人部 卷五十九 十九 生子

襍曲隨琴用殘花聽酒須脆梨裁數實甘查唯一株
兀然已復醉搖頭歌鳳雛

子慶詩

唐孟郊中

王家事已奇孟氏慶無涯獻子還生子義之又有之
鳳兮日莫歎鯉也會聞詩小小豫章申緘緘玉樹姿
人來唯仰乳母抱未知慈我欲揀其養放麝者是誰
相里使君第七男生日

唐包何中

娶妻生子復生男獨有君家衆所談荀氏八龍唯欠
一桓山四鳳已過三他時幹蠱聲名著春日懸弧宴
樂酣誰道衆賢能繼體須知箇箇出於藍

詠孩子

唐嚴維中

嘉客會初筵宜時魄再圓眾皆含笑戲誰不點頰憐
繡被花堪摘羅縐色欲妍將雛有舊曲還入武城絃
予與微之老而無子發於言歎著在詩篇今年
冬各有一子戲作一什一以相賀一以自嘲

唐白居易中

常憂到老都無子何況新生又是兒陰德自然宜有
慶皇天可得道無知一園水竹今爲主百卷文章更
付誰莫慮鵲雛無浴處卽應重入鳳凰池

阿崔

唐白居易中

人部

卷五十九

三十一 生子

謝病卧東都羸然一老夫孤單同伯道遲暮過商瞿
豈料鬢成雪方看掌弄珠已衰寧望有雖晚亦勝無
蘭入前春夢桑懸昨夜弧里閭多慶賀親戚共歡娛
膩剝新脂髮香細小繡襦玉芽開手爪酥顆點肌膚
弓冶將傳汝琴書勿墜吾未能知壽夭何暇慮賢愚
乳氣初離顰聲漸變離何時能返哺供養白頭烏
和微之道保生五日

唐白居易中

相看鬢似絲始作弄璋詩且有承家望誰論得力時
莫興三日歎猶勝七年遲我未能忘喜君應不合悲
嘉名稱道保乞姓號崔兒但恐持相並兼段瓊樹枝

談氏外孫生三日喜是男偶吟成篇兼戲呈夢
得

唐白居易中

玉芽珠顆小男兒羅薦蘭湯浴罷時
手梧桐老去長孫枝慶傳媒氏燕先賀喜報談家烏
預知明日貧翁具雞黍應須訓褓引雛詩

崔侍御以孩子三日示其所生詩見示因以二

絕和之

唐白居易中

洞房門上挂桑弧香水盆中浴鳳雛
還似初生三日魄嫦娥滿月卽成珠

愛惜可將同寶玉喜歡應勝得王侯弄璋詩句多才

人部

卷五十九

三十一 生子

思愁殺無兒老鄧攸

和寶中丞歲酒喜見小男

唐熊孺登

更添十歲應爲相歲酒從今把未休
聞得一毛添五色眼看相逐鳳池頭

三日岐王宅

唐張諤初

玉女貴妃生娶婉始發聲金盆浴未了
綳子繡初成翡翠雕芳褥真珠帖小纓
何時學健口關取落花輕

悼子

悼女附

悼子

原作

漢孔融

遠送新行客歲暮乃來歸入門望愛子
妻妾向人悲

聞子不可見，已潛光輝。孤墳在西北，常念君來遲。
寒裳上墟丘，但見蒿與薇。白骨歸黃泉，肌體乘塵飛。
生時不識父，死後知我誰。孤魂遊窮暮，飄飄安所依。
人生圖享息，爾死我念追。俛仰內傷心，不覺淚沾衣。
人生自有命，但恨生日希。

思子詩

晉潘岳

造化甄品物，天命代虛盈。奈何念稚子，懷奇隕幼齡。
追想存髮鬢，感道傷中情。一往何時還，千載不復生。

傷裴錄事喪子

唐王勃

蘭堦霜候早，松露夜臺深。魄散珠胎沒，芳銷玉樹沈。
人部 卷五十九 三十一 悼子

露文晞宿草，煙照慘平林。芝焚空歎息，流恨滿籬金。

哭子九首

唐元稹

維鵜受刺因，吾過得馬生。災念爾冤獨，在中庭。倚閨
樹亂蟬嘶噪，欲黃昏。

纔能辨別東西位，未解分明管帶身。自食自眠猶未
得，九重泉路託何人。

爾母溺情連夜哭，我身因事有時悲。鐘聲欲絕東方
動，便是尋常上學時。

蓮花上品生，直界兜率天。中離世途，彼此業緣多。障
礙不知還，得見兒無。

節量黎粟愁生疾，教示詩書望早成。鞭扑校多憐校
少，又緣遺恨哭三聲。

深嗟爾更無兄弟，自歎予應絕子孫。寂寞講堂基址
在，何人車馬入高門。

往年鬢已同潘岳，垂老年教作鄧攸。煩惱數中除一
事，自茲無復子孫憂。

長年苦境知何限，豈得因兒獨喪明。逍遣又來緣爾
母，夜深和淚有經聲。

烏生八子今無七，猿叫三聲月正孤。寂寞空堂天欲
曙，拂簾雙燕引新雛。

人部 卷五十九

三十一 悼子

哭崔兒

唐白居易

掌珠一顆兒，三歲鬢雪千莖。父六旬，豈料汝先為異
物。常憂吾不見，成人悲腸自斷。非因劒啼眼，加昏不
是塵懷抱。又空天默默，依前重作鄧攸身。

悼孩子

唐于鵠

年長始一男，心亦頗自娛。生來歲未周，奄然却歸無。
裸送不以衣，瘞埋於中衢。乳母抱出門，所生亦隨呼。
嬰孩無哭儀，禮經不可踰。親戚相問時，抑悲空歎吁。
襁褓在舊牀，每見立踟躕。靜思益傷情，畏老為獨夫。

悼幼子

唐孟郊

一閉黃蒿門不知白日事生氣散成風枯骸化爲地
負我十年恩欠爾千行淚灑之北原上不待秋風至

杏殤二首

并序

唐孟郊

杏殤花乳也霜翦而落因悲昔嬰故作是詩

凍手莫弄珠弄珠珠易飛驚霜莫翦春翦春無光輝
零落小花乳爛斑昔嬰衣拾之不盈把日暮空悲歸

二

踏地恐土痛損彼芳樹根此誠天不知翦棄我子孫
乘枝有千落芳命無一存誰謂生人家春色不入門

病中哭金鑾子

唐白居易

人部

卷五十九

三十四

悼子

豈料吾方病翻悲汝不全卧驚從枕上扶哭就燈前
有女誠爲累無兒豈免憐病來纔十日養得已三年
慈淚隨聲迸悲腸遇物牽故衣猶架上殘藥尚頭邊
送出深村巷看封小墓田莫言三里地此別是終天

念金鑾子二首

唐白居易

衰病四十年嬌癡三歲女非男猶勝無慰情時一撫
一朝捨我去竟影無處所況念天化時嘔啞初學語
始知骨肉愛乃是憂悲聚唯思未有前以理遣傷苦
忘懷日已久三度移寒暑今日一傷心因逢舊乳母

二

與爾爲父子八十有六旬忽然又不見邇來三四春
形質本非實氣聚偶成身恩愛元是妄緣合暫爲親
今茲庶有悟聊用遣悲辛暫將理自奪不是忘情人

重傷小女子

唐白居易

學人言語憑牀行嫩似花房脆似瓊纔知恩愛迎三
歲未辨東西過一生汝異下殤應殺禮吾非上聖詎
忘情傷心自歎鳩巢拙常墮春雛養不成

哭小女降真

唐元稹

雨點輕漚風復驚偶來何事去何情浮生未到無生
地暫到人間又一生

人部

卷五十九

三十五

悼子

哭女樊

唐元稹

秋天淨綠月分明何事巴猿不賸鳴應是一聲腸斷
去不容啼到第三聲

哭女樊四十韻

唐元稹

逝者何由見中人未達情馬無生角望後有斷腸鳴
去伴投遐微來隨夢險程四年已養育萬里硤回縈
病是他鄉染魂應遠處驚山魃邪亂逼沙虱毒潛嬰
母約看寧辨余慵療不精欲尋方次第俄值疾充盈
燈火徒相守香花祇浪擎蓮初開月梵薈已落朝榮
魄散魂將盡形全玉尚瑩空垂兩行血深送一枝瓊

秘祀休巫覡安眠放使令舊衣和篋施殘藥滿甌傾
乳媪閑於社醫僧媿似醒憫渠身覺賡訝佛力難爭
騎竹癡猶子牽車小外甥等閑迷過影遙戲誤啼聲
浣紙傷餘畫扶牀念試行獨留呵面鏡誰弄倚牆竿
憶昨工言語憐初妙長成慘風妬鸚舌凌露觸蘭英
翠鳳輿真女紅蕖捧化生祇憂嫌五濁終恐向三清
宿惡諸輩味懸知眾物名生而不食葷血虎豹豺獫
無之物及北而默環從枯樹得經認寶函盛愠怒偏
識其名者數輩憎數分張雅愛平最憐食栗妹頻救懶書兄為占嬌
嬌分良多眷戀誠別常回面泣歸定出門迎解怪還
人部 卷五九 三 懷友

家晚長將遠信呈說人偷罪過要我抱縱橫騰踏遊
江舫攀緣看樂棚和蠻歌字拘學妓舞腰輕迢遞離
荒服持攜到近京未容誘伎倆唯恨枉聰明往緒心
千結新絲鬢百莖暗牕風報曉秋幌雨聞更敗權釭
疏館衰楊破壞城此中臨老淚仍自哭孩嬰

詩集類目卷五十九

詩集類目卷六十

東吳俞安期彙纂 宣城梅鼎祚增定

金明蕭如薰訂校

人部二

夫婦 姬妾 悼亡附

○夫婦

伉儷

晉嵇含

余執百兩轡之子詠采蘋我怜聖善色爾悅慈姑顏
裁彼雙絲絹著以同功綿夏搖比翼扇冬卧一作坐蛩
蛩飢食並根粒渴飲一流泉朝蒸同心梨暮庖比
目鮮挹用合番酌受以連理盤朝採同本芝夕掇駢

人部

卷六

夫婦

穗蘭臨軒樹萱草中庭植合歡

合歡詩二首

晉楊方

虎嘯谷風起龍躍景雲浮同聲好相應同氣自相求
我情與子親譬如影追軀食共並一作同根穗飲共連
理杯衣共雙絲絹寢共無縫綢居願接膝坐行願攜
手趨子靜我不動子遊我不留齊彼同心鳥譬此一作
彼比目魚情至斷金石膠漆未為牢但願常無別合
形作一軀生為併身物死為同棺灰秦氏自言至我
情不可儔

磁石引長針陽燧下炎煙宮商聲相和心同自相親

我情與子合亦如影追身寢共織成被絮共同功綿
暑搖比翼扇寒坐併肩氈子笑我心晒子感我無歡
來與子共迹去與子同塵齊彼蛩蛩默舉動不相捐
唯願長無別合形作一身生有同室好死成併棺民
徐氏自言至我情不可陳

贈婦

漢秦嘉

曖曖白日引曜西傾啾啾雞雀羣飛赴楹皎皎明月
煌煌列星嚴霜悽愴飛雪覆庭寂寂獨居寥寥空室
飄飄柱帳熒熒華燭爾不是居帷帳何施爾不是照
華燭何為

人部

卷六十

留郡贈婦詩二首

嘉為上郡其妻徐淑疾
還家不獲面別贈詩云爾

漢秦嘉

人生譬朝露居世多屯蹇憂艱常早至歡會常苦晚
念當奉時役去爾日遙遠遣車迎子還空往復空返
省書情悽愴臨食不能飯獨坐空房中誰與相勸勉
長夜不能眠伏枕獨展轉憂來如循環匪席不可卷

二

皇靈無私親為善荷天祿傷我與爾身少小惟暫偶
既得結大義歡樂苦不足念當遠離別思念叙欵曲
河廣無舟梁道近隔丘陸臨路懷惆悵中駕正躑躅

浮雲起高山悲風激深谷良馬不迴鞍輕車不轉轂
鉞藥可屢進愁思難為數貞士篤終始恩義不可作

三

蕭蕭僕夫征鏘鏘揚和鈴清晨當引邁束帶待雞鳴
顧看空室中髣髴想姿形一別懷萬恨起坐為不寧
何用叙我心遺思致欵誠寶釵好耀首明鏡可鑒形
芳香去垢穢素琴有清聲詩人感木瓜乃欲答瑤瓊
愧彼贈我厚慙此往物輕雖知未足報貴用叙我情
荅秦嘉詩

漢徐淑

妾身今不令嬰疾今來歸沈滯今家門歷時今不差

人部

卷六十

三

夫婦

曠廢今侍覲情敬今有違君今奉命遠適今京師
悠悠今離別無因今叙懷瞻望今踴躍佇立今徘徊
思君今感結夢想今容暉君發今引邁去我今日乖
恨無今羽翼高飛今相追長吟今永歎淚下今沾衣
徐淑詩品曰夫婦事既可傷文亦悽怨為五言者不
過數家而婦人居二徐淑叙別之作亞於團扇矣

為挽船士與新娶妻別

魏徐幹

與君結新婚宿昔當別離涼風動秋草蟋蟀鳴相隨
冽冽寒蟬吟蟬吟抱枯枝枯枝時飛揚身體忽遷移
不悲身遷移但惜歲月馳歲月無窮極會合安可知
願為雙黃鵠比翼戲清池

爲顧彥先贈婦二首

晉陸機

辭家遠行遊悠悠三千里京洛多風塵素衣化爲緇
修身悼憂苦感念同懷子隆思亂心曲沈歡滯不起
歡沈難克興心亂誰爲理願假歸鴻翼翻飛浙江汜

二

東南有思婦長歎充幽閨借問歎何爲佳人眇天末
遊宦久不歸山川脩且闊形影參商乖音信曠不達
離合非有常譬彼絃與箏願保金石軀慰妾長飢渴

爲陸思遠婦作

晉陸機

二合非嘉偶女子禮有行潔已入德門終遠母與兄

人部

卷六十

四

夫婦

如何耽時寵遊宦忘歸寧雖爲三載婦顧景媿虛名
歲暮饒悲風洞房涼且清拊枕循薄質非君誰見榮
離君多悲心寤寐勞集作人情敢忘桃李陋側想瑤
與瓊

爲周夫人贈車騎

晉陸機

碎碎織細練爲君作繡繡君行豈有顧憶君是妾夫
昔者得君書聞君在高平今時得君書聞君在京城
京城華麗所堆璆多異人男兒多遠志豈知妾念君
昔者與君別歲律薄將暮日月一何速素秋墜湛露
湛露何冉冉思君歲隨晚對食不能餐臨觴不能飯

爲顧彥先贈婦往返四首

晉陸雲

我在三川陽子居五湖陰山海一何曠譬彼飛與沈
日想清慧姿耳存淑媚音獨寐多遠念寤言撫空衿
彼美同懷子非爾誰爲心

悠悠君行邁繁繁妾獨止山河安可踰永路隔萬里
京室多妖冶粲粲都人子雅步擢纖腰巧言發皓齒
佳麗良可美衰賤焉足紀遠蒙眷顧言銜恩非望始
翩翩飛蓬征郁郁寒水縈遊止固殊性浮沈豈一情
隆愛結在昔信誓貫三靈秉心金石固豈從時俗傾
美目逝不顧纖腰徒盈盈何用結中欸仰指北辰辰星

人部

卷六十

五

夫婦

浮海難爲水遊林難爲觀容色貴及時朝華忌日晏
皎皎彼姝子灼灼懷春粲西城善雅舞總章饒清彈
鳴簧發丹唇朱絃繞素腕輕裾猶電揮雙袂如霧散
華容溢藻幄哀響入雲漢知音世所希非君誰能讚
棄置北辰星問此玄龍煥時暮復何言華落理必賤

內顧詩二首

晉潘岳

靜居懷所歡登城望四澤春草鬱青青桑柘何奕奕
芳林振朱榮淥水激素石初征水未泮忽焉衿締綌
漫漫三千里迢迢遠行客馳情戀朱顏寸陰過盈尺
夜愁極清晨朝悲終日夕山川信悠永願言良弗獲

引領訊歸期沈思不可釋

獨悲安所慕人生若朝露綿邈寄絕域眷戀想平素
爾情既來追我心亦還顧形體隔不達精爽交中路
不見山下松隆冬不易故不見澗邊柏歲寒守一度
無謂希見疎在遠分彌固

與妻李夫人聯句

晉書曰充初娶李豐女淑美
後娶郭配女即廣城君後李以淑得是字流徙
詔充置左右夫人郭怒不許充乃為李築室
於永年里而不往來李名姬晉賈充
字淑文郭名槐一云名玉璜

室中是阿誰歎息聲正悲 歎息亦何為但恐大義
虧 大義同膠漆匪石心不移 人誰不慮終日月

人部

卷六

六

天婦

有合離 我心子所達子心我所亦 知 若能不

食言與君同所宜

和南海王殿下詠秋胡妻七首

樂府作
秋胡行

齊王融

日月共為照松筠俱以貞佩紛甘自遠結鏡待君明
且協金蘭好方愉琴瑟情佳人忽千里幽閨積思生

二

景落中軒坐悠悠望城闕高樹升夕煙層樓滿初月
光陰非或異山川屢難越輟泣掄鈇姿搔首亂雲髮

三

傾魄屬徂火搖念待方秋涼氣承宇結明燭清階流

三星亦虛映四屋慘多愁思君如萱草一見乃忘憂

四

杼軸鬱不諧契濶彌新故朔風欄上發寒鳥林間度
客遠乏衣裳歲晏饒霜露參差興別緒依遲起離慕

五

願言如可信行邁亦云反睇景不告勞瞻途寧遽遠
何以淹歸轍蠶妾事春晚送日亂前華馳心迷舊婉

六

椒珮容有結振芳跂路隅黃金徒以賦白珪終不渝

人部

卷六

七

天婦

明心良自皎安用久踟躕端車及粉巷流日下西虞

七

披帷悵有望出門遲所欲彼美復來儀慚顏變欣矚
蘭艾隔芳臭涇渭分清濁去去夫人子請殉川之曲

代蘇屬國婦

梁武帝

良人如我期不謂當過時秋風忽送節白露凝前基
愴愴獨涼枕悵悵孤月惟忽聽西北鴈似從東海湄
果銜萬里書中有生離辭惟言長別矣不復道相思
胡羊久剽奪漢節故支持帛上看未終臉下淚如絲

空懷之死誓遠勞同穴詩

答徐侍中為人贈婦

梁丘遲

丈夫吐然諾授命本遺家糟糠且棄置蓬首亂如麻
側聞洛陽客金蓋翼高車謁帝時來下光景不可奢
幽房一洞啓二八盡芳華羅裙有長短翠鬢無低斜
長眉橫玉臉皓腕卷輕紗俱看依井蝶共取落簷花
何言征戍苦抱膝空咨嗟

贈內

梁徐悱

日暮想青陽躡屐出椒房網蟲生錦薦游塵掩玉牀
不見可憐影空餘繡帳香彼美情多樂挾瑟坐高堂
豈忘離憂者向隅心獨傷聊因一書札以代九迴腸

人部

卷六十

大婦

對房前桃樹詠佳期贈內

梁徐悱

相思上北閣徙倚望東家忽有當牕樹兼含映口花
方鮮類紅粉比素若鉛華更使增心憶彌令想狹斜
無如一路阻脉脉似雲霞嚴城不可越言折代疎麻

答外二首

梁劉氏

花庭麗景斜蘭牖輕風度落日更新妝開簾對春
樹鳴鵲葉中舞戲蝶花間驚調琴本要歡心愁不
成趣良會誠非達佳期今不遇欲知幽怨多春閨深
且暮

東家挺奇麗南國擅容輝夜月方神女朝霞喻洛妃

還看鏡中色比艷似知非摘辭徒妙好連類頗非
智夫雖已麗傾城未敢希

贈夫

梁劉氏

妝鉛點黛拂輕紅鳴環動珮出房櫳看悔復看
滿春衫中

寄夫

陳陳少女

自君上河梁蓬首卧蘭房安得一樽酒慰妾九迴腸
為寒牀婦贈夫

隋王胄

月浮閨偏冷更深夜轉長霜紈猶掩扇露縠未飄香
解帶慙連理引被媿鴛鴦誰能未相識還為守空牀

人部

卷六十

大婦

春晚紫微省直寄內

唐蘇頌

直省清華接建章向來無事日猶長花間燕子棲鳩
鵲竹下鷄雛繞鳳皇內史通宵承紫詔中人落晚燬
紅妝別離不慣無窮憶莫誤卿卿學太常
恒齋其妻徐氏其年老病窺內問之澤大怒以爲干
齊收送詔獄并自劾論者非其激發諺曰居世不諧
爲太常妻一歲三百六十日三百五十九
口齋一日不齋辭如泥既作事復低迷

贈外

唐魏氏

浮萍依綠水弱鳥寄青松與君結大義移天得所從
翰林無雙鳥劒水不分龍諧和類琴瑟堅固同膠漆
義重恩欲深夷險如一一本自身不令積多嬰痛疾

朝夕倦牀枕形體耻巾櫛遊子倦風塵從官初解巾
東裝赴南郢脂駕出西秦比翼路難遂銜韉苦未因
徒悲楓岸遠空對柳園春男兒不重舊丈夫多好新
新人喜新聘朝朝臨粉鏡兩鴛固無比雙蛾誰與競
詎憐愁思人銜啼嗟薄命薜華不足恃松枝有餘勁
所願好九思勿令虧百行

秋浦寄內

唐李白盛

我今尋陽去辭家千里餘結荷倦水宿却寄大雷書
雖不同辛苦愴離各自居我自入秋浦三年北信疎
紅顏愁落日白髮不能除有客自梁苑手攜五色魚

人部

卷六十

十一 大婦

開魚得錦字歸問我何如江山雖道阻意合不為殊

自代內贈

唐李白盛

寶刀裁流水無有斷絕時妾意逐君行纏綿亦如之
別來門前草春盡秋轉碧掃盡還更生萋萋滿行跡
鳴鳳始相得雄鷲雌各飛游雲落何山一往不見歸
估客發大樓知君在秋浦梁苑空錦衾陽臺夢行雨
妾家三作相失勢去西秦猶有舊歌管淒清聞四鄰
曲度入紫雲帝無眼中人妾似井底桃開花向誰笑
君如天上月不肯一回照窺鏡不自識別多憔悴深
安得秦吉了爲人道寸心

秋浦感主人歸燕寄內

唐李白盛

霜凋楚關木始知殺氣嚴寥寥金天廓婉婉綠紅潛
胡燕別主人雙雙語前簷三飛四回顧欲去復相瞻
豈不戀華屋終然謝珠簾我不及此鳥遠行歲已淹
寄書道中歎淚下不能緘

贈內

唐李白盛

三百六十日日日醉如泥雖爲李白婦何異太常妻

南流夜郎寄內

唐李白盛

夜郎天外怨離居明月樓中音信疎北鴈春歸看欲
盡南來不得豫章書

人部

卷六十

十一 大婦

別內赴徵三首

唐李白盛

王命三徵去未還明朝離別出吳關白玉高樓看不
見相思須上望夫山

出門妻子強牽衣問我西行幾日歸來時儻佩黃金
印莫學蘇秦不下機

翡翠爲樓金作梯誰人獨宿倚門啼夜坐寒燈連曉
月行行淚盡楚關西

遊秦別韞秀

王忠嗣鎮北京以女韞秀歸元載

遊秦爲詩別韞秀妻作詩請備行元載京慶
陳時務深符上旨肅宗權拜中書王因寄諸

詩外

唐元載盛

年來誰不厭龍鍾雖在侯門似不容看取海山寒翠
樹苦遭霜霰到秦封

同夫遊秦

唐王韞秀

路掃饑寒跡天哀志氣人休零別離淚攜手入西秦

寄諸娘妹

唐王韞秀

相聞已隨麟閣貴家風第一右丞詩笄年解笑鳴機
婦耻見蘇秦富貴時

初除浙東妻有阻色因以四韻曉之

唐元稹

嫁時五月歸巴地今日雙旌上越州興慶首行千命

人部

卷六十

十二 夫婦

婦予在中書日妻以郡君朝會稽旁帶六諸侯海樓
太后於興慶宮復爲班首

翡翠閑相逐鏡水鴛鴦暖共遊我有主恩羞未報君
於此外更何求

贈內子

唐白居易

白髮方興歎青娥亦絆愁寒衣補燈下小女戲牀頭
閨澹屏帷故淒涼枕席秋貧中有等級猶勝嫁黔婁

贈內

唐白居易

生爲同室親死爲同穴塵他人尚相勉而況我與君
黔婁固窮士妻賢忘其貧冀缺一農夫妻敬儼如賓
陶潛不營生翟氏自爨薪梁鴻不肯仕孟光甘布裙

君雖不讀書此事耳亦聞至此千載後傳是何如人

寄內

唐白居易

桑條初綠卽爲別柿葉半紅猶未歸不如村婦知時
節解爲田夫秋擣衣

寄妻

唐彭伉

莫訝相如獻賦時錦書誰道淚沾衣不須化作山頭
石待我東堂折桂枝

寄夫二絕

唐張氏

久無音信到羅幃路遠迢迢遣問誰聞君折得東堂
桂折罷那能不暫歸

人部

卷六十

十三 夫婦

驛使今朝過五湖殷勤爲我報狂夫從來誇有龍泉
劍試割相思得斷無

寫真寄大

濠梁南楚材旅遊陳穎牧之眷
無返舊意其妻薛媛寫真寄之

唐薛媛

欲下丹青筆先拈寶鏡寒已驚顏索寞漸覺鬢凋殘
淚眼描將易愁腸寫出難恐君渾忘却時展畫圖看
及歸寄內

唐江陵士子

陰雲幕幕下陽臺若著裏王更不迴五度看花空有
淚一心如結不曾開纖羅自合依芳樹覆水寧思返
舊杯惆悵高麗坊底宅春光無復下山來

寄內

唐河北士人

握筆題詩易荷戈征戍難慣從鴛被暖怯去鴈門寒
瘦盡寬衣帶啼多漬枕檀試留青黛著盡日畫眉看

又代妻答一作女郎

蓬鬢荆釵世所稀布裙還是嫁時衣胡麻好種無人
種正是歸時不見歸

雜言寄杜羔

唐杜羔妻

君從淮海遊再過杜蘭秋歸來不須更又欲向梁州
梁州秦嶺西棧道與雲齊羌虜萬餘落戟矛自高低
已念寡儔侶復慮勞攀躋丈夫重志氣女兒空悲啼

人部

卷六十

十四 夫婦

臨邛滯遊地肯顧濁水泥人生賦命有厚薄君自邀
遊我寂寞

迴文詩

會昌中邊將張睽防戎十年餘其妻侯氏繡迴文作龜形詩詰闢進之

唐侯氏

睽離已是十年強對鏡那堪重理妝聞鴈幾回修尺
素見霜先為製衣裳開箱疊練先垂淚拂杵調砧更
斷腸繡作龜形獻天子願教征客早還鄉

為妻作生日寄意

郭初赴舉聞鄰女有容求娶辭乃曰備錢百萬先至者許之兩家具錢同

日皆至女家無以爲辭復曰請各裁一詩以爲優劣郭乃得之登第回江南駐蘇州遇故人守湖州邀同行郭辭以決意春歸爲妻作

生日故人不放與之胡琴焦桐方物等令且寄歸代意郭因賦此詩寄內

唐李郢

謝家生日好風煙柳暖花春二月天金鳳對翹雙
翠蜀琴新上七絃弦鴛鴦交頸期千歲琴瑟諧和願
百年應恨客程歸未得綠牕紅淚冷涓涓

止官舍迎內子適有庭花開乃題是詩

唐盧儲

芍藥斬新栽當庭數朵開東風與拘束留待細君來
○姬妾

詠姬人

梁王僧孺

人部

卷六十

十五 夫婦

窈窕宋容華但歌有情曲轉盼非無以斜眉幸相矚
不減許飛瓊多勝劉碧玉何因送欵欵半飲杯中醪

詠寵姬

梁王僧孺

及君高堂還值妾妍妝罷曲房寒錦帳迴廊步珠屣
玉釵時可挂羅襦詎難解再顧連城易一笑一作千

月夜詠陳南康新有所納

梁王僧孺

二八人如花三五月如鏡開簾一種色當戶兩相映
重價出秦韓高名入燕鄭十城屢請易千金幾爭聘
君意自能專妾心本無競

見貴者初迎盛姬聊爲之詠 梁王僧孺

久想專房麗未見傾城者千金訪繁華一朝遇容冶
家本薊門外來戲叢臺下長卿幸未匹文君復新寡

詠主人少姬應教

梁庾肩吾

故年齊總角今年半上頭那知夫婿好能降使君留

秋日新寵美人應令

陳江總

後宮唯聞莫瓊樹絕世復有宋容華皆自爭名進女
弟定覺雙飛勝蕩家願並迎春比翼燕長作照日同
心花聞道艷歌時易調付許新恩那久要翠眉未盡
自生愁玉臉含啼還似笑角枕千嬌薦芬香若使琴

人部

卷六十

十六

姬妾

心一曲奏幽蘭度曲不可終陽臺夢裏自應通秋樹
相思一枝綠爲捕賤妾兩鬟中

新入姬人應令

陳江總

洛浦流風漾淇水秦樓初日度陽臺玉軼輕輪五香
散金燈夜火百花開非是妖姬渡江日定言神女隔
河來來時向月別姝娥別時清吹悲蕭史數錢拾翠
爭佳麗拂紅點黛何相似本恃纖腰惑楚宮暫迴舞
一作袖驚吳市新人羽帳挂流蘇故人網戶織蜘蛛
梅花柳色春難遍情來春去在須臾不用庭中賦綠
草但願思著弄明珠

三婦豔詩

宋南平王鑠

大婦裁霧縠中婦牒水練小婦端清景含歌登玉殿
丈人且徘徊臨風傷流霰

三婦豔

宋荀勗

大婦織綺綺中婦縫羅衣小婦無所作挾瑟弄音徽
丈人且却坐梁塵將欲飛

三婦豔詩

齊王融

大婦織綺羅中婦織流黃小婦獨無事挾瑟上高堂
丈人且安坐調絃詎未央

三婦豔

梁武帝

人部

卷六十

十七

姬妾

大婦理金翠中婦事玉觴小婦獨閒暇調笙遊曲池
丈夫少徘徊鳳吹方參差

三婦豔二首

梁昭明太子

大婦成貝錦中婦飾粉紵一作治粉施小婦獨無事理曲
步簷垂丈人暫徙倚行使流風吹

大婦舞輕巾中婦拂華茵小婦獨無事紅黛潤芳津

良人且高卧方欲薦梁塵

三婦豔

梁簡文帝

大婦舒綺袖中婦拂羅巾小婦最容冶映鏡學嬌��
丈人且安坐清謳出絳唇

三婦豔

梁王罔

大婦裁舞衣中婦學清唱小婦窺鏡影弄此朝霞狀
佳人且少留爲君繞梁唱

三婦豔

梁庾肩吾

大婦襲雲裘中婦卷羅幃少婦多豔冶花鈿繫石榴
夫君且安坐歡娛方未周

三婦豔

梁徐防

大婦縑始呈中婦繡初營小婦多安媚紅紗映削成
上客且安坐胡牀妾自擎

三婦豔

梁王筠

人部

卷六十

十八

姬妾

大婦留芳褥中婦對華燭小婦獨無事當軒理清曲
丈人且安卧豔歌方斷續

三婦豔二首

梁沈約

大婦掃玉墀中婦結羅帷小婦獨無事對鏡畫蛾眉
良人且安卧夜長方自私

大婦遶梁歌中婦回文織小婦獨無事閉戶聊且卽
綠綺試一彈玄鶴方鼓翼

三婦豔

梁劉孝綽

大婦縫羅裙中婦料繡文唯餘最小婦窈窕舞昭君
丈人慎勿去聽我駐浮雲

三婦豔

梁吳均

大婦弦初切中婦管方吹小婦多姿態含笑逼清卮
佳人勿餘反慙慙妾自知

三婦豔

梁張率

大婦刺方領中婦抱嬰兒小婦尚嬌稚端坐吹參差
丈夫無遽起神鳳且來儀

三婦豔詞十一首

陳後主

大婦避秋風中婦夜牀空小婦初兩髻含嬌新臉紅
得意飛霞日可憐那可同

大婦西北樓中婦南陌頭小婦初妝點回眉對月鈞

人部

卷六十

十九

妾

可憐還自覺人看反更羞

大婦主

一作

縑機中婦裁春衣小婦新妝冶拂匣動

琴徽長夜理清曲餘嬌且未歸

大婦如蛾眉中婦逐春時小婦最年少相望捲羅幃
羅幃夜寒卷相望人來遲

大婦上高樓中婦蕩蓮舟小婦獨無事撥帳掩嬌羞
丈夫應自解更深難道留

大婦初調箏中婦飲歌聲小婦春妝罷弄月當宵櫺

李子時將意相看不用爭

大婦愛恒偏中婦意常堅小婦獨嬌笑新春華燭前

新來誠可感爲許得新憐

大婦酌金杯中婦照妝臺小婦偏妖冶下砌折新梅

衆中何假問人今最後來

大婦怨空閨中婦夜偷啼小婦獨含笑正柱作鳥棲

河低帳未掩夜夜盡眉齊

大婦正當爐中婦裁羅襦小婦獨無事淇上待吳姝

鳥歸花復落欲去怯踟躕

大婦年十五中婦當春戶小婦正橫陳含嬌情未吐

所愁曉漏促不恨燈銷炷

三婦豔詩

陳張正見

人部

卷六十

三

姁妾

大婦織殘絲中婦妬蛾眉小婦獨無事歌罷詠新詩

上客何須起爲待絕纓時

三婦豔

隋李德林

大婦訓端木中婦訓劉靈小婦南山下擊缶和秦箏

羣賓莫有戲燈來告絕纓

三婦豔

唐董思恭初

大婦裁純素中婦弄明璫小婦多姿態登樓紅粉妝

夫人且安坐初日漸流光

三婦豔

唐王紹宗初

大婦能調瑟中婦詠新詩小婦獨無事花庭曳履基

上客且安坐春日正遲遲

桃葉歌

三首古今樂錄曰桃葉歌者晉王子敬之所作也桃葉子敬妾名緣於鴛

愛所以

晉王獻之

桃葉復桃葉渡江不用楫但渡無所苦我自來迎接

一作我自

桃葉映紅花無風自婀娜春花映何限感郎獨採我

一作桃

桃葉復桃葉桃樹連桃根相憐兩樂事獨使我殷勤

一作

桃葉歌

人部

卷六十

三

姁妾

桃葉復桃葉渡江不待櫓風波了無常沒命江南渡

碧玉歌

三首左克明作古辭樂苑曰碧玉歌者宋女南王之所作也碧玉女南王

妾名以寵愛之

碧玉破瓜時郎爲情顛倒芙蓉陵霜榮秋容故尚好

二

碧玉小家女不敢攀貴德感郎千金意慙無傾城色

一作孫

三

碧玉小家女不敢貴德攀感郎意氣重遂得結金蘭

碧玉歌二首

碧玉破瓜時相爲情顛倒感郎不羞郎回身就郎抱

一作孫綽

杏梁日始照蕙席歡未極碧玉捧金杯淥酒助花色

一作梁武帝

詠內人晝眠

梁簡文帝

北牕聊就枕南簷日未斜攀鈎落綺障揮舉琵琶
夢笑開嬌靨眠鬟壓落花簾文生玉腕香汗浸紅紗
夫婿恒相伴莫誤是倡家

送西歸內人

南史曰元帝與廬陵王續相誘帝之臨別州有宮人李桃兒者以才慧得進及還以李氏行時行宮戶禁重廬陵具狀以聞元帝泣對使訴於簡文簡文和之

人部

卷六十

三

姬妾

不得元帝舊體送李氏還荆梁元帝

秋氣蒼茫結孟津復送巫山薦枕神昔時慊慊愁應
去今日勞勞長別人

見姬人

梁邵陵王綸

春來不復賒入苑駐行車比來妝點異今世撥鬟斜
却扇承枝影舒衫受落花狂夫不如妾隨意晚還家

愛姬贈主人

梁劉孝綽

卧久疑妝脫鏡中私自看薄黛銷將盡凝朱半有殘
垂釵繞落鬢微汗染輕綃同羞不相難對笑更成歡
妾心君自解挂玉且留冠

詠姬人未肯出

梁劉孝綽

帷開見釵影簾動聞釧聲徘徊定不出常羞華燭明

詠人婢妾仍逐琴心

陳伏知道

春色轉相催佳人心自迴長卿琴已弄秦嘉書未來
挂冠易分綬薦枕缺因媒染香風卽度登垣花正開
貞樓苦高下如何上陽臺

涼谷歌

初琉璃王娶于漢女而美立爲妃其后不相能也因東西其宮居之他日王出而自追之及于涼谷妃不肯還王因作歌妃遂乃

唐高句麗王

翩翩黃鳥雌雄相依念我之獨誰與其歸

人部

卷六十

三

姬妾

代故人新姬侍疾

唐王建中

雙轂不迴轍子疾已在傍侍坐長搖扇迎醫暫下牀
新施箱中幔未洗來時妝奉君纏綿意幸願莫相忘

小婦吟

唐盧仝中

小婦欲入門隈門勻紅妝大婦出門迎正頓羅衣裳
門邊兩相見笑樂不可當夫子于傍聊一作斷腸小
婦嗔隄上高堂開玉匣取琴張陳金樽酌滿觴願言
兩相樂永與同心事我郎夫子于傍刺欲狂珠簾風
度百花香翠帳雪屏白玉牀啼鳥休啼花莫笑女英
新得娥皇

効徐陵體贈更衣

唐李商隱

密帳真珠絡溫幃翡翠裝楚腰知便寵宮眉正關強
結帶懸梔子繡領刺鴛鴦輕寒衣省夜金斗熨沈香

爲人妾怨

梁何遜

燕戲還簷際花飛落枕前寸心君不見拭淚坐調絃

代何生姬人有怨

梁王僧孺

寒樹栖羈雌月映風復吹逐臣與棄妾零落心可知
寶琴徒七絃蘭燈空百枝羶容不足効啼妝拭復垂
同衾成楚越異國非此離

爲人寵姬有怨

梁王僧孺

入部

卷六十

二四

姬妾

可憐獨立樹枝輕根易搖已爲露所挹復爲風所飄
錦衾襞不開端坐夜及朝是妾愁成瘦非君重細腰

爲姬人自傷

梁王僧孺

自知心裏恨還向影中羞迴持昔嫌嫌變作今悠悠
還君與妾扇一作歸妾奉君裘斷絃猶可續心去最
難留

姬人怨

陳江總

天寒海水慣相知空牀明月不相宜庭中芳桂憔悴
葉井上疎桐零落枝寒燈作花羞夜短霜鴈多情恒
結伴非爲隴水望秦川直置思君腸自斷

姬人怨服散篇

陳江總

薄命夫婿好神仙逆愁高飛向紫煙金丹欲成猶百
鍊玉酒新熟幾千年妾家邯鄲好輕薄特念仙童一
九樂自悲行處綠苔生何悟啼多紅粉落莫輕小婦
狎春風羅襪也得步河宮雲車欲駕應相待羽衣未
去幸須同不學蕭史還樓上會逐姮娥戲月中

○悼亡

悼妾併入

悲李夫人歌

漢書外戚傳曰夫人早卒帝思念
不已方士齊人少翁言能致其神

迺夜張燈燭設帷帳陳酒肉而令帝居帷帳
遙望見好女如李夫人之貌還帷坐而步又
不得就視帝愈益相思悲感爲
作詩今樂府諸音家絃歌之

入部

卷六十

二五

悼亡

是邪非邪立而望之翩何姍姍其來遲姍姍行步
貌先安反

悼亡詩三首

晉潘岳

在苒冬春謝寒暑忽流易之子歸窮泉重壤永幽隔
私懷誰克從淹留亦何益僂僂恭朝命迴心反初役
望廬思其人入室想所歷幃屏無髮髯翰墨有餘跡
流芳未及歇遺挂猶在壁悵恍如或存周道一作悵
驚惕如彼翰林鳥雙栖一作一朝隻如彼游川魚比
目中路析春風緣隙來晨雷承簷滴寢息何時忘沈
憂日盈積庶幾有時衰莊生猶可擊

皎皎牕中月照我室南端清商應秋至溽暑隨節闌
凜凜涼風升始覺夏衾單豈曰無重續誰與同歲寒
歲寒無與同朗月何朧朧展轉盼枕席長簾竟牀空
牀空委清塵室一作空虛來悲風獨無李氏靈髮髯覩
爾容撫衿長歎息不覺涕霑一作淚沾霄宵安能已悲
懷從中起寢興目存形遺音猶在耳上懸東門吳下
愧蒙莊子賦詩欲言志此志難具紀命也可奈何長
戚自令鄙

曜靈運天機四節代遷逝淒淒朝露凝烈烈夕風厲
奈何悼淑儷儀容永潛翳念此如昨日誰知已卒歲
人部 卷六十 悼亡 三六

改服從朝政哀心寄私制茵幃張故房朔望臨爾祭
爾祭詎幾時朔望忽復盡衾裳一毀撤千載不復引
聲疊暮月周戚戚彌相愍悲懷感物來泣涕應情隕
駕言陟東臯望墳思紆軫徘徊墟墓間欲去復不忍
徘徊不忍去徒倚步踟躕落葉委庭側枯荂帶墳隅
孤寬獨孑孑安知靈與無投心遵朝命揮涕強就車
誰謂帝宮遠路極悲有餘

除婦服詩

世說曰孫子荆除婦服作詩示王武
子王曰未知文生於情情生於文
之悽然增伉儷之重
案孫婦胡氏也

晉孫楚

時邁不停日月電流神爽登遐忽已一周禮制有叙

告除靈丘臨祠感痛中心若抽

悼李夫人及貴人歌

齊陸厥

屬車桂席塵豹尾香煙滅形殿向靡蕪青蒲復萎絕
坐萎絕對靡蕪臨丹一作玉階泣椒塗寡鶴羈雌飛且
止雕梁翠壁網蜘蛛洞房明月夜對此淚如珠

悼亡

梁沈約

去秋三五月今秋還照梁一作房今春蘭蕙草來春復

吐芳悲哉人道異一謝永銷亡簾屏既毀撤一作屏空有

設帷席更施張游塵掩虛座孤帳覆空牀萬事無不
盡徒令存者傷

人部

卷六十

三七

悼亡

悼室人十首

梁江淹

佳人永暮矣隱憂遂歷茲寶燭夜無華金鏡晝恒微
桐葉生綠水霧天流碧滋蕙弱芳未空蘭深鳥思時
湘臨徒有酌意塞不能持

適見葉蕭條已復花菴鬱帳裏春風盪簷前還燕拂
垂涕視去景摧心向徂物今悲輒流涕昔歡常飄忽

幽情一不弭守歎誰能慰

夏雲多雜色紅光鑠蕤鮮再弱屏風草潭拖曲池蓮
黛葉鑒深水丹華香碧煙臨綵方自弔墜氣以傷然

命知悲不絕恒如注海泉

駕言出遊行冀以滌心曾復值煙雨散清陰帶山濃
素沙匝廣岸雄虹冠尖峰出風舞森桂落日暖圓松
還結生不念楚客獨無容

秋至擣羅紈淚滿未能開風光肅入戶月華爲誰來
結眉向珠網瀝思視青苔鬢局將成葆帶減不須摧
我心若涵煙益益滿中懷

牕塵歲時阻閨無日夜深流黃夕不織寧聞梭杼音
涼靄漂虛座清香盪空琴蜻引知寂寥蛾飛測幽陰
乃抱生死悼豈伊離別心

顯顯氣薄暮軟軟清衾單階前水光裂樹上雪花團
人部 卷六十 三九 悼亡

庭鶴哀以立雲雞肅且寒方東有苦淚承夜非膏蘭
從此永黯削萱葉焉能寬

抒悲情雖滯送往意所知空座幾時設虛帷無久垂
暮氣亦何勁嚴風照天涯夢寐無端際愀恍有分離
意念每失乖徒見四時虧

神女色姱麗乃出巫山湄逶迤羅袂下鄣日望所思
佳人獨不然戶牖絕錦綦感此增嬋娟屑屑涕自滋
清光澹且減低意守空帷

二妃麗瀟湘一有乍一無佳人承雲氣無下此幽都
常追帝女迹出入泛靈輿掩映金淵側遊豫碧山隅

暖然時將罷臨風返故居

擬潘黃門岳述哀

梁江淹

青春速天機素秋馳白日美人歸重泉悽愴無終畢
殞宮已肅清松柏轉蕭瑟俯仰未能弭尋念非但一
撫襟悼寂寞恍然若有失明月入綺牕髮鬢想蕙質
銷憂非萱草永懷寄夢寐夢寐復冥冥何由覩爾形
我慙北海術爾無帝女靈駕言出遠山徘徊泣松銘
雨絕無還雲華落豈留英日月方代序寢興何時平

傷美人

梁簡文帝

昔聞倡女別蕩子無歸期今似陳王歎流風難重思
人部 卷六十 三九 悼亡

翠帶留餘結苔階沒故綦圖形更非是夢見反成疑
燠燠合好氣庭樹吐花滋香燒日有歎花落無還時
和樊晉陵傷妾 陳陰鏗

畫梁朝日盡芳樹落花辭忽以千金笑長作九泉悲
鏡前塵劇粉機上網多絲戶餘雙入燕牀有一空帷
名香不可得何見返魂時

爲徐陵傷妾

陳何曼才

遲遲衫掩淚憫憫恨縈臂無復專房日猶望下山逢

和張記室源傷往

陳江總

小婦當爐夜夫壻凱歸年正歌千里曲翻入九重泉

機中未斷素瑟上本留絃空帳臨窻掩孤燈向壁燃
還悲寒隴曙一作松短未生煙

傷往二首

北周庾信

見月長垂淚看花定歛眉從今一別後知作幾年悲

二

鏡塵言苦厚蟲絲定幾重還是臨窻月今秋迴照松

代人傷往二首

北周庾信

青田松上一黃鶴相思樹下兩鴛鴦無事交渠更相
失不及從來莫作雙

維樹本唯金谷苑諸花舊滿洛陽城正是古來歌舞

人部

卷六十

三十

悼亡

處今日看時無地行

悼亡

隋薛德音

鳳樓簫曲斷桂帳瑟絃空畫梁纔照日銀燭已隨風

苔生履跡處花沒鏡塵中唯餘長簾月永夜何朦朧

和崔司空傷姬

唐楊炯初

昔時南浦別鶴怨寶琴絃今日東方至鸞銷珠鏡前

水流銜砌咽月影向牕懸粉匣悽餘淚薰爐滅舊煙

晚庭摧玉樹寒帳委金蓮佳人不再得雲日幾千年

代張侍御傷美人

唐杜審言初

二八泉扉掩帷屏籠愛空淚痕銷夜燭愁緒亂春風

巧笑人疑在新妝曲未終應憐脂粉氣猶著舞衣中

傷逝

唐韋應物中

染白一爲黑焚木盡成灰念我室中人逝去亦不迴

結髮二十年賓敬如始來提攜屬時屯弊濶憂患災

柔素亮爲表禮章夙所該仕公不及私百事委令才

一旦入閨門四屋滿塵埃斯人既已矣觸物但傷摧

單居移時節泣涕撫嬰孩知妄謂當遣臨感要難裁

端居感懷

唐韋應物中

沈沈積素抱婉婉屬之子永日獨無言忽驚振衣起

人部

卷六十

三十一

悼亡

方如在幃室復悟永終已稚子傷恩絕盛時若流水

暄涼同寡趣朗晦俱無理寂性常喻人滯情今在已

空房欲云暮巢燕亦來止夏木遽成陰綠苔誰復履

感至竟何方幽獨長如此

出還

唐韋應物中

昔出喜還家今還獨傷意入室掩無光銜哀寫虛位

悽悽動幽幔寂寂驚寒吹幼女復何知時來庭下戲

咨嗟口復老錯莫身如寄家人勸我餐對案空垂淚

同李蘇州傷美人

唐皇甫冉中

玉珮石榴裙當年嫁使君專房猶見寵傾國衆皆聞

歌舞嘗無對幽明忽此分陽臺千萬里何處作朝雲

悼亡

唐孟郊中

山頭明月夜增輝不照重泉下泉下雙龍無再期金蠶玉燕空銷化朝雲暮雨成古墟蕭蕭野竹風吹亞

六年春遣懷七首

唐元稹中

傷禽我是籠中鶴沈劒君爲泉下龍重續猶存孤枕在春衫無復舊裁縫

公無渡河音響絕已隔前春復去秋今日閑牕拂塵

土絃絃猶迸鈿箏篴

婢僕曬君餘服用嬌癡稚女遶牀行玉梳鈿朵香膠

人部

卷六十一

三十三

悼亡

解盡日風吹璫瑣筆

伴客銷愁長日飲偶然乘興便醺醺怪來醒後傍人

泣醉裏時時錯問君

我隨楚澤波中水君作咸陽泉下泥百事無心值寒

食身將稚女帳前啼

童稚癡狂撩亂走繡毬花仗滿堂前病身一到總帳

下還向臨階背日眠

小於潘岳頭先白學取莊周淚莫多止竟悲君須自

省川流前後各風波

三遣悲懷

唐元稹中

謝公最小偏憐女自嫁黔婁百事乖願我無衣搜盡

篋泥他沽酒拔金釵野蔬充膳甘長藿落葉添薪仰

古槐今日俸錢過十萬與君營置復營齋

昔日戲言身後意今朝皆到眼前來衣裳已施行看

盡針線猶存未忍開尚想舊情憐婢僕也曾因夢送

錢財誠知此恨人人有貧賤夫妻百事哀

閑坐悲君亦自悲百年都是幾多時鄧攸無子尋知

命潘岳悼亡猶費詞同穴實其何所望他生緣會更

難期唯將終夜長開眼報答平生未展眉

初寒夜寄盧子蒙

子蒙近亦喪妻

唐元稹中

人部

卷六十一

三十三

悼亡

月是陰秋鏡寒爲寂寞資輕寒酒醒後斜月枕前時

倚壁思閑事回燈檢舊詩聞君亦同病終夜遠相悲

城外回謝子蒙見寄

唐元稹中

十里撫稚別一身騎馬回寒煙半堂影燼火滿庭灰

稚女憑人問病夫空自哀潘安寄新詠仍是夜深來

和元九悼往

唐白居易中

美人別君去自去無處尋舊物零落盡此情安可任

唯有縑紗幌塵埃日夜侵馨香與顏色不似舊時深

透影燈耿耿籠光月沈沈中有孤眠客秋涼生夜衾

舊宅牡丹院新墳松柏林夢中咸陽淚覺後江陵心

合此隔年恨發爲中夜吟無論君自感聞者欲沾襟

爲薛台悼亡

唐白居易

半死梧桐老病身重泉一念一傷神手攜稚子夜歸院月冷房空不見人

感月悲逝者

唐白居易

存亡感月一潸然月色今宵似往年何處曾經同望月櫻桃樹下後堂前

和楊師臯傷小姬英英

唐白居易

自從騎駿一相依共見楊花七度飛玳瑁牀空收枕席琵琶絃斷倚屏幃人間有夢何曾入泉下無家豈

人部

卷六十

三十四

悼亡

是歸墳上少啼留取淚明年寒食更沾衣

和劉郎中傷鄂姬

唐白居易

不獨君嗟我亦嗟西風北雪殺南花不知月夜魂歸處鸚鵡洲頭第幾家

瑤草春

唐顧况

隴西李迅者納別宅監奴出迅不喜欲訪故人爲刺史強而配焉旣歸而不合監奴投井而死因作瑤草歌以悲之

瑤草春香容與江南艷歌京西舞執心輕子都信節冠秋胡議以腰支嫁時論自有夫蟬鬢蛾眉明井底

燕裾趙袂繁轡驢李生聞之淚如綆不忍回頭看此

井月中桂樹落一枝地上鴝鵒啼孤影露桃穠李自成蹊流水終天不向西翠帳綠牕寒寂寂錦茵羅薦

夜淒淒瑤草春丹井遠別後相思意深淺

王十一兄與畏之員外相訪見招小飲時予以

悼亡日近不去因寄

唐李商隱

謝傳門庭舊未行今朝歌管屬檀郎更無一處簾垂地欲拂塵時簾竟牀嵇氏幼男猶可憫左家嬌女豈能忘愁霖腹疾俱難遣萬里西風夜正長

夜閑

唐□□□

人部

卷六十

三十五

悼亡

感極都無夢魂銷轉易驚風簾半鈎落秋月滿牀明悵望臨堦坐沈吟遶樹行孤琴在幽匣時迸斷絃聲

代友人悼姬

唐劉滄

羅帳香微冷錦裯歌聲永絕想梁塵蕭郎獨宿落花夜謝女不歸明月春青鳥罷傳相寄字碧江無復採蓮人滿庭芳草坐成恨迢遞蓬萊入夢頻

詩集類函卷六十

詩雋類函卷六十一

東吳俞安期彙纂 宣城梅鼎祚增定

金明蕭如薰訂校

人部三 去妻 (棄妻附) 兄弟

○去妻 棄妻附

棄婦 原作 古詩 漢古辭

上山採靡蕪下山逢故夫長跪問故夫新人復何如
新人雖云好未若故人姝其色似相類手爪不相如
新人從門入故人從閣去新人工織縑故人工織素
織縑日一匹織素五丈餘持縑將比素新人不如故

人部 卷六十一 去妻

白頭吟 西京雜記曰司馬相如將聘茂陵人女
為妾文君作白頭吟以自絕相如乃止

漢卓文君

皚如山上雪皎若雲間月聞君有两意故來相決絕
今日斗酒會明日溝水頭躑躑御溝上溝水東西流
淒淒復淒淒嫁娶不須啼願得一心人白頭不相離
竹竿何嫋嫋魚尾何徙徙男兒重意氣何用錢刀為

古怨歌 實玄狀貌絕異天子使出其妻妻以公
主妻悲怨寄書及歌與玄時人憐而傳

之亦名 漢實玄妻

皚皚白兔東走西顧衣不如新人不如故
玄書一首云棄妻斥女敬白實生卑賤離別不如貴
人妾日以遠彼日以親何所控訴仰瞻蒼天悲哉實

生衣不厭新人不厭故悲不可忍
然不可去彼獨何人而居斯處

焦仲卿妻詩 漢末建安中廬江府小吏焦仲卿
妻劉氏為仲卿母所遣自誓不嫁

其家逼之乃投水而死仲卿聞之亦
自縊於庭樹時人傷之為詩云爾

孔雀東南飛五里一徘徊十三能織素十四學裁衣
十五彈箏篴十六誦詩書十七為君婦心中常苦悲
君既為府吏守節情不移賤妾留空房相見常日稀
雞鳴入機織夜夜不得息三日斷五匹大人一作故
嫌遲非為織作遲君家婦難為妾不堪驅使徒留無
所施便可白公姥及時相遣歸府吏得聞之堂上啓
阿母兒已薄祿相幸復得此婦結髮同枕席黃泉共

人部 卷六十一 去妻

為友共事三二年始爾未為久女行無偏斜何意致
不厚阿母謂府吏何乃太區區此婦無禮節舉動自
專由吾意久懷忿汝豈得自由東家有賢女自名秦
羅敷可憐體無比阿母為汝求便可速遣之遣去慎
莫留府吏長跪告伏惟啓阿母今若遣此婦終老不
復取阿母得聞之槌牀便大怒小子無所畏何敢助
婦語吾已失恩義會不相從許府吏默無聲再拜還
入戶舉言謂新婦哽咽不能語我自不驅卿逼迫有
阿母卿但暫還家吾今且報府不久當歸還還必相
迎取以此下心意慎勿違吾語新婦謂府吏勿復重

紛紜往昔初陽歲謝家來貴門奉事循公姥進止敢
自專晝夜勤作息伶俜縈苦辛謂言無罪過供養卒
大恩仍更被驅遣何言復來還妾有繡腰襦葳蕤自
生光紅羅複斗帳四角垂香囊湘簾六七十綠碧青
絲繩物物各自異種種在其中人賤物亦鄙不足迎
後人留待作遺施於今無會因時時爲安慰久久莫
相忘雞鳴外欲曙新婦起嚴妝著我繡袂裙事事四
五通足下躡絲履頭上玳瑁光腰若流純素耳著明
月璫指如削葱根口如含珠丹纖纖作細步精妙世
無雙上堂拜一作謝阿母阿母怒不止昔作女兒時生

人部

卷六十一

三
去妻

小出野里本自無教訓兼愧貴家子受母錢帛多不
堪母驅使今日還家去念母勞家裏却與小姑別淚
落連珠子新婦初來時小姑始扶牀今日被驅遣小
姑如我長勤心養公姥好自相扶將初七及下九嬉
戲莫相忘出門登車去涕落百餘行府吏馬在前新
婦車在後隱隱何甸甸俱會大道口下馬入車中低
頭共耳語誓不相隔卿且暫還家去吾今且赴府不
久當還歸誓天不相負新婦謂府吏感君區區懷君
旣若見錄不久望君來君當作盤石妾當作蒲葦蒲
葦絢如絲盤石無轉移我有親父兄性行暴如雷恐

不任我意逆以煎我懷舉手長勞勞二情同依依入
門上家堂進退無顏儀阿母大拊掌不圖子自歸十
三教汝織十四能裁衣十五彈箏篴十六知禮儀十
七遣汝嫁謂言無誓違汝今何罪過不迎而自歸蘭
芝慙阿母兒實無罪過阿母大悲摧還家十餘日縣
令遣媒來云有第三郎窈窕世無雙年始十八九便
言多令才阿母謂阿女汝可去應之阿女含淚答蘭
芝初還時府吏見丁寧結誓不別離今日違情義恐
此事非奇自可斷來信徐徐更謂之阿母白媒人貧
賤有此女始適還家門不堪吏人婦豈合令郎君幸

人部

卷六十一

四
去妻

可廣問訊不得便相許媒人去數日尋遣丞請還說
有蘭家女承籍有宦官云有第五郎嬌逸未有婚遣
丞爲媒人主簿通語言直說太守家有此令郎君旣
欲結大義故遣來貴門阿母謝媒人女子先有誓老
姥豈敢言阿兄得聞之悵然心中煩舉言謂阿妹作
計何不量先嫁得府吏後嫁得郎君否泰如天地足
以榮汝身不嫁義郎體其任欲何云蘭芝仰頭答理
實如兄言謝家事夫婿中道還兄門處分適兄意那
得自任專雖與府吏要渠會永無緣登卽相許和便
可作婚姻媒人下牀去諾諾復爾爾還部白府君下

官奉使命言談大有緣府君得聞之心中大歡喜視
層復開書便利此川內六合正相應良吉三十日今
已二十七卿可去成婚文語速裝束絡繹如浮雲青
雀白鵲舫四角龍子幡婀娜隨風轉金車玉作輪躑
躑青驄馬流蘇金縷鞍齎錢三百萬皆用青絲穿雜
綵三百匹交廣一作市鮭珍從人四五百鬱鬱登郡
門阿母謂阿女適得府君書明日來迎汝何不作衣
裳莫令事不舉阿女默無聲手中掩口啼淚落便如
瀉移我琉璃榻出置前牕下左手持刀尺右手執綾
羅朝成繡袂裙晚成單羅衫掩掩日欲暝愁思出門

人部

卷六十一

五

去妻

帝府吏聞此變因求假暫歸未至二三里摧藏馬悲
哀新婦識馬聲躡履相逢迎悵然遙相望知是故人
來舉手拍馬鞍嗟歎使心傷自君別我後人事不可
量果不如先願又非君所詳我有親父母逼迫兼弟
兄以我應他人君還何所望府吏謂新婦賀卿得高
遷盤石方且厚可以卒千年蒲葦一時紉便作旦夕
間卿當日勝貴吾獨向黃泉新婦謂府吏何意出此
言同是被逼迫君爾妾亦然黃泉下相見勿違今日
言執手分道去各各還家門生人作死別恨恨那可
論念與世間辭千萬不復全府吏還家去上堂拜阿

母今日大風寒寒風摧樹木嚴霜結庭蘭兒今日冥
冥令母在後單故作不良計勿復怨鬼神命如南山
石四體康且直阿母得聞之零淚應聲落汝是大家
子仕宦於臺閣慎勿為婦死貴賤情何薄東家有賢
女窈窕豔城郭阿母為汝求便復在旦夕府吏再拜
還長歎空房中作計乃爾立轉頭向戶裏漸見愁煎
迫其日牛馬嘶新婦入青廬菴菴黃昏後寂寂人定
初我命絕今日魂去尸長留攬裙脫絲履舉身赴清
池府吏聞此事心知長別離徘徊顧樹下自挂東南
枝兩家求合葬合葬華山傍東西植松柏左右種梧

人部

卷六十一

六

去妻

桐枝枝相覆蓋葉葉相交通中有雙飛鳥自名為鴛
鴦仰頭相向鳴夜夜達五更行人駐足聽寡婦起傍
徨多謝後世人戒之慎勿忘

代劉勳妻王氏雜詩二首 并序 魏文帝

王宋者平虜將軍劉勳妻也入門三十餘年後勳
悅山陽司馬氏女以宋無子出之還于道中作詩

二首

翩翩牀前帳張可一作以蔽光輝昔將爾同去今將爾
同歸緘藏篋笥裏當復何時披

誰言去婦薄去婦情更重千里不唾井况乃昔所奉

遠望未爲遙踟躕不得並

棄婦篇

魏陳思王

石榴植前庭綠葉搖縹青丹華灼烈烈耀彩有光榮
光榮曄流離可以處淑靈有鳥飛來集拊翼以悲鳴
悲鳴夫何爲丹華實不成拊心長歎息無子當歸寧
有了月經天無子若流星天月相終始流星沒無精
栖遲失所宜下與瓦石并憂懷從中來歎息通雞鳴
反側不能寐逍遙於前庭踟躕還入房肅肅帷幕聲
寒惟更攝帶撫絃彈鳴箏慷慨有餘音要妙悲且清
收淚長歎息何以負神靈招搖待霜露何必春夏成

人部

卷六十一

七

去妻

晚獲爲良實願君且安寧

棄婦

魏陳思王

種葛南山下葛藟自成陰與君初婚時結髮恩義深
歡愛在枕席宿昔同衾衾竊慕棠棣篇好樂如瑟琴
行年將晚暮佳人懷異心思紀曠不接我情遂抑沈
出門當何顧徘徊步北林下有父頸獸仰見雙栖禽
攀枝長歎息淚下沾羅襟良馬知我悲延頸代我吟
昔爲同池魚今爲一商與參往古昔歡遇我獨困
于今棄置委天命悠悠安可任

代白頭吟

宋鮑照

直如朱絲繩清如玉壺水何慙宿昔意猜恨坐相仍

人生賤恩舊世議遂衰興毫髮一爲瑕丘山不可勝

食苗實碩鼠黠白信蒼蠅鳥鵲遠成美新芻前見陵

申黜褒女進班去趙姬升周王日淪惑漢帝益嗟稱

心賞猶難恃貌恭豈易憑古來共如此非君獨撫膺

棄婦

唐喬知之

妾身本薄命輕棄城南隅庭前厭芍藥山下採靡蕪

春風宵紉袖零露濕羅襦羞將憔悴日提籠逢故夫

去婦詞

唐李白

古來有棄婦棄婦有歸處今日妾辭君辭君遣何去

人部

卷六十一

八

去妻

本家零落盡慟哭來時路憶昔未嫁君聞君却周旋
綺羅錦繡段有贈黃金千十五許嫁君二十移所天
自從結髮日未幾離君絕山川家家盡歡喜孤妾長
自憐幽閨多怨思盛色無十年相思若循環枕席生
流泉流泉咽不掃獨夢關山道及此見君歸君歸妾
已老物情惡衰賤新寵方妍好掩淚出故房傷心劇
秋草自妾爲君妻君東妾在西羅幃到曉恨玉貌一
生啼自從離別久不覺塵埃厚常嫌玳瑁孤猶羨鴛
鴦偶歲華逐霜霰賤妾何能久寒沼落芙蓉秋風散
楊柳以此憔悴顏空持舊物還餘生欲何寄誰肯相

牽攀君恩既斷絕相見何年月悔傾遮理杯虛作
心結女蘿附青松貴欲相依投萍萍失綠水教作若
爲流不但君棄妾自歎妾緣業憶昔初嫁君小姑纔
倚牀今日妾辭君小姑如妾長回頭語小姑莫嫁如
兄夫

盧江主人婦

唐李白 盛

孔雀東飛何處棲盧江小吏仲卿妻爲客裁縫君自
見城烏獨宿夜空啼

平虜將軍妻

唐李白 盛

平虜將軍婦入門二十年君心自不悅妾寵豈能專
入部 卷六十一 九 去妻

出解牀前帳行吟道上篇古人不唾井莫忘昔纏綿

見秦系離婚後出山居作

唐劉長卿 中

豈知偕老重垂老絕良姻鄰氏誠難負朱家自愧貧
綻衣畱欲故織錦罷經春何況靡無緣 一作空山不

見人

去婦

唐王建 中

新婦去年胼手足衣不暇縫蠶廢族白頭使我憂家
事還如夜裏燒殘燭當初爲取信 一作傍人語豈道如
今日辛苦在時縱嫌織絹遲有絲不上鄰家機

棄婦 原作續

唐王建 中

合歡葉墮梧桐秋鴛鴦背飛水分流少年使我忽相
棄雌雄號鳴夜悠悠夜長月沒蟲切切冷風入房燈
焰滅若知行路各東西彼此不忘同心結收取頭邊
蛟龍枕畱著箱中雙雉裳我今焚却舊房物免使他
人登爾牀

促刺詞

唐王建 中

促刺復促刺水中無魚山無石少年雖嫁不將歸頭
白猶著父母衣四邊田宅非所有我身不及逐雞飛
出門若有歸死處猛虎當衢向前去百年不遭踏君
門在家誰喚爲新婦豈不見他鄰舍娘嫁來常在舅
入部 卷六十一 去妻

姑傍

去婦

唐孟郊 中

君心匣中鏡一破不復全妾身藕中絲雖斷猶牽連
安知御輪士今日翻回轅一女事一夫安可再移天
君聽去鶴言哀哀七絲絃

去婦怨

唐戴叔倫 中

出戶不敢啼風悲日悽悽心知恩義絕誰忍分明別
下坂車轆轤畏逢鄉里親空持牀前幔却寄家中人
忽辭王吉去爲是秋月死若比今日情煩冤不相似

棄婦 原作續

唐白居易 中

涼風飄嘉樹日夜減芳華下有感秋婦攀條苦悲嗟
我本幽閑女結髮事豪家豪家多婢僕門內頗驕奢
良人近封侯出入鳴玉珂自從富貴來恩薄讒三夕
冢婦獨守禮羣妾互奇衰但信言有玷不察心無瑕
容光未銷歇歡愛忽蹉跎何意掌上玉化為眼中砂
盈盈一尺水浩浩千丈河勿言小大異隨分有風波
閨房猶復爾邦國當如何

白頭吟

唐張籍中

請君膝上琴彈我白頭吟憶昔君前嬌笑語兩情宛
轉如縈素宮中爲我起高樓更開花池種芳樹春天
人部 卷六十一 去妻

百草秋始衰棄我不待白頭時羅襦玉珥色未暗今
朝已道不相宜揚州青銅作明鏡暗中持照不見影
人心回互自無窮眼前好惡那能定君恩已去若再
返菖蒲花開月長滿

毗陵真氏三史嚴灌夫妻以無子被出

唐女郎真氏

當時心事已相關雨散雲收一餉間便是孤帆從此
去不堪重過望夫山

棄婦

唐曹鄴晚

嫁來未曾出此去長別離父母亦有家羞言何以歸

此日年且少事姑常有儀見多自成醜不待顏色衰
何人不識寵所嗟無是非將欲告意四鄰已相疑

棄婦

唐劉駕晚

回車在門前欲上心更悲路傍見花發似妾初嫁時
養蠶已成繭織素猶在機新人應笑此何如畫蛾眉
昨日惜紅顏今日畏老遲良媒去不遠此恨今告誰
詠人棄妾 梁簡文帝

昔時嬌玉步含羞花燭邊豈言心愛斷銜啼私自憐
常一作見歡成怨非關醜易妍獨鵠罷中路孤鸞死
鏡前

人部

卷六十一

去妻

代舊姬有怨

梁元帝

寧爲萬里隔乍作死生離那堪眼前見故愛逐新移
未展春花落遽被涼風吹怨黛舒還歛啼紅拭復垂
誰能巧爲賦黃金妾不貲自資

元廣州景仲座見故姬

梁劉孝綽

留故夫不脚躡別待春山上相看採靡無

爲何庫部舊姬擬靡蕪之句 梁王僧孺

出戶望蘭薰寒簾正逢君斂容裁一訪新知詎可聞
新人含笑近故人含淚隱妾意在寒松君心逐朝槿

去妾贈前夫

梁吳均

棄妾在河橋相思復相遶鳳凰簪落髮蓮花帶緩腰
腸從別處斷貌在淚中消願君憶舊音片言時見饒

棄妾篇

唐喬知之 初

妾本叢臺右君在鴈門陲悠悠淇水曲采燕入桑枝
不因媒結好本以容相知容謝君應去情移會有離
還君結縷帶歸妾織成詩此物雖輕賤不用使人嗤

贈去妾

唐崔郊 中

公子王孫逐後塵綠珠垂淚滿羅巾侯門一入深如
海從此蕭郎是路人

謝秀才自妾編練改從於人秀才引留之不得

人部

卷六十一

十三 去妻

後生感憶座人製詩嘲誚賀復繼四首

唐李賀 中

誰知泥憶雲望斷梨花春荷絲製機練竹葉翦花裙
月明啼阿姊燈暗會良人也識君夫婿金魚挂在身

二

銅鏡立青鸞燕脂拂紫綿腮花弄暗粉眼尾淚侵寒
碧玉破不復瑤琴重撥絃今日非昔日何人敢正看

三

洞房思不禁蜂子作花心灰暖殘香炷髮冷青蟲簪
夜遙燈焰短睡熟小屏深好作鴛鴦夢南城罷擣碓

四

尋常輕宋玉今日嫁文鵞戟幹橫龍簾刀環倚桂牕
邀人裁半袖端坐據胡牀淚濕紅輪重栖鳥上井梁

○兄弟

哀慕歌

古今樂錄曰周太伯者太王之長子也

子昌即文王也太王寢疾欲傳季歷以昌
於是太伯與虞仲去欲髮文身託為王採藥
後聞太王卒還葬喪哭於門示夷狄之人不
得入王庭季歷謂太伯長子也當立垂涕而
留之終不肯止遂委而去適周季歷
於吳是後季歷作哀慕之歌

先王既殂長實異都哀喪腹心未寫中懷追念
伯仲我季如何梧桐萋萋生于道周宮館

人部

卷六十一

十四 兄弟

作詩云舒徘徊臺閣既除何為遠去使此空虛支
謝字一作觀徘徊臺閣既除何為遠去使此空虛支

骨離別垂思南陽瞻望荆越涕淚交流伯仲今逝
肯來遊自非二人誰訴此憂

贈弟士龍十章 并序

晉陸機

余弱年風孤與弟士龍銜恤喪庭續會逼王命墨
經卽戎時並縈髮悼心告別漸歷八載家邦顛覆
几厥同生彫落殆半收迹之日感物興哀而龍又
先在四時迫當祖載二昆不容逍遙銜痛東徂遺
情西慕故作是詩以寄其哀苦焉
於穆予宗稟精東嶽誕育祖考造我南國南國克靖

實錄洪績惟帝念功載繁其錫其錫惟何玄冕袞衣
金石假樂旄鉞授威匪威是信稱平達德奕世台衡
扶帝紫極

篤生二昆克明克俊遵塗結轍承風襲問帝曰欽哉
纂戎列祚雙組式帶綬章載路卽命荆楚對揚休顧
肇敏厥績武功聿舉烟燼芳素綢繆江許昊天不弔
胡寧棄予

嗟予人斯胡德之微闕彼遺軌則此頑違王事匪暨
旌旆屢振委籍舊文統厥征人祈祈征人載肅載開
溪駭戎馬有有翰昔子翼考惟斯伊撫今予小子

人部

卷六十一

十五

兄弟

繆尋末緒

有命自天崇替靡常王師乘運席卷江湘雖守
守從武臣守局下列譬彼飛塵洪波雷擊與衆同泯
顛跋西夏收迹舊京俯慚堂構仰懷一作惟先靈孰云
忍媿寄之我情

伊我俊弟咨爾士龍懷襲瑰璋播殖清風非德莫懃
非道莫弘垂翼東畿耀穎名邦綿綿洪統非爾孰崇
依依同生恩篤情結義存並濟胡樂之悅願爾偕老
攜手黃髮

昔我西征扼腕川湄掩涕卽路耀袂長辭六龍促節

逝不我待自往迄茲曠年八祀悠悠我思非爾焉在
昔並垂髮今也將老銜哀茹感契闊充飽嗟我人斯
胡卹之早

天步多艱性命難誓常懼隕斃孤魂殊裔存不阜物
沒不增壤生若朝風死猶絕景視彼浮游方之僑客
眷此黃廬譬之斃宅匪身是亮會伊惜其惜伊何
言紆其思其思伊何悲彼曠載

出車戒塗言告言歸蓐食驚駕夙興宵馳濛雨之陰
炤月之輝陸陵峻坂川越洪漪爰屆爰止步彼高堂
失爾羽邁良願中荒我心永懷匪悅匪康

人部

卷六十一

十六

兄弟

昔我斯逝兄弟孔仁今我來思或彫或歿昔我斯逝
族有餘榮今我來思堂有哀聲我行其道鞠爲茂草
我履其房物存人亡拊膺涕泣血淚彷徨
企佇朔路言送爾歸心存言寘日想容輝迫彼窳窳
載驅東路繼其桑梓肆力丘墓婉兮變兮興懷罔極
眷言顧之使我心惻

於承明作與弟士龍

晉陸機

牽世嬰時網駕言遠徂征飲餞豈異族親戚弟與兄
婉孌居人思紆辭遊子情明發遺安寐晤言涕交纓
分途長林側揮袂萬始亭佇眄要遐景傾耳玩餘聲

南歸憇永安北邁頓承明永安有昨軌承明子棄予
俯仰悲林薄慷慨含辛楚懷往歡絕端悼來憂成緒
感別慘舒翮思歸樂遵渚

贈弟士龍

晉陸機

行矣怨路長愁焉傷別促指途悲有餘臨觴歡不足
我若西流水子爲東峙岳慷慨逝言感徘徊居情育
安得攜手俱契關成驂服

答兄平原

晉陸雲

伊我世族太極降精昔在上代軒虞篤生厥生伊何
流祚萬齡南嶽有神乃降厥靈誕鍾祖考徹茲神明

人部

卷六十一

十七兄弟

運步玉衡仰和太清質御四門旁穆紫庭紫庭既穆
威聲爰振厥振伊何播化殊鄰清風攸被率土歸仁
彤弧所彎萬里無塵功昭王府帝庸厥勳黃鉞授征
錫命頻繁闕如競虎肅茲三軍光若辰時亮彼公門
仍世上司芳流慶純雲和所產爰育二昆誕豐岐嶷
夙邁令聞令聞伊何休音允臧先公克構乃崇斯堂
耀穎上京發迹扶桑戎車山征時惟鷹揚鷹揚既昭
勳庸克邁天子命我鎮弼干外在作扞城以表南裔
降災匪蠲景命顛沛惟我賢昆天姿秀生含奇播殊
明德惟馨太陽散氣乃稟厥和山川垂度爰則厥遐

厥遐伊何惟光惟大惟大伊何如岱如渭恢此廣淵
廓彼洪懿弘道惇德淵哉爲器統我先基弱冠慷慨
將弘祖業實崇奕世咨予頑蒙最爾弱才沈耀玄渚
挹庇雲淇陶化靡移固陋于茲瞻仰洪範實忝先基
巍巍先基重規累構赫赫重光遐風激驚昔我先公
爰造斯猷今我六蔽匪崇克扶悠悠大道載邈載遐
洋洋淵源如海如河昔我先公斯綱斯紀今我末嗣
乃傾乃圯世業之頽自予小子仰愧靈丘銜憂沒齒
憂懷惟何顧景惟塵我我高蹤眇眇賀辰明德繼體
莫非哲人今我頑鄙規範靡遵仍世載德荒之予身

人部

卷六十一

十八兄弟

莫峻匪岳有峻斯登莫高匪雲有高斯凌矧我成基
匪克階升玄黃長坂載寐載興豈敢憚行哀此負乘
芒芒高山自予頽之濟濟德義匪予懷之終銜永負
于其媿而昔予言曠汜舟東川銜憂告辭揮淚海濱
義陽趣駕炎華電征自我不見邈哉八齡悠思迴望
寤言通靈昔我姓矣辰在東嶠今我于茲日薄桑榆
銜艱遘愍困瘁殷憂哀矣我世匪蒙靈休開元迄茲
震興迭微弱風隱駭海水羣飛王旅南征闡耀靈威
予昆乃播爰集朔土載離永久其毒太苦上帝休命
駕言其歸多我邁愍振蕩朔垂羈繫殊俗初願用違

嚴駕東征肅邁林野夕秣乘馬朝整僕旅矯矯

載驅載馳漫漫長路或降或階晨風夙零朝不皇飢

傾景儵隆夕不存雖有豐草匪釋奔駟雖有重陰

匪遑遐寐斃僕夫悠悠過征經彼喬木有鳥嚶鳴

微物識儕矧伊有情樂茲棠棣實歡友生既至既覲

滯思曠年曠年秣域覲未浹辰恨其永懷憂心孔艱

天地永久命也難長生民忽霍曷去其常我之既存

靡績靡紀乾坤難並寂焉其已生若電激沒若川征

存愧松柏逝慙生靈匪玄性命實悼徒生苟克析薪

豈憚冥冥瞻企皇極徼福上天冀我友生要期永年

人部 卷六十一 十九 兄弟

昔我先公邦國攸興今我家道綿綿莫承昔我昆弟

如鸞如龍今我友生凋俊隆雄家哲永徂世業長終

華堂傾構廣宅頽墮高門降衡脩庭樹蓬感物悲懷

愴矣其傷惇仁汜愛錫予好音晞光懷寶煥如南金

披華玩藻曄若翰林詠彼清聲被之瑟琴味此殊響

慰之予心弘懿忘鄙命之反覆敢投桃李以報寶作

玉冀憑光蓋編諸末錄

答兄平原 晉陸雲

悠達塗可極別促怨會長銜思戀行適興言在臨觴

南津有絕濟北渚無河梁神往同逝感形留悲參商

衡軌若殊迹牽牛非服箱

憶虞弟

梁劉孝綽

下邑非上郡徒然想二馮余慙野王德爾訪聖鄉風

望望餘塗盡悽悽良宴終朝疏一不共夜被何由同

冬日家園別陽美始興

孝綽為陽美令

梁劉孝勝

四鳥怨離羣三荆悅同處如今腰艾綬東南各殊舉

且欣棠棣集彌惜光陰遽黯吏本須裁豪民亦難御

願勗千金水思聞五湖譽

還草堂尋處士弟

陳周弘正

四時易在再百齡倏將半故老多零落山僧盡凋散

人部

卷六十一

三十一 兄弟

宿樹倒為查舊水侵成岸幽尋屬令弟依然歸舊館

感物自多傷況乃春鶯亂

贈弟季式

季式為濟州刺史故曹發驛以勸酒乃贈

北齊高昂

憐君停欲死天上人間無可比走馬海邊射遊鹿偏

坐石上彈鳴雉昔時方伯願三公今日司徒羨刺史

別庾七入蜀

北周庾信

峻嶺拂陽烏長城連蜀都石銘懸劒壁沙洲聚陣圖

山長半股斷樹古半心枯由來兄弟別共念一荊株

合州津口別舍弟

唐陳子昂

江潭共為客洲浦獨迷津思積芳庭樹心斷白眉人

同余成楚越別島類胡秦林岸隨天轉雲峯逐望遙遙終不見默然坐含嚔念別疑二月經途未一句孤舟多逸興誰共爾爲鄰馬良字季常兄弟五人並有才名鄉里諺曰馬氏良眉中有白毛

別之望後獨宿藍田山莊 唐宋之間初

鶴鴒有舊曲調苦不成歌自歎兄弟少常嗟離別多爾尋北京路予卧南山阿泉晚更幽咽雲秋尚嵯峨藥欄聽蟬噪書幌見禽過愁至願甘寢其如鄉夢何

留別之望舍弟 唐宋之間初

同氣有三人分飛在此晨西馳已嶺微東去洛陽濱

人部 卷六十一 二十二 兄弟

強飲離前酒終傷別後神誰憐散花萼獨赴日南春

南行別弟 唐于季子初

萬里人南去三春鴈北飛不知何歲月得共爾同歸

初秋憶金均兩弟 唐張九齡初

江渚秋風至他鄉離別心孤雲愁自遠一葉感何深

憂喜管同域飛鳴忽異林青山西北望堪作白頭吟

和韋尚書春日南亭宴兄弟 唐張九齡初

棠棣聞餘興烏衣有舊遊門前杜城陌池上曲江流

暇日嘗繁會清風咏阻脩始知東嶂同氣此相求

和韋尚書南亭宴兄弟 唐孫逖初

臺閣升高位園林隔舊鄉忽聞歌棣萼還比報瓊芳門向宜春近郊連御宿長德星常有會相望在文昌

別中都明府兄 唐李白盛

吾兄詩酒繼陶君試宰中都天下聞東樓喜泰運枝會南陌愁爲落葉分城隅綠水明秋日海上青山隔暮雲取醉不辭留夜月鴈行中斷惜離羣

送二季之江東 唐李白盛

初發強中作題詩與惠連多慙一日長不及二龍賢西塞當中路南風欲進船雲峰出遠海帆影挂晴川禹穴藏書地匡山種杏田此行俱有適遲爾早歸旋

人部 卷六十一 二十三 兄弟

淮南寄舍弟 唐王泠然盛

昔予從不調經歲旅淮南念爾長相失何時返故園寄書迷處所分袂隔涼溫遠道俱爲客他鄉共在原歸情春伴鴈愁泣夜隨猿愧見高堂上朝朝獨倚門

寄弟 唐孟浩然盛

獻策金門去承歡綵服違以吾一日長念爾聚星稀昏定須溫席寒多未授衣桂枝如已擢早逐鴈南飛

憶舍弟 唐于逖盛

衰門少兄弟兄弟唯兩人饑寒各流蕩感念傷我神夏期秋未來孰知無他因不怨別天長但願見爾身

茫茫天地間萬類各有親安知爾與我乖隔同胡秦
何時對形影憤懣當共陳

達懷舍弟穎觀等

唐杜甫 盛

陽翟空知處荆南近得書積年仍遠別多難不安居
江漢春風起水霜昨夜除雲天猶錯莫花萼尚蕭疎
對酒都疑夢吟詩正憶渠舊時元日會鄉黨美吾廬
第五弟豐獨在江左近三四載寂無消息竟使

寄此二首

唐杜甫 盛

亂後嗟吾在羈栖見汝難草黃驕驪病沙晚鵲鴿寒
楚設關城險吳吞水府寬十年朝夕淚衣袖不曾乾
人部 卷六十一 兄弟

二

聞汝依山寺杭州定越州風塵淹別日江漢失清秋
影著啼猿樹魂飄結廬樓明年下春水東盡白雲求

得舍弟消息

唐杜甫 盛

風吹紫荆樹色與春庭暮花落辭故枝風回反無處
骨肉恩書重漂泊難相遇猶有淚成河經天復東注

得舍弟消息

唐杜甫 盛

亂後誰歸得他鄉勝故鄉直爲心厄苦久念與存亡
汝書猶在壁汝妾已辭房舊犬知愁恨垂頭傍我牀
得舍弟消息二首 唐杜甫 盛

近有平陰信遙憐舍弟存側身千里道寄食一家村
烽舉新酣戰啼垂舊血痕不知臨老日招得幾人魂

二

汝懦歸無計吾衰往未期浪傳烏鵲喜深負鵲鴿詩
生理何顏面憂端且歲時兩京三十口雖在命如絲
喜觀卽到復題短篇二首 唐杜甫 盛

巫峽千山暗終南萬里春病中吾見弟書到汝爲人
竟答兒童問來經戰伐新泊船悲喜後欸欸話歸秦

待爾嗔烏鵲拋書示鵲鴿枝間喜不去原上急曾經
人部 卷六十一 兄弟

江閣嫌津柳風帆數驛亭應論十年事愁絕始星星
舍弟觀赴藍田取妻子到江陵喜寄三首 唐杜甫 盛

唐杜甫 盛

汝迎妻子達荊州消息真傳解我憂鴻鴈影來連峽
內鵲鴿飛急到沙頭曉關險路今虛遠禹鑿寒江正
穩流朱紱卽當隨綵鷁青春不假報黃牛

馬度秦山雪正深北來肌骨苦寒侵他鄉就我生春
色故國移居見客心歡劇提攜如意舞喜多行坐白
頭吟巡簷索共梅花笑冷藥疎枝半不禁

庾信羅合但有宅春來秋去作誰家短牆若在從殘

草膏木如存可假花上築應同蔣詡徑爲園須似邵
平瓜比年病酒開涓滴弟勸兄酬何怨嗟

狂歌行贈四兄

唐杜甫

與兄行年校一歲賢者是兄愚者弟兄將富貴等浮
雲弟竊功名好權勢長安秋雨十日泥我曹韞馬聽
晨雞公卿朱門未開鎖我曹已到肩相齊吾兄睡穩
方舒膝不韞不巾路曉日男啼女哭莫我知身上須
繒腹中實今年思我來嘉州嘉州酒重花繞樓樓頭
喫酒樓下卧長歌短詠還相酬四時八節還拘禮女
拜弟妻男拜弟幅巾盤帶不挂身頭脂足垢何曾洗
人部 卷六十一 三五 兄弟

吾兄吾兄巢許倫一生喜怒常任真日斜枕肘寢已
熟嗽啾啾何爲人

李四勸爲尉氏尉李七勉爲開封尉

惟伯與仲有令譽因

唐錢起

美政惟兄弟時人數俊賢皇枝雙玉樹吏道二梅仙
自理堯唐俗唯將禮讓傳采蘭花萼聚就日鴈行聯
黃綬俄三載青雲未九遷廟堂爲宰制幾日試龍泉
喜於廣陵拜親家兄奉送發還池州

唐韋應物

青青連枝樹冉冉久別離客遊廣陵中俱到若有期

俯仰敘存歿哀腸發酸悲收情且爲歡累日不知饑
風駕多所迫復當還歸池長安三千里歲晏獨何爲
南出登閭門驚廳左右吹所別諒非遠要令心不怡

送苗員外寓直中書

唐包何

朝列稱多士君家有二難直爲臺裏柏芳作省中蘭
夜宿分曹間晨趨接武歡每憐雙闕下鴈序入鴛鴦
早秋送臺院楊侍郎歸朝

兄弟四人通歷諸科二人同省

唐劉禹錫

僊署棲華春當時已絕倫今朝丹闕下更入白眉人
重振高陽族分居要路津一門科第足五府辟書煩

人部

卷六十一

二十六 兄弟

書情上大尹十兄

唐盧綸

紫陌絕纖埃油幢千騎來剖辭紛若雨犇吏殷成雷
芳室芝蘭茂春谿桃李開江湖餘派少鴻鴈遂聲哀
命厭蒼龜誘年驚弟侄催磨鉢慙砥礪揮策愧駑駘

送舍弟

唐嚴維

疎懶吾成性才華爾自強早稱眉最白何事綬仍黃
時暑嗟于邁家貧念聚糧祗應宵夢裏詩興屬池塘
自江陵之徐州路上寄兄弟

唐白居易

岐路南將北離憂弟與兄關河千里別風雪一身行
夕宿勞鄉夢晨裝慘旅情家貧憂後事日短念前程

煙鴈翻寒渚霜鳥聚古城誰憐陟岡者西楚望南荆

贈婺州蘇員外

唐章碣

帝念瓊枝欲並芳星分婺女寄仙郎鸞從闕下雖辭

侶鴈到江都却續行員外弟中時任衢州

荀氏八龍

張璠漢紀曰荀倫字伯慈弟綰字仲弟汪字孟慈汪弟爽字慈靖弟肅字慈光肅弟勇字勿慈右朗陵令頤川荀淑季和之

肅弟時人號之八龍居西豪里渤海宛康知名士也時為頤陰令美之曰高陽氏才子入人遂改所居為高陽里又續漢書曰荀爽幼而好學耽思經書慶弔不行微命不應頤川語曰

荀氏八龍慈明無雙

董相徵爽為平原相遷光祿勳司空出自岩穴九十三日遂登

人部

卷六十一

二七

兄弟

公沙五龍

公沙紹字子起紹弟字允慈孚弟格字允讓格弟達字義則達弟樊字

義起右北海公沙穆之五子並有令名京師號云云穆亦名士也見後漢書

公沙五龍天下無雙

表山松後漢書曰公沙穆有六子時人號曰公沙六龍天下無雙

雙

五門

三輔決錄曰五門子孫凡民之五門今在河南西四十里澗穀洛三水之交傳聞馬氏兄弟五人共居此地作五門客舍因以為名主養猪賣豚故民為之語曰

苑中二公館下二卿五門嚙嚙但聞豚聲

賈偉節

三輔決錄曰賈彪兄弟三人並有高名虎最優故天下稱曰

賈氏三虎偉節最怒

二梁崔鴻前秦錄曰梁譙字伯言博學有雋才與弟黑俱以文藻清麗見重一時人為之語曰

語

關東堂堂二申兩房未若二梁瓊文綺章

五龍

崔鴻前秦錄曰辛攀字懷遠隴西狄道人父爽尚書郎兄監曠弟寶迅皆以才識知名秦人為之語曰

五龍一門金友玉昆

五龍一門金友玉昆

詩雋類函卷六十一

人部

卷六十一

二八

兄弟

一百五

詩雋類函卷六十二

東吳俞安期彙纂 宣城梅鼎祚增定

金明蕭如薰訂校

人部四

從兄弟 兄姪 叔姪 宗族 舅甥 親戚 姻附 交友 姻交 附友 並附 故舊 鄰里

○從兄弟

贈從弟三首

魏劉楨

汎汎東流水磷磷水中石萍藻生其涯華葉紛擾溺
采之薦宗廟可以羞嘉客豈無園中葵懿此出深澤

二

人部

卷六十二

從兄弟

亭亭山上松瑟瑟谷中風風聲一何盛松枝一何勁

冰霜正慘悽終歲常端正豈不罹凝寒松柏有本性

三

鳳凰集南嶽徘徊孤竹根於心有不厭奮翅凌紫氛
豈不常勤苦羞與黃雀羣何時當來儀將須聖明君

贈從兄車騎

晉陸機

孤獸思故藪離鳥悲舊林翩翩游宦子辛苦誰爲心
髣髴谷水陽婉孌崑山陰營魄懷茲土精爽若飛沈
寤寐靡安豫願言思所欽感彼歸途艱使我怨慕深
安得忘憂草言樹背與襟斯言豈虛作思鳥有悲音

悲從弟仲德

晉陶淵明

衡哀過舊宅悲淚應心零借問爲誰悲懷人在九冥
禮服名羣從恩愛若同生門前執手時何意爾先傾
在數竟未免爲山不及成慈母沈哀疚二胤纔數齡
雙位委空館朝夕無哭聲流塵集虛坐宿草旅前庭
階除曠遊迹園林獨餘情翳然棄化去終天不復形
遲遲將迴步惻惻悲襟盈

酬從弟惠連五章

宋謝靈運

寢瘳謝人徒滅跡人雲峰巖壑寓耳目歡愛隔音容
永絕賞心望長懷莫與同末路值令弟開顏披心胸

人部

卷六十二

從兄弟

二

心胃既云披意得咸在斯凌澗尋我室散帙問所知
夕慮曉月流朝忘曛日馳悟對無厭歇聚散成分離

三

分離別西川迴景歸東山別時悲已甚別後情更延
傾想遲嘉音果枉濟江篇辛勤風波事欵曲洲渚言

四

洲渚旣淹時風波子行遲務協華京想詎存空谷期
猶復惠來章祇足攬余思儻若果歸言共陶暮春時

五

暮春雖未交仲春善遊遨山桃發紅萼野蔌漸繁
嚶鳴已悅豫幽居猶鬱陶夢寐佇歸舟釋我各與勞

荅從弟惠連

宋謝靈運

懷人行千里我勞盈十旬別時花灼灼別後葉蓁蓁

於安城答康樂五章

宋謝瞻

條繁林彌蔚波清源逾濬華宗誕吾秀之子紹前胤

綢繆結風微烟熅吐芳訊鴻漸隨事變雲一作臺與

年峻

華萼相光飾嚶鳴一作嚶嚶悅同響親親子敦余賢賢吾

爾賞比景後鮮輝方年一日長萎葉榮榮條涸流好

人部

卷六十一

三 從兄弟

河廣

徇業謝成操復禮愧貪樂幸會果代耕符守江南一作

南曲履運傷在苒遵塗歎緬邈布懷存所欽我勞一

何篤

學允雖同規翻飛各異槩迢遞封畿外窈窕承明內

尋塗塗既睽即理理已一作亦對絲路有恒悲矧適在

吾愛

跼行安步武綴翮周數仞豈不識高遠違方往有各

歲寒霜雪嚴過半路逾峻量已畏友朋勇退不敢進

行矣勵令猷寫誠酬來訊

除弟服

宋顏延之

徂沒離二秋掩泣備三冬往辰緬難紀來筭忽易窮

升沒淹晷晦灑掃易禮容縞衣變余體長逝歸爾躬

贈王儉

南史曰儉字敬之從弟也儉嘗為僧列

吾之所望於若人也世皆推儉之愛

宋王僧祐

汝家在市門我家在南郭汝家饒賓侶我家多鳥雀

仰贈從兄興寧南

梁何遜

家世傳儒雅貞白仰餘徽宗派已孤狹財產又貧微

栖息同蠅舍出入共荆扉松筆時臨沼蒲簡得垂帷

人部

卷六十二

四 從兄弟

幸逢四海泰日月耀增輝相顧無羽翮何由總奮飛

一朝異言宴萬里就睽違遠江飄素沫高山鬱翠微

相思對森森相望隔巍巍死灰終不然長岑且未歸

當憐此分袂脉脉淚沾衣

秋夕仰贈從兄真南

梁何遜

堦蕙漸翻葉池蓮稍罷花高樹北風響空庭秋月華

寸心懷是夜寂寂漏方賒撫弦乏歡娛臨觴獨歎嗟

悽愴戶涼入徘徊欄影斜無為淹戚里見就還田家

荅何秀才

梁何真南

自憐耿不寐擁褐至宵闌食江曙月落切戾曉風酸

終朝長守饒豐夜抱餘寒周道坦且集作直弱命將殢靈臺聊寄止戚里豈餘歡思家無積斂何以拯急難

贈從弟南平太守之遙

唐李白盛

少年不得意落魄無安居願隨任公子欲釣吞舟魚
常時飲酒逐風景壯心遂與功名疎蘭生谷底人不
鋤雲在高山空卷舒漢家天子馳駟馬赤車蜀道迎
相如天門九重謁聖人龍顏一解四海春彤庭左右
呼萬歲拜賀明主收沈淪翰林秉筆回英盼麟閣岬
嶮誰可見承恩初入銀臺門著書獨在金鑾殿龍駒

人部

卷六十二

五

從兄弟

雕銓白玉鞍象牀綺席黃金盤當時笑我微賤者却
來請謁爲交歡一朝謝病遊江海疇昔相知幾人在
前門長揖後門關今日結交明日改愛君山嶽心不
移隨君雲霧迷所爲夢得池塘生春草使我長價登
樓詩別後遙傳臨海作可見羊何共和之

涇州送族弟錞

唐李白盛

置酒送惠連吾家稱白眉愧無海嶠作敢闕河梁詩
見爾復幾朝俄然告將離中流漾綵鷁列岫叢金羈
歎息蒼梧鳳分棲瓊樹枝清晨各飛去飄落天南陲
望極落日盡秋深暝猿悲寄情與流水但有長相思

靈雲池送從弟

唐王維咸

金杯緩酌清歌轉畫舸輕移豔舞迴自歎鵲鴝臨水
別不同鴻鴈向池來

喜從弟淑初至

唐盧綸中

儒服策羸車惠然過我廬叙年慙已長稱從意何疎
作吏清無比爲文麗有餘應嗤受恩者頭白讀兵書
自河南經亂關內阻饑兄弟離散各在一處因
望月有感聊書所懷寄上浮梁大兄於潛七
兄烏江十五兄兼示符離及下邳弟妹

唐白居易中

人部

卷六十二

六

從兄弟

時難年饑世業空弟兄羈旅各西東田園寥落干戈
後骨肉流離道路中弔影分爲千里鴈辭根散作九
秋蓬共看明月應垂淚一夜鄉心五處同

送從兄坤載

唐李咸用晚

忍淚不敢下恐兄情更傷別離當亂世骨肉在他鄉
語盡意不盡路長愁更長那堪回首處殘照滿衣裳

○兄妹

贈妹九嬪悼離詩

晉左思

鬱鬱岱清海濱所經陰精以靈爲祥爲嶺峨峨令妹
應期誕生如蘭之秀如芝之榮總角岐嶷亂齡夙成

此德古烈異世同聲惟我惟妹寔惟同生早喪先妣
恩百常情女子有行實達父兄骨肉之恩固有歸寧
何悟離析隔以天庭自我不見于今二齡穆穆令妹
有德有言才麗漢班明朗楚樊默識若記下筆成篇
行顯中閨名播外藩何以爲贈勉以列圖何以爲言
申以詩書相去在近上下款款含辭滿胸鬱煩不舒

答兄感離詩

晉左貴嬪

自我去膝下倏忽踰再期邈邈浸彌遠拜奉將何時
披省所賜告尋玩悼離詞鬢鬢想容儀款款不自持
何時當奉面娛目於詩書何以訴辛苦告情於文辭

人部

卷六十二

七

兄姪

送兄

天后時有七歲女子能詩天
后令賦送兄詩應聲而成

別路雲初起離亭葉正飛所嗟人異鴈不作一行歸

唐七歲女子初

別弟妹二首

唐王維

兩妹日成長雙鬟將及人已能持寶瑟自解掩羅巾
念昔別時小未知疎與親今來始離恨拭淚方殷勤

三

小弟更孩幼歸來不相識同居雖漸慣見人猶未覓
宛作越人語姝甘水鄉食別此最爲難淚盡有餘憶

寄洛中諸妹

唐女冠元淳

舊國經年別關河萬里思題書憑鴈翼望月想蛾眉
白髮愁偏覺歸心夢獨知誰堪離亂處掩淚向南枝

元日寄韋氏妹

唐杜甫

近聞韋氏妹迎在漢鍾離郎伯姝方鎮京華舊國移
春城廻北斗郢樹發南枝不見朝正使啼痕滿面垂

寄校書七兄

唐女郎李季蘭

無事烏程縣蹉跎歲月餘不知芸閣吏寂寞竟何如
逌水浮仙棹寒星伴使車因過大雷岨莫忘幾行書

○叔姪

對雪奉餞任城六父秩滿歸京

唐李白

人部

卷六十三

八

叔姪

龍虎謝鞭策駕鸞不司晨君看海上鶴何似籠中鷄
獨用天地心浮雲乃吾身雖將簪組狎若與煙霞親
季父有英風白眉超常倫一官卽夢寐脫屣歸西秦
寶公敞華筵墨客盡來臻燕歌落胡鴈郢曲廻陽春
征馬百度嘶遊車動行塵躊躇未忍去戀此四座人
餞離駐高駕惜別空殷勤何時竹林下更與步兵鄰

示姪佐

唐杜甫

多疾秋風落君來慰眼前自聞茅屋趣只想竹林眠
谷山雲起侵籬澗水懸嗣宗諸子姪早覺仲容賢

送從叔陽水祗召赴都

唐李嘉祐

自小從游慣多由戲笑偏常時矜禮數漸老荷優憐
見主承休命爲郎貴晚年伯喈文與篆虛作漢家賢

送族姪赴任

唐錢起

林下不成興仲容微祿牽客程千里遠別念一片作

帆懸欲歎卑棲去其如勝趣偏雲山深郡郭花木淨

潮田坐嘯惟應下離居月復圓此時知小阮相憶綠

樽前

奉酬處士叔見示

唐韋應物

挂纓守貧賤積雪卧郊園叔父親降趾壺觴攜到門

高齋樂燕罷清夜道心存卽此同疎氏可以一忘言

入部

卷六十二

九

叔姪

寄上舍人叔

唐李端

車馬朝初下看山憶獨尋會知逢水盡且愛入雲深

殘雨開斜日新蟬發迴林阮咸雖別巷遙識此時心

酬趙少尹戲示諸姪元陽等因以見贈

唐盧綸

入龍三虎儼成行瓊樹花開鶴翼張且請同觀舞鸛

鶴何須竟麗食檳榔歸時每愛懷朱橘戲處常聞佩

紫囊謬入阮家逢慶樂竹林因得奉壺觴

弄龜兒

唐白居易

有姪始六歲字之爲阿龜有女生二歲其名曰羅兒

一始學笑語一能誦歌詩朝戲抱我足夜眠枕我衣

汝生何其晚我年行已衰物情小可念人意老多慈

酒美竟須壞月圓終有虧亦知恩愛緣乃是憂惱資

舉世同此累吾安能去之

宗族

贈長沙公族祖四章

并序

晉陶淵明

長沙公於余爲族祖同出大司馬昭穆既遠已爲

路人經過潯陽陽臨別贈此

同源分流人易世疎慨然寤歎念茲厥初禮服遂悠

歲月眇眇徂感彼行路眷然躊躇

入部

卷六十二

十

叔姪 宗族

於穆令族允構斯堂諸氣冬暄映懷圭璋爰采春花

載警秋霜我曰欽哉實宗之光

伊余云邁在長忘同笑言未久逝焉西東遙遙三湘

滔滔九江山川阻遠行李時通

何以寫心貽此話言進質雖微終焉爲山敬哉離人

臨路悽然欸襟或遼音問其先

誠族子

南史曰此族高峻少所交納唯與族

衣巷故謂之烏衣之遊因宴飲

晉謝混

康樂誕通度實有名家韻若加繩染功削瑩乃瓊瑾

運宣明體達識穎達且沈雋若能去方執穆穆三才

順宣明阿多標獨解弱冠纂華胤質勝誠無文其尚

又能峻字多通達懷清悟采采標蘭訊直響解不躡

抑用解偏客通達微子基微尚無倦由慕蘭勿輕一

簣少進往必千仞微即數子勉之哉風流由爾振如

不犯所知此外無所慎靈運等並有誠願之

贈族叔衛軍

齊王融

台曜澄華鉉岳裁峻經天爲象麗地作鎮不器其德

有斐斯文質超瑚璉才逸卿雲搖筆泉瀉動詠雲紛

德馨伊何如蘭之宣貞筠抽箭潤壁懷山六樂畢該

人部 卷六十二 宗族

五禮備貫七訓是敷三英有粲惟旦惟公惟公惟旦

贈族人林陵兄弟

何思登爲

梁何遜

吾宗昔多士文雅高縉紳小子無學術丁寧困負薪

傍枝實紛亂領袖寄親姻名價齊兩許閨門比三陳

風力咸通邁藝業並紛綸元方振高羽洛令初解巾

自爾典名郡所在號清淳齊兒敢爲俗蜀物豈隨身

祿俸不妻子謳吟乃吏民孰云穢明德惟在中聖人

若能遺酌我稱首當屬仁仲將本特達坎壈猶賤貧

方成天下士豈伊席上珍外情或簡易內鑒甚人倫

時然臨下邑摘伏信如神顧余晚脫略懷抱日湮淪

遊宦疲年事來往厭江濱十載猶先職一官乃任真

土牛竟不進芻狗空重陳羈旅無儔匹形影自相親

蕭索高秋暮砧杵鳴四鄰霏霏入牕雨漠漠暗牀塵

所思不可見邈若胡與秦願子加餐飯良會在何辰

吾宗

唐杜甫 盛

吾宗老孫子質朴古人風耕鑿安時論衣冠與世同

在家常早起憂國願年豐語及君臣際經書滿腹中

示從孫濟

唐杜甫 盛

平明跨驢出未知適誰門權門多踴躍且復尋諸孫

諸孫貧無事宅舍如荒村堂前自生竹堂後自生萱

人部 卷六十二 宗族

萱草秋已死竹枝霜不蕃淘米少汲水汲多井水渾

刈葵莫放手放手傷葵根阿翁懶惰久覺兒行步奔

所來爲宗族亦不爲盤餐小人利口食薄俗難具論

勿受外嫌猜同姓古所敦

○舅甥

戲題示蕭氏外甥

唐王維 盛

憐爾解臨池渠翁未學詩老夫何足似弊宅倘因之

蘆筍穿荷葉菱花冒鴈兒郊公不易勝莫著外家欺

別從甥萬盈

唐高適 盛

諸生曰萬盈四十乃知名宅相子偏重家丘人莫輕

美才應自料苦節豈無成莫以山田薄今春又不耕

贈從甥高五

唐李白盛

魚目高泰山不如一璵璠賢甥即明月聲價動天門
能成吾宅相不減魏陽元自顧寡籌略功名安所有
五木思一擲如繩繫窮猿檻中駿馬空堂上醉人喧
黃金久已罄爲報故交恩

奉送二十三舅錄事之攝柳

唐杜甫盛

賢良歸盛族吾舅盡知名徐庶高交友劉牢出外甥
泥塗豈珠玉環堵但柴荆衰老悲人世驅馳厭甲兵
氣吞江上別淚血渭陽情并鷁排風影林鳥反哺聲
人部 卷六十二 十三

永嘉多北至勾漏且南征必見公侯復終聞盜賊平
郴州頗涼冷橘井尚凄清從役何蠻陌居官志在行
奉送十七舅下邵桂 唐杜甫盛

絕域三冬暮浮生一病身感深辭舅氏別後見何人
縹緲蒼梧帝推遷孟母鄰昏昏阻雲水側望苦傷神
送外甥 唐張祐中

衰年生姪少唯爾最關心偶作魏舒別聊爲殷浩吟
白波舟不定黃葉落難尋自此尊中物誰當更共斟

寄訓直拱外甥覽余舊文

唐李端中

江遲本才子始冠卽周旋舅乏鄰鑒愛君如衛玠賢

禮將金友等情向玉人偏鄙俗那勞似龍鍾却要憐

示外甥

唐嚴維中

牽役非吾好寬情爾在傍經過悲并邑起坐倦舟航
宅生應貴逢時學可強無輕吾未用世事有行藏
赴池州拜觀舅氏留上考功郎中舅 唐盧綸中

孤賤易蹉跎其如酷似何衰榮同族少生長外家多
別國桑榆在沾衣血淚和應憐失行薦霜霰寄煙波

寄舅

唐崔塗晚

中朝軒冕內久絕寧家親白社同孤立青雲獨併伸
人部 卷六十二 十四

到君期折檻舉職在埋輪須信堯庭草猶能指佞人

石柱

外祖在南京宮七轉名曹鑑記皆在

唐鄭谷晚

暴亂免遺折森羅賢達名末郎何所取叨繼外門榮
○親戚 婿附

別詩

岳集曰堪爲成都王軍司晉潘岳馬岳送至北印別作詩曰

微微髮膚受之父母峨峨王侯中外之首子親伊姑

我父唯舅 世說曰阮千里姨兄弟潘安仁中外安仁詩所謂子親伊姑我父惟舅是許允婿

送重表姪王珣評事使南海

唐杜甫盛

我之曾老姑爾之高祖母爾祖未顯時歸爲尚書婦
隋朝大業末房杜俱交友長者來在門荒年自餬口

家貧無供給客位但箕箒俄頃羞頗珍寂寥人散後
入怪鬢髮空吁嗟爲之久自陳剪髮鬻市充杯酒
上云天下亂宜與英俊厚向竊窺數公經綸亦俱有
次問最少年虬髯十八九子等成大名皆因此人手
下云風雲合龍虎一吟吼願展丈夫雄得辭兒女醜
秦王時在坐真氣驚戶牖及平貞觀初尚書踐台斗
夫人常肩輿上殿稱萬壽六宮師柔順法則化妃后
至尊均嫂叔盛事傳不朽鳳雛無凡毛五色非爾曹
往者胡作逆乾坤沸嗷嗷吾客在馬邛爾家同道逃
爭奪至徒步塊獨委蓬蒿逗遛熱爾腸十里却呼號

人部

卷六十二

十五

觀城

唐元稹

自下所騎馬右持腰間刀左牽紫遊韁飛走使我高
苟活到今日寸心銘佩牢亂離又聚散宿昔恨滔滔
水花笑白首春草隨青袍廷評近要津節制收英髦
北驅漢陽傳南汎上瀧舸家聲肯墜地利器當秋毫
番禺親賢領籌運神功操大夫出盧宋寶貝休脂膏
洞主降接武海胡舶千艘我欲就丹砂跋涉覺身勞
安能陷糞土有志乘鯨鰲或駭鸞騰天聊作鶴鳴皋
贈咸陽少府蕭郎
唐元稹中

莫怪逢君淚每盈仲由多感有深情陸家幼女託良
婿阮氏諸房無外生顧我自傷爲弟拙念渠能繼事

姑名別時何處最腸斷日暮渭陽驅馬行

閑吟贈皇甫郎中親家翁

唐白居易中

誰能嗟歎光陰暮豈復憂愁活計貧忽忽不知頭上
事時時猶憶眼中人早爲良友非交勢晚接嘉姻不
失親最喜兩家婚嫁畢一時抽得尚平身

皇甫郎中親家翁赴任絳州宴送出城贈別

唐白居易中

慕賢入室交先定結援通家好復成新婦不嫌貧活
計嬌孫同慰老心情洛橋歌酒今朝散絳路風煙幾
日行欲識離羣相戀意爲君扶病出都城

人部

卷六十二

十六

觀城

唐元稹

別妻家

唐孟郊中

芙蓉濕曉露秋別南浦中鴛鴦卷新贈遙戀東牀空
碧水不息浪清谿易生風參差坐成阻飄飄去無窮
孤雲目雖斷明月心相通私情詎銷鑠積芳在春裝
寄內兄和州崔員外
唐杜牧晚

歷陽崔太守何日不含情恩義同鍾李

李膺鍾璠中
外兄弟少相

善墳實弟兄光塵能混合壁畫最分明臺閣仁賢
譽聞門孝友聲

登遷仁樓訓壻李穆

唐劉長卿中

臨風敞麗譙落日聽吹簫歸路空迴首新章已在腰

非才受官謗無政作人謚儉歲安三戶餘年寄六條
春蕪先楚國古樹過隋朝賴有東牀客池塘免寂寥

送子婿崔真甫歸長城

唐劉長卿中

送君卮酒不成歡幼女辭家事伯鸞桃葉宜人誠可
詠柳花如雪若為看心憐稚齒鳴環去身媿衰顏對
玉難惆悵暮帆何處落青山無限水漫漫

○交友

絕交 僚友附

思友詩

一作思高恢○漢書曰鴻友人京兆高恢少學老子隱於華陰山中及鴻東遊

思恢作詩二人遂不復相見恢亦高抗終身不仕

漢梁鴻

鳥嚶嚶兮友之期念高子今僕懷思想念恢兮爰集

人部

卷六十二

十七

親戚 交友

茲

懷友六章

晉陸雲

思樂芳林言采其菊衡薄遵塗中原有菽登彼脩巒
在林寤宿彷彿佳人清顏如玉

予美亡此誰為適道容與俟之玄髮方皓躑躅山阿
玩此芳草願餐其穎庶以遺老

聲聲嘉時飄忽棄了有瞻逝深永歎潛許登願扶桑
仰結飛翳伊人匪存遺芳孰與

精氣為物或降或升徂落攸往神奇有登死生為徒
存亡曷勝謂予不信遺籍有徵

閒居外物靜言樂幽繩樞增結甕牖綢繆和神當春
清節為秋天地則爾尸庭已悠

嗟我懷人悠悠其潛念昔先烈有懷所欽駭情玩世
堂允南金瓊輝邈矣誰適為心明發興言忼慨芳林

思友人詩

晉曹摅

密雲翳陽景霖潦淹

一作沾

庭除嚴霜凋翠草寒風振

纖枯凜凜天氣清落落卉木疎感時歌蟋蟀思賢詠
白駒情隨玄陰滯心與迴飈俱思心何所懷懷我歐

陽子精義測神奧清機發妙理自我別旬朔微言絕
于耳褰裳不足難清揚未可俟延首出階檐佇立增

人部

卷六十二

十八

交友

想似

答阮得猷

晉束縵

友朋顧之貽我良箴玩之無數終詠斯音燕鼎在舟
雖重不沈庶憑嘉謨高迹可尋

何嘗行

晉傅玄

同聲自相應同心自相知外合不由中雖固終必離
管鮑不世出結交安可為

停雲四章

并序

晉陶淵明

停雲思親友也饒湛新醪園列初榮願言不從歎
息彌襟

雷靄停雲濛濛時雨入表同昏平路伊阻靜寄東軒
春醪獨撫良朋悠邈搔首延佇

停雲靄靄時雨濛濛八表同昏平陸成江有酒有酒
閒飲東牕願言懷人舟車靡從

東園之樹枝條再榮競用新好以招余情人亦有言
日月于征安得促席說彼平生

翩翩飛鳥息我庭柯欽翮閒止好聲相和豈無他人
念子實多願言不獲抱恨如何

嘲友人

晉李充

同好齊歡愛纏綿一何深子既識我情我亦知子心

人部 卷六十二

十九 交友

燕婉歷年歲和樂如瑟琴良人不我俱中閣似商參
爾隔北山陽我分南川陰嘉會罔克從積思安可任
目想妍麗姿耳存清媚音脩晝興永念遙夜獨悲吟
逝將尋行役言別泣沾巾願爾降玉趾一顧重千金

贈友人

齊謝朓

芳洲有杜若可以贈佳期望望忽超遠何由見所思
我行未千里山川以間之離居方歲月故人不在茲
清風動簾夜明月照牕時安得同攜手酌酒賦新詩

擬盧郎中謏感交

梁江淹

大厦須異材廊廟非庸器英俊著世功多士濟斯位

春顧成綢繆乃與時髦匹姻媾久不虧契闊豈但一
逢厄既已同處危非所恤常慕先達槩觀古論得失
馬服爲趙將疆場得清謚信陵佩魏印秦兵不敢出
慨無幄中策徒慙素絲質羈旅去舊京一作感遇踰
琴瑟自顧非杞梓勉力在無逸更以畏友朋濫吹垂
名實

雞雉詩異苑曰朱文繡與羅子鍾爲友俱仕於南七里有山葬繡於其中北九里有澗埋鍾於其內繡神靈變爲雞鍾魂鬼化爲雉清鳴哀響往來不絕故詩曰

雞山別飛響雉澗和清音

人部

卷六十二

二十 交友

送喬隨州侶

唐沈佺期

結交三十載同遊一萬里情爲契闊生心由離別死
拜恩前後人從宦差池起今爾歸漢東明珠報知己

贈知己

唐楊諫

江南折芳草江北贈佳期江闊水復急過江常苦遲
蘋白蘭葉青恐度先香時美人碧雲外寧見長相思

贈任華

唐高適

丈夫結交須結實貧者結交結始親世人不解結交
者唯重黃金不重人黃金雖多有盡時結交一成無
竭期君不見管仲與鮑叔至今留名名不移

陳情贈友人

唐李白盛

延陵有寶劍價重千黃金觀風歷上國暗許故人深
歸來挂墳松萬古知其心懦夫感達節壯氣今本激

素一作衿鮑生薦夷吾一舉置齊相斯人無良朋豈

有青雲望臨財不苟取推一作分固辭讓後世稱其

賢英風邈難尚論交但若此友道孰云喪多君騁逸

藻掩映當時人舒文振頽波秉德一作冠尋倫卜居

乃此地共井為比鄰清琴弄雲月美酒娛冬春薄德

中見捐忽之如遺塵英豪未豹變自古多艱辛他人

縱以疎君意宜獨親奈何成離居相去復幾許飄風

人部

卷六十二

三十一 交友

吹雪竟蔽目不得語投珠冀有報按劍恐相拒所思

採芳蘭欲贈隔脩渚沈憂心若醉積恨淚如雨願假

東壁輝餘光照貧女

贈友人

唐李白盛

袖中趙匕首買自徐夫人玉匣閉霜雪經燕復歷秦

其事竟不捷淪落歸沙塵持此願投贈與君同急難

荆卿一去後壯士多摧殘長號易水上為我揚波瀾

鑿井當及泉張帆當濟川廉夫唯重義駿馬不勞鞭

人生貴相知何必金與錢

貧交行

唐杜甫盛

翻手作雲覆手雨紛紛輕薄何須數君不見管鮑貧
時交此道今人棄如土

題長安主人壁

唐張謂盛

世人結交須黃金黃金不多交不深縱令然諾暫相
許終是悠悠行路心

求友

唐王建中

鑒形須明鏡療疾須良醫若無傍人見形疾安自知
世路薄言行學成棄其師每懷一飯恩千重勸勉詞
數學既不誠朋友道日虧遂作名利交四海爭奔馳
常慕正直人生死不相離苟能成我身甘與僮僕隨

人部

卷六十二

三十一 交友

我言彼當信彼道我無疑針藥及病源以石投深池

終朝舉善道敬愛當行之縱令誤所見亦貴本相規

不求立名聲所貴去瑕玼各願貽子孫永為後世資

求友

唐孟郊中

北風臨大海堅冰臨河面下有大大波瀾對之無由見

求友須在良得良終相善求友若非良非良中道變

欲知求友心先把黃金鍊

審友

唐孟郊中

種樹須擇地惡土變木根結交若失人中道生謗言

君子芳桂性春榮冬更繁一作春濃小人槿花心朝

在夕不存莫躡冬冰堅中有潛浪翻唯當金石交可
以賢達論

勸友

唐孟郊中

至白涅不緇至交淡不疑人生靜躁殊莫厭相箴規
膠漆武可接金蘭文可思堪嗟無心人不如松柏枝

一作青松安

與劉伯宗絕交詩

漢朱穆

北山有鴟不潔其翼飛不正向寢不定息飢則木攬
飽則泥伏饕餮貪汚臭腐是食填腸滿膝嗜欲無極
長鳴呼鳳謂鳳無德鳳之所趨與子異域永從此訣

人部

卷六十二

二十三

交友

各自努力

與尚書同僚詩

晉傅咸

非望之寵謬加于已猥授非據奄司萬里煌煌朱軒
服驥驟驟睥睨初星肅肅臣僕暉光顯赫眾目所屬
斯之弗稱匪榮伊辱質弱尚父受任鷹揚德非樊仲
主命是將百城或違無能有匡一州之矜將弛其綱
得意忘言言在意後夫惟神交可以長久我心之孚
有盈于年與子偕老豈曰執手出司萬一作里牧彼
朔濱服冕乘軒六轡既均威風先邁百城肅震

以詩代書別後寄京邑僚友

梁陸倕

余本水鄉士閉門江海隅時逢世道泰蹇足步高衢
不能未能止內訟慙諸已僣勉從王事纚舟出淮泗
朋故遠追尋暝宿清江陰明旦一分手翻飛各異林
雙栖成獨宿宿俱飛忽異翔眷言思親友沈思結中腸
追惟疇昔時朝府多歡暇薄暮塵埃靜飛蓋遙相迓
李郭或同舟潘夏時方駕娛談終美景敷文永清夜
促膝豈異人戚戚皆朋一作姻姪今者一乖離漼然心
事差山川望猶近便似隔天涯王躬子加護昭質余
未虧八行思自勉一札望來儀

以詩代書贈京都舊寮

唐張九齡初

人部

卷六十二

二十四

交友

疇昔陪駕駕朝陽振羽儀來音雖寂實接景每逶迤
朝罷宴塵事賓來話酒厄邀歡逐芳草結興選華池
及此風成歎何時霧可披自憐無用者誰念有情離
望美音容闊懷賢夢想疲因聲達霄漢持拙守東陂
訓趙二侍御使西軍贈兩省舊寮之作

唐張九齡初

石室先鳴者金門待制同操刀嘗願割持斧竟稱雄
應敵兵初起緣邊虜欲空使車經隴月征旆繞河風
忽枉兼金訊非徒秣馬功氣清一作凌蒲海曲聲滿柏
臺中顧已塵華省欣君震遠戎明時獨匪報嘗欲退

微躬

夏晚九成宮呈同寮

唐李嶠

碣館分襄野平臺架射峰英藩信燁燁勝地本從容
林引梧庭鳳泉歸竹沼龍小軒恒共處長坂屬相從
野席蘭琴奏山臺桂酒釀一枰移晝景六著盡宵鐘
枚藻清詞律鄒譚耀辭鋒結歡良有裕聯案愧無庸
暫悅丘中賞還希物外蹤風煙遠近至魚鳥去來逢
月澗橫千丈雲崖列萬重樹紅山果熟嵯綠水苔濃
願以西園柳長間北巖松

戶部王曹長楊考功崔刑部二院長並同鍾陵

人部

卷六十二

二五 交友

使府之舊因以寄贈又陪郎署喜甚常寮因

書所懷且叙前好

唐權德輿

忽驚西江侶共作南宮郎宿昔芝蘭室今茲駕鸞行
子猷美風味左戶推公器含毫白雪飛出匣青萍利
子雲常燕居作賦似相如間成考課奏別貢院能書
子玉諒貞實持刑慎丹筆秋天鴻鵠姿晚歲松筠質
伊予誠薄才何幸復趨陪偶來塵石掖空此憶中臺
時節東流駛悲歡追往事待月登庾樓排雲上蕭寺
盍簪蓮府讌落帽龍沙醉極浦送風帆靈山眺煙翠
解頤通善謔喻指窮精義擢管或飛章分曹時按吏

雨散與蓬飄秦胡兩寂寥方期全擁腫豈望躡扶搖

夜直分三署晨趨共九霄外庭時接武廣陌更連鑣

北極星辰拱南薰氣序調欣隨眾君子並立聖明朝

和裴司空卽事通簡舊寮

唐張籍

肅肅上台坐四方皆仰風當朝奉明政早日立元功

獨對赤墀下密宣黃閣中猶聞動高韻思與舊寮同

○故舊

徐人歌

劉向新序曰延陵季子將聘晉帶寶劍以過徐君徐君觀劍不言而色欲之季子未獻也然其心已許之使返而徐君已死季子於是劍帶徐君墓樹而去徐人為歌

延陵季子今不忘故脫千金之劍今帶丘墓

人部

卷六十二

二六 故舊

子以劍帶徐君墓樹徐人嘉而歌之曰延陵季子不忘舊故千金之劍以帶丘墓

越謠歌

風土記曰越俗性率朴初與人交有禮封土壇祭以大雞祝曰

君乘車我帶笠他日相逢下車揖君檐簪我跨馬他

日相逢爲君下

一本作卿雖乘車我戴笠後日相逢下車揖我步行卿乘馬後日相逢君

贈故人馬子喬六首

宋鮑照

躑躅城上羊攀隅食玄草俱共日月輝昏明獨何早

夕風飄野簾飛塵被長道親愛難重陳

空老

寒灰滅更燃夕華晨更鮮春水雖暫解冬水復還堅

佳人捨我去賞愛長絕緣歡至不留日感物輒傷

松生隴坂上百尺下無枝東南望河尾西北隱崑崖

野風振山籟朋鳥夜驚離悲涼貫年節葱翠恒若斯

安得草木心不怨寒暑移

種橘南池上種杏北池中池北既少露池南又多風

早寒逼晚歲衰恨滿秋容湘濱有靈鳥其字曰鳴鴻

一挹繒繳痛長別遠無雙

皎如川上鵠赫似握中丹宿心誰不欺明白古所難

憑檻觀皓露灑酒盪憂顏永念平生意窮光不忍還

淹留徒攀桂延佇空結蘭

人部

卷六十二

三七

賦

雙劍將離別先在匣中鳴煙雨交將夕從此遂分形

雌沈吳江裏

一作水

雄飛入楚城吳江深無底楚關作

有崇局一為天地別豈直限幽明神物終不隔千

祀儻還并

集周公處連句

北周庾信

市朝一朝變蘭艾本同焚故人相借問平生如所聞

送同學故人

唐王建中

各為四方人此地同事師業成有先後不得長相隨

出林多道路緣岡復遶陂念君辛苦行令我形體疲

黃葉墮車前四散當此時亭上夜蕭索山風水離離

思故人

唐羅隱

故人不可見聊復拂鳴琴鵲遶風枝急螢藏露草深

平生四方志此夜五湖心惆悵友朋盡洋洋漫好音

○鄰里

鄰里相送至方山

宋謝靈運

祇役出皇邑相期憩越解纜及流潮懷舊不能發

析析就衰林皎皎明秋月含情易為盈遇物難可欺

積痼生慮寡欲罕所闕資此永幽棲豈伊年歲別

各勦口新志音塵慰寂蔑

南鄰

唐杜甫

人部

卷六十二

三八

鄰里

錦里先生烏角巾園收芋栗不全貧慣看賓客兒童

喜得食階除鳥雀馴秋水纔深四五尺野航恰受兩

三人白沙翠竹江村暮相送柴門月色新

北鄰

唐杜甫

明府豈辭滿藏身方告勞青錢買野竹白幘岸江皐

愛酒晉山簡能詩何水曹時來訪老疾步履到蓬蒿

鄉賦後自輦還田家鄰友見過之作

唐盧象

雞鳴出東邑馬倦登南巒落日見桑柘翳然丘中寒

鄰家多舊識投暝來相看且問春稅苦兼陳行路難

園場近陰壑草木易凋殘峰晴雪猶積澗深水已圍
浮名知何用歲宴不成歡置酒共君飲當歌聊自寬

與灤谿鄰里

唐元結盛

乾元元年元子將家自全於灤谿上元二年領荆
南之兵鎮於九江方在軍旅與灤谿鄰里不得如
往時相見遊又知灤谿之人日轉窮困故作詩與
之

昔年苦逆亂舉族來南奔日行幾十里愛君此山村
峰谷呀回映誰家無泉源脩竹多夾路扁舟皆到門
灤谿中曲濱其陽有閑園鄰里昔贈我許之及子孫
入部

卷六十二

二十九 鄰里

我嘗有匱乏鄰里能相分我嘗有不安鄰里能相存
斯人轉貧弱力役非無究終以灤濱訟無之天下論
喻灤谿鄉舊遊

唐元結中

往年在灤濱灤人皆忘情今來遊灤鄉灤人見我驚
我心與灤人豈有辱與榮灤人異其心應爲我冠纓
昔賢惡如此所以辭公卿貧窮老鄉里自休還力耕
况曾經逆亂日厭聞戰爭尤愛一谿水而能存灤名
終當來其濱飲啄全此生

贈西鄰盧少府

唐劉長卿中

離洛能相近漁樵偶復同苔封三徑絕谿向數家通

犬吠寒煙裏鷄鳴夕照中時因杖藜次一作傳四相
訪竹林東

贈東鄰鄭少府

唐錢起中

一聞白雪唱願見清揚久誰謂結綬來得陪趨府後
小邑藍谿上卑棲愜所偶宴言復連牆片月亦攜手
草色同春逕鶯聲共高柳美景百花時平生一杯酒
聖朝法天地以我爲芻狗秩滿歸白雲期君訪谷口

田園雨後贈鄰人

唐錢起中

安排常任性偃卧晚開戶樵客荷蓑歸向來春山雨
殘雲虹未落返景霞初吐時鳥鳴村墟新泉遶林圃
入部

卷六十二

三十 鄰里

堯年尚恬泊鄰里成太古室邇人遂遙相思怨芳杜
贈鄰居齊六司倉

唐錢起中

沈冥衆所遺咫尺絕佳期始覺衡門下倏然太古時
雞聲共鄰巷燭影隔茅茨坐惜牛羊逕芳蓀白露滋
巴陵逢洛陽鄰舍

唐耿漳中

因君知北事流浪已忘機久客多人識一作高年衆
病歸連雲湖色遶度雪鴈聲稀又說家林盡悽傷淚
滿衣

題鄰居

唐于鵠中

僻巷鄰家少茅簷喜並居蒸梨常共竈澆薤亦同渠

傳展朝尋藥分燈夜讀書雖然在城市還得似樵漁

欲與元八卜鄰先有是贈

唐白居易

平生心迹最相親欲隱牆東不爲身明月好同三徑
夜綠楊宜作兩家春每因暫出猶思伴豈得安居不
擇鄰何獨終身數相見子孫猶作隔牆人

以詩代書寄戶部楊侍郎勸買東鄰王家宅

唐白居易

勸君買取東鄰宅與我衡門相並開雲映嵩峯當戶
牖月和伊水入池臺林園亦要開閑置筋力應須及
健迴莫學因循白賓客欲年六十始歸來

入部

卷六十二

三

延康吟

唐賈島

寄居延壽里爲與延康鄰不受延康里愛此里中人
人非十年故人非九族親人有不朽語得之煙山春

題侯釗侍郎新昌里

唐盧綸

清源君子居左右滿圖書三逕春自足一瓢歡有餘
庭莎成野席蘭藥是家蔬幽顯豈殊迹昔賢徒病諸

詩集類函卷六十三

東吳俞安期彙纂 宣城梅鼎祚增定

金明蕭如薰訂校

人部五

幼慧 壯士 游俠 少年

○幼慧

客示桓麟詩

文士傳曰桓麟伯父烏官至太尉
麟年十二在坐烏告客曰此吾弟
乃作詩云云麟即應聲答云

甘羅十二揚烏九齡昔有二子今則桓生

荅客詩

漢桓麟

邈矣甘羅超等絕倫伊彼揚烏命世稱賢嗟予蠢弱

入部

卷六十三

幼慧

殊才偉年仰慙二子俯媿過言

江夏黃童

後漢黃香字文疆江夏人博
學經史究精道術京師號曰

天下無雙江夏黃童

殷往嗣

殷典通語曰殷禮字往嗣七歲就官學
從曲阿往返遂不知隄漬廣
狹及行旅宿關時人語曰

奇才強記殷往嗣

贈趙神童

唐李端

聖朝殊漢令才子少登科每見先鳴早常驚後進多
獨居方寂寞相對覺蹉跎不是通家舊頻勞文舉過

送司空神童

唐王建

詩集類函卷六十二

杏花壇上授書時不廢中庭趁蝶飛暗寫五經收部
秩初年七歲著衫衣秋堂白髮先生別古巷青襟舊
伴歸獨向鳳城持薦表萬人叢裏有光輝

贈童子郎

嚴司空孫字照郎十歲能賦詩往往有奇句書題有成人風

唐元稹中

衛瓘諸孫衛玠珍可憐雛鳳好青春解拈玉葉排新
句認得金環識舊身十歲佩鵲嬌稚子八行飛札老
成人楊公莫訝清無業家有驪珠不復貧

見小姪龜兒詠燈詩并臘娘製衣因寄行簡

唐白居易中

人部

卷六十三

二

幼慧

已知臘子能裁服復報龜兒解詠燈巧婦才人常命
薄莫教男女苦多能

○壯士

安封侯詩

漢崔駰

戎馬鳴兮金鼓震壯士激兮忘身命被光甲兮跨良
馬揮長戟兮毅一作強弩

壯士篇

晉張華

天地相震蕩回薄不知一作可窮人物稟常格有始必
有終年時俛仰過功名宜速崇壯士懷憤激安能守
虛冲乘我大宛馬撫我繁弱弓長劒橫九野高冠拂

玄穹慷慨戎素霓嘯吒起清風震響駭八荒奮威
四戎濯鱗滄海畔馳騁大漠中獨步聖明世四海稱
英雄

博陵王宮俠曲二首

晉張華

俠客樂幽險築室窮山陰獠獵野獸稀施網川無禽
歲暮飢寒至慷慨頓足吟窮令壯士激安能懷苦心
干將坐自口繁弱控餘音耕佃窮淵陂種粟著劒鐔
收秋狹路間一擊重千金棲遲熊羆穴容與虎豹林
身在法令外縱逸常不禁

雄兒任氣俠聲蓋少年場借友行報怨殺人租市旁

人部

卷六十三

三

壯士

吳刀鳴手中利劒嚴秋霜腰間義素戟手持白頭鏤
騰超如激電迴旋如流光奮擊當手決交屍自縱橫
寧為殤鬼雄義不入圍牆生從命子遊死聞俠骨香
身沒心不懲勇氣加四方

臨江王節士歌

齊陸厥

木葉下江波連秋月照浦雲歇山秋思不可裁復帶
秋風來秋風來已寒白露驚羅紈節士慷慨髮衝冠
彎弓挂若木長劒竦雲端

帳下壯士

江表傳曰典韋容貌魁傑名冠三軍其所持手戟長一尋軍中為之語

帳下壯士有典君手把雙戟八十斤

隴上歌

晉無名氏

隴上壯士有陳安軀軀雖小腹中寬愛養將士同心
肝驕驄父一作馬鐵鍛鞍七尺大刀奮如湍丈八蛇
矛左右盤十盪九決無當前戰始三交矢蛇矛棄我
驕驄竄巖幽爲我外援而懸頭西流之水東流河一
去不還奈子何

長白山歌

北史曰來整榮國公護兒之子也尤驍勇善撫御討擊羣賊所向皆捷諸

賊歌

長白山頭百戰場十五五把長鎗不畏官軍十一作

人部

卷六十三

四

壯士

千萬衆只怕榮公第六郎

臨江王節士歌

唐李白盛

洞庭白波木葉稀燕鴻始入吳雲飛吳雲寒燕鴻苦
風號沙宿瀟湘浦節士悲秋淚如雨白日當天心照
之可以事明主壯士憤雄風生安得倚天劍跨海斬
長鯨

幽州胡馬客歌

唐李白盛

幽州胡馬客綠眼虎皮冠笑拂兩隻箭萬人不可十
彎弓若轉月白鴈落雲端雙雙掉鞭行遊獵向樓蘭
出門不顧後報國死何難天驕五單于狼戾好兇殘

牛馬散北海割鮮若虎餐雖居燕支山不道朔雪寒
婦女馬上笑顏如頰玉盤翻飛射鳥獸花月醉雕鞍

旄頭四光芒爭戰若蜂攢白刃洒赤血流沙爲之丹
名將古誰是疲兵良可歎何時天狼滅父子得閑安

扶風豪士歌

唐李白盛

洛陽三月飛胡沙洛陽城中人怨嗟天津流水波赤
血白骨相撐如亂麻我亦東奔向吳國浮雲四塞道
路賒東方日出啼早鴉城門人開掃落花梧桐楊柳
拂金井來醉扶風豪士家扶風豪士天下奇意氣相
傾山可移作人不倚將軍勢飲酒豈顧尚書期雕盤

人部

卷六十三

五

壯士

綺食會賓客吳歌趙舞香風吹原嘗春陵六國時開
心寫意君所知堂中各有三千士明日報恩知是誰
撫長劍一揚眉清水白石何離離脫吾帽向君笑飲
君酒爲君吟張良未遂赤松去橋邊黃石知我心

結襪子

唐李白盛

燕南壯士吳門豪筑中置鉛魚隱刀感君恩重許君
命泰山一擲輕鴻毛

幽燕客原作古意

唐李頎盛

男兒事長征少小幽燕客賭勝馬蹄下由來輕七尺
殺人莫敢前鬚如蝟毛磔黃雲隴底白雪飛未得報

恩不能歸遼東小婦年十五慣彈琵琶解歌舞今爲
羌笛出塞聲使我三軍淚如雨

義士

原作
雜興

唐王昌齡

握中銅匕首粉剗楚山鐵義士頻報讎殺人不曾缺
可悲燕丹事終被狼虎滅一舉無兩全荆軻遂爲血
誠知匹夫勇何取萬人傑無道吞諸侯坐見九州裂

壯士行

唐劉禹錫

陰風振寒郊猛虎正咆哮徐行出燒地連吼入黃茅
壯士走馬去鐙前彎玉稍叱之使人立一發如鼓交
悍睛忽星墮飛血濺林梢彪炳爲我席羶腥充我庖

入部

卷六十三

六十一壯士

里中欣害除賀酒紛呶號明日長橋上傾城看斬蛟

猛士行

唐李廓

戰鼓驚沙惡天色猛士虬鬚眼前黑單于衣錦日行
兵陣頭走馬生擒得幽并少年不敢輕虎狼窟裏空
手行

贈李果毅

唐盧綸

向日磨金鏃當風著錦衣上城邀賊語走馬截鵬飛

○游俠

游俠篇

晉張華

翩翩四公子濁世稱賢名龍虎相交爭七國竝抗衡

食客三千餘門下多豪英遊說朝夕至辯士自縱橫
孟嘗東出關濟身由雞鳴信陵西返魏秦人不窺兵
趙勝南詛楚乃與毛遂行黃歇北適秦太子還入荆
美哉游俠士何以尚四卿我則異於是好古師老彭

俠客篇

梁王筠

俠客趨名利劍氣坐相矜黃金塗鞘尾白玉飾鈎膺
晨馳逸廣陌日暮返平陵舉鞭向趙李與君方代興

游俠

古意

梁王僧孺

青絲控燕馬紫文飾吳刀朝風吹錦帶落日映珠袍
陸離關右客照耀山西豪雖非學詭遇終是任逢遭

入部

卷六十三

七

游俠

人生會有死得處如鴻毛寧能偶雞鶩寂寞隱蓬蒿

游俠篇

北周王褒

京洛出名謳豪俠競交游河南期四姓關西謁五侯
鬪雞橫大道走馬出長楸桑陰徙將夕槐路轉淹留

游俠

原作
古曲

北周王褒

青樓臨大道游俠盡在淹留陳王金被馬秦女桂
爲鈎馳輪洛城巷鬪雞南陌頭薄暮風塵起聊爲清

夜遊

賦得俠客控絕影陸士衡擬古詩曰俠客
控絕影御人騁玉衡

陳陽縉

青門小苑物華新
花開鳥弄會芳春
仙掌層臺浮麗日
長楸廣路起紅塵
園中追尋桃李徑
陌上逢迎游俠人
游俠英名馳上國
人馬意氣俱相得
白玉鹿盧秋水劍
青絲宛轉黃金勒
復有魚目並龍文
躡影追風本絕羣
影入吳門疑曳練
形來西北似浮雲
寄語幽并馳射客
未肯推門一作持借君

游俠篇

隋陳良

洛陽麗春色
游俠騁輕肥
水逐車輪轉
塵隨馬足飛
雲影遙臨蓋
花氣近薰衣
東郊關雞罷
南皮射雉歸
日暮河橋上
揚鞭惜晚暉

人部

卷六十三

八

游俠

游俠原作鴻門行

唐袁韞初

少年買意氣
百金不辭費
學劍西入秦
結交北遊魏
秦魏多報人
與世亦殊倫
由來不相識
皆是暗相親
寶馬青絲轡
狐裘貂鼠服
晨過劇孟遊
暮投咸陽宿
然諾本云云
諸侯莫不聞
猶思百戰術
更逐李將軍
始從瀾陵下
遙遙度朔野
北風聞楚譟
南庭見胡馬
胡馬秋正肥
相邀夜合圍
戰酣烽火滅
路斷收兵稀
白刃縱橫逼
黃塵飛不息
虜騎血灑衣
單于淚沾臆
獻凱雲臺中
自言塞上雄
將軍行失勢
部曲遂無功
新人不如舊
舊人不相救
萬里長飄颻
十年計不就

棄置難重論
驅馬度鴻門
行看楚漢事
不覺風塵昏
寶劍中夜撫
悲歌聊自舞
此曲不可終
曲終淚如雨

古游俠呈軍中諸將

唐崔顥盛

少年負膽氣
好勇復知機
仗劍出門去
孤城逢合圍
殺入遼水上
走馬漁陽歸
錯落金鎖甲
蒙茸貂鼠衣
還家行且獵
弓矢速如飛
地迴鷹犬疾
草深狐兔肥
腰間帶兩綬
轉眄生光輝
顧謂今日戰
何如隨建威

俠客原作雜詩

唐盧象昇盛

家居五原上
征戰是平生
獨負山西勇
誰當塞上名
死生遼海戰
雨雪薊門行
諸將封侯盡
論功獨不成

人部

卷六十三

九

游俠

游俠原作龍吟

唐王維盛

長城少年游
俠客夜上戍
樓看太白龍
頭明月迴臨關
隴上行
人吹夜笛關西老
將不勝愁駐馬聽之雙
淚流身經大小百餘戰
麾下偏裨萬戶侯
蘇武才爲典屬國
節旄空盡海西頭

俠客行

唐李白盛

趙客縵胡纓
吳鉤霜雪明
銀鞍照白馬
颯沓如流星
十步殺一人
千里不留行
事了拂衣去
深藏身與名
閒過信陵飲
脫劍膝前一作橫
將炙啖朱亥
持觴勸侯嬴
三杯吐然諾
五嶽倒爲輕
眼花耳熱後
意氣素

覓生救趙揮金槌邯鄲先震驚千秋二壯士烜赫大
梁城縱死俠骨香不慙世上英誰能書閣下白首太
玄經

王壺吟

唐李白

烈士擊玉壺壯心惜暮年三杯拂劍舞秋月忽然高
詠涕泗連鳳凰初下紫泥詔謁帝稱觴登御筵揄揚
九重萬乘主謠浪赤墀青瑣賢朝天數換飛龍馬勅
賜珊瑚白玉鞭世人不識東方朔大隱金門是謫仙

游俠

原作城旁曲

唐王昌齡

秋風鳴桑條草白狐兔驕邯鄲飲來酒未消城北原

人部

卷六十三

十一

游俠

平掣皂鵬射殺空營兩騰虎迴身却月佩弓消

逢俠者

唐錢起

燕趙悲歌士相逢劇孟家寸心言不盡前路日將斜

俠客行

唐元稹

俠客不怕死怕死事不成事成不可藏姓名我非竊
賊誰夜行白日堂堂殺表盜九衢草草人面青此客
此心師海鯨海鯨露背橫滄溟海波分作兩處生分
海滅海力俠客有謀人不識測三尺鐵地延二國

俠遊

原作贈張建封

唐韓翃

結客平陵下當年倚俠遊傳有輶輪劍醉脫驢嘶裘

翠羽雙鬟妾珠簾百尺樓春風坐相待晚日莫淹留

游俠行

唐孟郊

壯士性剛決火中見石裂殺人不迴頭輕生如暫別
豈知眼有淚肯向頭上髮平生無恩酬劍開一百月

白馬篇

魏陳思王

白馬飾金羈連翩西北馳借問誰家子幽并游俠兒
少小去鄉邑揚聲沙漠垂宿昔秉良弓楛矢何參差
控弦破左的右發摧月支仰手接飛猱俯身散馬蹄
狡捷過猴猿勇剽若豹螭邊城多警急胡虜一
遷移羽檄從北來厲馬登高隄長驅蹈匈奴左顧陵

人部

卷六十三

十一

游俠

鮮卑棄身鋒刃端性命安可懷父母且不顧何言子
與妻名編一作在壯士籍不得中顧私捐軀赴國難視
死忽如歸

效子建白馬篇

宋袁淑

劍騎何翩翩長安五陵間秦地天下樞八方湊才賢
荆魏多壯士宛洛富少年意氣深自負一作肯事郡
邑權籍籍關外來車徒傾國塵五侯競書幣羣公亟
爲言義分明於霜信行直如弦交歡池陽下留宴汾
陰西一朝許人諾何能坐相捐影節去函谷投珮出
甘泉嗟此務遠圖心爲四海懸但營身意遂豈校耳

目前俠烈良有聞古來共知然

代陳思王白馬篇

宋鮑照

白馬駢角弓鳴鞭乘北風要途問邊急雜虜入雲中
閉壁自往夏清野徑還冬僑裝多關絕旅服少裁縫
埋身守漢境一作沈命對胡封薄暮塞雲起飛沙被
遠松含悲望兩都楚歌登四墉丈夫設計誤懷恨逐
邊戎棄一作能別中國愛要異胡馬功去來今何道卑
賤生所鍾但今塞上見知我獨爲雄

白馬篇

齊孔稚珪

驢子跼且鳴鐵陣與雲平漢家嫖姚將馳突匈奴庭

人部

卷六十三

十一

游俠

少年鬪猛氣怒髮爲君征雄戟摩白日長劍斷流星
早出飛狐塞晚泊樓煩城虜騎四山合胡塵千里驚
嘶笳振地響吹角沸天聲左碎呼韓陣右破休屠兵
橫行絕漠表飲馬瀚海清隴樹枯無色沙草不常青
勒石燕然道凱歸長安亭縣官知我健四海誰不傾
但使強胡滅何須甲第成當今丈夫志獨爲上古英

白馬篇

梁沈約

白馬紫金鞍停鑣過上蘭寄言狹斜子詎知隴道難
赤坂途三折龍堆路九盤冰生肌裏冷風起骨中寒
功名志所急日暮不遑餐長驅入右地輕舉出樓蘭

直去已垂涕寧可望長安匪期定遠封無羨輕車官
唯見恩義重豈覺衣裳單本持軀命答幸遇身名完

白馬篇

梁王僧孺

千里生冀北玉韜黃金勒散蹄去無已搖頭意相得
豪氣發西山雄風擅東國飛鞚出秦隴長驅繞岷嶰
承謨若有神稟算良不惑節汨河水黃參差嶂雲黑
安能對兒女垂帷弄毫墨兼弱不稱雄後得方爲特
此心亦何已君恩良未塞不許跨天山何由報皇德

白馬篇

梁徐悱

妍蹄飾鏤鞍飛鞚度河干少年本上郡遨遊入露寒

人部

卷六十三

十三

游俠

劍琢荆山玉彈把隋珠丸聞有邊烽急飛候至長安
然諾竊自許捐軀諒不難占兵出細柳轉戰向樓蘭
雄名盛李霍壯氣勇彭韓能令石飲羽復使髮衝冠
要功非汗馬報效乃鋒端日沒塞雲起風悲胡地寒
西征馘小月北去腦烏丸歸報明天子燕然石一作今
復刊

白馬篇

隋王胄

白馬黃金鞭蹀躞柳城前問此何鄉客長安惡少年
結髮從戎事馳名振朔邊良弓控繁弱利劍揮龍淵
披林扼彫虎仰手接飛鳶前年破沙漠昔歲取祁連

折衝權右校擐旗殪左賢昆彌還謝方

昆樂府作屬左傳伏虎淵

如虎者也慶忌本推懷海外平遐險來庭識負三

韓勞薄伐六事指幽燕良家選河右猛將征西山浮

雲屯羽騎蔽日引長旌自矜有餘勇應募忽爭先王

師已得雋夷首失求

諒一作全

鼓行獨王檢乘勝蕩朝

鮮志勇期功立寧憚微軀損不羨山河賞誰希竹素

傳

白馬篇

隋辛德源

任俠重芳辰相從競逐春金羈絡緒汗紫縷

一作應

紅塵寶劍提一作橫三尺雕弓韜六鈞鳴珂蹀細柳飛

人部

卷六十三

十四

海俠

蓋出宜春遙見浮光一作雲發懸知上頭人

白馬篇

唐李白盛

龍馬花雪毛金鞍五陵豪秋霜切玉劍落日明珠袍

鬪雞事萬乘軒蓋一何高弓摧南山虎手接太行猱

酒後競風彩三杯弄寶刀殺人如翦草劇孟同遊遨

發憤去函谷從軍向臨洮叱咤萬戰場匈奴盡波濤

歸來使酒氣未肯拜蕭曹羞入原憲室荒徑隱蓬蒿

劉生

梁元帝

任俠有劉生然諾重西京扶風好驚坐長安恒借名

榴花聊夜飲竹葉解朝醒結交李都尉遨遊佳麗城

劉生

陳後主

游俠長安中置驛過新豐擊鐘蒲壁磬鳴弦楊葉弓

孟公正驚客朱家始賣僮羞作荆卿笑捧劍出遼東

劉生

陳徐陵

劉生殊倜儻任俠遍京華戚里驚鳴筑平陽吹怨笳

俗儒排左氏新室忌漢家高才被擯壓自古共憐嗟

劉生

陳江暉

五陵多美選六郡盡良家劉生代豪蕩標舉獨榮華

寶劍長三尺金樽滿百花唯當重意氣何處有驕奢

劉生外編作王由禮題云贈俠侶

陳江總

人部

卷六十三

十五

游俠

劉生負意氣長嘯且徘徊一作論明秋水命賞陟

春臺干戈倜儻用筆硯縱橫才置驛無年限游俠四

方來

劉生

陳張正見

劉生絕名價豪俠恣遊陪金門四姓聚繡轂一作五

侯一作香來塵飛瑪瑙勒酒映碑礫杯別有追遊夜秋

牕向月開

劉生

隋弘執恭

英名振關右雄氣逸江東游俠五都內去來三秦中

劍照七星影馬控千金驄縱橫方未息因茲定武功

劉生

隋柳莊

座驚稱字孟

一作四坐

豪雄道姓劉廣陌通朱邸大

路起青樓要賢驛

一作驛

已置留賓客一作客轄且投光斜日下

霧庭陰月上鈎

劉生

唐盧照鄰

初

劉生氣不平抱劍欲專征報恩爲豪俠死難在橫行
翠羽裝劍鞘黃金鏤馬纓但令一顧重不恡自身輕

劉生

唐楊炯

初

卿家本六郡年長入三秦白璧酬知己黃金謝主人
劍鋒生赤電馬足起紅塵日暮歌鐘發喧喧動四鄰

人部

卷六十三

十六

游俠

劉頗詩

唐元稹

中

昌平人劉頗其上三世有義烈頗少落行陣二十
解屬文舉進士科試不就負氣俠路間病罷車蔽
柩盡碎之聲囊酬直而去南歸唐州爲吏所軋勢
不支氣屈自火其居出契書投火中繇是以氣聞
予聞風四五年而後見因以詩許之

一言感激士三世義忠臣破甕嫌妨路燒莊耻屬人
迴分遼海氣閑踏洛陽塵儻使權由我還君白馬津

韋道安

唐柳宗元

中

道安本儒士頗擅弓劍名二十遊太行暮聞哭泣聲

疾驅前致問有叟垂華纓言我故刺史失職還西京

偶爲羣盜得毫縷無餘贏貨財足非恡二女皆娉婷

倉皇見驅逐誰識死與生便當此殞命休復事晨征

一聞激高義背裂肝膽橫挂弓問所往趨捷超崢嶸

見盜寒礪陰羅列方忿爭一矢斃酋帥餘黨號且驚

麾令遽束縛纏索相拄撐彼姝久褫魄刃下俟誅刑

却立不親授論以從父行裙收自擔肩轉道趨前程

夜發敲石火山林如晝明父子更抱持涕血紛交零

頓首願歸貨納女稱舅甥道安奮然去義重利固輕

師婚古所病全姓非用兵竭來事儒術十載所能逞

人部

卷六十三

十七

游俠

必貞慷慨張徐州朱邸揚前旌投軀獲所願前馬出
王城轅門立奇士淮水秋風生君侯旣卽世麾下相
歎傾立孤抗王命鐘鼓四野鳴橫潰非所壅逆節非
所嬰舉頭自引刃顧義誰顧形烈士不忘死所死在
忠貞咄嗟狗權子翕習猶趨榮我歌非悼死所悼時
世情

少年

少年

原作

宋鮑照

幽并重騎射少年好馳逐
羶帶佩雙鞬象弧插彫服
獸肥春草短飛鞚越平陸
朝遊鴈門上暮還樓煩宿

石梁有餘勁驚雀無全目漢虜方未和邊塵屢翻覆
留我一白羽將以分符一作虎竹

少年子

齊王融

聞有東方騎遙見上頭人待君送客返挂釵當自陳

少年原作學古

梁何遜

長安美少年羽騎暮連翩玉羈瑪瑙勒金絡珊瑚鞭

陣雲橫塞起赤日下城圓追兵待都護烽火望祁連

虎落夜方寢魚麗曉復前平生不可定空信蒼浪天

少年原作古意

梁吳均

西都盛冠蓋九達塵霧塞中有惡少年伎能專自得

人部

卷六十三

十八少年

玉鞭蓮花劒金莖流星勒聊為路傍人寫鞞長楸北

少年原作吳均

梁蕭子雲

欲知健少年本來最輕點綠沈弓項縱紫艾刀橫拔

誰持命要寵寧知敵可殺有功終不言明君自應察

長安少年行

陳沈炯

長安好少年驄馬鐵連錢陳王裝腦勒晉后鑄金鞭

步搖如飛鶯寶劒一作劍鐔似舒蓮去來新市側遨遊大

道邊道邊一老翁顏鬢如衰蓬自言居一作生漢世少

小見豪雄五侯俱拜爵七貴各論功建章通北闕複

道度南宮太后居長樂天子出回中玉輦迎飛鶯金

山賞鄧通

少年子

唐李白樂初

少年飛翠蓋上路動金鑣始酌文君酒新吹弄玉簫

少年不歡樂何以盡芳朝千金笑裏面一擲掌中腰

挂纓豈憚宿落珥不勝嬌寄語少年子無辭歸路遙

少年行

唐張昌宗初

少年不識事落託遊韓魏珠軒流水車玉勒浮雲騎

從橫意不一然諾心無二白璧贈穰苴黃金奉毛遂

妙舞飄龍管清歌吟鳳吹三春小苑遊千日中山醉

直言身可沈誰論名與利依倚孟嘗君自知能市義

人部

卷六十三

十九少年

少年行

唐鄭愔初

潁川豪橫客咸陽輕薄兒田竇方貴幸趙李新相知

軒蓋終朝集笙竿此夜吹黃金盈篋箭白日忽西馳

少年子

唐李白盛

青雲年少子挾彈章臺左鞍馬四邊開突如流星過

金丸落飛鳥夜入瓊樓卧夷齊是何人獨守西山餓

少年行

唐李白盛

君不見淮南少年游俠客白日毬獵夜擁擲呼盧百

萬終不惜恨離千里如咫尺少年游俠好經過渾成

裝束皆綺羅蘭蕙相隨喧妓女風光去處滿笙歌驕

矜自言不可有俠士堂中養來久好鞍好馬乞與人
十千五千旋沽酒赤心用盡爲知己黃金不惜栽桃
李桃李栽來幾度春一回花落一回新府縣盡爲門
下客王侯皆是平交人男兒百年且樂命何須狗書
受貧病男兒百年且榮身何須狗節甘風塵衣冠半
是征戰士窮儒浪作林泉民遮莫枝根長百丈不如
當代多還往遮莫親姻連帝城不如當身自簪纓看
取富貴眼前者何用悠悠身後名

少年行

唐李白 盛

擊筑飲美酒劍歌易水涓經過燕太子結託并州兒

人部

卷六十三

二十

少年

少年行

唐李白 盛

五陵年少金市東銀鞍白馬度春風落花踏盡遊何
處笑入胡姬酒肆中

少年行

唐王昌齡 盛

西陵俠少年送客短長亭青槐夾兩路白馬如流星
聞道羽書急單于寇井陘氣高輕赴難誰願燕山銘

少年行

唐杜甫 盛

馬上誰家白面郎臨階下馬坐人牀不通姓字麤豪
甚指點銀瓶索酒嘗

少年行四首

唐王維 盛

新豐美酒斗十千咸陽遊俠多少年相逢意氣爲君
飲繫馬高樓垂柳邊

出身仕漢羽林郎初隨驃騎戰漁陽孰知不向邊庭
苦縱死猶聞俠骨香

一身能擘兩雕弧虜騎千重只似無偏坐金鞍調白
羽紛紛射殺五單于

漢家君臣歡宴終高議雲臺論戰功天子臨軒賜侯
印將軍佩出明光宮

少年行

唐吳象之 盛

人部

卷六十三

二十一

少年

承恩借獵小平津使氣常遊中貴人一擲千金渾是
膽家無四壁不知貧

少年行

唐崔國輔 盛

遺却珊瑚鞭白馬驕不行章臺折楊柳春日路傍情

少年行

唐芮挺章 盛

任氣稱張放銜恩在少年玉階朝就日金屋夜昇天
軒騎青雲際笙歌綠水邊建章明月好留醉伴風煙

少年行

唐李疑 盛

十八羽林郎戎衣事漢王臂鷹金殿側挾彈玉輿傍
馳道春風起陪遊出建章

侍獵長楊下承恩更射飛塵生馬影滅箭落鴈行稀
薄暮隨天仗聯翩入瑣闥

玉劔膝邊橫金杯馬上傾朝遊茂陵道夜宿鳳凰城
豪吏多猜忌毋勞問姓名

渭城少年行

唐崔顥 盛

洛陽三月梨花飛秦地行人春憶歸揚鞭走馬城南
陌朝逢驛使秦川客驛使前日發章臺傳道長安春
早來棠梨宮中燕初至葡萄館裏花正開念此使人
歸更早三月便達長安道長安道上春可憐搖風蕩
日曲江邊萬戶樓臺臨渭水五陵花柳滿秦川秦川
人部 卷六十三 王 少年

寒食盛繁華遊子春來不見家關雎下社塵初合走
馬章臺日半斜章臺帝城稱貴里青樓日晚歌鐘起
貴里豪家白馬驕五陵年少不相饒雙雙挾彈來金
市兩兩鳴鞭上渭橋渭城壚頭酒初熟金鞍白馬誰
家宿可憐錦瑟琴琵琶玉壺新酒就君家小婦春來
不解羞嬌歌一曲楊柳花

邯鄲少年行

唐高適 盛

邯鄲城南游俠子自矜生長邯鄲裏千場縱博家仍
富幾處報讎身不死宅中歌笑日紛紛門外車馬如
雲屯未知肝膽向誰是令人却憶平原君君不見今

人交態薄黃金用盡還疎索以茲感歎辭舊遊更於
時事無所求且與少年飲美酒往來射獵西山頭

邯鄲少年行

唐鄭錫 盛

霞鞍金口騮豹袖紫貂裘家住叢臺下門前漳水流
喚人呈楚舞借客試吳鉤見說秦兵至甘心赴國讎

少年行

唐劉長卿 中

射飛誇侍獵行樂愛聯鑣薦枕青蛾豔鳴鞭白馬驕
曲房珠翠合深巷管絃調日晚春風裏衣香滿路飄

少年行三首

唐令狐楚 中

家本清河住五城須憑弓箭覓功名等閑飛鞚秋原
人部 卷六十三 王 少年

上猶向寒雲試射聲

弓背霞明劒照霜秋風走馬出咸陽未收天子河源
地不擬回頭望故鄉

霜滿庭中月滿樓金樽玉柱對清秋當年稱意須爲
樂不到天明未肯休

長安少年行十首

唐李廓 中

金紫少年郎繞街鞍馬狂身從左中尉官屬右春坊
剡戴楊州帽重薰異國香垂鞭踏青草來去杏園芳

二

追逐輕薄伴閑遊不著緋長櫓出獵馬數換打裘衣

曉日尋花去春風帶酒歸青樓無晝夜歌舞飲時稀

三

日高春睡足帖馬賞年華倒挿銀魚袋行隨金犢車

還攜新市酒遠醉曲江花幾度歸伊黑金吾送到家

四

好勝耽長夜天明燭滿樓留人看獨脚賭馬換偏頭

樂奏曾無歇杯巡不暫休時時搖令笑怪客有□□

五

遨遊攜豔妓裝束似男兒杯酒逢花住笙歌簇馬吹

鶯聲催曲急春色送歸遲不以聞街鼓華筵待月移

人部

卷六十三

二十四

少年

六

賞春唯逐勝大宅可曾歸不樂還逃席多狂慣袂衣

歌人踏日起語驚卷簾飛婦好唯相妬倡樓不醉稀

七

戟門連日閉苦飲惜殘春開鎖通新客教姬屈醉人

清歌牽白馬自舞踏紅茵時輩皆相許平生不負身

八

新年高殿上始見有光輝玉鴈排方帶金鵝立仗衣

酒深和婉賜馬疾打珂飛朝下人爭看香街意氣歸

九

遊市慵騎馬隨姬入座車樓邊聽歌吹簾外中釵花
樂眼從人開歸心畏日斜蒼頭來去報飲伴到倡家

十

小婦教鸚鵡頭邊喚酒醒大嬌眠玉簫鷹掣撼金鈴

碧地攢花障紅泥待客亭雖然長按曲不飲不曾聽

少年行

唐韓翃中

千點爛熳玉勒驄青絲結尾繡纏腰揮鞭晚出章臺

路葉葉春衣楊柳風

少年行

唐張籍中

少年從獵出長楊禁中新拜羽林郎獨到輦前射雙

人部

卷六十三

二十五

少年

虎君王手賜黃金璫日日鬪雞都市裏贏得寶刀重

刻字百里報讎夜出城平明還在娼樓醉遙聞虜到

平陵下不待詔書行上馬斬得名王獻桂宮封侯起

第一日中不爲六郡良家子百戰始取邊城功

城傍少年

唐李益中

生長邊城傍出身事弓馬少年有膽氣獨獵陰山下

偶與匈奴逢曾擒射鴈者名懸壯士籍請君少相假

少年

唐李賀中

青驄馬肥金鞍光龍腦入縷羅衫香美人挾坐飛瓊

觴貧人喚云天上郎別起高樓臨碧條絲曳紅鱗出

深沼有時半醉百花前背把金丸落飛鳥自說生來
未為客一身美妾過三百豈知斷地種田家官稅頻
催沒人織長金積玉誇豪毅每揖閑人多意氣生來
不讀半行書只把黃金買身貴

少年行

唐王貞白晚

遊讌不知厭杜陵狂少年花時輕暖酒春服薄裝綿
戲馬上林苑鬪雞寒食天魯儒甘被笑對策鬢皤然

少年行

唐杜牧晚

官為駿馬監職帥羽林兒兩綬藏不見落花何處期
獵殺白玉鐙怒袖紫金鎚田竇長留醉蘇辛曲讓岐

人部

卷六十三

三六 少年

豪持出塞節笑別遶山眉捷報雲臺賀公卿拜壽卮

少年行

唐杜牧晚

連環羈玉聲光碎綠錦蔽泥虬卷高春風細雨走馬
去珠落璫璫白罽袍

少年行

唐韋孝標晚

平明小獵出中軍異國名香滿袖薰畫檻倒懸鸚鵡
背花衫對舞鳳凰文手擡白馬嘶春雪臂竦青猱入
暮雲落日胡姬樓上飲風吹簾簾滿城聞

少年

唐李商隱晚

外戚平羌第一功生年二十有重封直登宣室螭頭

上橫過甘泉豹尾中別館覺來雲雨夢後門歸去蕙
蘭叢灞陵夜獵隨田竇不識寒郊自轉蓬

少年行

唐雍陶晚

不倚軍功有俠名可憐毬獵少年情口鈴健鶻隨聲
下撼珮驕驄弄影行覓匠裏裝燕客劒對人新按越
姬爭豈知儒者心偏苦吟向秋風白髮生

結客少年場行

宋鮑照

驄馬金絡頭錦帶佩吳鉤失意杯酒間白刃起相讎
追兵一旦至有劒遠行遊去鄉三十載復得還舊丘
升高臨四關表裏望皇州九塗一作衢平若水雙闕似

人部

卷六十三

三七 少年

雲浮扶宮羅將相夾道列王侯日中市朝滿車馬若
川流擊鐘陳鼎食方駕自相求今我獨何為埽壇懷
百憂

結客少年場行

梁吳均

結客少年歸翩翩駿馬肥報恩殺人竟賢君賜錦衣
握蘭登建禮拖玉入含暉顧看草玄者功名終自微

結客少年場行

梁劉孝威

少年本六郡遨遊遍五都挿腰銅匕首障日錦屠蘇
驚羽裝銀鍤犀膠飾象弧近發連雙兔高彎落九烏
邊城多警急節使滿郊衢屈延箭箠盡疎勒井泉枯

正蒙都護接何由憚險途千金募惡少一揮擒骨都
勇餘聊蹴踘戰罷暫投壺昔爲北方將今爲南面孤
邦君行負弩縣令且前驅

結客少年場行

北周庾信

結客少年場春風滿路香歌撩李都尉果擲潘河陽
隔一作折花逢勸酒就水更移牀今年喜夫婿新拜羽
林郎定知劉碧玉偷嫁汝南王

結客少年場行

唐虞世南

韓魏多奇節倜儻遺聲利共矜然諾心各負從橫意
結交一言重相期千里至綠沈明月弦金絡浮雲轡

人部

卷六十三

二八

少年

吹簫入吳市擊筑遊燕肆尋源博望侯結客遠相求
少年懷一顧長驅背隴頭談戈霜動耿耿劒虹浮
天山冬夏雪交河南北流雲起龍沙暗木落鴈門秋
輕生狗知已非是爲身謀

結客少年場

唐孔紹安

結客佩吳鉤橫行度隴頭鴈在弓前落雲從陣後浮
吳師驚燧象燕將警奔牛轉蓬飛不息水河結未流
若使三邊定當封萬戶侯

結客少年場

唐盧照鄰

長安重游俠雒陽富才雄玉劒浮雲騎金鞍明月弓

鬪難過渭北走馬向關東孫賓遙見待郭解暗相通
不受千金爵誰論萬里功將軍下天上虜騎入雲中
烽火夜如月兵氣曉成虹橫行狗知已負羽遠從戎
龍旌昏朔霧鳥陣捲胡風追奔滄海咽戰罷陰山空
歸來謝天子何如馬上翁

結客少年場行

唐虞羽客

幽并俠少年金絡控連錢竊符方救魏擊筑正憐燕
輕生辭鳳闕揮袂上祁連陸離橫寶劒出沒驚徂旂
蒙輪恒顧敵超乘忽爭先摧枯逾百戰拓地達三千
骨都竟已散樓蘭首復傳龍城含曉霧瀚海隔遙天

人部

卷六十三

二九

少年

歌吹金微返振旅玉門旋烽火今已息非復照甘泉
結客少年場行

唐李白

紫綬黃金瞳啾啾搖綠髮平明相馳逐結交洛門東
少年學劒術凌轢白猿公珠袍曳錦帶七首揮吳鴻
由來萬夫勇挾此生雄風託交從劇孟買醉入新豐
笑盡一杯酒殺人都市中羞道易水寒從今日貫虹
燕丹事不立虛沒秦帝宮舞陽死灰人安可與成功

遊蕩子

宋江夏王

三河遊蕩子麗顏邁荆寶攜持玉柱筆懷挾忘憂草
綢繆甘泉中馳逐邯鄲道春服候時製秋紈迎涼造

珍魄暉素腕玉迹滿襟抱常歎樂日晏恒悲歡不早
揮吹傳舊美趨謹盡新好仲尼爲輟餐秦王足傾倒

輕薄篇

晉張華

末世多輕薄驕代好浮華志意既一作能放逸貨財亦

豐奢被服極纖麗看膳盡柔嘉童僕餘梁肉婢妾蹈

綾羅文軒樹羽蓋乘馬鳴玉珂橫簪刻玳瑁長鞭錯

象牙足下金鑄履手中雙莫耶賓從煥絡繹侍御何

芬葩朝與金張期暮宿許史家甲第面長街朱門赫

差我蒼梧竹葉青宜城九醞醪浮醪隨觴轉素蟻自

跳波美女興齊趙妍唱出西巴一顧城傾傾千金寧

人部

卷六十三

三十一

少年

一作足多北里獻奇舞大陵奏名歌新聲踰激楚妙

妓絕陽阿玄鶴降浮雲鱗魚躍中河墨翟且停車展

季猶咨嗟淳于前行酒雍門坐相和孟公結重關賓

客不得蹉三雅來何遲耳熱眼中花盤案互交錯坐

席咸誼譁簪珥咸墮落冠冕皆傾邪酣飲終日夜明

燈繼朝霞絕纓尚不尤安能復顧他留連彌信宿此

歡難可過人生若浮寄年時忽蹉跎促促朝露期榮

樂遽幾何念此腸中悲涕下自滂沱但畏執法吏禮

防且切磋

擬輕薄篇

梁何遜

城東美少年重身輕萬億柘彈隋珠九白馬黃金飾

勣一作長安九達上青槐陰道植轂擊晨已喧肩排暝

不息走狗通西望牽牛巨南直相期百戲傍去來三

市側象牀省繡被玉盤傳綺食倡女掩歌扇小婦開

簾纖相看獨隱笑見人還斂色黃鸝悲故羣山枝詠

新識烏飛過客盡雀聚行龍匿酌羽方厭厭此時歡

未極

輕薄篇

陳張正見

洛陽美年少朝日正開霞細蹠連錢馬傍趨首着花

揚鞭還却望春色滿東家井桃映水落門柳雜風斜

人部

卷六十三

三十一

少年

綿蠻弄清綺蛺蝶遶承華欲往飛廉館遙駐季倫車

石榴傳瑪瑙蘭有莫象牙聊持自娛樂未是關豪奢

莫嫌龍馭晚扶桑復浴鵝

輕薄篇

唐李益

豪不必馳千騎雄不在垂雙鞬天生俊氣自相逐出

與鷗鷺同飛翻朝行九衢不得意下鞭走馬城西原

忽聞燕鴈一聲去回鞍挾彈平陵園歸來青樓曲未

卒美人玉色當金樽淮陰少年不相下酒酣半笑倚

市門安知我有不平色白日欲落紅塵昏死生容易

如反掌得意失意由一言少年但飲莫相問此中報

離亦報恩

羽林行

唐王建中

長安惡少出名字樓下切商樓上醉天明下直明光
宮散入五陵松柏中百迴殺人身合死赦書尚有收
城功九衢一日消息定鄉吏籍中重改姓出來依舊
屬羽林立在殿前射飛禽

白鼻騮

北魏溫子昇

少年多好事攬轡向西都相逢狹斜路駐馬詣當爐

白鼻騮

唐李白盛

銀鞍白鼻騮綠地障泥錦細雨春風花落時揮鞭直

人部

卷六十三

三十三 少年

就胡姬飲

詩集類函卷六十四

東吳俞安期彙纂

宣城梅鼎祚增定

金明蕭如薰訂校

人部六

豪華 行樂 公子 隱迹

○豪華

五侯歌

漢書曰成帝河平中悉封舅大將軍王

陽侯根曲陽侯逢時高平侯商為成都侯立紅

世謂之五侯時五侯羣爭為奢侈後庭逐

炎各數十人羅鐘磬舞鄭女作優倡狗馬逐

馳大治第室起土山漸臺鄭女作優倡狗馬逐

屬稱至百姓歌其奢借如此按傳稱成侯

穿長安城引內豐水注第中大波曲陽侯第

園中土山漸臺類白虎殿則穿城引水非曲

陽與歌辭不同高都外杜皆長安里名

人部

卷六十四

豪華

五侯初起曲陽最終壞決高都連竟外杜土山漸臺

西白虎

相逢行

古辭

相逢狹路間道隘不容車不知何年少夾轍問君家

君家誠易知易知復難忘黃金為君門白玉為君堂

堂上置樽酒作使邯鄲倡中庭生桂樹華燈何煌煌

兄弟兩三人中子為侍郎五日一來歸道上自生光

黃金路馬頭觀者盈道傍入門時左顧但見雙鴛鴦

鴛鴦七十二羅列自成行音聲何嘈囂鸛鳴東西廂

大婦織綺羅中婦織流黃小婦無所為扶瑟上高堂

丈人且安坐調絲方未央

按樂府宋荀景梁武帝簡文昭明沈約張率更有
吾徐防王同皆有相逢行相逢俠路間長安有狹
邪等篇皆祖此辭辭雖小異意則雷同乃悉刪
之僅取此篇及篇法不同語意稍別者附之

相逢俠路間

梁劉遵

春晚駕香車交輪碾俠斜所恐惟風入疑傷步搖花
含羞隱年少何因問妾家青樓臨上路相期竟路賒

相逢俠路間

隋李德林

天衢號九經冠蓋恒縱橫忽逢懷刺客相尋欲逐名

我住河陽浦開門望帝城金臺遠猶出玉觀夜恒明

筵羞太官膳酒釀步兵營懸牀接高士隔帳授諸生

人部

卷六十四

二
豪華

流水琴前韻飛塵歌後輕大子難爲弟中子難爲兄

小子輕財利實見陶朱情龍軒照人轉驥馬噬天鳴

入門俱有說至道勝金贏出門會親友天官奏德星

太婦訓端木中婦訓劉靈小婦南山下擊缶和秦箏

羣賓莫有戲燈來告絕纓

相逢行

唐李白盛

朝騎五花馬謁帝出銀臺秀色誰家子雲車珠箔開

金鞭遙指點玉勒近遲回夾轂相借問疑從天上來

感入青綺門當謁共銜杯銜杯映歌扇似月雲中見

相見不得親不如不相見相見清已深未語可知心

胡爲守空閨孤眠愁錦衾錦衾與羅帷纏綿會有時
春風正澹蕩暮雨來何遲願因三青鳥更報長相思
光景不待人須臾髮成絲當年失行樂老去徒傷悲
持此道密意無令曠佳期

相逢行

唐李白盛

相逢紅塵內高揖黃金鞭萬戶垂楊裡君家阿那邊

相逢行

唐崔顥盛

妾年初二入家住洛橋頭玉戶臨馳道朱門近御溝

使君何假問夫婿大長秋女弟新承寵諸兄近拜侯

春生百子殿花發五城樓出入千門裏年年樂未休

人部

卷六十四

三
豪華

長安有狹邪行

晉陸機

伊洛有岐路岐路交朱輪輕蓋承華景騰步躡飛塵

鳴玉豈樸儒憑軾皆俊民烈心厲勁秋麗服鮮芳春

余本倦遊客豪彥多舊親傾蓋承芳訊欲鳴當及晨

守一不足矜岐路良可遵規行無曠迹矩步豈逮人

投足緒已爾四時不必循將迷殊塗軌要子同歸津

長安有狹邪行

宋謝惠連

紀郢有通達通達並軒車奕奕雕輪馳軒軒翠蓋舒

撰策之五尹振轡從三閭推劔馮前軾鳴珮專後輿

長安有狹邪行

梁沈約

青槐金陵陌丹轂貴遊士方驂萬乘臣炫服千金子
咸陽不足稱臨淄孰能擬

長安有狹邪行

陳張正見

少年重遊俠長安有狹斜路窄時容馬枝高易度車
簷高同落照巷小共飛花相逢夾繡轂借問是誰家

長安有狹邪行

北周王褒

威一作透紆狹邪道車騎動相喧博徒稱劇孟游俠號

王孫勢傾魏侯府交盡翟公門路邪勞夾轂塗艱倦
折轅日斜宣曲觀春還御宿園塗歌楊柳曲巷飲榴

花樽獨有遊梁客一作還守孝文園

人部

卷六十四

四

豪華

羽林郎

漢辛延年

昔有霍家奴姓馮名子都依倚將軍勢調笑酒家胡
胡姬年十五春日獨當爐長裾連理帶廣袖合歡襦
頭上藍田玉耳後大秦珠兩鬟何窈窕一世良所無
一鬟五百萬兩鬟千萬餘不意金吾子娉婷過我廬
銀鞍何煜燭翠蓋空踟躕就我求清酒絲繩提玉壺
就我求珍肴金盤鱸膾魚貽我青銅鏡結我紅羅裾
不惜紅羅裂何論輕賤軀男兒愛後婦女子重前夫
人生有新故貴賤不相踰多謝金吾子私愛徒區區

日出東南隅行

北周王褒

曉星西北沒朝日東南隅陽窗臨玉女蓮帳照金鋪
鳳樓稱獨立絕世良所無鏡懸四龍網枕畫七星圖
銀鏤明光帶金地織成襦調絃大垂手歌曲鳳將雛
採桑三市路賣酒七條衢道逢五馬客夾轂來相趨
將軍多事勢夫豈好形模高箱照雲母壯馬飾當顱
單衣火浣布利劍水精珠自知心所愛仕宦執金吾
飛薨彫翡翠一作翠羽繡桶畫眉蘇銀燭附彈映難羽黃
金步搖動襜褕兄弟五日時來歸高車竟道生光輝
名倡兩行堂上起鴛鴦七十階前飛少年任俠輕年
月珠丸出彈遂難追

人部

卷六十四

五

豪華

門有車馬客行

陳張正見

飛觀霞光啓重門平旦開北闕高箱過東方連騎來
紅塵揚翠轂赭汗染龍媒桃花夾逕聚流水傍池回
投一作鞭鞭聊靜一作接電捐軫暫停雷非關萬里客自
有六奇才琴和朝雉操酒泛夜光杯舞袖飄金谷歌
聲遶鳳臺良時不可再騶馭暫相催安知太行道失
路車輪摧

門有車馬客行

隋虞世南

財雄重交結戚里擅豪華曲臺臨上路高軒抵狹斜
赭汗千金馬繡轂五香車白鶴隨飛蓋朱鷺入鳴笳

夏蓮開劍水春桃發綬花輕裙染回雪浮蟻汎流霞
高談辯飛兔摘藻握靈蛇逢恩借羽翼失路委泥沙
暖暖風煙晚路長歸騎遠日衰青瑣第塵飛金谷苑
危弦促柱奏巴渝遺簪墮珥解羅襦如何守直道翻
使谷名愚

貴遊行

唐元稹中

漢帝外家子恩澤少封侯垂楊拂白馬曉日上青樓
上有顏如玉高情世無儔輕居含碧煙窈窕似雲浮
良時無還景促節爲我謳忽聞艷陽曲四坐亦已柔
賓友仰稱歎一生何所求平明擊鐘食入夜樂未休

人部

卷六十四

六

豪家

風雨懨懨歲候兵戎橫九州焉知坐上客草草心所憂

豪家

唐劉駕晚

九陌槐葉盡青春在豪家嬌鶯不出城長宿庭上花
高樓登夜半已見南山多恩深勢自然不是愛驕奢

豪家

唐秦韜玉晚

石甃通渠引御波綠槐陰裏五侯家地衣鎮角香獅
子簾額侵鈎繡辟邪按徹清歌天未曉飲回深院漏
猶餘四鄰池館吞將盡尚自堆金爲買花

貴宅

唐曹鄴晚

入門又到門到門戟相對玉簫聲尚遠疑似人不在

公子厭花繁買藥栽庭內望遠不上樓牕中見不
自是愁人眼見之若奢泰

○行樂

攜手曲二首原作妾命薄

魏陳思王

攜手手喜同車北上雲閣飛除釣臺寒產清虛池塘
觀一作沼可娛仰泛龍舟綠波俯擢神草枝柯想彼
宓妃洛河退詠漢女湘娥

日月既逝一作日西藏更會蘭室洞房華燈步障舒
光一作花燭皎若日出扶桑促樽合坐行觴主人起
舞盜盤能者穴觸別端騰舩飛爵闌干同量等色齊

人部

卷六十四

七

行樂

顏任意交屬所歡朱顏發外形蘭袖隨禮容極情妙
舞仙仙體輕裳解履遺絕纓俛仰笑喧無呈覽持佳
人玉顏齊舉一作金爵翠盤手形羅袖良難脫弱不
勝珠環坐者嘆息舒顏御巾裏粉君傍中有霍納都
梁雞舌五味雜香進者何人齊姜恩重愛深難忘召
延親好宴私但歌杯來何遲客賦既醉言歸主人稱
露未晞

名都篇

魏陳思王

名都多妖女京洛出少年寶劍直千金被服麗且鮮
關雞東郭追走馬長楸間馳騁未能半雙兔過我前

攬弓捷鳴鏑長驅上南山左挽因右發一縱兩禽連
餘巧未及展仰手接飛鳥觀者咸稱善衆工歸我妍
歸來宴平樂美酒斗十千膾鯁膾胎鰕炮鱉炙熊蹯
鳴鶴嘯匹侶列坐竟長筵連翩擊鞠壤巧捷惟萬端
白日西南馳光景不可攀聖散還城邑清晨復來還

代堂上歌行

宋鮑照

四坐且莫^{勿一作}誼聽我堂上歌昔仕京洛時高門臨

長河出入重宮裏結交曹與何車馬相馳逐賓朋好
榮華陽春孟春月朝光散流霞輕步逐芳風言笑弄
丹葩暉暉朱顏醺紛紛織女梭滿堂皆美人目成對

人部

卷六十四

八

行樂

相娥雖謝侍君閑明妝帶綺羅笙笛更彈吹高唱好
相和萬曲不關心^{一作情}一曲動情多欲知情厚薄更
聽此聲過

秋夜

齊王融

秋夜長夜長樂未央舞袖拂花燭歌聲繞鳳梁

碧玉歌

梁武帝

杏梁日始照重席歡未極碧玉奉金杯綠酒助花色

長歌行

梁元帝

當爐擅旨酒一卮堪十千無勞蜀山鑄扶受^{一作采}
金錢人生行樂爾何處不留連朝爲洛生詠夕作據

梧眠從茲忘物我優游得自然

永明樂

梁沈約

聯翩貴遊子侈靡千金客華轂起風塵環復竟長陌

樂未央

梁沈約

億年日萬堯年詠湛露歌採蓮^應雜百和^宛轉金
鑪前

攜手曲

梁吳均

豔裔陽之春攜手清洛濱鷄鳴上林苑薄暮小平津
長裾藻白日廣袖帶芳塵故交一如此新知詎憶人

賦得今日樂相樂

陳江總

人部

卷六十四

九

行樂

綺殿文雅道玳筵歡趣密鄭熊逖進舞齊弦窈窕瑟
金罍送縹觴玉井沈朱實願此北堂宴長奉南山日
安定侯曲

封疆在上地鐘鼓自相和美人當牕舞妖姬掩扇歌

征行詩

北齊高昂

攏種千口牛泉連百壺酒朝朝圍山獵夜夜迎新婦

高句麗

六言

北周王褒

蕭蕭易水生波燕趙佳人自多傾杯覆盤漣漣垂手
奮袖安妥不惜黃金散盡只畏白日蹉跎

短歌行

隋辛德源

馳射罷金溝戲笑上雲樓少妻鳴趙瑟待妓轉吳謳
杯度浮香滿扇舉細塵浮星河耿涼夜飛月豔新秋
忽念奔駒促彌欣執燭遊

花月夜

唐武后

春水綠堪染春花紅欲然月華金渙漾夜氣玉暄妍
變繞迴文錦聯籠飛步仙賞心逢美景懽娛正妙年
此詩得之吳孝父詩軸上
有永徽二年及昭儀印識

春日鳳樓尋勝地

開元十八年二月初令百官
於春月旬休選勝行樂自半

相至員外郎凡十二筵各賜錢五十緒或御
花萼樓邀其驕騎留飲迭使起舞盡歡而去

唐張說

人部

卷六十四

十一 行樂

西掖持醇酒東山就白雲開軒綠池映命席紫蘭芬
舞度花爲伴鶯來管作羣太平多樂事春物共氛氲

扶南曲

唐王維

堂上青弦動堂前綺席陳齊歌盧女曲雙舞洛陽人
傾國徒相看寧知心所親

香氣傳空滿妝華影箔通歌聞天仗外舞出御樓作
筵中日暮歸何處花間長樂宮

陽春歌

唐李白

長安白日照春空綠楊結煙垂裏風披香殿前花始
紅流芳發色繡戶中繡戶中相經過飛燕皇后輕身

舞紫宮夫人絕世歌聖君三萬六千日歲歲年年奈
樂何

宮中行樂辭

唐李白

小小生金屋行行在紫微山花插寶髻石竹繡羅衣
每出深宮裏常隨步輦歸只愁歌舞散化作綵雲飛

其二

柳色黃金嫩梨花白雪香玉樓巢翡翠金殿鎖鸞鴛
選妓隨雕輦徵歌出洞房宮中誰第一飛燕在昭陽

其三

盧橘爲秦樹葡萄出漢宮煙花宜落日絲管醉春風

入部

卷六十四

十二 行樂

其四

玉樹春歸日金宮樂事多後庭朝未入輕輦夜相過
笑出花間語嬌來竹下歌莫教明月去留著醉嫦娥

其五

繡戶香風煖紗牕曙色新宮花爭笑日池草暗生春
綠樹聞歌鳥青樓見舞人昭陽桃李月羅綺自相親

其六

今日明光裏還須結伴遊春風開紫殿天樂下珠樓
艷舞全知巧嬌歌半欲羞更憐花月夜宮女笑藏鉤

其七

寒雪梅中盡春風柳上歸宮鶯嬌欲醉簷燕語還飛
遲日明歌席新花艷舞衣晚來移綵仗行樂泥光輝

其八

水綠南薰殿花紅北闕樓鶯歌聞太液鳳吹繞瀛洲
素女鳴珠珮天人弄綵毬今朝風日好宜入未央遊

銅官山醉後絕句

唐李賀

我愛銅官樂千年未擬還要須迴舞袖拂盡五松山

貴主征行樂

唐李賀

奚騎一作黃銅連鎖甲羅旗香幹金畫葉中軍留醉

人部

卷六十四

十二

行樂

河陽城嬌嘶紫燕踏花行春營騎將如紅玉走馬捎
鞭上空綠女垣素月角呀呀牙帳未開分錦衣

夜來樂

唐李賀

紅羅複帳金塗蘇華燈九枝懸鯉魚麗人映月開銅
鋪春水滴酒猩猩沽價重一篋香十株赤金瓜子兼

雜麩五色絲封青玉梟阿侯此笑千萬餘南軒漢轉

簾影疎桐林啞啞挾子烏劍崖鞭節青石珠白驕吹

湍凝霜鬚漏長送珮承明廬倡樓嗟峨明月孤續客

下馬故客去綠蟬秀黛重拂梳

花遊曲

并序

唐李賀

寒食日諸王妓遊賀入座因採梁簡文詩調賦花

遊曲與妓彈唱

春柳南陌態冷花寒露姿今朝醉城外拂鏡濃掃眉
煙濕愁車重紅油覆畫衣舞裙香不暖酒色上來遲

夜飲朝眠曲

唐李賀

觴酣出座東方高腰橫半解星勞勞柳苑鴉啼公主
醉薄露壓花蕙蘭氣玉轉濕絲牽曉水熟粉生香珉
玕紫夜飲朝眠斷無事楚羅之幃臥皇子

冬白紵

唐元稹

吳宮夜長宮漏緩簾幕四垂燈焰暖西施自舞王自

人部

卷六十四

十三

行樂

管雪紆飜飜鶴羽散聲促節牽繁舞腰嬾舞腰嬾王
罷飲蓋覆西施鳳花錦身作匡牀臂為枕朝珮從玉
王宴寢寢醒聞報門無事子胥死後言為諱近王之
臣諭王意共笑越王窮惴惴夜夜抱冰寒不睡

和思黯居守獨飲偶醉見示六韻

唐白居易

宮漏滴漸閑城烏啼復歇此時若不醉爭奈千門月
主人中夜起妓燭前羅列歌袂默收聲舞鬟低赴節
絃吟玉桂品酒透金杯熱朱顏忽已醺清奏猶未闕

今日曷不樂

原作

唐韓愈

今日曷不樂幸時不用兵無曰既感矣乃尚可以生
彼州之賦去汝不顧此州之役去我奚適一邑之水
可走而違天下湯湯曷其而歸好我衣服甘我飲
食無念百年聊樂一日

咸通曲

唐韋莊 晚

咸通時代物情奢歡殺金張許史家破產競留天上
樂鑄山爭買洞中花諸郎宴罷銀燈合仙子遊迴壁
月斜人意似知今日事急催絃管送年華

○公子

思公子

梁費昶

人部

卷卒四

十四

公子才氣饒凌雲自飄飄東出關難道西登飲馬橋
夕宴銀燭朝燐桂作焦虞卿亦何命窮極苦無聊

公子行

唐劉希夷 初

天津橋下楊春水天津橋上繁華子馬聲剋合青雲
外人影搖動綠波裏綠波清迴玉爲砂青雲離披錦
作霞可憐楊柳傷心樹可憐桃李斷腸花此日遨遊
邀美女此時歌舞入娼家娼家美女鬱金香飛去飛
來公子傍的的朱簾白日映娥娥玉顏紅粉妝花際
徘徊雙蛺蝶池邊顧步兩鴛鴦傾國傾城漢武帝爲
雲爲雨楚襄王古來容光人所羨況復今日遙相見

願作輕羅著細腰願爲明鏡分嬌面與君相向轉相
親與君雙棲共一身願作貞松千歲古誰論芳槿一
朝新百年同謝西山日千秋萬古北邙塵

張公子行

唐常建 盛

日出乘釣舟嫋嫋持釣竿涉淇傍荷花驄馬閑金鞍
俠客白雲中腰間懸鞬轡出門事嫖姚爲君西擊胡
胡兵漢騎相馳逐轉戰孤軍西海北百尺旌竿沈黑
雲邊笳落日不堪聞

梁公子

唐李賀 中

風彩出蕭家本是萑蒲花南城蓮子熟洗馬走江沙

人部

卷卒四

十五

一作御戕銀沫冷長簾鳳巢斜種柳營中暗題書賜
館娃

公子行

唐顧況 中

輕薄兒面如玉紫陌春風纏馬足雙轡懸金鐙鸞飛
長衫刺雪生犀束綠槐夾道陰初成珊瑚幾節敵流
星紅肌拂拂酒光凝當街背拉金吾行朝遊蓂莢鼓
聲發暮遊蓂莢鼓聲絕入門不肯自升堂美人扶踏
金階月

公子行

唐于鵠 中

少年初拜大長秋半醉垂鞭見列侯馬上抱鷄三市

關袖中攜劍五陵遊玉簫金管迎歸院錦袖紅裝擁
上樓更向苑西新買宅月波春水入門流

公子行

唐朱慶餘中

閑從結客冶遊時忘却紅樓薄暮期醉上黃金堤上
去馬鞭梢斷綠楊絲

公子

唐李商隱晚

一盞新羅酒凌晨恐易銷歸應衝鼓半去不待笙調
歌好唯愁和香穠豈惜飄春場鋪艾帳下馬雉媒驕

公子

唐李商隱晚

外戚封侯自有恩平明通籍九華門金唐公主年應
人部

卷六十四

十六 公子

小二十君王未許婚

公子行

唐雍陶晚

公子風流嫌一作輕錦繡新裁白紵作春衣金鞭留富
誰家酒拂柳穿花信馬歸

公子行

唐韓琬晚

紫袖長衫色銀蟬半臂花帶裝盤水玉鞍繡坐雲霞
別殿承恩澤飛龍賜澤注控羅青鳥繡鏤象碧重葩
意氣催歌舞闌珊走鈿車袖障雲縹緲釵轉鳳欹斜
珠卷迎歸箔紅籠晃醉紗唯無難夜日不得似仙家

貴公子

唐韋莊晚

大道青樓御苑東玉欄僊杏壓枝紅金鈴犬吠梧桐
月朱鬣馬嘶楊柳風流水帶華穿巷陌夕陽和樹入
簾櫳瑤池宴罷歸來醉笑說君王在月宮

貴公子行

唐秦韜玉晚

堦前莎毬綠不捲銀龜噴香挽不斷亂花織錦柳撚
線妝點池臺畫屏展主人公業傳國初六親聯亂馳
朝車關鷄走狗家世事抱來皆佩黃金魚却笑儒生
把書卷學得顏回忍飢面

公子家

唐李山甫晚

曾是王家幾世侯入雲高第照神州柳遮門戶橫金
人部

卷六十四

十七 公子

鎖花擁絃歌咽畫樓錦袖妬姬爭巧笑玉街驕馬索
閑遊麻衣酷獻平生業醉倚春風不點頭

寄襄陽王公子

唐馬戴晚

君馬勒金羈君家貯玉笋白雲登峴首碧樹醉銅鞮
澤廣荊州北山多漢水西鹿門知不隱芳草自萋萋

公子行

唐羅鄴晚

金鞍玉勒照花明過後春風特地生半醉五侯門裏
出月高猶在禁街行

富平少侯

唐李商隱晚

七國三邊未到憂十三身龍圖富平侯不收金彈拋林

外却借銀牀在井頭綵樹轉燈珠錯落繡檀迴枕玉
雕鏤當關不報侵晨客新得佳人字莫愁

榮華樂

一作東洛
梁家謠

唐李賀中

鳶肩公子二十餘齒編貝唇激朱氣如虹霓飲如建
瓴走馬夜歸叫嚴更徑穿複道遊椒房龍裘金玦維
花光玉堂調笑金樓子臺下戲學邯鄲倡口吟舌話
稱女郎錦袂繡面漢帝旁得明珠十斛白璧一雙新
詔垂金曳紫光煌煌馬如飛人如水九卿六官皆望
履將迴日月先反掌欲作江河唯畫地戕戕虎冠上
切雲竦劍晨趨凌紫氣繡段千尋貽早隸黃金百鎰
人部 卷六十四 十一 隱逸

貺家臣十二門前張大宅晴春煙起連天碧金鋪綴
口雜紅光銅龍鬚環似爭力姪姬凝醉卧芳席海素
籠窻空下隔丹穴取鳳充行庖獲獲如拳那足食金
蟾呀呀蘭燭香軍裝武妓聲琅璫誰知花雨夜來過
但見池臺春草長嘈嘈絃吹匝天開洪崖蕭聲遶天
來天長一矢貫雙虎雲肥絕曙聒早雷亂袖交竿管
兒舞吳音綠鳥學言語能教刻石平紫金解送刻毛
寄新兔三皇皇后七貴人五十校尉二將軍當時飛
去逐彩雲化作今日京華春

○隱逸

隱士

魏阮瑀

四皓潛南岳老萊窳河濱顏回樂陋巷許由安賤貧
伯夷餓首陽天下歸其仁何患處貧苦但當守明真

隱士

原作
擬古

晉陶淵明

東方有一士被服常不完三旬九遇食十年著一冠
辛苦無此比常有好奇容顏我欲觀其人晨去越河關
青松夾路生白雲宿簷端知我故來意取琴爲我彈
上絃驚別鶴下絃操孤鸞願留就君住從今至歲寒

逸民吟

晉潘尼

我顧傲世自遺舒志六合由巢是追沐浴洪池口迅
人部 卷六十四 十九 隱逸

羽衣陟彼名山採此芝薇朝雲霰麋行露未晞游魚
羣戲翔鳥雙飛逍遙博觀日晏忘歸嗟哉四士從我
者誰

逸民

梁武帝

如壘生木木有異心如林鳴鳥鳥有殊音如江游魚
魚有浮沈巖巖山高湛湛水深事迹易見理相難尋

和趙王隱士

北周王褒

鳬鵠均長短鴈鷗共逍遙清襟蘊秀氣虛席滿風颺
斷絃惟續葛獨酌止傾瓢菖蒲九重節桑薪七過燒
奉和趙王隱士

北周庾信

洛陽徵五隱東都別二賢雲氣浮函谷星光集潁川
霸陵採樵徑一作路成都賣卜錢鹿裘披稍裂藜牀坐
欲穿阮籍唯長嘯嵇康訝一絃澗險無平石山深足
細泉短松猶百尺少鶴已千年野鳥繁絃嘯山花燭
火燃洞風吹戶裏石乳滴窓前雖無亭長識終見野
人傳

招隱二首

晉左思

杖策招隱士荒塗橫古今巖穴無結構丘中有鳴琴
白雲一作雪停陰岡丹葩曜陽林石泉漱瓊瑤纖鱗或
亦一作浮沈非必有絲竹山水有清音何事待嘯歌灌

人部

卷六十四

二十

隱逸

木自悲吟秋菊兼餽糧幽蘭間重襟躊躇足力煩聊
欲投吾簪

經始東山廬果下自成榛前有寒泉井聊可瑩心神
峭蒨青葱間竹柏得其真弱葉棲霜雪飛榮流餘津
爵服無常玩好惡有屈伸結綬生纏牽彈冠去埃塵
惠連非吾屈首陽非吾仁相與觀所尚逍遙撰一作良辰

招隱

晉陸機

駕言尋飛遯山路鬱盤桓芳蘭振蕙葉玉泉涌微瀾
嘉卉獻時服靈術進朝餐

招隱詩

晉陸機

明發心不爽振衣聊躑躑躑欲安之幽人在溪谷
朝采南澗藻夕息西山足輕條象雲構密葉承翠幄
激楚佇蘭林回芳薄秀木山溜何泠泠飛泉漱鳴玉
哀音附音附靈波頽響赴會曲至樂非有假安事澆淳
樸富貴荷難圖稅駕從所欲

招隱

晉張華

棲遲四野外陸沈背當時循名掩不著藏器待無期
羲和策六龍弭節越崦嵫盛年俛仰過忽若振輕絲

人部

卷六十四

二十一

隱逸

招隱

晉張載

出處雖殊塗居然有輕易山林有悔恡人間實多累
鷗雛翔窮冥蒲且不能視鶴鷺導臯渚數為矰所繫
隱顯雖在心彼我共一地不見巫山火芝艾豈相離
去來相時俗超然辭世偽得意在丘中安事愚與智

招隱

晉閻丘冲

大道曠且夷蹊路安足尋經世有險易隱顯自有心
嗟哉巖岫士歸來從所欽

招隱

晉王康琚

登山招隱士褰裳躡遺蹤華條當園室羣葉代綺牕
反招隱詩

晉王康琚

小隱隱陵數大隱隱朝市伯夷竄首陽老聃伏柱史
昔在太平時亦有巢居子今雖盛明世能無中林士
放神清雲外絕迹窮山裏鷗鷺先晨鳴哀風迎夜起
疑霜凋朱顏寒泉傷玉趾周才信眾人偏智任諸已
推分得天和矯性失至理歸來安所期與物齊終始

擬招隱士

梁范縝

脩竹苞生今山之岑繽紛葳蕤今下交陰木龍蓂今
巍我川澤決滌今雲霧多悲援鳴噪今嘯儔侶攀折
芳條今聊停佇夫君今不還蕙華今彫殘歲晏今憂
未開草蟲鳴今淒淒蕭蕭今森今玄澗深帳徬徨今沈
人部

卷六十四

三

吟紛紛今曉曉窮巖穴今熊羆幽林杳冥今吁可畏
嶽崑今嶮嶮岌我今傾歌飛泉今激沫散漫今淋漓
弱蘿今脩葛亘蔓今長枝綠林今被崖隨風今紛披
猛獸今封狐耽耽今視余扶藤今直上巖巖今疑疑
罪罪今敷敷赤豹今文狸攀騰今相追思慕公子今
心遲遲寒風厲今鳴集吟鳥悲鳴今離其羣今去
今誰與親行露厭浥今似中人

賦得招隱

陳伏知道

招隱訪仙楹丘中琴正鳴桂叢侵石路桃花隔世情
薄暮安車近林喧山鳥驚

賦得巖穴無結構

左太冲招隱詩見前

隋王由禮

巖間無結構谷處極幽尋葉落秋巢迴雲生石路深
早梅香野徑清澗響丘琴獨有栖遲客留連芳杜心

招隱詩

唐僧靈翼

連峯數千里脩林帶平津雲起遠山翳風至戛荒榛
茅茨隱不見鷄鳴知有人躡蹻踐其跡處處見遺薪
乃知百代下固有上皇民

贈華仲治詩

晉張華

君子有逸志棲遲於一丘仰蔭高林茂俯臨淥水流
恬淡養玄虛沈精研聖猷

人部

卷六十四

三

隱逸

贈周處士

梁庾肩吾

九丹開石室三徑沒荒林仙人翻可見隱士更難尋
籬下黃花菊丘中白雪琴方欣松葉酒自和遊山吟
李蕭遠有遊山九吟

留贈山中隱士

陳周弘讓

行行訪名嶽處處必留連遂至一巖裏灌木上參天
忽見茅茨屋暖暖有人煙一士開門出一士呼我前
相看古道姓焉知隱與仙

貽韋居士

北史曰韋員字敬遠杜陵人志尚簡淡州郡徵辟並不就周文帝經綸王業側席禮聘竟不能屈時人號爲居士明帝即位禮敬愈厚乃爲詩以貽之賈答詩願時

即位禮敬愈厚乃爲詩以貽之賈答詩願時

朝謁帝大悅敕有司日
給酒一升號曰逍遙公

北周明帝

六爻貞遯世三辰光少微賴陽去猶一作讓遠滄洲遂

去一作不歸風動秋蘭佩香飄蓮葉衣坐石窺仙洞乘

槎下釣磯嶺松千仞直巖泉百丈飛聊登平樂觀遙

想首陽薇儻能同四隱來參余萬機

奉報窮秋寄隱士

北周庾信

王倪逢嶠缺桀溺偶長沮藜牀負日臥麥隴帶經鋤

自然曲木几無名科斗書聚花聊飼雀穿池試養魚

小村治澀路低日補壤渠秋水牽沙落寒藤抱樹疎

空枉平原騎來過仲蔚廬

人部

卷六十四

二十四 隱逸

寄廬山隱者

唐楊衡 初

風鳴雲外鐘鶴宿千年松相見杳不見月出山重重

贈劉先生閑居

先生及第後爲道士居
太清宮又從戎而後歸

唐儲光羲 盛

高第後歸道乃居玉華宮逍遙人間世不異浮丘公

甘寢何乘羽出門忽從戎方將遊崑崙又欲小崆峒

進退既在我歸來長安中焚香東海君侍坐西山童

善行無轍跡吾亦安能窮但見神色閑中心如虛空

期之比天老貞德輔帝鴻

贈別褚山人

唐高適 盛

攜手贈將行山人道姓名光陰薊子訓才術褚先生
牆上梨花白樽中桂酒清洛陽無二價猶自慕風聲

贈別沈四逸人

唐高適 盛

沈侯未可測其況信浮沈十載常獨坐幾人知此心

乘舟蹈滄海買劍投黃金世務不足煩有田西山岑

我來遇知己遂得開清襟何意闔閭間沛然江海深

送郭處士往萊蕪兼寄荀山人

唐高適 盛

君爲東蒙客往來東蒙畔雲臥臨嶧陽山行窮日觀

少年詞賦皆可聽秀眉白面風清冷身上未嘗染名

人部

卷六十四

三五 隱逸

利口中獨未知羶腥今日還山意無極豈知世路多

相識歸見萊蕪九十翁爲論別後長相憶

寄西嶽山人李岡

唐岑參 盛

君隱處當一星蓮花峯頭飯黃精仙人掌上演丹經

鳥可到人莫攀隱來十年不下山袖中短書誰爲達

華陰道士賣藥還

滑中贈顧高士瑾

唐王季友 盛

夫子保藥命外身得無咎日月不能老化腸爲筋不

十年前見君甲子過我壽於何今相逢華髮在戎後

近而知其遠少見今白首遙信蓬萊宮不死世世有

玄石采盈擔神方秘其肘問家唯指雲霞氣常言酒
攝生固如此履道當不朽未能太玄同願亦天地久
實腹以芝術賤形仍芻狗自勉將勉余良藥在苦口

贈參寥子

唐李白 盛

白鶴飛天書南荆訪高士五雲在峴山果得參寥子
翫辭辭故園昂藏入君門天子分玉帛百官接話言
毫墨時灑落探玄有奇著作論窮天人千春秘麟閣
長揖不受官拂衣歸林巒余亦去金馬藤蘿同所攀
相思在何處桂樹青雲端

贈盧徵君昆弟

按盧徵君名鴻字顯然玄宗開元初備禮徵不至五年再詔徵

人部

卷六十四

三

隱逸

至東都謁見拜諫議大夫固辭制許還山賜隱居服官管草堂及卒帝賜萬錢鴻所居室極云

唐李白 盛

明王訪賢逸雲泉今已空二盧竟不起萬乘高其風
河上喜相得壺中趣每同滄洲卽此地觀化遊無窮
水落海上清菴背觀方蓬與君弄倒景攜手凌星虹

口號贈盧徵君鴻

唐李白 盛

陶令辭彭澤梁鴻入會稽我尋高士傳君與古人齊
雲臥留丹壑天書降紫泥不知楊伯起早晚向關西
贈錢徵君少陽

唐李白 盛

白玉一杯酒綠楊三月時春風餘幾日兩鬢各成絲

秉燭唯須飲投竿也未遲如逢渭水獵猶可帝王師

贈閻丘處士

唐李白 盛

賢人有素業乃在沙塘陂竹影掃秋月荷衣落古池
閒讀山海經散帙臥遙帷且耽田家樂遂曠林中期
野酌勸芳酒園蔬烹露葵如能樹桃李爲我結茅茨

贈丹陽橫山周處士惟長

唐李白 盛

周子橫山隱開門臨城隅連峯入戶牖勝槩凌方壺
時枉白紵詞放歌丹陽湖水色傲溟渤川光秀孤浦
當其得意時心與天壤俱閑雲隨舒卷安識身有無
抱石耻獻主沈泉笑探珠羽化如可作相攜上清都

人部

卷六十四

三

隱逸

贈張公洲革處士

唐李白 盛

列子居鄭圃不將衆庶分革侯遁南浦常恐楚人聞
抱甕灌秋蔬心閒遊天雲母將爪田叟耕種漢水濱
時登張公洲入獸不亂羣井無桔槔事門絕刺繡文
長揖二千石遠辭百里君斯爲眞隱者吾黨慕清芬

寄弄月溪吳山人

唐李白 盛

嘗聞龐德公家住洞湖水終身棲鹿門不入襄陽市
夫君弄明月滅景清淮裏高蹤邈難追可與古人比
清揚杳莫覩白雲空望美待號辭人間攜手訪松子
玄都壇歌寄元逸人

唐杜甫 盛

故人昔隱東蒙峯已佩合景蒼精龍故人今居子午
谷獨在陰崖結茅屋屋前太古玄都壇青石漠漠常
風寒子規夜啼山竹裂王母書下雲旗翻知君此計
誠長往芝草琅玕日應長鐵鎖高垂不可攀致身福
地何蕭爽

常掛一花瓠及曲竹枝醉則歌

唐許宣平

負薪朝出賣沽酒日西歸路人莫問歸何地穿白雲
行入翠微

東湖送朱逸人歸

唐劉長卿

人部

卷六十四

三八

山色湖光併在東扁舟歸去有樵風莫道野人無外
事開田鑿井白雲中

贈秦系徵君

唐劉長卿

羣公誰讓位五柳獨知貧惆悵青山路煙霞老此人
過鳴臯隱者

碯石老紅鮮徵君臥幾年飛

一作泉出林下一徑過

崖巔鷄犬逐人靜雲霞宜地偏終朝數峯勝不

遠一壺前仲月霽春雨香風生藥田丹溪不可別瓊
草色芊芊

春暮過石龜谷題溫處士林園

隱几無名老何年此陸沈丘園自得性婚嫁不嬰心
唐錢起中
歲計因山薄霞樓在谷深設罝連草色曬藥背松陰
觸興雲生岫隨耕鳥下林桴順笑來客頭上有朝簪

送楊錡歸隱

唐錢起中

悔作掃門事還吟招隱詩今年芳草色不失故山期
遙想白雲裏采苓春日遲溪花藏石徑巖翠帶茅茨
九轉莫飛去三迴良在茲還嗤茂陵客貧病老明時

贈鄭山人

唐皇甫冉

人部

卷六十四

三九

白首滄洲客陶然得此生龐公採藥去萊氏與妻行
乍見還州里全非隱姓名

湖山歌送許鳴謙

唐皇甫冉

夫子隱者也耕於湖山之田孤雲無心飛鳥無跡
伯仲邕邕家人怡怡貞白之風旁行於澆俗矣始
惠然而去又翻然而歸春田雪餘具物繁殖結我

幽夢湖間一峯酒而歌歌之以送遠

湖中之山兮波上青桂颯颯兮雨冥冥君歸兮春早
滿山兮碧草晨春暮汲兮心何求澗戶巖扉兮身自

老東嶺西峯兮同白雲鷄鳴犬吠兮時相聞幽芳媚
景兮當嘉月踐石捫蘿兮忘超忽空山寂寂兮賴陽

人日夕孤雲隨一身

答裴處士二首

唐韋應物

遺民愛精舍乘犢入青山來暑高陽里不遇白衣還
禮賢方化俗聞風自款關況子逸羣士棲息蓬蒿間

二

春風駐遊騎晚景澹山暉一問清冷子獨掩荒園扉
草木雨來長里閭人到稀方從廣陵宴花落未言歸

贈殷山人

唐張籍

薜蘿山中客知名四十年恹恹身獨隱寂寞性應便
世業公侯籍生涯黍稷田藤懸讀書帳竹繫網魚船

人部

卷六十四

三十一

已種千頭橘新開數脉泉閑遊構酒遠出語向僧偏
入洞題松過看花選石眠避喧長日沒逢勝即留連

自古多高跡如君少比肩深藏報恩劍久降養生篇
憔悴衆夫笑經過郡守憐夕陽悲舊鶴霜氣動饑鷗

寄紫閣隱者

唐張籍

紫閣氣沈沈先生住處深有人時得見無路可相尋
夜鹿伴茅屋秋猿守栗林唯應採靈藥更不別營心

憶盧常侍寄華山鄭隱者

唐張籍

獨住三峯下年深學煉丹一聞松葉屋數片石花冠

酒待山中飲琴將洞裏彈開門移遠竹翦草出幽蘭
荒壁通泉架晴崖曬藥壇寄知騎省客長向白雲閑

禁中送任山人

唐李泌

子去非常往君恩取大還補天留綵石縮地入青山
獻壽千年外來朝數月閑莫拋殘藥物切欲駐童顏

暮春尋終南柳處士

唐李端

歷眉一居士鴉服隱堯時種萱初成畝還丹舊日師
入溪花逕遠向嶺鳥行遲紫葛垂苔壁青菰映柳絲

贈強山人

唐鄭士元

人部

卷六十四

三十一

或棹輕舟或杖藜尋常適意釣前溪草堂竹徑在何
處落日孤煙寒渚西

送孔徵士

唐權德輿

谷口山多處君歸不可尋家貧清史在身老白雲深
掃雪開松徑疏泉過竹林余生負丘壑相送亦何心

贈徐山人

唐戴叔倫

亂餘山水半凋殘江上逢君春正闌針門宿南天宿
宵星猶拱北夜漫漫漢陵帝子黃金盤晉代神仙白

玉棺回首風塵千里別故園煙雨五峯寒

贈陳逸人

朱慶餘

樂道辭榮祿安居桂水東得閑多事外知足少年中
藥圃無凡草松庭有素風朝昏吟步處琴酒與誰同

送孫逸人

唐賈島中

衣屨猶同俗妻兒亦宛然不餐能累月無病已多年
是藥皆諳性令人漸信仙杖頭書數卷荷入翠微煙

寄邢逸人

唐鄭常中

羨君無外事日與世情稀地僻人難到溪深鳥自飛
儒衣荷葉老野針藥苗肥疇昔江湖意如今憶共歸

買山吟

唐于鵠中

買得幽居屬漢陽
種桃種柳唯有獼猴來往

卷六十四

三三

隱逸

人部
孰弄人拋果滿書堂

題贈平泉章徵君拾遺

唐白居易中

箕穎千年後唯君得古風仕留丹陛下身入白雲中
躁靜心相背高低跡不同籠雞與梁燕不信有冥鴻

丘中有一士二首

唐白居易中

丘中有一士不知其姓名面色不憂苦血氣常和平
每選隙地居不踏要路行舉動無尤悔物莫與之爭
藜藿不充腸布褐不蔽形終歲守窮餓而無嗟歎聲
豈是愛貧賤深知時俗情勿矜羅弋巧鸞鶴在冥冥

丘中有一士守道歲月深行披帶索衣坐拍無絃琴
不飲濁泉水不息曲木陰所逢苟非義棄土千黃金

鄉人化其風熏如蘭在林智愚與強弱不忍相欺侵
我欲訪其人將行復沈吟何必見其面但在學其心

題王居士

唐許渾晚

筇杖倚柴關都城賣卜還雨中耕白水雲外斲青山
有藥身長健無機性自閑即應生羽翼華表在人間

題灞西駱隱士

唐許渾晚

磻溪連灞水商嶺接秦山青漢不回駕白雲長一作
掩關雀喧知鶴靜見戲識一作鷗閑却笑南昌尉悠

人部

卷六十四

三三

隱逸

悠城市間

贈王處士

唐許渾晚

歸臥養天真鹿裘烏角巾茂陵閑久病彭澤醉長貧
冠蓋西園夜笙歌北里春誰憐清渭曲又老釣魚人

贈王山人

唐許渾晚

貫酒攜琴訪我頻始知城市有閑人君臣樂在寧憂
病子母錢成豈患貧年長每勞推甲子夜寒初共守
庚申近來聞說燒丹處玉洞桃花萬樹春

寄華嶽孫逸人

唐李商隱晚

靈嶽幾千仞老松逾百尋攀崖仍躡壁敗葉復眠陰

海上呼三島齋中戲五禽唯應逢阮籍長嘯作鸞首

題玉笥山強處士

唐方干晚

酒裏藏身巖裏居刪繁自是一家書世人呼爾爲漁
叟爾學釣璜非釣魚

題太白山隱者

唐項斯晚

高居在幽嶺人得見時稀寫錄扁虛白尋僧到翠微
掃壇星下宿收藥雨中歸從服小還後自疑身解飛

送華陰隱者

唐項斯晚

往往到城市得非徵藥錢世人空識面弟子莫知年
自說能醫死相期更學仙近來移住處毛女舊峯前

人部

卷六十四

三四隱逸

題華山麻處士

唐于鄴晚

貴賤各擾擾皆逢朝市間到此馬無跡始知君獨閑
冰破聽敷水雪時看華山西風寂寞地唯我坐忘還

贈隱者

唐于鄴晚

石室掃無塵人寰與此分飛來南浦樹半是華山雲
浮世幾多事先生應不聞寒川滿西日空照鴈成羣

贈隱者

唐儲嗣宗晚

盡室居幽谷亂山爲四隣霧深知有術牕靜似無人
鶴語松上月花明雲裏春生涯更何許尊酒與垂綸

過野叟居

唐馬戴晚

野人閑種樹樹老野人前居止白雲內漁樵滄海邊

呼兒採山藥放犢飲溪泉自著養生論無煩憂暮年

贈丘先生

唐鄭巢晚

雲泉心不爽垂白坐柴關硯取簷前雨一作圖開異
國山原僧招過宿沙鳥伴長閑地與中峯近殘陽獨

不還

送隱者

唐杜牧晚

無媒徑草路蕭蕭自古雲林遠市朝公道世間唯白
髮貴人頭上不曾饒

溪叟

唐僧景雲

人部

卷六十四

三五隱逸

溪翁居處靜溪鳥入門飛早起釣魚去夜深乘月歸
露香菰米熟煙煖荇絲肥瀟灑塵埃外扁舟一草衣

尋隱者不遇

唐僧貫休晚

松下問童子言師採藥去只在此山中雲深不知處
紫溪翁歌

唐陸龜蒙晚

一丘之木其棲深也屋吾客不辱一溪之石其居平
也席吾勞以息一竇之泉其音清也絃吾方在懸得

乎人得乎天吾不知所以然而然先生側弁而簪之
曰采江之魚兮朝船有鱸采江之蔬兮暮筮有蒲左

圖且書右琴與壺壽歟天歟貴歟賤歟歌闕而去

丁隱君歌

唐陸龜蒙

華陽道士南遊歸手中半卷青羅衣一作皮自言逋客持賜我乃是錢塘丁翰之連江一作更大抵多奇岫獨話君家最孤秀盤燒天竺春笋肥琴倚洞庭秋石瘦草堂暗引龍泓溜老樹根株若蹲獸霜濃果熟未容收往往兒童雜猿狖

人部

卷六十四

三十六

隱逸

詩集類函卷六十四

詩集類函卷六十五

東吳俞安期彙纂

宣城梅鼎祚增定

榆林杜文煥訂校

人部七

老人

賢婦

貞烈

宮人

戌婦

○老人

詠老

魏阮瑀

白髮隨節墮未寒思厚衣四支易懈倦行步益疎遲常恐時歲盡魂魄忽高飛自知百年後堂上生旅葵

詠老

晉陸機

軟顏收紅藥玄鬢吐素華冉冉逝將老咄咄奈老何

人部

卷六十五

老人

詠老

晉張載

氣力盡衰損鬢髮終以皓昔爲春月華今爲秋日草

詠老

宋范泰

枉生竟何豫未云倏已老華髮飄悴容苦慮栖懷抱疇昔少年時皆以歸大造

詠老贈夢得

唐白居易

與君俱老也自問老何如眼澀夜先臥頭慵朝未梳有時扶杖出盡日閉門居懶照新磨鏡休看小字書情於故人重跡共少年疎唯是閒談興相逢尚有餘

三叟

魏應璩

古有行道人陌上見三更年各百歲餘相與鋤禾莠
住車問三更何以得此壽上更前致辭內中嫗貌醜
中更前致辭量腹節所受下更前致辭夜臥不覆首
要哉三更言所以能長久

擊磬老人

唐王昌齡

雙峯褐衣久一聲白眉長誰識野人意徒看春草芳

贈山老人

唐李端

白首獨一身青山爲四隣雖行故鄉陌不見故鄉人

贈柏巖老人

唐錢起

日與麋鹿羣賢哉買山叟麗眉忽相見避世一何久

人部

卷六十五

老人

林棲古崖曲野事佳春後孤葉覆荆扉栗苞垂瓊牖
獨歌還獨酌不耕亦不耦曉田隔雲溪多雨長根秀
煙霞得情性身世同芻狗寄謝營道人天貞此翁有
柏崖老人號無名先生男削髮女黃冠自以雪

泉獨樂命予賦詩

唐錢起

古也憂婚嫁君能樂性場

一作道場

長男棲月宇少女炫

霓裳問爾餐霞處春山芝桂旁鶴前飛九轉壺裏駐
三光與我開龍嶠披雲靜藥堂胡麻兼藻綠石髓隔
花香帝力言何有椿年喜漸長窅然高象外寧不傲
羲皇

贈太白老人

唐張籍

日觀東峯幽客住竹巾藤帶亦逢迎暗修黃錄無人
見深種胡麻共犬行洞裏仙家常獨往壺中靈藥自
爲名春泉四面遶茅屋日日唯聞杵臼聲

代園中老人

唐耿漳

傭賃難堪一老身皤皤力役在青春林園手種唯吾
事桃李成陰歸別人

路旁老人

唐耿漳

老人獨坐倚官樹欲語潛然淚便垂陌上歸心無產
業城邊戰骨有親知餘生尚在艱難日長路多逢輕
人部

卷六十五

老人

薄兒綠水青山雖似舊如今食後復何爲

山老吟

唐孟郊

不行山下地唯種山上田腰斧斫旅松手瓢汲家泉
詎知文字力莫記日月遷蟠木爲我身始得全天年

洛陽有愚叟

唐白居易

洛陽有愚叟白黑無分別浪迹雖似狂謀身亦不拙
閑將酒壺出醉向人家歇野食或烹鮮寓眠多擁褐
抱琴榮啓樂荷插劉伶達放眼看青山任頭生白髮
從此到終身盡爲閑日月

示鄉叟

唐方干

暮齒甘衰謝逢人惜別離青山前代業老樹此身移
買藥將衣盡尋方見字遲如何鑷殘鬢覽鏡變成絲

馮叟居

唐劉駕

天作馮叟居山僧尚嫌僻開門因兩樹結宇倚翠壁
溪南有微徑時遇採芝客往往白雲生對面千里隔
機忘若僮僕常與猿鳥嘯曬藥上小峯庭深無日色
自忘歸鄉里不見新舊戚壘壘子孫墓秋風吹古柏
在江陵歎年傷老

宋鮑照

五難未易夷三命戒淵抱方瞳起松髓頰髮凝桂腦
役生良自休大患安足保開簾窺景久備屬雲物好

人部

卷六十五

四

翩翩燕弄風嫋嫋柳垂道池瀆亂蘋萍園援美花草
節如驚灰異零落就衰老

秋夕嘆白髮

梁何遜

絲白不難染蓬生直易扶唯見一作星星鬢獨與衆
中殊昔年十四五率性頗廉隅直是安被褐非敢慕
懷珠何言志事晚疲拙嬰殊軀逢時乃倏忽失路亦
斯須郊郭勤二頃形體憇一麻涸蚌困魚目籠禽觸
四隅宵長壁立靜廓處謝歡愉月色臨牕樹蟲聲當
戶樞飛蛾拂夜火墜葉舞秋林逐物均乘鶴違俗等
雙鳬故人倘未棄求我谷之岵

白頭吟

唐劉希夷

洛陽城東桃李花飛來飛去落誰家洛陽女兒惜顏
色行逢落花長嘆息今年花落顏色改明年花開復
誰在已見松柏摧爲薪更聞桑田變成海古人無復
洛城東今人還對落花風年年歲歲花相似歲歲年
年人不同寄言全盛紅顏子須憐半死白頭翁此翁
白頭真可憐伊昔紅顏美少年公子王孫芳樹下清
歌妙舞落花前光祿池臺文錦繡將軍樓閣畫神仙
一朝臥病無知己三春行樂在誰邊宛轉蛾眉能幾
時須臾鶴髮亂如絲但看古來歌舞處唯有黃昏鳥

人部

卷六十五

五

雀悲

歎老三首

唐白居易

晨興照清鏡形影兩寂寞少年辭我去白髮隨梳落
萬化成於漸漸衰看不覺但恐鏡中顏今朝老於昨
人年少滿百不得長歡樂誰會天地心千齡與龜鶴
吾聞善醫者今古稱扁鵲萬病皆可治惟無治老藥

二

我有一握髮梳理何稠直昔似玄雲光今如素絲色
匣中有舊鏡欲照先歎息自從頭白來不欲明磨拭
鵝頭與鶴頸至老長如墨獨有人鬢毛不得終身黑

三

前年種桃核今歲成花樹去歲生嬰兒今年已學步
但驚物成長不覺身衰暮去矣欲何如少年留不住
因書今日意徧寄諸親故壯歲不歡娛長年當悔悟

漸老

唐白居易中

今朝復明日不覺年齒暮白髮逐梳落朱顏辭鏡去
當春頗愁寂對酒寡歡趣遇境多愴卒逢人益敦故
形質屬天地推遷從不住所怪少年心銷磨落何處

昨日復今辰

唐白居易中

昨日復今辰悠悠七十春所經多故處却想是前身

人部

卷六十五

六

老人

散秩優游老閒居淨潔貧螺盃中有物鶴筆上無塵
解佩收朝帶抽簪換野巾風儀與名號別是一生人

不與老爲期

唐白居易中

不與老爲期因何兩鬢絲纔應免天促便已及衰羸
昨夜夢何在明朝身不知百憂非我所三樂是吾師
閉日常閑坐低頭每靜思存神機慮息養氣語言遲
行亦攜詩篋眠多枕酒卮自慙無一事少有不安時

九老會

唐白居易中

胡吉鄭劉盧張等六賢皆多年壽予亦次焉偶於
弊居合成尚齒之會七老相顧既醉甚歡靜而思

之此會稀有因成七言六韻以紀之傳好事者懷

州司馬安定胡杲年八十九衛尉卿致仕馮翊吉

皎年八十六右龍武軍長史榮陽鄭據年八十四

慈州刺史廣平劉真年八十二御史內供奉官范

陽盧貞年八十二永州刺史清河張渾年七十四

刑部尚書致仕太原白居易年亦七十四已上七

人合五百七十歲會昌五年三月二十有一日於

白家履道宅同宴宴罷賦詩時秘書監狄兼謨河

南尹盧貞以年未七十雖與會而不及列

七人五百七十歲拖紫紵朱垂白鬚手裏無金莫嗟

人部

卷六十五

七

老人

歡樽中有酒且歡娛詩吟兩句神還王酒飲三盃氣
尚麤鬼我歌狂教婢拍婆娑醉舞遺孫扶天年高過
二疎傳人數多於四皓圖除却三山五天竺人間此
會更應無

九老會

唐胡杲中

閑居同會在三春大抵愚年最出羣霜鬢不嫌盃酒
興白頭仍愛玉爐薰徘徊玩柳心猶健老大有花意
却勤鑿落滿斟斟酌香囊高挂任氤氳搜神得句
題紅紙望景長吟對白雲今日友情何不替齊年同
事聖明君

九老會

唐吉皎中

休官罷任已閑居林苑園亭興有餘對酒最宜花藻
發邀歡不厭柳條初低腰醉舞垂緋袖擊筇謳歌任
褐裾寧用管絃來合雜自親松竹且清虛飛觥酒到
須先酌賦詠成詩不住書借問商山賢四皓不知此
後更何如

九老會

唐劉真中

垂絲今日幸同筵朱紫居身是大年賞景尚知心未
退吟詩猶覺力完全閑庭飲酒連三月在席權豪象
七賢山茗煮時秋霧碧玉盃斟處彩霞鮮臨堦花笑
人部 卷六十五 八 老人

如歌妓傍竹松聲當管絃雖未學窮生死訣人間豈
不是神仙

九老會

唐鄭據中

東洛幽閒日暮春邀歡多是白頭賓官班朱紫多相
似年幾高低次第勻聯句每言松竹意停盃多說古
今人更無外事來心肺空有清虛入思神醉舞兩迴
迎勸酒狂歌一曲會余身今朝何事偏情重同作明
時列任臣

九老會

唐盧貞中

三春已盡洛陽宮天氣初晴景象中千朵嫩桃迎晚

日萬株垂柳逐和風非論官位皆相似及至年高亦
共同對酒歌聲猶覺妙玩花詩思豈能窮先時共作
三朝貴今日猶逢七老翁但願綠醪常滿酌煙霞萬
里會應同

九老會

唐張渾中

幽亭春盡共為歡印綬居身是大官遁跡豈勞登遠
岫垂絲何必坐溪磻詩聯六韻猶應易酒飲三盃未
覺難每況襟懷同要會共將心事比波瀾風吹野柳
懸羅帶日照庭花落綺紈此席不煩鋪錦帳斯筵堪
作畫圖看

人部

卷六十五

九 老人

覺衰

唐柳宗元中

久知老會至不謂便見侵今年宜未衰稍已來相尋
齒疎髮就種奔走力不任咄此可奈何未必傷我心
彭聃安在哉周孔亦已沈古稱壽聖人曾不留至今
但願得美酒朋友常共斟是時春向暮桃李生繁陰
日照天正綠杳杳歸鴻吟出門呼所親扶杖登西林
高歌足自快商頌有遺音

賢婦

女娟

原作河激歌○列女傳曰女娟者趙河東
易父之孫簡子遂驪不諱將渡用礮者少一

人始懷臂操械而請簡子遂與渡中流
爲簡子發河激之歌簡子歸納爲夫人

升彼河兮而觀清水揚波兮冒冥禱求福兮醉不醒誅將加兮妾心驚罰既釋兮漬乃清妾持楫兮操其維蛟龍助兮主將歸呼來權兮行勿疑

老萊妻賢名

魏嵇康

不願夫子相荆相將避祿隱畊樂道閒居採萍終厲高節不傾

秦女休

魏左延年

步出上西門遙望秦氏廬秦氏有好女自名爲女休一作始年十四五爲宗行報讐左執白楊刃右據宛

人部

卷六十五

十一

賢婦

魯才讐家便東南什僂秦女休女休西上山上山四里關吏呵問女休女休前置一作致詞平生爲燕王婦於今爲詔獄囚平生衣參差當今無領襦明知殺人當死兄言怏怏弟言無道憂女休堅詞爲宗報讐死不疑殺人都市中傲我都巷西丞卿羅一有東向列字坐女休悽悽復前兩徒夾我持刀刀五尺餘刀未下腫臃擊鼓赦書下

秦女休

晉傅玄

龐一作秦氏有烈婦義聲馳雍涼父母家有重怨讐人暴且強雖有男兄弟不能當烈女念此痛丹心

爲寸傷外若無意者內潛思無方白日入都市怨家如平常匿劒藏白刃一奮尋身僵身首爲之異處伏屍列肆旁肉與土合成泥灑血濺飛梁猛氣上干雲霓讐黨失守爲披攘一市稱烈義觀者收淚並慨忼百男何當益不如一女良烈女直造縣門云父不幸遭禍殃今讐身以分裂雖死情益揚殺人當伏法義不苟活墮舊章縣令解印綬令我傷心不忍聽刑部垂頭塞耳令我吏舉不能成烈著希代之績義立無窮之名大家同受其祚子子孫孫咸享其榮今我作歌詠高風激揚壯發悲且清

人部

卷六十五

十一

賢婦

秦女休

唐李白

西門秦氏女秀色如瓊花手揮白楊刀清晝殺讐家羅袖灑赤血英聲凌紫霞直上西山去關吏相邀遮增爲燕國王身被詔獄加犯刑若履虎不畏落爪牙素頸未及斷摧眉伏泥沙金鷄忽放赦大辟得寬賒何慚聶政姊萬古共驚嗟

楚妃

晉石崇

蕩蕩大楚跨土萬里北據方城南接交趾西撫巴漢東被海涖五侯九伯是疆是理矯矯莊王淵渟猷時冕旒垂精充續塞耳韜光戢曜潛默恭已內委樊姬

外任孫子倚倚樊姬體道履信既絕虞亡九女是進
杜絕邪佞廣啟令胤割歡抑寵居之不吝不吝實難
可謂知幾化自近始著於閨闈光佐霸業邁德揚威
羣后列辟式瞻洪規譬彼江漢百川咸歸萬邦作歌
身沒名飛

東海有勇婦

唐李白

梁山感杞妻慟哭爲之傾金石忽暫開都由激深情
東海有勇婦何慚蘇子卿學劍越處子超騰若流星
捐軀報夫讐萬死不顧生白刃曜素雪蒼天感精誠
十步兩跳躍三呼一交兵斬首掉國門蹴踏五藏行
人部 卷六十五

豁此伉儷憤粲然大義明北海李使君飛章奏天庭
捨罪警風俗流芳播滄瀛志在列女籍竹帛已光榮
淳于免詔獄漢主爲緹縈津妾一棹歌脫父於嚴刑
十子若不肖不如一女英豫讓斬空衣有心竟無成
要離殺慶忌壯夫素所輕妻子亦何辜焚之買虛聲
豈如東海婦事立獨揚名

靜女歌

唐張南容

靜女樂於靜動合古人則妙年工詩書弱歲勤組織
端居愁若癡誰復理容色十五坐幽閨四隣不相識
天天隣家子百花裝首飾日日淇上遊笑人不踰閭

河水自濁濟自清仙臺蛾眉秦鏡明爲照齊王門下
醜何如漢帝掌中輕

靜女吟

唐孟郊

艷女皆妬色靜女獨檢蹤任禮耻任妝嫁德不嫁容
君子易求聘小人難自從此志誰與諒琴絃幽韻重

蜀路石婦

唐白居易

道傍一石婦無記復無銘傳是此鄉女爲婦孝且貞
十五嫁邑人十六夫征行夫行二十載婦獨守孤貧
其夫有父母老病不安寧其婦執婦道一一如禮經
晨昏問起居恭順發心誠藥餌自調節膳羞必甘馨
人部 卷六十五

夫去竟不歸婦德轉光明後人高其節刻石像婦形
儼然整衣巾若立在閨庭似見舅姑禮如聞環珮聲
至今爲婦者見此孝心生不比山頭石空有望夫名
宋氏五女 具州宋處士若芬五女若華若昭若倫若憲若蘭

唐王建

五女誓終養貞孝內自持兔絲自縈紆不上青松枝
晨昏在親傍閑則讀書詩自得聖人心不因儒者知
少年絕音華貴絕父母詞素叙垂兩髦短窄古時衣
行成聞四方徵詔環珮隨同時入皇宮聯影步玉墀
鄉中尚其風重爲修茅茨聖朝有良史將此爲女師

江陵孝女

唐張籍

孝女獨垂髮少年唯一身無家空托墓主祭不從人相弔有行客起廬無舊隣江頭聞哭處寂寂楚花春

題義女亭

唐許渾

身沒蘭閨道日明郭南尋得舊池亭詩人愁立暮山碧賈客怨離秋草青四望月沈疑掩鏡兩簷花動認收屏至今鄉里風猶在借問誰傳義女銘

貞烈

貞女引

梁簡文帝

借問懷春臺百尺凌雲霧北有歲寒松南臨女貞樹

卷十五

貞烈

庭花對帷滿隙月依枝度但使明妾心無嗟坐遲暮

貞女引

梁沈約

貞女信無矯傍隣也兄疑輕生本非惜賤軀良足悲傳芳託嘉樹弦歌寄好詞

節婦吟

唐張籍

君知妾有夫贈妾雙明珠感君纏綿意繫在紅羅襦妾家高樓連苑起良人執戟明光裏知君用心如日月事夫誓擬同生死還君明珠雙淚垂何不相逢未嫁時

烈女操

唐孟郊

梧桐相待老鴛鴦會雙死貞節貴徇夫捨生亦如此波瀾誓不起妾心井中水

魯陶嬰

原作黃鵠歌○列女傳曰魯陶嬰者陶

為產魯人其女也少寡養父孤無慮足命紡績免乃作歌明已之不更二庭也魯人聞之遂復求

悲夫黃鵠之早寡今七年不雙宛頸獨宿今不與

衆同夜半悲鳴今想其故雄天命早寡今獨宿何傷

寡婦念此今泣下數行嗚呼哀哉今死者不可忘飛

鳥尚然兮況於貞良雖有賢雄今終不同行

韓憑妻

原作烏鵲歌○韓憑戰國時為宋康王舍人妻何氏美王欲之捕舍人築青陵

人部

卷十五

貞烈

臺何氏作烏鵲歌以見志遂自縊死

南山有鳥北山張羅鳥自高飛羅當奈何

烏鵲雙飛不樂鳳凰妾是庶人不樂宋王

荅夫歌

周韓憑妻

其雨淫淫河大水深日出當心康王得書以問蘇賀也河水深不得往來也日當心有死志也低而思殺妻亦死○被神記曰宋大夫韓憑娶妻而美自臺下左右嬖之衣不中手遺書於帶曰王利其生不利其死願以尸骨賜憑憑而合葬乎王怒弗聽使二人埋之於大壙也宿昔有交梓木生於二冢之端各而大台抱屈體相就相親交于下又有鸞鳥雌雄各樹恒栖樹上交頸悲鳴宋人哀之遂號其木曰相思

秋胡妻

原作秋胡行○西京雜記曰魯人秋胡妻桑於郊胡至郊而不識其妻也見而悅之胡三年於茲未有妻胡妻於今日也桑不顧胡而退至家問妻何人在曰桑桑不顧胡而歸還乃向所挑之婦也夫妻何人胡妻也既納之五日去而官於陳五年乃歸未至其家見路旁有美婦人方採桑而悅之下車謂曰力田不如逢豐年力桑不如見國卿今吾有金願以與夫人婦曰我採桑力作紡績絀以供衣食奉二親養夫子已矣不願人婦之金秋胡遂去歸至家奉金遺母使人呼其婦婦至而東走自投於河而死

秋胡子娶婦三日會行仕宦既享顯爵保茲德音以

人部

卷六十五

十六

貞烈

祿順親韞此黃金觀一好婦採桑路傍遂下黃金誘以逢卿玉磨逾潔蘭動彌馨源流潔清水無濁波奈何秋胡中道懷邪美此節婦高行巍義哀哉可愍自投長河

秋胡妻

原作和秋胡行一云和班氏詩

晉傅玄

秋胡納令室三日宦他鄉皎皎潔婦姿冷守空房燕婉不終夕別如參與商憂來猶四海易感難可防人言生曰短愁者苦夜長百草揚春華懷腕採桑素手尋繁枝落葉不盈筐羅衣翳玉體回日流采章君子倦仕歸車馬如龍驤精誠馳萬里既至去兩

相忘行人悅令顏借息此樹傍誘以逢卿喻遂下黃

金裴烈烈貞女忿言辭厲秋霜長驅及居室奉金升

北堂母立呼婦來歡情樂未央秋胡見此婦惕然懷

探湯負心豈不慚永誓非所望清濁必異源鳬鳳不

並翔引身赴長流果哉潔婦腸彼夫既不淑此婦亦

太剛

秋胡妻原作秋胡行

唐高適

妾本邯鄲未嫁時容華倚翠人未知一朝結髮從君

子將妾迢迢東魯陲時逢大道無艱阻君方遊宦從

陳汝蕙樓獨臥頻度春彩閣辭君幾徂暑三月垂楊

人部

卷六十五

十七

貞烈

蠶未眠攜籠結侶南陌邊道逢行子不相識贈妾黃

金買少年妾家夫婿經離久寸心誓與長相守願言

行路莫多情道妾貞心在人口日暮蠶餓相命歸攜

籠端飾來庭闈勞心苦力終無恨所冀君恩那可依

聞說行人已歸止乃是向來贈金子相看顏色不復

言相顧懷慙有何已從來自隱無疑背直爲君情也

相會如何咫尺仍有情況復迢迢千里外誓將顧恩

不顧身念君此日赴河津莫道向來不得意故欲留

規戒後人

詠杞梁妻

宋吳邁遠

燈竭從初明蘭凋猶早薰扼腕非一代千載炳遺文
貞夫淪宮役杜弔結齊君驚心眩白日長洲崩秋雲
精微貫宮晏高城爲墮墳行人既迷徑飛鳥亦失羣
壯哉金石軀出門形影分一隨塵壤消聲譽誰共論

詠貞婦彭城劉氏八章

渤海封卓妻劉氏彭城人成婚一夕卓官於京師以事見法劉氏在家忽形夢想知卓已死哀泣不止經旬不食問果不遂憤歎而終時人比之秦嘉妻云高允念其義高而名不著乃爲詩曰

北魏高允
兩儀正位人倫肇甄爰制夫婦統業承先雖曰異族
氣猶自然生則同室終契黃泉

封生今達卓爲時彥內協黃中外兼三變誰能作配

人部

卷六十五

十八

貞烈

克應其選實有華宗挺生淑媛

京野勢殊山川垂互乃奉王命載馳在路公務既弘
私義獲著因媒致幣遵止一暮

率我初冠眷彼弱笄形由禮比情以趣諸欣願難常
影跡易垂悠悠言邁戚戚長懷

時值險屯橫離塵網伏鎖就刑身分土壤千里雖遐
應如影響良嬪洞感發於夢想

仰惟親命俯尋嘉好誰謂會淺義深情到畢志守窮
誓不二醮何以驗之殞身是效

人之處世孰不厚生心存於義所重則輕結憤鍾心

甘就幽冥永捐堂宇長辭母兄

茫茫中野翳翳孤丘葛藟冥蒙荆棘四周理苟不昧
神必俱遊異哉貞婦曠世靡儔

○宮人

中山王孺子妾歌二首

齊陸厥

未央才人中山孺子一笑傾城一顧傾市傾城不自
美傾市復爲容願把陵陽袖披雲望九重

如姬寢臥內班婕坐同車洪波陪飲帳林光宴秦餘
歲暮寒飈及秋水落芙蓉子瑕矯後駕安陵泣前魚

賤妾終已矣君子定焉如

人部

卷六十五

十九

宮人

中山孺子妾歌

唐李白盛

中山孺子妾特以色見珍雖然不如延年妹亦是當
時絕世人桃李出深井花豔驚上春一貴復一賤關

天豈由身芙蓉老秋霜團扇羞網塵戚姬髡髮入春
市萬古共悲辛

詠邯鄲才人嫁爲廝養卒婦

齊謝朓

生平宮閣裏出入侍丹墀開竒方羅縠窺鏡比蛾眉
初別意未解去久日生悲憔悴不自識嬌羞餘故姿

夢中忽彷彿猶言承燕私

邯鄲才人嫁爲廝養卒婦

唐李白盛

妾本崇臺女揚蛾入丹闕自倚顏如花寧知有相歇
一辭玉階下去若朝雲沒每憶邯鄲城深宮夢秋月
君王不可見惆悵至明發

宮人原作古意

梁吳均

妾本倡家女出入魏王宮既得承瑤輦亦在更衣中
蓮花銜青雀寶粟鈿金蟲猶言不得意流涕憶遼東

未央才人歌

梁庾肩吾

從來守未央轉欲訝春芳朝風凌日色夜月奪燈光
相逢儻遊豫暫爲卷衣裳

黃門倡歌

漢書禮樂志曰成帝時鄭聲尤甚黃門各倡丙桓景武之屬富顯於世

人部

卷六十五

三十一

古無名氏

佳人俱絕世握手上春樓點黛方初月縫裙學石榴
君王入朝罷爭競理衣裳

賦得班去趙姬升

陳徐湛

班姬與飛燕俱侍漢王宮不意恩情歇偏將衰草同
香飛金輦外苦上玉階中今日悲團扇非是爲秋風

盧女曲

樂府解題曰盧女者魏武帝時宮人也故將軍陰升之姊七歲入魏宮善鼓琴

至明帝崩後出嫁爲尹更生妻

唐崔顥

二月春來半宮中日漸長柳垂金屋暖花覆玉樓香
拂匣先臨鏡調笙更炙簧還將盧女曲夜夜奉君王

宮人原作古興

唐李嘉祐

十五小家女雙鬟人不如蛾眉暫一見可直千金餘
自從得向蓬萊裏出入金輿乘玉趾梧桐樹上春鴉
鳴曉伴君王猶未起莫道君恩長不休婕妤團扇苦
悲秋君看魏帝鄴都裏唯有銅臺渾水流

宮娃歌

唐李賀

蟾光高懸照紗空花房夜禱紅守宮象口吹香氈氍
暖七星挂城聞漏板寒入翠思殿影昏彩鸞簾額著
霜痕啼謁弔月鉤欄下屈膝銅鋪鎖阿甄夢入家門
上沙渚天河落處長洲路願君光明如太陽放妾騎

人部

卷六十五

三十一

魚撒波去

舊宮人

唐王建

先帝舊宮宮女在亂絲猶挂鳳凰釵霓裳法曲渾拋
却獨自花間掃玉階

舊宮人

唐張籍

歌舞梁州女歸時白髮生全家沒落處無處問鄉程
宮錦不傳樣御香空記名一身難自說愁逐路人行

舊宮人

唐項斯

自由先皇玉殿中衣裳不更染深紅宮釵折盡垂空
鬢內扇口多減半風桃熟亦曾君手賜酒闌猶候妾

歌終如今還向城邊住御水東流意不通

出宮人

唐杜牧晚

平陽拊背穿馳道銅雀分香下璧門幾向綬珠深殿裏妬拋羞態臥黃昏

奉陵宮人

唐杜牧晚

相如死後無詞客延壽亡來絕畫工玉顏不是黃金少淚滴秋山入壽宮

湘宮人歌

唐溫庭筠晚

池塘芳意濕夜半東風起生綠畫羅屏金盞貯春水黃粉楚宮人芳花玉刻鱗娟娟照棋燭不語兩含嚬

人部

卷六十五

宮人

悲老宮人

唐劉得仁晚

白髮宮娃不解悲滿頭猶自插花枝曾緣玉貌君王寵准擬人看似舊時

宮妓

唐李商隱晚

珠箔輕明拂玉墀披香新殿闌腰肢不須看盡魚龍戲終遣君王怒偃師

續不詩

開元中賜邊軍續衣有軍士於袍中得詩云云白於卿進之玄宗下罪得宮人深憫之遂以妹得詩人

且曰我與汝結今生緣

唐玄宗宮人

沙場征戍客寒苦若為眠戰袍經手作知落阿誰邊蕭瑟多添線含情更著綿今生已過也重結後生緣

題葉詩

顧況在洛於苑中流水上得梧葉有詩
葉奇與有情入深宮裏年年不見春
花落深宮鶯亦悲上陽宮女斷腸時
禁東流水不東流上陽宮女斷腸時
日有人又得題葉詩以示況云云

唐玄宗宮人

一葉題詩出禁城誰人酬和獨含情自嗟不及波中葉蕩漾乘春取次行

題紅葉

傳宗時干祐於御溝拾一葉有詩云云
松之後帝放宮女三千韓
竟嫁祔各取紅葉相示云

唐僖宗宮人

流水何太急深宮盡日閑殷勤謝紅葉好去到人間

製袍詩

傳宗自內出袍千領賜塞外吏士傳策
軍馬真於袍中得金鎖一枚詩一首

人部

卷六十五

宮人

玉燭製袍夜金刀呵手裁鎖寄千里客鎖心終不開

○戌婦

貧女附

戌婦

原作

魏陳思王

西北有織婦綺縠何繽紛明晨秉機杼日晏不成文太息終長夜悲嘯入青雲妾身守空閨良人行從軍自期三年歸今已歷九春飛一作鳥遶樹翔嗽嗽鳴

索羣願為南流景馳光見我君

戌婦

原作

宋鮑照

河畔草未黃胡鴈已矯翼秋葦扶戶吟寒婦成夜織

去歲征人還流傳舊相識聞君上隴時東望久歎息
宿昔改衣帶朝旦一作日暮異容色念此憂如何夜長愁
更多明鏡塵匣中瑤琴生網羅

征怨

梁江淹

蕩子從征久鳳樓簫管閑獨枕凋雲鬢孤燈損玉顏
何日邊塵淨庭前征馬還

敬酬柳僕射征怨

梁丘遲

清歌自信妍雅舞空僊僊耳中解明月頭上落金鈿
雀飛日近遠暮入綺窻前魚戲雖南北終還荷葉邊
惟見君行久新年非故年

人部

卷六十五

五十四

步端

戍婦辭

原作石

古無名氏

自從君去遠巡邊終日羅帷獨自眠看花情轉切攬
鏡淚如泉一自離君後啼多雙臉穿何時任虜滅免
得更留連

戍婦

原作從

唐喬知之

南庭結白露北風掃黃葉此時鴻鴈來驚鳴催思安
曲房理鍼線平砧擣文練鴛綺裁易成龍鄉信難見
窈窕九重閨寂寞十年啼紗牕白雲宿羅幌月光樓
雲月隱微微夜上流黃機玉霜凍珠履金吹薄羅衣
漢家已得地君去將何事宛轉結蠶書寂寞無鴈使

平生荷恩信本為榮華進況復落紅顏蟬聲催綠鬢

戍婦四首

原作雜詩

唐沈佺期

初

鐵馬三軍去金閨一月還邊愁離上國春夢失陽關
池水琉璃靜園花玳瑁斑歲華空自擲愁怨不勝顏

二

落葉驚秋婦高砧促暝機蜘蛛尋月度螢火傍人飛
清鏡紅埃入孤燈綠焰微怨啼能至曉獨自懶縫衣

三

妾家臨渭北春夢著遼西何苦朝鮮郡年年事鼓鞀
燕來紅壁語鶯向綠窻啼為許長相憶闌干玉筋齊

人部

卷六十五

三十五

戍婦

四

聞道黃龍戍頻年不解兵可憐閨裏月長在漢家營
少婦今春意良人昨夜情誰能將旗鼓一為取龍城

戍婦

原作妾

唐劉元淑

初

自從離別守空閨遙聞征戰起雲梯夜夜愁君遠海
北年年棄妾渭橋西陽春白日照空暖紫燕銜花向
庭滿綵鸞琴裏怨聲多飛鵲鏡前妝梳斷誰家夫婿
不從征應是漁陽別有情莫道紅顏無地少家家還
似洛陽城且逐新人殊未歸還令秋至夜霜飛北斗
星前橫渡鴈南樓月下擣寒衣夜深聞鴈腸欲絕獨

坐縫衣燈又滅暗啼羅帳空自憐夢度陽關向誰說
每憐容貌宛如神如何薄命不勝人願君朝夕燕山
至好作明年楊柳春

戍婦怨

唐鄭遂初

蕩子戍遼東連年信不通塵生錦步障花遶玉屏風
只怨紅顏改寧辭玉簫空繫書春鴈足早晚到雲中

戍婦

唐李白

關氏黃葉落妾望白登臺海上碧雲斷單干秋色來
胡兵沙塞合漢使玉關回征客無歸日空悲蕙草摧

戍婦

唐李白

人部

卷六十五

三六

戍婦

銜悲上隴首腸斷不見君流水若有情幽哀從此分
蒼茫愁邊色惆悵落日曛山外接遠天天際復有雲
白鴈從中來飛鳴苦難聞足繫一書札寄言難離羣
離羣心斷絕十見花成雪胡地無春輝征人行不歸
相思杳如夢珠淚濕羅衣

思邊

唐李白

去年何時君別妾南園綠草飛蝴蝶今歲何時妾憶
君西山白雪暗秦雲玉關去此三千里欲寄音書那
可聞

戍婦

唐杜甫

兔絲附蓬麻引蔓故不長嫁女與征夫不如棄路傍
結髮爲君妻席不煖君牀暮婚晨告別無乃太匆忙
君行雖不遠守邊戍河陽妾身未分明何以拜姑嫜
父母養我時日夜令我藏生女有所歸雞犬亦得將
君今死生^{一作死}地沈痛迫中腸誓欲隨君去形勢反
蒼黃勿爲新婚念努力事戎行婦人在軍中兵氣恐
不揚自嗟貧家女久致羅縵裳羅縵不復施對君洗
紅妝仰視百鳥飛大小必雙翔人事多錯迕與君永
相望

開絨怨

唐朱琳

人部

卷六十五

三六

戍婦

夫婿邊庭久幽閨恨幾重玉琴知別日金鏡識愁容
嬾寄雲中服慵開海外封年年得衣慣且試莫裁縫
孤寢怨

唐崔珣

征戍動經年含情拂玳筵花飛織錦處月落擣衣邊
燈暗愁孤坐牀空怨獨眠自君遼海去玉匣閉春絃

戍婦

唐劉長卿

鶯啼燕語報新年馬色龍飛路幾千家住層城臨漢
苑心隨明月到胡天機中錦字論長恨樓上花枝笑
獨眠爲問元戎寶車騎何時返旆勒燕然

戍婦

唐孟郊

蕩子守邊戍佳人莫相從去來年月多苦愁改形容
上山復下山踏草成古蹤徒言採靡蕪十度不一逢
鑒獨是明月識志唯寒松井桃始開花一見悲萬重
人顏不兩春桃色有再濃指氣入空房無慘乍從容
啓貼理針線非獨學裁縫手持未染絲繡爲白芙蓉
芙蓉無染汚將以表心素欲寄未歸人當春無信去
無信反增愁愁心緣隴頭君如隴頭水冰鏡水還流
宛宛青絲繩纖纖白玉鈎玉鈎不虧缺青絲無斷絕
迴還勝雙手解盡心中結

征婦怨二首

唐孟郊

人部

卷六十五

二八

漁陽千里道近如中門限中門踰有時漁陽長在眼

二

君淚濡羅巾妾淚滿路塵羅巾妾在手今得隨妾身
路塵如得風得上君車輪

戍婦

原作妾命薄

唐張籍

薄命婦良家子無事從軍去萬里漢家天子平四夷
護羌都尉裏屍歸念君此行爲死別對君裁縫泉下
衣與君一日爲夫婦千年萬歲亦相守君愛龍城征
戰功妾願青樓歡樂同人生各各有所欲詎得將心
入君腹

征婦怨

唐張籍

九月匈奴殺邊將漢軍全沒遼水上萬里無人收白
骨家家城下招魂葬婦人依倚子與夫同居貧賤心
亦舒夫死戰場子在腹妾身雖存如畫燭

戍婦

原作續古詩

唐白居易

戚戚復戚戚送君遠行役行役非中原海外黃沙磧
伶俜獨居妾迢遞長征客君望功名歸妾憂生死隔
誰家無丈夫何人不離拆所恨薄命身嫁遲別日迫
妾身有存沒妾心無改易生作閨中婦死作山頭石

戍婦

原作效古興

唐施肩吾

人部

卷六十五

二九

金雀無舊釵綳綺無舊裙唯有一寸心長貯萬里口
南軒夜蟲織已促北牖飛蛾連殘燭祇言衆口鑠千
金誰信獨愁銷片玉不知歲晚歸不歸又將啼眼縫
征衣

戍婦

原作詩雜

唐無名氏

一去遼陽繫夢魂忽傳征騎到中門紗幮不肯施紅
粉徒遣蕭郎問淚痕
無定河邊暮笛聲赫連臺畔旅人情函關歸路千餘
里一夕秋風白髮生

戍婦恨

原作春恨

唐錢翊

久戍臨洮報未歸
篋香銷盡別時衣
身輕願比蘭階葉
萬里還尋塞草飛

征婦歎

唐馬戴

稚子在我抱
送君登遠道
稚子今已行
念君上邊城
蓬根既無定
蓬子焉用生
但見請防胡
不聞言罷兵
及老能得歸
少者還長征

征婦怨

唐劉兼

金閨寂寞罷妝臺
玉筯欄干界粉腮
花落掩關春欲暮
月圓欹枕夢初迴
鸞膠豈續愁腸斷
龍劍難揮別緒開
曾寄錦書無限意
塞鴻何事不歸來

入部

卷六十五

三十

貧女

戍婦

原作

唐黃滔

寸心杳與馬蹄隨
如蛻形容在錦帷
江上月明船發後
花間日暮信迴時
五陵夜作酬恩計
四塞秋爲破虜期
待到乘輶入門處
淚珠流盡玉顏衰

征人

唐羅鄴

青樓一別戍金微
力盡秋來破虜圍
錦字莫辭連夜織
塞邊長是到春歸
正憐漢月當空照
不奈胡沙滿眼飛
唯有夢魂南去日
胡鄉山水路依稀

寄遠

唐劉駕

雪花豈結子徒滿
連理枝
嫁與征人妻
不得長相隨

去年君點行賤妾是新姬
別早見未熟入夢無定姿
悄悄空閨中蛩聲遠
羅帷得書喜猶甚
况復見君時

負薪行

以下貧女

唐杜甫

夔州處女髮半華
四五十無夫家
更遭喪亂嫁不售
一生抱恨堪咨嗟
土風坐男使女立
應當門戶女出入
十猶八九負薪歸
賣薪得錢應供給
至老雙鬟只垂頸
野花山葉銀釵並
筋力登危集市門
死生射利兼鹽井
面妝首飾雜啼痕
地福衣寒困石根
若道巫山女粗醜
何得此有昭君村

貧女詞寄從叔先輩簡

唐孟郊

入部

卷六十五

三十

貧女

蠶一作女
非不勤今年獨無春
二月冰雪深死盡萬
木身時令自逆行
造化豈不仁仰企碧雲仙
高控滄海雲
永別勞苦腸飄飄遊無垠

貧女

唐秦韜

蓬門未識綺羅香
擬托良媒益自傷
誰念風流高格調
共憐時世儉梳妝
敢將十指誇纖巧
不把雙眉鬪畫長
每恨年年壓金線
爲他人作嫁衣裳

貧女吟

唐鄭谷

塵壓鵝鴦廢錦機
滿頭空插麗春枝
東鄰舞妓多金翠
笑剪燈花學畫眉

寒女吟

唐邵謁晚

寒女命自薄生來多賤微家貧人不聘一身無所歸
養蠶徒苦心繭熟他人絲織素徒苦力素成他人衣
青樓富家女纔生便有主終日著羅綺何曾識機杼
清夜聞歌聲聽之淚如雨他人如何歡我意又何苦
所以問皇天皇天竟無語

里中女

唐于瀆晚

吾聞池中魚不識海水深吾聞桑下女不識華堂陰
貧賤苦機杼富家鳴杵砧天與雙明眸只教識高簪
徒惜越娃貌亦蘊韓娥音珠玉不到眼遂無奢侈心
人部 卷六十五 三十三 貧女

豈知趙飛燕滿髻釵黃金

鄰女

唐劉駕晚

君嫌鄰女醜取婦他鄉縣料嫁與君人亦為鄰所賤
葛蒲花可貴只為人難見

詩雋類函卷六十六

東吳俞安期彙纂

宣城梅鼎祚增定

關中來 復訂校

人部八

美女

○美女

佳人

漢書外戚傳曰李延年性知音善歌舞武帝愛之延年侍上起舞歌云云上獲良曰世豈有此人乎平陽主因言延年有女弟上召見之實妙麗善舞由是得幸

漢李延年

北方有佳人絕世而獨立一顧傾人城再顧傾人國
寧不知傾城與傾國佳人難再得

人部

卷六十六

一 美女

美女篇

魏陳思王

美女妖且閑採桑岐路間柔條紛冉冉落葉何翩翩
攘袖見素手皓腕約金環頭上金爵釵腰佩翠琅玕
明珠交玉體珊瑚間木難羅衣何飄飄輕車隨風還
顧盼遺光彩長嘯氣若蘭行徒用息駕休者以忘餐
借問女安居乃在城南端青樓臨大路高門結重關
容華耀朝日誰不希令顏媒氏何所營玉帛不時安
佳人慕高義求賢良獨難衆人徒嗷嗷安知彼所觀
盛年處房室中夜起長嘆

美女篇

晉傅玄

美人一何麗顏若芙蓉花一顧亂人國再顧亂人室
未亂猶可奈何

豔歌有女篇

晉傅玄

有女懷芬芳娉娉步東廂蛾眉分翠羽明目一作發
清揚丹唇翳皓齒秀色若珪璋巧笑露顰顰衆媚不
可詳令儀希世山無乃古毛嬙頭安金步搖耳繫明
月瑠珠環約素腕翠羽垂鮮光文袍綴藻黼玉體映
羅裳容華既已豔志節擬秋霜微音冠奇雲聲響流
四方妙哉美媛德宜配侯與王靈應萬世合日月時
相望媒氏陳東帛羔鴈鳴前堂百兩盈中路起若鸞
人部 卷六十六 二 美女

鳳翔凡夫徒踴躍望絕殊參商

豔歌

宋江夏王義恭

江南遊湘妃窈窕漢濱女淑問流古今蘭音媚鄭楚
瑤顏映長川善服照通許求思望襄滌歎息對衡渚
中情未相感搔首增企予悲鴻失良匹俯仰戀儔侶
徘徊忘寢食羽翼不能舉傾首佇春燕爲我津辭語

代美女篇

梁蕭子範

邯鄲一作覽輟舞巴姬請能茲佳人淇水出豔趙復
傾燕繁穠旣爲李照水亦成蓮朝酤成都酒與數河
間錢餘光幸未惜

美女篇

梁簡文帝

佳麗盡關情風流最有名約黃能効月裁金巧作星
粉光勝玉靚衫薄擬蟬輕密態隨流臉嬌歌逐軟聲
朱顏半已醉微笑隱香屏

有女篇十八韻

一作豔

梁簡文帝

凌晨光景麗倡女鳳樓中前瞻削成小傍望卷旌空
分妝開淺靨繞臉傳斜紅張琴未調軫吹不全終
自知心所愛出入仕秦宮誰言連尹屈更是莫敖通
輕軹綴皂蓋飛轡轢雲馳金鞍隨繫尾銜環映經驤
戈鏤荆山玉劍飾丹陽銅左把蘇合彈傍持大屈弓
人部 卷六十六 三 美女

控弦因鵠血挽繯一作用牛喻弋獵多登隴酣歌每
入豐暉暉墜落日冉冉還房櫳燈生陽燧火塵散鯉
魚風流蘇時下帳象簾復韜簡霧暗牕前柳寒疎井
上桐女蘿託松際甘瓜蔓井東拳拳恃君寵歲暮望
無窮

采芣女

梁簡文帝

采芣生袂斜結子復銜花遇逢纖手摘溢得映鈿華
雜與鬢簪插偶逐髮鈿斜東西爭贈玉縱橫來問家
不無夫婿馬空駐使君車

美人

梁吳均

妾家橫塘北發艷小長干花釵玉宛轉珠繩金絡繹
一作羅縠縣丹青鳳透迤搖白團誰能分見此含
恨不能言一作誰堪久見此含恨不相看

詠美人

梁庾肩吾

絳樹及西施俱是好容儀非關能結束本自細腰肢
鏡前難並照相將映渌池看妝畏水動斂袖避風吹
轉手齊裾亂橫簪歷歷垂曲中人未取誰堪白日移
不分他相識唯聽使君知

賦得胡姬年十五

漢辛延年羽林郎曰胡姬年十五春日獨當爐○樂府作晉劉琨五言律祖作梁劉琨然晉未有律體律祖或有考也

人部

卷六十六

四

美人

梁劉琨

虹梁照曉日渌水泛香蓮如何十五少含笑酒壚前
花將面自許人共影相憐回頭堪百萬價重爲時年

詠佳麗

梁劉孝威

可憐將可念可念值千金唯言有一恨恨不遂人心

豔歌三首

陳顧野王

夕臺行雨度朝梁照日輝東城採桑返南市數錢歸
長歌挑碧玉羅塵笑洛妃欲知歡未盡棲鳥已夜飛

二

齊倡趙女盡妖妍珠簾玉砌併神仙莫笑人來最落

後能使君恩得度前豈知洛洛羅羅步詎滅天河秋
夕渡妖姿巧笑能傾城那思他人不憎如蓮花藻井
推菱荷採菱妙曲勝陽阿

燕姬妍趙女麗出入王宮公主第倚鳴瑟歌未央調
弦八九弄度曲兩三章唯欣春日永詎愁秋夜長歌
未央倚鳴瑟輕風飄落藥乳燕巢蘭室結羅帷翫朝
日曉開翠幔卷妝罷金星出爭琴四照花競戲三條

大堤女

北魏王容

寶簪耀明璫香羅鳴玉佩大堤諸女兒一一皆春態
入花花不見穿柳柳陰碎東風拂面來由來亦相愛

人部

卷六十六

五

美女

美女篇二首

北齊魏收

楚襄遊夢去陳思朝洛歸參差結旌旆掩靄謁驂駟
變化看臺曲駭散屬川沂仍令賦神女俄聞要處妃
照梁何足豔昇霞反奮飛可言不可見言是復言非

二

按帝更朝衣檀籠無論賤入愛不嫌微
智瑁非俗物羅敷本自稀居然陋西子定可比南威
新吳何爲誤舊鄭果難依甘言誠易汚得失定因機
無憎藥英如心賞易侵違

美女篇

隋盧思道

京洛多妖艷餘香愛物華俱臨鄧渠一作水共渠
園花時搖五明扇聊駐七香車情疎看笑淺嬌深
欲斜微津染長黛新溜濕輕紗莫言人未解隨君獨
問家

美女篇

唐王珣

東隣美女實名倡絕代容華無比方濃纖得中非短
長紅素天生誰飾妝桂樓椒閣木蘭堂繡戶雕軒文
杏梁屈曲屏風遶象牀菱花翠帳綴香囊玉臺龍鏡
澄微光金爐沈煙酷烈芳遙聞行珮音鏘鏘含嬌含
笑出洞房二八三五閨心切牽簾捲幔迎春節清歌
人部 卷六十六 六 美女

賦得北方有佳人

唐徐賢妃

由來稱獨步本是號傾城柳葉眉間發桃花臉上生
腕推金釧響長轉玉環鳴纖腰宜寶袿紅衫艷織成
懸知一顧重別覺舞腰輕

春女行

唐劉希夷

春女顏如玉怨歌陽春曲巫山春樹紅沅湘春草綠

自憐妖艷姿妝成獨見時愁心伴楊柳春盡亂如絲
目極千餘里悠悠春江水頗想玉關人愁臥金闌裏
尚言春花落不知秋風起嬌愛猶未終悲涼從此始
憶昔楚王宮玉樓妝粉紅纖腰弄明月長袖舞春風
榮華委西山光陰不可還桑林沒東海富貴今何在
寄言桃李容胡爲閨閣重但看楚王墓惟見數株松

春女行

唐王翰

紫臺穹跨連綠波紅軒鈴匝垂纖羅中有一人金作
面隔幌玲瓏遙可見忽聞黃鳥鳴且悲鏡邊含笑著
春衣羅袖嬋娟似無力行拾落花比容色落花一度
無再春人生作樂須及晨君不見楚王臺上紅顏子
今日皆成狐兔塵

人部

卷六十六

七

美女

洛陽女兒行

唐王維

洛陽女兒對門居纔可顏容十五餘良人玉勒乘驄
馬侍女金盤膾鯉魚畫閣朱樓盡相三紅桃綠柳垂
簷向羅帷送上七香車寶扇迎歸九葉帳狂夫富貴
在青春春意氣驕奢劇季倫自憐碧玉親教舞不惜珊
瑚持與人春牕曙滅九微火九微片片飛花璵戲罷
曾無理曲時妝成祗是薰香坐城中相識盡繁華日
夜經過趙李家誰憐越女顏如玉貧賤江湖自浣沙

美人原作

唐王維盛

雙燕初命子五桃初作花王昌是東舍宋玉次西家

小小能織綺時時出浣紗親勞使者問南陌駐香車

美人原作

唐王維盛

朝因折楊柳相見洛城隅楚國無如妾秦家自有夫
對人傳玉腕映燭解羅襦人見東方騎皆言夫婿珠

麗人行

唐杜甫盛

三月三日天氣新長安水邊多麗人能濃意遠淑且

真肌理細膩骨肉勻繡羅衣裳照暮春感金孔雀銀

麒麟頭上何所有翠爲釵葉垂鬢脣身後何所見

人部

卷六十六

八美人

壓腰極穩稱身就中雲幕椒房親賜名大國號與手

紫馳之峯出翠釜水精之盤行素鱗犀筋厭厭久未

下鸞刀縷切空紛綸黃門飛鞚不動塵御廚絡繹送

八珍簫鼓哀吟感鬼神賓從雜沓實要津後來鞍馬

何逡巡當軒下馬入錦茵楊花雪落覆白蘋青鳥飛

去銜紅巾炙手可熱勢絕倫慎莫近前丞相嗔

麗人曲

唐崔國輔盛

紅顏稱絕代欲並真無侶獨有鏡中人由來自相許

采蓮女

唐萬楚盛

山陰柳家女九日採采蓮復得東鄰伴雙爲陌上姝

插枝著高髻結子置長裾作性長遲緩非關詭丈夫
平明折林樾日入返城隅賈客要羅袖行人挑短書
蛾眉自有主年少莫踟躕

川上女

唐崔顥盛

川上女晚妝鮮日落青渚試輕楫汀長花滿正廻船
暮來風起浪轉緊自言此去橫塘近綠江無伴夜獨

行獨行心緒愁無盡

烏江女

唐屈同仙盛

越豔誰家女朝遊江岸傍青春猶未嫁紅粉舊來娼
錦袖盛朱橘銀鉤摘紫房見人羞不語回艇入溪藏

人部

卷六十六

九美人

越女

唐王昌齡盛

越女作桂舟還將桂爲楫湖上水渺漫清江不可涉

摘取芙蓉花莫摘芙蓉葉將歸問夫婿顏色何如妾

浣紗女

唐王昌齡盛

錢塘江畔是誰家江上女兒全勝花吳王在時不得

出今日公然來浣紗

越女詞四首

唐李白盛

長干吳兒女眉目艷星月夜上足如霜不著鴉頭襪

二

吳兒多白皙好爲蕩舟劇買眼擲春心折花調行客

三

耶溪採蓮女見客棹歌回笑入荷花去佯羞不出來

四

東陽素足女會稽素舸郎相看月未墮白地斷肝腸

浣沙石上女

唐李白

玉面耶溪女青娥紅粉妝一雙金齒屐兩足白如霜

巴女詞

唐李白

巴水急如箭巴船去若飛十日三千里郎行幾歲歸

題美人

唐于鵠

秦女窺人不解羞攀花起蝶出牆頭胸前空帶宜男

人部

卷六十六

草嫁得蕭郎愛遠遊

美人

唐權德輿

淇水春正綠上宮蘭葉齊光風兩搖蕩鳴佩出中閨

一顧授黃流千金呈瓠犀徒然路傍子恍恍復悽悽

美人

唐僧貫休

美人如游龍被服金鸞手把古刀尺在彼白玉堂

文章深掣曳珂珮鳴珂璫好風吹桃花片片落銀牀

何當舉羽翰遠逐朱鳥翔

董嬌嬈

漢宋子侯

洛陽城東路桃李生路傍花自相對葉葉自相當

春風東北起花葉正低昂不知誰家子提籠行採桑

纖手折其枝花落何飄颺請謝彼姝子何為見損傷

高秋八九月白露變為霜終年會飄墮安得久馨香

秋時自零落春月復芬芳何時盛年去歡愛一作永

相忘吾欲竟此曲此曲愁人腸歸來酌美酒挾瑟上

高堂

羅敷

古辭

日出東南隅照我秦氏樓秦氏有好女自名為羅敷

羅敷善蠶桑採桑城南隅青絲為籠係桂枝為籠鉤

頭上倭墮髻耳中明月珠細綺為下裙紫綺為上襦

人部

卷六十六

十一

美人

行者見羅敷下擔擗髭鬚少年見羅敷脫帽著幘頭

耕者忘其犁鋤者忘其鋤來歸相怨怒但坐觀羅敷

使君從南來五馬立踟躕使君遣吏往問是誰家姝

秦氏有好女自名為羅敷羅敷年幾何二十尚不足

十五頗有餘使君謝羅敷寧可共載不羅敷前致辭

使君一何愚使君自有婦羅敷自有夫東方千餘騎

夫婿居上頭何用識夫婿白馬從驪駒青絲繫馬尾

黃金絡馬頭腰中鹿盧劍可值千萬餘十五府小史

二十朝大夫三十侍中郎四十專城居為人潔白皆

鬚鬚頗有鬚盈盈公府步冉冉府中趨坐中數千人

皆言夫婿殊

羅敷豔歌

晉陸機

扶桑升朝暉照此高臺端
高臺多妖麗瀝房出清顏
淑貌耀皎日惠心清且閑
美目揚玉澤蛾眉象翠翰
鮮膚一何潤秀色若可餐
窈窕多容儀婉媚巧笑言
暮春春服成粲粲綺與紈
金雀垂藻翹瓊佩結瑤璠
方駕揚清塵濯足洛水瀾
藹藹風雲會佳人一何繁
南崖充羅幕北渚盈軒軒
清川含藻景高岸被華丹
馥馥芳袖揮冷冷纖指彈
悲歌吐清響雅舞播幽蘭
丹唇含九秋妍迹陵七盤
赴曲迅驚鴻蹈節如集鸞

入部

卷六十六

十二

美人

綺態隨顏變沈姿無定源
俯仰紛阿那顧步咸可歡
遺芳結飛颺浮景映清湍
冶容不足詠春遊良可歎

羅敷

原作日出
東南隅行

梁沈約

朝日出邯鄲照我叢臺端
中有傾城豔顧景織羅紈
延軀似纖約遺視若回瀾
瑤裝映層綺金服炫雕樂
幸有同匡好西仕服秦官
寶劍垂玉貝汗馬飾金鞍
繁場類轉雪逸控寫似一
騰鸞羅衣夕解帶玉釵暮
垂冠

羅敷

原作日出
東南隅行

梁張率

朝日照屋梁夕月懸洞房
專遽自稱豔獨口伊覽光

雖資自然色誰能棄薄妝
施著見朱粉點畫示頰黃
含貝開丹吻如羽發清揚
金碧既簪珥綺縠復衣裳
方領備蟲彩曲裾維鴛鴦
手操獨繭緒唇凝脂燥黃

南威

原作日出
東南隅行

陳後主

重輪上瑞暉西北照南威
南威年二八開牖敞重闈
當爐送客去上苑逐春歸
鬢下珠勝月牕前雲帶衣
紅裙結未解綠綺自難微

羅敷

原作日出
東南隅行

陳殷謀

秦樓出佳麗正值朝日光
陌頭能駐馬花處復添香

羅敷

原作日出
東南隅行

隋盧思道

入部

卷六十六

十三

美人

初月正如鉤懸光入綺樓
中有可憐妾如恨亦如羞
深情出艷語密意滿橫眸
楚腰寧且細孫眉本未愁
青玉勿當取雙銀詎可肯
一作留會待東方騎遙居寂
上頭

羅敷

梁蕭子範

城南日半上微步弄妖姿
含情動燕俗顧景笑齊眉
不憂桑葉盡還憶畏蠶饑
春風若有顧惟願落花遲

羅敷

北魏高允

邑中有好女姓秦字羅敷
巧笑美回盼鬢髮復凝膚
脚著花文履耳穿明月珠
頭作墮馬髻倒枕象牙梳

姊妹善趨步襜褕曳長裾王侯爲之顧駟馬自踟蹰

情人碧玉歌一首碧玉歌一名千金意晉孫綽所作樂府詩集云宋汝南王

晉孫綽

碧玉小家女不敢攀貴德感郎千金意慙無傾城色

二

碧玉破瓜時郎爲情顛倒感君不羞報迴身就郎抱

莫愁

二曲○唐書樂志曰莫愁樂者出于石城樂石城有女子名莫愁善歌謠石城樂和中復有忘愁聲因有此歌

古辭

莫愁在何處莫愁石城西艇子打兩槳催送莫愁來

二

人部 卷六十六 十 美人

聞歡下揚州相送楚山頭探手抱腰看江水斷不流

莫愁

原作河中 梁武帝

河中之水向東流洛陽女兒名莫愁莫愁十三能織

綺十四採桑南陌頭十五嫁爲盧家婦十六生兒字

阿侯盧家蘭室桂爲梁中有鬱金蘇合香頭上金釵

十二行足下絲履五文章珊瑚掛鏡爛生光頭奴

子擎

一作履箱人生富貴何所望恨不早嫁東家王

楚明妃曲

宋湯惠休

瓊臺彩楹桂寢雕甍金閨流耀玉牖含英香芬幽藹

珠彩珍榮文羅秋翠統綺春輕驂駕鸞鶴往來仙靈

含姿綿視微笑相迎結蘭枝送目成當年爲君榮

楚妃曲

梁吳均

春妝約春黛如月復如蛾玉釵照繡領金薄則紅羅

徐尚書座賦得阿憐

梁王樞

紅蓮披早露玉貌映朝霞飛燕啼妝罷顧揄步搔花

盜匪金鈿滿參差繡領斜暮還垂瑤帳香燈照九華

舞媚娘三首

陳後主

樓上多嬌艷當牕併三五爭弄遊春陌相遊開繡戶

轉態結紅裙含嬌拾翠羽留賓乍拂絃託意時移柱

二

人部 卷六十六 十五 美人

淇水變新臺春壚當夏開玉面含羞出金鞍排夜來

三

春日好一作多風光尋觀向市傍轉身移佩響牽袖起

衣香

舞媚娘

北周庾信

朝來戶前照鏡含笑盈盈自看眉心濃黛直點顰角

輕黃細安祗疑落花慢去復道春風不還少年唯有

歡樂飲酒那得留殘

西施詠

唐王維盛

艷色天下重西施寧久微朝爲越溪女暮作吳宮妃

賤日豈殊衆貴來方悟稀邀人傳脂粉不自著羅衣
君寵益嬌態君憐無是非當時浣紗伴莫得同車歸
持謝隣家子數顰安可希

盧姬篇

唐崔顥

盧姬少小魏王家綠鬢紅唇桃李花魏王綺樓十二
重水晶簾箔繡芙蓉白玉欄杆金作柱樓上朝朝學
歌舞前堂後堂羅袖人南牕北牕花發春翠幌珠簾
鬬絲管一彈一奏雲欲斷君王日晚下朝歸鳴環佩
玉生光輝人生今日得嬌貴誰道盧姬身細微

王家少婦

唐崔顥

入部

卷六十六

十六

美人

十五嫁王昌盈盈入畫堂自矜年最少復倚壻爲郎
舞愛前溪渌歌憐子夜長閑來鬬百草度日不成妝
崔顥擢進士第有文無行好蒲博嗜酒娶妻惟擇美
者俄又棄之凡四五娶初太守李邕聞其名虛舍邀
之顥至獻詩首章曰十五嫁王昌
邕叱曰小兒無禮不與接而去

情人玉清歌

一作張南容詩

唐畢耀

洛陽城中有一人名玉清可憐玉清如其名善踏斜
柯能獨立嬋娟花艷無人及珠爲裙玉爲纓臨春風
吹玉笙悠悠滿天星黃金閣上晚妝成雲和曲中爲
曼聲玉梯不得踏摧袂兩盈盈城頭之日復何情

贈段七娘

唐李白

羅襪凌波生網塵那能得計訪情親千杯綠酒何辭
醉一面紅妝惱殺人

號國夫人

唐杜甫

號國夫人承主恩平明上馬入宮門却嫌脂粉污顏
色淡掃蛾眉朝至尊

贈薛瑤英

唐賈至

舞怯銖衣重笑疑桃臉開方知漢成帝虛築避風臺
贈薛瑤英一作賈至贈妓盛小叢

雪面淡眉天上女

唐楊炎

塵楚腰如柳不勝春

入部

卷六十六

十七

美人

倫開府席上賦得美人名解愁

唐盧綸

不敢苦相留明知不自由頻眉乍欲語斂笑又低頭
舞態兼些醉歌聲似帶羞今朝總見也只守解人愁

贈碧玉

唐于鵠

新繡籠裙豈惹花路人笑上返金車霓裳禁曲無人
解暗問梨園弟子家

泰娘歌

唐劉禹錫

泰娘本韋尚書家主謳者初尚書爲吳郡得之命
樂工誨之琵琶使之歌且舞無幾何盡得其術居

一二歲攜之以歸京師京師多新聲善工於是又
捐去故技以新聲度曲教之又盡其妙而秦娘名
字往往見稱於貴遊之間元和初尚書薨於東京
秦娘出居民間久之爲蘄州刺史張繇所得其後
繇坐事謫居武陵郡繇卒秦娘無所歸地荒且遠
無有能知其容與藝者故日抱樂器而哭其音唯
殺以悲雒客聞之爲歌其事以足於樂府云

秦娘家本閬門西門前綠水環金堤有時妝成好天
氣走上高橋折花戲風流太守韋尚書路傍忽見停
隼旗斗量明珠鳥傳意紺幘迎入專城居長髮如雲
人部 卷六十六 十八 美人

衣似霧錦茵羅薦承輕步舞學驚鴻水榭春歌撩上
客蘭堂暮從郎西入帝城中貴遊簪組香簾櫳低鬟
煖視抱明月纖指破撥生胡風繁華一旦有消歇題
劍無光履聲絕洛陽舊宅生草萊杜陵蕭蕭松柏哀
妝奩蟲網厚如蠶博山爐側傾寒灰蘄州刺史張公
子白馬新到銅駝里自言買笑擲黃金月墜雲收從
此始安知鵬鳥座隅飛寂寞旅魂招不歸秦家鏡有
前時結韓壽香銷故篋衣山城少人江水碧斷鴈哀
猿風雨夕朱絃已絕爲知音雲鬢未秋私自惜舉目
風煙非舊時夢尋歸路多參差如何將此千行淚更

灑湘江斑竹枝

洛姝真珠

唐李賀

真珠小娘下清郭洛苑香風飛綽綽寒鬢斜釵玉燕
光高樓唱月敲懸璫蘭風桂露灑幽翠紅絃裊雲咽
深思花袍白馬不歸來濃蛾疊柳香脣醉金鵝屏風
蜀山夢鶯裾鳳帶行煙重八驄籠晃臉差移日絲繁
散曛羅洞市南曲陌無秋涼楚腰衛鬢四時芳玉喉
篠篠排空光牽雲曳雪留陸郎

許公子鄭姬歌

鄭園中請賀作

唐李賀

許史世家外親貴宮錦千端買沈醉銅駝酒熟烘明
人部 卷六十六 十九 美人

膠古堤大柳煙中翠桂開客花名鄭袖入洛聞香鼎
門口先將芍藥獻妝臺後解黃金大如斗莫愁簾中
許合歡清絃五十爲君彈彈聲咽春弄君骨骨興牽
人馬上鞍兩馬八蹄踏蘭苑情如合竹誰能見夜光
玉枕棲鳳凰袷羅當門刺純綫長翻蜀紙卷明君轉
角含商破碧雲自從小靨來東道曲里長眉少見人
相如塚上生秋柏三春誰是言情客蛾鬢醉眼拜諸
宗爲謁皇孫請曹植

馮小憐

唐李賀

灣頭見小憐請上琵琶絃破得東風恨今朝直幾錢

裙垂竹葉帶，鬢濕杏花煙。玉冷紅絲重，齊宮妾駕鞍。

簡簡吟

唐白居易

蘇家小女名簡簡，芙蓉花腮柳葉眼。十一把鏡學點
妝，十二抽針能繡裳。十三行坐事調品，不肯迷頭白
地藏。玲瓏雲鬢生菜樣，飄颻風袖薔薇香。殊姿異態
不可狀，忽忽轉動如有光。二月繁霜殺桃李，明年欲
嫁今年死。丈人阿母勿悲啼，此女不是凡夫妻。恐是
天仙謫人世，只合人間十三歲。大都好物不堅牢，彩
雲易散琉璃脆。

秦娥

唐劉駕

人部

卷六十六

二十一

美人

秦娥十四五，面白於指爪。羞人夜採桑，驚起戴勝鳥。

比紅兒詩三十首

唐羅虬

青絲高綰石榴裙，腸斷富筵酒半醺。置向漢宮圖畫
裏，入胡應不數昭君。

匝匝千山與萬山，碧桃花下景長閑。神仙得似紅兒
貌，應免劉郎憶世間。

詔下人間選好花，月眉雲髻盡名家。紅兒若向當時
見，繫臂先封第一紗。

鋒鏑縱橫不敢看，淚垂玉筍正沈瀾。應緣近似紅兒
貌，始得深宮奉五官。

金縷濃薰白，和香臉紅眉黛入時妝。當時若向喬家
見，未敢將心在窈娘。

通宵甲帳散香塵，漢帝精誠禮百神。若見紅兒醉中
態，也應休憶李夫人。

輕小休誇似燕身，生來占斷紫宮春。漢皇若遇紅兒
貌，掌上無因著別人。

鸚鵡娥如裏露紅，鏡前眉樣自深宮。稍教得似紅兒
貌，不嫁南朝沈侍中。

拔得芙蓉出水新，魏家公子信才人。若教瞥見紅兒
貌，不肯留情賦洛神。

人部

卷六十六

二十一

美人

五雲高捧紫金堂，花下投壺侍玉皇。從道世人都不
識，也應知有杜蘭香。

京口喧喧百萬人，競傳河鼓謝星津。柰花似雪爭簪
髻，今日天容是後身。

薄粉輕朱取次施，大都端正亦相宜。只如花下紅兒
態，不藉城中半額眉。

妝成渾欲認前朝，金鳳雙釵逐步搖。未必慕容宮裏
伴，舞風歌月勝纖腰。

漢皇曾識許飛瓊，寫向人間作畫屏。昨日紅兒簾下
見，大都相似更娉婷。

魏帝休誇薛夜來
霧綃雲縠稱身裁
紅兒秀發君知否
倚檻繁花帶露開

逗玉賤盆浴殿開
邀恩先賜夜明苔
紅兒若是三千數
多少芳心似死灰

畫簾垂地紫金牀
暗引羊車駐七香
若是紅兒此中住
不勞煙篠灑宮廊

煖塘爭赴蕩舟期
行唱菱歌著艷詞
爲問東山謝丞相
可能諸妓勝紅兒

巫山洛浦本無情
總爲佳人便得名
今日雕陰有神艷
後來公子莫相輕

人部

卷十六

二十三

美人

前代休憐事可奇
後來還出有光輝
爭知晝臥紗窗裏
不有神人覆玉衣

鳳舞香飄繡幕風
暖穿馳道百花中
還緣有似紅兒貌
始得迎將入漢宮

休道將軍出世才
盡驅諸妓下歌臺
都緣沒箇紅兒貌
致使輕教後閣開

能將一貌使人迷
花艷何須上大堤
疎屬便同巫峽路
洛川真是武陵溪

辭輦當時意可知
寵深還恐寵先衰
若教得似紅兒貌
占却君恩自不疑

波平楚澤浸星辰
臺上君王宴早春
畢竟章華會中客
冠纓虛絕爲何人

天碧輕紗只六銖
宛風含露透肌膚
便教漢曲爭明媚
應沒心情更弄珠

濃艷濃香雪壓枝
裊煙和露曉風吹
紅兒被掩妝成後
含笑無人獨立時

金粟妝成扼臂環
舞腰輕轉瑞雲間
紅兒生在開元末
羞殺新豐謝阿蠻

君看紅兒學醉妝
袴裁宮纈研裙長
誰能更把閒心力
比並當時武媚娘

人部

卷十六

二十三

美人

一舸春深指鄂君
好風從度水成紋
越人若見紅兒面
繡被應羞徹夜薰

後魏時相州人作李波小妹歌疑其未備因補之
唐韓偓 晚

李波小妹字雍容
窄衣短袖蠻錦紅
未解有情夢梁殿
何曾自媚妬吳宮
誰教牽引知酒味
因令悵望成春慵
海棠花下鞦韆畔
背人撩鬢道忽忽

贈麗人 以下贈麗人 梁簡文帝

腰肢本猶絕眉眼
特驚人判目無相
比還來有洛神 梁簡文帝

麗姐與妖嬌共拂可憐妝同安鬟裏撥異作額間黃
羅裙宜細簡畫襪重高牆含羞來上砌微笑出長廊
取花爭問色實作板枝念藥香但歌聊一曲鳴絃未
肯張自矜心所愛三十侍中郎

爲人贈美人

梁劉孝綽

巫山薦枕日洛浦獻珠時一遇便如此寧關先有期
幸非使君問莫作羅敷辭夜長眠復坐誰知闇斂眉
欲寄同花燭爲照遙相思

淇上戲蕩子婦

梁劉孝綽

桑中始奕奕淇上未湯湯美人要維佩上客誘明璫
人部 卷六十六 王固 美人

日暗人聲靜微步出蘭房露葵不待勸鳴琴無暇張
翠釵掛已落羅衣拂更香如何嫁蕩子春夜守空牀
不見青絲騎徒勞紅粉妝

奉和賜曹美人

北周庾信

月光如粉白秋露似珠圓絡緯無機織流螢帶火寒
何年迎弄玉今朝得夢蘭訝許能含笑芙蓉宜熟看

戲贈趙使君美人

唐杜審言

紅粉青蛾映楚雲桃花馬上石榴裙羅敷獨向東方
去謾學他家作使君

醉戲寶子美人

唐岑參

朱唇一點桃花殷宿妝嬌羞偏髻鬟細看只似陽臺
女醉著莫許歸巫山

陌上贈美人

唐李白

駿馬驕行踏落花垂鞭直拂五雲車美人一笑蹙珠
箔遙指紅樓是妾家

奉勅贈康尚書美人

唐薛伯紆

天門喜氣曉氛氲聖主臨軒召冠軍欲令從此行霖
雨先賜巫山一片雲

贈美人

唐鄭仁表

嚴吹如何下太清玉肌無疹六銖輕自知不是流霞
人部 卷六十六 王固 美人

酌願聽雲和瑟一聲

贈美人

唐崔澹

怪得輕風送異香娉婷仙子曳霓裳惟憂錯認偷桃
客曼倩曾爲漢侍郎

贈美人二首

唐方干

嚴冬忽作看花日盛暑翻爲見雪時坐上弄嬌聲不
轉樽前掩笑意難知含歌媚盼如桃葉妙舞輕盈似
柳枝年紀未多猶怯在些些私語怕人疑

昔日仙人今玉人深冬相見亦如春倍酬金價微含
笑纔發歌聲早動塵昔歲曾爲蕭史伴今朝應作朱

家隣百年別後知誰在須遣丹青畫取真

貽美人

唐韋孝標晚

諸侯帳下慣新妝皆怯劉家薄媚娘寶髻巧梳金翡翠羅裙宜著繡鴛鴦輕輕舞汗初沾袖細細歌聲欲遶梁何事不歸巫峽去故來人世斷人腸

杜丞相帳中贈美人

唐李羣玉晚

裙拖六幅瀟湘水鬢聳巫山一朶雲貌態祇應天上
有歌聲豈合世間聞胸前瑞雪燈斜照眼底桃花酒
半曛不是相如憐賦客肯教容易見文君

懷李夫人

原作落葉哀蟬曲○王于年拾遺記曰漢武帝思懷李夫人不可復得時

人部

卷六十六

主六

美人

始穿昆明之池泛翔禽之舟帝自造歌曲使女伶歌之時日已西傾涼風激水女伶歌聲甚適因賦落葉哀蟬之曲○以下懷德

漢武帝

羅袂兮無聲玉墀兮塵生虛房冷而寂寞落葉依於
重扇望彼美之女兮安得感余心之未寧

憶蜀地佳人

唐駱賓王初

東西吳蜀關山遠魚來鴈去兩難聞莫怪常有千行
淚只爲陽臺一片雲

月夜有懷

唐陳子昂初

美人挾趙瑟微月在西軒寂寞夜何久慙慙玉指繁
清光委余枕遙思屬湘沅空簾隔星漢猶夢感精魂

對酒有懷寄李九郎中

唐白居易中

往年江外拋桃葉去歲樓中別柳枝寂寞春來一杯
酒此情惟有李君知吟君舊句情難忘風月何時是
盡時

獨居有懷

唐李商隱晚

麝重愁風逼羅疎畏月侵怨魂迷恐斷嬌喘細疑沈
數急芙蓉帶頻抽翡翠簪柔情終不遠遙妬已先深
浦冷鴛鴦去園空蛺蝶尋蠟花長遞淚箏柱鎮移心
覓使嵩雲暮迴頭灞岸陰只聞涼葉院露井近寒砧
月夜重寄宋華陽姊妹

唐李商隱晚

人部

卷六十六

主七

美人

偷桃竊藥事難兼十二城中鎖彩蟾應共三英同夜
賞玉樓仍是水精簾

代西封侯美人

以下別

梁王環

代別情人

唐李白盛

水清本不動桃花發岸傍桃花弄水色波蕩搖春光
我悅子容艷子傾我文章風吹綠琴去曲度紫鴛鴦
昔作一水魚今成兩枝鳥哀哀長鷄鳴夜夜達五曉
起折相思樹歸贈知寸心覆水不可收行雲難重尋
天涯有度爲莫絕瑤華音

賦別佳人

唐崔膺中

壠上流泉壠下分斷腸嗚咽不堪聞
嬌娥一入月中去巫峽千秋空白雲

贈別

唐杜牧晚

娉娉裊裊十三餘
荳蔻梢頭二月初
春風十里揚州路
卷上珠簾總不知

苑中見美人

以下雜題

梁何遜

羅袖風中捲玉釵
林下耀團扇承落花
復持掩餘笑

春郊見美人

梁費昶

芳郊拾翠人迴袖
捲芳春金輝起步搖
紅采發吹綸

人部

卷六十六

三八

美人

陽陽葢頂日飄飄
馬足塵薄暮高樓下
當知妾姓秦

南苑逢美人

梁何思澄

洛浦疑迴雪巫山似日雲
傾城今始見傾國昔曾聞
媚眼隨羞合丹唇逐笑分
風捲葡萄帶日照石榴裙
自有狂夫在空持勞使君

車中見美人

梁邵陵王

關情出眉眼軟媚著腰肢
語笑能嬌嫉行步絕逶迤
空中自迷惑渠傍會不知
懸念猶如此得時應若爲

詠美人春遊

梁江淹

江南二月春東風轉綠蘋
不知誰家子看花桃李津

白雪凝瓊貌明珠點絳唇
行人咸息駕爭擬洛川神

詠苑中遊人

梁蕭子範

二月春心動遊望桃花初迴身
隱日扇却步斂風裾

詠美人看畫

梁簡文帝

殿上圖神女宮裏出佳人
可憐俱是畫誰能辯僞真
分明淨眉眼一種細腰身
所可特爲異長有好精神

詠美人看畫應令

梁庾肩吾

欲知畫能巧喚取真來映
並出似分身相看如照鏡
安釵等疎密著領俱周正
不解平城圍誰與丹青競

詠美人眼

梁劉孝綽

含嬌睨已合離怨動方開
欲知密中意浮光逐笑迴

人部

卷六十六

三九

美人

奉和趙王美人春日

北周庾信

直將劉碧玉來過陰麗華
祇言滿屋裏併作一園花
新藤亂上格春水漫吹沙
步搖釵梁動紅輪被一作帳
角斜今年逐春處先向石崇家

詠美人治妝

梁江洪

上車畏不妍顧盼更斜轉
大恨畫眉長猶言顏色淺

美人晨妝

梁簡文帝

北牕向朝鏡錦帳復斜縈
嬌羞不肯出猶言妝未成
散黛隨眉廣臙脂逐臉生
試將持出衆定得可憐名

晚妝曲

北魏周南

青樓誰家女當牕啓明月拂黛雙蛾飛調脂艷桃發
舞罷鸞自羞妝成淚仍滑願託嫦娥影尋郎縱燕越

美人新妝

唐楊容華

宿鳥驚眠罷房櫳乘曉開鳳釵金作鏤鸞鏡玉爲臺
妝似臨池出人疑月下來自憐終不見故去復徘徊

美人梳頭

唐張碧

玉堂花院小枝紅綠牕一片春光曉玉容驚覺濃睡
醒圓蟾挂出妝臺表金盤解下叢鬟碎三尺巫雲綰
朝翠皓指高低寸黛愁水精梳滑參差墜須臾龍掠

人部

卷六十六

三十一

蟬鬢生玉釵冷透冬水明芙蓉拆向新開臉秋泉謾
轉眸波橫鸚鵡偷來話心曲屏風半倚遙山綠

美人梳頭歌

唐李賀

西施曉夢綃帳寒香鬟墮髻半沈檀輓轡伊呀轉鳴
玉驚起芙蓉睡新足雙鸞門鏡秋水光解鬟臨鏡立
象牀一編香絲雲撒地玉釵落處無聲膩纖手卻盤
老鴉色翠滑寶釵簪不得春風爛熳惱嬌慵十八鬟
多無氣力妝成髮髻欹不斜雲裾數步踏鴈沙背人
不語向何處下階自折櫻桃花

新上頭

唐韓偓

學梳鬆鬢試新裙消息佳期在此春爲要好多少心轉
感遍將宜稱問傍人

詠美人在天津橋

唐駱賓王

美人出東隣容與在天津動衣香滿路移步襪生塵
水下看妝影眉頭畫月新寄言曹子建箇是洛川神

美人分香

唐孟浩然

艷色本傾城分香更有情髻鬟垂欲解解眉黛拂能輕
舞學平陽態歌翻子夜聲春來狹斜道含笑待逢迎

人部

卷六十六

三十二

妾家巫峽陽羅帳寢銀牀曉日臨牕久春風引夢長
落釵猶覺鬢微汗欲銷黃縱使朦朧覺魂猶逐楚王

美人騎馬

唐

駿馬嬌仍穩春風灞岸晴促來金蹬短扶上玉人輕
帽束雲鬟亂鞭籠翠袖明不知從此去何處更傾城

詩集類函卷六十六

詩集類函卷六十七

東吳俞安期彙纂

宣城梅鼎祚增定

關中來臨訂校

人部九

妓 傷妓附 男寵 奴婢

○妓

傷妓附

詠娼婦

梁何遜

暖暖高樓暮華燭帳前明羅帷雀釵影寶瑟鳳雛聲
庭花枝上發新月霧中生誰念當牕牖相望獨盈盈

爲徐僕射妓作

梁王僧孺

日晚應歸去上客強盤桓稍知玉釵重漸見羅襦寒

人部

卷六十七

一 妓 二 下

石崇金谷妓

梁庾肩吾

蘭堂上客至綺席清絃撫自作明君辭遠教綠珠舞

冬夜詠妓

北齊蕭放

佳麗盡時年合暝不成眠銀龍銜燭燼金鳳起爐煙

吹簾先弄曲調筆更撮絃歌還團扇後舞出妓行前

絕代終難及誰復數神仙

侯司空宅詠妓

陳陰鏗

佳人遍綺席妙曲動鳴絃樓似陽臺上池如洛水邊

鶯啼歌扇後花落舞衫前翠柳將斜日俱照晚妝鮮

侯司空宅詠妓

陳劉刪

石家金谷妓妝罷出蘭闥看花只欲笑聞瑟不勝啼

山邊歌落日池上舞前溪將人當桃李何處不成蹊

賦得妓

隋陳子良

金谷多歡宴佳麗正芳菲流霞席上滿迴雪堂中飛

明月臨歌扇行雲接舞衣何必桃將李別有待一作代

春暉

詠妓

唐王勣初

妖姬掃淨一作飾觀妝窈窕出蘭房日照當軒影風吹滿

路香早時歌扇薄今日舞衫長不應令曲誤持此試

周郎

人部

卷六十七

二 妓 三 下

倡女詞

唐張籍中

輕鬟叢梳潤掃眉爲嫌風日下樓稀畫羅金縷難相

稱故著尋常淡薄衣

夜聽妓

宋孝武帝

寒夜起聲管促席引靈寄深心屬悲絃遠情逐流吹

勞襟憑君辰誰謂懷忘易

夜聽妓二首

宋鮑照

夜來坐幾時銀漢傾露落澄滄入閨景歲蕤被圍囂

絲管感暮情哀音遶梁作芳盛不可恒及歲共爲樂

天明坐當散琴酒駛弦酌

蘭膏消耗夜轉多亂筵雜坐更絃歌傾情逐節寧不苦特爲盛年惜容華

夜聽妓二首

齊謝朓

瓊闌釧響聞瑤席芳塵滿要取洛陽人共命江南管情多舞態遲意傾歌弄緩知君密見親寸心傳玉筵

二

上客光四座佳麗直千金挂釵報纓絕隨珥荅琴心蛾眉已共笑清香復入襟歡樂夜方靜翠帳垂沈沈

聽鄰妓

齊丘巨源

披衽乏遊術憑軾寡文才蓬門長自寂虛席視生埃

人部

卷六十七

三

貴里臨倡一作館東鄰歌吹臺雲間嬌響徹風末豔

聲來飛華瑤翠幄揚芬金碧杯久絕中州美從念尸

鄉灰遺情悲近世中山安在哉

夜聽妓

梁簡文帝

合歡蠲忿葉萱草忘憂條何如明月夜流風拂舞腰

朱唇隨吹盡一作玉釧逐絃搖留賓惜殘一作弄負

態動餘嬌

林下作妓詩

梁昭明太子

炎光向夕斂徙宴臨前池泉將影相得花與面相宜管聲如鳥弄舞袖寫風枝歡樂不如醉千秋長若斯

和林下作妓應令

梁元帝

日斜下北閣高宴出南榮歌清隨澗響舞影向池生輕花亂粉色風條雜絃聲獨念陽臺下願待洛川笙

夕出通波閣下觀妓

梁元帝

蛾月漸成光燕姬戲小堂胡舞開春閣鈴盤出步廊起龍調節奏一作却鳳點笙簧樹交臨舞席荷生夾

妓航竹密無分影花疎有異香舉杯聊轉笑歡茲樂未央

同蕭長史看妓

梁武陵王紀

燕姬奏妙舞鄭女發清歌迴羞出曼臉送態入嚙蛾

人部

卷六十七

四

寧殊值行雨詎減見凌波想君愁日暮應羨魯陽戈

夜出妓

梁沈君攸

簾間月色度燭定妓成行迴身釧玉動頓履珮珠鳴低衫拂髮影舉扇起歌聲匣中曲猶奏掌上體應輕

奉和夜聽妓聲

梁鄧鏗

燭華似明月髮影勝飛橋妓兒齊鄭樂爭妍學楚腰新歌自作曲舊瑟不須調衆中俱不笑座上莫相撩

夜聽妓賦得烏夜啼

梁劉孝綽

鳴絃且輟弄鶴操暫停微別有啼鳥曲東西相背飛倡人怨獨守蕩子殊未歸忽聞生離唱長夜泣羅衣

隔壁聽妓

陳蕭琳

徒聞絃管切不見舞腰迴唯有歌梁共塵飛一半來

和衡陽殿下高樓看妓

陳江總

起樓侵碧漢初日照紅妝絃心豔卓女曲誤動周郎

竝歌時轉黛息舞暫分香挂纓銀燭下莫笑玉釵長

和趙王看妓

北周庾信

長思浣紗石空想一作定憶擣衣砧臨叩若有便一作使爲

說解琴心

和趙王看妓

北周庾信

綠珠歌扇薄飛燕舞衫長琴曲隨流水簫聲逐鳳凰

人部

卷六十七

五
妓

細縷纏鍾格圓花釘鼓牀一作騰風蟬響懸知曲不

誤無事畏一作顧周郎

衡陽王齋閣奏妓

隋虞茂

金溝低御道玉管正吟一作迎風拾翠天津上迴鸞鳥

路中鏡前看月近歌處覺塵空今宵織女見言是望

仙宮

和趙郡王觀妓應教

隋僧法宣

桂山留上客蘭室命姪妖城中畫眉黛宮內束纖腰

舞袖風前舉歌聲扇後驕周郎不相顧今日管絃調

和平涼公觀趙郡王妓

隋弘執恭

小堂羅薦陳妙妓命燕秦蛾眉疑假黛紅臉自含春

合舞俱回雪分歌共落塵齊竿不可厠空願上龍津

夜聞鄰妓

隋盧思道

倡樓對三道吹臺臨九重笙隨山上鶴笛奏水中龍

怨歌聲易斷妙舞態難逢誰能暫留客解佩一相從

酬蕭侍中春園聽妓

隋李孝貞

微雨散芳菲中園照落暉絳樹搖歌扇綠珠飄舞衣

繁絃調對酒雜引動思歸愁人當此夕羞見落花飛

辛司法宅觀妓

唐盧照鄰

南國佳人至北堂羅薦開長裙隨鳳管促柱送鸞杯

人部

卷六十七

六
妓

雲光身後落雪態掌中回到愁金谷晚不怪玉山頽

益州城西張超亭觀妓

唐盧照鄰

落日明歌席行雲逐舞人江前飛暮雨梁上遶輕塵

冶眼看疑畫妝樓望似春高車勿遽返長袖欲相親

李員外秦援宅觀妓

唐沈佺期

盈盈粉署郎五日宴春光選客虛前館徵聲徧後堂

玉釵翠羽飾羅袖鬱金香拂黛隨時廣挑鬟出意長

轉歌遙合態度舞暗成行巧落梅庭裏斜光映曉妝

溫泉馮劉二監客舍觀妓

唐張說

溫泉寒林暮羣遊樂事多佳人蹀駿馬乘月夜相過

秀色燃紅燭嬌香發綺羅鏡前鸞對舞琴裏鳳傳歌
妬寵傾新意街恩奈老何爲君留上客歡笑斂雙蛾

岐王席觀妓

唐張諤初

半額畫雙蛾盈盈燭下歌玉杯寒意少金屋夜情多
香豔王分帖裙嬌勅賜羅平陽莫相妬喚出不如他

岐王席觀妓

唐崔顥盛

二月春來半王家日正長柳垂金屋暖花發玉樓香
拂匣先臨鏡調笙更炙簧還將歌舞態只擬奉君王

夜觀妓

唐儲光義盛

白雪宜新舞清宵召楚妃嬌童攜錦薦侍女整羅衣
人部 卷六十七 七 妓

花映垂鬟轉香迎步履飛徐徐欽長袖雙燭送將歸

宴崔明府宅夜觀妓

唐孟浩然盛

畫堂觀妙妓長夜正留賓燭吐蓮花豔妝成桃李春
髻鬟低舞席衫袖掩歌唇汗濕偏宜粉羅輕詎著身
調移箏柱促歡會酒杯傾儻使曹王見應嫌洛浦神

同張明府碧谿觀妓作

唐孟浩然盛

別業聞新製同聲應者多還看碧谿合不羨綠珠歌
自有陽臺女朝朝拾翠過綺筵鋪錦繡妝牖閉藤蘿
秩滿休閑日春餘景色和仙島能作伴羅襪共凌波
別島尋花藥迴潭折芰荷更憐斜日照紅粉豔青蛾

五日觀妓

前見五日

唐萬楚盛

西施謾道浣春紗碧玉今時鬪麗華
色紅裙妬殺石榴花新歌一曲令人豔
鬢斜誰道五絲能續命却令今日死君家

揚州雨中張十七宅觀妓

唐張謂盛

夜色帶一作對 寒煙燈花拂更燃殘妝添石黛艷舞落
金鈿掩笑頻歌扇迎歌乍動絃不知巫峽雨何事海
西邊

邯鄲南亭觀妓

唐李白盛

歌鼓燕趙兒魏姝弄鳴絲粉色豔日彩舞袖拂花枝
人部 卷六十七 八 妓

把酒顧美人請歌邯鄲詞清箏何緣繞度曲綠雲垂
平原君安在科斗生古池座客三千人於今知有誰
我輩不作樂但爲後代悲

在水軍宴韋司馬樓船觀妓

唐李白盛

搖曳帆在空清流順歸風詩因鼓吹發酒爲劒歌雄
對舞青樓妓雙環白玉童行雲且莫去留醉楚王宮
數陪李梓州泛江有女樂在諸舫戲爲艷曲二

首

唐杜甫盛

上客迴空騎佳人滿近船江清歌扇底野曠舞衣前
玉袖凌風並金壺隱浪偏競將明媚色偷眼艷陽天

二

白日移歌袖青霄近笛牀翠眉縈度曲雲鬢儼分行

立馬千山暮迴舟一水香使君自有婦莫學野鴛鴦

陪諸貴公子丈八溝攜妓納涼晚際遇雨二首

唐杜甫

落日放船好輕風生浪遲竹深留客處荷淨納涼時

公子調冰水佳人雪藕絲片雲頭上黑應是雨催詩

二

雨來沾席上風急打船頭越女紅裙濕燕姬翠黛愁

纜侵堤柳繫幔捲浪花浮歸路翻蕭颯破塘五月秋

人部

卷六十七

九一妓

過李將軍南鄭林園觀妓

唐劉長卿

郊原風日好百舌弄何頻小婦秦家女將軍天上人

鴉歸長郭暮草映大堤春客散垂陽下通橋車馬塵

陪辛大夫西亭宴觀妓

唐劉長卿

歌舞憐遲日旌麾映早春鸞窺隴西將花對洛陽人

醉罷知何事恩深忘此身任他行雨去歸路裏香塵

王郎中席歌妓

唐顧况

柳拂青樓花滿衣能歌宛轉世應稀空中幾處聞清

響欲遶行雲不遣飛

彭州蕭使君出妓夜宴見送

唐李士諤

玉顏紅燭忽驚春微步凌波暗拂塵自是當歌歛眉黛不應惆悵爲行人

與牛家妓樂雨夜合宴

唐白居易

玉管清絃聲旖旎翠釵紅袖坐參差兩家合奏洞房

夜八月連陰秋雨時歌臉有情凝睇久舞腰無力轉

裙遲人間歡樂無過此上界西方即不知

聽小妓歌

原作楊柳枝

唐白居易

楊柳枝洛下新聲也洛之小妓有善歌之者詞章

音韻聽可動人故賦之

小妓攜桃葉新歌蹋柳枝妝成翦燭後醉起拂衫時

人部

卷六十七

十一妓

繡履嬌行緩花筵笑上遲身輕委迴雪羅薄透凝脂

笙引簫頻暖爭催柱數移樂童翻怨調才子與妍詞

便想人如樹先將髮比絲風條搖兩帶煙葉帖雙眉

口動櫻桃破鬟低翡翠垂枝柔腰嫋娜黃嫩手歲疑

唳鶴晴呼侶哀猿夜叫兒玉敲音歷歷珠貫字累累

袖爲收聲點釵因赴節遺重重遍頭別一一拍心知

塞北愁攀折江南苦別離黃遮金谷岸綠映杏園池

春惜芳華好秋憐顏色衰取來歌裏唱勝向笛中吹

唱罷那能別情多不自持纒頭無別物一首斷腸詩

觀蠻妓

唐王建

欲說昭君歛翠娥清聲委曲怨於歌誰家年少春風裏拋與金錢唱好多

妓席

唐李商隱

樂府聞桃葉人前道得無勸君書小字慎莫喚官奴

飲席代官奴贈兩從事

唐李商隱

新人橋上著春衫舊主江邊側帽簷有獨孤信舉止風流曾風吹帽

者寒路願得化為紅綬帶許教雙鳳一時銜

觀舞妓

唐溫庭筠

朔音悲雪管聲踏動芳塵總袖時增怨聽破復含頻疑腰倚風軟花題照錦春朱絃固淒緊瓊樹亦迷人

人部

卷六十七

十一 妓

戲蕭娘

梁沈氏

范靜妻

明珠翠羽帳金薄綠綃帷因風時暫舉想像見芳姿清晨插步搖向晚解羅衣託意風流子佳情詎可私

示金陵子

一作金陵子詞

唐李白

盛

金陵城東誰家子竊聽琴聲碧牕裏落花一片天上來隨人直渡西江水楚歌吳語嬌不成似能未能最有情謝公正要東山妓攜手林泉處處行

山遊示小妓

唐白居易

中

雙鬟垂未合三十纔過半本是綺羅人今爲山水伴春前共揮弄好樹同攀翫笑容花底迷酒思風前亂

紅凝舞袖急黛慘歌聲緩莫唱楊柳枝無腸與君斷

寄李蘇州兼示楊瓊

唐白居易

中

真娘墓頭春草碧心奴鬢上秋霜白爲問蘇臺酒席中使君歌笑誰與同就中猶有楊瓊在堪上東山伴

謝公

湖上醉中代諸妓寄嚴郎中

唐白居易

中

笙歌杯酒正歡娛忽憶仙郎望帝都借問連宵直南省何如盡日醉西湖蛾眉別久心知否雞舌含多口厭無還有些些惆悵事春來山路見蘼蕪

醉戲諸妓

唐白居易

中

人部

卷六十七

十二 妓

席上爭飛使君酒歌中多唱舍人詩不知明日休官後逐我東山去是誰

寄蜀中薛濤校書

一作胡曾詠薛濤

唐王建

中

萬里橋邊女校書枇杷花裏下一作開門居掃眉才子于今一作知多少管領春風總不如

贈鄭女郎古意

唐妓常浩

昨夜巫山中失却陽臺女朝來香閣裏獨伴楚王語艷陽灼灼河洛神珠簾繡戶青樓春能彈箏篴弄纖指愁殺門外少年子笑開一面紅粉妝東園幾處桃花死朝理曲暮理曲獨坐牕前一片玉行也嬌坐也

嬌見之令人魂魄消堂前錦褥紅地爐綠沈香榼傾
屠蘇解佩時時歌管芙蓉帳裏蘭麝滿晚起羅衣
香不斷滅燭每嫌秋夜短

贈妓人

唐孫棨晚

綵翠鮮衣紅玉膚輕盈年在破瓜初霞杯醉喚劉郎
賭雲髻慵邀阿母梳不怕寒侵綠帶寶每憂風舉倩
持裾謾圖西子為妝樣西子元來未得如

贈廣陵妓

唐張又新

雲雨分飛二十年當時求夢不曾眠今來頭白重相
見還上襄王玳瑁筵

人部

卷六十七

三妓

贈歌妓

唐崔仲容晚

水翦雙眸霧鬋衣當筵一曲媚春輝蕭湘夜色愁猶
在巫峽曉雲愁不稀皓齒乍分寒玉細黛眉輕感遠
山微渭城朝雨休重唱滿眼陽關客未歸

贈歌妓二首

唐李商隱晚

水精如意玉連環下蔡城危莫破顏紅綻櫻桃含白
雪斷腸聲裏唱陽關

白日相思不奈何嚴城清夜斷經過只知解道春來
瘦不道春來獨自多

贈柳氏之妓

唐鄭還古晚

冶豔出神仙歌聲勝管絃詞輕白紵曲歌遲碧雲天
未擬生裴秀如何乞鄭玄不堪金谷水橫過墮樓前

倡樓戲贈

唐杜牧晚

細柳橋邊深半春纈衣簾裏動香塵無端有寄閑消
息背插金釵笑向人

贈酒店胡姬

唐賀朝盛

胡姬春酒店絃管夜鏘鏘紅氍毹鋪新月貂裘坐薄霜
玉盤初膾鯉金鼎正烹羊上客無勞散聽歌樂世娘
獻陳陶處士

蓮花為號玉為腮珍重尚書遣妾來處士不生巫峽

人部

卷六十七

十四妓

夢虛勞神女下陽臺

荅蓮花妓

唐陳陶晚

近來詩思清於水老大心情薄似雲已向昇天得門
戶錦衾深媿卓文君

送姪良攜二妓赴會稽戲有此唐李白盛

攜妓東山去春光半道催遙看二桃李雙入鏡中開

送零陵妓

唐戎昱中

寶鈿香蛾翡翠裙妝成掩泣欲行雲殷勤好取襄王
意莫向陽臺夢使君

虎丘寺路宴留別諸妓

唐白居易中

銀泥裙映錦障泥畫舸停橈馬簇蹄清管曲終鸚鵡語紅旗影動駱駝嘶漸銷醉色朱顏淺欲語離情翠黛低莫忘使君吟詠處女墳湖北虎丘西

見劉秀才與池州妓別

唐杜牧

遠風南浦萬重波未似生離恨別多楚管能吹柳花怨吳姬爭唱竹枝歌金釵橫處綠雲墮玉筍凝時紅粉和待得枚臯相見日自應妝鏡笑蹉跎

見吳秀才與池州妓別

唐杜牧

紅燭短時羌笛怨清歌咽處蜀絃高萬里分飛兩行淚滿江寒雨正蕭騷

人部

卷六十七

十五

妓

別青州妓段東美

唐薛宜僚

阿母桃花方似錦王孫草色亦如煙不須更向滄溟望惆悵歡情又一年

毆妓

唐李建勳

自爲專房甚忽忽有所傷當時心已悔徹夜手猶香恨枕堆雲髻啼襟搵月黃起來猶忍惡翦破繡鴛鴦

蘇小小歌

一日錢塘蘇小小歌樂府前題曰蘇小小錢塘名倡也蓋南齊時人西陵

在錢塘之西歌云西陵松柏下是也

古無名氏

妾乘油壁車郎騎青驄馬何處結同心西陵松柏下

蘇小小歌

唐溫庭筠

買蓮莫破券買酒莫解金酒裏春容抱離恨水中蓮子懷芳心吳宮女兒腰似束家在錢塘小江曲一自檀郎逐便風門前春水年年綠

出妓金陵子呈盧六四首

唐李白

南國新豐酒東山小妓歌對君君不樂花月奈愁何

二

東道煙霞主西江詩酒筵相逢不覺醉日墮歷陽川

三

安石東山三十春傲然攜妓出風塵懷中見我金陵子何似陽臺雲雨人

人部

卷六十七

十六

妓

四

小妓金陵歌楚聲家種丹砂學鳳鳴我亦爲君飲清酒君心不肯向人傾

詠談容娘

唐常非月

舉手整花鈿翻身舞錦筵馬圍行處匝人壓看場圓

歌要一作齊聲和情教細語傳不知心大小容得許多憐

賦崔娘

唐楊巨源

清潤潘郎玉不如中庭蕙草雪銷初風流才子多春思腸斷蕭娘一劄書

思腸斷蕭娘一劄書

思腸斷蕭娘一劄書

遇湖州妓宋態宜二首

唐李涉

長憶雲仙至小時芙蓉頭上綰青絲當時驚覺高唐夢唯有如今宋玉知

陵陽夜燕使君筵解語花枝在眼前自從明月西沈海不見嫦娥二十年

張好好詩

并序

唐杜牧

晚

牧大和三年佐故吏部沈公江西幕好好年十三始以善歌來樂籍中後一歲公移鎮宣城復置好好於宣城籍中後二歲為沈著作述師以雙鬟納之後二歲於洛陽東城重觀好好感舊傷懷故題

人部

卷六十七

十七

妓

詩贈之

君為豫章姝十三纔有餘翠苗鳳生尾丹葉蓮含跗高閣倚天半章江聯碧虛此地試君唱特使華筵鋪主公顧四坐始訝來踟躕吳娃起引贊低徊映長裾雙鬟可高下纔過青羅襦盼盼乍垂袖一聲離鳳呼繁絃迸關細寒管裂圓盧衆音不能逐裊裊穿雲衢主公再三歎謂言天下殊贈之天馬錦副以水犀梳龍沙看秋浪明月遊東湖自此每相見三日已為疎玉質隨月滿艷態逐春舒絳脣漸輕巧雲步轉虛徐旌旆忽東下笙歌隨舳艫霜凋謝樓樹沙暖句谿蒲

身外任塵土樽前極歡娛飄然集仙客著作詩話賦欺相如聘之碧瑤珮載以紫雲車洞閉水聲遠月

高蟾影孤爾來未幾歲散盡高陽徒洛陽重相見焯焯為當壚怪我苦何事少年垂白鬚朋遊今在否落拓更能無門館慟哭後水雲秋景初斜日挂衰柳涼風生座隅灑盡滿衿淚短歌聊一書

悅妓行雲詩

唐鄭史

晚

最愛鈿華薄薄妝更兼衣著又鵝黃從來南國名佳麗何事今朝在北行

題妓王福娘牆

唐孫綽

晚

人部

卷六十七

十八

妓

移壁迴牕廢幾朝指環偷解博蘭椒無端蘭草輸鄰女更被檢將玉步搖

題北里妓人壁

唐孫綽

晚

寒繡衣裳餉阿嬌新圖香獸不禁燒東鄰起樣裙腰闊刺感黃金一兩條

當壚曲

原作
春思

唐賈至

盛

紅粉當壚弱柳垂金花臘酒解酴醾笙歌日暮能留客醉殺長安輕薄兒

感故張僕射諸妓

唐白居易

中

黃金不惜買蛾眉揀得如花三四枝歌舞教成心力

盡一朝身去不相隨

傷曹娘

以下傷妓

唐宋之間

初

鳳飛樓伎絕鸞死鏡臺空獨憐脂粉氣猶著舞衣中

傷曹娘二首

唐宋之間

初

可憐冥冥去何之獨立丰茸無見期君看水上芙蓉色恰似生前歌舞時

前溪妙舞今應盡子夜新聲遂不傳無復綺羅嬌白日直將珠玉閉黃泉

河陽

唐宋之間

初

昔日河陽縣氛氲香氣多曹娘嬌態盡春樹不堪過

人部

卷六十七

十九

妓

傷妓人董氏四首

唐張說

初

董氏嬌嬈性多為窈窕名人隨秋月落韻入擣衣聲

二

粉黛粘妝麗金花歇翠條夜臺無戲伴魂影向誰嬌

三

舊庭紅粉閣宿處白雲關春日雙飛去秋風獨不還

四

舞席沾殘粉歌梁委舊塵獨傷腮裏月不見帳中人

夔州寶員外使君見示悼妓詩顧余嘗識之命

同作

唐劉禹錫

中

前年曾見兩鬟時今日驚吟悼妓詩鳳管學成知有

籍龍媒欲換豈無期空廊月照常行地後院花開舊

折枝寂寞魚山青草裏何人更立智瓊祠

傷友人悼吹簫妓

唐杜牧

晚

玉簫聲斷沒流年滿目春愁龍樹煙豔質已隨雲雨散鳳樓空鎖月明天

和友人傷歌姬

唐溫庭筠

晚

月缺花殘莫愴然花須終發月終圓更能何事銷芳

念亦有濃華委逝川一曲豔歌留婉轉九原春草妬

嬋娟王孫莫學多情客自古多情損少年

人部

卷六十七

二十

妓

悼妓女

唐邵謁

晚

炫耀一時間逡巡九泉裏一種為埃塵不學墮樓死

○男寵

繁華子

詠懷中
摘出

魏阮籍

昔日繁華子安陵與龍陽天天桃李花灼灼有輝光

悅懌若九春罄折似秋霜流盼發姿媚言笑吐芬芳

攜手等歡愛宿昔同衣裳願為雙飛鳥比翼共翱翔

丹青著明誓永世不相忘

周小史

晉張翰

翩翩周生婉孌幼童年十有五如日在東香膚柔澤

素質參紅團輔圓顧苗萑芙蓉爾形既淑爾服亦鮮
輕車隨風飛霧流煙轉側倚靡顧盼一作便妍和顏
善笑美口善言

變童

梁簡文帝

變童嬌麗質踐重復超瑕羽帳晨香滿珠簾夕漏賒
翠被含鶯色雕牀鏤象牙妙年同小史姝貌比朝霞
袖裁連壁錦綫織細種花攬袴輕紅出迴頭雙鬢斜
嬾眼時含笑玉手乍攀花懷猜非後釣密愛似前車
定使燕姬妬彌令鄭女嗟

詠武陵王左右伍高傳杯

梁簡文帝

人部

卷六十七

二十一 男寵

頂分如兩髻簪長驗上頭投杯如欲轉疑殘已復留

繁華應令

梁劉遵

可憐周小童微笑摘蘭蓂鮮膚勝粉白暖臉若桃紅
挾彈雕陵下垂鉤蓮葉東腕動飄香麝衣輕任好風
幸承拂枕選得奉畫堂中金屏障翠帳藍帕覆薰籠
本知傷輕薄含辭羞自通翦袖恩雖重殘桃愛未終
蛾眉詎須嫉新妝迎一作入宮

詠繁華

梁劉泓

可憐宜出眾的最分明秀眉開雙眼風流著語聲

詠少年

梁吳均

董生唯巧笑子都信美目百萬市一言千金買相逐
不道參差某誰論窈窕淑願言捧繡被來就越人宿

鄭櫻桃歌

晉書載記曰石季龍勅之從子也性殘忍勸為聘將軍郭泰之妹為妻季龍寵感優僥鄭櫻桃而殺郭氏更納清河崔氏櫻桃又諸而殺之櫻桃美麗擅寵宮掖樂府由是有鄭櫻桃歌

唐李頎

盛

石季龍僭天祿擅雄豪美人姓鄭名櫻桃櫻桃美顏
香且澤娥娥侍寢專宮掖後庭卷衣三萬人翠眉清
鏡不得親官軍女妓一千匹繁花照耀漳河春織成
花映紅綸巾紅旗掣曳鹵簿新鳴輦走馬接飛鳥銅
獸琴瑟隨去塵鳳陽重門如意館百尺金梯倚銀漢

人部

卷六十七

二十三 男寵

自言富貴不可量女為公主男為王赤花雙簾珊瑚
牀盤龍斗帳琥珀光淫昏偽位神所惡滅石諸陵終
不悟鄴城蒼蒼白露微世事翻覆黃雲飛

黃頭郎

唐李賀

黃頭郎撈龍去不歸南浦芙蓉影愁紅獨自垂水弄
湘娥珮竹啼山露月玉瑟調青門石雲濕黃葛沙上
蘼蕪花秋風已先發好持掃羅薦香出鴛鴦爇

奴婢

馮子都原作羽

漢辛延年

昔有霍家奴姓馮名子都依倚將軍勢調笑酒家胡

詩豪
準篇

奉宮詩并序

唐李賀中

漢人奉宮將軍梁冀之嬖奴也秦宮得寵內舍故
以驕名大譟於人予撫舊而作長辭以馮子都之
事相為對望又云昔有之詩

越羅衫袂迎春風玉刻麒麟腰帶紅樓頭曲宴仙人
語帳底吹笙香霧濃人間酒煖春茫茫花枝入簾白
日長飛牕復道傳籌飲十夜銅盤膩燭黃禿衿小袖
調鸚鵡紫繡麻霞踏哮虎斫桂燒金待曉筵白鹿青
蘇夜半煮桐英永巷騎新馬內屋深屏生色畫開門

人部

卷六十七

三十三

奴婢

欄用水衡錢卷起黃河向身瀉皇天厄運猶曾裂秦
宮一生花裏活鸞鴛奪得不還人醉睡氈毼滿堂月

為薛嵩送紅線

潞州節度使薛嵩有青衣善彈

表號曰內記室以其手紋隱起如紅線因以
名之一日辭去嵩知不可留乃廣為餞別悉
集賓友夜宴中堂嵩以歌送唐冷朝陽中

紅線酒請座客冷朝陽為詞

採菱歌怨木蘭舟送客魂銷百尺樓還似洛妃乘霧

去碧天無際水東流

耿將軍守瑩青衣

唐故臺城妓

獨持巾櫛掩玄關小帳無人燭影殘昔日羅衣人化
盡白楊風起隴頭寒

哭死奴

唐劉夷道

初

丹籍生涯淺黃泉歸路深不及江陵樹千秋長作林

詩雋類函卷六十七

人部

卷六十七

三十四

奴婢

詩集類函卷六十八

東吳俞安期彙纂 宣城梅鼎祚增定

關中梁希贊訂校

人部十 孝 省親 扶持 迎親 宦情

○孝

思親操 古今樂錄曰舜遊歷山 古辭

陟彼歷山兮崔嵬有鳥翔兮高飛瞻彼鳩兮徘徊河

水洋洋兮清泠深谷鳥鳴兮嚶嚶設置張罟兮思我

父母力耕日與月兮往如馳父母遠兮吾將安歸

南陔 晉束皙

人部 卷六十八 孝

南陔孝子相戒以養也

循彼南陔言采其蘭眷戀庭闈心不遑安彼居之子

罔或游盤馨爾夕膳潔爾晨餐循彼南陔厥草油油

彼居之子色思其柔眷戀庭闈心不遑留馨爾夕膳

潔爾晨餐有獮有獮在河之浹凌波赴汨噉魴捕鯉

嗽嗽林鳥受哺于子養隆敬薄惟禽之似勗增爾虔

以介丕祉

白華 晉束皙

白華孝子之潔白也

白華朱萼被於幽薄粲粲門子如磨如錯終晨三省

匪情其恪白華絳趺在陵之暇子溝 舊稿士子涅而

不渝竭誠盡敬疊疊忘劬白華玄足在丘之曲堂堂

處子無營無欲鮮侔晨葩莫之點同辱

周詩 并序 晉夏侯湛

叙曰周詩者南陔白華華黍由庚崇丘由儀六篇

有其義而亡其辭湛續其亡故云周詩也

既殷斯虔仰說洪恩夕定晨省奉朝侍昏宵中告還

雞鳴在門萼萼恭誨夙夜是敦世說曰夏侯湛作周

日此非使溫雅乃別見孝弟之性潘因以此遂作家風詩

過姚孝子廬偶書 李商隱 晚

人部 卷六十八 孝

拱木臨周道荒廬積苦苔魚因感姜出鶴為弔陶來

兩鬢蓬常亂雙眸血不開聖朝敦爾類非獨路入哀

○省親

送李侍御省親 唐宋之間

行李戀庭闈乘輶振綵衣南登指吳服北走出秦畿

去國夏雲斷還鄉秋鴈飛旋聞郡計入更有使臣歸

送常侍舒公歸觀 唐蘇頌

朝聞講藝餘晨省拜恩初訓曾尊庠序榮親耀里閭

朱丹華轂送斑白綺筵舒江上春流滿還應薦躍魚

送李給事歸徐州親省 唐孫逖

位列登青瑣還鄉復彩衣共言晨省日便是晝遊歸
春水經梁宋晴山入海沂莫愁東路遠四牡正騑騑

送崔三往密州觀省

唐王維盛

南陌去悠悠東郊不少留同懷扇枕戀猶念倚門愁
路遠天山雪家臨海樹秋魯連功未報且莫蹈滄洲

送王五昆季觀省

唐孟浩然盛

公子戀庭闈勞歌涉海涯水乘舟楫去親望老萊歸
斜日催烏鳥清江照綵衣平生急難意遙仰鶴鵠飛

洛潭送人觀省

唐儲光義盛

清洛帶芝田東流入大川舟輕水復急別望杳如仙
人部

卷六十八

三

細草生春岸明霞散早天送君唯一曲當是白華篇

送許拾遺恩歸江寧拜親

唐岑參盛

詔書下青瑣駟馬還吳洲東帛仍賜衣恩波漲滄流
微祿將及親向家非遠遊看君五斗米不謝萬戶侯

適出西掖垣如到南徐州歸心望海日鄉夢登江樓

大江盤金陵諸山橫石頭楓樹隱茅屋橘林繁漁舟

種藥疏故畦釣魚垂舊鉤對月京口夕觀濤海門秋

天子憐諫官論事不肯休早來丹墀下高駕無淹留

送裴校書從大夫淄川觀省

唐岑參盛

尚書東出守愛子向青州一路通關樹孤城近海樓

懷中江橘熟倚處戟門秋更奉輕軒去知君無客愁

送樊侍御使丹陽便覲

唐岑參盛

卧病窮巷晚忽驚驄馬來知君京口去借問幾時回
驛舫江風引鄉書海鴈催慈親應倍喜愛子在霜臺

送張郎中赴隴右觀省卿公

唐岑參盛

中郎鳳一毛世上獨賢豪弱冠已銀印出身唯寶刀
還家卿月迴度隴將星高幕下多相識邊書醉懶操

送李明府赴睦州便拜覲太夫人

唐岑參盛

手把銅章望海雲夫人江上泣羅裙嚴灘一點舟中
月萬里煙波也夢君

人部

卷六十八

四

送王孝廉觀省

唐李白盛

彭蠡將天合姑蘇在日邊寧親候海色欲動孝廉船
窈窕晴江轉參差遠岫連相思無晝夜東泣似長川

送許八拾遺歸江寧觀省

南昔時嘗客遊此縣於許生處乞瓦棺寺

維摩圖樣
志諸篇末

唐杜甫盛

詔許辭中禁慈顏赴北堂聖朝新孝理祖席倍輝光

內帛擎偏重宮衣著更香淮陰新夜驛京口渡江航

春隔雞人晝秋期燕子涼一作竹引趨庭賜書誇父

老壽酒樂城隍一作十年過父看盡曾饑渴追蹤恨

森茫虎頭金粟影神妙獨難忘

送韓十四江東省親

唐杜甫

兵戈不見老萊衣，歎息人間萬事非。
我已無家尋弟妹，君今何處訪庭闈。
黃牛峽靜灘聲轉，白馬江寒樹影稀。
此別應須各努力，故鄉猶恐未同歸。

送張七判官還京觀省

唐劉長卿

春蘭方可採，此去葉初齊。
函谷鶯聲裏，秦山馬首西。
庭闈新柏署，門館舊桃蹊。
春色長安道，相隨入禁闈。

送外甥范勉赴任常州長史兼觀省

唐錢起

憐君展驥去，能解倚門愁。
就養仍榮祿，還鄉即畫遊。

人部

卷六十八

五

送田倉曹歸觀

唐錢起

青絲絡驄馬，去府望梁城。
節下趨庭處，秋來懷橘情。
別筵寒日晚，歸路碧雲生。
千里相思夜，愁看新月明。

送陳供奉恩敕放歸觀省

唐錢起

得意今如此，清光不可攀。
臣心堯日下，鄉思楚雲間。
楊柳依歸棹，芙蓉棲舊山。
采蘭兼衣錦，何似買臣還。

送韋信愛子歸觀

唐錢起

離舟解纜到斜暉，春水東流燕北飛。
才子學詩趨露冕，棠花含笑待斑衣。
稍聞江樹啼猿近，轉覺山林過

客稀借問還珠盈，合浦何如鯉也入庭闈。

送鄂州張別駕襄陽觀省

唐司空曙

蒼蒼峴亭路，臘月漢陽春。
帶雪半山寺，行沙隔水人。
王祥因就宦，萊子不違親。
正恨殊鄉別，千條楚柳新。

劉侍御朝命許停官歸侍

唐皇甫冉

孟孫唯問孝，萊子復辭官。
幸遂溫清所，其甘稼穡難。
採芝供上藥，拾槿奉晨餐。
棟裏雲藏雨，山中暑帶寒。
非時應有筍，閒地盡生蘭。
賜告承優老，長筵永日歡。

送李萬州赴饒州觀省

唐皇甫冉

前程歡拜慶，舊館惜招攜。
荀氏風流日，胡家清白齊。

人部

卷六十八

六

川迴吳岫失，塞闊楚雲低。
舉目親魚鳥，驚心怯鼓鼙。
人稀漁浦外，灘淺定山西。
無限青青草，王孫去不迷。

送馬尚書郎君侍從歸觀

唐盧綸

玉人垂玉鞭，百騎帶秦鞵。
從賞野郵靜，獻新秋果鮮。
塞中豐雨雪，虜帳失山川。
遙想稱觴後，唯當共被眠。

送衛司法河中觀省

唐盧綸

出身因強學，不以外家榮。
年少無遺事，官閑有政聲。
曉山臨野渡，落日照軍營。
共賞高堂下，連行弟與兄。

送李尚書郎君昆季侍從歸觀滑州

唐盧綸

唐盧綸中

鳳雛聯翼美王孫綵服戎裝擬塞垣金鼎對筵調野膳王鞭齊騎引行軒水河一曲旌旗滿墨詔千峰雨露繁更說務農將罷戰敢持歌頌慶晨昏

送內弟韋宗仁歸信州觀省 唐盧綸中

常嗟外族弟兄稀轉覺心孤是送歸醉掩壺觴人有淚夢驚波浪日無輝烹魚綠斚煙迷草摘橘青谿露濕衣聞說江樓長卷幔幾迴風起望胡威

送恒操上人歸江外觀省 唐盧綸中

依佛不違親高堂與寺鄰問安雙樹曉求膳一僧貧

卷六十八

七 首觀

持呪過龍廟翻經化海人還同慧休去儒者亦雪中

送太常蕭博士棄官歸養赴東都 唐劉禹錫中

為師官並分司洛邑

時元兄罷相為少師仲兄

兄弟盡驚鸞歸心切問安食榮五綵服遂挂兩梁冠侍膳曾調鼎循陔更握蘭從今別君後長憶德星看

送國子令狐博士赴興元觀 唐劉禹錫中

相門學子高陽族才省清資五品官諫院過時榮棣萼謝庭歸去踏蘭山頭花帶煙霞晚棧底江涵雪水寒伯仲到家人盡賀柳營蓮府遞相歡

送魏廣下第揚州觀省 唐李端中

遊宦今空返浮淮一鴈秋白雲陰澤國青草遶揚州

調膳過花下張筵到水頭崑山仍有玉歲晏莫淹留

送李舍人攜家歸江東觀省 唐韓翃中

二十青宮吏成名似者稀承顏陸郎去攜手謝娘歸夜月迴孤燭秋風試夾衣扁舟楚水上來往速如飛

送盧弘本浙東觀省 唐張祐中

東望故山高秋歸值小舸懷中陸續橘江上伍員濤好去寧雞口加餐及蠓蚶知君思無倦為我續離騷

送崔端公郎君入京觀省 唐權德輿中

已見風姿美仍聞藝業勤清秋上國路白哲少年人

人部 卷六十八 八 首觀

帶月輕帆疾迎霜綵服新過庭若有問一為說漳濱

送劉式洛中觀省 唐賈島中

晴峰三十六侍立上春臺同宿別離恨共看星月迴野鶯臨苑語河棹歷江來便寄相思札緘封花下開

送鄭大台文南觀 唐李商隱晚

黎辟難聲五月寒南風無處附平安君懷一匹胡威絹爭拭酬恩淚得乾

送曾德邁歸寧宜春 唐曹勣晚

湘東山水有清輝表水詞人得意歸幾府爭馳毛義檄一鄉看侍老萊衣筵開灞岸臨清溪路去藍關入

翠微想到宜陽更無事併將歡慶奉庭闈

奉和送羊振文桂陽歸覲 唐顏真卿

高挂吳帆喜動容問安歸去指湘峰懸魚庭內芝蘭
秀馭鶴門前薜荔封紅旆正憐棠影茂綵衣偏帶桂
香濃臨岐獨有霜襟戀南巷當年共化龍

送羊振文先輩往桂陽歸覲 唐陸龜蒙

風雅先生去一麾過庭才子趣歸期讓王門外開帆
葉義帝城中望戟枝郢路漸寒飄雪遠湘波初暖漲
雲遲靈均精魄如能問又得千年賈傳詞

奉和送羊振文先輩往桂陽歸覲 唐皮日休

入部 卷六十八 九 省親 扶持

桂陽新命下丹墀彩服行當欲雪時登第已聞傳稱
賦問安猶聽講韓詩竹人臨水迎符節風母穿雲避
信旗無限湘中悼騷恨憑君此去謝江離

○扶持

送王十五判官扶持還黔中得開字

唐杜甫

大家東征逐子回風生洲渚錦帆開青青竹筍迎船
出白白江魚入饌來離別不堪無限意艱危須仗濟
時才黔陽信使應稀少莫怪頻頻勸酒杯

送張翊扶持之睦州 此公舊任建德令 唐劉長卿

遙憶新安舊扁舟復却還淺深看水石來往逐雲山
入縣餘花在過門故柳閑東征隨子去偕隱薛蘿間

送嚴士良侍奉詹事南遊 唐錢起

疏傳獨知止曾參善愛親江山侍行邁長幼出囂塵
握手想千古此心能幾人風光滿長陌草色傍征輪
日夕望荆楚鸞鳴芳杜新漁煙月下淺花嶼水中春
點翰遙相憶含情向白蘋

送李戎扶持往壽安 唐賈島

二千餘里路一半是波濤未曉著衣起出城逢日高
關山多寇盜扶持帶弓刀臨別不揮淚誰知心鬱陶

入部 卷六十八 十 扶持 勸

送唐州崔使君侍親赴任 唐白居易

連持使節歷專城獨賀崔侯最慶榮烏府一拋霜簡
去朱輪四從板輿行發時正許沙鷗達到日方來竹
馬迎唯慮郡齋賓友少數杯春酒共誰傾

○迎親

奉送李賓客荆南迎親 唐岑參

迎親辭望苑恩詔下儲闈昨見雙魚去今看四馬歸
驛帆湘水闊客舍楚山稀手把黃香扇身披萊子衣
鵲隨金印喜鳥傍板輿飛勝作東征賦還家滿路輝

送李賓客荆南迎親 唐獨孤及

宗室劉中壘文場謝客兒當爲天北斗曾使海西陲
毛節精誠著銅樓羽翼施還申供帳別言赴倚門期
恩渥霑行李晨昏在路岐君親兩報遂不敢議傷離
送申屠正字往湖南迎親兼謁趙和州因呈上
侍郎使君并戲簡前歷陽李明府

唐盧綸中

曉月朦朧映水關水邊因到歷陽山千般財貨朱橋
下一曲閭闔青秋間坦腹定逢潘令醉上樓應伴庾
公閑歡餘若問南行計知念天涯負米還

○官情

人部

卷六十八

十一

迎親 官情

據地歌

東方朔爲郎常侍中人皆以爲任朔曰
乃適世於深山中時坐 漢東方朔

陸沈於俗避世金馬門宮殿中可以避世全身何必
深山之中蒿蘆之下

吳王郎中時從梁陳作

晉陸機

在昔蒙嘉運矯迹入崇賢假翼鳴鳳條濯足升龍淵
玄冕無醜士冶服使我妍輕劍拂鬱腐一作長纓麗
且鮮誰謂伏事淺契闊踰三年薄言肅後命改服就
藩臣夙駕尋清軌遠遊越梁陳感物多遠念慷慨懷
古人

荅弘農故吏民

晉孫楚

昔我先侯邁德垂化康哉之詠寔由良佐惟余忝辱
弗克負荷每歷貴邦仰瞻泰華追慕先軌感想哀嗟
詵詵臣故爰及羣士皓首老成率彼邑里闡崇高義
長幼以齒

在懷縣作二首

晉潘岳

南陸迎脩景朱明送末垂初伏啓新節隆暑方赫曦
朝想慶雲興夕遲白日移揮汗辭中宇登城臨清池
涼颼自遠集輕襟隨風吹靈圃耀華果通衢列高椅
瓜瓞蔓長苞薑芋芬廣畦稻栽肅阡阡黍苗何離離

人部

卷六十八

十二

官情

虛薄之時用位微名日卑驅役宰兩邑政績竟無施
自我違京輦四載迄於斯器非廊廟姿屢出固其宜
徒懷越鳥志眷戀想南枝

春秋代遷逝四運紛可喜寵辱易不驚戀本難爲思
我來冰未泮時暑忽隆熾感此還期淹歎彼年往駛
登城望郊甸游目歷朝寺小國寡民務終日寂無事
白水過庭激綠槐夾門植信美非吾土祇攬懷歸志
眷然顧洛山川邈離異願言還舊鄉畏此簡書忌
祇奉社稷守恪居處職司

河陽縣作二首

晉潘岳

微身輕蟬翼弱冠忝嘉招在疚妨賢路再升上宰朝
猥荷公叔舉連陪則王寮長嘯歸東山擁耒耨時苗
幽谷茂纖葛峻巖敷榮條落英隕林趾飛莖秀陵喬
卑高亦何常升降在一朝徒恨良時泰小人道遂消
譬如野田蓬幹流隨風飄昔倦都邑遊今掌河朔徂
登城眷南顧凱風揚微綃洪流何浩蕩脩芒鬱岩堯
誰謂晉京遠室邇身實遼誰謂邑宰輕令名患不劭
人生天地間百年孰能要煩一作如稿一作石火瞥
若截道威齊都無遺聲桐鄉有餘謠福謙在純約害
盈由矜驕雖無君人德視民庶不忼

入部

卷六十八

十三

官情

日夕陰雲起登城望洪河川氣冒山嶺驚湍激巖阿
歸鴈映蘭時游魚動圓波鳴蟬厲寒音時菊耀秋華
引領望京室南路在伐柯大厦無覲崇芒鬱嵯峨
總總都邑人擾擾俗化訛依水類浮萍寄松似懸蘿
朱博糾舒慢楚風被琅邪曲蓬何以直託身依叢麻
黔黎竟何常政成在民和位同單父邑愧無子賤歌
豈敢陋微官但恐忝所荷

擬古二首

宋鮑照

魯客事楚王懷金襲丹素既荷主人恩又蒙令尹顧
日宴罷朝歸興一作馬塞衢路宗黨生光輝一作賓

僕遠傾慕富貴人所欲道得亦何懼南國有儒生迷
方獨淪誤伐木清江湄設置守窺覓

十五諷詩書篇翰靡不通弱冠參多士飛步遊秦宮
側視君子論預見古人風兩說窮舌端五車摧筆鋒
羞當白璧貶恥受聊城功晚節從世務乘障遠和戎
解珮襲犀渠卷裘奉盧弓始願力不及安知今所終
和蕭中庶直石頭 齊謝朓

九河亘積岨三巘爵旁眺皇州總地德回江欵巖微
井幹絕蒼林雲霓蔽層嶠川霞旦上薄山光晚餘照
翔集亂歸飛虹蜺紛引曜君子奉神畧暇迴憑重峭

入部

卷六十八

十四

官情

彈冠已籍甚升車益英妙功存漢冊書榮並周庭燎
汲疾移偃息董園荷談笑麾旆一悠悠謙姿光且劭
讌嘉多暇日興文起淵調曰余廁鱗羽滅影從漁釣
澤渥資投分逢迎典待詔詠沼邈含毫專城空坐嘯
徒慚皇鑒揆終延曲士諄方追隱淪訣偶解金丹要
若偶巫咸招帝閭良可吁

始出尚書省

齊謝朓

惟昔逢休明十載朝雲陛既通金閨籍復酌瓊筵醴
宸景厭昭臨昏風淪繼體紛虹亂朝日濁河穢清濟
防口猶寬政餐荼更如薺英袞暢人謀文明固天啟

青精翼紫軼黃旗映朱邱還觀司隸章復見東都禮
中區咸已泰輕生諒昭泗音趨事辭宮闕載筆陪旌
紫邑里向疎無寒流自清泚衰柳尚沈沈凝露方泥
泥零落悲友朋歡娛燕兄弟既東丹石心寧流素絲
涕因此得蕭散垂竿深澗底

宣城郡內登望

齊謝朓

借問下車日匪直望舒圓寒城一以眺平楚正蒼然
山積陵陽阻谿流春穀泉威紆距遙甸巉巖帶遠天
切切陰風暮桑柘起寒煙悵望心已極恟怛魂屢遷
結髮倦爲旅平生早事邊誰規鼎食盛寧要狐白鮮
人部 卷六十八 十五 宦情

方棄汝南諾言稅遼東田

冬日晚郡事隙

齊謝朓

案牘時間暇偶坐觀卉木颯颯滿池荷脩脩蔭牕竹
簷隙自周流房櫺閑且肅蒼翠望寒山崢嶸瞰平陸
已惕慕歸心復傷千里目風霜旦夕甚蕙草無芬馥
云誰美竿實孰是厭適軸願言稅逸駕臨潭餌秋菊

示吏民

梁元帝

闕里尚爲謙厲鄉裁知足咨余再分陝少思宜寡欲
霞出浦流紅苔生岼泉綠方知江漢上變爲鄒魯俗

擬陸平原機羈宦

梁江淹

儲后降嘉命恩紀被微身明發眷桑梓永歎懷密親
流念辭南澨銜怨別西津驅馬遵淮泗旦夕見梁陳
服義追上列矯迹廁宮臣朱黻咸髦士長纓皆俊民
契濶承華內綢繆踰歲年日暮聊總駕道遙觀洛川
俎歿多拱木宿草凌寒煙遊子易感慨躑躅還自憐
願言寄三鳥離思非徒然

上虞鄉亭觀濤津渚學潘安仁河陽縣作

梁劉孝綽

昔余筮賁始衣冠仕洛陽無貴徒有任一命忝爲郎
再踐神仙側三入崇賢旁東朝禮髦俊虛薄則才良
人部 卷六十八 十六 宦情

遊談侍名理擢管創文章引籍陪下膳橫經參上庠

誰謂服事淺契闊變炎涼一朝謬爲吏結綬去承光

烹鮮徒可習一作治民終未長化雞仰李智馴雉推

仲康魯恭字此城鄰夏穴櫛蠹茂筠篁孝碑黃絹語

神濤白鷺翔遨遊佳可望釋事上川梁秋江東雨絕

反景照移塘纖羅殊未動駭水忽如湯乍出運山合

時如高蓋張漂沙黃沫聚磐石素波揚榜人不敢唱

舟子詎能航離家復臨水眷然思故鄉中來不可絕

奕奕苦人腸汧汧若無阻謝病反清漳

古意

北齊顏之推

十五好詩書二十彈冠仕楚王賜顏色出入章華裏
作賦凌屈原讀書誇左史數從明月譙或侍朝雲祀
登山摘紫芝泛江採綠芷歌舞未終曲風塵暗天起
吳師破九龍秦兵割千里狐兔穴宗廟霜露沾朝市
壁入邯鄲宮劒去襄城水未獲殉陵墓獨生良足耻
憫憫思舊都惻惻懷君子白髮關明鏡憂傷沒余齒
擬古

唐徐彥伯初

讀書三十載馳騫周六經儒衣千時主忠策獻闕庭
一朝奉休盼從容廁羣英束身趨建章秉筆坐承明
解署相填噎寮吏紛縱橫五日休澣時眉蘇繞玉屏
人部 卷六十八 十七 宦情
橘花覆北沼桂樹交西榮樹棲兩鴛鴦含春向我鳴
皎潔綺羅艷便娟絲管清擾擾天地間出處各有情
何必巖石下枯槁閑此生

荊州作二首

唐張九齡初

先達志其大求意不約文士伸在知己已况仕於君
微誠夙所尚細故不足云時來忽易失事往良難分
顧念凡近姿焉欲殊常勲亦以行則是豈必素有聞
千慮且猶跌萬緒何其紛進士苟非黨免相安得羣
衆口金可鑠孤心絲共焚意忠仗朋信語勇同敗軍
古劒徒有氣幽蘭祇自薰高秩向所忝於義如浮雲

二

千載一遭遇往賢所至難問余奚爲者無階忽上搏
明聖不世出翼亮非苟安崇高自有配孤陋何足干
遇恩一時來竊位三歲寒誰謂誠不盡知窮力亦殫
雖致召乘寇初無挾術鑽浩蕩出江湖翻覆如波瀾
心傷不材樹自念獨飛翰狗義在匹夫報恩猶一餐
况乃山海澤效無毫髮端內訟已慙沮積毀今摧殘
胡爲復惕息傷鳥畏虛彈

在郡秋懷二首

唐張九齡初

秋風入前林蕭瑟鳴高枝寂寞遊子思寤歎何人知
人部 卷六十八 十八 宦情

宦成名不立志存歲已馳五十而無聞古人深所疵
平生去外飾直道如不羈未得操割效忽復寒暑移
物情自古然身退毀亦隨悠悠滄江渚望望白雲涯
露下霜且降澤中草離披蘭艾若不分安用馨香爲
二

庭無生白露歲候感遐心策蹇慙遠途巢枝思故林
小人恐致寇終日如臨深魚鳥好自逸池籠安所欽
挂冠東都門採薇南山岑議道誠愧昔覽分還慙今
無然憂成老空爾白頭吟

爲郡并序

唐張九齡初

忝官二十年盡在內職及爲郡嘗積戀因賦詩焉
江流去朝宗晝夜茲不舍仲尼在川上子牟存闕下
聖達有由然孰是無心者一郡苟能化百城豈云寡
愛禮誰爲羊戀主吾猶馬感初時不載思奮翼無假
閑宇嘗自閉沈心何用寫攬衣步前庭登陴臨曠野
白水出迢遞清風寄瀟灑願言采芳澤終朝不盈把

在洪州答綦母學士

唐張九齡

旬雨不愆期由來自若時爾無言郡政吾豈欲天欺
常念涓塵益惟歡草樹滋課成非所擬人望在東菑

岳州作二首

說爲文屬思精壯世所不逮既謫岳州而詩益凄婉人謂得江山助

入部

卷六十八

十九

唐張說

云

唐張說

水國生秋草離居再及瓜山川臨洞穴風日望長沙
物土南州異關山北信賒日昏聞怪鳥地熱見脩蛇
遠人夢歸路瘦馬嘶去家正有江潭月徘徊戀九華

二

夜夢雲闕間從容簪履列朝遊洞庭上緬望京華絕
潦收江未清火退山更熱重欬視欲醉情滿氣如噎
器留魚鱉腥衣點蚊虻血髮白思益壯心玄用彌拙
冠劍日苔蘚琴書坐廢徹唯有報恩字刻意長不滅

岳州行郡竹籬

唐張說

山郡不溝郭荒居無翳壅愛人忠王利善守閉爲勇
苟非小勤瘁安得其逆寵板築恐土疎襄城嫌役重
藩柵聊可固筠篁近易奉差池截浦沙絲繞綠隈隴
矗似長雲亘森如高戟聳預絕豺狼憂知免牛羊恐
間里寬矯步榛藂恣踏踴始果遊處心終日成閑拱

相州冬日早衙

唐張說

城外宵鐘斂閨中曙火殘朝光曜庭雪宿凍聚池寒
正色臨廳事疑詞定筆端除苛囹圄息伐枳吏人寬
河內功猶淺淮陽疾未安鏡中星髮變頓使世情闌

陪燕公行郡竹籬

唐趙冬曦

入部

卷六十八

二十

唐趙冬曦

良臣乃國楨麾守去承明外戶人無閑浮江獸已行
隨來晉盜逸民化蜀風清郭郭從彝典州閭荷德聲
小人被天澤流宅巴丘城所賴中和正優游鑿與耕

至桃林塞作

唐崔湜

去國未千里離家已再旬丹心恒戀闕白首更辭親
懷璧嘗貽訓捐金詎得鄰抱冤非忤物罹謗豈尤人
不濫辭終辨無瑕理竟申散還中省舊符與外臺新
塞上同遷客江潭異逐臣淚垂非屬峴腸斷固由秦
歲月行適盡山川難重陳始知亭伯去還是拙謀身

翰林讀書言懷呈集賢院內諸學士

唐李白 盛

晨起紫禁中夕待金門詔觀書散遺帙探古窮至妙
片言苟會心掩卷忽而笑青蠅易相點白雪難同調
本是疎散人屢貽福促詔雲天屬清朗林壑憶遊眺
或時清風來閒倚闌干甯嚴光桐廬谿謝客臨海嶠
功成謝人間從此一投釣

效古

唐李白 盛

朝入天苑中謁帝蓬萊宮青山映輦道碧樹搖煙空
謬題金閨籍得與銀臺通待詔奉明王抽毫頌清風
歸時落日晚蹀躞浮雲驄人馬本無意飛馳自豪雄

人部

卷六十八

三十一 官情

人門紫鴛鴦金井雙梧桐清歌絃古曲美酒沽新豐
快意且爲樂列筵坐羣公光景不可留生世如轉蓬
早達勝晚遇羞比垂釣翁

官定後戲贈

唐杜甫 盛

不作西河尉淒涼爲折腰老夫怕趨走率府且逍遙
耽酒須微祿狂歌託聖朝故山歸興盡回首向風颺

封丘縣

唐高適 盛

我本漁樵孟諸野一生自是悠悠者乍可狂歌草澤
中寧堪作吏風塵下祗言小邑無所爲公門百事皆有期
拜迎官長心欲碎鞭撻黎庶令人悲歸來向家

問妻子舉家盡笑今如此生事應須南畝田世情付
與東流水夢想舊山安在哉爲銜君命日遲迴乃知
梅福徒爲爾轉憶陶潛歸去來

封丘作

唐高適 盛

州縣才難適雲山道欲窮揣摩慙黠吏棲隱謝愚公
衙郡守還

唐岑參 盛

世事何反覆一身難可料頭白翻折腰歸家私自笑
所嗟無產業妻子嫌不調五斗米留人東谿憶垂釣

初至犍爲作

唐岑參 盛

山色軒檻內灘聲枕席間草生公府靜花落公庭閑

人部

卷六十八

三十一 官情

雲雨連三峽風塵接百蠻到來能幾日不覺鬢毛斑
初授官題高冠草堂

唐岑參 盛

三十始一命官情都欲闌自憐無舊業不敢耻微官
澗水吞樵路山花醉藥欄祗緣五斗米辜負一漁竿

題號州西樓

唐岑參 盛

錯料一生事蹉跎今白頭縱橫皆失計妻子也堪羞
明主雖然棄丹心亦未休愁來無去處祗上郡西樓

永嘉作

唐張子容 盛

拙宦從江左投荒更海邊山將孤嶼近水共惡谿連
地濕梅多雨潭蒸竹起煙未應悲晚髮炎瘴苦華年

涼風原上作

唐王昌齡

陰岑宿雲歸煙霧濕松柏風淒日初晚下嶺望川澤
達山無遺明秋水千里白佳氣盤未央聖人在凝碧
關門阻天下信是帝王宅海內方晏然廟堂有奇策
時貞守全運罷去游說客余忝蘭臺人幽尋免貽責

忝官引

唐元結

天下昔無事僻居養愚鈍山野性所安熙然自全順
忽逢暴兵起閭巷見軍陣將家瀛海濱自棄同芻蕘
往在乾元初聖人啓休運公車詣魏闕天子垂清問
敢誦王者箴亦獻當時論朝廷愛方直明主嘉忠信
人部 卷六十八 二十三 官情

屢授不次官曾與專征印兵家未曾學榮利非所徇
偶得兇醜降功勞愧分寸爾來將四歲慙耻言可盡
請取寃者辭爲吾忝官引寃辭何者苦萬邑餘灰燼
寃辭何者悲生人盡鋒刃寃辭何者甚力役遇勞困
寃辭何者深孤弱亦哀恨無謀救寃者祿位安可近
而可愛軒裳其心又干進此言非所戒此言敢貽訓
實欲辭無能歸耕守吾分

和大夫秋夜書情卽事

唐獨孤及

上畧當分閭高情善閉關忘機羣動息無戰五兵閑
鈴閣風傳漏書牕月滿山方知秋興作非惜二毛斑

縣中池竹言懷

唐錢起

官小志已足時清免負新卑棲且得地榮耀不關身
自愛賞心處叢叢篁流水濱荷香度高枕春色滿南鄰
道在卽爲樂機忘寧厭貧却愁丹鳳詔來訪漆園人

題張藍田訟堂

唐錢起

角巾高枕向晴山訟簡庭空不用關秋風牕下琴書
靜夜一作景門前人吏閑稍覺淵明歸思遠東臯月
出片雲還

新昌里言懷

唐錢起

性拙偶從宦心閑多掩扉雖看北堂草不忘舊山薇
人部 卷六十八 二十四 官情

縣齋

唐韋應物

仲春時景好草木漸舒榮公門且無事微雨園林清
泱泱水泉動欣欣衆鳥鳴閑齋始延矚東作興庶旰
卽事翫文墨抱冲披道經於焉日澹泊徒使芳樽盈

郡內閑居

唐韋應物

棲息絕塵侶屏鈍得自怡腰懸竹使符心與一作廬
山緇永日一酣寢起坐兀無思長廊獨看雨衆樂發
幽姿今夕已云罷明晨復如斯何事能爲累寵辱豈
要辭

晚出府舍與獨孤兵曹令狐工曹南尋朱雀街

歸里第

唐韋應物

分曹幸同簡聯騎方愜素還從廣陌歸不覺青山暮
翻翻鳥未沒杳杳鐘猶度尋草遠無人望山多枉路
聊參世士跡嘗得靜者顧出入雖見牽忘身緣所作
明晤

高陵書情寄三原盧少府

唐韋應物

直方難爲進守此微賤班開卷不及顧沈埋案牘聞
兵凶久互一作相踐後賦豈得閑促戚下可哀寬政身
致患日夕思自退出門望故山君心儻如此攜手相

人部

卷六十八

三十五

官情

與還

歲日寄京師諸李端武等

唐韋應物

獻歲抱深惻僑居念歸緣常患親愛離始覺世務牽
少事河陽府晚守淮南壩平生幾會散已及蹉跎年
昨日罷符竹家貧遂留連部曲多已去車馬不復全
閑將酒爲偶默以道自詮聽松南巖寺見月西澗泉
爲政無異術當責豈望遷終理來時裝歸鑿杜陵田

登郡寄京師諸李淮南子弟

唐韋應物

始罷永陽守復卧潯陽樓懸檻飄寒雨危堞侵江流
迨茲聞鴈夜重憶別離秋徒有盈樽酒鎮此百端憂

郡齋贈王卿

唐韋應物

無術謬稱簡素餐空自嗟秋齋雨成滯山藥寒始華
濩落人皆笑幽獨歲逾賒唯君出塵意賞愛似山
僧家

縣內閑居贈溫公

唐韋應物

滿郭春風嵐已昏鷄栖散吏掩重門雖居世網常清
淨夜對高僧無一言

任洛陽丞答前長安由少府

唐韋應物

相逢且對酒相問欲何如數歲猶卑吏家人笑著書
告歸應令一作未得榮宦又知疎日日生春草空令憶

人部

卷六十八

三十六

官情

舊居

示從子河南尉班

并序

唐韋應物

永泰中余任洛陽丞以僕扶軍騎時從子河南尉
班亦以剛直爲政俱見訟於居守因詩示意府縣
好我者豈曠斯文

拙直余恒守公方爾所存同占朱雀冠俱起小人言

立政思懸棒謀身類觸藩不能林下去祇戀府庭恩

諷古

唐劉禹錫

簿領乃俗士清談信古風吾觀蘇令綽朱墨一何工

郡齋讀經

唐羊士諤

壯齡非濟物柔翰誤爲儒及此齋心暇倏然與道俱
散材誠獨善正覺豈無徒半偈蓮生水幽香桂滿爐
息陰慙蔽芾講義得醍醐跡似桃源客身嬰竹使符
華夷參吏事已漢昆州圖偃草懷君子移風念賈夫
翳桑俄有績宿麥復盈租圓寂期超詣凋殘幸已蘇
解空囊不省減景谷何愚幾日遵歸轍東菑殆欲蕪
資陽郡中詠懷
唐羊士諤中

腰章非達士閉閣是潛夫匣劍寧求試籠禽但自拘
江清牛渚鎮酒熟步兵厨唯此前賢意風流似不孤
在郡三年今秋見白髮聊以事唐羊士諤中

人部

卷六十八

二七

官情

二毛非騎省朝鏡忽秋風絲縷寒衣上霜華舊簡中
承明那足厭車服愧無功日日山城守淹留豈桂叢
守郡累年俄及知命聊以志
唐羊士諤中

南國疑逋客東山作老夫登朝非大隱出谷是真愚
氣直慙龍劍心清愛玉壺聊持循吏傳早晚口爲徒
郡中言懷寄西川蕭員外
唐羊士諤

功名無力愧勤王已近終南得草堂身外盡歸天竺
偈腰間惟有會稽章何時臈酒逢山客可惜梅枝亞
石牀歲晚我知仙客意懸心應在白雲鄉

新移北廳因貽同院諸公兼呈暢博士

華軒通台座顧影忝時倫弱質偃彌曠清風來亦頻
恩輝坐凌邁景物恣芳新終乃愧吾人無容私此身
和孟處州閒居卽事
唐包何中

古郡鄰江嶺公庭半薜蘿府寮閒不入山鳥靜偏過
睥睨臨花柳欄杆枕芰荷來秋今欲至君聽兩岐歌
初領郡政衙退登東樓作
唐白居易中

鯨惻心所念簡牘手自操何言符竹貴未免州縣勞
賴是餘杭郡臺榭遶官曹凌晨親政事向晚恣遊遨
山冷微有雪波平未生濤水心如鏡面千里無纖毫
人部
卷六十八
二八
官情

直下江最闊近東樓更高煩襟與滯念一望皆遁逃
除官去未間
唐白居易中

新樹少於松平湖半連草躋攀有次第賞詵無昏早
有時騎馬醉兀兀冥天造窮通與生死其奈吾懷抱
江山信爲美齒髮行將老在郡誠未厭歸鄉去亦好
七年春題府廳
唐白居易中

潦倒守三川因循涉四年推誠廢鉤距示耻用蒲鞭
以此稱公事將何銷俸錢雖非好官職歲久亦妨賢
晚歸早出
唐白居易中

筋力年年減風光日日新退衙歸逼夜拜表出侵晨
何處臺無月誰家池不春莫言無勝地自是少閑人

初到江州寄翰林張李杜三學唐白居易中

早攀霄漢上天衢晚落風波委世途雨露施恩無厚
薄蓬蒿隨分有榮枯傷禽側翅驚弓箭老婦低顏事
舅姑碧落三仙曾識面年深記得姓名無

昔與微之在朝日同蓄休退之心迨今十年淪

落老大追尋前約且結後唐白居易中

往子為御史伊余忝拾遺皆逢盛明代俱登清近司
予繫玉為珮子曳繡為衣客香煙下同侍白玉墀

人部 卷六十八 三十一官情

朝見寵者辱暮見安者危紛紛無退者相顧令人悲
宦情君早厭世事我深知常於榮顯日已約林泉期
況今各流落身病齒髮衰不作卧雲計攜手欲何之
待君女嫁後及我官滿時稍無骨肉累粗有漁樵資

歲晚青山路白首期同歸

東臺去僕每為崔白二學士語陶先生喜不遇
之事且曰僕得分司東臺即足以買山

家 唐元稹中

陶君喜不遇予每為君言今日東臺去澄心在陸渾
旋抽隨日俸併買近山園千萬崔兼白殷勤承主恩

酬樂天得微之詩知通州事因唐元稹中

平地才應一頃餘閣欄都大似巢居已大多在山坡
架木為居自號

閣欄入衙官吏聲疑鳥下峽舟船腹似魚市井無錢

論尺丈田疇付火罷耘鋤此中愁殺須甘分惟惜平

生舊著書本句云努力安心過三考已曾愁殺李尚
書又予病甚將平生所為文自題云異日

送白二十

初入集賢院贈李獻仁曾於常山縣官

唐崔峒中

燕代官初罷江湖路便分九遷從命薄四十幸人聞

跡愧趨丹禁身曾繫白雲何由返滄海昨日謁明君

蘇州元日郡齋感懷寄越州元相公杭州白舍

人部 卷六十八 三十一官情

人 唐李諒中

稱慶還鄉郡吏歸端憂明發儼朝衣首開三百六旬

曆新知四十九年非當官補拙猶勤慮遊宦量才已

息機舉族共資隨月俸一身唯憶故山薇舊交邂逅

封疆近老牧蕭條宴賞稀書札每來同笑語篇章時

到借光輝絲綸暫厭分符竹舟楫初登擁羽旗未知

今日情何似應與幽人事有違

武功縣中作 唐姚合中

縣去帝城遠為官與隱齊馬隨山鹿放雞雜野禽棲

遠舍惟藤架侵堦是藥畦更師嵇叔夜不擬作書題

二

微官如馬足祗是在泥塵到處貧隨我終年老趣人
簿書銷眼力杯酒耗心神早作歸休計深居養一作過
此身

三

簿書多不會薄俸亦難消醉卧慵開眼閑行懶繫腰
移花兼蝶至買石得雲饒且自心中樂從他笑寂寥

四

曉鐘驚睡覺事事便相關小市柴薪貴貧家砧杵閑
讀書多旋忘除酒數空還長羨劉伶輩高眠出世間

人部

卷六十八

三十一

官清

五

性疎常愛卧親故笑悠悠縱出多攜枕因衙始裹頭
上山彌覺老過寺暫忘愁三考千餘日低腰不擬休

六

客至皆相笑詩書滿卧牀愛閑求病假因醉棄官方
鬢髮寒唯短衣衫瘦漸長自嫌多檢束不似舊來狂

七

一看除目終年損道心山宜衝雪上詩好帶風吟
野客嫌知印家人笑買琴只應隨分過已一作是錯

彌深

八

窮達天應與人間事莫論微官從似客遠縣豈勝村
竟日多無食連宵不閉門齋心調筆硯唯寫五千言

九

縣僻仍牢落遊人到便迴路當邊地去村入郭門來
酒戶愁偏長詩情病不開可曾衙小吏恐謂踏蒼苔

十

自下青山路三年著綠衣官卑食肉僭才短事人非
野客教長醉高僧勸却歸不知何計是免與本心違

十一

日出方能起庭前看種莎吏來山鳥散酒熟野人過
岐路荒城少煙霞遠縣多同官數相引下馬上西坡

十二

作吏荒城裏窮愁欲不勝病多唯識藥年老漸親僧
夢覺空堂月詩成滿硯水故人多得路寂寞不相稱

十三

朝朝眉不展多病怕逢迎引水遠通澗疊山高過城
秋燈照樹色寒雨落池聲好是吟詩夜披衣坐到明

十四

簿籍誰能問風寒趁早眠每旬常乞假隔月探支錢

一作請
官錢 還往嫌詩癖親情恠酒顛謀身須上計終久
是歸田

十五

腥羶都不食稍稍覺神清夜犬因風吠鄰雞帶雨鳴
守官常卧病學道別稱名小有洞中路誰能引我行

十六

假日多無事誰知我獨忙移山入縣宅種竹上城墻
驚蝶遺花藥遊蜂帶蜜香唯愁明早出端坐吏人傍

十七

門外青山路因循自不歸養生宜縣僻說品喜官微
人部 卷六十八 三十三 唐清

淨愛山僧飯閑披野客衣唯憐幽谷鳥不解入城飛

十八

一官無限日愁悶欲何如掃舍驚巢燕尋方落壁魚

十九

朝朝門不閉長似在山時賓旅抽書讀兒童斫竹騎
久貧還易老多病懶能醫道友應相恠休官日已遲

二十

主印三年坐山家百事休焚香開救庫踏月上城樓
飲酒多成病吟詩易長愁殷勤問漁者暫借手中鉤

二十一

自知狂僻性吏事固相疎祗自看山立無因出縣居
印朱沾墨硯戶籍雜經書月俸尋常請無妨乏斗儲

二十二

作吏無能事為文舊致功詩標八病外心落百憂中
拜別登朝客歸依鍊藥翁不知還往內誰與此心同

結綬鄆郊廩攝府署偶有 唐鄭谷 晚

鶯離寒谷士逢春釋褐來年暫種芸自笑老為梅少
府可堪貧攝鮑參軍酒醒往事多興念吟苦鄰居必
厭聞推却簿書搔短髮落花飛絮正紛紛

春日隱居官舍感懷 唐李洞 晚

人部 卷六十八 三十四 唐清

風吹燒燼雜汀沙還似青谿舊寄家入戶竹生牀下
葉隔牕連謝鏡中花昔房羣客論三學雪嶺巢禽看
兩衙銷得人間無限事江亭月白誦南華

登郡樓書懷 唐劉兼 晚

莫嘆阮氏哭途窮萬代深沈恨亦同瑞玉豈知將抵
鵲鉛刀何事却屠龍九夷欲適嗟吾道五柳終歸効
古風獨倚郡樓無限意滿江煙雨正冥濛

冬暮城西晚眺 唐羅隱 晚

謬忝蓮華幕虛沾柏署官欹危長抱疾衰老不禁寒
時事已日過世途行轉難千崖兼萬壑只向望中看

和諫議罷郡叙懷六韻

唐陸龜蒙

已報東吳政初捐左契歸天應酬苦節人不犯寒威
江上思重借朝端望載饒紫泥封夜詔金殿賜春衣
對酒情何遠裁詩思極微待升鑒造日江海問漁扉

尚類函卷六十八

卷六十八

三五

宦情

詩雋類函卷六十九

東吳俞安期彙纂

宣城梅鼎祚增定

關中梁應基訂校

人部十一

棄官

遭讒

貶謫

流徙

奔亡

○棄官

不調歸東川別業

唐李頎

盛

寸祿言可取託身將見遺慙無匹夫志悔與名山辭
綬見謝知已林園多後時葛巾方濯足蔬食但垂帷
卜室對河岬漁樵祗在茲青郊香杜若白水映茅茨
書景微雲樹夕陰澄古遠渚花獨開晚日鶴靜飛遲
人部 卷六十九 棄官

且復樂生事前賢為我師清歌聊鼓楫永日望佳期

初去郡齋書情

唐薛據

盛

蕭徒辭汝頴懷古獨凄然尚想文王化猶思巢父賢
時移多讒巧大道竟誰傳况見疾風起悠悠旌旆懸
征鴻無返翼歸流不停川已經霜雪下仍驗柏松堅
回首望城邑迢迢間雲煙志士不傷物小人皆自妍
感時唯責已在道非怨天從此適樂土東歸得幾年
送綦母校書棄官還江東 唐王維
明時久不達棄置與君同天命無怨色人生有素風
念君拂衣去四海將安窮秋天萬里淨日暮澄江空

清夜何悠悠扣舷明月中和光魚鳥際澹爾兼葭叢
無庸客昭世衰鬢日如蓬頑疎暗人事僻陋遠天聰
微物縱可採其誰爲至公余亦從此去歸耕爲老農
送孔巢父謝病歸遊江東兼呈李白

唐杜甫 盛

巢父掉頭不肯住東將入海隨煙霧詩卷長留天地
間釣竿欲拂珊瑚樹深山大澤龍蛇遠春寒野陰風
景暮蓬萊織女同雲車指點虛無引歸路自是君身
有仙骨世人那得知其故惜君只欲苦死留富貴何
如草頭露蔡侯靜者意有餘清夜置酒臨前除罷琴
入部 卷六十九 二 棄官

惆悵月照席幾歲寄我空中書南尋禹穴見李白道
甫問訊今何如

酬陶六辭秩歸舊居見東

唐錢起 中

靖節昔高尚令孫嗣清微舊廬雲峰下獻歲車騎歸
去俗因解綬憶山得採薇田疇春事起里巷相尋稀
淵明醉乘興開門祗掩扉花禽驚曙月鄰女上鳴機
畢娶願已果養恬志寧違吾當挂朝服同爾緝荷衣

謝慄陽令歸西郊贈別諸生

唐韋應物 中

結髮仕一州縣蹉跎在文墨徒有排雲心何由生
羽翼幸遭明盛口萬物蒙生植獨此抱微痾頽然謝

斯職大歷十四年六月二十三日自鄆縣制除慄陽
令以疾辭歸善福精舍七月二十日賦此詩
世道方荏苒郊園思偃息爲歡日已延君子情未極
馳騁一作馳忽云晏高論良難測遊步清都宮迎風嘉
樹側晨起西郊道原野分黍稷自樂陶唐人服勤在
微力佇君列丹陛出處兩爲得

歸田 時三

唐元稹 中

陶君三十七挂綬出都門我亦今年去商山浙岸村
冬修方丈室春種桔槔園千萬人間事從茲不復言

送友人棄官遊江左

唐賈島 中

羨君休作尉萬事具全身寰海多虞日江湖獨往人
入部 卷六十九 三 棄官

姓名何處變鷗鳥幾時親別後吳中使應須訪子真

李給事二首

唐杜牧 晚

一章絨拜皂囊中慄慄朝廷有古風元禮去歸綬氏
學李膺退罷歸綬氏教授生徒江充來見大臺宮
對給事論鄭注告滿歸和陽
浴室紛紜白書驚千古鐵鎖朱殷幾一空曲突徙薪
人不曾海邊今作釣魚翁

晚髮悶還梳憶君秋醉餘可憐劉校尉曾訟石中書
給事因件仇軍
容棄官東歸
消長雖殊事仁賢每見如因看魯褒
論何處是吾廬

許七侍御棄官東歸瀟灑江南頗聞自適高松

企望題詩寄贈十韻

唐杜牧

天子繡衣吏東吳美退居有園同使信遊事學相如
蘭畹晴香嫩筠谿翠影疎江山九秋後風月六朝餘
錦笥開詩軸青囊結道書霜嚴紅薜荔露沼白芙蕖
睡雨高梧密基燈小閣虛凍醪元亮秫寒鱸季鷹魚
塵意迷今古雲情識卷舒他年雪中棹陽羨訪吾廬
於義興縣近有水榭

李生棄官入道因寄

唐許渾

西巖一徑通

一作千巖路不窮

知學

一作訪

採芝翁寒暑丹心

外光陰白髮中水深魚避釣雲迴鶴辭籠坐想還家

人部

卷六十九

四

棄官

日人非井邑空

○遭讒

樂府歌

魏陳思王

膠漆至堅浸之則離皎皎素絲隨染色移君不我棄
讒人所爲

隴石途中遭非語

唐員半千

趙有兩毛遂曾聞二曾參慈母猶且惑況在行路心
冠冕無醜士賄賂成知己名利我所無清濁誰見理
弊服空庭春緩帶不著身出遊非懷璧何憂乎忘人
正須自保愛振衣出世塵

被彈

唐沈佺期

知人昔不易舉非貴易失爾何按國章無罪見呵叱
平生守直道遂爲衆所嫉少以文作吏手不曾開律
一旦法相持荒忙意如漆幼子雙囹圄老夫一念室
昆弟兩三人相次俱囚桎萬鍊當衆怒千謗無片實
庶以白黑讒顯此涇渭質効吏何咆哮晨夜聞樸扶
事間拾虛證理外存枉筆懷痛不見中抱冤竟難息
窮囚多垢膩愁坐饒蟻蝨三日唯一飯兩旬不再櫛
是時盛夏中曠赫多瘳疾睽目眠欲閉暗鳴氣不出
有風自扶搖鼓蕩無倫匹安得吹浮雲令我見白日
人部

卷六十九

五

遭讒

上崔相百憂章

時在薛陽獄

唐李白

共工赫怒天維中摧鯢鯨噴蕩揚壽起雷魚龍陷入
成此禍胎火焚崑山玉石相碰仰希霖雨灑寶炎煨
箭發石開戈揮日迴鄒衍慟哭燕霜颯來微誠不感
猶繫夏臺蒼鷹搏攫丹棘崔嵬豪聖凋枯王風傷哀
斯文未喪東嶽豈頽穆逃楚難鄒脫吳災見機苦遲
二公所哈驥不驟進麟何來哉星離一門草擲二孩
萬憤結紉憂從中催金瑟玉壺盡爲愁媒舉酒太息
泣血盈杯台星再朗天網重恢屈法申恩棄取取材
治長非罪尼父無猜覆盆儻舉應照寒灰

懼讒

唐李白

二桃殺三士詎假劍如霜眾女妬蛾眉雙花競春芳
魏姝信鄭袖掩袂對懷王一惑巧言子朱顏成死傷
行將泣團扇戚戚愁人腸

萬憤辭投魏郎中

唐李白

海水渤潏人罹鯨鯢翁胡沙而四塞始滔天於燕齊
何六龍之浩蕩遷白日於秦西九土星分轆轤棲棲
南冠君子呼天而啼戀高堂而掩泣血地而成泥
獄戶春而不草獨幽怨而沈迷兄九江今弟三峽悲
羽化之難齊穆陵關北愁愛子豫章天南隔老妻一

入部

卷六十九

六

唐李白

門骨肉散百草遇難不復相提攜樹榛拔桂囚鸞籠
雞舜昔授禹伯成耕犁德自此衰吾將安栖好我者
恤我不好我者何忍臨危而相擠子胥鳴夷彭越醢
醢自古豪烈胡爲此繁蒼蒼之天高乎視低如其聽
卑脫我牢狴儻辨美玉君收白珪

雪讒詩贈友人

唐李白

嗟余沈迷猖獗已久五十知非古人常有立言補過
庶存不朽包荒匿瑕蓄此頑醜月出致譏貽愧皓首
感悟遂晚事往日遷白璧何辜青蠅屢前羣輕折軸
下沈黃泉衆毛飛骨上陵青天妻非暗成貝錦粲然

泥沙聚埃珠玉不鮮洪蹊燦山發自纖煙滄波蕩日

起乎微汨交亂四國播於八埏拾塵撥蜂疑聖猜賢
哀哉悲夫誰察余之貞堅彼婦人之猖狂不如鵠之
疆疆彼婦人之淫昏不如鵠之奔奔坦蕩君子母悅
簪言擢髮贖罪罪乃孔多傾海流惡惡無以過人生
實難逢此纖羅積毀銷金沈憂作歌天未喪文其如
余何姐已滅紂褒女惑周天維蕩覆職此之由漢祖
呂氏食其在傍秦皇太后毒亦淫荒蟬竦作昏遂掩
太陽萬乘尚爾匹夫何傷辭殫意窮心切理直如或
妄談昊天是殛子野善聽離婁至明神靡遁響鬼無

入部

卷六十九

七

唐李白

逃形不我返棄庶昭忠誠

送薛九被讒去魯

唐李白

宋人不辨玉魯賤東家丘我笑薛夫子胡爲兩地遊
黃金銷衆口白璧竟難投梧桐生蕪蓼綠竹乏佳實
鳳皇宿誰家送與羣雞匹田家養老馬窮士歸其門
蛾眉笑躡者賓客去平原却斬美人首三千還駿奔
毛公一挺劍楚趙兩相存孟嘗悅狡兔三窟賴馮諼
信陵奪兵符爲用侯生言春申一何愚刎首爲李園
賢哉四公子撫掌黃泉裏借問笑何人笑人不好士
爾去且勿誼桃李竟何言沙丘無漂母誰肯飯王孫

寄崔列中丞

唐王建中

火山無冷地濁流無清源人生在艱世何處避謗言
諸侯鎮九州天子開四門尚有忠義士不得申其冤
嘉禾移遠植爲我當行軒君子居要途易失主人恩
我愛古人道師君直且溫倉皇誓不飲邪路誓不奔
如何非岡坂故使車輪翻妓妾隨他人家事幸獲存
當時門前客默默空冤煩從今遇明代善惡亦須論
莫以曾見疑直道遂不敦

士有謗毀者作詩以贈之

唐孟郊中

君子勿鬱鬱聽我青蠅歌人間少平地森聳山岳多

人部

卷六十九

八

遺議

折輪不在道覆舟不在河須知一尺水日夜增高波
叔孫毀仲尼臧倉掩孟軻蘭艾不同香自然難爲和
良玉燒不熱直竹文不頗自古皆如此其如道在何

答書上人止讒作

唐孟郊中

烈烈鸞鸞吟鏗鏘琅玕音梟摧明月嘯鶴起清風心
渭水不可渾渾流徒相侵俗侶唱桃葉隱仙一作鳴
桂琴子野真遺却浮淺藏淵深

寄浙右幕中

選陳商門生爲浙西掌書記以謫
罷至淮南南相國奏書書後以謫

詩寄中

唐孟遲晚

山來惡舌駟難追自古無媒謗所歸句踐豈能容范

蘇李斯何暇收韓非巨拳豈爲雞揮助強弩那因鼠
發機慚愧故人同鮑叔此心江柳尚依依

誠是非

唐劉兼晚

巧舌如簧總莫聽是非多自愛憎生三人告母雖投
杼百大聞風只吠聲辨玉且寬和氏罪誣金須認不
疑情因思疇昔遊談者六國交馳亦受烹

○貶謫

貶降至汝州廣城驛

唐鄭愔初

近郊憑汝海遐服指江干尚憶趨朝貴方知失路難
曙宮平樂遠秋澤廣城寒岼葦新花白山梨晚葉丹

人部

卷六十九

九

遺議

鄉關千里暮歲序四時闌雨雪間別旋門霧裏看
風年追騷騷暮節仰鵷鷺疲駕勞垂耳騫騰詎矯翰
將調梅鉉實不正李園冠荆玉終無玷隋珠忽已彈
曉裝違輦洛夕夢在長安北上頻傷阮西征未學潘
傾車無共轍同派有殊瀾去去懷知己何由報一餐

被出濟州別城中故人

唐王維盛

微官易得罪謫去濟川陰執政方持法明君照此心
間閭河潤上井邑海雲深縱有歸來日各愁年費侵

貶樂城尉

唐張子容盛

竄謫邊窮海川原近惡谿有時聞虎嘯無夜不猿啼

地暖花常發巖高日易低故鄉可憶處遙指斗牛西

貶岳州司馬巴陵寄朝中友唐賈至

江南春草初纂纂愁殺江南獨愁客秦中楊柳也應
新轉憶秦中相憶人萬里鶯花不相見登高一望淚
沾巾

贈房侍御

唐陶翰

志人固不羈與道常周旋進則天下仰已之能晏然
褐衣東府召執簡南臺先雄義每特立犯顏豈圖全
謫居東南遠逸氣吟芳荃適會寥廓趣清波更賁綠
扁舟入五湖發纜洞庭前浩蕩臨海曲迢遞濟江壖

人部

卷六十九

十一

貶謫

徵奇忽忘返遇興將彌年乃悟范生智足明漁父賢
郡臨新安渚佳氣此城偏日夕對層岫雲霞映晴川
閑居戀秋色偃卧含貞堅倚伏自相化行藏亦推遷
君其振羽翮歲晏將冲天

貽袁三拾遺謫作

唐儲光義

傾蓋洛之濱依然心事親龍門何以峻曾是好詞人
珥筆朝丹陛含章諷紫宸帝城多壯觀被服長如春
天子儉爲德而能清約身公卿盡虛位天下自趣塵
□□望美令德聲何已高帝黜儒生文皇謫才子
朝廷非不盛謫謫良難恃路出大江陰川行碧峰裏

斯言徒自玷白玉豈爲滓希聲盡衆人深識唯知己

知己怨生離悠悠天一涯寸心因夢斷孤憤爲年移

花滿芙蓉闕春深朝夕池空令千萬里長望白雲垂

寄穆侍御出幽州

唐王昌齡

一從恩譴度瀟湘塞北江南萬里長莫道薊門書信
少鴈飛猶得到衡陽

寄陶副使

唐王昌齡

聞道將軍破海門如何遠謫渡湘沅春來明主封西
嶽自有還君紫綬恩

聞王昌齡左遷龍標尉遙有此寄

唐李白

人部

卷六十九

十二

貶謫

楊花落盡子規啼聞道龍標過五谿我寄愁心與明
月隨君直到夜郎西

巴陵贈賈舍人

唐李白

賈生西望憶京華湘浦南遷莫怨嗟聖主恩深漢文
帝憐君不遣到長沙

酬皇甫十六侍御曾見寄此公時貶舒州司馬

唐李嘉祐

自顧衰容累玉除忽承優詔赴銅魚江頭鳥避青旌
節城裏人迎露網車長沙地近悲才子古郡山多憶
舊廬更枉新詩思何苦離騷愁處亦無如

貶南巴至鄱陽題李嘉祐江唐劉長卿

巴嶠南行遠一作南出長江萬里隨不才甘謫去流

水亦何之地遠明君棄一作瘴近天高酷吏欺青山

獨徃路芳草未歸時流落還相見悲歡話所思猜嫌

一作傷意苒苒愁暮向江離柳色迎高堦何衣照下帷

水雲初起重暮鳥遠來遲白首一作看長劍滄洲

寄釣絲沙鷗驚小吏湖月上高枝稚子能吳語新

文怨楚辭憐君不得意川谷自逶迤一作容髮

負謫後登于越亭作又作十唐劉長卿

天南愁望絕亭上柳條新落日獨歸鳥孤舟何處人

入部卷六九唐劉長卿

生涯投越一作微世業隋胡一作塵香杳鍾陵暮悠

悠鄱水春一作江入千峰秦臺悲白首楚澤怨青蘋

草色迷征路鶯聲傷逐臣獨醒空一作取笑直道不

容身得罪風霜苦全生天地仁青山數行淚滄海一

窮鱗半落機心盡惟憐鷗鳥親

謫居巴州唐劉長卿

何事長沙謫相逢楚水秋暮帆歸夏口寒雨對巴丘

帝子椒漿奠騷人木葉愁誰憐萬里外離別洞庭頭

赴南巴書情寄故人唐劉長卿

南過三湘去巴入此路偏謫居秋瘴哀歸處夕陽邊

直道天何在愁容鏡亦憐裁書欲誰訴無淚可潸然

謫居後卧病官舍簡賀蘭唐劉長卿

青春衣繡共稱一作宜白首垂一作絲恨不遺江

上幾回今夜月鏡中無復少年時生還北闕誰相

一作能引老向南邦衆所悲歲歲任他芳草綠長沙未

有定歸期

離東都平泉詩唐李德裕

十年紫殿掌洪鈞出入三朝一品身文帝寵深陪雉

尾武皇恩重燕龍津黑山永破和親虜烏嶺全口跋

扈臣自是功高臨盡處禍來名滅不由人

入部卷六九唐李德裕

肉視具寮忘七箸氣吞同列削寒溫當時誰是承恩

者肯有餘波達鬼村

畫閣不開梁燕去朱門罷掃乳烏歸千巖萬壑應惆

悵流水斜傾出武闌

謫江表久未歸唐竇參

一自經放逐徘徊無所從便爲出山雲不隨飛去龍

名豈不欲保歸豈不欲早苟無三月資難適千里道

離心與羈思終日常草草人生年幾齊憂苦則先老

誰能假羽翼使我暢懷抱

謫官辰州冬至日懷

唐戎昱

去年長至在長安策杖曾簪獬豸冠此歲長安逢至
日下塔遙想雪霜寒夢隨行伍朝天去身寄窮荒報
國難北望南郊消息斷江頭唯有淚闌干

量移袁州張韶州端公以詩相賀因酬之

唐韓愈

明時遠逐事何如遇赦移官罪未除北望詎今隨塞
鴈南遷纔免葬江魚將經貴郡煩留客先惠高文謝
起予暫欲繫船韶石下上賓虞舜整冠裾

左遷至藍關示姪孫湘

唐韓愈

人部 卷六十九

十四

一封朝奏九重天夕貶潮陽路八千欲爲聖明除弊
事肯將衰朽惜殘年雲橫秦嶺家何在雪擁藍關馬
不前知汝遠來應有意好收吾骨瘴江邊

謫居悼往二首

唐劉禹錫

邑邑何邑邑長沙地卑濕樓上見春多花前恨風急
猿愁腸斷叫鶴病翅趾立牛衣獨自眠誰哀仲卿泣

二

辭辭何辭辭長安遠於日終日念鄉關燕來鴻復還
滄岳歲寒思屈平顚顚殷勤望歸路無雨卽登山

寄遷客

唐張祐

萬里南邊路辛勤嶺路遙谿行逢水弩野店避山魘
瘴海須求藥食泉莫舉瓢

繼三使君詩

唐劉太真

顧十二左遷過韋蘇州房杭州韋睦州三使君皆
有郡中燕集詩因亦成篇

寵至乃不驚罪得非無由奔迸歷畏途緬邈赴偏陬
牧此彫弊昨屬當賦歛秋夙興諒無補旬暇焉敢休
前日懷友生獨登城上樓迢迢西北望遠思不可收
今日車騎來曠然銷人憂晨迎東齋飯晚度南谿遊
以我碧流水泊君青翰舟莫將遷客程不爲勝景留

人部

卷六十九

十五

飛札謝三守斯篇

江南謫居

唐白居易

自哂沈冥客曾爲獻納臣壯心徒許國薄命不如人
纔展凌雲翅俄成失水鱗葵枯猶向日蓬斷卽辭春
澤畔長愁地天邊欲老身蕭條殘活計冷落舊交親
草合門無徑煙消甕有塵憂方知酒聖貧始覺錢神
虎尾難容足羊腸易覆輪行藏與通塞一切任陶鈞

惻惻吟

唐白居易

惻惻復惻惻逐臣返鄉國前事難重論少年不再得
泥塗絳老頭斑白炎瘴靈均面黧黑六年不死却歸

來道著姓名人不識

聞樂天授江州司馬

唐元稹

殘燈無焰影幢幢此夕聞君謫九江垂死病中仍悵望暗風吹雨入寒牕

俱來海上歎煙波君佩銀魚我觸羅經國才微甘放蕩專城年少豈蹉跎應憐旅夢千重思共愴離一曲歌唯有管絃知客意分明吹出感恩多

遷客

唐鄭谷

離夜聞橫笛可堪吹鷓鴣雪冤知早晚雨泣渡江湖

入部

卷六十九

十六

秋樹吹黃葉臘煙垂綠蕪虞翻歸有日莫便哭窮途

寄南浦謫官

唐鄭谷

多才翻得罪天末抱窮憂白首為遷客青山遶萬州

醉歌梅障曉歌厭竹枝秋望闕懷鄉淚荆江水共流

謫居海上

唐熊皦

家臨涇水隔秦川來往關河路八千堪恨此身何處

老始皇橋畔又經年

郴江遷客

唐羅隱

不是逢清世何由見皂囊事雖危虎尾名勝泊駕行

毒霧郴江闊愁雲楚驛長歸時有詞賦一為弔沈湘

寄瓊州楊舍人

唐皮日休

德星芒彩瘴天涯酒樹堪消謫宦嗟行遇竹王國設奠居逢木客又遷家清齋淨漉枕椰麵遠信閑封豸翬花清切會須歸有日莫貪勾漏足丹砂

奉和寄瓊州楊舍人

唐陸龜蒙

明時非罪謫何偏鵬鳥巢南更數千酒滿椰杯消毒霧風隨蕉扇下漚船人多藥戶行狂蠱吏有珠官出俸錢祇以直誠天自信不勞詩句詠食泉

送楊少府貶郴州

唐王維

入部

卷六十九

十七

明到衡山與洞庭若為秋月聽猿聲愁看北渚三湘遠惡說南風五兩輕青草瘴時過夏口白頭浪裏出淦城長沙不久留才子賈誼何須弔屈平

送王昌齡之嶺南

唐孟浩然

洞庭去遠近楓葉早驚秋峴首羊公愛長沙賈誼愁土風無綉紵鄉味有查頭已抱沈痾疾更貽魑魅憂數年同筆硯茲夕間衾裯意氣今何在相思望斗牛

送任五之桂林

唐王昌齡

楚客醉孤舟越水將引棹山為兩鄉別月帶千里貌驕譴同綰綸僻幽聞虎豹桂林寒色在苦節知所效送吳十九往沅陵

唐王昌齡

沅江流水到辰陽，豁口逢君驛路長。遠謫誰知望，
雨明年春水共還鄉。

送崔參軍往龍谿

唐王昌齡

龍谿只在龍標上，秋月孤山兩相向。謫離心是丈
夫鴻恩共待春江漲。

送田少府貶蒼梧

唐高適

沈吟對遷客，惆悵西南天。昔爲一官未得意，今向萬
里令人憐。念茲斗酒成暌間，停舟歎君日將晏。遠樹
應憐北地春，行人却羨南歸鴈。丈夫窮達未可知，看
君不合長數奇。江山到處堪乘興，楊柳青青那足悲。

送張瑤貶五谿尉

唐高適

他日維楨幹，明時懸鎮鐫。江山遙去國，妻子獨還家。
離別無嫌遠，沈浮勿強嗟。南登有詞賦，知爾弔長沙。

送鄭侍御謫閩中

唐高適

謫去君無恨，閩中我舊過。大都秋鴈少，只是夜猿多。
東路雲山合，南天瘴癘和。自當逢雨露，行矣慎風波。

送李少府貶峽中王少府貶

唐高適

嗟君此別意，何如駐馬銜。杯問謫居巫峽，啼猿數行
淚。衡陽歸鴈幾封書，青楓江上秋天遠。白帝城邊古
木疎，聖代卽今多雨露。暫時分手莫躊躇。

送南給事貶崖州

唐賈至

疇昔丹墀與鳳池，卽今相見兩相悲。朱崖雲夢三千
里，欲別俱爲慟哭時。

岳陽樓重宴別王八員外貶

唐賈至

江路東連千里潮，青雲北望紫微遙。莫道巴陵湖水
闊，長沙南畔更蕭條。

送郝昂謫巴中

唐李白

瑤草寒不死，移值滄江濱。東風灑雨露，會入天地春。
余若洞庭葉，隨波送逐臣。思歸未可得，書此謝情人。

送竇司馬貶宜春

唐李白

天馬白銀鞍，親承明主歡。關雞金闥裏，射鴈碧雲端。
堂上羅中貴，歌鐘清夜闌。何言謫南國，拂劍坐長歎。
趙璧爲誰點，隋珠枉被彈。聖朝多雨露，莫厭此行難。

送賈閣老出汝州

唐杜甫

西掖梧桐樹，空留一院陰。艱難歸故里，去住損春心。
宮殿青門隔雲山，紫羅深人生五馬貴。莫受二毛侵。

送鄭十八虔貶台州司戶參軍傷其臨老陷賊

唐杜甫

之故關爲面別情見於詩。鄭公樗散鬢如絲，酒後常稱老畫師。萬里傷心嚴譴
日，百年垂死中興時。愴惶已就長途往，邂逅無端出

饒遲便與先生應永訣九重泉路盡交期

送男彥輔左貶

唐林氏韓彥輔母

他日初投杼勤王在隱兵有辭期不罰積意許相仍
謫宦今何在銜冤猶未勝天涯分越微驟騎速毘陵
腸斷腹非苦書傳寫豈能淚添江水遠心劇海雲蒸
明月珠難識甘泉賦可稱但將忠報主何懼點青蠅

送從弟貶袁州

唐劉長卿中

何事成遷客思歸不見鄉遊吳經萬里弔屈向三湘
水與荆巫接山通鄢郢長名差黃綬繫身是白眉郎
獨結南枝恨應思北鴈行憂來沽楚酒左餐莫凝霜

人部

卷六十九

二十一 貶謫

送裴郎中貶吉州

唐劉長卿中

亂軍交白刃一騎出黃塵漢節同歸闕江帆共逐臣
依愁岐路晚梅作異方春知己鬱侯在應憐脫粟人

送李侍御貶郴州

唐劉長卿中

洞庭波渺渺君去弔靈均幾路三湘水全家萬里人
聽猿明月夜看柳故年春憶想汀州畔傷心向白蘋

送李使君貶連州

唐劉長卿中

獨過長沙去誰憑此路愁秋風散千騎寒雨泊孤舟
賈誼辭明主蕭何識故侯漢廷當自召湘水但空流

送李侍御貶鄱陽

此公近由鄱陽使迴

唐劉長卿中

迴車仍昨日謫去已秋風于越知何處雲山只向東

暮天江色裏田鶴稻花中却見鄱陽吏猶應舊馬嘶

重送裴郎中貶吉州

唐劉長卿中

猿啼客散暮江頭人自傷心水自流同作逐臣君更
遠青山萬里一孤舟

送畢侍御謫居

唐錢起中

崇蘭香死玉簪折志士吞聲甘徇節忠蓋不爲明主
知悲來莫向時人說滄浪之水見心清楚客辭天淚
滿纓百鳥喧喧噪一鶚上林高枝亦難托寧嗟人世
棄虞翻且喜江山得康樂自憐黃綬老嬰身妻子朝

人部

卷六十九

二十二 貶謫

來勸隱淪桃花洞裏舉家去此別相思復幾春

送薛八謫居

唐錢起中

東水將孤客南行路幾千虹翻潮上雨鳥落瘴中天
謫去寧留恨思歸豈待年銜杯且一醉別淚莫潸然

送李九貶南陽

唐錢起中

玉柱金鬢醉不歡雲山驛道向東看鴻聲斷續暮天
遠柳影蕭疎秋日寒霜降幽林密蕙若弦驚翰苑失
駕鶴秋來回首君門阻馬上應歌行路難

送南遷客

唐張籍中

去去遠遷客瘴中衰病身青山無限路白首不歸人

海國戰騎象蠻州市用銀一家分幾處誰見日南春

送徐彥大南遷

唐張祐中

萬里客南遷孤城漲海邊瘴雲秋不斷陰火夜長然
月上行虛市風迴望船舶知君還自潔更爲酌食泉

送辰州鄭使君

唐戎昱中

誰人不謫謫君去獨堪傷長子家無弟慈親老在堂
驚魂隨驛吏冒暑向炎方未到猿啼處參差已斷腸

送友貶嶺南

唐耿湋中

暮年從遠謫落日別交親湖上北飛鴈天涯南去人
夢成湘浦夜淚盡桂陽春歲月茫茫意何時雨露新

人部

卷六十九

二十三

嶽祠送薛近貶官

唐耿湋中

枯松老柏仙山下白帝祠堂枕古逵遷客無辜祝史
告神明有喜女巫知遙思桂浦人空去遠過衡陽鴈
不隨度嶺梅花翻向北回看不見樹南枝

送烏城王明府貶巴江

唐包何中

一片孤帆無四鄰北風吹過五湖濱相看盡是江南
客獨有君爲嶺外人

送遷客

唐于鵠中

得罪誰人送來時不到家白頭無侍子多病向天涯
暮春凌江水黃昏見寒花如今賈誼賦不漫說長沙

送人貶信州判官

唐白居易中

地僻山深古上饒土風俗淳道程遙不唯遷客須憫
屑見說居人也寂寥谿畔毒沙藏水弩城頭枯樹下
山魃若於此郡爲卑吏刺史廳前又折腰

送韋侍御量移金州司馬

唐白居易中

春歡雨露同霑澤冬歎風霜獨滿衣留滯多時如我
少遷移好處似君稀卧龍雲到須先起蟄燕雷驚尚
未飛莫恨東西溝水別滄溟長短擬同歸

送客南遷

唐白居易中

我說南中事君應不願聽曾經身困苦不覺語叮嚀

人部

卷六十九

二十三

燒處愁雲夢波時憶洞庭春雷煙勃勃秋瘴霧冥冥
蚊蚋經冬活魚龍欲雨腥水蟲能射影山鬼解藏形
穴掉巴蛇尾林飄鴈鳥翎颶風千里黑蘖草四時青
客似驚弦鴈舟如委浪萍誰人勸言笑何計慰漂零
慎勿琴離膝常須酒滿瓶大都從此去宜醉不宜醒

送韋觀謫潘州司馬

唐李明遠中

北鳥飛不到南人誰去遊天涯浮瘴水嶺外向潘州
草木春秋暮猿猱日夜愁定知遷客淚應只對君流

別謫者

唐李昌符中

此地聞猶惡人言是所之一家書絕久孤驛夢成遲

八月三湘道聞猿冒雨時不須祠楚相臣節轉堪疑
○流徙

入鬼門關

唐沈佺期

昔傳瘴江路今到鬼門關土地無人老流移幾客還
自從到京洛顏鬢與衰顏夕宿含沙裏晨行岡路間
馬危千仞谷舟險萬重灣問我投何地西南盡百蠻
赦到不得歸題江上石

唐沈佺期

家住東京裏身投南海西風煙萬里隔朝夕幾行啼
聖主謳歌洽賢臣法令齊忽聞銅柱使走馬報金雞
棄市沾皇渥投荒漏紫泥魂疲山鶴路心醉站鶯谿

入部

卷六十九

二四

流徙

天鑒誅元惡宸慈恤遠黎五方思寄刃萬姓喜燃臍
自幼輪丹懇何嘗玷白圭承言竄遐魅雪枉間深狴
墳壠無由謁京華豈重躋炎方誰謂廣地盡覺天低
百卉雜殊怪昆蟲理賴睽閉藏元不替搖落反生翼
瘴瘴因茲苦窮愁益復迷火雲蒸毒霧陽雨濯陰霓
周乘安交趾王恭輯盡題少寬窮涸鮒猶愁觸藩羝
配宅鄰州解斑白接野畦山空聞關象江靜見游犀
翰黑思諸李裁縫憶老妻小兒應離襁幼女未禁笄
夢蝶翻無定著龜詎有倪誰能竟此曲曲盡氣酸嘶
從驩州解移住山間水亭贈蘇使君

唐沈佺期

遇坎即乘流西南到火洲鬼門應苦夜瘴浦不宜秋
歲貸胸穿老朝飛鼻飲頭死生離骨肉榮辱間朋遊
棄置一身在平生萬事休鷹鷂遭誤逐豹虎怯真投
憶昨京華子傷今邊地囚願陪鸚鵡樂希並鷓鴣留
日月渝鄉思煙花換客愁幸逢蘇伯玉回借水亭幽
山柏張青蓋江蕉卷綠油乘閑無火宅因放有漁舟
適越心當是居夷迹可求古來堯禪舜何必罪驩兜

答魑魅代書寄家人

唐沈佺期

入部

卷六十九

二五

流徙

覽鏡憐雙鬢沾衣惜萬行抱愁那去國將老更垂堂
影荅余他歲恩思宦洛陽三春給事省五載尚書郎
黃閣遊鸞署青縑御史香扈巡行太液陪宴坐明光
渭北昇高苑河南被襖場煙花恒獻賦泉石每稱觴
暇日從休澣高車映道旁迎賓就丞相選士謁昭王
侍寵言猶得承歡謂不忘一朝貽厚誼五宅竟同防
兇豎曾驅策權豪豈易當款顏因侍從接武在文章
且懼威非贊寧知心是很身猶納履誤情爲覆盆傷
可歎緣成業非關行昧藏喜逢今改旦正朔復歸唐
河識隨龍馬天書逐鳳皇朝容欣舊則宸化美初綱

告善雕旌建收寬錦旆張宰臣更獻納守郡各明揚
禮樂移三統舟車會八方雲沙降白遂秦隴獻燒當
三赦重天造千推極國祥大招思復楚千役限維桑
漲海緣真臘崇山壓古棠雕題飛棟宇儋耳間衣裳
伏枕神餘劣加餐力未強空庭遊翡翠窮巷倚桃榔
緣體分殊昔回眸宛異常吉凶恒委鄭年壽會詢唐
家本傳清白官移重挂牀上京無薄產故里絕窮莊
碧玉先時費蒼頭此自將興言歎家口何處待贏糧
計吏從都出傳聞大小康降除沾二弟離拆已三房
劍外懸銷骨荆南預斷腸音塵黃耳間夢想白眉良
人部 卷六十九 流徙 二十六

復此單棲鶴銜雛願遠翔何堪萬里外雲海已冥茫
戚屬甘胡越聲名任粃糠由來休憤命命也信蒼蒼
獨坐尋周易清晨詠老莊此中因悟道無問入猖狂
贈高六職 唐張說 初

北極辭明代南溟宅放臣丹誠由義盡白髮帶愁新
鳥墜炎洲氣花飛洛水春平生歌舞席誰憶不歸人
留贈張御史張判官 唐張說 初

旅竄南方遠傳聞北使來舊庭知玉樹合浦識珠胎
白髮因愁改丹誠託夢迴皇恩若再造爲憶不然灰
南中別將五向青州 唐張說 初

老親依北海賤子棄南荒有淚皆成血無聲不斷腸
此中逢故友彼地送還鄉願作楓林葉隨君度洛陽
南中送北使二首 唐張說 初

傳聞合浦葉曾向洛陽飛何日南風至還隨北使歸
紅顏渡嶺歎白首對秋衰高歌何由見層堂不可違
誰憐炎海曲淚盡血霑衣

待罪居重譯窮愁暮雨秋山臨鬼門路城繞瘴江流
人事今如此生涯尚可求逢君入鄉縣傳我念京周
別恨歸途遠離言暮景道夷歌翻下淚蘆酒未消愁
聞有胡兵急深懷漢國羞和親先是詐欸塞果爲讐
人部 卷六十九 流徙 二十七

釋繫應分爵蠲徒幾復侯廉頗誠未老孫叔且無謀
若道馮唐事皇恩尚可收

嶺南送使

唐張說 初

秋鴈逢春返流人何日歸將予去國淚灑子入鄉衣
饑飲啼相聚愁猿啼更飛南中不可問書此示京畿
嶺南送使二首 唐張說 初

獄中生白髮嶺外罷紅顏古來相送處凡得幾人還

二

萬里投荒裔來時不見親一朝成白首看取報家人

流合浦嶺外

唐張均 盛

瘴江西去火爲山炎微南窮鬼作關從此更投入境
外生涯應在有無間

江上別流人

唐孟浩然

以我越鄉客逢君適居者分飛黃鶴樓流落蒼梧野
驛使乘雲去征帆沿溜下不知從此分還袂何時把
流夜郎永華寺寄潯陽郡官 唐李白

流夜郎至西塞驛寄裴隱

唐李白

人部

卷六十九

二五

流能

揚帆借天風水驛苦不緩平明及西塞已先投沙伴
迴巒引羣峰橫感楚山斷砮衝萬壑震香百川滿
龍怪潛溟波候時收炎旱我行望雷雨安得霑枯散
鳥去天路長人悲春光短空將澤畔吟寄爾江南管
竄夜郎於烏江留別宗十六 唐李白

君家全盛日台鼎何陸離斬鼉翼矯皇鍊石補天維
一迴日月顧三入鳳凰池失勢青門傍種瓜復幾時
猶會舊賓客三千光路岐皇恩雪憤懣松柏含榮滋
我非東牀人令姊忝齊眉浪跡未出世空名動京師
適遭雲羅解翻瀟夜郎悲拙妻莫邪劍及比二龍隨

慙君湍波苦千里遠從之白帝曉猿斷黃牛過客還
逢瞻明月峽西去益相思

流夜郎贈辛判官

唐李白

昔在長安醉花柳五侯七貴同杯酒氣軒遙凌豪士
前風流肯落他人後夫子紅顏我少年章臺走馬著
金鞭文章獻納麒麟殿歌舞淹留玳筵與君自謂
長如此寧知草動風塵起函谷忽驚胡馬來秦宮桃
李向明開我愁遠謫夜郎去何日金雞放赦回
放後遇恩不寤 唐李白

人部

卷六十九

二五

流能

獨棄長沙國三年未許回何時入宣室更問洛陽才
送侯中丞流康州 唐劉長卿
長江極目帶楓林匹馬孤雲不可尋遷播共知臣道
枉猜讒却爲主恩深轅門畫角三軍思驛路青山萬
里心北闕九重誰許屈獨看湘水淚沾襟

送林宗配雷州

唐郎士元

昨日三峰尉今朝萬里人平生任孤直豈是不防身
海霧多爲瘴山雷乍作鄰遙憐北戶月與子獨相親
送流人 唐司空曙
聞說南中事悲君重覓身山村楓子鬼江廟石郎神

童稚留荒宅圖書託故人青門好風景為爾一沾巾

送流人

唐張籍中

獨向長城北黃雲暗塞天流名屬邊將舊業作公田
擁雪添軍壘收冰當井泉知君住應老須記別鄉年

贈李司議

唐張籍中

漢庭誰問投荒客十載天南著白衣秋草茫茫惡谿
路嶺頭遙送北人歸

送人流貶

唐李益中

漢章雖約法秦律已除名謗達人多惑官微不自明
霜風先獨樹瘴雨失荒城疇昔長沙事三年召賈生

人部

卷六十九

三十一 流徙

流崖州至鬼門關作

唐楊炎中

一去一萬里千知千不還崖州何處在生度鬼門關

武關西逢配流吐蕃

唐韓愈中

嗟爾戎人莫慘然湖南地近保生全我今罪重無歸
望直去長安路八千

寄流人

唐項斯晚

毒草不曾枯長添客健無霧開蠻市合船散海城孤
象跡頻藏齒龍涎遠蔽珠家人秦地老泣對日南圖

○奔亡

斷句南史曰魏兵敗奔魏棄母妻惟攜妾一人騎馬自隨在道慷慨為斷句

北魏劉昶

白雪滿鄣來黃塵暗天起關山四面絕故鄉幾千里

從周入齊夜渡砥柱

一作犯虜將逃惠慈道土作○北史本傳曰荊州島

周軍所破大將軍李穆送之推往弘農令掌其兄陽平公達書翰遇河水暴長具船將妻

子奔齊經砥柱之險時人稱其勇決

北齊顏之推

俠客重艱辛夜出小平津馬邑迷關吏雞鳴起戍人
露鮮華劍彩月照寶刀新問我將何去北海就孫賓

奔亡道中五首

唐李白盛

蘇武天上田橫海島邊萬重關塞斷何日是歸年

二

人部

卷六十九

三十一 奔亡

亭伯去安在李陵尚未歸愁容變海色短服改胡衣

三

談笑三軍却交游七貴疎仍留一隻箭未射魯連書

四

困谷如玉關幾時可生還洛川為易水嵩岳是燕山

俗變羌胡語人多沙塞顏申包唯慟哭七日鬚毛斑

五

森森望湖水青青蘆葉齊歸心落何處日沒大江西

歇馬傍春草欲行遠道迷誰忍子規鳥連聲向我啼

南奔書懷一作自丹陽南奔道中作

唐李白盛

遙夜何漫漫空歌白石爛寧戚未匡齊陳平終佐漢
攬槍掃河洛直割鴻溝半歷數方未遷雲雷屢多難
天人秉旄鉞虎竹光藩翰侍筆黃金臺傳觴青玉案
不因秋風起自有思歸歎主將動讒疑王師忽離叛
自來白沙上鼓噪丹陽岨賓御如浮雲從風各消散
舟中指可掬城上骸爭舉草草出近關行行昧前算
南奔劇星火北寇無涯畔顧乏七寶鞭留連道邊飢
太白夜食昂長虹日中貫秦趙興天兵茫茫九州亂
感遇明主恩頗高祖述言過江誓流水志在清中原
拔劍擊前柱悲歌難重論

人部

卷六十九

三十三

本七

彭衙行

按漢有彭衙縣其故城在同州白水縣北

唐杜甫

歲

惜昔避賊初北走經險艱夜深彭衙道月照白水山
盡室久徒步逢人多厚顏參差谷鳥鳴不見遊子還
癡女饑咬我啼畏虎狼聞懷中掩其口反側聲愈嗔
小兒強解事故索苦李餐一旬半雷雨泥濘相攀牽
既無禦濕備徑滑衣又寒有時經契闊竟日數里間
野果充饑糧車枝成屋椽早行石上水暮宿天邊煙
少留同家窪欲出廬子關故人有孫空高義薄曾雲
延客已曛黑張燈啓重門暖湯濯我足翦紙招我魂
從此出妻孥相視涕闌干衆雛爛熳睡喚起霜盤餐

壯將與夫子永結爲弟兄昆遂空所坐堂安居奉我歡
誰肯艱難際豁達露心肝別來歲月周胡羯仍構患
何當有翅翎飛去隨爾前

逃難

唐杜甫

歲

五十白頭翁南北逃世難疎布經枯骨奔走苦不暖
已衰病方入四海一塗炭乾坤萬里內莫見容身畔
妻孥復隨我回首共悲歎故國莽丘墟鄰里各分散
歸路從此迷涕盡湘江岼

奔避

唐鄭谷

晚

奔避投人遠漂離易感恩愁髣髴霜瘋病眼淚昏昏

孤館秋聲樹寒江落照村更聞歸路絕新寒截荆門

人部

卷六十九

三十三

本七

子 212-288

詩集類函卷七十

東吳俞安期彙纂

宣城梅鼎祚增定

關中劉宇曜訂校

人部十二 官詞

○宮詞

後宮 原作後

隋盧思道

常聞崑閬有神仙雲冠羽佩得長年秋夕風動三珠樹春朝露濕九芝田不如鄴城佳麗所玉樓銀閣與天連太液回波千丈映上林花樹百枝燃流風續洛渚行雲在南楚可憐白水神可念青樓女便妍不羞

人部

卷七十

宮詞

濕妖豔工言語池苑正芳菲得戲不知歸媚眼臨歌扇嬌香出舞衣纖腰如欲斷側髻似能飛南樓日已暮長簷鳥應度竹殿遙聞鳳管聲虹橋別有羊車路攜手傍花叢徐步入房櫳欲眠衣先解半醉臉逾紅日日相看轉難厭千嬌萬態不知窮欲知妾心無劇已明月流光滿帳中

宮中行樂詞八首

白才迎氣高與陳拾遺齊名
人器識兼茂便以上位處之故未命以官當
因宮人行樂謂高力士曰對班良辰美景豈
可以獨以聲伎為娛倘時得逸才詞人詠出之
已醉既至舞舞然上知其尊聲律諧非所
長命為宮中行樂五言律詩八首白頰首曰

寧王賜臣酒今已醉倘陛下賜臣無畏始可
盡臣薄技上曰可即遣二內臣扶之命所
墨濡筆以授之又令二人張朱絲闌於其前
筆迹通利風思若不停綴入篇立就無加
常出入宮中恩禮殊厚竟以疎縱乞歸

唐李白 盛

小小生金屋盈盈上紫微山花插寶髻石竹繡羅衣
每出深宮裏常一輦歸只愁歌舞散化作綵雲飛

二

柳色黃金嫩梨花白雪香玉樓巢翡翠金殿鎖鴛鴦
選妓隨雕輦徵歌出洞房宮中誰第一飛燕在昭陽

三

人部

卷七十

二 宮詞

盧橘為秦樹蒲萄出漢宮煙花宜落日絲管醉春風
笛奏龍吟水簫鳴鳳下空君王多樂事還與萬方同

四

玉樹春歸日金宮樂事多後庭朝未入輕輦夜相過
笑出花間語嬌來竹下歌莫教明月去留著醉嫦娥

五

繡戶香風暖紗窗曙色新宮花爭笑日池草暗生春
綠樹聞歌鳥青樓見舞人昭陽桃李月羅綺自相親

六

今日明光裏還須結伴遊春風開紫殿天樂下珠樓

豔舞全知巧嬌歌半欲羞更憐花月夜宮女笑藏鉤

七

寒雪梅中盡春風柳上歸宮鶯嬌欲醉簷燕語還飛
遲日明歌席新花艷舞衣晚來移綵仗行樂泥光輝

八

水綠南薰殿花紅北闕樓鶯歌聞太液鳳吹繞瀛洲

素女鳴珠珮天人弄綵毬今朝風日好宜入未央遊

長信宮

唐李白盛

月皎昭陽殿霜清長信宮天行乘玉輦飛燕與君同
更有歡娛處承恩樂未窮誰憐團扇妾獨坐怨秋風

人部

卷七

三易宮詞

秦女捲衣

唐李白盛

天子居未央妾侍捲衣裳顧無紫宮寵敢拂黃金牀
水至亦不去能來尚可當微身奉日月飄若螢之光

願君采對非無以下體妨

宮詞五首

原作扶南曲歌詞

唐王維盛

翠羽流蘇帳春眠曙不開羞從面色起嬌逐語聲來
早向昭陽殿君王中使催

堂上青絃動堂前綺席陳齊歌盧女曲雙舞洛陽人

傾國徒相看寧知心所親

香氣傳空滿妝華影箔通歌聞天仗外舞出御樓中

日暮歸何處花間長樂宮

宮女還金屋將眠復畏明入春輕衣好半夜薄妝成
拂曙朝前殿玉墀多珮聲

朝日照綺窻佳人坐臨鏡散黛恨猶輕插釵嫌未正
同心勿遽遊幸待春妝竟

殿前曲二首

唐王昌齡盛

貴人妝梳殿前催香風吹入殿後來仗引笙歌大宛
馬白蓮花發照池臺

胡部笙歌西殿頭梨園弟子和涼州新聲一段高樓
月聖主千秋樂未休

人部

卷七十

四宮詞

春宮曲

唐王昌齡盛

昨夜風開露井桃未央前殿月輪高平陽歌舞新承
寵簾外春寒賜錦袍

長信秋詞四首

唐王昌齡盛

金井梧桐秋葉黃珠簾不捲夜來霜熏籠玉枕無顏
色臥聽南宮清漏長

高殿秋砧響夜闌霜深猶憶御衣寒銀燈青瑣裁縫
歇還向金城明主看

真成薄命久尋思夢見君王覺後疑人照西宮知夜
飲分明復道奉恩時

長信宮中秋月明昭陽殿下擣衣聲白露堂中細草
迹紅羅帳裏不勝情

甘泉宮

唐王昌齡盛

乘輿執玉已登壇細草霑衣春殿寒昨夜雲生拜初
月萬年甘露水晶盤

魏宮詞

唐崔國輔盛

朝日照紅妝擬上銅雀臺畫眉猶未了魏帝使人催
楚宮調

唐薛奇童盛

禁苑春風起流鶯繞合歡玉窻通日氣珠箔卷輕寒
楊葉垂陰砌梨花入井欄君王好長袖新作舞衣寬

人部

卷七

五

宮詞

宮詞

原作

唐杜甫盛

宿昔青門裏蓬萊仗數移花嬌迎雜樹龍喜出平池
落日留王母微風倚少兒宮中行樂秘少有外人知

宮詞

原作

唐杜甫盛

能畫毛延壽投壺郭舍人每蒙天一笑復以物皆春
政化平如水皇恩斷若神時時用抵戲亦未雜風塵

宮詞

原作

唐杜甫盛

關鵲初賜錦舞馬既登牀簾下宮人出樓前御柳長
仙遊終一闋女樂久無香寂寞驪山道清秋草木黃

昭陽曲

唐劉長卿中

昨夜承恩宿未央羅衣猶帶御衣香芙蓉帳小雪屏
暗楊柳風多水殿涼

宮詞一百首

唐王建中

蓬萊正殿壓金鰲紅日初生碧海濤開著五門遙北
望柘黃新帕御牀高

殿前傳點各依班召對西來入詔蠻上得青花龍尾
道側身偷覩正南山

龍煙日暎紫重重宣政門當玉殿風五刻閣前卿相
出下簾聲在半天中

白玉窻前起草臣櫻桃初赤賜嘗新殿頭傳語金階

人部

卷七

六

宮詞

遠因進詞來謝聖人

內人對御疊花牋繡坐移來玉枕邊紅蠟光中呈章
本平明昇出閣門宣

千牛仗下放朝初玉枕傍邊立起居每日進來金鳳
紙殿頭無事不教書

延英引對碧衣郎江硯宣毫各別牀天子下簾親考
試宮人手裏過茶湯

未明開著九重關金畫黃龍五色幡直到銀臺排仗
合聖人三殿對西番

少年天子重邊功親到凌煙畫閣中教覓勳臣寫圖

本長將殿裏作屏風

丹鳳樓門把火開五雲金輅下天來堦前走馬入宣

慰天子南郊一宿廻

樓前立仗看宣赦萬歲聲長再拜齊日照彩盤高百

尺飛仙爭上取金鷄

集賢殿裏圖書滿點勘頭邊御印同真跡進來依數

字別收鎖在玉函中

秘閣青齋刻漏長紫微宮女夜焚香拜陵日近公卿

發鹵簿分頭出太常

新調白馬拍鞭聲供奉騎來遶殿行爲報諸王侵早

人部

卷七十

七

宮詞

入隔門催進打毬名

對御難爭第一籌殿前不打背身毬內人唱好龜茲

急天子龍輿過玉樓

新衫一樣殿頭黃銀帶排方纈尾長總把金鞭騎御

馬綠繫紅額麝煙香

羅衫葉葉繡重重金鳳銀鵝各一叢每遍舞時分兩

向太平萬歲字當中

魚藻宮中鎖翠娥先王行處不曾過如今池底休鋪

錦菱角鷄頭積漸多

殿前明日中和節連夜瓊林散舞衣傳報所司供爨

燭監開金鎖放人歸

五更三點索金車盡放宮人出看花仗下一時催立

馬殿頭先報內園家

城東北面望雲樓半下珠簾半上鈎騎馬行人長速

過恐防天子在樓頭

射生宮女宿紅妝請得新弓各自張臨上馬時齊賜

酒男兒跪拜謝君王

新秋白兔大於拳紅耳霜毛起草眠天子不教人射

殺玉鞭遮到馬蹄前

內鷹籠脫解紅條蘭勝爭飛出手高直上碧雲還却

人部

卷七十

八

宮詞

下一雙金爪菊花毛

競渡船頭掉綵旗兩邊淺水濕羅衣池東爭向池西

岸先到先書上字歸

燈前飛出玉堦蟲未臥常聞半夜鐘看著中元齋日

到自盤金線繡真容

紅燈睡裏喚春雲雲上三更直宿分金砌雨來行步

滑兩人擡起隱花裙

一時起立吹簫管得寵人來滿殿迎整頓衣裳皆著

却舞頭當拍第三聲

琵琶先抹六頭小管丁寧側調愁半夜美人雙唱

起一聲聲出鳳凰樓

春池日暖少風波花裏牽船水上歌遙索劍南新樣錦東宮先釣得魚多

十三初學擘箏篴弟子名中被點留昨日教坊新進入並房宮女與梳頭

紅蠻捍撥帖胸前移坐當頭近御筵用力獨彈金殿響鳳凰飛下四條絃

春風吹雨灑旗竿得出深宮不怕寒誇道自家能走馬園中橫過覓人看

粟金腰帶象牙錐散插紅翎玉突枝旋獵一邊還引

人部

卷七

九

宮詞

馬歸來雉免遶鞍垂

雲駮花驄各試行一般毛色一般纓殿前來往重騎過欲得君王別賜名

每夜停燈熨御衣銀燵籠底火靡靡遙聽帳裏君王覺上直鐘聲始得歸

因喫櫻桃病放歸三年著破舊羅衣內中人識從來去結得金花上貴妃

欲迎天子看花去下得金堦却悔行恐見失恩人舊院迴來憶著五絃聲

往來舊院不堪修教近宣徽別起樓聞有美人新進

入六宮未見一時愁一作宮中誰識大家愁

自誇歌舞勝諸人恨未承恩出內嬪連夜宮中修別院地衣簾額一時新

悶來無處可思量旋下金堦旋下牀收得山丹紅藥粉窗中先却麝香黃

蜂鬚蟬翅薄鬆鬆浮動搔頭似有風一度出時拋一遍金條零落滿窗中

合暗報來門鎖了夜深應別喚笙歌房房下著珠簾睡月過金堦白露多

御厨不食索時新每見花開即苦春白日臥多嬌似

人部

卷七

十

宮詞

病隔簾教喚女醫人

叢叢洗手遶金盆旋拭紅巾入殿門衆裏遙拋新摘子在前に收得便承恩

御池水色春來好處處分流白玉渠密奏君王知入月喚人相伴洗裙裾

移來女樂部頭邊新賜花檀大五絃縱得紅羅手帕子中心細畫一雙蟬

新晴草色綠溫暾山雪初消水漸渾今日踏青歸校晚傳聲留著望春門

雨樓相換珠簾額中尉明朝設內家一樣金盤五千

面紅酥點出牡丹花

盡送春來出內家記巡傳把一枝花散時各自燒紅
燭相逐行歸不上車

家常愛著舊衣裳空插紅梳不作妝忽地下階裙帶
解非時應得見君王

別勅教歌不出房一聲一遍奏君王再三博士留殘
拍索向宣徽作徹章

行中第一爭先舞博士傍邊亦被欺忽覺管絃偷破
拍急翻羅袖不教知

私縫黃帳拾釵梳欲得金仙觀內居近被君王知識
人部

字收來按上檢文書

月冷江清近臘時玉階金瓦雪淅淅浴堂門外抄名
入公主家人謝面脂

未承恩澤一家愁乍到宮中憶外頭求守管絃聲欸
逐側商調裏唱伊州

東風潑火雨新休昇盡春泥掃雪溝走馬犢車當御
路漢陽宮主進鷄裘

風簾水閣壓芙蓉四面鈎欄在水中避熱不歸金殿
宿秋河織女夜妝紅

聖人生日明朝是私地先須屬內監自寫金花紅榜

子前頭先進鳳凰衫

避暑昭陽不擲盧井邊含水噴鷄雛內中數日無呼
喚揚得滕王蛺蝶圖

內宴初秋入二更殿前燈火一天明中宮傳旨聲
散諸院門開觸處行

玉蟬金雀三層插翠髻高叢綠鬢虛舞處春風吹落
地歸來別賜一頭梳

樹葉初成鳥護窠石榴花裏笑聲多衆中遺却金釵
子拾得從他要贖麼

小殿初成粉未乾貴妃姊妹自來看爲逢好日先移
人部

入續向街西索牡丹

內人相續報花開准擬君王便看來逢著五絃琴繡
袋宜春院裏按歌迴

巡吹慢遍不相和暗數看誰曲校多明日梨花園裏
見先須逐得內家歌

黃金合裏盛紅雪重結香羅四出花一一傍邊書勅
字中官送與大臣家

未明東上閣門開排仗聲從後殿來阿監兩邊相對
立遙聞索馬一時迴

宮人早起笑相呼不識堦前掃地夫乞與金錢爭借

問外頭還似此間無

不隨阿妹學吹笙見好君王賜與名夜拂玉牀朝把鏡黃金殿外不教行

日高殿裏有香煙萬歲聲長動九天妃子院中初降誕內人爭乞洗兒錢

宮花不共外花同正月長先一半紅供御櫻桃看守別直無鴟鵂到園中

殿前鋪設兩邊樓寒食宮人步打毬一半走爭來跪拜上棚先謝得頭籌

太儀前日暖房來囑向朝陽乞藥栽勅賜一巢紅躑

人部

卷七

十三

官詞

躑謝恩未了奏花開

御前新賜紫羅襦步步金街上軟輿宮局總來爲喜樂院中新拜內尚書

鸚鵡誰教轉舌關內人手裏養來姦語多更覺承恩澤數對君王憶隴山

分明閑坐睹櫻桃收却投壺玉腕勞各把沈香雙陸子局中鬪累阿誰高

禁寺紅樓內裏通笙歌引駕夾城東裏頭宮監堂前立手把牙梢竹彈弓

春風院院落花堆金鎖生衣掣不開更築歌臺起妝

殿明朝先進畫圖來

舞來汗濕羅衣徹樓上人扶下玉梯歸到院中重洗面金盆水裏潑銀泥

宿妝殘粉未明天總在昭陽花樹邊寒食內人長白打庫中先散與金錢

衆中偏得君王笑偷把金箱筆硯開書破紅蠟隔子上旋推當直美人來

教遍宮娥唱遍詞暗中頭白没人知樓中日日歌聲好不問從初學阿誰

青樓小婦研裙長總被抄名入教坊春設殿前多舞

人部

卷七

十四

官詞

隊棚頭各別請衣裳

水中芹葉土中花拾得還將避衆家總待別人般數盡袖中拈出鬱金牙

玉簫改調等移柱催換紅羅繡舞筵未戴柘枝花帽子兩行宮監在簾前

應牕戶戶院相當總有珠簾玳瑁牀雖道君王不來宿帳中長是炷牙香

銀燭秋光冷畫屏輕羅小扇撲流螢天街夜色涼如水臥看牽牛織女星

雨入珠簾滿殿涼避風新出玉盆湯內人恐要秋衣

著不住燭籠換好香

金吾除夜進離名畫褥朱衣四隊行院院燒燈如白

日沈香火底坐吹笙

樹頭樹底覓殘紅一片西飛一片東自是桃花貪結

子錯教人恨五更風

金殿當頭紫閣重仙人掌上玉芙蓉太平天子朝元

日五色雲中一作車駕六龍

日晚長秋簾外報望陵歌舞在明朝添爐欲焚熏衣

麝憶得分時不忍燒

日映西陵松柏枝下臺相顧一相悲朝來樂府歌新

人部

卷十

十五

唐詞

曲唱著君王自作詞

淚盡羅巾夢不成夜深前殿按歌聲紅顏未老恩先

斷斜倚熏籠坐到明一作白居易後宮詞

新鷹初放兔初肥白日君王在內稀薄暮千門臨欲

鎖紅妝飛騎向前歸一作張籍宮詞

黃金捍撥紫檀槽絃索初長調更高盡理昨來新上

曲內官簾外送櫻桃

鴛鴦瓦上蒼然聲晝寢宮娥夢裏驚元是吾皇金彈

子海棠花下打流鶯

奉帚平明金殿開且將綉扇共徘徊玉顏不及寒鴉

色猶帶昭陽日影來

閑吹玉殿昭華管醉折梨園縹緲花十年一夢歸人

世絳綬猶封繫臂紗一作杜牧出宮人

上陽宮

唐王建中

上陽花木不曾秋洛水穿宮處處流畫閣紅樓宮女

笑玉簫金管路人愁慢城入澗橙花發玉輦登山桂

葉稠曾讀列仙王母傳九天未勝此中遊

宮詞

唐戴叔倫中

紫禁迢迢宮漏鳴夜深無語獨含情春風鸞鏡愁中

影明月羊車夢裏聲塵暗玉階苔跡斷香飄金屋篆

人部

卷七十

十六

宮詞

煙清真心一任蛾眉妬買賦何須問馬卿

宮詞

唐殷堯藩中

吳宮愛歌舞夜夜醉嬋娟見日吹紅燭和塵掃翠鈿

徒令句踐霸不信子胥賢若問長洲草荒涼無限年

宮詞

唐長孫翺中

一道甘泉接御溝上皇行處不曾秋誰言水是无情

物也到宮前咽不流

宮詞

唐顧況中

玉樓天半起笙歌風送宮嫔笑語和月殿影開聞夜

漏水晶簾捲近秋河

宮詞

唐朱慶餘中

寂寂花時閉院門
美人相並立瓊軒
含情欲說宮中事
鸚鵡前頭不敢言

宮中樂五首

唐令狐楚中

楚塞金陵靜
巴山玉壘空
萬方無一事
端坐大明宮

二

雪霽長楊苑
冰開太液池
宮中行樂日
天下盛明時

三

柳色煙相似
梨花雪不如
春風空有意
一麗皇居

四

人部

卷七

十七

宮詞

月上宮花靜
煙含遠樹深
銀臺門已閉
仙漏夜沈沈

五

九重青瑣闥
百尺碧雲樓
明月秋風起
珠簾上玉鉤

思君恩三首

唐令狐楚中

小苑鶯歌歇
長門蝶舞多
眼看春又去
翠輦不經過

二

紫綵香如霧
青天月似霜
雲韶何處奏
祇是在昭陽

三

鷄鳴天漢曙
鶯語禁林春
誰入巫山夢
唯應洛水神

宮詞三首

唐盧綸中

玉砌紅花樹
香風不敢吹
春光解天意
偏發殿南枝

二

虹橋千步廊
半在水中央
天子方親暑
宮娃起夜妝

三

辭輦復當熊
傾心奉六宮
君王若看貌
甘在衆妃中

宮中樂二首

唐盧綸中

雲日呈祥禮
物殊彤庭生
獻五單于塞
垣萬里無飛

鳥可在邊城
用郅都

臺殿雲深秋
色微君王初
賜六宮衣樓
船泛罷歸猶

早行遣才人
關射飛

人部

卷七

十八

宮詞

吳宮曲

唐張祐中

日下苑西宮
花飄香徑紅
玉釵斜白燕
羅帶弄青蟲

皓齒初含雪
柔枝欲斷風
可憐傾國艷
誰信女爲戎

漢宮曲二首

唐韓翃中

駿馬繡障泥
紅塵撲四蹄
歸時何太晚
日照杏花西

二

繡幕珊瑚鈎
春闌翡翠樓
深情不肯道
嬌倚鈿篋篋

漢宮曲二首

唐韓翃中

五柞宮中過
臘看萬年枝
上雪花殘綺
曉夜閉玉堂

靜素縵朝穿
金井寒

漢室長陵小市中珠簾繡戶對春風君王昨日移仙仗玉輦將迎入漢中

楚宮行

唐張籍中

重華宮中九月時桂花未落紅橘垂江頭騎火照輦道君王夜從雲夢歸霓旌鳳蓋到雙闕臺上重重歌吹發千門萬戶開相當燭籠左右列成行下輦更衣入洞房洞房侍女盡焚香玉階羅幃微有霜齊言此夕樂未央玉酒湛湛盈華觴絲竹次第鳴中堂已姬起舞向君王迴身垂手結明璫願君千年萬年壽朝出射麋夜飲酒

人部

卷七

十九

宮詞

宮中樂五首

唐張仲素中

網戶交如綺紗牕薄似煙樂吹天上曲人是月中仙

一

翠甲開寒鏡珠釵挂步搖妝成祗畏曉更漏促春宵

二

紅果瑤池實金盤露井冰甘泉將避暑殿曉光凝

三

月彩浮鸞殿砧聲隔鳳樓笙歌臨水檻紅燭乍迎秋

四

樹留寒翠神池漾夕波黃山一夜雪渭水鴈聲多

吳宮辭

唐白居易中

淡紅花被淺檀蛾睡臉初開似翦波坐對珠籠閒理曲琵琶鸚鵡語相和

吳宮詞

唐白居易中

一入吳王殿無人覩翠蛾樓高時見舞宮靜夜聞歌半露曾如雪斜迴臉似波妍媸各有分誰敢妬恩多

宮詞二首

原作小曲新詞

唐白居易中

霽色鮮宮殿秋聲脆管絃聖明千歲樂八歲似今年

二

紅裙明月夜碧簾早秋時好向昭陽宿天涼玉漏遲

人部

卷七

二十

宮詞

長恨歌

唐白居易中

漢皇重色思傾國御宇多年求不得楊家有女初長成養在深閨人未識天生麗質難自棄一朝選在君王側回頭一笑百媚生六宮粉黛無顏色春寒賜浴華清池溫泉水滑洗凝脂侍兒扶起嬌無力始是新承恩澤時雲鬢花顏金步搖芙蓉帳暖度春宵春宵苦短日高起從此君王不早朝承歡侍宴無閒暇春從春遊夜專夜後宮佳麗三千人三千寵愛在一身金屋妝成嬌侍夜玉樓宴罷醉和春姊妹弟兄皆列土可憐光彩生門戶遂令天下父母心不重生男重女

生女驪宮高處入青雲仙樂風飄處處聞緩歌慢舞
凝絲竹盡日君王看不足漁陽鞀鼓動地來驚破霓
裳羽衣曲九重城闕煙塵生千乘萬騎西南行翠華
搖搖行復止西出都門百餘里六軍不發無奈何宛
轉蛾眉馬前死花鈿委地無人收翠翹金雀玉搔頭
君王掩面救不得回首血淚相和流黃埃散漫風蕭
索雲稜縈紆登劒閣峨嵋山下少人行旌旗無光日
色薄蜀江水碧蜀山青聖主朝朝暮暮情行宮見月
傷心色夜夜雨聞鈴腸斷聲天旋地轉回龍馭到此躊
躇不能去馬嵬坡下泥土中不見玉顏空死處君臣

人部

卷七

三

宮詞

相顧盡沾衣東望都門信馬歸歸來池苑皆依舊太
液芙蓉未央柳芙蓉如面柳如眉對此如何不淚垂
春風桃李花開夜秋雨梧桐葉落時西宮南苑多秋
草宮葉滿階紅不掃梨園子弟白髮新椒房阿監青
娥老夕殿螢飛思悄然孤燈挑盡未成眠遲遲鐘鼓
初長夜耿耿星河欲曙天鴛鴦瓦冷霜華重翡翠衾
寒誰與共悠悠生死別經年魂魄不曾來入夢臨邛
道士鴻都客能以精誠致魂魄爲感君王展轉思遂
教方士殷勤覓排空馭氣奔如電升天入地求之遍
上窮碧落下黃泉兩處茫茫皆不見忽聞海上有仙

山山在虛無縹緲間樓閣玲瓏五雲起其中綽約多
仙子中有一人字太真雪膚花貌參差是金闕西廂
叩玉扃轉教小玉報雙成聞道漢家天子使九華帳
裏夢魂驚攬衣推枕起徘徊珠箔銀屏迤邐開雲鬢
半偏新睡覺花冠不整下堂來風吹仙袂飄飄舉猶
似霓裳羽衣舞玉容寂寞淚闌干梨花一枝春帶雨
含情凝睇謝君王一別音容兩渺茫昭陽殿裏恩愛
絕蓬萊宮中日月長回頭下望人寰處不見長安見
塵霧唯將舊物表深情鈿合金釵寄將去釵留一股
合一扇釵擘黃金合分鈿但令心似金鈿堅天上人

人部

卷七

三

宮詞

間會相見臨別殷勤重寄詞詞中有誓兩心知七月
七日長生殿夜半無人私語時在天願作比翼鳥在
地願爲連理枝天長地久有時盡此恨綿綿無絕期

宮詞二首

唐杜牧

晚

蟬翼輕綃傅體紅玉膚如醉阿春風深宮鎖閉猶疑
感更取丹沙試辟宮

監宮引出暫開門隨例須朝不是恩銀鑰却收金鎖
合月明花落又黃昏

宮詞

唐韓偓

晚

繡裙斜立正銷魂侍女移燈掩殿門燕子不歸花著

雨春風應自怨黃昏

宮詞

唐張嬪晚

日透珠簾見冕旒六宮爭逐百花愁
迴看不覺君王去已聽笙歌在遠樓

宮詞

唐李商隱晚

君恩如水向東流得寵憂疑失寵愁
莫向樽前奏花落涼風只在殿西頭

宮中曲

唐李商隱晚

雲母濾宮月夜夜白於水賺得羊車來
低扇遮黃子水精不覺冷自刻鴛鴦翅
蠶縷茜香濃正朝纏左臂

人部

卷七

三

宮詞

巴牋兩幅滿寫承恩字欲得識青天
昨夜蒼龍是

漢宮詞

唐李商隱晚

青雀西飛竟未迴君王長在集靈臺
侍臣最有相如渴不賜金莖露一杯

楚宮二首

唐李商隱晚

月姊曾逢下彩蟾傾城消息隔重簾
已聞颯響知腰細更辨絃聲覺指纖
暮雨自歸山悄悄秋河不動夜

十二峯前落照微高唐宮暗坐迷歸
朝雲暮雨長相按猶自君王恨見稀

吳宮

唐李商隱晚

龍檻沈沈水殿清禁門深掩斷人聲
吳王宴罷滿宮醉日暮水漂花出城

漢宮

唐李商隱晚

通靈夜醮達清晨承露盤晞甲帳春
王母西歸方朔去更須重見李夫人

陳後宮二首

唐李商隱晚

玄武關新苑龍舟燕幸頻渚蓮叅法
駕沙鳥犯鈎陳壽獻金莖露歌翻玉
樹塵夜來江令醉別詔宿臨春

二

人部

卷七

三

宮詞

茂苑城如畫閨門瓦欲流還依水光
殿更起月華樓侵夜鸞開鏡迎冬雉
獻裘從臣皆半醉天子正無愁

隋宮一作隋堤

唐李商隱晚

乘興南遊不戒嚴九重誰省諫書函
春風舉國裁宮錦半作障泥半作帆

隋宮守歲

唐李商隱晚

消息東郊木帝迴宮中行樂有新梅
沈香夾蒨爲庭燎玉液瓊酥作壽杯
遙望露盤疑是月遠聞鼙鼓欲驚雷
昭陽第一傾城客不踏金蓮不肯來

代貴公主

唐李商隱晚

芳條得意紅飄落忽西東分逐春風去風迴得故蕋
明朝金井露始看憶春風

宮詞效長吉

唐李商隱晚

長長漢殿眉窄窄楚宮衣鏡好鸞空舞簾疎燕誤飛
君王不可問昨夜約黃歸

陳宮詞

唐溫庭筠晚

鷄鳴人草草香輦出宮花妓語細腰轉馬嘶金面斜
早鶯隨綵仗驚雉避凝笳淅瀝相風外紅輪映曙霞

齊宮

唐溫庭筠晚

白馬雜金飾言從雕輦迴粉香隨笑度鬢態伴愁來
人部 卷七

三五

遠水斜如翦青莎綠似裁所恨章華日冉冉下層臺

宮中二首

唐羅鄴晚

芳草長含玉輦塵君王遊幸此中頻今朝別有承恩
處鸚鵡飛來說似人

雖然自小屬梨園不識先皇玉殿門還是當時歌舞
曲今來何處最承恩

宮詞

唐曹鄴晚

二月樹色好昭儀正嬌奢恐君愛陽豔所却園中花
三十六宮女髻鬟各如鴉君王心所憐獨自不見暇
臺上紅燈盡未肯下金車一笑不得所塵中悉無家

飛燕身更輕何必恃容華

詩集類函卷七十
人部 卷七

三五

詩集類函卷七十一

東吳俞安期彙纂

宣城梅鼎祚增定

人部十三

宮怨

昭君怨

關中朱惟燿訂校

銅雀妓並附

○宮怨

玉階怨

齊謝朓

夕殿下珠簾流螢飛復息長夜縫羅衣思君此何極

玉階怨

齊虞炎

紫藤拂花樹黃鳥度青枝思君一歎息苦淚應言垂

宮怨

梁簡文帝

人部

卷七十一

宮怨

十五頗有餘日照杏梁初蛾眉本多嫉掩鼻特成虛
持此傾城貌翻為不肖軀秋風吹海水寒霜依玉除
月光臨戶駛荷花依浪舒望雙雙翼窺沼泣前魚
或作王餘 魚名也 苦生履處沒草合行人疎裂紈傷不盡歸
骨恨難祛早知長信別不避後園輿

宮怨

原作

梁劉孝威

退寵辭金屋見譴斥甘泉枕席秋風起房櫳明月懸
燭避牕中影香迴爐上煙丹庭斜草徑素壁點苔錢
歌起蒲生曲樂奏下山絃新聲昔廣宴餘杯今自傳
王嬙向絕漠宗女入祁連鴈書猶未返馬角無歸年

宮怨

梁劉孝儀

昭臺有勝御曾坂無棄捐後新隨復積前魚誰更燐
本無金屋寵長作玉階悲一乖西北麗寧復城南期
永巷愁無歇一作盡 應門閉有時空勞織素巧徒爲團
扇詞匡牀終不共何由橫自私

宮怨

唐虞世南

紫殿秋風冷雕甍落日沈裁紈悽斷曲織素引離心
掖庭羞改畫長門不惜金寵移恩稍薄情疎恨轉深
香銷翠羽帳絃斷鳳凰琴鏡前紅粉歇階上綠苔侵
誰言掩歌扇翻作白頭吟

人部

卷七十一

宮怨

怨歌

唐吳少微

城南有怨婦含怨倚蘭叢自謂二八時歌舞入漢宮
皇恩數流盼承幸玉堂中綠陌黃花催夜酒錦衣羅
袂逐春風建章西宮煥若神燕趙美女三千人君王
厭德不忘新成羣豔冶紛來陳是特別君不再見三
十三春長信殿長信重門晝掩闌清房曉帳幽且閑
綺窗蟲網氣塵色文軒鶯對桃李顏天王貴宮不貯
老浩然淚隕今來還自憐春色轉晚暮試逐佳遊芳
草路小腰麗女奪人奇金鞍少年曾不顧歸來誰爲
夫請謝西家婦莫辭先醉解羅襦

蛾眉怨

唐王翰

君不見宜春苑中九華殿飛閣連連直如髮白日全
含朱鳥牕流雲半入蒼龍闕宮中綵女夜無事學鳳
吹簫弄清越珠簾北卷待涼風繡戶南開向明月忽
聞天子憶蛾眉寶鳳銜花撲兩螭傳聲走馬開金屋
夾路鳴環上玉墀長樂形庭宴華寢三千美人曳光
錦燈前含笑更羅衣帳裏承恩薦瑤枕不意君心半
路迴求仙別作望仙臺蒼琅禁闥遙相憶紫翠巖房
晝不開欲向人間種桃實先從海底覓蓬萊蓬萊可
求不可上孤舟縹緲知何往黃金作盤銅作莖青天
入部

卷七十一

宮怨

宮怨

原作
古歌

唐沈佺期

初

落葉流風向玉臺夜寒秋思洞房開水晶簾外金波
下雲母牕前銀漢迴玉階陰陰苔蘚色君王履綦難
再得璇閨窈窕秋夜長繡戶徘徊明月光燕姬綵帳

芙蓉色秦女金爐蘭麝香北斗七星橫夜半清歌一
曲斷君腸

宮怨

唐薛奇童

日晚梧桐落微寒入禁垣月懸三雀觀霜度萬秋門
豔舞矜新寵愁容泣舊恩不堪深殿裏簾外欲黃昏

宮怨

唐李白

十五入漢宮花顏笑春紅君王選玉色侍寢金屏中
薦枕嬌夕月卷衣戀春風寧知趙飛燕奪寵恨無窮
沈憂能傷人綠鬢成霜蓬一朝不得意世事徒爲空
鵲鷄換美酒舞衣罷雕籠寒苦不忍言爲君奏絲桐

入部

卷七十一

宮怨

腸斷絃亦絕悲心夜冲冲

宮怨

原作于
闌採花

唐李白

于闌採花人自言花相似明妃一朝西入胡胡中美
女多羞死乃知漢地多名姝胡中無花可方比丹青
能令醜者妍無鹽翻在深宮裏自古妬蛾眉胡沙埋
皓齒

玉階怨

唐李白

玉階生白露夜久侵羅襪却下水晶簾玲瓏望秋月

西宮春怨

唐王昌齡

西宮夜靜百花香欲卷珠簾春恨長斜抱雲和深見

月隴隴樹色隱昭陽

兩宮秋怨

唐王昌齡

芙蓉不及美人妝，水殿風來珠翠香。
卻恨含啼掩秋扇，空懸明月待君王。

後庭怨

唐王諷

君不見紅閨少女端正時，
天天桃李容姿幸得君。
王憐巧笑披香殿，
裏薦蛾眉雙雙入共進。
常恐妾身從此擯，
甄妃爲妬出層宮。
班女因猜下長信，
長信宮門閉不開。
昭陽歌吹風送來，
夢中魂魄猶言是。
覺後精神尚未迴，
念君嬌愛無終始。
使妾常啼後庭人。

人部

卷七十一

五

宮怨

裏獨立每看斜日盡，
孤眠直至殘燈死。
秋日聞蟲蟬，
翠簾春曉照面鴛鴦水。
紅顏舊來花不勝，
白髮如今雪相似。
傳聞純嘏思未歇，
預想蛾眉上初月。
如君貴僞不貴真，
還同棄妾逐新人。
借問南山松葉意，
何如北砌槿花新。

宮怨

原作古意

唐崔國輔

淨掃黃金階，飛霜皎如月。
下簾彈箜篌，不忍見秋月。

宮怨

原作命薄

唐崔國輔

雖入秦帝宮，不上秦帝牀。
夜夜玉牕裏，與他卷羅裳。

古宮怨

唐長孫佐輔

牕前好樹名玫瑰，去年花落今年開。
無情春色尚識反，君心忽斷何時來。
憶昔妝成候仙仗，宮櫓玲瓏日新上。
拊心却笑西子顰，掩鼻誰憂鄭姬謗。
草染文章衣，下履花粘甲。
乙牀前帳三千玉，貌休自誇十二金。
釵獨相向盛衰傾，奪欲何如嬌愛翻。
悲逐佞諛重遠，豈能慙沼鵠。
棄前方見泣船魚，看籠不記熏龍腦。
詠扇空曾禿鼠鬚，始喜類羅新託柏。
終傷如薺却甘茶，院深獨開還獨閉。
鸚鵡驚飛苔覆地，滿箱舊賜前日衣。
滴枕新垂夜來淚，恨多開鏡照還悲。
綠髻青娥尚未衰，莫道新繚長絕比。
猶逢故劍會相追。

人部

卷七十一

六

宮怨

古宮怨

唐王建

亂鳥啞啞飛復啼，城頭晨夕宮中棲。
吳王別殿繞江水，後宮不開美人死。

宮怨

唐皇甫冉

長信多秋氣，昭陽借月華。
那堪閉永巷，聞道選良家。

宮怨

唐李益

露濕晴花春殿香，月明歌吹在昭陽。
似將海水添宮漏，共滴長門一夜長。

離宮怨

唐張籍

高堂別館連湘渚，長向春光開萬戶。
荆王去去不復來，只有襄陽舊時路。

來宮中美人自歌舞

後宮詞

唐白居易中

雨露由來一點恩爭能遍布及千門三千宮女顰脂面幾箇春來無淚痕

宮怨

唐白居易中

奪寵心那慣尋思倚殿門不知移舊愛何處作新恩

宮怨

調張詩中分出

唐王渙之中

李夫人病已經秋漢武看來不舉頭得所濃華銷歇盡楚魂湘血一生休

七夕瓊筵往事陳夢花連蒂共傷神蜀王殿裏三更人部

月不見驪山私語人

陳宮興廢事難期三閣空餘綠草基狎客淪亡麗華

死他年江令獨來時

夢裏分明入漢宮覺來燈背錦屏空紫臺月落關山

遠腸斷君恩信畫工

宮怨

唐韋莊

一辭同輦閉昭陽耿耿寒宵禁漏長釵上翠禽應不返鏡中紅艷豈重芳螢低夜色棲瑤草水咽秋聲傍粉墻展轉令人思蜀賦解將惆悵感君王

宮怨

原作妾命薄

唐李咸用

妾命何太薄不及宮中水時時對天顏聲聲入君耳

塘上行

樂府解題曰魏文帝甄后所作歎以

魏甄后

蒲生我池中其葉何離離傍能行仁義莫若妾自知衆口鑠黃金使君生別離念君去我時獨愁常苦悲想見君顏色感結傷心脾念君常苦悲夜夜不能寐莫以豪賢故棄捐素所愛莫以魚肉賤棄捐惹與薤莫以麻枲賤棄捐管與蒯

塘上行

晉陸機

江離生幽渚微芳不足宣被蒙風雲會移居華池邊

人部

卷七十一

宮怨

發藻玉臺下垂影滄浪泉霑潤既已渥結根與且堅四節逝不處繁華難久鮮淑氣與時殞餘芳隨風捐天道有遷易人理無常全男權智傾愚女愛衰避妍不惜微軀退但懼一作蒼蠅前願君廣末光照妾薄

暮年

江離生幽渚

梁沈約

澤蘭被荒徑孤芳豈自通幸逢瑤池曠得與金芝叢朝承紫臺露夕潤綠池風既美修嫗女復悅繁華童夙昔玉霜滿日暮翠條空葉飄儲胥右芳歇露寒東紀化尚盈夏俗志信積隆財殫交易絕華落愛難終

所惜改驪駒豈恨逐征蓬願回昭陽景持昭長門宮

塘上行苦辛篇

梁劉孝威

蒲生伊何陳曲中多苦辛黃金坐銷鑠白玉遂縑縠

裂衣工毀嫡掩袖切讒新嫌成跡易已愛去理難申

秦雲猶變色魯日尚廻輪妾歌已賜斷君心終未親

楊白花

梁書曰楊華武都人也少自勇力客率其部曲擊梁胡太后通之華及禍乃楊白花歌使宮人連管唱之其後南史曰楊華木名白花奔梁後名華魏名將大眼之子北魏胡太后

陽春二三月楊柳齊作花春風一夜入閨闌楊花飄

蕩落南家舍情出戶脚無力拾得楊花淚沾臆秋去

人部

卷七十一

九

春還雙燕子願銜楊花入窠裏

妝成

隋侯夫人

妝成多自惜夢好却成悲不及楊花意春來到處飛

自遣

隋侯夫人

秘洞肩仙卉雕房鎖玉人毛君真可戮不肯寫昭君

自感三首

隋侯夫人

庭絕玉輦迹芳草漸成窠隱隱聞簫鼓君恩何處多

二

欲泣不成淚悲來翻強歌庭花方爛熳無計奈春何

三

春陰正無際獨步意如何不及閑花草翻承雨露多

長門怨

梁簡文帝題曰長門怨者為漢武帝陳皇后作也后居長門宮愁悶悲思聞司馬相如為工文章奉黃金百斤令為解愁之辭人因其賦而傷之便得親幸後為長門怨也梁柳惲

玉壺夜情情應門重且深秋風動桂樹流月搖輕陰

綺簷清露漙漙

一作網戶思蟲吟歎息下蘭閣含愁奏雅琴何由鳴曉珮復得抱宵衾無復金屋念豈照長門心

門心

長門怨

梁費昶

向夕千愁起自悔何嗟及愁思且歸牀羅襦方掩泣

人部

卷七十一

十

絳樹搖風軟黃鳥弄聲急金屋貯嬌時不言君不入

長門怨

唐徐賢妃

舊愛栢梁臺新寵昭陽殿守分辭方輦含情泣團扇

一朝歌舞榮夙昔詩書賤積恩誠已矣覆水難重薦

長門怨

唐吳少微

月出映層城孤圓上太清君王春愛歇枕席涼風生

怨咽不能寢踟躕步前楹空階白露色百草寒蟲鳴

念昔金房裏猶嫌玉座輕如何嬌所誤長夜泣恩情

長門怨

唐袁暉

早知君愛歇本自無繁妬誰使恩情深今來反相誤

愁眠羅帳曉泣坐金闥暮獨有夢中魂猶言意如故

長門怨

唐齊翰

一作幹

笑笑孤思逼寂寂長門夕妾妬亦非深君恩那不惜
攜琴就玉階調瑟聲未諧將心寄明月流影入君懷

長門怨

唐沈佺期

初

月皎風冷冷長門次掖庭玉階聞墜葉羅幌見飛螢
清露凝珠綴流塵下翠屏妾心君未察愁嘆劇繁星

長門怨

唐崔顥

盛

君王寵初歇棄妾長門宮紫殿青苔滿高樓明月空
夜愁生枕席春意罷簾櫳泣盡無人問容華落鏡中

人部

卷七十一

十二

宮怨

長門怨

唐賈至

盛

獨坐思千里春庭曉景長鶯喧翡翠幙柳暗鬱金堂
舞蝶繁愁緒繁花對靚妝深情託瑤瑟絃斷不成章

長門怨

唐岑參

盛

君王嫌妾妬閑妾向長門舞袖垂新寵愁眉結舊恩
綠錢生履迹紅粉濕啼痕羞被桃花笑看春獨不言

長門怨

唐李華

盛

弱體鶯鶯薦啼妝翡翠衾鴉鳴秋殿曉人靜禁門深
每憶椒房寵那堪永巷陰日驚羅帶緩非復舊來心

長門怨

唐李華

盛

天回北斗挂西樓金屋無人螢火流月光欲到長門

殿別作深宮一段愁

桂殿長愁不記春黃金四屋起秋塵夜懸明鏡青天
上獨照長門宮裏人

長門怨

唐劉長卿

中

何事長門閉珠簾只自垂月移深殿早春向後宮遲
蕙草生閑地梨花發舊枝芳非自恩幸看被風吹

長門怨

唐劉阜

中

宮殿沈沈月色分昭陽更漏不堪聞珊瑚枕上千行
淚不是思君是恨君

人部

卷七十一

十三

宮怨

長門怨

唐裴交泰

中

自閉長門經幾秋羅衣濕盡淚空流一種蛾眉明月
夜南宮歌管北宮愁

長門怨

唐僧皎然

中

春風日日閉長門搖蕩春心自夢魂若遣花開只關
妾不如桃李正無言

長門怨

唐李端

中

金壺漏盡禁門開飛燕昭陽侍寢迴隨分獨眠秋殿
裏遙聞語笑自天來

長門怨

唐盧綸

中

空空古廊殿寒月落斜暉臥聽未央曲滿箱歌舞衣

長門怨二首

唐劉媛女即一作韋莊

雨滴梧桐秋夜長愁心和雨到昭陽淚痕不學君恩斷拭却千行更萬行

學畫蛾眉獨出羣當時人道便承恩經年不見君王面花落黃昏空掩門

長信怨

唐王諷盛

飛燕倚身輕爭人巧笑名生君棄妾意增妾怨君情日落昭陽壁秋來長信城寥寥金殿裏歌吹夜無聲

長信怨

唐錢起中

人部

卷七十一

十三宮怨

長信螢來一葉秋蛾眉淚盡九重幽鵲觀前明月度芙蓉闕下絳河流鴛鴦久別難爲夢鳳管遙聞更起愁誰分昭陽夜歌舞君王玉輦正淹留

長信宮二首

唐于鄴晚

簾清秋氣初長信恨何如拂黛月生指理鬟雲滿梳一從悲畫扇幾度泣前魚坐聽南宮樂涼風搖翠裾

二

一失輦前恩綺羅生暗塵惟應深夜月獨伴向隅人長信翠蛾故昭陽紅粉新君心似秋節不使草長春

邯鄲宮人怨

唐崔顥盛

邯鄲陌上三月春暮行逢見一婦人自言鄉里不戀趙少小隨家西入秦母兄憐愛無儔侶五歲名爲阿嬌女七歲丰茸好顏色八歲黠惠能言語十三兄弟教詩書十五青樓學歌舞我家青樓臨道傍紗牕綺幔暗聞香朝暮笙歌駐君馬春日妝梳妾斷腸不用城南使君塔本求三十侍中郎何知漢帝好容色玉輦攜登歸建章建章宮殿不知數萬戶千門深且長百堵塗椒按青瑣九華閣道連洞房水晶簾箔雲母扇琉璃牕牖玳瑁牀歲歲年年奉歡宴嬌貴榮華誰不羨恩情莫比陳皇后寵愛全勝趙飛燕瑤房侍寢

人部

卷七十一

十四宮怨

世莫知金屋更衣人不見誰言一朝復一日君王棄世市朝變宮車出葬茂陵田賤妾獨留長信殿一朝太子升至尊宮中人事如掌翻同時侍女見讒毀後來新人莫敢言兄弟印綬皆被奪昔年賞賜不復存一旦放歸舊鄉里乘車垂淚還入門父母慙我曾富貴嫁與西舍金王孫念此翻覆復何道百年盛衰誰能保憶昨尚如春日花悲今已作秋時草少年去去莫停鞭人生萬事由上天非我今日獨如此古今歎薄皆共然

吳宮怨

唐衛萬盛

君不見吳王宮閣臨江起不卷珠簾見江水曉氣晴
來雙闕間潮聲夜落千門裏句踐城中非舊春姑蘇
臺下起黃塵祇今唯有西江月曾照吳王宮裏人

吳宮怨

唐張籍中

吳宮四面秋江水江清露白芙蓉死吳王醉後欲更
衣座上美人嬌不起宮中千門復萬戶君恩反覆誰
能數君心與妾既不同徒向君前作歌舞茱萸滿宮
紅實垂秋風嫋嫋生繁枝姑蘇臺上夕譙罷他人侍
寢還獨歸白日在天光在地君今那得長相棄

楚宮怨二首

唐許渾晚

人部

卷七十一

十五

十二山晴花盡開楚宮雙闕對陽臺細腰爭舞君王
醉白日秦兵江上來

獵騎秋來在內稀渚宮雲雨濕龍衣騰騰戰鼓動城

闕江上射麋殊未歸

楚妃嘆

宋袁伯文

玉墀滴淒露羅幌已依霜逢春每先絕爭秋欲幾芳

楚妃嘆

梁簡文帝

幽閨情脉脉一作閨閑漏長宵寂寂草螢飛夜戶絲

蟲繞秋壁薄笑未爲欣微歎還成戚金簪鬢下垂玉

飭衣前滴

楚妃怨

唐張籍中

梧桐葉下黃金井橫架輓轡牽素綆美人初起天未
明手拂銀瓶秋水冷

息夫人

魯莊公十四年楚子滅息以息婦歸生

婦人而事二夫縱

唐宋之問初

可憐楚破息腸斷息夫人乃爲泉下骨不作楚王嬪

息夫人

寧王憲貴盛寵妓數十人有賣餅之妻

之寵愛逾等歲餘因問曰汝復憶餅師否使

客十餘人皆當時文士無不悽異王命賦詩

人部

卷七十一

十六

志

唐王維盛

莫以今時寵能忘舊日恩看花滿眼淚不共楚王言

阿嬌

原作妾

唐李白盛

漢帝寵阿嬌貯之黃金屋咳唾落九天隨風生珠玉

寵極愛還歇妬深情却疎長門一步地不肯暫回車

雨落不上天水覆難再收君情與妾意各自東西流

昔日芙蓉花今成斷根草以色事他人能得幾時好

阿嬌怨

唐劉禹錫中

望見歲寒舉翠華試開金屋掃庭花須臾宮女傳來

信言幸平陽公主家

班婕妤

晉陸機

婕妤去辭寵添留終不見寄情在玉階託意唯團扇
春苔暗階除秋草蕪高殿黃昏集作黃履綦絕愁來空
雨面

班婕妤

梁元帝

婕妤初選入含媚回羅幃何言飛燕寵青苔生玉墀
誰知同輦愛遂作裂純詩以茲自傷苦終無長信悲
奉和湘東王教班婕妤 梁何思澄

寂寂長信晚雀聲喧洞房蜘蛛網高閣駸駸被長廊
虛殿簾幃靜閑堦花藥香悠悠視日暮還復守空牀

人部

卷七十一

十七

官怨

奉和湘東王教班婕妤

梁孔翁歸

長門與長信日暮九重空雷聲聽隱隱車響絕瓏瓏
恩光隨妙舞團扇逐秋風鉛華誰不慕人意自難終

婕妤怨

樂府解題曰婕妤怨者為漢成帝班婕妤作也婕妤徐令處之姑況之女美而後宮自知見薄乃退居東宮作賦及班扇詩以自傷悼後人傷之而為婕妤怨也

梁劉孝綽

應門寂已閉非復後庭時況在青春日萋萋綠草滋

妾身似秋扇君恩絕履綦詎憶遊輕輦徒令賤妾辭

和婕妤怨

梁劉氏徐惟妻

日落應門閉愁思百端生況復昭陽近風傳歌吹聲

寵移終不恨讒枉太無情祗言爭分理非妬舞腰輕

班婕妤怨

陳陰鏗

柏梁新寵盛長信昔恩傾誰謂詩書巧翻為歌舞輕
花月分窻進苔草共堦生接淚衫前滿單眠夢裏驚
可惜逢秋扇何用合歡名

班婕妤怨

陳何楫

齊統既遂篋趙舞即凌人履跡隨恩故階苔逐恨新
獨臥鈞香炷長啼費錦巾庭草何聊賴也持秋當春

班婕妤怨

唐徐彥伯初

君恩忽斷絕妾思終未央巾櫛不可見枕席空餘香

人部

卷七十一

十八

官怨

牕暗網羅白階秋苔蘚黃應門寂已閉流涕向昭陽

二

更有留情處承恩樂未窮誰憐團扇妾獨坐怨秋風

婕妤怨

唐崔湜初

不分君恩斷新妝視鏡中容華向一作春日嬌愛似

秋風枕席臨燈一作曉屏幃向日空年年後庭

樹榮落一作芳華在深宮

班婕妤

唐嚴武盛

賤妾如桃李君王若歲時秋風一已勁搖落不勝悲
寂寂蒼苔滿沈沈綠草滋繁華非此日指輦競何辭

班婕妤三首

唐王維

玉牕花影度金殿人聲絕秋夜守羅帷孤燈耿不滅

二

宮殿生秋草君王恩幸疎那堪聞鳳吹門外度金輿

三

恹恹妝閣閉朝下不相迎總向春園裏花間語笑聲

婕妤怨

唐皇甫冉

花枝出建章鳳管發昭陽借問承恩者雙蛾幾許長

婕妤怨

唐皇甫冉

由來詠團扇今已值秋風事逐時皆往恩無日再中

入部

卷七十一

十九

宮怨

早鴻聞上苑寒露下深宮顏色年年異相如賦豈工

婕妤怨

唐李咸用

莫恃芙蓉開滿面更有身輕似飛燕不得團圓長近

君珪月鉞時泣秋扇

怨詩

王昭君名嬋漢宮人元帝時匈奴入朝以

得常見乃使畫工圖其形按圖召幸宮人皆

後何如入朝選美人配之昭君乃惡圖行及

入辭光彩射人棟動左右天方重信外國

杜陵毛延壽乘市籍其資財漢王昭君

秋木萋萋其葉萎黃有鳥處山集於苞桑養育毛羽

形骸容生光既得升雲上遊曲房離宮絕曠身體

摧藏志念抑沈不得顏顏雖得委食心有徊徨我獨

伊何來一作往變常翩翩之鸞遠集西羌高山峩峩

河水泱泱父兮母兮道里悠長嗚呼哀哉憂心惻傷

昭君怨

梁何遜

昔聞白一作鶴弄已自軫離情今來昭君曲還悲秋

草生一作一作

昭君怨

梁劉氏

一生竟何定萬事最難保丹青失舊儀玉匣成秋草

想妾辭關淚至今猶未燥漢使汝南還殷勤爲人道

昭君歎二首

梁沈滿願

入部

卷七十一

二十

宮怨

早信丹青巧重貨一作洛陽師人今作洛陽千金買

蟬鬢百萬寫蛾眉

今朝猶漢地明日入胡關情寄南雲返思逐北風還

昭君怨

陳後主

圖形漢宮裏遙聘單于庭狼山聚雲暗龍沙飛雪輕

笳吟度隴咽笛轉出關鳴啼妝寒葉下愁眉塞月生

只餘馬上曲猶作別時聲

昭君怨

唐盧照隣

合殿恩中絕交河使漸稀肝腸隨玉輦形影向金微

漢地草應綠胡庭沙正飛願逐三秋鴈年年一度歸

昭君怨

唐張文琮

戒途飛萬里迴首望三秦忽見天山雪還疑上苑春
玉痕垂粉淚羅袂拂胡塵爲得胡中曲還悲遠嫁人

昭君怨

唐董思恭

琵琶馬上彈行路曲中難漢月正南遠燕山直北寒
髻鬟風拂亂眉黛雪沾殘斟酌紅顏改徒勞握鏡看

昭君怨

唐董初

新年猶尚小那堪遠聘秦裾衫沾馬汗眉黛染胡塵
舉眼無相識路逢皆異人唯有梅將李猶帶故鄉春

昭君怨

唐李白

人部

卷七十一

宮怨

漢家秦地月流影照明妃一上玉關道天涯去不歸
漢月還從東海出明妃西嫁無來日燕支長寒雪作
花蛾眉憔悴沒胡沙生乏黃金在圖畫死留青冢令
人嗟

昭君怨

唐顧朝陽

莫將鉛粉匣不用鏡花光一去邊城路何情更畫妝
影銷胡地月衣盡漢宮香妾死非關命都緣怨斷腸

昭君怨

唐白居易

明妃風貌最娉婷合在椒房應四星只得當年備宮
掖何曾專夜奉幃屏見疎從道迷圖畫知屈那教配

虜庭自是君恩薄如紙不須一向恨丹青

明妃怨

唐楊凌

漢國明妃去不還馬駝絃管向陰山匣中縱有菱花
鏡羞對單于照舊顏

王明君辭

并序

王明君者本是王昭君以觸文帝諱改之匈奴盛
請婚於漢元帝以後宮良家子昭君配焉昔公主
嫁烏孫令琵琶馬上作樂以慰其道路之思其送

昭君亦必爾也其造新曲多哀怨之聲故敘之於

紙云爾

人部

卷七十一

宮怨

我本漢家子將適單于庭辭訣未及終前驅已抗旌
僕御涕流離轅馬悲且鳴哀鬱傷五內泣淚沾朱纓
行行日已遠遂造匈奴城延我於穹廬加我閼氏名
殊類非所安雖貴非所榮父子見陵辱對之慙且驚
殺身良不易默默以苟生苟生亦何聊積思常憤盈
願假飛鴻翼乘之以遐征飛鴻不我顧佇立以屏營
昔爲匣中玉今爲糞上英朝華不足歡甘與秋草并
傳語後世人遠嫁難爲情

王昭君

宋鮑照

既事轉蓬遠心隨鴈路絕霜鞞旦夕驚邊笳中夜咽

明君詞

梁簡文帝

玉艷光瑤質金鈿婉黛紅一去葡萄觀長別披香宮
秋簷照漢月愁帳入胡風妙工偏見詆無由情恨通

明君詞

梁武陵王

塞外無春色邊城有風霜誰堪覽明鏡持許照紅妝

昭君詞

梁沈約

朝發披香殿夕濟汾陰河於茲懷九逝自此斂雙蛾
沾妝疑湛露繞臆狀流波日見奔沙起稍覺轉蓬多
胡風犯肌骨非直傷綺羅銜涕試南望關山爵差戢
始作陽春曲終成苦寒歌唯有三五夜明月暫經過

人部

卷十一

宮怨

王昭君

梁施榮泰

垂羅下椒閣舉袖拂胡塵唧唧撫心歎蛾眉誤殺人

昭君詞

陳陳昭

跨鞍今永訣垂淚別親眉漢地隨行盡胡關逐望新
交河擁塞霧隴口暗沙塵唯有孤明月猶能遠送人

明君詞

陳張正見

寒樹暗胡塵霜樓明漢月淚染上春衣憂變華年髮

明君詞

北周王褒

蘭殿辭新寵椒房餘故情鴻飛漸南陸馬首倦西征
寄書參漢使銜涕望秦城唯馬上下曲猶作出關聲

昭君辭應詔

北周庾信

斂眉光祿塞還望夫人城片片紅顏落雙雙淚眼生
冰河牽馬渡雪路抱鞍行胡風入骨冷夜月照心明
方調琴上曲變入一作胡笳聲

王昭君

北周庾信

拭啼辭戚里回顧望昭陽鏡失菱花影釵除却月梁
圍腰無一尺垂淚有千行綠衫一作承馬汗紅袖拂
秋霜別曲真多恨哀絃須更張

王昭君

古無名氏

倚蘭恩寵歇昭陽幸御稀朝辭漢闕去夕見胡塵飛

人部

卷十一

宮怨

寄言秦樓下因書秋鴈歸

昭君辭

隋薛道衡

我本良家子充選入椒庭不蒙女史進更失畫師情
蛾眉非本質蟬鬢改真形事由妾命薄誤使君恩輕
啼霜渭橋路歎別長安城夜依寒草宿朝逐轉蓬征
卻望關山迴前瞻沙漠平胡風帶秋月嘶馬雜笳聲
毛裘易羅綺氍毹帳代金屏自知連臉歇羞看菱鏡明
釵落終應垂髻解不須繁何用單于重詎假關氏名
駃騠聊彊食筒酒未能傾心隨故鄉斷愁逐塞雲生
漢宮如有憶為視旄頭星

王昭君

唐駱賓王初

斂容辭豹尾，絨怨度龍鱗。金鈿明漢月，玉筍染胡塵。
古鏡菱花暗，愁眉柳葉顰。唯有清笳曲，時聞芳樹春。

王昭君

唐宋之間初

非君惜鸞殿，非妾妬蛾眉。薄命由驕虜，無情是畫師。
嫁來胡地日，不並漢宮時。辛苦無聊賴，何看馬上辭。

王昭君

唐梁獻初

圖畫失天真，容華坐誤人。君恩不可再，妾命在和親。
淚點關山月，衣銷邊塞塵。一聞陽鳥至，思絕漢宮春。

王昭君

唐上官儀初

八部

卷七十一

三五

宮怨

玉關春色晚，金河路幾千。琴悲桂條上，笛怨柳花前。
霧掩臨妝月，風驚入鬢蟬。裁書待迴使，淚盡白雲天。

王昭君三首

唐郭元振初

自嫁單于國，長銜漢掖悲。容顏日憔悴，有甚畫圖時。

二

獸踐冰霜域，嗟爲邊塞人。思從漢南獵，一見漢家城。

三

聞有南河信，傳聞殺畫師。始知君惠重，更肯惜蛾眉。

王昭君三首

唐東方虬初

漢道初全盛，朝廷足武臣。何須薄命妾，辛苦遠和親。

二

掩涕辭丹鳳，銜悲向白龍。單于浪驚喜，無復舊時容。

三

胡地無花草，春來不似春。自然衣帶緩，非是爲腰身。

明妃曲四首

唐儲光義盛

西行隴上泣，胡天南向雲。中指渭川毳，幕夜來時宛。
轉何由得似漢王邊。

胡王知妾不勝悲，樂府皆傳漢國辭。朝來馬上箜篌
引，稍似宮中閑夜時。

日暮驚沙亂雪飛，傍人相勸易羅衣。強來前殿看歌
舞，共待單于夜獵歸。

八部

卷七十一

五十六

宮怨

彩騎雙雙引寶車，羌笛兩兩奏胡笳。若爲別得橫橋
路，莫隱宮中玉樹花。

王昭君

唐李白盛

昭君拂玉鞍，上馬啼紅顏。今日漢宮人，明朝胡地妾。

王昭君

唐崔國輔盛

漢使南還盡，胡中妾獨存。紫臺綿望絕，秋草不堪論。

王昭君歌

唐劉長卿中

自矜嬌豔色，不顧丹青人。那知粉繪能相負，却使容
華翻誤身上馬。辭君嫁驕虜，玉顏對人啼不語。北風

鴈急浮雲秋萬里獨見黃河流纖腰不復漢宮寵雙
蛾長向胡天愁琵琶絃中苦調多蕭蕭羌笛聲相和
誰憐一曲傳樂府能使千秋傷綺羅

王昭君二首

唐令狐楚

錦車天外去毳幕雪中開魏闕蒼龍遠蕭關赤鴈來

二

仙娥今下嫁驕子自同和劒戟歸田盡牛羊繞塞多

昭君詞

唐李端

李陵初送子卿迴漢月明時惆悵來憶著長安舊遊
處千門萬戶玉樓臺

人部

卷七十一

三七

宮怨

昭君詞

唐戴叔倫

漢家宮闕夢中歸幾度氍毹房淚濕衣惆悵不如邊鴈
影秋風猶得向南飛

王昭君二首

唐白居易

滿面胡沙滿鬢風眉銷殘黛臉銷紅愁苦辛勤憔悴
盡如今却似畫圖中

漢使却迴憑寄語黃金何日贖蛾眉君王若問妾顏
色莫道不如宮裏時

同謝諮議詠銅爵臺

齊謝朓

總帳飄井幹樽酒若平生鬱鬱西陵樹詎聞歌吹聲

芳襟染淚迹嬋娟空復情玉座猶寂寞況乃妾身輕

銅雀悲

齊謝朓

落日高城上餘光入總帷寂寂深松晚寧知琴瑟悲

銅雀妓

梁何遜

秋風木葉落蕭瑟管絃清望陵歌對酒向帳舞空城
寂寂簷簾一作宇曠飄飄帷幔輕曲終相顧起日暮

柏聲

銅爵妓

梁江淹

武皇去金閣英威長寂寞雄劍頓無光雜佩亦銷爍
秋至明月圓風傷白露落清夜何湛湛孤燭映蘭幕

人部

卷七十一

三八

宮怨

撫影愴無從惟懷憂不薄瑤色行應罷紅芳幾爲樂
徒登歌舞臺終成螻蟻郭

銅雀妓

梁劉孝綽

雀臺三五日絃歌一作吹似佳期況復西陵晚松風吹
總帷危絃斷復續妾心傷此時誰一作言留客袂還

翻一作掩望陵悲

銅雀臺

陳張正見

淒涼銅雀晚搖落墓田通雲慘當歌日松吟欲舞風
人疏瑤席冷曲罷總帷空可惜年將淚俱盡望陵中

銅雀臺

北齊荀仲舉

高臺秋色晚直望已悽然況復歸風便松聲入斷絃
淚逐梁塵下心隨團扇捐誰堪三五夜空對月光圓

銅雀臺

唐王無競初

北登銅雀上西望青松郭總帳空蒼蒼陵田紛漠漠
平生事已變歌吹宛猶昨長袖拂玉塵遺情結羅幙
妾怨在朝露君恩豈中薄高臺奏曲終曲終淚橫落

銅雀妓二首

唐王勃初

金鳳隣銅雀漳河望鄴城君王無處所臺榭若平生
舞筵紛可就歌梁儼未傾西陵松檟冷誰見綺羅情

入部

卷七十一

三十九

怨宮

妾本深宮妓層城閉九重君王歡愛盡歌舞爲誰容
錦衾不復褰羅衣誰再縫高臺西北望流涕向青松

銅雀妓

唐袁暉初

君愛本相饒從來似舞腰那堪攀玉座腸斷望陵朝
怨著情無主哀凝曲不調況臨松日暮悲吹坐蕭蕭

銅雀臺

唐宋之問初

昔年分鼎地今日望陵臺一旦雄圖盡千秋遺令開
綺羅君不見歌舞妾空來恩共漳河水東流無重回

銅雀臺

唐鄭愔初

日斜漳浦望風起鄴臺寒玉座平生晚金罇妓吹闌

舞餘依帳泣歌罷向陵看蕭索松風暮愁煙入井欄

銅雀妓

唐喬知之初

金閣惜分香鉛華不重妝空餘歌舞地猶是爲君王
哀絃聲已絕艷曲亦何長共看西陵暮秋煙起白楊

銅雀臺

唐賈至盛

日暮銅臺靜西陵鳥雀歸撫絃心斷絕聽管淚霏微
靈几臨朝奠空牀卷夜衣蒼蒼川上月應照妾魂飛

銅雀妓

唐高適盛

日暮銅雀迴秋深玉座清蕭森松柏望委鬱綺羅情
君恩不再得妾舞爲誰輕

入部

卷七十一

三十一

宮怨

銅雀妓

唐歐陽詹中

蕭條登古臺回首黃金屋落葉不歸林高陵永爲谷
妝容徒自麗舞態閑誰目惆悵總帷前歌聲苦於哭

銅雀妓

唐僧皎然中

強開樽酒向陵看憶得君王舊日歡不覺餘歌悲自
斷非關艷曲轉聲難

詩集類函卷七十一

詩集類函卷七十二

東吳俞安期彙纂 宣城梅鼎祚增定

關中朱惟楚訂校

人部十四 豔情

○豔情

豔詩 原作情詩

晉張華

明月曜清景 隴光照玄輝 幽人守靜夜 迴身入空帷
束帶俟將朝 廓落晨星稀 寐假交精爽 覲我佳人姿
巧笑媚惟一作權 屬聯娟 眸與眉 寢一作權 增長歎 悽然心
獨悲

人部 卷七十一

豔歌曲

梁簡文帝

雲楣桂成戶 飛棟杏爲梁 斜牕通蔬氣 細隙引塵光
裁衣魏后尺 汲水淮南牀 青驪暮當返 預使羅裙香

戲作豔詩

梁元帝

入堂值小婦 出門逢故夫 含辭未及吐 絞袖且踟躕
搖茲扇似月 掩此淚如珠 今懷固無已 故情今有餘

豔歌 原作應教

梁劉孝威

雙棲翡翠兩鴛鴦 巫雲洛月乍相望 誰家妖冶折花
枝 蛾眉慢睇使情移 青鋪綠璫琉璃扉 瓊筵玉筍金
縷衣 美人年幾可十餘 含羞嚬笑歛風裙 珠丸出彈

不可追空留可憐持與誰

豔詩 原作雜詩

梁施榮泰

趙女脩麗姿 燕姬正容飾 妝成桃毀紅 黛起草慙色
羅裙數十重 猶輕一蟬翼 不言穀袖輕 專歎風多力
銷珮玉池邊 弄笑銀臺側 折柳貽目成 採蒲贈心識
來時嬌未盡 還去媚何極

豔詩 原作雜詩

古無名氏

玉釵色未分 衫輕似露腕 舉袖欲障羞 迴持理髮亂

豔歌 原作轉歌

陳江總

七夕天河白露明 八月濤水秋風驚 樓中恒聞哀響

人部 卷七十一

二

曲塘上復有辛苦行 不解何意悲秋氣 直置無秋悲
自生 不怨前堦促織鳴 偏愁別路擣衣聲 別燕差池
自有返離蟬 寂寞詎含情 雲聚懷情四望臺 月冷相
思九重觀 欲題巧藥詩 不成來採芙蓉花 已散金樽
迷曲韓娥起 玉柱調弦楚妃歎 翠眉結恨不復開 寶
鬢迎秋度 前亂湘妃拭淚灑 貞筠筵藥浣衣何處人
步步香飛金薄履 盈盈扇掩珊瑚唇 已言採桑期 陌
上復能解佩就江濱 競入華堂耍花枕 爭開羽帳奉
華茵 不惜獨眠前下釣 欲許便作後來薪 後來來暝
同玉牀 可憐顏色無比方 誰能巧笑特窺井 乍取新

聲學繞梁宿處留嬌墮黃珥鏡前含笑弄明璫卷施
摘心心不盡葉更折葉葉更芳已聞能歌洞簫賦詎
是故愛邯鄲倡

豔曲二首原作

陳江總

殿內一處起金房併一作使勝餘人白玉堂珊瑚挂鏡
臨網戶芙蓉作帳照雕梁房櫳宛轉垂翠幕佳麗逶
迤隱珠箔風前花管颺難留舞處花鈿低不落陽臺
通夢太非真洛浦凌波復不新曲中唯聞張女調一作曲
定有同姓可憐人但願私情賜斜領不願傍人相
比並妾門逢春自可榮君面未秋何意冷

人部

卷七十二

三

豔曲

泰山言應可轉移新寵不信更參差合歡錦帶鴛鴦
鳥同心綺袖連理枝皎皎新秋月開早露飛螢暗
裏來鯨燈落花殊未盡虬水銀箭莫相催非是神女
期河漢別有仙姬入吹臺未眠解著同心結欲醉那
堪連理杯後宮不慙葉更芳夜夜爭開蘇合房寶釵
翠鬢還相似朱唇玉面非一行新人未語言如遼新
寵無前判不減願奉更衣蘭麝氣恐君馬到自驚香

豔曲原作

陳徐陵

傾城得意已無儔洞房連閣未消愁宮中本造鴛鴦
殿為誰新起鳳凰樓綠黛紅顏兩相發千嬌百念情

無歌舞衫迴袖勝春風歌扇當牕似秋月碧玉宮妓
自翩妍絳樹新聲最可憐張星舊在天河上從來張
姓本連天二八年時不憂度旁邊得寵誰相一作應妬
立春曆日自當新正月春幡底須故流蘇錦帳挂香
囊織成羅幌隱燈光只一作抵應私將琥珀枕暝眼來
上珊瑚牀

豔歌

陳張正見

城隅上朝日斜暉照杏梁併捲葉黃帳爭移翡翠牀
縈環聊向牖拂鏡且調妝裁金作小麝散麝起微黃
二八秦樓婦三十侍中郎執戟超丹地豐貂入建章

人部

卷七十二

四

豔曲

未安文史閣獨結少年場彎弧貫葉月一作影學劍動
星芒翠蓋飛城曲金鞍橫道傍調鷹向新市彈雀往
睢陽行行稍有極暮暮歸蘭房前瞻富羅綺左顧足
鴛鴦蓮舒千葉氣燈吐百枝光滿酌胡姬酒多燒荀
令香不學幽閨妾生離怨採桑

豔曲原作

陳傅緯

新人新寵住蘭堂翠帳金屏玳瑁牀一作梁叢星不似
珠簾色度月還如一作同粉壁光從來著名推趙子復
有丹唇發皓齒一嬌一態不難逢如畫如花定相似
樓臺宛轉曲皆通絃管逶迤徹下風此殿笑語長相

共一作恒 傍省歡娛不復同訝許人情太厚薄分恩

賦念能斟酌多作繡被為鴛鴦一作雙鴛長弄綺琴憎別

鶴人今按寵要須堅會使歲寒恒度前共取辰星作

心抱無轉無移千萬年

新曲二首

唐長一作無忌初

阿儂家住朝歌下早傳名結伴來遊淇水上舊長情

玉佩金鈿隨步達一作動雲羅霧縠逐風輕轉目機心

懸自許何須更待聽琴聲

迴雪凌波遊洛浦遇陳王婉約娉婷工語笑待蘭房

芙蓉綺帳還開掩翡翠珠被爛齊光長願今宵奉顏

人部

卷七十二

五

鮑清

色不愛吹一作簫逐鳳凰

樂府新歌應教

唐謝偃初

青樓綺閣已含春凝妝豔粉復如神細細輕裙一作裙

全漏影離離薄扇詎障塵樽中酒色恒宜滿曲裏歌

聲不厭新紫燕欲飛先遶棟黃鸝如弄即嬌人撩亂

垂絲昏柳陌參差濃葉暗桑津上客莫畏斜日晚自

有西園明月輪

豔曲原作雜曲

唐王勃初

智瓊神女來訪文君蛾眉始勻羅裙初薰歌齊曲韻

舞亂行分若向陽臺薦枕何當得勝朝雲

豔歌原作古意

唐吳少微初

洛陽芳草向春開洛陽女兒平旦來流車走馬紛相

催折芳瑤華向曲臺曲臺自有千萬行重花累葉間

垂楊北林朝日錦明光南國微風蘇合香可憐窈窕

女不作邯鄲娼妙舞輕回拂長袖高歌浩唱發清商

歌終舞罷歡無極樂往悲來長歎息陽春白日不少

留紅花碧樹無顏色碧樹風花先春度珠簾粉澤無

人顧如何年少忽遲暮坐見明月與白露明月白露

夜已寒香衣錦帶空珊珊今日陽春一妙曲鳳凰樓

上與君彈

人部

卷七十二

六

鮑清

古豔詩

唐盧綸中

殘妝色淺髻鬟開笑映珠簾觀客來推醉唯知弄花

鈿潘郎不敢使人催

豔曲原作古意

唐李商隱晚

悵望逢張女遲迴送阿侯空看小垂手忍問大刀頭

妙選茱萸帳平居翡翠樓雲屏不取暖月扇未噓羞

上掌真何有傾城豈自由楚妃交薦枕漢后共藏羞

夫向羊車覓男從鳳穴求書成被袂帖唱殺畔牢愁

夜杵鳴江練春刀解石榴象牀穿幘網犀帖釘牕油

仁壽遺明鏡陳倉拂綵毵直防舞如意伴蓋卧筵簾

濯錦桃花水淺裙杜若洲魚兒懸寶劍燕子合金甌
錦箭摧搖落華筵慘去留幾時銷薄怨從此抱離憂
帆落啼猿峽樽開盡鷁舟急絃腸對斷翦蠟淚爭流
璧馬誰能帶金蟲不復收銀河撲醉眼珠弗咽歌喉
去夢隨川后來風貯石郵蘭叢含露重榆英點星稠
解佩無遺跡凌波有舊遊曾來十九首私識詠牽牛
奉和麗情 唐張賁 晚

何事桃源路忽迷曾留雲雨怨空閨仙郎共許多情
調莫遣重歌濁水泥

莫唱豔歌疑翠黛已通仙籍在金閨他時若寄相思
人部 卷七十二 七 豔情

淚紅粉痕應伴紫泥

燕人美篇一作思心多 晉傅玄

燕人美兮趙女佳其室則邇今限層崖雲爲車兮風
爲馬玉在山兮蘭在野雲無期兮風有止思多端兮

誰能理一作思心多

可愛 宋鮑照

風帷閃珠帶月幌垂霧羅魏粲縫秋裳趙豔習春歌

戲作 梁武帝

宓妃生洛浦游女出漢陽妖閑逾下蔡神妙絕高唐
綿駒且變俗王豹復移鄉况茲集靈異豈得無方將

長袂必留客清哇咸繞梁燕趙羞容止西施慙芬華
徒聞珠可弄定自乏明璫

東飛伯勞歌 梁武帝

東飛伯勞西飛鸞黃姑織女時相見誰家女兒對門
居開顏發豔照里閨南牕北牕挂明一作光羅帷綺
帳脂粉香女兒年幾十五六窈窕無雙顏如玉三春
已暮花從風空留可憐誰與同

東飛伯勞歌二首 梁簡文帝

翻階蛺蝶戀花情容華飛燕相逢迎誰家總角岐路
陰裁紅點翠愁人心天牕綺井暖徘徊珠簾玉篴明
人部 卷七十二 八 豔情

鏡臺可憐年幾十三四工歌巧舞入人意白日西落

楊柳垂含情弄態兩相知

西飛迷雀東羈雉倡樓秦女乍相值誰家妖麗鄰中
止輕妝薄粉光間里網戶珠綴曲瓊鈎芳茵翠被香
氣流少年年幾方三六合嬌聚態傾人日餘香落藥
坐相催可憐絕世爲誰媒

東飛伯勞歌 陳後主

池側鴛鴦春日鶯綠珠絳樹相逢迎誰家佳麗過淇
上翠釵綺袖波中漾雕軒繡戶花恒發珠簾玉砌移
明月年時三七猶未笄轉顧流盼鬟髮低風飛燕落

將一作時何故可惜可憐空擲度

東飛伯勞歌

陳陸瑜

西王青鳥秦女鸞姮娥婆女慣相看誰家玉顏窺上路粉色衣香維風度九重樓檻芙蓉華四鄰照鏡菱菱花新妝年幾纔三五隱慢藏羞臨網戶然香氣歇不飛煙空留可憐年一年

東飛伯勞歌

陳江總

南飛鳥鵲北飛鴻弄玉蘭香時會同誰家可憐出牕牖春心百媚勝楊柳銀牀金屋挂流蘇寶鏡玉釵橫珊瑚年時二八新紅臉宜笑歌羞更歛風花一去人部

卷七十二

九

驚情

香不歸祗爲無雙惜舞衣

東飛伯勞歌

隋辛德源

合歡芳樹連理枝荆王神女乍相隨誰家妖豔蕩輕舟含嬌轉盼騁風流犀棹蘭橈翠羽益雲羅霧縠蓮花帶女兒年幾十六七玉面新妝映朝日落花從風俄度春空留可憐何處新

烏棲曲四首

梁簡文帝

芙蓉作船絲作紆北斗橫天月將落採蓮渡頭擬黃河郎今欲渡畏風波浮雲似帳月如鉤那能夜夜南陌頭宜城投泊今行

熟停鞍繫馬暫棲宿

青牛丹轂七香車可憐今夜宿倡家倡家高樹烏欲棲羅幃翠帳向君低

織成屏風金屈膝朱唇玉面燈前出相看氣息望君憐誰能含羞不自前

烏棲曲四首

梁元帝

沙棠作船桂爲楫夜渡江南採蓮葉復值西施新浣

紗共向江干眺月華

王臺作共汎江干瞻月華

月華似璧星如珮流影澄明玉堂內邯鄲九枝朝始成金卮玉盤共君傾

人部

卷七十二

十

驚情

交龍成錦闥鳳紋芙蓉爲帶石榴裙日下城南兩相望月沒參橫掩羅帳

七彩隋珠九華玉蛺蝶爲歌明星曲蘭房椒閣夜方開那知步步香風逐

烏棲曲應令三首

梁蕭子範

握中清酒瑤瑤鍾鍾裾邊雜珮琥珀紅欲持寄君心不惜共指三星今何夕

濃黛輕紅點花色還欲令人不相識金壺夜永詎能多莫待賒用比懸河

芳樹歸飛聚儔匹猶有殘光半山日莫憚寒裳不相

求漢皇遊女習飛一作流

烏棲曲三首

陳後主

陌頭新花歷亂生
葉裏啼鳥送春情
長安游俠無數
伴白馬驪珂路中滿

金鞍向曉欲相連
玉面俱要來帳前
含態眼語懸相
解翠帶羅裙入為解

合歡襦薰百和香
牀中被織兩鴛鴦
鳥啼漢沒天應
曙只持懷抱送郎去

烏棲曲

陳岑之敬

驄馬直去沒浮雲
河渡水開兩岸分
鳥藏日暗行人

入部

卷二十二

十二

驚情

息空棲隻影長
相憶明月二八照
花新富爐十五晚
留賓

烏棲曲

陳江總

桃花春水木蘭橈
金羈翠蓋聚河橋
隴西上計應行
去城南美人啼著曙

烏棲曲二首

陳徐陵

卓女紅妝期此夜
胡姬沽酒誰論價
風流荀令好兒
郎偏能傳粉復薰香

繡帳羅帷隱燈燭
一夜千年猶不足
唯憎無賴汝南
雞天河未落猶爭啼

歡聞歌

梁武帝

艷艷金樓女
心如玉池蓮
持底報郎恩
俱期遊梵天

歡聞變歌

梁王金珠

南有相思木
合影復同心
游女不可求
誰能識得音

金樂歌

梁簡文帝

槐香欲覆井楊柳
正藏鷄山鑪好
無比玉構火
牀頭辟繩結鏡上
領巾斜鐵鑊種梁子
銅樞生棗花

開門拋水柱一作信
城按特言家

金樂歌

梁房象

入部

卷七十一

十二

驚情

前谿流碧水
後渚映青天
登臺臨寶鏡
開牕對綺錢
玉顏光粉色
羅袖拂金鈿
春風散輕蝶
明月映新蓮

摘花競時侶
催指及芳年

楚王吟

梁張率

章臺迎夏日
夢遠感春條
風生竹簾響
雲垂草綠饒
相看重束素
唯欣爭細腰
不惜同從理
但使一聞韶

玉樹後庭花

陳後主

麗宇芳林對高閣
新妝豔質本傾城
映戶疑嬌乍不
進出惟含態
笑相迎
妖姬臉似花
含露玉樹流光照

後庭

永世樂

北齊魏收

綺牕斜影入上客酒須添翠羽方開美鈿華汗不霑
關門今可下落珥不相嫌

踏歌詞三首

唐謝偃

春景嬌春臺新露泣新梅春葉參差吐新花重疊開
花影飛鶯去歌聲度鳥來倩看飄飄雪何如舞袖迴

二

逶迤度香閣顧步出蘭閨欲繞鴛鴦殿先過桃李蹊
風帶舒還卷簾花舉復低欲問今宵樂但聽歌聲齊

三

入部

卷七十三

十三

詩情

夜久星沈沒更深月影斜裙輕纔動珮髮薄不勝花
細風吹寶袂輕露濕紅紗相看樂未已蘭燈照九華

踏歌詞二首

唐崔液

絲女迎金屋仙姬出畫堂鴛鴦裁錦袖翡翠帖花黃
歌響舞分行艷色動流光

庭際花微落樓前漢已橫金臺催夜盡羅袖舞寒輕
樂笑暢歡情未半著天明

火鳳詞二首

唐會要曰貞觀中有裴神符者妙解琵琶清美太宗深愛之

樂曲聲度清美太宗深愛之則火鳳益貞觀以前之曲也

唐李百藥

歌聲扇後出妝影鏡中輕未能令掩笑何處欲障聲
知音自不惑得念是分明莫見雙嚙歛疑人含笑情

佳人靚晚妝清唱動蘭房影入

一作出

含風扇聲飛照

日梁嬌嚙眉際歛逸韻口中香自有橫陳分

一作會

應憐秋夜長

堂堂二首

唐李義府

鏤月成歌扇裁雲作舞衣自憐回雪影好取洛川歸

二

入部

卷七十三

十四

詩情

白紵辭

唐李白

吳刀翦綵縫舞衣明妝麗服奪春輝揚眉轉袖若雪
飛傾城獨立世所稀激楚結風醉忘歸高堂月落燭

已微玉釵挂纓君莫違

掘柘詞

唐溫庭筠

楊柳繁橋綠玫瑰拂地紅繡衫金腰裏花髻玉瓏璁
宿雨香潛潤春流水暗通畫樓初夢斷曉日照相風

和湘東王名士悅傾城

梁簡文帝

美人稱絕世麗色譬花叢雖居李城北住在宋家東
教歌公主第學舞漢成宮多游淇水上好在鳳樓中

履高疑上砌，裾開特畏風。衫輕見跳脫，珠概雜青蟲。
垂絲遶帷幔，落日度房櫳。妝牕隔柳色，井水照桃紅。
非憐江浦珮，羞使春閨空。

敬酬劉長史詠名士悅傾城 梁劉綏

不信巫山女，不信洛川神。何關別有物，還是傾城人。
經共陳王戲，曾與宋家鄰。未嫁先名玉，來時本姓秦。
粉光猶似面，朱色不勝唇。遙見疑花發，聞香知異春。
釵長逐鬢髮，袜小稱腰身。夜夜言嬌盡，日日態還新。
工傾荀奉倩，能迷石季倫。上客徒留目，不見正橫陳。

詠歌眠

梁戴暲

人部

卷七十二

十五

驚情

拂枕薰紅氍，迴燈復解衣。傍邊知夜永，不喚定應歸。

從頓還城南

梁簡文帝

暫別兩成疑，開簾生舊憶。都知未有情，更似新相識。

從頓暫還城

梁簡文帝

漢渚水初綠，江南草復黃。日照蒲心發，一作發風吹梅
蕊香。征艫艤湯塹，歸騎息金隍。舞觀衣常襞，歌臺絃
未張。持此橫行去，誰念守空牀。

從頓還城應令

梁劉遵

漢水深難渡，深潭見底清。錦笳繁鳧舸，珠竿懸翠旌。
鳴笳芳樹曲，流唱採蓮聲。神遊不停駕，日暮返連營。

寧顧空房裏，階下綠苔生。

別義陽郡二首

梁徐君蒨

翔鳳樓遙望，與雲浮歌聲。臨樹出舞影，入江流落葉。
看村近天高，應向秋

飾面亭妝成，更點星。頰上紅疑淺，睂心黛不青。故留
殘粉絮，挂看箔簾釘。

晚景出行

梁簡文帝

細樹含殘影，春閨散晚香。輕花鬢邊墮，微汗粉中光。
飛鳧初罷曲，啼鳥忽度行。羞令白日暮，車騎爵相望。

遙望

梁簡文帝

人部

卷七十二

十六

驚情

散誕垂紅帔，斜柯插玉簪。可憐無有比，恣許直千金。

早行逢故人車中為贈

梁沈約

殘朱猶曖曖，餘粉尚霏霏。昨宵何處宿，今晨拂露歸。
遙見鄰舟主人投一物，衆姬爭之有客請余爲

詠

梁劉孝綽

河流既浼浼，河鳥復關關。落花浮浦出，飛雉度洲還。
此日倡家女，競嬌桃李顏。良人惜美珥，欲以代芳管。
新縑疑故素，盛趙裝班班。曳綃爭掩袂，搖珮奮一作
鳴環。客心空振蕩，喬枝不可攀。

落日看還

梁鮑泉

妖姬競早春上苑逐名辰苔輕變水色霞濃
雕甍斜落景盡扇拂游塵衣香遙已度衫紅遠更新
誰家蕩舟妾何處織絲人

夢入堂內

北周庾信

雕梁舊刻杏香壁本泥椒慢繩金麥穗簾鈎銀蒜條
畫眉千度拭梳頭百遍撩小衫裁裏臂纏絃摺抱腰
日光釵釵動動影鏡花搖歌曲風吹韻笙簧火炙調
卽今須戲去誰復待明朝

見諸姬學玉臺體

唐皇甫冉

豔唱召燕姬清絃待盧女由來道姓秦誰不知家楚
人部 卷七十二 十七

傳杯見目成結帶明心許寧辭玉輦迎自堪金屋貯
一去作行雲襄王迷處所

效玉臺體

唐羅隱

青樓枕路隅壁甃復椒塗晚夢通簾押春寒逼酒壚
解吟憐芍藥難見恨萼蒲試問年多少鄰姬亦姓胡

偶見

唐韓偓

千金莫惜早蓮生一笑從教下蔡傾仙樹有花難問
種御香聞氣不知名愁來自覺歌喉咽瘦去誰憐舞
輕小疊紅衫書恨字與奴方便送卿卿

復偶見

唐韓偓

桃花臉薄難藏淚桂葉眉長易覺愁密迹未成當面
笑幾迴擡眼又低頭

馬上見

唐韓偓

驕馬錦連乾乘騎是謫仙和裙穿玉鐙隔袖把金鞭
去帶憎騰醉歸應困頓眠白憐輪廐吏餘暖在香鞦

喜春遊歌二首

隋煬帝

禁苑百花新佳期遊上春輕身趙皇后歌曲李夫人

步綏知無力臉曼動餘嬌錦袖淮南舞寶袂楚宮腰

林苑人勝衣也崔豹古今注謂之服
綵注引左傳和服謂日日近身衣也

人部

卷七十二

十八

春遊樂二首

唐李端

遊童蘇合彈倡女蒲葵扇初日映城時相思忽相見
寒棠踞露草理鬢迴花面薄暮不同歸留情此芳甸

二

柘彈連錢馬銀鈎髮鬢鬟摘桑春陌上踏草夕陽間
意合辭先露心誠貌却閑明朝若相憶雲雨出巫山

春情

唐孟浩然

青樓曉色珠簾映紅粉春妝寶鏡催已厭交歡憐枕
席相將遊戲遶池臺坐時衣帶紫纖草行卽裙裾掃
落梅更待明朝不當作相期共鬪管絃來

春詞

唐王建中

紅煙滿戶日照梁天絲軟弱蟲飛揚菱花霍霍繞帷
光美人對鏡著衣裳庭中並種相思樹夜夜還棲雙
鳳凰

春懷引

唐李賀中

芳谿密影成花洞柳結濃煙花帶重蟾蜍碾玉挂明
弓捍撥裝金打仙鳳寶枕垂雲選春夢鈿合碧寒龍
腦凍阿侯繫錦覓周郎憑仗東風好相送

執筆戲書

梁簡文帝

舞女及燕姬倡樓復蕩婦參差大戾發搖曳小垂手
人部 卷七十一 十九 驚情

釣竿蜀國彈新城折楊柳玉案西王桃蠶杯石榴酒
甲乙羅帳異辛壬房戶暉夜夜有明月時時憐更衣

率爾成詠

梁簡文帝

借問仙將畫詎有此佳人傾城且傾國如雨復如神
漢后憐名燕周王重姓申挾瑟曾遊趙吹簫屢入秦
玉階偏望樹長廊每逐春約黃出意巧纏絃用法新
迎風時引袖避日暫披巾疎花映髻插細珮遶衫身
誰知日欲薄含羞不自陳

奉和率爾有詠

梁王訓

殿內多仙女從來難比方別有當臆艷復是可憐妝

學舞勝飛燕染粉薄南陽散黃分黛色薰衣雜更香
簡欽新帳翠試履逆填牆一朝恃容色非復守空房
君恩若可恃願作雙鴛鴦

無題六首

唐李商隱 晚

重幃深下莫愁堂卧後清宵細細長神女生涯元是
夢小姑居處本無郎古詩有句風波不信菱枝弱
月露誰教桂葉香直道相思了無益未妨惆悵是清
狂

相見時難別亦難東風無力百花殘春蠶到死絲方
盡蠟炬成灰淚始乾曉鏡但愁雲鬢改夜吟應覺月

人部

卷七十一

二十一

光寒蓬山此去無多路青鳥殷勤為探看

昨夜星辰昨夜風畫樓西畔桂堂東身無絲鳳雙飛
翼心有靈犀一點通隔座送鉤春酒暖分曹射覆蠟
燈紅嗟余聽鼓應官去走馬蘭臺類轉蓬

來是空言去絕蹤月斜樓上五更鐘夢為遠別啼難
喚書被催成墨未濃蠟照半籠金翡翠廚薰微度繡
芙蓉劉郎已恨蓬山遠更隔蓬山一萬重

颯颯東風細雨來芙蓉塘外有輕雷金蟾香鑲燒香
入玉虎牽絲汲井迴賈氏窺簾韓掾少必妃留枕魏
王才春心莫共花爭發一寸相思一寸灰

聞道閨門萼綠華
青年相望抵天涯
豈知一夜奈樓
客偷看吳王苑內花

無題

唐李商隱

八歲偷照鏡長眉已能盡
十歲去踏青芙蓉作裙袴
十二學彈箏銀甲不曾卸
十四藏六親懸知猶未嫁
十五泣春風背立鞦韆下

無題

唐李商隱

近知名阿侯佳處小
江流腰細不勝舞
眉長雖是愁黃金堪作屋
何不重樓

無題

唐李商隱

入部

卷七十二

二十二

無題

照梁初有情出水舊知名
裙袴芙蓉小釵茸翡翠輕
錦長書鄭重眉細恨分明
莫近彈碁局中心最不平

無題

唐李商隱

紫府仙人號寶燈
雲漿未飲結成冰
如何雪月交光夜更在瑤臺十二層

無題二首

唐韓偓

晚

小檻後燈炮空房鎖隙塵
額波風盡日簾匣月侵晨
香辣更衣後釵梁攏鬢新
古音聞詭計醉語近天真
妝好方長歎歡餘却淺嚙
繡屏金作屋深懸玉為輪
致意通綿竹精誠託錦鱗
歌疑眉際恨酒發臉邊春

谿草殊輕越樓簫豈羨秦
柳虛懷冷氣梅實苦
樂府降清唱宮厨減食珍
防閑襟併飲忍妬淚休
宿飲愁繁夢春寒瘦著人
手持雙豈楚的的為東鄰

二

碧瓦偏光日紅簾不受塵
柳昏連綠野花爛熳清晨
書密偷看數情通破體新
明言終未實暗祝始應真
枉道嫌偷藥推誠鄙效嚙
合成雲五色宜在日中輪
照獸金塗爪釵魚玉鏤鱗
渺瀰三島浪平遠一樓春
墮髻還名壽脩娥本姓秦
棹尋聞大洞槎入飲牛津
麟脯隨重釀霜華間八珍
錦衾霞彩爛羅襪研光勻

入部

卷七十二

三十二

無題

羞澀伴牽伴嬌嬈欲泥人
偷兒難捉搦慎莫共比鄰
查下歸同路烏衣住作鄰
珮聲猶隔箔香氣已迎人
酒勸杯須滿書羞字不勻
歌憐黃竹怨味實碧桃珍
剪燭非良策當關是要津
東阿初渡洛楊悵舊秦
粉化橫波溢衫輕曉霧春
鷓鴣雙鳳翅麝月半魚鱗
別袂翻如浪回腸轉似輪
後期纔注脚前事又含嚙
縱有才難詠寧無畫逼真
天香聞更有瓊樹見長新
蘭草長更僕迷闌誤達晨
嗅花判不得檀注惹芳塵

無題倒押前韻

唐韓偓

晚

和無題

唐

晚

紫螭融花帶紅綿拭鏡塵夢狂翻惜夜妝嬾厭
茜袖啼痕數香殘墨色新

偶題

唐溫庭筠

孔雀眠高閣櫻桃拂短簷盡明金冉冉語玉纖纖
細雨無妨燭輕寒不觸簾欲將紅錦段因夢寄江淹

偶題

唐羅隱

鍾陵醉別十餘春重見雲英掌上身我未成名君未
嫁可能俱是不如人

東陽谿中贈答二首

宋謝靈運

可憐誰家婦綠流瀉一作洗素足明月在雲間迢迢不

人部

卷七十二

三

可得

可憐誰家郎綠流乘素舸但問情若何月就雲中墮
爲人有贈

宋王僧孺

碧玉與綠珠張盧復雙女曼聲古難匹長袂世無侶
似出鳳凰樓言發瀟湘渚幸有寒裳便含情寄一語

贈張麗華

帝昏而往往爲妖祟所惑嘗遊吳公宅雞臺與陳後主相遇後主詩女數

十許中一人迴美帝後主後上云此即麗華也帝與後主後詩十數篇麗華拜求帝一

見面無多事聞名爾許時坐來生百媚實箇好相知

和贈達

唐獨孤及

憶得去年春風至中庭桃李映鎖牕美人挾瑟對芳
樹玉顏亭亭與花雙今年新花如舊時去年美人不
在茲借問離居恨深淺祗應獨有庭花知

代贈

唐李商隱

楊柳路盡處芙蓉湖上頭雖同錦步障獨映鈿箜篌
鴛鴦可羨頭俱白飛去飛來煙雨秋

代應

唐李商隱

本來銀漢是紅牆隔得盧家白玉堂誰與王昌報消
息盡知三十六鴛鴦

六憶詩

梁沈約

人部

卷七十二

二十四

憶來時灼灼上堦堦勤勤叙別離慊慊道相思相看

常不足相見乃忘饑
憶坐時點點羅帳前或歌四五曲或弄兩三弦笑時

應無比嗔時更可憐
憶食時臨盤動容色欲坐復羞坐欲食復羞食含哺

如不饑擎甌似無力

憶眠時人眠彊未眠解羅不待勸就枕更須牽復恐
傍人見嬌羞在燭前

效劉孝綽雜憶詩二首

隋煬帝

憶睡時待來剛不來卸妝仍索伴解珮更相催博山

思結夢泥水未成灰

憶起時投籤初報曉被憑香黛殘枕隱金釵鼻笑動
上林中除却司晨鳥

三憶

唐韓偓

憶眠時春夢困騰騰展轉不能起玉釵垂枕稜
憶行時背手移金雀欽笑慢回頭步轉欄干角
憶去時向月遲遲行強語戲同伴圖郎聞笑聲

和蕭記室春旦有所思

梁費昶

芳樹發春輝蔡子望青衣水逐桃花去春隨楊柳歸
楊柳何時歸裊裊復依依已蔭章臺陌復掃長門扉

人部

卷七十一

二十五

離情

獨知離心者坐惜春光違洛陽遠如日何由見宓妃

憶韓俊娥二首

帝在廣陵侍兒韓俊娥尤得帝意蕭妃誣罪去之帝不能止服

隋煬帝

黯黯愁侵骨綿綿病欲成須知潘岳鬢強半為多情

二

不信長相憶絲從鬢裏生閑來倚樓立相望幾含情

憶秦娥

唐李白

簫聲咽秦娥夢斷秦樓月秦樓月年年柳色灞陵傷
別樂遊原上清秋節咸陽古道音塵絕音塵絕西風
殘照漢家陵闕

夜思

唐李商隱

銀箭耿寒漏金缸凝夜光綵鸞空自舞別燕不相將
寄恨一尺素含情雙玉璫會前猶月在去後始宵長
往事經春物前期託報章永今虛榮枕長不掩蘭房
覺動迎猜影疑來浪認香鶴應聞露警蜂亦為花忙

獨夜作

唐李建勳

佳人一去無消息夢覺香殘愁復入空庭悄悄月如
霜獨倚欄干伴花立

奉和示內人

北周庾信

然香鬱金屋吹管鳳凰臺春朝迎雨去秋夜隔河來

人部

卷七十一

二十六

離情

聽歌雲卽斷聞琴鶴倒回春牕刻鳳下寒壁盡花開
定取流霞氣時添承露杯

寄碧玉詩

陳後主

離別腸應斷相思骨合銷愁魂若飛散憑仗一相招

寄遠

唐李白

遙知玉牕裏纖手弄雲和秦曲有深意青松交女蘿
瀉水出井中同泉豈殊波秦心與楚恨皎皎爲誰多

二

青樓何所在乃在碧雲中寶鏡挂秋水羅衣輕春風

新妝坐落日悵望金屏空念此送短書願因雙飛鴻

三

遠憶巫山陽花明渌水暖躊躇未得往淚向南雲滿
春風復無情吹我夢魂斷不見眼中人天長音信短

四

陽臺隔楚水春草生黃河相思無日夜浩蕩若流波
流波向海去欲見終無因遙將一點淚遠寄如花人

寄遠三首

唐李白

憶昨東園桃李紅碧枝與君此時初別離金瓶落井
無消息令人行歎復坐思坐思行歎成楚越春風玉

人部

卷七十二

二十七

離情

顏畏銷歇碧牕紛紛下落花青樓寂寂空明月兩不
見但相思空留錦字表心素至今緘愁不忍窺

美人在時花滿堂美人去後餘空牀牀中繡被卷不
寐至今三載間餘香亦竟不滅人亦竟不來相思

黃葉落白露濕青苔

愛君芙蓉嬋娟之艷色色可餐今難再得憐君冰玉

清迥之明心情不極今意已深朝共琅玕之綺食夜

同鴛鴦之錦衾恩情婉婉忽為別使人錯莫亂愁心

亂愁心涕如雪寒燈厭夢魂欲絕覺來相思生白髮

盈盈漢水若可越可惜凌波步羅襪美人美人兮歸

去來莫作朝雲暮雨今飛陽臺

寄遠曲

唐王建

美人別來無處所巫山月明湘江雨千迴相見不分
明井底看星夢中語兩心相對尚難知何況萬里不

相疑

寄遠曲

唐張籍

美人來去春江暖江頭無人湘水滿浣沙石上水禽
栖江南路長春日短蘭舟桂楫常渡江無因重寄雙

瓊瑤

寄非煙

武氏妾

唐趙象

人部

卷七十二

二十八

離情

一覩傾城貌塵心只自猜不隨蕭史去擬學阿蘭來

荅非煙

唐趙象

擲履仙鳬起捲衣蝴蝶飄羞中含薄怒嚙裏帶餘嬌
醒後猶攘腕歸時更折腰狂夫自纓絕眉勢倩誰描

因留玉指環一枚并詩寄情 唐韋阜

黃雀銜來已數春別時畱解贈佳人長江不見魚書

至為遣相思夢入秦

在王晉安酒席數韻

梁王僧孺

窈窕宋華容但歌有清曲轉吟非無以斜眉幸相賜
誰許飛更勝劉碧玉何因送款款半飲杯中醪

對酒

唐李白盛

葡萄酒金叵羅吳姬十五細馬馱青黛畫眉紅錦靴
道字不正嬌唱歌玳瑁筵中懷裏醉芙蓉帳底奈君
何

夜宴曲

唐施肩吾

蘭缸如晝買不眠玉爐夜起沈香煙青娥一行十二
仙欲笑不笑桃花燃碧牕弄嬌梳洗晚戶外不知雲
漢轉被郎噴罰屠蘇盞酒入四肢紅玉軟

邯鄲行

齊陸厥

趙女嘯鳴琴邯鄲紛躡步長袖曳三街兼金輕一顧
人部 卷七十二 二十九 鮑清

有美獨臨風佳人在遐路相思欲褰袵叢臺日已暮

南郡歌

齊陸厥

江南可採蓮蓮生荷已大旅鴈向南飛浮雲復如蓋
望美積風露疎麻成襟帶雙珠惑漢臯蛾眉迷下蔡
下齒徒粲然誰與啓含貝

襄陽曲

唐李端中

襄陽堤路長草碧柳枝黃誰家女兒臨夜妝紅羅帳
裏有燈光雀釵翠羽動鳴璫欲出不出脂粉香同居
女伴正衣裳中庭寒月白如霜賈生十八梳才子空
得門前一斷腸

邯鄲市

唐王建中

遠客無主人夜投邯鄲市飛蛾繞殘燭半夜人醉起
壚邊酒家女遺我絢綺被合成雙鳳花宛轉不相離
縱令顏色改勿遣合歡異一念始為難萬金誰足貴
門前長安道去者如流水晨風羣鳥翔徘徊別離此
追賦盡江潭苑四首 唐李賀

二

吳苑曉蒼蒼宮衣水濺黃小鬟紅粉薄騎馬珮珠長
路指臺城迴羅薰袴褶香行雲霽翠輦今日似襄王
寶林菊衣單蕉花密露寒水光蘭澤葉帶重剪刀錢
人部 卷七十二 三十一 鮑清

角暖盤弓易鞬長上馬難淚痕霑寢帳勻粉照金鞍

三

翦翅小鷹斜綰根玉鏃花鞦垂妝鈿栗箭簾釘文牙
鷲骨啼深竹鷓鴣老濕沙宮官燒蠟火飛爐汚鉛華
四

十騎簇芙蓉宮衣小隊紅練香燠宋鵲尋箭踏盧龍
旗濕金鈴重霜乾玉鐙空今朝盡眉早不待景陽鐘

河陽詩

唐李商隱晚

黃龍搖浴天上來玉樓影近中天臺龍頭瀉酒客壽
淺笑紅玫瑰梓澤東來七十里長溝複壘理

雪子可惜秋眸一翳光漢陵走馬黃塵起南浦老魚
腥古涎直珠密字芙蓉篇湘中寄到夢不到衰容自
去拋涼天憶得蛟絲裁小卓蚊蝶飛回木綿薄綠繡
筆囊不見人一口紅霞夜深嚼幽蘭泣露新香死盡
圖淺縹松谿水楚絲微覺竹枝高半曲新辭寫綿紙
巴西夜市紅守宮後房點臂斑斑紅堤南渴鴈自飛
久蘆花一夜吹西風曉簾串斷蜻蜓翼羅屏但有空
青色玉灣不釣三千年蓮房暗被蛟龍惜濕銀注鏡
井口平鸞釵映月寒鐸鐸不知桂樹在何處仙人不
下雙金莖百尺相風插重屋側近嬌紅伴柔綠百勞
人部 卷七十二 三十一

碧城三首

唐李商隱晚

碧城十二曲闌干犀辟塵埃玉辟寒閨苑有書多附
鶴女牆無樹不棲鸞星沈海底當牕見雨過河源隔
座看若是曉珠明又定一生長對水精盤
對影聞聲已可憐玉池荷葉正田田不逢蕭史休廻
首莫見洪崖又拍肩紫鳳放嬌銜楚珮赤鱗狂舞撥
湘絃鄂君悵望舟中夜綳被焚香獨自眠
七夕來時先有期洞房簾箔至今垂玉輪顧兔初生
魄鐵網珊瑚未有枝檢與神方教駐景收將鳳紙寫

相思武皇內傳分明在莫道人間總不知

碧瓦

唐李商隱晚

碧瓦街珠樹紅輪結綺寮無雙漢殿鬢第一楚官腰
霧唾香難盡珠啼冷易銷歌從雍門學酒是蜀城燒
柳暗將翻巷荷歌正抱橋鈿轅開道入金管隔鄰調
夢到飛翬急書成即席遙河流衝柱轉海沫近槎飄
吳市蟄蜺甲巴賈翡翠翹他時未知意重疊贈嬌嬈
洞戶 唐溫庭筠晚

人部

卷七十二

三十一

素手琉璃扇玄髮玳瑁簪□□看寄迹梔子詠同心
樹列千秋勝樓懸七夕針舊詞翻白紵新賦換黃金
吹鶴調鸞鼓驚蟬應寶琴舞疑繁易度歌轉斷難尋
露委花相妬風歌柳不禁橋彎雙表迴池漲一篙深
清蹕傳恢囿黃旗幸上林神鷹參翰苑天馬破蹄涔
武庫方題品文園有好音朱莖殊菌蠢丹桂欲蕭森
黼帳廻瑤席華燈對錦衾畫圖驚走獸書帖得來禽
河曙秦樓映山晴魏闕臨綠囊逢趙后青鑲見王沈
任達嫌孤憤疎慵倦九箴若爲南道客猶作卧龍吟
橫塘 唐韓偓晚

秋寒灑背入簾霜鳳脰燈青照洞房蜀紙麝烘添筆
壻越甌犀液發茶香風飄亂點更籌轉拍送繁絃曲
破長散客出門斜月在兩眉愁思向橫塘

惱公

唐李賀中

宋玉愁空斷嬌燒粉自紅歌聲春草露門掩杏花叢
注口櫻桃小添眉桂葉濃曉奩妝秀靨夜帳減香筒
鈿鏡飛孤鵲江圖畫水萍陂陀梳碧鳳嫵鬟帶金蟲
杜若含清露河蒲聚紫茸月分娥黛破花合靨未融
髮重疑盤霧腰輕乍倚風密書題荳蔻隱語笑芙蓉
莫鎖茱萸匣休開翡翠籠弄珠驚漢燕燒蜜引胡蜂

人部

卷七十一

三十三

驚情

醉纈拋紅網單羅挂綠蒙數錢教姹女買藥問巴賁
勻臉安斜鴈移燈想夢熊腸攢非束竹弦急是張弓
晚樹迷新蝶殘蛺蝶憶斷虹古時填渤澥今日鑿崆峒
繡杏褰長幔羅裙結短封心搖如舞鶴骨出似飛龍
井檻淋青漆門鋪綴白銅偎花開兔逕向壁印爪蹤
玳瑁釘簾薄琉璃疊扇烘象牀綠素柏瑤席卷香蔥
細管吟朝幌芳醪落夜楓宜男生楚梔子發金壙
龜甲開屏澀鵝毛滲黑濃黃庭畱衛瓘綠樹養韓馮
雞唱星懸柳鴉啼露滴桐黃娥初出座寵妹始相從
蠟淚垂蘭燼秋蕪掃空調龍吹笙翻舊引沽酒待新豐

短珮愁填粟長絃怨削松曲池眠乳鴨小閣睡娃僮
褥縫參雙綫鈎絳繡一丘驄蜀煙飛重錦峽雨濺輕容
拂鏡羞溫嶠薰衣避一作吳魚生玉藕下人在石蓮中
含水鸞娥翠登樓一作漢馬驄使君居曲陌一作令住臨邛
桂火流蘇暖金爐細炷通春遲王子一作德馨轉謝娘慵
玉漏三星曙銅街五馬逢犀株防膽怯銀液鎮心忪
跳脫看年命琵琶道吉凶王時應七夕夫位在三宮
無力塗雲母多方帶藥翁符因青鳥送囊用絳紗縫
漢苑尋官柳河橋閣一作禁鐘月明中婦覺應笑畫
堂空

人部

卷七十一

三十四

驚情

春晝

唐韓偓晚

春融艷艷大醉陶陶漏添遲日箭減良宵藤垂戟戶
柳拂浮橋簾幕燕子池塘伯勞膚清背瘦衫薄香銷
楚殿衣窄南朝髻高河南縣遠清波地遙絲纏路泣
各自無慘

五更

唐韓偓晚

往年曾約鬱金牀半夜潛身入洞房光景旋銷惆悵
在一生贏得是淒涼

宿意

唐韓偓晚

呵花貼鬢粘寒髮凝酥光透猩猩血經過洛水幾多

人唯有陳王見羅襪

六言

唐韓偓

春樓處子傾城金陵仰客多情朝雲暮雨會合羅襪
繡被逢迎華山梧桐相覆江草蕙連生幽歡不盡
告別秋河悵望平明

詩集類函卷七十二

人部

卷七十一

三十五

離情

詩集類函卷七十三

東吳俞安期彙纂

宣城梅鼎祚增定

關中朱懷玉訂校

人部十五

閨情一

○閨情一

閨情

魏陳思王

有一美人被服纖羅妖姿艷麗翁若春花紅顏華曄
雲髻峩峨彈琴撫節為我絃歌清濁齊均既亮且和
取樂今日遑恤其他

閨思

原作
雜詩

魏陳思王

人部

卷七十三

閨情

攬衣出中閨逍遙步兩楹閒房何寂寞綠草被階庭
空室一作自生風百鳥翩南征春思安可忘憂戚與
我并佳人在遠道妾身單且娛歡會難再遇芝蘭不
重榮人皆棄舊愛君豈若平生寄松為女羅依水如
浮萍齋身奉衿帶朝夕不墮傾儻終顧盼恩一作能
永副我中情

閨情

原作
情詩

魏徐幹

高殿鬱崇崇廣厦凄冷微風起閨闈落日照階庭
踟躕雲屋下笑歌倚華楹君行殊不返我飾為誰榮
爐薰闔不用鏡匣上塵生綺羅失常色金翠暗無精

嘉肴既忘御旨酒亦常停顧瞻空寂寂唯聞燕雀聲
憂思連相屬中心如宿醒

室思

魏徐幹

人靡不有初想君能終之別來歷年歲舊恩何可期
重新而忘故君子所猶譏寄身雖在遠豈忘君須臾
既厚不為薄想君時見思

室思三首

魏徐幹

浮雲何洋洋願因通我辭飄飄不可寄徒倚徒相思
人離皆復會君獨無返期自君之出矣明鏡暗不治
思君如流水何有窮已時

人部

卷七十三

二

閨情

慘慘時節盡蘭華凋復零喟然長歎息君期慰我情
展轉不能寐長夜何繇繇躡履起出戶仰觀三星連
自恨志不遂泣涕如涌泉
思君見中櫺以益我勞勤安得鴻鸞羽覲此心中人
誠心亮不遂搔首立帽帽何言一不見復會無因緣
故然比目魚今隔如參辰

閨情四首

原作情詩

晉張華

清風動帷簾晨月照一作幽房佳人處遐遠蘭室無
容光襟懷擁虛景輕衾覆空牀居歡惜夜促在戚怨
宵長附一作枕獨前歡感慨心內傷

游目四野外逍遙獨延佇蘭蕙緣清泉繁華陰綠渚
佳人不在茲取此欲誰與巢居知風寒穴處識陰雨
不曾遠別離安知慕儔侶

北方有佳人端坐鼓鳴琴終晨撫管絃日夕不成音
憂來結不解我思存所欽君子尋時役幽妾懷苦心
初為三載別於今久滯淫昔耶生戶牖庭內自成陰
翔鳥鳴翠偶草蟲相和吟心悲易感激俛仰淚流衿
願託晨風翼東帶侍衣衾

君居北海陽妾在江南陰懸邈極脩途一作遙山川
阻且深承歡注隆愛結分投所欽銜恩一作思篤守義

人部

卷七十三

三

閨情

萬里託微心

原作飲馬長城窟

晉傅玄

青青河邊草悠悠萬里道草生在春時遠道還如期
春至草不生期一作立盡歡無聲感物懷思心夢想發
中情夢君如鴛鴦比翼雲間翔既覺寂無見曠如參
與商夢君結同心比翼遊北林既覺寂無見曠如商
與參河洛自用固不如中岳安回流不及返浮雲往
自還悲風動思心悠悠誰知者懸景無停居忽如馳
駟馬傾耳懷音響轉目淚雙墮生存無會期要君黃
泉下

閨思原作西長安行

晉傅玄

所思今何在乃在西長安何用存問妾香粉變珠環何用重存問羽爵翠琅玕今我今問君更有今異心香亦不可燒環亦不可沈香燒日有歇環沈日自深

閨思原作車遙遙篇

晉傅玄

車遙遙今馬洋洋追思君今不可忘君安遊今西入秦願為影今隨君身君在陰今影不見君依光今妾所願

閨思原作古意今人

宋鮑令暉

寒鄉無異服氈褐代文練月月望君歸年年不解綰

卷七十三

四

閨情

荆揚春早和幽冀猶霜霰北寒妾已知南心君不見誰為道辛苦寄情雙飛燕形迫杼前絲顏落風催電容華一朝改唯餘心不變

閨思原作古意

宋顏竣

春風飛遠方紀轉流思堂貞節寄君子窮閨安所藏裁書露微疑千里問新知君行過三稔故心久當移

閨思迴文

宋賀道慶

陽春豔曲麗錦誇文傷情織怨長路懷君惜別同心膺填思悄碧鳳香殘金屏露曉入夢迢迢抽詞札札泣當迴波詩緘去札

幽閨詞五首一作幽蘭

宋鮑照

傾輝引暮色孤景留思顏梅歇春欲罷期渡往不還

二

簾委蘭蕙露帳含桃李風攬帶昔何道坐令芳節終

三

結珮徒分明抱梁輒垂忤華落知不終悲愁坐相誤

四

眇眇蛸挂網漠漠蠶弄絲空慙不自信怯與君盡期

五

陳國鄭東門古今共所知長袖暫徘徊駟馬停路岐

人部

卷七十三

五

閨情

閨思二首原作和王友德元古意

齊王融

游禽暮知返行人獨未歸坐銷芳草氣空度明月輝
啜客入朝鏡思淚點春衣巫山彩雲沒淇上綠楊稀
待君竟不至秋鴈雙雙飛

霜氣下盟津秋風度函谷念君悽以寒當軒卷羅縠
纖手廢裁縫曲鬢龍膏沐千里不相聞寸心鬱紛紛

聲況復飛螢夜木葉亂紛紛

閨思原作擬青詩河畔草

梁武帝

暮暮繡戶絲悠悠懷昔期昔期久不歸鄉國曠音微
音微空結遲半寢覺如至既寢了無形與君隔平生

月以雲掩光葉以霜摧老當途競自容莫肯爲一作與

妾道

金閨思二首

梁簡文帝

遊子久不返妾身當何依日移孤影動羞觀燕雙飛

二

自君之別矣不復染膏脂南風送歸鴈聊以寄相思

春閨情

梁簡文帝

楊柳葉纖纖佳人懶織縑正衣還向鏡迎春試捲簾
摘梅多繞樹覓燕好窺簷只言逐花草計較應非嫌

詠晚閨

梁簡文帝

人部

卷七十三

六

閨情

珠簾向暮下妖姿不可追花風暗裏覺蘭燭帳中飛
何時玉牕裏夜夜更縫衣

秋閨夜思

梁簡文帝

非關長信別詎是良人征九重忽不見萬恨滿心生
夕門掩魚鑰宵牀悲盡屏迴月臨牕度吟蟲遶砌鳴
初霜實細葉秋風驅一作亂螢故妝猶累日新衣製
未成欲知妾不寐城外擣砧聲

寒閨

梁簡文帝

綠葉朝朝黃紅顏日日黑譬喻持相比那堪不愁思

思

梁簡文帝

窺紅對鏡歛雙眉含愁拭淚坐相思念人一去許多
時眼語笑靨迎來情心懷心想甚分明憶人不忍語
含恨獨吞聲

閨情原作落日
應中坐

梁簡文帝

杏梁斜日照餘暉映美人開函脫寶釧向鏡理綰巾
游魚動池葉舞鶴散階塵空嗟千歲久願得及陽春

閨思原作
雜詠

梁簡文帝

被空眠數覺寒重夜風吹羅帷非海水那得度前知
閨思原作
行

梁元帝

水裏生葱翅池心恒欲飛蓮花逐牀返何時乘舸歸

人部

卷七十三

七

閨情

閨思原作
古意

梁元帝

妾在成都縣願作高唐雲樽中石榴酒機上蒲萄紋
一作停梭還歛色何時勸使君

寒閨

梁元帝

烏鵲夜南飛良人行未歸池水浮明月寒風送掃衣
願織迴文錦因君寄武威

奉和湘東王寒閨

梁劉綬

不堪寒夜久夜夜守空牀衣裾逐座禪釵影近燈長
無憐四幅錦何須辟惡香

寒閨

梁鮑泉

行人消息斷空閨靜復寒風急朝機燥鏡暗晚妝難
從來腰自小衣帶就中寬

閨思

梁范雲

春草醉春煙深閨人獨眠積恨顏將老相思心欲燃
幾迴明月夜飛夢到郎邊

閨思

原作古意

梁沈約

挾琴叢臺下徒倚愛容光佇立日已暮戚戚苦人腸
露葵已堪摘淇水未沾裳錦衾無獨暖羅衣空自香
明月雖外照寧知心內傷

閨思

原作爲人妾思

梁何遜

人部

卷七十三

八

閨情

覓銷形已去釵落猶依枕欲去淚無背不看悲復甚

二

機中刺繡所牕下朝妝處未憶神已傷欲忘悲不去

閨思

原作擬張司空華雜情

梁江淹

秋月映簾櫳懸光入丹墀佳人撫鳴琴清夜守空帷
蘭徑少行迹玉臺生網絲庭樹發紅彩閨草含碧滋
延佇整綾羅一作綺萬里贈所思願垂湛露惠信我皎

日朗

閨思

原作古意

梁吳均

何處報君書隴右五岐路淚研兒枝墨筆染鵝毛素

碧浮孟渚水香下洞庭路應歸遂不歸芳春空擲度

閨思四首

原作雜句

梁吳均

畫蟬已傷念夜露復沾衣昔別曾何道今夕螢光飛

二

錦腰連枝理繡領合歡斜夢中誰不見終成亂眼花

三

蜘蛛簷下挂絡緯井邊啼何曾得見子照鏡牕東西

四

泣聽離夕歌悲銜別時酒自從今日去當復相思否

閨思

原作古意一作采桑文苑英華作和蕭洗馬古意

梁吳均

人部

卷七十三

九

閨情

賤妾思不堪採桑渭城南帶減連枝繡髮亂鳳凰簾

春蠶

字舞依長薄蛾飛愛綠潭無由報君信流涕向

閨情

梁王筠

月出宵將半星流曉未央空閨易成怨虛堂自生光
嬌羞悅人夢猶言君在旁

向曉閨情

梁王筠

北斗行欲沒東方稍已稀晨雞初下栖一作曉露尚

一作

沾衣余稠一作錦徒有設信誓一作果相違一作

誰忍開朝鏡羞恨掩空扉

閨情原作和王

梁王筠

落日照紅妝，挾琴當牕牖。寧復歌薜蘿，唯聞歎楊柳。
結好在同心，離別由眾口。徒設露葵羹，誰酌蘭英酒。
會日杳無期，憐花安得久。

相思不安席，聊至狹斜東。愁眉傲戚里，高髻學城中。
雙眉偏照日，獨藥好縈風。自知心所愛，獻賦甘泉宮。
傳聞方鼎食，詎憶春閨容。

春閨思

梁蕭子範

金羈游俠子，綺機離思妾。春度人不歸，望花盡成葉。

春思

梁蕭子雲

人部 卷七十三

春風蕩羅帳，餘花落鏡奩。池荷正捲葉，庭柳復垂簷。
一作竹柏君自改團扇，妾方嫌誰能憐。故素終為泣，
新繡

奉和世子春閨情

梁甄固

昨晚寒簾望，初逢雙燕歸。今朝見桃李，不啻數花飛。
已愁春欲度，無復寄芳菲。

秋閨

梁劉邈

螢飛綺牕外，妾思霍將軍。燈前量獸錦，簾下織
花紋。墜露如輕雨，長河似薄雲。秋還百種事，衣成未
暇薰

月夜閨中

梁鄧鏗

閨中曰已暮，樓上月初華。樹陰緣砌上，牕影向牀斜。
開帷傷隻鳳，吹燈惜落花。藝文作開屏寫密誰能當
此夕，獨處類倡家。

閨思原作

梁上樞

朝取飢蠶食，夜縫千里衣。復聞南陌上，日暮採蓮歸。
青苔覆寒井，紅藥間青薇。人生樂自極，良時徒見違。
何由及新燕，雙雙還共飛。

閨思原作

梁張率

遠期終不歸，節物坐將遷。一作變白露陰單衣一作秋

人部 卷七十三

風息團扇誰能久，別離他鄉且異縣。浮雲蔽重山，相
望何時見。寄言遠期者，空閨淚如霰。

閨思原作

梁劉孝綽

燕趙多佳麗，白日照紅妝。蕩子十年別，羅衣雙帶長。
春樓怨難守，玉階空自傷。一作此歸飛鸞御泥繞
曲房，差池入綺幕。上下傍雕梁，故居猶可念。故人安
可忘，相思昏絕望。絕宿昔夢容光，覓交忽在御。轉側定
他鄉，徒然顧枕席。誰與同衣裳，空使蘭膏夜，烟烟對
繁霜

閨思原作

梁何子明

桂臺清露拂銅階落花沾美人紅妝羅帶釣遊絲
思君暫促柱玉指何纖纖未應爲此別無故坐相嫌

閨思

原作和虞記
室焉古意

梁何子明

美人弄白日灼灼當春牖清鏡對蛾眉新花弄玉手
燕下拾池泥風來吹細柳君子何時歸與我酌樽酒

秋閨有夢

梁庾丹

耿耿橫天漢飄飄出岫雲月斜樹倒影風至水迴文
已泣機中婦復悲堂上君羅襦曉長襖翠被夜徒薰
空汲銀牀井誰縫金縷裙所思竟不至持酒清夜分

閨思

原作
雜曲

陳江總

人部

卷七十三

十三

閨情

行行春逕靡蕪綠纖素那復解琴心乍愜南階悲綠
草誰堪東陌怨黃金紅顏素月俱三五夫婿何在令
追一作虜關山隴月春雪水一作誰見人啼花照戶

閨思

隋羅愛愛

女郎

幾當孤月夜遙望七香車羅帶因腰緩金釵逐鬢斜

閨思

原作古意和
李侍御

唐喬知之

初

妾家巫山隔漢川君度南庭向胡旋高樓迢遞想金
天河漢昭回更愴然夜如何其夜未央閑花照月愁
洞房自矜夫婿勝王昌三十曾作侍中郎一從流落
戍漁陽懷哉萬恨結中腸南山暮暮見綠花北陵青

青女蘿樹由來花葉同一根今日枝條分兩處三星
差池光照灼北西指秋雲薄莖枯花謝枝樵悴香
銷色盡花零落美人長歎艷容萎含情收取摧折枝
調絃獨彈聲未移感君行坐星歲遲閨中宛轉今若
斯誰能爲報征人知

秋閨

原作從
軍行

唐喬知之

初

南庭結白露北風掃黃葉此時鴻鴈來驚鳴催思妾
曲房理針線平砧儔紋練鴛綺裁易成龍鄉信難見
窈窕九重閨寂寞十年啼紗牕白雲宿羅幌月光樓
雲月隱微微夜上流黃機玉霜凍珠履金吹薄羅衣

人部

卷七十三

十三

閨情

漢家已得地君去將何事宛轉結蠶書寂寥無鴈使
平生荷恩信本爲容華進况復落紅顏蟬聲催綠鬢

秋閨

唐鄭愔

初

征客向輪臺幽閨寂不開音書秋鴈斷機杼夜蛩催
虛幌風吹葉閑堦露染苔自憐愁思影常共月徘徊

閨思

原作古意呈
補闕喬知之

唐沈佺期

初

盧家少婦鬱金香海燕雙棲玳瑁梁九月寒砧催木
葉十年征戍憶遼陽白狼河北音書斷丹鳳城南秋
夜長誰爲含愁獨不見更教明月照流黃
和杜麟臺元志春情

唐沈佺期

初

嘉樹滿中園氛氲羅秀色不見仙山雲倚瑟空太息
沈思若在夢緘怨似無憶青春坐南移白日忽西匿
蛾眉返清鏡閨中不相識

酬杜麟臺春思

唐崔湜

春還上林苑花滿洛陽城驚衾夜凝思龍鏡曉含情
憶夢殘燈落離魂馬驚可憐朝與暮樓上獨盈盈
湜執政時年三十六嘗暮出端門下天津上馬賦詩曰春還上林苑花滿洛陽城張說見之歎曰崔與位固可致其年不可及也

春閨同李員外賦

唐崔湜

落日啼連夜孤燈坐徹明捲簾雙燕入披幌百花驚

卷七十三

十四

隴上寒應晚閨中織未成管絃愁不意梳洗懶無情
去歲聞西伐今年送北征容顏離別盡流恨滿長城

春閨

唐徐彥伯

戊客戎清波幽閨幽思多暗梁聞語燕夜燭見飛蛾
寶匣藏脂粉金屏綴綺羅裁衣卷紋素織錦度鳴梭
有使通西極緘書寄北河年光只恐盡征戰莫蹉跎

七月閨情

唐袁暉

七月坐涼宵金波滿麗譙容華芳意改枕席怨情饒
錦字沾愁淚羅裙緩細腰不如銀漢女歲歲鵲成橋

秋閨

唐沈祖仙

白馬三軍客青蛾十載思玉庭霜落夜羅幌月明時
爐冷蜘蛛喜燈寒熠燿期愁多不可曙流涕坐空幃

晚春閨思

唐王維

新妝可憐色落日卷羅帷鑪氣清珍簾牆陰上玉墀
春蟲飛網戶暮雀隱花枝向晚多愁思閑牕桃李時

閨情

唐孟浩然

一別隔炎涼君衣忘短長裁縫無處等以意付情量
畏瘦疑傷箸防寒更厚裝半啼封裏了知欲寄誰將

寒閨夜

唐孟浩然

閨夕綺牕閉佳人罷縫衣理琴開寶匣就枕卧重幃

卷七十三

十五

夜久燈花落熏籠香氣微錦衾重自暖遮莫曉霜飛

閨情

原作

唐常建

轉轡井上雙梧桐飛鳥銜花日將沒深閨女兒莫愁
年玉指冷泠泠怨金碧石榴裙裾蚨蝶飛見人不語顰
蛾眉青絲素絲紅絲綠絲織成錦衾當爲誰

閨思

原作

唐常建

井底玉水洞地明琥珀轉轡青絲索仙人綺鳳披彩
霞挽上銀瓶照天閣黃金作身雙飛龍口銜明月噴
芙蓉一時渡海望不見曉上青樓十二重

閨情

唐王維

日暮裁縫歇深嫌氣力微纔能收篋寄懶起下簾帷
怨坐空燃燭愁眠不解衣昨來頻夢見夫婿莫應知

春思

唐賈至

草色青青柳色黃桃花歷亂一作落花香東風不為吹愁
去春日偏能惹恨長

閨思二首

唐薛維翰

美人怨何深含情倚金閣不願復不語紅淚雙雙落

二

美人閉紅燭獨坐裁新錦頻放剪刀聲夜寒知未寢

閨思

唐崔國輔

八部

卷七十三

十六

紅荷楚水曲彪炳燦晨霞未得兩回摘秋風吹却花
時芳不待妾玉珮無處誇悔不盛年時嫁與青樓家

閨情

唐李白

流水去絕國浮雲辭故關水或戀前浦雲猶歸舊山

恨君流沙去棄妾漁陽間玉筍夜乘流雙雙落朱顏

黃鳥坐相悲綠楊誰更攀纖錦心草草挑燈淚斑斑

窺鏡不自識况乃狂夫還

春思

唐李白

燕草如碧絲秦桑低綠枝當君懷歸日是妾斷腸時
春風不相識何事入羅帷

秋閨思

唐李白

春陽如昨日碧樹鳴黃鸝燕然蕙草暮颼爾涼風吹
天秋木葉下月冷莎雞悲坐愁羣芳歇白露周華滋

閨情

唐李白

高樓入青天下有白玉堂明月看欲墮當空懸清光

遙夜一美人羅衣沾秋霜含情弄柔瑟彈作陌上桑

絃聲何激烈烈風卷繞飛梁行人皆躑躅棲鳥去回翔

但寫妾意苦莫辭此曲傷願逢同心者飛作紫鴛鴦

閨情二首

唐王之渙

秦時明月漢時關萬里征人尚未還但願龍庭飛將

八部

卷七十三

十七

在不教胡馬度陰山

音書杜絕白狼西桃李無顏黃鳥啼寒鴈春深歸去

盡出門腸斷草萋萋

閨情

唐鄭虔

銀鑰開香閣金臺點夜燈長征君自慣獨卧妾何曾

閨思

唐蔣冽

冉冉紅羅帳開君王樓上畫作同心鳥銜花兩心向

春風正可憐吹映綠牕前妾意空相感君心何處邊

閨思

唐梁鐸

妾家巫峽陽羅曉寢銀牀曉日臨牕久春風引夢長

落釵仍在簷微汗欲消香縱使朦朧覺魂猶逐楚王

閨情原作

唐獨孤及

日花結成子春物捨我去流年惜不得獨坐空閨暮

心自有所待甘爲物華誤未必千黃金買得一人顧

閨思原作

唐李嘉祐

花間昔日黃鸝囀妾向青樓已生怨花落黃鸝不復

來妾老君心亦應變君心比妾心妾意舊來深一別

十年無尺素歸時莫贈路傍金

閨思原作效古

唐錢起

秋漢飛玉霜北風掃荷香含情紡織孤燈盡拭淚相

人部

卷七十三

閨情

思寒漏長簷前碧雲靜如水月弔樓烏啼鳥起誰家

少婦事鴛機錦幕雲屏深掩扉白玉牕中聞落葉應

憐寒女獨無衣

閨情

唐李端

月落星稀天欲明孤燈未滅夢難成披衣更向門前

望不念朝來鵲喜聲

閨思原作

唐耿湓

雖言千騎上頭居一世生離恨有餘葉下綺牕銀燭

冷含啼自草錦中書

閨情

唐戎昱

側聽宮官說知君寵尚存未能開笑顏先欲換愁魂
寶鏡窺妝影紅衫裊淚痕昭陽今冉冉寧敢恨長門

閨思原作

唐權德輿

家人強進酒酒後能忘情持杯未飲時哀感紛已盈

明月照我傍庭柯振秋聲空階白露下枕席涼風生

所思萬里餘水闊山縱橫佳期憑夢想未晚愁雞鳴

願得一心人當年懼樂并長筵映玉組素指彈秦箏

矚睇呈巧笑惠音激淒清此願良未果永懷空如醒

閨情玉臺體三首

唐權德輿

秋風一夜至吹盡後庭花莫作經時別西鄰是宋家

人部

卷七十三

閨情

昨夜裙帶解今朝蟾子飛鉛華不可棄莫是藁砧歸

三

萬里行人至深閨夜未眠雙眉燈下掃不待鏡臺前

閨情原作古意

唐楊巨源

繡戶紗牕北里深香風暗動鳳皇簪組紉長在佳人

手刀尺空搖寒女心欲學齊謳逐雲管還思楚練拂

霜砧東家少婦當機織應念無衣雪滿林

春閨

唐張仲素

裊裊城邊柳青青陌上柔條籠曉色昨夜夢漁陽

秋閨思二首

唐張仲素中

碧牕斜月諷深輝
愁聽寒蛩淚濕衣
夢裏分明見關塞
不知何路向金微

秋天一夜靜無雲
斷續鴻聲到曉聞
欲寄征人問消息
居延城外又移軍

寒閨夜

唐白居易中

夜半衾裯冷孤眠
懶未能籠香銷盡
火巾淚滴成冰爲
惜影相伴通宵不滅燈

閨思

唐劉商中

連曙寢衣冷開門
霜露凝風吹昨夜淚
一片枕前冰人部

閨思九首

唐

青天無雲月如燭
露泣梨花白如玉
子規一夜啼到明
美人獨在空房宿

空賜羅衣不賜恩
一燠香後一銷魂
雖無舞袖何曾舞
長對春風浥淚痕

眼想心思夢裏驚
無人知我此時情
不如池上鴛鴦鳥
雙宿雙飛過一生

鶯啼露冷酒初醒
春盡樓西曉角鳴
翠羽帳中人夢覺
寶釵斜墜枕函聲

兩心不語暗知情
燈下裁縫月下行
行到階前知未

昨夜深聞放剪刀聲

洛陽才子鄰簫恨
湘水佳人錦瑟愁
今昔兩成惆悵事
臨卽春盡暮江流

浙江輕浪古悠悠
望海樓吹望海愁
莫怪鄉心隨魄斷
十年爲客在他州

數日相隨兩不忘
郎心如妾妾如郎
出門便是東西路
把取紅牋各斷腸

舊山雖在不關身
且向長安過暮春
一樹梨花一谿月
不知今夜屬何人

閨思

唐白居易中

勸君莫惜金縷衣
勸君莫惜少年時
有花堪折直須折
莫待無花空折枝

行人南北分征路
流水東西接御溝
日日坡前怨離別
謾名長樂是長愁

閨人春思

唐王涯中

愁見遙空百丈絲
春風挽斷更傷離
閑花落盡青苔地
盡日無人誰得知

閨情聯句

光威襄姪妹三人少孤而治妍乃有

朱樓影直日當午
玉樹陰低月已三
光膩粉暗銷銀

鏤合錯刀閑翦泥金衫威繡牀怕引烏龍吹錦字愁教青鳥銜哀百味鍊來憐益母千花開處關宜男光

鴛鴦有伴誰能羨鸚鵡無言我自慙威浪喜遊蜂飛撲撲伴驚孤鵲語喃喃哀偏憐愛數蜨蜨掌每憶光

抽玳瑁簪光煙洞幾年悲尚在星橋一夕悵空含威牕前時節羞虛擲世上風流笑苦諳哀獨結香綃偷

餉送暗垂檀袖學通參光須知化石心難定却是為雲分易甘威看見風光零落盡絃聲猶逐望江南哀

次光威哀韻

唐魚玄機女冠

昔聞南國容華少今日東鄰姊妹三妝閣相看鸚鵡

人部

賦碧牕應繡鳳凰衫紅芳滿院參差折綠醕盈杯次

第銜恐向瑤池曾作女謫來塵世未為男哀文姬有貌

終堪比西子無言我更慙一曲艷歌琴杳杳四絃輕

撥語喃喃當臺競鬪青絲髮對月爭誇白玉簪小有

洞中松露滴大羅天上柳煙含但能為雨心長在不

怕吹簫事未諳阿母幾嗔花下語潘郎曾向夢中參

暫持清句魂猶斷若覩紅顏死亦甘悵望佳人何處

在行雲歸北又歸南

閨情

唐杜牧晚

娟娟却月眉新翳鵲飛暗砌勻檀粉晴牕盡來衣

袖紅垂寂寞眉黛歛依稀還向長陵去今宵歸不歸

閨詞四首原作燕臺詩唐李商隱晚

春

風光冉冉東西陌幾日嬌覓尋不得蜜房羽客類芳

心冶葉倡條偏相識暖蕩輝遲桃樹西高鬟立共挑

鬟齊雄龍雌鳳杳何許絮亂絲繁天亦迷醉起微陽

若初曙映簾夢斷聞殘語愁將鐵網罥珊瑚海闊天

翻迷處所衣帶無情有寬窄春煙自碧秋霜白研丹

壁石天不知願得天牢鑲冤魄夾羅委篋單綃起香

眠冷襯瑤瑤珮今日東風自不勝化作幽光入西海

人部

夏

前閣雨簾愁不捲後堂芳樹陰陰見石城景物類黃

泉夜半行郎空柘彈綾扇喚風閒闔天輕帷翠幕波

淵旋蜀魂寂寞有伴未幾夜瘴花開木綿桂宮流影

光難取嬌薰蘭破輕語直教銀漢墮懷中未遣星

妃鎮來去濁水清波何異源濟河水清黃河渾安得

薄霧起湘裙手接雲軒呼太君

秋

月浪衡天天宇濕涼蟾落盡疎星入雲屏不動掩孤

相怨但聞北斗聲迴環不見長河水清淺金魚鎖斷
紅桂春古時塵滿鴛鴦茵堪悲小苑作長道玉樹未
憐亡國人瑤瑟悄悄藏楚弄越羅冷薄金泥重簾鉤
鸚鵡夜驚霜喚起南雲繞雲夢雙瑤丁丁聯尺素內
記湘川相識處歌唇一世銜雨看可惜馨香手中故

冬

天東日出天西下雌鳳孤飛女龍寡青谿白石不相
望堂中遠甚蒼梧野凍壁霜華交隱起芳根中斷香
心死浪乘畫舸憶蟾蜍月娥未必嬋娟子楚管蠶絃
愁一槩空城罷舞腰支在當時歡向掌中銷桃葉桃

入部

卷七十三

二十四

閨情

根雙姊妹破鬟矮隨凌朝寒白玉燕釵黃金蟬風車
雨馬不持去蠟燭啼紅怨天曙

閨情原作日高

唐李商隱晚

鍍鏤故錦縈輕拖一作玉篴不動便門鎖水精眠夢

是何人欄藥日高紅髮鬟飛香上雲春訴天雲梯十

二門九關輕身滅影何可望粉蛾帖死屏風上

閨情原作爲有

唐李商隱晚

爲有雲屏無限嬌鳳城寒盡怕春入無端嫁得金龜
婿辜負香衾事早朝

閨情三首原作爲有

唐韓偓晚

淡月照中夜海棠花自落獨立俯開階風動秋千索

二

酒力滋睡眸鹵莽聞街鼓欲明天更寒東風打牕雨

三

羅幕生春寒繡牕愁未眠夜半南湖雨應濕採蓮船

春詞

唐李建勳晚

日高閑步下堂階細草春莎沒繡鞋折得玫瑰花一
朶憑君簪向鳳凰釵

春閨

唐羅鄴晚

愁坐蘭閨日過遲捲簾巢燕羨雙飛管絃樓上春應

入部

卷七十三

二十五

閨情

在楊柳橋邊人未歸玉笛豈能留舞態金河猶自浣
戎衣梨花滿院東風急惆悵無言倚錦機

思婦吟

唐蘇拯晚

秋風鴈又歸邊信一何早攬衣出門望落葉滿長道

一從秉箕箒十載孤懷抱可堪日日醉龍榮不說思

君令人老

閨情原作古意

唐于濟晚

白玉若無玷花顏須及時國色久在室良媒亦生疑
鴛鴦未成鸞鏡徒相知翻慙効顰者却笑從人遲

閨思三首原作爲有

唐陸龜蒙晚

十萬全師出遙知正憶君一心如瑞麥唯作兩岐分

二

破曉供朝爨須知是苦辛曉天窺落宿誰識獨醒人

三

聞道更新幟多應廢舊期征衣無伴擣獨處自然悲

詩集類函卷七十三

人部

卷七十三

二六

閨情

詩集類函卷七十四

東吳俞安期彙纂

宣城梅鼎祚增定

關中朱懷難訂校

人部十六

閨情二

○閨情二

別詩

晉郭璞

君如秋日雲妾似突中煙高下理自殊一乖兩絕天

長別離

宋吳邁達

生離不可聞况復長相思如何與君別當我盛年時

蕙華每搖蕩妾心空自持榮芝草木歡悴極霜露悲

人部

卷七十四

閨情

富貴貌難變貧賤顏易衰持此斷君腸君亦且宜一作

自疑淮陰有逸將折羽謝翻飛楚有扛鼎士出門不

得歸正為隆準公仗劍入紫微君才定何如白日下

爭睚

同蕭治中賦得南浦別佳人 梁王臺卿

歛容送君別一歛無開時只應待相見還將笑解眉

別詩 原作晨風行

梁沈滿願 范曄妻

理俄令舟人停艫息旅薄河津念君劬勞冒風塵臨

路揮袂淚沾巾颺流勁潤逝若飛山高帆急絕音徽

留子句句獨言歸中心數策將依誰風彌葉落永離

索神往形返情錯漠循帶易緩愁難却心之憂矣願銷鑠

別怨

原作越城曲

梁沈滿願

范靜妻

別怨悽歌響離啼濕舞衣願假鳥樓曲翻成南向飛

憶別

原作遠期篇

梁庾成師

女郎

憶別春花飛已見秋葉稀淚粉羞明鏡愁帶減寬衣得書言未返夢見道應歸坐使紅顏歇獨掩青樓扉

因故人歸作

隋蘇蟬翼

女郎

郎去何太速郎來何太遲欲借一樽酒共叙十年悲

達別離二首

唐令狐楚

中

人部

卷七十四

閨情

楊柳黃金穗梧桐碧玉枝春來消息斷早晚是歸時

二

玳織鴛鴦履金裝翡翠簾畏人相借問不擬到城南

潛別離

唐白居易

中

不得哭潛別離不得語暗相思兩心之外無人知深

籠夜鐫獨棲鳥利劍春斷連理枝河水雖濁有清日

烏頭雖黑有白時唯有潛離與暗別彼此甘心無後

期

代佳人贈別

唐顧況

中

萬里行人欲渡谿千行珠淚滴為泥已成殘夢隨君

去猶有驚鳥半夜啼

欲去

唐韓偓

紛紜隔牖語重約踏青期縱得相逢處無非欲去時恨深書不盡寵極意多疑惆悵桃源路唯教夢寐知

自君之出矣

宋孝武帝

自君之出矣金翠暗無精思君如日月回還晝夜生

自君之出矣

宋江夏王

自君之出矣綺錦廢不開思君如清風曉夜常徘徊

自君之出矣

宋顏思伯

一作師伯

自君之出矣芳帷低不舉思君如回雪流亂無端緒

人部

卷七十四

王

閨情

自君之出矣

宋許瑤

自君之出矣蘭堂罷鳴機徒知游宦是不念別離非

自君之出矣

宋鮑令暉

自君之出矣臨軒不解顏砧杵夜不發高門晝恒關

帳一作中流熠燿庭前華紫蘭楊枯識節異鴻歸一作

來知客寒遊用暮冬盡除春待君還樂府作遊取暮春盡餘思待君還

還

自君之出矣二首

齊王融

自君之出矣芳英絕瑤厄思君如形影寢興未曾離

二

自君之出矣金爐香不然思君如明燭中宵空自煎

自君之出矣

梁范雲

自君之出矣羅帳咽秋風思君如蔓草連延不可窮

自君之出矣

梁虞羲

自君之出矣楊柳正依依君去無消息唯見黃鸝飛
關山多險阻士馬少光輝流年無止極君去何時歸

自君之出矣六首

陳後主

自君之出矣霜暉當夜明思君如風影來去不曾停

二

自君之出矣房空帷帳輕思君如畫燭懷心不見明

人部

卷七十四

四

閨情

三

自君之出矣不分道無情思君若寒草零落故心生

四

自君之出矣塵網暗羅帷思君如落日無有暫還時

五

自君之出矣綠草遍堦生思君如夜燭垂淚著雞鳴

六

自君之出矣愁顏難復覩思君如藥條夜夜只交苦

自君之出矣

陳賈馮吉

自君之出矣紅顏轉憔悴思君如明燭煎心且銜淚

自君之出矣

陳陳達

自君之出矣明鏡罷紅妝思君如夜燭煎淚幾千行

賦得自君之出矣

唐張九齡

自君之出矣不復理殘機思君如滿月夜夜滅清輝

自君之出矣

唐李咸用

自君之出矣鸞鏡空塵生思君如明月明月逐君行

同王主簿有所思

齊謝朓

佳期期未歸望望下鳴機徘徊東陌上月出行人稀

有所思

齊劉繪

別離安可再而我更重之佳人不相見明月空在帷

人部

卷七十四

五

閨情

共御滿堂酌獨飲向隅眉中心亂如雪寧知有所思

有所思

梁武帝

誰言生離久適意與君別衣上芳猶在握裏書未滅

腰間雙綺帶夢爲同心結常恐所思露瑤華未忍折

有所思

梁昭明太子

公子佳一作遠于隔乃在天一方望望江山阻悠悠道

路長別前秋葉落別後春花芳雷歎一聲響雨淚忽

成行悵望情無極傾心還自傷

有所思三首

梁簡文帝

可歎不可思可思不可見餘絃斷瑟柱殘朱染歌扇

二
寂寂暮檐響黯黯垂簾色唯有瓠觚苔如見蜘蛛織

三

入林看碣礧春至定無賒何時一可見更得似梅花

有所思

梁簡文帝

昔未離長信金翠奉乘輿何言人事異夙昔故恩疎
寂寞錦筵靜玲瓏玉殿虛掩闥泣團扇羅幌詠靡蕪

有所思

梁沈約

西征登隴首東望不見家關樹抽紫葉寒草發青芽
昆明當欲滿蒲萄應作花垂淚對漢使因書寄狹斜

人部

卷七十四

六 閨情

有所思

梁吳均

薄暮有所思終持淚前膏春風驚我心秋露傷君髮

有所思

梁王筠

丹墀生細草紫殿納輕陰曖曖巫山遠悠悠湘水深
徒歌鹿盧劍空貽玳瑁簪望君終不見層淚且長吟

微吟

有所思

梁范雲

如何有所思而無相見時宿昔夢顏色階庭尋履綦
高張更何已引滿終自持欲知憂能老為視鏡中絲

有所思

梁王僧孺

夜風吹燭耀朝光照昔耶昔耶瓦松也一作昨幾銷繁一作繁
空落蒲桃一作花不堪長纖素誰能獨浣紗光陰後
何極望促反成賒知君是蕩子奈妾亦倡家

有所思

梁庾肩吾

佳期竟不歸春日坐芳菲拂匣看離鏡一作開箱見
別衣井梧生未合宮槐卷復稀不及銜泥燕從來相
逐飛

有所思

梁費昶

上林鳥欲棲長門日行暮所思鬱不見空想丹墀步
簾動意君來雷聲似車度北方佳麗子窈窕能迴顧

人部

卷七十四

七 閨情

夫君自迷惑非為妾心妬

有所思三首

陳後主

蕩子好蘭期留人獨自思落花同淚臉初月似愁眉
階前看草蔓牕中對網絲不言千里別一作望復是三
春時

二

杳杳與人期遙遙有所思山川千里隔風月兩邊時
相對春那劇相望景偏遲當由分別久夢來還自疑

三

佳人在北燕相望渭橋邊團團落日樹耿耿曙河天

愁多明月下淚盡鴈行前別心不可寄准餘琴上絃

有所思

陳張正見

深閨久離別積怨轉生愁徒思裂帛鴈空上望歸樓
看花憶塞草對月想邊秋相思日日度王臺淚臉年
年流

有所思

原作賦得佳
期竟不歸

陳張正見

良人萬里向河源媚婦三秋思柳園路遠寄詩空織
錦宵長夢返欲驚覓飛蛾屢繞惟前燭衰草還侵堦
上玉銜啼拂鏡不成妝促柱繁絃還亂曲時分年移
竟不歸偏憎寒急夜縫衣流螢映月明空帳疎葉從
人部

卷七十四

八

開情

風入斷機自對孤鸞向影絕終無一鴈帶書回

有所思

陳顧野王

賤妾有所思良人久征戍笳鳴塞城表一作胡花開
落芳樹白登澄月色黃龍起煙霧還聞雉子班非復
長征賦

有所思

陳陸系

別念限城闌還思樓上人淚想離前落愁聞別後新
月來疑舞扇花度憶歌塵只看今夜裏那似隔河津
有所思

北齊裴讓之

夢中雖暫見及覺始知非展轉不能寐從倚獨披衣

悽悽曉風急掩掩月光微室空常達旦所思終不歸

有所思

隋盧思道

長門與長信髮思竝難任洞房明月下空庭綠草深
怨歌裁潔一作素能賦受黃金復聞隔湘水猶言恨
桂林淒淒日已暮誰見此時心

有所思

唐王勃

賤妾留南楚征夫向北燕三秋方一日少別比千年
不掩頻紅綬無能數綠錢相思明月夜迢遞白雲天

和王真秋夜有所思

唐盧照鄰

寂寂南軒夜悠然懷所知長河落鴈苑明月下鯨池

人部

卷七十四

九

開情

鳳臺有清曲此曲何人吹丹唇間玉齒妙響入雲涯
窮巷秋風葉空庭寒露枝勞歌欲有和星鬢已將垂

有所思

唐沈佺期

君子事行役再空芳歲期美人曠延佇萬里浮雲思
園槿綻紅艷郊桑采綠滋坐看長夏晚秋月照羅帷

和杜主簿春日有所思

唐蘇頌

朝上高樓上俯見洛陽陌搖蕩吹花風落英紛已積
美人不共此芳好空所惜攬鏡塵網滋當牕苔鮮碧
緬懷在雲漢良願睽枕席翻似無見時如何久為客

有所思

唐韋應物

借問堤上柳青青爲誰春空遊昨日地不見昨日人
繚繞萬家井往來車馬塵莫道無相識要非心所親

有所思與孟郊聯句

唐韓愈

相思繞我心日夕千萬重年光坐晚晚春淚銷顏容
臺鏡晦舊暉庭草滋新茸望夫山上石別劍水中
龍愈

有所思

唐盧仝

當時我醉美人家美人顏色嬌如花今日美人棄我
去青樓珠箔天之涯娟娟娥娥月三五二八盈又缺
翠眉蟬鬢生別離一望不見心斷絕心斷絕幾千里
人部 卷七十四 十一 閨情

夢中醉卧巫山雪覺來淚滴湘江水湘江兩岸花木
深美人不見愁人心含愁更奏綠綺琴調高絃絕無
知音美人兮美人不知爲暮雨今爲朝雲相思一夜
梅花發忽到牕前疑是君

有所思

唐孟郊

枯槁烽火晝不滅客路迢迢信難越古鎮刀攢萬片
霜寒江浪起千堆雪此時西去定如何空使南星遠
凄切

有所思

唐李賀

六年陌上歌離曲今日君書遠遊蜀簾外花開二月

風臺前淚滴千行竹琴心與妾賜此夜斷還續想君
白馬懸雕弓世間何處無春風君心未肯鎮如石妾
顏不久如花紅夜殘高碧橫長河河上無梁空白波
西風未起悲龍梭年年織素攢雙蛾江山迢遞無休
絕淚眼看燈乍明滅自從孤館深銷牕桂花幾度圓
還缺鴉鴉向曉鳴森木風過池塘響叢玉白日蕭條
夢不成橋南更問仙人卜

有所思

唐女郎劉雲

朝亦有所思暮亦有所思登樓望君處雷雷蕭關道
掩淚向浮雲誰知妾懷抱玉井蒼苔青院深桐花落
人部 卷七十四 十一 閨情

長相思

宋吳邁遠

晨有行路客依依造門端人馬風塵色知從河塞還
時我有同栖結宦遊邯鄲將不異客子分飢復共寒
煩君尺帛書寸心從此殫遣道 妾長憔悴豈復歌
笑顏簷隱千霜樹庭枯十載蘭經春不舉袖秋落寧
復看一見願道意君門已九關虞卿棄相印擔簦作
爲同歡閨陰欲早霜何事空盤桓

長相思

梁昭明太子

相思無終極長夜起歎息徒見貌嬋娟寧知心有憶

寸心無以一作所因願附歸飛翼

長相思二首

梁張率

長相思久離別美人之遠如雨絕獨延佇心中結望雲雲去遠望鳥鳥飛滅空望終若斯珠淚不能雪

長相思久別離所思何在若天垂鬱陶相望不得知玉階月夕映羅帷風夜吹長思不能寢坐望天河移

長相思二首

陳後主

長相思久相憶關山征戍何時極望風雲絕音息上林書不歸迴紋徒自織羞將別後面還似初相識

長相思怨成悲蝶繁草樹連絲庭花飄散飛入帷帷

人部

卷七十四

十三 閨情

中看隻影對鏡歛雙眉兩見同見一作月兩別共春時

長相思

陳王粲

長相思久離別兩心同意不相徹悲風悽愁雲結柳葉眉上鎖菱花鏡中滅鴈封歸飛斷鯉素深沈絕

長相思二首

陳徐陵

長相思望歸難傳聞奉詔戍皇蘭龍城遠鴈門寒愁來更轉劇衣帶自然寬念君今不見誰為抱腰看

相思好春節夢裏恒啼悲不洩帳中起顰前鬢柳

絮飛還聚游絲新復結欲見洛陽花如君隴頭雪

長相思

陳蕭渚

長相思久離別新鶯參差條可結壺關遠鴈書絕對雲恒憶陣看花復愁雪猶有望歸心流黃未翦截

長相思二首

陳江總

長相思久離別征夫去遠芳音一作幽芳滅湘水深隴頭咽紅羅斗帳裏綠綺清絃絕逶迤百尺樓愁思三秋結

結

長相思久別離春風送鶯入簷窺暗開脂粉弄花枝紅樓千愁色玉筍兩行垂心心不相照望望何由知

長相思

陳陸瓊

人部

卷七十四

十三 閨情

長相思久離別一罷鴛文綺薦絕鴻已去柳堪結室冷鏡疑水庭幽花似雪容貌朝朝改書字看看滅

長相思

古無名氏

罷秋有餘慘還春不覺溫詎知玉筵側長挂銷愁人

長相思

唐蘇頌

君不見天津橋下東流水南望龍門北朝市楊柳青青宛地垂桃紅李白花參差花參差柳堪折此時憶

君心斷絕

長相思二首

唐李白

長相思在長安絡緯秋啼金井闌微霜淒淒簾色寒

孤燈不明思欲絕捲帷望月空長歎美人如花隔雲
端上有青冥之長天下有綠水之波瀾天長路遠魂
飛苦夢魂不到關山難長相思摧心肝

日色已盡花含煙月明欲素愁不眠趙瑟初停鳳凰
柱蜀琴欲奏鴛鴦絃此曲有意無人傳願隨春風寄
燕然憶君迢迢隔青天昔時橫波目今爲流淚泉不
信妾腸斷歸來看取明鏡前

長相思

唐劉復

長相思在桂林蒼梧山達瀟湘深秋堂零淚倚金瑟
朱顏搖落隨光陰長宵嘹唳鴻命侶河漢蒼蒼隔牛
人部

卷七十四

十四

閨情

女寧知一水不可渡況復萬山脩且阻綵絲織綺文
雙鴛昔時贈君君可憐何言一去瓶落井流塵歇滅
金爐前

長相思二首

唐令狐楚

君行登隴上妾夢在閨中玉箸千行落銀牀一半空

二

綺席春眠覺紗牕曉望迷朦朧殘夢裏猶自在遼西

長相思

唐權德輿

小小別潘郎嬌羞倚畫堂有時裁尺素無事約殘黃
鵲語臨妝鏡花飛落繡牀相思不解說明月照空房

長相思

唐白居易

妾住洛橋北君住洛橋南十五卽相識今年二十三
有如女蘿草生在松之側蔓短枝苦高繁迴上不得
願作遠方獸步步北肩行願作深山木枝枝連理生

長相思

唐曹鄴

翦妾身上巾贈郎傷妾神郎車不暫停妾貌寧長春
青天無停雲滄海無停津遣妾空牀夢夜夜隨車輪

獨不見

梁劉孝威

夫婿結纓簪偏蒙漢寵深中人引卧內副車遊上林
綬染瑯琊草蟬鑄武威金分家移甲第留妾住河陰

人部

卷七十四

十五

閨情

獨不見

梁王訓

日晚宜春暮風軟上林朝對酒近初節開樓蕩夜嬌
石橋通小澗竹路上青霄持底誰見許長愁成細腰

獨不見

梁柳惲

別島望雲臺天淵臨水殿芳草生未積春花落如霰
出從張公子還過趙飛鸞奉帚長信宮誰知獨不見

獨不見

唐李白

白馬誰家子黃龍邊塞兒天山三丈雪豈是遠行時
春蔥忽秋草沙雞鳴西池風摧寒櫻響月入霜闌悲

憶與君別年種桃齊蛾眉桃今百餘尺花落成枯枝
終然獨不見流淚空自知

遠相思

原作吳

晉陸機

蠶滿蓋重簾唯有遠相思藕葉清朝金何見早還時

昔思君

晉傅玄

昔君與我今形影潛結今君與我今雲飛雨絕昔君
與我今音響相和今君與我今落葉去柯昔君與我

今金石無虧今君與我今星滅光離

思公子

齊王融

春盡風颯颯蘭凋木脩脩王孫久為客思君徒自憂

人部

卷七十四

十六

劉孝綽

賦得遺所思

梁劉孝綽

遺簪彫玳瑁贈綺織鴛鴦未若華滋樹交枝蕩子房
別前秋已落別後春更芳所思不可寄唯憐盈袖香

為憐人有懷不至

梁沈約

影逐斜月來香隨遠風入言是定知非欲笑翻成泣

千里思

北魏祖叔辨

細君辭漢宇王嬌卽虜衛寂寂人逕阻迢迢天路殊
憂來似懸旆淚下若連珠無因上林鴈但見邊城蕪

思公子

北齊邢邵

綺羅日減帶桃李無顏色思君君未歸歸來豈相識

憶情人

隋秦玉鸞女

蘭幕蟲聲切椒庭月影斜可憐秦館女不及浴陽花

思遠人

唐王建

妾思常懸懸君行復綿綿征途向何處碧海與青天
歲久自有念誰令長在邊少年若不歸蘭室如黃泉

遠思曲

唐顧況

新繫青絲百尺繩心在君家轆轤上我心皎潔君不
知轆轤一轉一惆悵何處春風吹曉幕江南淶水通
朱閣美人二八顏如花泣向春風畏花落臨春風聽
春鳥別時多見時少愁人一夜不得眠瑤井玉繩相

人部

卷七十四

十七

關情

對曉

相思曲

唐戴叔倫

高樓重重閉明月腸斷仙年隔山別紫簫橫笛寂無
聲獨向瑤牕坐愁絕魚沈鴈杳天涯路始信人間別
離苦恨滿牙牀翡翠衾怨折金釵鳳凰股井深轆轤
嗟綆短衣帶相思日應緩將刀斫水水復連揮刀割
情情不斷落紅亂逐東流水一點芳心為君死妾身
願作巫山雲飛入仙郎夢裏裏

憶遠曲

唐元稹

憶遠曲郎身不遠郎心遠沙隨郎飯俱在匙郎意看

沙那比飯水中書字無字痕君心暗畫誰會君况妾
事姑姑進止身去門前同萬里一家盡是郎腹心妾
似生來無兩耳妾身何足言聽妾私勸君君今夜夜
醉何處姑來伴妾自開門嫁夫恨不早養兒將備老
妾自嫁郎身骨立老姑爲郎求娶妾妾不忍見姑郎
忍見爲郎忍耐看姑面

房中思

唐李賀中

新桂如蛾眉秋風吹小綠行輪出門去玉鸞聲斷續
月軒下風露曉庭自幽澀誰能事貞素卧聽莎雞泣

離思

唐孟郊中

人部

卷七十四

十八 閨情

不寐亦不語片月秋稍舉孤鴻憶霜羣獨鶴叫雲侶
怨彼浮花心飄飄無定所高張係綵帆遠過梅根渚
迴織別離字機聲有酸楚

離思

唐李商隱晚

氣盡前谿舞心酸子夜歌峽雲尋不得溝水欲如何
朔鴈傳書絕湘簟染淚多無由見顏色還自託微波

念遠

唐李商隱晚

日月淹秦甸江湖動越吟蒼梧應露下白閣自雲深
皎皎非鸞扇翹翹類鳳簪牀空鄂君被杵冷女嬰砧
北思驚沙鴈南情屬海禽關山已搖落天地共登臨

相思

唐李商隱

相思樹上合歡枝紫鳳青鸞並羽儀腸斷秦臺吹管
客日西春盡到來遲

有期不至

梁劉氏徐排妻

黃昏信使斷銜怨心悽悽迴燈向下榻轉面閣中啼

夢見故人

梁劉氏徐排妻

覺罷方知恨人心定不同誰能對角枕長夜一邊空

和王公人送客未還閨中望

陳徐陵

倡人歌吹罷對鏡覽紅顏拭粉留花稱除釵作小鬟
綺燈停不滅高扉掩未關良人在何處光唯見月還

人部

卷七十四

十九 閨情

望行人

唐張籍中

秋風牕下起旅鴈向南飛日日出門望家家行客歸
無因見邊使空待寄寒衣獨倚青樓暮煙深鳥雀稀

期不至

唐白居易中

紅燭清樽久延佇出門入門天欲曙星稀月落竟不
來煙柳隴隴鵲飛去

望行人

唐邵謁晚

登樓恐不高及高君已遠雲行郎卽行雲歸郎不返
嗟爲樓上人望望不相近若作轍中泥不放郎車轉
白日下西山望盡妾腸斷

思不見

唐曹鄴

但見出門蹤不見入門跡却笑山頭女無端化爲石
去不返

唐曹鄴

寒女不自知嫁爲公子妻親情未識面明日便東西
雙輪如鳥飛影盡東南街九重十二門一門四扇開
君從此路去妾向此路啼但得見君面不辭插荆釵
望不來

唐曹鄴

見花憶郎面常願花色新爲郎容貌好難有相似人

代葛沙門妻郭小玉作二首 宋鮑令暉

明月何皎皎垂幌照羅茵若共相思夜知同憂怨晨

人部

卷七十四

十一

閨情

芳華豈矜貌霜露不憐人君非青雲近楓迹事咸秦
妾持一生淚經秋復度春

君子將遙役遺我雙題錦臨當欲去時復留相思枕
題用常著心枕以憶同寢行行日已遠轉覺思彌甚

代陳慶之美人爲詠

梁劉氏

臨妝欲含涕羞畏家人知還代粉中絮擁淚不聽垂

艷情代郭氏荅盧照鄰

唐駱賓王

迢迢半路望芝田眇眇重關限蜀川歸雲已落洛江
外還鴈應過洛水瀼洛水傍連帝城側帝宅層甍垂
鳳翼銅駝路上柳千條金谷園中花幾色柳葉園花

處處新洛陽桃李應芳春妾向雙流窺石鏡君住三

川守玉人此時離別那堪道此日空牀對芳沼芳沼

徒遊比目魚幽徑還生拔心草流風迴雪舞便娟驥

子魚文實可憐擲果河陽君有分貨酒成都妾亦然

莫言貧賤無人重莫言富貴應須種綠珠猶得石崇

憐飛燕曾經漢皇寵良人何處醉縱橫直如循默守

空名倒提新練成慊慊翻將故劍作平平離前吉夢

成蘭北別後啼痕竹上生別日分明相約束已助宜

家成誠最當時疑弄掌中珠豈謂先摧庭際玉悲鳴

五里無人問腸斷一聲誰爲續思君欲上望夫臺端

人部

卷七十四

十一

閨情

居懶聽將離曲沈沈落日向山低簷前歸燕並頭栖
抱膝當牕看夕兔側耳空房聽曉雞舞蝶臨階祇自
舞啼鳥逢人亦助啼獨坐傷孤枕春來悲更甚峨眉
山上月如眉濯錦江中霞似錦錦字迴文欲贈君劍
壁層峰自糾紛平江淼淼分青浦長路悠悠間白雲
也知京洛多佳麗也知山岫遙虧蔽無那短封卽疎
索不在長情守期契傳聞織女對牽牛相望銀河隔
淺流誰分迢迢經兩歲誰能脉脉待三秋情知唾井
終無理情知覆水也難收不復下山能借問更向盧
家字莫愁

代閨人荅輕薄少年

唐崔顥

妾家近隔鳳凰池，粉壁紗牕楊柳垂。
本期漢代金吾婿，誤嫁長安游俠兒。
兒家夫婿多輕薄，借客探丸重然諾。
平明挾彈入新豐，日晚揮鞭出長樂。
青絲白馬冶遊園，能使行人駐馬看。
自矜陌上繁華盛，不念閨中花鳥闌。
花間陌上春將晚，走馬蘭雞猶未返。
三時出望無消息，一去那知行近遠。
桃李花開覆井欄，朱樓落日捲簾看。
愁來欲奏相思曲，抱得秦箏不忍彈。

代寄情人楚辭體

唐李白

君不來兮徒蓄怨，積思而孤吟。
雪陽一去已遠隔巫人部。

卷七十四

三三

山渌水之沈沈，留餘香兮染繡被。
夜欲寢兮愁人心，朝馳余馬於青樓。
恍若空而夷猶浮雲深，今不得語却惆悵而懷憂。
使青鳥兮銜書，恨獨宿兮傷離居。
何無情而兩絕夢，雖往而交疎。
橫流涕而長歎，折芳洲之瑤華。
送飛鳥以極目，怨夕陽之西斜。
願爲連根同死之秋草，不作飛空之落花。

代贈遠

唐李白

妾本洛陽人，狂夫幽燕客。
渴飲易水波，由來多感激。
胡馬西北馳，香騾控綠絲。
鳴鞭從此去，逐虜蕩邊陲。
昔去有好言，不言久離別。
燕支多美女，走馬輕風雪。

見此不記人，恩情雲雨絕。
帝流玉筋盡，坐恨金閨切。
織錦作短書，腸隨回紋結。
相思欲有寄，恐君不見察。
焚之揚其灰，手跡自此滅。

代贈

唐李商隱

東南日出照高樓，樓上離人唱石州。
總把春山掃眉黛，不知共得幾多愁。

代羅敷誚使君

唐曹鄴

常言愛嵩山，別妾向東京。
朝來見人說，却知在石城。
未必簪蒲花，只向石城生。
自是使君眼，見物皆有情。
麋鹿同上山，蓮藕同在泥。
莫學天上日，朝東暮還西。

人部

卷七十四

三三

贈王主簿二首

齊謝朓

日落牕中坐，紅妝好顏色。
舞衣襖未縫，流黃覆不織。
蜻蛉草際飛，遊蜂花上食。
一遇長相思，願寄連翩翼。

二

清吹要碧玉，調弦命綠珠。
輕歌急綺帶，含笑解羅襦。
餘曲詎幾許，高駕且踟躕。
徘徊韶景暮，一作憐惟有洛城隅。

洛城隅

愛姬贈主人

梁劉孝綽

卧久疑妝脫，鏡中私自看。
薄黛銷將盡，凝朱半有殘。
垂釵繞落鬢，微汗染輕紈。
同羞不相難，對笑更成歡。

妾心君自解挂玉且留冠

贈情人

梁王湜

雨驟行人斷雲聚獨悲深儻更逢歸鴈一一傳情心

贈謝府君

梁吳興妓童

玉釵空中墮金鈿行已歇獨泣謝春風長夜孤明月

贈王肅

伽藍記曰洛陽城南正覺寺尚書令王肅所立也肅在江南娶謝氏女及至京師復尚公主其後謝氏為尼來奔作詩贈肅公主亦代肅贈謝肅聞之甚恨遂造正覺寺以悲之

北魏謝氏妻

本為箔上蠶今作機中絲得絡逐勝去頗憶纏綿時

代荅詩

陳留長公主

人部

卷七十四

二十四 閨情

針是貫紳物自中常絰絲得帛縫新去何能衲故時

贈情人

隋李月素女即

感郎千金意含嬌抱郎宿試作帷帳一作中音羞開燈

前目

贈劉畏之

唐李商隱晚

待得郎來月已低寒暄不道醉如泥五更又欲向何

處騎馬出門烏夜啼

為人題贈二首

唐杜牧晚

桂席塵瑤珮瓊爐燼水沈凝魂空薦夢低耳悔聽琴
月落珠簾卷春寒錦幕深和簪拋鳳髻將淚入鴛衾

二

半月鉅雙臉凝腰素一圍西墻苔漠漠南浦夢依依

有恨簪花懶無聊鬪草稀避人勻迸淚拖袖倚殘暉

贈鄰女

唐魚玄機女冠

羞日遮羅袖愁春懶起妝易求無價寶難得有心郎

枕上潛垂淚花間暗斷腸自能窺宋玉何必恨王昌

寄行人

宋鮑令暉

桂吐兩三枝蘭開四五葉是時君不歸春風徒笑妾

閨婦荅鄰人

宋許瑤

昔如影與形今如胡與越不知行遠近忘却離年月

人部

卷七十四

三十五 閨情

閨妾寄征夫

梁武陵王

斂色金星聚繁悲玉筍流願君看海氣憶妾上高樓

寄阮郎

隋張碧蘭女即

郎如洛陽花妾似武昌柳兩地惜春風何時一攜手

寄遠三首

唐李白盛

妾在春陵東君居漢江島日日望花光往來成白道

一為雲雨別此地生秋草秋草秋蛾飛相思愁落暉

何由一相見滅燭解羅衣

二

長短春草綠綠階如有情卷施心獨苦抽却死還生

親物知妾意希君種後庭閒時當採掇念此莫相輕

二

魯縞如玉霜筆題月氏書寄書白鸚鵡西海慰離居
行數雖不多字字有委曲天末如見之開絨淚相續

閨人寄遠五首

唐王涯中

花明綺陌春柳拂御溝新為報遼陽客流芳不待人

二

遠戍功名薄幽閨年貌傷妝成對春樹不語淚千行

三

啼鶯綠樹深語燕雕梁晚不省出門行沙場知近遠

人部

卷七十四

三十六 閨情

四

形影一朝別煙波千里分君看望君處祇是起行雲

五

洞房今夜月如練復如霜為照離人恨亭亭到曉光

贈遠

唐王涯中

當年只是守空帷夢見關山覺別離不見鄉書傳鴈

足唯看新月挂蛾眉

途中寄太原所思

唐歐陽詹中

鷗鳥漸覺遠迴頭長路塵高城已不見兄復城中人
去意自未甘居情諒猶辛萬里東北晉千里西南秦

一履不出門一車無停輪流萍與匏繫早晚期相親

寄歐陽詹

唐太原妓中

自從別後減容光半是思郎半恨郎欲識舊來雲鬢
樣為奴開取縷金箱

寄遠

唐杜牧晚

隻影隨驚鴈單栖鎖畫籠向春羅袖薄誰念舞臺風

代人寄遠二首

唐杜牧晚

河橋酒旆風軟候館梅花雪嬌宛陵樓上瞻目我郎

何處情饒

繡領任垂蓬髻丁香開結春梢贈肯新年歸否江南

人部

卷七十四

三十七 閨情

綠草迢迢

寄張生

唐崔鶯鶯女郎

待月西廂下迎風戶半開拂牆花弄影疑是故人來

詩集類函卷七十五

東吳俞安期彙纂

宣城梅鼎祚增定

關中朱誼瀋訂校

人部十七

閨情三

○閨情三

藁砧詩原作古絕句

古辭

藁砧今何在山上復有山何當大刀頭破鏡飛上天

藁常之云藁砧砧也謂夫也山上有山出也大刀頭刀上鏤也破鏡言半月當鑿此詩格非當時有釋之者後人豈能曉哉

盤中詩

漢蘇伯玉妻

人部

卷七十五

閨情

山樹高鳥鳴悲泉水深鯉魚肥望禽鵲常苦飢更人婦會夫希出門望見白衣謂當是而更非還入門中心悲北上堂西入階急機絞杼聲催長歎息當語誰君有行妾念之出有日還無期結巾一作帶長相思君忘妾未知之妾忘君罪當治妾有行宜知之黃者金白者玉高者山下者谷姓者蘇字伯玉人才多知謀足家居長安身在蜀何惜馬蹄歸不數羊肉千斤酒百斛令君馬肥麥與粟今時人知四足與其書不能讀當從中央周四角

同聲歌

漢張衡

邂逅承際會得充君後房情好新交接恐慄若探湯不才勉自竭賤妾職所當綢繆主中饋奉禮助蒸嘗思為苑翦席在下蔽匡牀願為羅衾幃在上衛風霜灑掃清枕席鞶芬以狄一作狄香重戶結金扇高下華燈光衣解巾粉御列圖陳枕張素女為我師儀態盈萬方衆夫所希見天老教軒皇樂莫斯夜樂沒齒焉可忘

定情詩

魏繁欽

我出東門遊邂逅承清塵思君即幽房侍寢執衣巾時無桑中契迫此路側人我既媚君姿君亦悅我顏

人部

卷七十五

二

閨情

何以致拳拳縮臂雙金環何以致殷勤約指一雙銀何以致區區耳中雙明珠何以致叩叩香囊繫肘後何以致契闊繞腕雙跳脫何以結恩情美玉綴羅纓何以結中心素縷連雙針何以結相於一作投金薄畫搔頭何以慰別離耳後璫瑁釵何以答歡悅純素三條裾何以結愁悲白絹雙中衣與我期何所乃期東山隅日昨今不來谷風吹我襦遙望無所見涕泣起踟躕與我期何所乃期山南陽日中今不來飄風吹我裳逍遙莫誰覩望君愁我腸與我期何所乃期西山側日夕今不來踟躕長歎息遙望涼風至俯仰正

衣服與我期何所乃期山北岑日暮今不來寒風吹
我襟望君不能坐悲苦愁我心愛身以何為惜我華
色時中情既款款然後尅密期寒衣躍茂草謂君不
我欺則此醜陋質徒倚無所之自傷失所欲淚下如
連絲

定情篇

唐喬知之 初

共君結新婚歲寒心未卜相與遊春園各隨情所逐
君念昌蒲花妾感苦寒竹首花多豔寒竹有貞葉
此時妾比君君心不如妾簪玉步河隄妖韶援綠蕙
見鴈將子游鶯燕從雙栖君念春光好妾向春光啼
人部 卷七十五 三 四

君時不得意棄妾還金閨結言本同心悲歡何未齊
怨咽前致詞願得伸所悲人間丈夫易世路婦難為
始如經天月終若流星馳天月相終始流星無定期
長信佳麗人失意非蛾眉盧江小吏婦非關織作遲
本願長相對今已長相思復有遊宦子結縷從梁陳
燕居崇三朝去來歷九春誓心妾終始蠶桑奉所親
歸願未克從黃金贈路人潔婦懷明義從汎河之津
於今千萬年誰當問水濱更憶娼家樓夫婿事封侯
去時恩灼灼去罷心悠悠不憐妾歲晏十載隴西頭
以茲常惕惕百慮恒盈積由來共結縷幾人共匪和

故歲雕梁燕雙去今來隻今日玉庭梅朝紅暮成碧
碧榮始分芳黃葉已漸瀝何用念芳春芳春有流易
何用重歡娛歡娛俄戚戚家本巫山陽歸去路何長
叙言情未盡採桑已盈筐桑榆日及景物色盈高岡
下有碧流水上有丹桂香桂枝不須折碧流清且潔
贈君比芳菲愛惠常不歇贈君比潺湲相思無斷絕
妾有秦家鏡寶匣裝珠璣鑑來年二八不記易陰暉
妾無光寂寂妾照影依依今日持為贈相識莫相違

燕歌行二首

魏文帝

秋風蕭瑟天氣涼草木搖落露為霜羣燕辭歸鴈南
人部 卷七十五 四

翔念君客遊思斷腸宋書作多思腸慊慊思歸戀故鄉君何
淹留寄他方賤妾擎擎守空房憂來思君不敢忘不
覺淚下沾衣裳援琴鳴絃發清商短歌微吟不能長
明月皎皎照我牀星漢西流夜未央牽牛織女遙相
望爾獨何辜限河梁

別日何易會日難山川悠悠路漫漫樽陶思君未敢
言寄書一作浮雲往不還涕零雨面毀形容一作顏誰
能懷憂獨不歎展詩清歌聊自寬樂往哀來摧心一作
肝耿耿伏枕不能眠披衣出戶步東西悲風清厲
秋氣寒羅幃徐動經秦軒仰戴一作星月觀雲間飛

鷓鴣晨鳴聲可憐，留連顧懷不自存。

燕歌行

晉陸機

四時代序逝，不追寒風習。習落葉飛，蟋蟀在堂露盈。

堦一作念君客一作遊常苦悲君何，綢然久不歸賤。

妾悠悠心無違，白日既沒明燈輝。夜一作禽赴林匹。

鳥棲雙鳩關關宿，河湄憂來感物涕。不晞非君之念。

思爲誰別日，何早會何遲。

燕歌行二首

宋謝靈運

孟冬初寒節，氣成悲風入。閨霜依庭秋，蟬噪柳燕辭。

樓一作楹念君行役，怨邊城君何崎嶇。久阻征，豈無膏。

人部

卷七五

五

閨情

沐感鶴鳴對君不，樂淚沾纓闕。牕開幌弄秦箏，調絃。

促柱多哀聲，逢夜明月鑒帷屏。誰知河漢淺，且清展。

轉思服悲明星。

四時推遷迅不停，三秋蕭瑟葉解輕。飛霜被野，鴈南。

征念君客遊，羈思盈何爲淹留。無歸聲愛而不見傷。

心情朝日潛輝華，燈明林鵲同栖渚。鴻并接翮偶羽。

依蓬瀛，仇依旅類相和鳴。余獨何爲志無成，憂緣物。

感淚沾纓一作惠連詩

燕歌行

梁元帝

燕趙佳人本自多，遼東少婦學春歌。黃龍戍北花如。

錦玄菟城前一作月似蛾，如何此時別夫婿。金羈翠。

眊往交河還聞入漢去，燕營怨妾愁心百恨生。漫漫。

悠悠天未曉，遙遙夜夜聽寒更。自從異縣同心別，偏。

恨同時成。異節橫波滿臉，萬行啼翠眉暫斂。千重結。

並海連天，合不開那堪春日。上春臺乍見遠舟如落。

葉復看遙舸似行杯，沙汀野鶴嘯羈雌。妾心無趣坐。

傷離，翻嗟漢使。青塵斷空，傷賤妾燕南陲。

燕歌行

梁蕭子顯

賦光運，舞青蘋。蘭條翠鳥鳴，發春洛陽梨花落。如。

雪河邊，細柳細如茵。桐生井底葉交枝，今看無端雙。

人部

卷七五

六

閨情

鸞離五重飛樓入，河漢九華閣道暗。清池遙看白馬。

津上吏傳道，黃龍征戍兒。明月金波徒照妾，浮雲玉。

葉君不知思君昔，去柳依依至今。八月避暑歸明珠。

蠶繭勉登機，鬱金香醕持香衣。洛陽城頭雞欲曙，丞。

相府中鳥未飛。夜夢征人縫狐貉，私憐織婦裁錦緋。

吳刀鄭綿絡，寒閨夜被薄。芳年海上水中鳧，日暮寒。

夜空城雀。

燕歌行

北周王褒

初春麗景一作鶯欲嬌，桃花流水沒河橋。薔薇花開。

百重葉，楊柳拂地數千條。隴西將軍號都護，樓蘭校。

尉稱嫖姚自從昔別春燕分經年一去不相聞無復

漢地關山月一作長安月唯有漠北薊城雲淮南桂中明

月影流黃機上織成文充國行軍屢築營陽史討虜

陷平城城下風多能却陣沙中雪淺詎停兵屬國小

婦猶年少羽林輕騎數征行遙聞陌頭採桑曲猶勝

邊地胡笳聲胡笳向暮使人泣長望一作還使閨中空佇

立桃花落地杏花舒桐生井底寒葉疎試為來看上

林鴈應有遙寄隴頭書北史本傳曰袁作燕歌妙盡

士和之而競為悽切及江陵為魏師所破元帝出降方駿焉

燕歌行

北周庾信

人部

卷七十五

七 閨情

代北雲氣晝昏昏千里飛蓬無復根寒鴈噫噫渡遼

水桑葉紛紛落薊門晉陽山頭無箭竹疎勒城中乏

水源屬國征戍久離居陽關音信絕能疎願得曾連

飛一箭持寄思歸燕將書渡遼本自有將軍寒風蕭

蕭生水紋妾驚甘永足烽火君訝漁陽少一作多陣雲

自從將軍出細柳蕩子空牀難獨守盤龍明鏡飼秦

嘉辟惡生香寄囑壽春分燕來能幾日二月蠶眠不

復久一作能食洛陽游絲百丈連黃河春水千片穿桃花

顏色好如馬榆莢新開巧似錢蒲桃一杯千日醉無

事九轉學神仙定取金丹作幾服能令華表得千年

楊花曲三首

宋湯惠休

歲華結情宛轉風含思掩涕守春心折蘭還自遺

二

江南相思引多歎不成音黃鶴西北去銜我千里心

三

沐堤下生草高城上入雲春人心生思思心長為君

王孫遊

楚辭曰王孫遊兮不歸芳草生兮萋萋

齊王融

置酒登廣殿開襟望所思春草行已歇何事久佳期

王孫遊

齊謝朓

綠草蔓如絲雜樹紅英發無論君不歸君歸芳已歇

人部

卷七十五

八 閨情

邯鄲歌

梁武帝

回顧瀾陵上北指邯鄲道短衣妾不傷南山為君老

襄陽白銅鞮歌三首

梁武帝

陌頭征人去閨中女下機含情不能言送別沾羅衣

二

草樹非一香花葉百種色寄語故情人知我心相憶

三

龍馬紫金鞍翠眊白王羈照耀雙闕下知是襄陽兒

烏夜啼

梁簡文帝

綠草庭中望明月碧玉堂裏對金鋪鳴弦撥淚發初

異挑琴欲吹衆曲殊不疑三足朝含影直言九子夜
相呼羞言獨眠枕下淚託道單樓城上烏

攜手曲

梁沈約

捨轡下雕輅更衣奉玉牀斜簪映秋水開鏡比春妝
所畏紅顏促君恩不可長鷄冠且容裔豈吝桂枝亡

裁衣曲

原作行路難

梁王筠

千門皆閉夜何央百憂俱集斷人腸揀箱中取刀
尺拂拭機上斷流黃情人逐情雖可恨復畏邊遠乏
衣裳已綵一重催衣縷復持百和薰衣香猶憶去時
腰大小不知今日身短長兩袖雙心共一袂和復兩

人部

卷七十五

九

閨情

邊作八襖襟帶雖安不忍縫開孔裁穿猶未達曾前
却月兩相連本照君心不照天願君分明得此意勿
復流蕩不如先含悲含怨判不死封情忍思待明年
增新曲聯句

酒闌日隱樹上客請調絃嬌人挾瑟至逶迤未肯前

劉孝

舊愛今何在新聲徒自憐有曲無人聽徒倚高

樓前何徘徊日照轉側被風吹徒爲相思覺傷春

君不知月昏樓上坐含悲望別離已切空牀怨復

看花柳枝何

登樓曲

梁沈約

憑高川陸近望遠阡陌多相思隔重嶺相憶限長河

映水曲

梁沈約

輕鬢學浮雲雙蛾擬初月水澄正落釵萍開理垂髮

挾琴歌

北齊魏收

春風宛轉入曲房兼送小苑百花香白馬金鞍去未
返紅妝玉筍下成行

豫章行

隋薛道衡

江南地遠接閩隴山東英妙屢經遊前瞻疊障千重
阻却帶驚濤萬里流楓葉朝飛向京洛文魚夜過歷
吳洲君行遠度茱萸妾住長依明月樓樓中愁思

人部

卷七十五

十一

閨情

不聞頻始復臨牕望早春鴛鴦水上萍初合鳴鶴園
中花併新空憶常時角枕處無復前日畫眉人照骨
金環誰用許見瞻明鏡自生塵蕩子從來好留滯况
復關山遠迢遞當學織女嫁牽牛莫作姮娥叛大野
偏訝思君無限極欲罷欲忘還復憶願作王母三青
鳥飛去飛來傳消息豐城雙劍昔曾離經年累月復
相隨不畏將軍成久別只恐封侯心更移

昔昔鹽

隋薛道衡

垂柳覆金堤蘼蕪葉復齊水溢芙蓉沼花飛桃李蹊
采桑秦氏女織錦賈家妻關山別蕩子風月守空閨

恒歛千金笑長垂雙玉帝盤龍隨鏡隱彩鳳逐帷低
飛翫同夜鵲倦寢憶晨雞暗牖懸蛛網空梁落燕泥
前年過代北今歲往遼西一去無消息那能惜馬蹄

如意娘

唐武后初

看朱成碧思紛紛憔悴支離為憶君不信比來長下
淚開箱檢取石榴裙

朝來曲

唐王昌齡盛

月晃鳴珂動花連繡戶春盤龍玉臺鏡唯待畫眉人
青樓曲二首

唐王昌齡盛

白馬金鞍從武皇旌旗十萬宿長楊樓頭小婦鳴箏
人部 卷七十五 十一 閨情

坐遙見飛塵入建章

馳道楊花滿御溝紅妝綬綰上青樓金章紫綬千餘
騎夫婿朝回初拜侯

長干曲

唐張潮

婿貧如珠玉婿富如埃塵貧時不忘舊富日多寵新
妾本富家女與君為偶匹惠好亦何深中門不曾出
妾有繡衣裳歲縫金縷光念君貧且賤易此從遠方
遠方三千里思君心未已日暮情更來空望去時水
孟夏麥始秀江上多南風商賈歸欲盡君今尚巴東
巴東有巫山窈窕神女顏常恐遊此方果然不知還

長干曲四首

唐崔顥盛

君家何處住妾住在橫塘停船暫借問或恐是同鄉
二

家臨九江水來去九江側同是長干人生小不相識
三

下渚多風浪連舟漸覺稀那能不相待獨自送潮歸
四

三江潮水急五湖風浪湧由來花性輕莫畏蓮舟重

長干行二首

唐李白盛

妾髮初覆額折花門前刺郎騎竹馬來繞牀弄青梅
人部 卷七十五 十二 閨情

同居長千里兩小無嫌猜十四為君婦羞顏未嘗開
低頭向暗壁千喚不一迴十五始展眉願同塵與灰
常存抱柱信豈上望夫臺十六君遠行瞿塘灘滪堆
五月不可觸猿聲天上哀門前舊行跡一一生綠苔
苔深不能掃落葉秋風早八月蝴蝶來雙飛西園草
感此傷妾心坐愁紅顏老早晚上三巴預將書報家
相迎不道遠直至長風沙
憶妾深閨裏煙塵不曾識嫁與長干人沙頭候風色
五月南風興思君下巴陵八月西風起想君發揚子
去來悲如何見少離別多湘潭幾日到妾夢越風波

昨夜狂風度吹折江頭樹森森暗無邊行人在何處
好乘浮雲驄佳期蘭渚東驚蒼綠浦上翡翠錦屏中
自憐十五餘顏色桃花紅那作商人婦愁水復愁風

小長干曲

唐崔國輔 盛

月暗送湖風相尋路不通菱歌唱不輟知在此塘中

王孫遊

唐崔國輔 盛

自與王孫別頻看黃鳥飛應由春草誤著處不成歸

流水曲

唐崔國輔 盛

歸來日尚早更欲向芳洲渡口水流急回船不自由

白紵辭二首

唐崔國輔 盛

人部

卷七十五

十三

洛陽梨花落如霰河陽桃葉生復齊坐恐玉樓春欲

盡紅綿粉絮哀妝啼

董賢女弟在椒風窈窕繁華貴後宮璧帶金釭皆翡翠

翠一朝零落變成空

襄陽行

唐張潮 盛

玉盤轉明珠君心無定準昨見襄陽客刺說襄陽好

無盡襄陽水岷山垂漢水東流風北吹只言一世長

嬌寵那悟今朝見別離君渡清羌渚知人獨不語妾

見烏栖林憶君相思深莫作雲間鴻離聲願倚倚當

如匪中劍分形會同處是君婦識君情怨君恨君爲

此行下牀一宿不可保況乃萬里襄陽城襄陽傳近
大堤北君到襄陽莫回惑大堤諸女兒憐錢不憐德

江南行

唐張潮 盛

茨菰葉爛別西灣蓮子花開猶未還妾夢不離江上

水人傳郎在鳳皇山

江夏行

唐李白 盛

憶昔嬌小姿春心亦自持爲言嫁夫婿得免長相思

誰知嫁商賈令人却愁苦自從爲夫妻何曾在鄉土

去年下揚州相送黃鶴樓眼看帆去遠心逐江水流

只言期一載誰謂歷三秋使妾腸欲斷恨君情悠悠

人部

卷七十五

十四

東家西舍同時發北去南來不逾月未知行李遊何

方作箇音書能斷絕適來往南浦欲問西江船正見

當壚女紅妝二八年一種爲人妻獨自多悲悽對鏡

便垂淚逢人只欲啼不如輕薄兒且暮長追隨悔作

商人婦青春長別離如今正好同歡樂君去容華誰

得知

荊州歌

唐李白 盛

白帝城邊足風波瞿塘五月誰敢過荊州麥熟醵成

蛾繅絲憶君頭緒多撥殺飛鳴奈妾何

楊叛兒

齊隆昌時女巫之子曰楊曼少時隨人
內及長爲大婦龍童送之楊曼兒共戲

來所歡語說遂成楊叛兒古今樂錄曰
楊叛兒送聲云叛兒教戲不負相思

唐李白

君歌楊叛兒妾勸新豐酒何許最關人
烏啼白門柳烏啼隱楊花君醉留妾家
博山爐中沈香火雙煙一氣凌紫霞

淶水曲

唐李白

綠水明秋月南湖採白蘋荷花嬌欲語
愁殺蕩舟人

江樓曲

唐李賀

樓前流水江陵道鯉魚風起芙蓉老
曉釵催鬢語南風抽帆歸來一日功
鼙吟浦口飛梅雨竿頭酒旗換

八部

卷七十五

十五

青萍蕭騷浪白雪差池黃粉油衫寄郎
王新槽酒聲苦無力南湖一頃菱花白
眼前便有千里愁小玉開屏見山色

難忘曲

唐李賀

夾道開洞門弱楊低盡戟簾影竹華起
簫聲吹日色蜂語繞妝鏡拂蛾學春碧
亂繫丁香梢滿欄花向夕

光風曲

唐權德輿

光風淡蕩百花吐樓上朝朝學歌舞
身年二八罍侍中幼妹承恩兄尚主
綠牕珠箔繡鴛鴦侍婢先焚百

日出不知曙寂寂羅幃春夢長

江南曲

唐于鵠

偶向江邊採白蘋還隨女伴賽江神
衆中不敢分明語暗擲金錢上遠人

效古促促曲爲河上思婦作

唐李益

促促何促促黃河九回曲嫁與棹船郎
空牀持影宿不道君心不如石那令妾
貌長如玉

清東曲

唐孟郊

櫻桃花參差香雨紅霏霏欣笑競攀折
美人濕羅衣采采清東曲明眸艷珪玉
青巾編上郎上下看不足

竹枝詞

唐劉禹錫

楊柳青青江水平聞郎江上唱歌聲
東邊日出西邊雨道是無情却有情

浪淘沙詞

唐劉禹錫

洛水橋邊春日斜碧流清淺見瓊沙
無端陌上狂風急驚起鴛鴦出浪花

浪淘沙詞

唐張籍

鸚鵡洲頭浪颭沙青樓春望日將斜
銜泥燕子爭歸舍獨自狂夫不憶家

吳楚歌詞

唐張籍

庭前春鳥啄林聲紅夾羅襦縫未成
今朝社酒停針

線起向朱櫻樹下行

羅噴曲二首

唐劉采春

女郎

不喜秦淮水生憎江上船載見夫婿去經歲又經年

二

莫作商人婦金釵當卜錢朝朝江口望錯認幾人船

秋夜曲二首

唐王涯

中

丁丁漏水夜何長漫漫輕雲露月光秋逼暗蟲通夕

響寒衣未寄莫飛霜

桂魄初生秋露微輕羅已薄未更衣銀筆夜久殷勤

弄心怯空房不忍歸

人部

卷七十五

十七

閨情

照影曲

唐溫庭筠

晚

景陽妝罷瓊牕暖欲照澄明香步懶橋上云多抱彩

雲金鱗不動春塘滿黃印額山輕爲塵翠麟紅裀俱

含頻桃花百媚如欲語曾爲無雙今兩身

房中曲

唐李商隱

晚

薔薇泣幽素翠帶花錢小嬌郎凝若雲抱日西簾曉

枕是龍宮石割得秋波色玉簫失柔膚但見蒙羅碧

憶得前年春未語悲合辛歸來已不見錦瑟長埃塵

今日澗底松明日山頭藥愁到天池翻相看淚沾臆

金殿樂

唐

唐

唐

一夜秋砧動千門起四鄰不緣樓上月應爲隴頭人

大酺樂

唐張文收

淚滴珠難盡容殘玉易銷儻隨明月去莫道夢魂遙

甘州

唐

欲使傳消息空書意不任寄君明月鏡偏照故人心

歎疆場

唐

聞道行人至妝梳對鏡臺淚痕猶尚在笑靨自然開

雙帶子

唐

私言切語誰人會海燕雙飛繞畫梁君學秋胡不相

識妾亦無心去採桑

人部

卷七十五

十八

閨情

羽林騎閨人

唐王維

盛

秋月臨高城城中管絃思離人堂上愁稚子堦前戲

出門復映戶望望青絲騎行人過欲盡狂夫終不至

左右寂無言相看共垂淚

佳人

唐杜甫

盛

絕代有佳人幽居在空谷自云良家子零落依草木

夫婿輕薄見新人美如玉合婚尚知時鴛鴦不獨宿

但見新人笑那聞舊人哭在山泉水清出山泉水濁

侍婢賣珠迴牽羅補茅屋摘花不挿髮采柏動盈掬

天寒翠袖薄日暮倚脩竹

賦得盈盈樓上女

唐孟浩然

天婿久別離青樓空望歸妝成卷簾坐愁思懶縫衣
燕子家家入楊花處處飛空牀難獨守誰爲解金微

樓上女兒曲

唐盧仝

誰家女兒樓上頭指揮婢子挂簾鉤林花撩亂心之
愁卷却羅袖彈箏篴歷亂五六絃羅袖掩面啼向天
相思絃斷情不斷落花紛紛心欲穿心欲穿憑欄干
相憶柳條綠相思錦帳寒直緣感君恩愛一迴顧使
我雙淚六珊瑚我有嬌靨待君笑我有嬌蛾待君掃
鶯花爛熳君不來及至君來花已老心腸寸斷誰得

入部

卷七十五

一九

閨情

知玉階羃歷生青草

閨婦

唐白居易

斜凭繡牀愁不動紅銷帶緩綠鬟低遶陽春盡無消
息夜合花開日又西

王敬伯歌

唐李端

妾本舟中客聞君江上琴君初感妾意妾亦感君心
遂出合歡被同爲交頸禽傳盃唯畏淺接膝猶嫌遠
侍婢奏箏篴女郎歌宛轉宛轉夜如何中庭霜漸多
霜多葉可惜昨日非今夕徒結萬重淚終成一宵客
王敬伯綠水青山從此隔

柳枝五首

唐李商隱

柳枝洛中里娘也父饒好賈風波死湖上其母不
念他兒子獨命柳枝生十七年塗妝縮髻未嘗寬
已復起去吹葉嚼藥調絲擲管作天海風濤之曲
幽憶怨斷之音居其旁與其家揖故往來者聞十
年尚相與疑其醉眠夢物斷不娉余從昆讓山比
柳枝居爲近他日春曾陰讓山下馬柳枝南柳下
詠余燕臺詩柳枝驚問誰人有此誰人爲是讓山
謂曰此吾里中少年叔耳柳枝手斷長帶結讓山
爲贈叔乞詩明日余比馬出其巷柳枝已裝畢妝

入部

卷七十五

二十一

閨情

抱立扇下風鄣一袖指曰若叔是旬後三日鄰當
去濺裙水上以博山香待與郎俱過余諾之會所
友有偕當詣京師者戲盜余卧裝以先不果留雪
中讓山至且曰東諸侯取去矣明年讓山復東相
背於戲上因寓詩以墨其故處

花房與蜜脾蜂雄蛺蝶雌同時不同類那復更相思

二

本是丁香樹春條結始生玉作彈碁局中心亦不平

三

嘉瓜引蔓長碧玉冰寒漿東陵雖五色不忍值牙香

四

柳枝井上蟠蓮葉浦中乾錦鱗與繡羽水陸有傷殘

五

畫屏繡步障物物自成雙如何湖上望只是見鴛鴦

濮陽女

唐□□□

鴈來書不至月照獨眠房賤妾多愁思不堪秋夜長

獨眠

原作前
綴歌

梁包明月

當曙與未曙百鳥啼牕前獨眠抱被歎憶我懷中儂

單情何時雙

十索六首

隋丁六娘

入部

卷十五

二十一

閨情

裙裁孔雀羅紅綠相參對映以蛟龍錦分明奇可愛

麝細君自知從郎索衣帶

爲性愛風流偏憎良夜促曼眼腕中嬌相看無厭足

歡情不耐眠從郎索花燭

君言花勝人人今去花近寄語落花風莫吹花落盡

欲作勝花妝從郎索紅粉

二八好容顏非意得相關逢系欲採折尋枝倒嬾攀

欲呈纖纖手從郎索指環

合嬌不自轉送眼勞相望無那關情伴共入同心帳

欲防人眼多從郎索錦障

蘭房下翠帷蓮帳舒鴛錦歡情宜早暢密意須同寢

欲共作繡錦從郎索花枕

臺上鏡

原作
賦詩

唐辛弘智初

君爲河邊草逢春心刺生妾如臺上鏡得照始分明

孤燭歎

唐徐彥伯初

切切夜閨冷微微孤燭然玉盤紅淚滴金燼彩光圓

暖手縫輕素頻蛾續斷絃相思咽不語回向錦屏眠

春夜裁縫

唐薛維翰盛

珠箔因風起飛蛾入最能不教人夜作方便殺明燈

洞房

原作近試上
張弘冰部

唐朱慶餘中

入部

卷十五

二十二

閨情

洞房昨夜停紅燭待曉堂前拜舅姑裝罷低聲問夫

婿畫眉深淺入時無

思婦眉

唐白居易中

春風搖蕩自東來拆盡櫻桃綻盡梅唯餘思婦愁眉

結無限春風吹不開

結素魚貽友人

唐李冶女冠

尺素如殘雪結爲雙鯉魚欲知心裏事看取腹中書

懶卸頭

唐韓偓時

侍女動妝奩故故驚人睡那知本未眠背面偷垂淚

嬾卸鳳凰釵羞入鴛鴦被時復見殘燈和煙墜金穗

髻鬆

唐韓偓晚

髻根鬆慢玉釵垂指點花枝又過時坐久暗生惆悵
事映人勻却淚胭脂

忍笑

唐韓偓晚

宮樣衣裳淺畫眉曉來梳洗更相宜水精鸚鵡釵頭
顫舉袂伴羞忍笑時

寄恨

唐韓偓晚

秦釵枉斷長條玉蜀紙虛留小字紅死恨物情難會
處蓮花不肯嫁春風

遶廊

唐韓偓晚

濃煙隔簾香漏泄斜燈映竹光參差遶廊倚柱堪作
更一惆悵微雨輕寒花落時

兩處

唐韓偓晚

樓上淡山橫樓前溝水清憐山又憐水兩處總牽情
半睡

半睡

唐韓偓晚

揔照仍嫌瘦更衣又怕寒宵分未歸帳半睡待郎看
春歸二首

願結交加夢因傾漱灑樽醒來情緒惡簾外正黃昏

二

氤氳帳裏香薄薄睡時妝長吁解羅帶怯見上空牀

再青春

唐韓偓晚

兩重門裏玉堂前寒食花枝月午天想得那人垂手
立嬌羞不肯上鞦韆

踏青

唐韓偓晚

踏青會散欲歸時金車久立頻催上收裙整髻故遲
留兩點深心各惆悵

玉合

唐韓偓晚

羅囊繡兩鳳凰玉合雕雙鸚鵡中有蘭膏漬紅苴每
回拈著長思憶長思憶經幾春人悵望香氛氤開絨
不見新書跡帶粉猶殘舊指痕

夜意

唐李商隱晚

簾垂幕半捲枕冷被仍香如何為相憶魂夢過瀟湘

自退

唐曹鄴晚

寒女面如花空寂常對影況我不嫁客甘為旌墮井
走筆戲書應令

走筆戲書應令

陳徐陵

此日乍殷勤相嫌不如春今宵花燭淚非是夜迎人
舞席秋來卷歌筵無數塵曾經新代故那惡故迎新

片月窺花簾輕寒入錦巾秋來應瘦盡偏自著腰身

偶言

唐賀正盛

涼涼秋闌夕綺羅早知寒玉砧調鳴杵始擣機中紉

憶昨別離日桐花覆井欄今來思君時白露滋

信筆

唐韓偓晚

睡髻休頻攏春眉忍更長整釵梳子重泛酒菊花香

題三鄉驛

唐若耶谿女子

余本若耶谿東女不得從夫西入陌關寓居晉昌

人部 卷七十五

三十五 閨情

以悼其幽思也遂命筆聊題

昔逐良人西入關良人身沒妾空還謝娘衛女不相

和三鄉驛詩

唐陸貞洞晚

惆悵殘花過暮春孤鸞舞鳳倍傷神清詞好箇千人

和三鄉驛詩

唐王碩晚

無姓無名越水濱芳詞豈怨路傍人莫教才子空惆

悵宋玉東家是舊鄰

詩雋類函卷七十六

東吳俞安期彙纂

宣城梅鼎祚增定

關中朱誼汧訂校

人部十八

閨怨

○閨怨

閨怨一作邵陵王綸代秋胡閨怨

梁元帝

蕩子從遊宦思妾守房櫳塵鏡朝朝掩寒衾夜夜空

若非新有悅何事久西東知人相憶否淚盡夢啼中

宋鮑照

容華不待年何爲客遊梁九月寒陰合悲風斷君腸

人部

卷七十六

閨怨

歎息空房婦幽思坐自傷勞心結遠路惆悵獨未央

閨怨

梁陸罩

自憐斷帶日偏恨分釵時留步惜餘影含意結愁眉

閨怨二首

梁何遜

徒知今異昔空使怨成思欲以別離思獨向蘼蕪悲

閨閣行人斷房櫳月影斜誰能北牕下獨對後園花

集作誰知北牕下猶對後庭花

竹葉響南牕月光照東壁誰知夜獨覺枕前雙淚滴

梁何遜

曉河沒高棟斜月半空庭牕中度落葉簾外隔飛螢

含悲一作情下翠帳掩泣一作涕閉金屏昔期今未返春

草寒復青思君無轉易何異北辰星

閨怨二首

梁吳均

胡笳屢淒斷征蓬未肯還安坐江之介君戍小長安
相去三千里參商書信難四時無人見誰復重羅紈

二

春草可攬結妾心正斷絕綠鬢愁中改紅顏啼裏滅
北窗淚成珠亦見珠成血願爲飛鵲一作雙鵲鏡翩翩照離別

春閨怨

梁王僧孺

人部

卷七上木

十一

閨怨

愁來不理鬢春至更攢眉悲看蛺蝶粉泣望蜘蛛絲
月映寒蛩禱風吹翡翠帷飛鱗難託意駛翼不銜辭一作銜

春閨怨

梁吳孜

玉關信使斷借問不相諳春光太無意窺牕來見參
分與光音絕忽值日東南柳枝皆嚮燕桑葉復催蠶
物色頗如此嬌居自不堪

寒夜怨

梁陶弘景

夜雲生夜鴻驚悽切啾啾傷夜情空山霜滿高煙平
鉛華沈照帳孤明寒月微寒風緊愁心絕愁淚盡情

人不勝怨思來誰能忍

愁閨怨

梁王僧孺

斜光隱西壁暮雀上南枝風來秋扇屏月出夜燈吹
深心起百際遙淚非一垂徒勞妾辛苦終言君不知

閨怨原作擬古

梁何思澄

故交不可忘猶如蘭桂芳新知雖可悅不異茱萸香
妾有鳳凰曲無非陌上桑薦君君不御抱瑟自悲涼

閨怨篇二首

陳江總

寂寂青樓大道邊紛紛白雪綺牕前池上鴛鴦不獨
自帳中蘇合還空然屏風有意障明月燈火無情照

人部

卷七上木

十三

閨怨

獨眠遼西水凍春應少薊北鴻來路幾千願君關山
及早度念妾桃李片時妍

蜘蛛作絲滿帳中芳草結葉當行路紅臉脉脉一生
啼黃鳥飛飛有時度故人雖故昔經新新人雖新復
應故

賦得空閨怨

陳江總

蕩妻怨獨守虛姬傷獨居瑟上調絃落機中織素餘
自羞淚無燥翻覺夢成虛復嗟長信閣寂寂往來疎

閨怨

陳吳思玄

金風響洞房佳人心自傷淚隨明月下愁逐漏聲長

燈前羞獨鵲枕上怨孤凰自覺鴛帷冷誰憐珠被涼

秋閨怨

陳陰鏗

獨眠雖已慣秋來只自愁火籠恒煖脚行障鎮牀頭
眉含黛俱歛啼將粉共流誰能無別恨唯守一空樓

南征閨怨

陳陰鏗

湘水舊言深征客理難尋獨愁無處道長悲不自禁
逢人憎解佩從來懶聽音唯當有夜鵲南飛似妾心

山家閨怨

陳張正見

王孫春好遊雲鬢不勝愁離鴻暫罷曲別路已經秋
山中桂花晚勿為俗人留

人部

卷七十六

四 閨怨

山家閨怨

陳李爽

山中多早梅荆扉遠曙開竹巾君自折荷衣誰為裁
行雲無處所人住在陽臺

閨怨

北周庾信

明鏡圓花發空房故怨多幾年留織女還應聽渡河

閨怨

原作結襪子

北魏溫子昇

誰能訪故劍會自逐前魚裁終委篋織素空有餘

閨怨

唐張紘初

去年離別鴈初歸今夜裁縫螢已飛征客近來音信
斷不知何處寄邊衣

閨怨

唐王昌齡

閨中少婦不曾愁春日凝妝上翠樓忽見陌頭楊柳
色悔教夫婿覓封侯

閨怨

唐薛維翰

美人怨何深含情倚金閣不笑復不語珠淚紛紛落

閨怨

唐沈如筠

隴底歎長別流襟一動君得言幽咽所更作死生分

閨怨

原作擬古詩

唐韋應物

春至林木變洞房夕含清單居誰能裁好鳥對我鳴
良人久燕趙新愛移平生別時雙鴛綺留此千恨情

人部

卷七十六

五 閨怨

碧草生舊迹綠琴歇芳聲思一作將魂夢歡反側寢

不成攬衣迷所次起望空前庭一作攬衣迷處所次起望前庭孤影

中自惻不知雙涕零

閨怨

原作擬古詩

唐韋應物

黃鳥何關關幽蘭亦靡靡此時深閨婦日照紗一作綺

牕裏娟娟雙青蛾微微啓玉齒自惜桃李年誤身遊

俠子無事久離別不知今生死

閨怨

唐戴叔倫

看花無語淚如傾多少春風怨別情不識玉門關外
照夢中昨夜到邊城

春閨怨三首

唐張仲素

雪盡萱抽葉風輕水變苔玉關書信絕又見發庭梅

二

最邊城柳青青陌上桑提籠行採葉昨夜夢漁陽

閨怨原作古怨

唐孟郊

試妾與君淚兩處滴池水看取芙蓉花今年為誰死

閨怨原作古意

唐戎昱

女伴朝來說知君欲棄捐懶梳明鏡下羞到畫堂前

有淚沾脂粉無情理管絃不知將巧笑更遣向誰憐

閨怨

唐張籍

人部

卷七十六

六

閨怨

切切重切切秋風桂枝折人當少年嫁我當少年別

念君非征行年年長遠途妾身甘獨歿高堂有舅姑

山川豈遙遠行人自不返

閨怨詞三首

唐白居易

朝憎鶯百囀夜妬燕雙棲不慣經春別唯知到曉啼

二

珠箔籠寒月紗牕背曉燈夜來巾上淚一半是春水

三

關山征戍遠閨閣別離難苦戰應憔悴寒衣不要寬

閨怨

唐魚玄機

靡蕪盈手泣斜暉聞道鄰家夫婿歸別日南鴻纔北

去今朝北鴈又南飛春來秋去相思在秋去春來信

息稀局閉朱門人不到砧聲何事透羅幃

閨怨

唐黃滔

妾家五嶺南君戍三城北鴈來雖有書衡陽越不得

別久情易料豈在窺翰墨塞上無煙花寧思妾顏色

閨恨

唐韓偓

時光潛去暗淒涼懶對菱花暈曉妝初拆鞦韆人寂

寞後園青草任他長

閨怨原作曲

唐溫庭筠

人部

卷七十六

七

閨怨

藕絲作線難勝針藥粉染黃那得深玉白蘭芳不相

顧青樓一笑輕千金莫言自古皆如此健劍刺鍾鉛

繞指三秋庭綠盡迎霜唯有荷花守紅死廬一作江

小吏朱斑輪柳縷吐芽香玉新兩股金釵已相許不

令獨作空成塵悠悠楚水流如馬恨紫愁紅滿平野

野土千年怨不平至今燒作鴛鴦瓦

怨詩

魏陳思王

明月照高樓流光正徘徊上有愁思婦悲歎有餘哀

借問歎者誰自云一作言是宕子妻夫行踰十載賤妾常

獨棲君作清路塵一作妾為濁水泥浮沈各異路

會合當何諧一作何願作東北風吹我入君懷一作願爲西南風君懷常一作長逝入君懷一作不聞賤妾當何依恩情中道絕流止任東西

怨詩王季倫有愛婢曰翔風魏末於胡中得之年十五無有比其容貌最以文辭擅愛年三十妙年者予嫌之崇退翔風爲房老使主羣少乃懷怨而作詩

晉翔風

春華誰不美卒傷秋落時突煙還自低鄙退豈所期桂芳徒自蠹失愛在蛾眉坐見芳時歇憔悴空自嗤

璇璣圖詩蘇蕙扶風人妻荊州刺史之妻蘇氏音問蘇氏自傷纖錦爲迴文五綵相宣縱廣八十題詩二百餘首計八百餘言縱橫反覆皆成章句名曰

人部

卷七十六

璇璣圖詩是

晉蘇蕙

仁智懷德聖虞唐真妙顯華重章臣賢惟聖配英皇倫匹離離浮江湘津傷嘆情家明絕禁志庭園亂作人讒佞奸凶害我忠貞系凶慈雅思恭基河慘歎中無鏡紛爲篇明難受膚源禍因所恃志極驕盈論頑孝和淑自爲隔懷懷傷君則光誰終榮荷不義姬班女婕妤辭筆漢成帝後家員記孝塞慕所路房容珠感舊城傾在戒后孽孽趙氏飛燕生焉譏是達教貞敬殊增離離離離思窮炎盛與漸至大伐用昭青昭昭愚謙危節所是山憂經遐清華英多蒼形未任謹深慮微察建禍在防明西滋蒙疑容持從梁心荒淫忘相感所欽卒幽巖峻嵯峨深淵重淵經網羅林光流電近推生民堂妃閣飛衣誰追何恩情時形寒感識周松居歎如陽後陵施爲差差士室后中奮衣爲相如感傷在勞負物知終始客獨懷何特西不誰何無憾惟自節能我容聲將自收君想願衰改華容是與女賁日日夜夜通者慨思與厲不歌治同情寧效側夢仁賢別行士念誰賢賢賢白無憾將上採悲詠風興歎發觀羽繚龍旂容衣詩情明顯哀情時頌英英來來半節非路相問楚長雙華虎雕飾始璇璣圖表年勞歎奇華年有忘防忘對長

昔南鄭歌商流散嚴整觀耀終始心詩興感遠來浮沈時感意遠來身藏召衛詠齊暉情多文曜壯顏無平蘇氏理往憂歲異乎惟必心華性下微摧伯女志與榮傷更遠榮麗充端此作麗辭日思慕世異近衰遠榮感體憫悲窮河遠頌翠感生嬰漫丁究詩風興鹿鳴懷悲哀誰遊從無一俯憂作已聲宛廣路人榮我艱是漫是何桑難感孟宣傷感情有類然若情者處發叔思遠其感情惟憂何艱生時感昭業領思永服我流若不中容何成幽曲交歸迥顧難悲苦懷思苦我章微恨微玄悼歎感知沙幽靜離儀實辭房秦王懷土春舊鄉身加兼愁悼少精神退幽顯遠離鳳麟昭德懷聖皇入商遊桑鳩楊仇傷榮身我乎集衆何辜何因備當苦辛當神飛文遺分歸賤絃西雙雙激好推君深日潤浸思思罪積怨其根難尋所明經殊孤垂鴈爲激階陰巢水悲容仁均物品育施生天地德實平均尊通身榮榮殊翔女楚步林燕清思發離離漢之步飄飄離微隔喬木誰陰一感寄師散聲應有流東桃飛泉君歎殊心改者感睽親問達離殊我同舍志情浮光離哀傷柔清前休翔流長愁方禽伯在誠故遺舊廢故君子惟新貞微悲春剛琴芳蘭凋茂熙陽春牆面殊意感故新霜水齊潔志清純豈誰思想懷所親

人部

怨詩

晉傅玄

皎皎明月光灼灼朝日暉昔爲春蠶絲今爲秋女衣丹唇列素齒翠彩發蛾眉嬌子多好言歡合易爲姿玉顏盛有時秀色隨年衰常恐新間舊變故與細微浮萍本無根一作浮萍無根本非水將何依憂苦更相接樂極還自悲

人部

卷七十六

怨詩

晉傅玄

昭昭朝時日皎皎晨明月十五入君門一別終華髮同心忽異離曠如一作胡與越胡越有會時參辰遼且闊影雖影鬢音聲寂無達纖絃感促柱觸之哀

聲發情思如循環憂來不可遏塗山有餘恨詩人詠
采葛蜻蛚吟林下回風起幽闌春榮隨路落芙蓉生
木末自傷命不遇良辰永乖別已爾可奈何譬如純
素裂孤雌翔故巢星流光景絕魂神馳萬里甘心要
同穴

怨詩

宋湯惠休

明月照高樓含君千里光巷中情思滿斷絕孤妾腸
悲風盪帷帳瑤翠坐自傷妾心依天末思與浮雲長
嘯歌祝秋草幽葉豈再揚暮蘭不待歲離華能幾芳
願作張女引流悲繞君堂君堂嚴且秘絕調徒飛揚
人部 卷七十六 十一 謝朓

和王主簿季哲怨情

齊謝朓

掖庭聘絕國長門失歡宴相逢詠靡無辭寵悲團作
扇花叢亂數蝶風簾入雙燕徒使春帶賒坐惜紅
妝變生平一顧重宿昔千金賤故人心尚爾故人不
見一作故人
心不見

怨詩

梁簡文帝

秋風與白團本自不相安新人及故愛意氣豈能寬
黃金肘後鈐白玉按前盤誰堪空對此還成無歲寒
獨處怨
梁簡文帝
獨處恒多怨開幕試臨風彈碁鏡奩上傳粉高樓中

自從一作君征馬去音信不曾通只恐金屏掩明年已
復空

倡婦怨情十二韻

梁簡文帝

綺牕臨畫閣飛閣遶長廊風散同心草月送可憐光
髮髻簾中出妖麗特非常耻學秦羅髻羞爲樓上妝
散誕披紅帔生情新約黃斜燈入錦帳微煙出玉房
六安雙玳瑁八幅兩鴛鴦猶是別時許留值解心傷
含涕坐度日俄頃變炎涼玉關驅夜雪金氣落嚴霜
飛狐驛使斷交河川路長蕩子無消息朱唇徒自傷
倡樓怨節
梁簡文帝

人部

卷七十六

十一 謝朓

朝日斜來照戶春鳥爭飛出林片光片影皆麗一聲
一轉煎心上林紛紛花落淇水漠漠苔浮年馳節流
易盡何爲忍憶含羞

和陰梁州雜怨

梁鄧鏗

暫別猶添恨何忍別經時叢桂頻銷葉庭樹幾攀枝
君言妾貌改妾畏君心移終須一相見併得兩相知

怨詩

陳張正兒

新豐妖冶地游俠競嬌奢池臺間羅綺桃李雜煙霞
蓋影分連騎衣香合並車艷粉驚飛蝶紅妝映落花
舞衫飄冶袖歌扇掩團紗玉牀珠帳卷金樓鏡月斜

還疑蕭史鳳不及李倫家

怨詩二首

陳江總

採桑歸路河流深憶昔相期柏樹林
奈許新繾綣妾意無由故劒動君心

新梅嫩柳未障羞情去恩移那可留
團扇篋中言不分一作盡纖腰掌上詎勝愁

怨歌

北周庾信

家住金陵縣前嫁得長安少年回頭望
鄉淚落不知何處天邊胡塵幾日應盡漢月何時更圓為君能歌此曲不覺心隨斷絃

人部

卷七十六

十三

閨怨

怨詩

唐劉允濟

玉關芳信斷蘭閨錦字新愁來好自抑
念切已含嚔虛牖風驚夢空牀月厭人佳期儻可促勿度柳園春

相思怨

唐李元紘

望月思氛氲朱余嬾更薰春生翡翠帳
花點石榴裙燕語時驚妾鶯啼轉憶君
交河一萬里仍隔數重雲

綠輝怨

唐李元紘

征馬噪金珂嫋姚向北河綠苔行跡少
紅粉淚痕多寶屋粘花絮銀箏覆網羅
別君如昨日青海鴈頻過

陽春怨

唐許景先

初

紅樹曉鶯啼春風暖翠閨雕籠熏繡被
珠履踏金堤芍藥花如吐菖蒲葉正齊
藁砧當此日行役向遼西

春怨

唐鄭愔

初

春朝物候妍愁婦鏡臺前風吹數蝶亂
露洗百花鮮試出塞羅幌還來著錦筵
曲中愁夜夜樓上別年年不及隨蕭史
高飛向紫煙

綵書怨

唐上官昭容

葉下洞庭初思君萬里餘露濃香被冷
月落錦屏虛欲奏江南曲貪封薊北書
書中無別意惟恨久離居

鳳樓怨

唐顏舒

初

人部

卷七十六

十三

閨怨

佳人名莫愁珠箔上花鈎清鏡鴛鴦匣
新妝翡翠樓擣衣明月夜吹管白雲秋
唯恨金吾子年年向隴頭

怨歌

唐薛維翰

盛

百尺珠樓臨狹斜新妝能唱美人車
皆言賤妾紅顏好要自狂夫不憶家

春女怨

唐薛維翰

盛

白玉堂前一樹梅今朝忽見數花開
兒家門戶尋常閉春色因何入得來

青樓怨

唐王昌齡

盛

香幃風動花入樓高調鳴箏緩夜愁腸斷關山不解

說依依殘月下簾鉤

怨辭二首

唐崔國輔盛

妾有羅衣裳秦王在時作爲舞春風多秋來不堪著

二

樓前桃李疎池上芙蓉落織錦猶未成蟲聲入羅幙

怨情

唐李白盛

美人卷珠簾深坐顰蛾眉但見泪痕濕不知心恨誰

怨情

唐李白盛

新人如花雖可寵故人似玉由來重花性飄揚不自

持王心皎潔終不移故人昔新今尚故還見新人有

人部

卷七十六

十四

閨怨

故時請看陳后黃金屋寂寂珠簾生網絲

春怨

唐李白盛

白馬金羈遼海東羅帷繡被臥春風落月低軒窺燭

盡飛花入戶笑牀空

春怨

唐金昌緒盛

打却黃鸝兒莫教枝上啼幾迴驚妾夢不得到遼西

春怨

唐崔巨盛

夜盡夢初驚紗牕早霧明曉妝脂粉薄春服綺羅輕

妾有今朝恨君無舊日情愁來理絃管皆是斷腸聲

春怨

唐溫浩然盛

佳人能畫眉妝罷出簾帷照水空自愛折花將遺誰

春情多艷逸春意倍相思愁心極楊柳一種亂如絲

春怨

唐劉方平盛

紗牕落日漸黃昏金屋無人見淚痕寂寞空庭春又

晚梨花滿地不開門

怨回紇歌二首

唐皇甫冉中

白首南朝女愁聽異域歌收兵諷利國飲馬胡蘆河

毳布腥膻久穹廬歲月多鵬巢城上宿吹笛淚滂沱

二

祖席駐征棹開帆信候潮隔筵桃葉泣吹管杏花飄

人部

卷七十六

十五

閨怨

船去鷗飛閣人歸塵上橋別離惆悵淚江路濕紅蕉

春怨

唐戴叔倫中

金鴨香銷欲斷魂梨花春雨掩重門欲知別後相思

意回看羅衣積淚痕

秋怨

唐盧仝中

霜秋自斷魂楚調怨離分魄散瑤臺月心隨巫峽雲

蛾眉誰共畫鳳曲不同聞莫似湘妃淚斑斑點翠裙

楚怨

唐孟郊中

秋入楚江水獨照汨羅魂手把綠荷泣意愁珠淚翻

九門不可入一犬吠千門

寒閨怨

唐白居易

寒月沈沈洞房靜珍珠簾外梧桐影秋霜欲下手先
知燈底裁縫剪刀冷

春女怨

唐朱絳

獨坐紗牕刺繡遲紫荊枝上嚬黃鸝欲知無限傷春
意併在停鍼不語時

怨

唐任蕃

淚乾紅落臉心盡白垂頭自此方知怨從來豈信愁
清夜怨

唐李商隱

含淚坐春宵聞君欲渡遼綠池荷葉嫩紅砌杏花嬌

人部

卷七十六

十六

閨怨

曙月當牕滿征雲出塞遙畫樓終日閉清管爲誰調

瑤瑟怨

唐溫庭筠

冰簟銀牀夢不成碧天如水夜雲輕鴈聲遠過瀟湘
去十二樓中月自明

洞房怨

唐陸龜蒙

玉插朝扶鬢金梯晚下臺春衫將別淚一夜兩難裁
和蕭侍中子顯春別三首

梁簡文帝

別觀葡萄帶實垂江南荳蔻生連枝無情無意猶如
此有心有恨徒別離

可憐淮水去來潮春堤楊柳拂河橋淚痕未燥詎終

朝行聞玉珮已相要

桃紅李白若朝妝羞持憔悴比新芳不惜暫住一作往
君前死愁無西國更生香

賦得蕩子行未歸

梁朱超道

坐樓愁出望意思不思春無奈園中柳寒時已報人
捉梳羞理鬢挑朱懶回唇何當上路晚風吹還騎塵

妾安所居

梁吳均

賤妾先有龍蛾眉進不遲一從西北麗無復城南期
何因一作暫艷逸豈爲乏妍姿徒有黃昏望寧遇青

樓時惟惜應門掩方餘永巷悲匡牀終不共何由橫

人部

卷七十六

十七

閨怨

自私結與劉孝儀宮怨同

爲人傷近而不見

梁王僧孺

羸女鳳凰樓漢姬柏梁殿詎勝仙將死音容猶可見
我有一心人同鄉不異縣異縣不成隔同鄉更脉脉

脉脉如牛女何由得一語

書屏風

隋大義公主

盛衰等朝露世道若浮萍榮華實難守池臺終自平
富貴今何在空事寫丹青杯酒恒無樂絃歌詎有聲
余本皇家子飄流入虜庭一朝覩成敗懷抱忽縱橫
古來共如此非我獨申名惟有明君曲偏傷迷嫁情

惆悵詩五首

唐王渙中

水蠶薄絮鴛鴦綺半夜佳期並枕眠鐘動紅娘喚歸
去對人勻淚拾金鈿

謝家池館花籠月蕭寺房廊竹颭風夜半酒醒憑檻
立所思多在別離中

隋師戰艦欲亡陳國破應難保北身訣別徐郎淚如
雨鏡鸞分後屬何人

夜寒春病不勝懷玉瘦花啼萬事垂薄倖檀郎斷芳
信驚嗟猶夢合歡鞋

晨肇重來路已迷碧桃花謝武陵谿仙山目斷無尋
人部

卷七十六

十八

問怨

處流水潺湲日漸西

恨詞

唐白居易中

翠黛眉低歛紅珠淚暗銷曾來恨人意不省似今朝
獨夜詞

唐女郎崔公達

晴天霜落寒風急錦帳羅幃羞更入秦箏不復續斷
絃回身掩淚挑燈立

君不來

唐方干

遠路東西欲問誰寒來無處寄寒衣去時初種庭前
樹樹已勝巢人未歸

妾薄命十韻

梁簡文帝

名都多麗質本自恃容姿湯子行未至秋胡無定期
玉貌歇紅臉長顰串一作翠眉奩鏡迷朝色縫鍼脆
故絲本異搖丹咎何關竊席疑生離誰拊背溘死詎
來遲王嬙貌本絕跟踰入檀帷盧姬嫁日晚非復少
年時轉山猶可逐烏白望難期一作追妾心徒自苦傍
人會見嗤

妾薄命篇

梁劉孝威

去年從越障今歲沒胡庭嚴霜封碣石驚沙暗井陘
玉簫久落鬢羅衣長挂屏浴蠶思漆水條桑憶鄭垞
寄書朝鮮吏留釧武安亭勿言戎夏隔但令心契冥

人部

卷七十六

十九

問怨

不見豐城劍千祀復同形

妾薄命

梁劉孝勝

馮姜朝汲遠徐吾夜火窮舊井長逢幕鄰燈欲未通
五逐無來娉三娶盡凶終離災陽祿觀就廢昭臺宮
乘屯迹雖淑應戚理恒同復傳蘇國婦故愛在房櫳
愁眉歇巧黛啼妝落艷紅纖書凌寶錦敏誦軼繁弓
離劍行當合春牀勿怨空

妾薄命

唐李百藥

團扇秋風起長門夜月明羞聞拊背入恨說舞腰輕
太常應一作先已醉劉君恒帶醒橫陳每虛設古夢竟

何成

妾薄命

唐武平一初

有女妖且麗徘徊湘水湄
水湄蘭杜芳採之將寄誰
瓠犀發皓齒雙蛾顰翠眉
紅臉如開蓮素膚若凝脂
綽約多逸態輕盈不自持
常矜絕代色復恃傾城姿
子夫前入侍飛燕復當時
正悅掌中舞寧哀團扇詩
洛川昔云遇高唐今尚違
幽閣禽雀噪閑堦草露滋
流景一何速年華不可追
解珮安所贈怨咽空自悲

賦得妾薄命

唐杜審言初

草綠長門掩苔青永巷幽
寵移新愛奪汨落故情留

人部

卷七十六

二十

啼鳥驚殘夢飛花攪獨愁
自憐春色罷團扇復迎秋

妾薄命

唐李端中

玉壘城邊爭走馬銅駝市裏共乘舟
鳴環動珮恩無盡掩袖低巾淚不流
疇昔將歌邀客醉如今欲舞對君羞
忍懷賤妾平生曲獨上襄陽舊酒樓

妾薄命

唐李端中

憶妾初嫁君花鬟如綠雲
迴燈入綺帳轉面脫羅裙
折步教人學偷香與客熏
容顏南國重名字北方聞
一從失恩意轉覺身憔悴
對鏡不梳頭倚牕空落淚
新人莫恃新秋至會無春
從來閑住長門者必是宮

中第一人

妾薄命篇

唐權德輿中

昔住邯鄲年尚少只是嬌羞弄花鳥
青樓碧沙大道邊綠楊日暮風裏裊
嬋娟玉貌二八餘自矜顏色花不如
麗質全勝秦氏女藁砧寧用專城居
歲去年來年漸長青蛾紅粉全堪賞
玉樓珠箔但閑居南陌東城詎來往
韶光日日看漸遲標梅既落行有時
寧知燕趙娉婷子翻嫁幽并游俠兒
年年結東青絲騎出門一去何時至
秋月空懸翡翠簾春帷懶卧鴛鴦被
沙塞經時不寄書深閨愁獨意何如
如花前拭淚情無限月下調絃恨有餘
離別苦多相見少洞房愁夢何由曉
閒看雙燕淚霏霏靜對空牀魂悄悄
鏡裏紅顏不自禁陌頭香騎動春心爲
問佳期早晚是人人總解有黃金

人部

卷七十六

二十一

閨怨

古薄命妾

唐孟郊中

不惜十指絃爲君千萬彈常恐新聲至
坐使一作使我故聲曲殘棄置今日悲卽是昨日
歡將新變故易持故爲新難青山有
靡蕪淚葉長不乾空令後代人採掇
幽思攢一作思

薄命妾

唐曹鄴晚

薄命常惻惻出門見南北劉郎馬蹄疾何處去不得
淚珠不可收蟲絲不可織知君綠桑下更有新相識

蒲生行浮萍篇

魏陳思王

浮萍寄清水隨風東西流結髮辭嚴親來爲君子仇
恪勤在朝夕無端獲罪尤在昔蒙恩惠和樂如瑟琴
何意今摧頽曠若商選參差莫自有芳不若桂與蘭
新人雖可愛無若故所歡行雲有返期君恩儻中還
懔懔仰天歎愁心將何愬日月不恒處人生忽若寓
悲風來入懷一作帷淚下如垂露發篋造裳一作新衣裁
縫紉與素

人部

卷七十六

二十三

閨怨

豫章行苦相篇

晉傅玄

苦相身爲女卑陋難再陳男兒當門戶墮地自生神
雄心志四海萬里望風塵女育無欣愛不爲家所珍
長大逃深空藏頭羞見人垂淚適他鄉忽如雨絕雲
低頭和顏色素齒一作頰結朱唇跪拜無復數婢妾如
嚴賓情合同雲漢葵藿仰陽春心垂甚水火百惡集
其身玉顏隨年變丈夫多好新昔爲形與影今爲胡
與秦胡秦時相見一絕踰參辰

蒲生行

齊謝朓

蒲生廣湖邊託身洪波側春露惠我澤秋霜縈我色

根葉從風浪常恐不永植攝生各有命豈云智與力
安得遊雲上與爾同羽翼

題甘蕉葉示人

梁劉氏

夕泣已非疎夢啼真太數唯當夜枕知過此無人覺
綠珠篇知之有婢曰碧玉又字爲娘美且善歌
知之作此篇奇之爲之不婚後爲武承嗣所奪
死承嗣見詩大恨諷酷吏殺之殘其家

唐喬知之

石家金谷重新聲明珠十斛買娉婷昔日可憐君自
許此時可喜得人情君家閨閣未曾難常將歌舞借
人看意氣雄豪非分理驕矜勢氣橫相干別君去君

人部

卷七十六

二十三

閨怨

終未忍徒勞掩袂傷鉛粉百年離別在高樓一代紅
顏爲君盡

楊妃剪髮

唐王之渙

青絲一縷浮雲鬟金剪刀鳴不忍看特問君王寄幽
怨可能從此住人間

燕子樓詩三首

唐張仲素

樓上殘燈伴曉霜獨眠人起合歡牀相思一夜情多
少地角天涯不是長

北印松柏鎖愁煙燕子樓人思悄然自埋劍履歌塵
散紅袖香銷一十年

適看鴻鴈岳陽迴又覩玄禽逼社來瑤瑟玉簫無意緒任從蛛網任從灰

燕子樓詩二首并序

唐白居易中

徐州故張尚書有愛妓曰盼盼善歌舞雅多風態余為校書郎時遊徐泗間張尚書宴余酒酣出盼盼以佐歡歡甚余因贈詩云醉嬌勝不得風嬌牡丹花盡歡而去邇後絕不相聞迨茲僅一紀矣昨日司勳員外郎張仲素續之訪余因吟新詩有燕子樓詩二首詞甚婉麗其由為盼盼作也續之從事武寧軍累年頗知盼盼始末云尚書既歿歸葬

人部

卷七十六

二十四

東洛而彭城有張氏舊第第中有小樓名燕子盼盼念舊愛而不嫁居是樓十餘年幽獨塊然于念尚在余愛續之新詠感彭城舊遊因同其題作三絕句

滿牕明月滿簾霜被冷燈殘拂卧牀燕子樓中霜月夜秋來只為一人長

鈿暈羅衫色似煙幾迴欲著即潛然自從不舞霓裳曲疊在空箱已十年

今春有客洛陽回曾到尚書墓上來見說白楊堪作柱爭教紅粉不成灰

和白公

唐關盼盼女郎

自守空房歛恨眉形同春後牡丹枝舍人不會人深意訝道泉臺不去隨

杜秋娘詩并序

唐杜牧晚

杜秋金陵女也年十五為李錡妾後錡叛滅籍之入宮有寵於景陵穆宗即位命秋為皇子傅姆皇子壯封漳王鄭注用事誣丞相欲去已者指王為根王被罪廢削秋因賜歸故鄉予過金陵感其窮且老為之賦詩

京江水清滑生女白如脂其間杜秋者不勞朱粉施

人部

卷七十六

二十五

閨怨

老鼻即山濤後庭千雙眉秋持玉竿醉與唱金縷衣
勸君莫惜金縷衣勸君須惜少年時花開堪折直須折莫待無花空折枝李錡長唱此辭
首叛秋亦紅淚滋吳江落日渡灞岸綠楊垂聯裾見
天子盼盼獨依依椒壁懸錦幕鏡奩蟠蛟螭低鬟認
新寵窈窕復融怡月上白壁門桂影涼參差金階露
新重閑捻紫簫吹晉書盜開涼州張駿嫁得紫玉簫
苑鴈初飛紅粉羽林仗獨賜辟邪旗歸來煮豹胎饜
飫不能飽咸池昇日慶銅雀分香悲雷音後車遠事
往落花時燕謀得皇子壯髮綠綵綉堂授傅姆天
人親捧持虎睛珠絡襪金盤犀鎖帷長楊射熊羆武

帳弄啞呀漸拋竹馬劇稍出舞雞奇嶄嶄整冠佩侍
宴坐瑤池眉宇儼圖畫神秀射朝暉一尺桐偶入江
充知自欺王幽茅土削秋放故鄉歸舳舨拂斗極迴
首尚遲遲四朝三十載似夢復疑非潼關識舊吏更
髮已如絲却喚吳江渡舟人那得知歸來四鄰改茂
苑草菲菲清血灑不盡仰天知問誰寒衣一匹青夜
借鄰人機

代越公房妓嘲徐公主

唐李商隱

笑啼俱不敢幾欲是吞聲遽遣離琴怨都由半鏡明
應防啼與笑微露淺深情

人部

卷七十六

七十六

關雎

代小玉家為蕃騎所虜後寄集賢裴公相國

唐韓渥

動天金鼓逼神州惜別無心學墜樓不得迴眸辭傳
粉便須含淚對殘秋折釵伴妾埋青塚半鏡隨郎葬
杜郵唯有此宵魂夢裏殷勤相覓鳳池頭

絕張生

唐崔鶯鶯

棄置今何道當時且自親還將舊來意憐取眼前人

寄張生

唐崔鶯鶯

自從消瘦減容光萬轉千迴嬾下牀不為傍人羞不
起因郎憔悴却羞郎

卷七十六

詩雋類函卷七十七

東吳俞安期彙纂

宣城梅鼎祚增定

關中何承祚訂校

人部十九

懷人 傷友

○懷人

定情歌

漢張衡

大火流兮草蟲鳴繁霜降兮草木零秋為期今時已
征思美人兮愁屏營

思遠道

原作飲馬
長城窟行

漢蔡邕

青青河邊草綿綿思遠道遠道不可思宿昔夢見之

人部

卷七十七

懷人

夢見在我傍忽覺在他鄉他鄉各異縣展轉不可見
枯桑知天風海水知天寒入門各自媚誰肯相為言
客從遠方來遺我雙鯉魚呼童烹鯉魚中有尺素書
長跪讀素書書中竟何如上有加餐食下有長相憶

思遠道

原作
古詩

無名氏

王士禛作
枚乘

涉江采芙蓉蘭澤多芳草采之欲遺誰所思在遠道
還顧望舊鄉長路漫漫浩浩同心而離居憂傷以終老

離思

原作
雜詩

魏陳思王

高臺多悲風朝日照北林之子在萬里江河迴且深
方舟安可極離思故難任孤鴈飛南游過庭長哀吟

翹思慕遠人願欲托遺音形影忽不見翻翻傷我心

獨坐愁

原作雜詩

晉楊方

獨坐空室中愁有數千端悲響暮愁歎哀涕應苦言

一作心

彷徨四顧望白日入西山不覩佳人來但見飛

鳥還飛鳥亦何樂夕宿自作羣

懷遠人

宋鮑照

哀樂生有端離會起無因去事難重念恍惚似如神
屬期眇超遠後遇邈無辰馳風掃遙路輕羅含夕塵
思君成疾首欲息眉不伸

懷故人

齊謝朓

人部

卷七十七

二

懷人

芳洲有杜若可以贈佳期望望忽超遠何由見所思
行行未千里山川已間之離居方歲月故人不在此
清風動簾夜孤月照牕時安得同攜手酌酒賦新詩

憶費昶

梁吳均

皎皎日將上獵獵起微風山沒清波內帆在浮雲中
直趨珠星北斜開碧海東故人若思我當念離根蓬

寒夜直坊憶袁三公

梁蕭子雲

滴滴雨鳴階悄悄茲夜靜風落宣猷樹寒凋水光屏
高帷曉獨垂華燭夜空冷一作問所思不相見方知寒
漏永

明月子

陳謝燮

杪秋之遙夜明月照高樓登樓一迴望望見東

一作南

陌頭故人眇千里言別歷九秋相思不相見望望空
離憂

徐報使來止得一相見

北周庾信

一面還千里相思那得論更尋終不見無異桃花源

懷薛內史

懷一作贈

隋楊素

耿耿不能寐京洛久離羣橫琴還獨坐停杯遂待君
待君春草歇獨坐秋風發朝朝唯落花夜夜空明月
明月徒流光落花空自芳別離望南浦相思在漢陽

人部

卷七十七

三

懷人

漢陽隔隴岑南浦達桂林山川雖未遠無由得寄音

寒夜思友二首

唐王勃

雲間征思斷月下歸愁切鴻鴈西南飛如何故人別

二

朝朝翠山下夜夜蒼江曲復此遙相思清樽湛芳綠

寒夜懷二友雜體二首

唐王勃

北山煙霧始茫茫南津霜月正蒼蒼秋深客思紛無
已復值征鴻中夜起

複閣重樓向浦開秋風明月渡江來故人故情懷故
宴相望相思不相見

夏日夜憶張二

唐駱賓王

伏枕憂思深擁膝獨長吟烹鯉無尺素筌魚勞寸心
疎麻空有折芳桂湛無斟廣庭含夕氣閑宇澹虛陰
織蟲乖夜砌驚鳥棲暝林離娛百年促羈病一生侵
詎堪孤月夜流水入鳴琴

月夜有懷簡諸同病

唐駱賓王

閑庭落景盡疎簾夜月通山靈響似應水淨望如空
棲枝猶繞鵲遵渚未來鴻可歎高樓婦悲思杳難終
初發江陵有懷

唐張九齡

極望涔陽浦江天渺不分扁舟從此去鷗鳥自爲羣

人部

卷七十七

四懷

他日懷真賞中年負俗紛適來果微尚倏爾會斯文
復想金閨籍何如夢渚雲我行多勝寄浩思獨氛氲

將至岳陽有懷趙二

唐張九齡

湘浦多深林青冥晝結陰獨無謝客賞况復賈生心
草色雖云發天光或未臨江潭非所遇爲爾白頭吟

雪中憶李楫

唐王維

積雪滿阡陌故人不可期長安千門復萬戶何處蹀
躞黃金羈

南亭懷辛子

唐孟浩然

山光忽西落池月漸東上散髮乘夕涼開軒卧閑敞

荷風送香氣竹露滴清響欲取鳴琴彈恨無知音賞
感此懷故人中宵勞夢想

出關懷王大

唐孟浩然

向夕槐煙起葱龍池館曠客中無偶坐關外惜離羣
燭至螢光滅荷枯雨滴聞永懷逢閣友寂寞滯揚雲
登驛門亭懷漢川諸友

唐孟浩然

朝來登陟處不似豔陽時異縣殊風物羈懷多所思
翦花驚歲早看柳近春遲未有南飛鴈裁書欲寄誰
望月有懷

唐李白

清泉映疎松不知幾千古寒月搖輕波流光入牕戶

人部

卷七十七

五懷人

對此空長吟思君意何深無因見安道興盡愁人心
擬古

唐李白

青天何歷歷明星如白石黃姑與織女相去不盈尺
銀河無鵲橋非時將安適閨人理紈素遊子悲行役
瓶水知冬寒霜露欺遠客似秋葉飛飄飄不言歸
別後羅帶長愁寬去時衣乘月託宵夢因之寄金徽
三五七言

唐李白

秋風清秋月明落葉聚還散寒鴉栖復驚相思相見
知何日此時此夜難爲情

禪房懷友人岑倫

唐李白

嬋娟羅浮月搖豔桂水雲美人竟獨往而我安能羣
一朝笑語隔萬里歡情分沈吟絲霞沒夢寐羣芳歇
歸鴻渡三湘遊子在百粵邊塵染衣劍白日彫華髮
春氣變楚關秋聲落吳山草木結悲緒風沙淒苦顏
竭來已永久顏思如循環飄飄限江裔想像空留滯
離憂每醉心別淚徒盈袂坐愁青天末出望青雲蔽
目極何悠悠梅花南嶺頭空長滅征鳥水闊無還舟
寶劍終難託金囊非易求歸來儻有問桂樹山之幽

所思

唐杜甫
盛

鄭老身仍竄台州信始傳爲農山澗曲卧病海雲邊

人部

卷七十七

六

懷人

世已疎儒素人猶乞酒錢徒勞望牛斗無計斷龍泉

所思

唐杜甫
盛

苦憶荊州醉司馬謫官尊酒定常開九江日落醒何
處一柱觀頭眠幾回可憐懷抱向人盡欲問平安無
使來故憑錦水將雙淚好過瞿塘灩澦堆

青谿驛奉懷張員外十五兄之緒

唐杜甫
盛

漾舟千山內日入泊荒渚我生本飄飄今役在何許
石根青楓林援鳥取儔侶月明遊子靜畏虎不得語
中夜懷友朋乾坤此深阻浩蕩前後間佳期付荆楚

春日憶李白

唐杜甫
盛

白也詩無敵飄然思不羣清新庾開府俊逸鮑參軍
渭北春天樹江東日暮雲何時一樽酒重與細論文

天末懷李白

唐杜甫
盛

涼風起天末君子意如何鴻鴈幾時到江湖秋水多
文章憎命達魑魅喜人過應共冤魂語投詩贈汨羅
不見

唐杜甫
盛

不見李生久佯狂真可哀世人皆欲殺吾意獨憐才
敏捷詩千首飄零酒一杯匡山讀書處頭白好歸來

憶鄭南址

唐杜甫
盛

人部

卷七十七

七

懷人

鄭國伏毒寺瀟灑到江心石影銜珠閣泉聲帶玉琴
風杉曾曙倚雲嶠憶春臨萬里蒼茫水龍蛇只自深

潼關使院懷王七季友

唐岑參
盛

王生今才人時輩咸所仰何當見顏色終日勞夢想
驅車到關下欲往阻河廣滿目徒春華思君罷心賞
開門見太華朝日映高掌忽覺蓮花峰別來更如長
無心顧微祿有意在獨往不負林中期終當出塵網

秋庭夜月有懷

唐李澄之
盛

遊客三江外單棲百慮違山川憶處近形影夢中歸
夜月明虛帳秋風入擣衣從來不慣別况屬鴈南飛

同王徵君湘中有懷

唐張謂

八月洞庭秋蕭湘水北流還家萬里夢爲客五更愁
不用開書帙偏宜上酒樓故人京洛滿何日復同遊

三湘有懷

唐蕭靜

柳絮飛來別洛陽梅花落後到三湘世情已逐浮雲
散離恨空隨江水長

雪中懷孟武昌

唐元結

冬來三度雪農者歡歲稔我麥根已濡各得在倉廩
天寒未能起孺子驚人寢云有山客來籃中見冬在
燒柴爲溫酒煮鱖爲作潘客亦愛杯樽思君共杯飲

人部

卷七十七

八

所嗟山路開時節寒又甚不能苦相邀興盡還就枕

杪秋洞庭懷王道士

唐謝太虛

漂泊日復日洞庭人更秋青桃亦何意此夜催人愁
惆悵客中月徘徊江上樓心知楚天遠目送蒼波流
謝客久已滅微言無處求空餘白雲在客興隨孤舟
千里杳難盡一身常獨遊故園復何許江漢徒遲留

入睦州分水路憶劉長卿

唐李嘉祐

北闕忤明主南方隨白雲沿河灘草色應接海鷗羣
建德潮已盡新安江又分回看巖子瀨明詠謝安文
雨過暮山碧猿吟秋日曛吳洲不可到刷鬚爲思君

白田西憶楚州刺史君弟

唐李嘉祐

山陽郭裏無潮野水自向新橋魚網平鋪若葉鷗鷀
閑步稻苗秣陵歸人惆悵楚地連山寂寥却憶士龍
賓閣清琴綠竹蕭蕭

千里思

唐李端

涼州風月美遙望居延路汎汎下天雲青青綠塞樹
燕山蘇武上海島田橫住更是草生時行人出門去
宿淮浦憶司空文明

唐李端

愁心一倍長離憂夜思千重戀昔遊秦地故人成遠
夢楚天多一作雨在孤舟諸谿近海潮皆應獨樹邊

人部

卷七十七

九

淮葉盡流別恨最深何處寫前程惟有一登樓

池上懷王卿

唐韋應物

幽居拍世事佳雨散園芳入門靄已綠水禽鳴春塘
重雲始成夕忽霽尚殘陽輕舟因風泛郡閣望蒼蒼
私燕阻外好臨歡一停觴茲遊無時盡旭日願相將

夏夜憶盧嵩

唐韋應物

靄靄高館暮開軒滌煩襟不知湘雨來蕭灑在幽林
一作不知微蕭炎月得涼夜芳樽誰與斟故人南北
居累月間微音人生無閒日歡會在當今反側候天
旦層城苦沈沈

懷素友子西

唐韋應物中

廣陌並遊騎公堂接華襟方歡遽見別永日獨沈吟
階暝流暗駛氣疎露已侵層城湛深夜片月生幽林
往歎良未遂來覲曠無音恒當清觴宴思子玉山岑
耿耿何以寫密言空委心

春中憶元二

唐韋應物中

雨歇萬井春柔條已含綠徘徊洛陽陌惆悵杜陵曲
游絲正高下啼鳥還斷續有酒今不同思君瑩如玉
立夏日憶京師諸弟

唐韋應物中

改序念芳辰煩襟倦日永夏木已成陰公門晝恒靜
本部 卷七十七 十一 懷人

長風始飄閣疊雲纔吐嶺坐想離居人還當惜徂景
一作

曉至園中憶諸弟崔都水

唐韋應物中

山郭恒悄悄林月亦娟娟景清神已澄一作事簡慮
絕牽秋塘徧衰草曉露洗紅蓮不見心所愛茲賞豈
為妍

薊北春懷

唐張籍中

渺渺水雲外別來音信稀因逢過江使却寄在家衣
問路更愁遠逢人空說歸今朝薊城北又見塞鴻飛

思遠人

唐張籍中

野橋春水清橋上送君行去去人應老年年草自生
出門看遠道無信向邊城楊柳別離處秋蟬今復鳴

憶遠

唐張籍中

行人猶未有歸期萬里初程日暮時唯愛門前雙柳
樹枝枝葉葉不相離

江北憶崔汶

唐盧綸中

夜問江西客還知在楚鄉全身出部伍盡室逐漁商
晴日遊瓜步新年對漢陽月昏驚浪白瘴起覺雲黃
望嶺家何處登山泪幾行閩中傳有雪應且住南康
春日憶司空文明

唐盧綸中

本部

卷七十七

十一 懷人

桃李風多日欲陰百勞飛起落花深貧居靜久難逢
信知隔春山不可尋

郡樓懷長安親友

唐羊士諤中

殘暑三巴地沈陰八月天氣昏高閣坐夢倦下簾眠
愁鬢華簪外歸心社燕前相思杜陵野溝水獨潺湲

憶雲之

唐元稹中

為魚實愛淵食辛寧避蓼人生既相合不復論窮窶
滄海良有窮白日非長皎何事一人心各在四方表
泛若逐水萍居為附松蒿流浪隨所之縈紆牽所繞
百齡頗踟促况復迷壽夭髮君已衰冠歲予非小

娛樂不及時暮年壯心少感此幽念綿遂爲長悄悄
中庭草木春歷亂遞相擾奇樹花冥冥竹竿風裊裊
幽芳被蘭徑安得寄天杪萬里瀟湘魂夜夜南枝鳥

憶吳處士

唐賈島中

半夜長安雨燈前越客吟孤舟行一月萬水與千岑
島嶼夏雲起汀洲芳草深何當折松葉拂石剡谿陰

憶江上吳處士

唐賈島中

閩國揚帆去蟾蜍虧復圓秋風吹渭水落葉滿長安
此地聚會夕當時雷雨寒蘭橈殊未返消息海雲端
思遊邊友人

唐賈島中

人部

卷七十七

十三 懷人

凝愁對孤燭昨日飲離杯葉下故人去天中新鴈來
連沙秋草薄帶雪暮山開苑北紅塵道何時見遠迴
月夜有懷王端公兼簡朱孫二判官

唐釋清江

月照疎林驚鵲飛羈人此夜共無依青門旅寓身空
老白首頭陀力漸微屢向曲池陪逸少幾迴戎幕接
玄暉四科弟子稱文學五馬諸侯是繡衣江鴈往來
曾不定野雲搖曳本無機修行未盡身將盡欲向東
風掩舊扉

冬中與諸公會宿姚端公宅懷永樂殷侍御

杜史靜開筵所思何地偏故人爲縣吏五老達峯前
賓榻寒侵樹燒一作公庭夜落泉會當隨假務一就白
雲禪

唐釋無可

東歸有懷

唐溫庭筠晚

晴川通野陂此地昔傷離一去迹長在獨來心自知
驚眠菱葉折魚靜蓼花垂無限高秋淚扁舟極路歧

懷杜司勳

唐李商隱晚

高樓風雨感斯文短翼差池不及羣刻意傷春復傷
別人間惟有杜司勳

人部

卷七十七

十三 懷人

江上憶嚴五廣休

唐李商隱晚

征南幕下帶長刀夢筆深藏五色毫逢著澄江不敢
詠鎮西留與謝功曹

宿裴氏谿居懷厲玄先輩

唐馬戴晚

樹下孤石坐草間微有霜同人不同北雲鳥自南翔
迢遞夜山色清冷泉月光西風耿離抱江海遙相望
集宿姚侍御宅懷永樂宰殷侍御

唐馬戴晚

石田虞芮接種樹白雲陰穴閉神踪古河流禹鑿深
樵人應滿郭仙鳥幾巢林此會偏相語曾供一作雪

夜吟

久不得張喬消息

唐鄭谷

天末去程孤沿淮復向吳亂離何處甚安穩到家無
樹盡雲垂野橋稀月滿湖傷心遶村落應少舊耕夫

懷吳中馮秀才

唐杜牧

長洲苑外草蕭蕭却算遊程歲月遙惟有別時今不
忘暮煙秋雨過楓橋

病中懷王展先輩在天台

唐項斯

枕上用心靜唯應改舊詩強行休去早暫卧起還遲
因說來歸處却愁初病時赤城山下寺無計得相隨

人部

卷七十七

十四

懷江南同志

唐許渾

南國別經年雲晴波接天蒲深鷗鷺戲花暖鷗鷺眠
竹暗湘妃廟楓陰楚客船唯應洞庭月萬里共娟娟

早春懷薛公裕

唐儲嗣宗

幽獨自成愚柴門日漸蕪陸機初入洛係楚又遊吳
失意怨楊柳異鄉聞鷗鷺相思復相望春草滿南湖

懷楊台文楊鼎文二秀才

唐陸龜蒙

秋早相逢待得春崇蘭清露小山雲寒花獨自愁中
見曙角多同醒後聞鈞具每隨輕舸去詩題閒上小

樓分重思醉墨縱橫甚書破羊欣白練裙

奉和寄懷南陽潤卿

唐陸龜蒙

高抱相逢各絕塵水經山疏不離身才情未擬湯從
事玄解猶嫌竺道人霞染洞泉渾變紫雪披江樹半
和春誰憐故國無生計唯種南塘二畝芹

○傷友

傷友

梁吳均

可憐桂樹枝懷芳君不知摧折寒山裏遂死無人窺
懷舊詩九首

傷王融

梁沈約

元長秉奇調弱冠慕前蹤眷言懷祖武一簣望成峰
人部

卷七十七

十五

途艱行易跌命舛志難逢折風落迅羽流恨滿青松
傷謝朓

吏部信才傑文峰振奇響調與金石諧思逐風雲上
豈言陵霜質忽隨人事往尺璧爾何冤一旦同丘壤

傷庾杲之

左作 幸馥時譽秀出冠朋僚聳茲千仞氣振此百
尋條蘊藉含文雅散朗溢風飈楸枿一作今已合容

傷王湛

長史體閑任坦蕩無外求持身非詭遇應物有虛舟

心從朋好盡形爲歡宴留歡宴未終畢零落委山丘

傷虞炎

東南旣擅美洛陽復稱才攜手同歡宴比迹共遊陪
事隨短秀落言歸長夜臺

傷李珣之

少府懷貞節忘軀濟所奉吏道勤不息繁文長自擁
旣闕優孟歌身沒誰爲寵

傷韋景猷

韋叟識前載博物備戎華稅驂止營校淪跡委泥沙
始知庸聽局方悟大音賒

人部

卷七十七

十六

傷友

傷劉渢藝文作佩

處和無近累天然有勝質蕭瑟負高情耿介懷秋實
義貴良爲重蘭摧非所恤一罷平生言寧知攜手日

傷胡諧之

豫州懷風範綽然標雅度處約志不渝接廣情無忤
頡頏事刀筆紛綸遞朱素美志同山阿浮年迫朝露

傷內弟劉常侍

梁江淹

金璧自蕙質蘭杜信嘉名丹綵旣騰迹華萼故揚聲
伊余方罷秀歎息回君榮誰疑春光曷何遽秋露輕
達心惜近路促景怨長情風至衣袖冷况復蟬蛄鳴

白露沿漢沼明月空漢生長悲離短意惻切空庭
注歎東郊外流涕北山垵

傷韋侍讀

陳張正兒

懷經傳北海蘊義盛西河高峰落廻照逝水沒驚波
柳下悲風急山陽秋氣多宿草摧書帶寒松脆女蘿
無復華陰市空餘蒿里歌

傷章公大將軍

章字上疑有闕文

陳何胥

百萬橫行罷三千白日新短簫應出塞長笛反驚鄰
槐庭慘芳樹舞閣思陽春所悲金谷妓坐望玉關人
和王少保遙傷周處士

北周庾信

人部

卷七十七

十七

傷友

冥漠爾遊岱悽涼余向秦雖言異生死同是不歸人
昔余仕冠蓋值子避風塵望氣求真隱伺關待逸民
忽聞泉石友芝桂不防身悵然張仲蔚悲哉鄭子真
三山猶有鶴五柳更應春遂今從渭水投弔徃江濱

傷王司徒褒

北周庾信

昔聞王子晉輕舉逐神仙謂言君積善還得嗣前賢
四海皆流寓非爲獨播遷豈意中台圻君當風燭前
自君鐘鼎族江東一作南三百年寶刀仍世載琬戈本
舊傳綠紱紆槐綬黃金飾侍蟬地建忠臣國家開孝
子泉自能枯木潤足得流水圓以君承祖武諸侯無

間然青衿已對日童子卽論天頽陰珠玉麗河陽脂粉妍名高六國共價重十城連辭足觀秋水文堪題馬鞭題辭李切說文云走頻也迴鸞抱書字別鶴繞琴絃擁旄裁甸服垂帷非被邊靜亭空繫馬閑峰直起煙不廢披書案無妨坐釣船茂陵忽多病淮陽實未痊侍醫逾默默神理遂綿綿永別張平子長埋王仲宣柏谷移松樹陽陵買墓田陝路秋風起寒堂已颯焉丘楊一搖落山火卽時燃昔爲人所羨今爲人所憐世途旦復旦人情玄又玄故人傷此別留恨滿秦川定名於此定全德以斯全唯有山陽笛悽余思舊篇

人部

卷七十七

十八

傷友

和許給事傷牛尚書

隋劉斌

名臣不世出百工之所求况乃非常器遭逢興運秋符彩照千里銓衡綜九流經綸資博物樽俎寄皇猷韶濩傾復理典禮系還修雖貞棟梁任兼好藝文游佇聞和鼎實行當奉介丘高衢翻稅駕閑水遽遷舟傳呼更何日曳履聞無由歸覓窮脩路征棹艤邦溝林薄長風慘江上寒雲愁夜臺終不曙遺芳徒自留

傷顧學士

隋孔紹安

迢遞雙嶠道超忽三川湄此中俱失路思君不可思遊人行變橋逝者遽於芝憶昔江湖上同詠子衿詩

何言陵谷徙翻驚鄰笛悲陳根非席卉憑張異書帷與善成空說穢良信在茲今日嚴夫子哀命不哀時

同旻上人傷壽安傅少府

唐陳子昂

初

生涯良浩浩天命固諄諄聞道神仙尉懷德遂爲鄰疇昔逢堯日衣冠仕漢辰交游紛若鳳詞翰宛如麟太息勞黃綬長思謁紫宸金蘭徒有契玉樹已埋塵把臂誰無託平生固亦親援琴一流涕舊館幾霜巾杳杳泉中夜悠悠世上春幽明長隔此歌哭爲何人

傷祝阿王明府

并序

唐駱賓王

初

夫心之悲矣非關春秋之氣聲之哀也豈移金石

人部

卷七十七

十九

傷友

之音何則事感則萬緒興端情應則百憂交軫是以宣尼舊館流襟動激楚之悲孟嘗高臺承睫下聞琴之淚祝阿王明府毓德丹穴襲吉黃裳靈基峙金闕之峰層源漱玉輪之坂旣而鴻飛漸陸將騁平輿之龍鶴鳴在陰爰絳朝歌之驥乃當名縣闕月德貫陳星豈圖遽切夢瓊奄沈連石嗟平輪銷桂魄驪珠毀貝闕之前斗散紫氛龍劍沒延平之水某昔承嘉惠曲荷恩光留連嘯歌從容風月撫心陳述泣血連如然而始終者萬物之大歸生死者百年之常分雖則知理之可有而未曉情之

可無聊綴悲歌敢貽同好諸君或締交三益列宰
一同或叶契筌蹄投心膠漆如比肩於千里遠傷
魂於九原既切芝焚彌深蕙歎言四始同賦七
哀庶蘭室流薰襲遺芳而化德故蓬心申拙效庸
音於起予觸目多懷同增流動

洛川真氣上重泉惠政融含章光後烈繼武嗣前雄
契與良難驗生涯忽易窮翔鳥猶化履狎雉尚馴童
錢滿荒階綠塵浮虛帳紅夏餘將宿草秋近未驚蓬
煙晦泉門夕日遠夜臺空誰堪孤隴外獨聽白楊風
傷始平李少府正已
唐褚亮初

人部 卷七十七 傷友 二十

勞息本相循悲歡理自均誰能免玄夜惜爾正青春
邁德惟家實生才諒國珍高文綴翡翠茂學掩麒麟
述作紛無已言談妙入神斷腸雖累月分手未盈旬
輔嗣俄長往顏生卽短辰聲華滿昭代形影委窮塵
禪草迴中使生芻引弔賓同遊祕府日方駕直城闐
並拜黃圖右分曹清渭濱風期嵇呂好存沒范張親
虛座憐王述遺編慟景純精靈與毫翰千祀壽何人
傷王學士并序
唐沈佺期初

王君赦者少小遊洛陽吾與君隴西李子至爲友
家貧倦道歲常晏如屬文毫翰吟諷所得時會絕

境長安初以器行制在蕃邸侍諸人遊四年余遭
浮議下獄他日余至來知君物化嗚呼賴叔享年
不遐昔同爲人今先鬼錄恨吾非所關爾喪葬退
而賦詩以哀命

閉囚斷外事昧坐半餘暮有言賴叔子亡來已一時
初聞宛不信中話涕連而痛哉玄夜重何遽青春姿
憶汝曾旅食屢空灑澗湄吾徒祿未厚笱斗愧相貽
原憲貧無愁顏回樂自持詔書擇才善君爲王子師
寵儒名可尚論秩官猶欺化往不復見情來安可思
自絕毫翰灑耳無歌諷期靈柩寄何處精魄今何之

人部 卷七十七 傷友 三十一

恨予在丹棘不得看素旌孀妻知己歎幼子路人悲
感遊值商日絕絃留此詞

傷王七秘書監寄呈揚州陸長史通簡府僚廣
陵好事
唐宋之問初

王氏貴先宗衡門棲道風得心晤有物兼化遊無窮
學與九流異機玄三語同書乃墨場絕文稱詞伯雄
白屋藩魏主蒼生期謝公一紙賢良詔遂謁承明宮
補衮望吳塞尊儒位未充罷官七門裏歸老一丘中
嘗忝長者轍微言私謂通我行會稽郡路出廣陵東
物在人已矣都疑淮海空

題東山子李適碑陰并序

唐徐彥伯

噫嘻李公生自號東山子死葬東山豈其識哉神交者歌薤露以送子歸東山為詩鐫於碑陰云

隴嶂縈紫氣金光赫氛氲美人含遙靄桃李方自薰圖高黃鶴羽寶奪驪龍羣忽驚薤露曲掩壺東山雲

奉和悼右僕射楊再思應制

唐趙彥昭

兩揆光天秩三朝奉帝熙何言集大鳥忽此喪元龜坐歎公槐落行聞宰樹悲壑舟今已去寧有濟川時

聞高常侍亡

唐杜甫

歸朝不相見蜀使忽傳亡虛歷金華省何殊地下郎

人部

卷七十七

三

傷友

致君丹檻折哭友白雲長獨步詩名在秋令故舊傷

冬夜耿拾遺王秀才就宿因傷故人

唐司空曙

舊時聞笛淚此夜重沾衣方恨同人少何堪相見稀竹煙凝澗壑林雪似芳菲多謝勞車馬應憐獨掩扉

悲故交

唐韋應物

白璧眾求瑕素絲易成汚萬里顛沛還高堂已長暮積憤方盈抱纏哀忽逾度念子從此終黃泉竟誰訴

一為時事感豈獨平生故唯見荒丘原野草塗朝露

重至衡陽傷柳儀曹

唐劉禹錫

元和乙未歲與故人柳子厚臨湘水為別柳浮舟適柳州余登陸赴連州後五年余從故道出桂嶺至前別處而君沒於南中因賦詩以投弔

憶昨與故人湘江畔頭別我馬映林嘶君飄轉山滅馬嘶循古道飄滅如流電千里江離春故人今不見

傷丘中丞

唐劉禹錫

河南丘絳有詞藻與余同升進士科從仕鄴下不幸遇害故為傷詞

鄴下殺才子蒼茫冤氣凝枯楊映漳水野火上西陵馬鬣今無所龍門昔共登何人為弔客唯是有青蠅

人部

卷七十七

三

傷友

傷韋賓客

唐劉禹錫

韋公八十餘位至六尚書五福唯無富一生誰得知桂枝收口久蘭省出城初海內時流盡何人動素車

傷段右丞

唐劉禹錫

江海多豪氣朝廷有直聲何言馬蹄下一旦是佳城

傷獨孤舍人

唐劉禹錫

貞元中余以御史監祠事河南獨孤生始仕為奉禮郎有事宗廟郊時必與之俱絲是甚熟及余謫

武陵九年間獨孤生仕至中書舍人視草禁中上方許以宰相元和十年春余祗召抵京師次都亭

日舍人疾不起余聞因作傷詞以爲弔

昔別矜年少今悲傷國華遠來同社燕不見早梅花

傷循州渾尚書

唐劉禹錫

貴人淪落路人哀碧海連天丹旆回遙想長安此時節朱門深巷百花開

代靖安佳人怨二首

唐劉禹錫

靖安丞相武公居里名也元和十一年六月公將朝夜漏未盡三刻騎出里門遇盜薨於墻下昔公爲郎余爲御史繇是有舊故今守遠服賤不可以誄又不得爲歌詩聲於楚挽故代作佳人怨以裨

人部

卷七十七

王四 傷友

於樂府云

寶馬鳴珂踏曉塵魚文七首犯車茵適來行哭里門外昨夜華堂歌舞人

秉燭朝天迷不回路人彈指望高臺墻東便是傷心地夜夜流螢飛去來

從事淮南府過亡友楊校書舊廳感念悄然遂

書十韻

唐權德輿

故人隨化往倏忽今六霜及我就拘限清風留此堂松竹逾映鬱芝蘭自銷亡絕絃罷流水聞笛同山陽潔如冰玉姿桑若鸞鳳章欲翥摧勁翮先秋落貞芳

正平賦鸚鵡文考頌靈光二子苦不弔夫君今可傷黃壚今杳杳玄化亦茫茫豈必恨宿草含淚灑衣裳

傷李端

唐衛象

才子浮生促泉臺此路賒官里揚執戟年少買長沙人去門樓鵬災成酒誤蛇唯餘封禪草留在武陵家惜春傷同幕故人孟郎中兼呈去年看花友

唐李益

畏老身全老逢春解惜春今年看花伴已少去年人

訓李叔度秋夜喜相遇因傷關東僚友喪逝見

贈

唐盧綸

人部

卷七十七

王五 傷友

寒月照秋城秋風泉澗鳴過時見蘭蕙獨夜感衰榮酒散同移席心悲似遠行以愚求作友何德敢稱兄谷變波長急松枯藥未成恐看新鬢色怯問故人名野澤雲陰散荒原日氣生羈飛本難定非是惡弦驚

傷沒蕃故人

唐張籍

前年戍月支城上沒全師蕃漢斷消息死生長別離無人收廢帳歸馬識殘旗欲祭疑君在天涯哭此時

再傷麗尹

唐元稹

京兆歸何處章臺暮塵可憐驚鏡下哭殺畫眉人微之敦詩晦叔相次長逝歸然自傷因成二絕

唐白居易中
併失鷓鴣侶空留麋鹿身只應蒿洛下長作獨遊人

二
長夜君先去殘年我幾何秋風滿衫淚泉下故人多

悼吳興湯衡評事

唐孟郊中

大夜不復曉古松長閉門琴絃綠水絕詩句青山存
皆為芳春顏今為荒草根獨問冥冥理先儒未曾言

聞高侍郎卒貶所

唐李敬方中

京西高院長直氣似吾徒走馬論邊備飛聲感廟謨
官移人未察身沒事多符寂寞他年後名編野史無

人部

卷七十七

王六傷友

憶江西并悼亡友

唐曹松晚

前心奈兵阻悔作豫章分芳草未歸日故人多是墳
帆行出岫雨馬踐過江雲此地一罇酒當時皆以文

池州李使君沒後十一日處州新命始到後見

歸妓感而成詩

唐杜牧晚

縉雲新命詔初行纔是孤魂壽器成黃壤不知新雨
露粉書空換舊銘旌巨卿哭處雲空斷阿婆歸來月
正明多少四年遺愛事鄉間生子李為名

聞邊將劉皋無辜受戮

唐許渾晚

外監多假帝王尊威脅偏裨勢不存纔許誓心安玉

壘已傷傳言動金門三千客裏寧無義五百人中必
有恩却賴漢庭多烈士至今猶自伏蒲輪

詩集類函卷七十七

人部

卷七十七

王七

傷友

詩集類函卷七十八

東吳俞安期彙纂

宣城梅鼎祚增定

白下許天叙訂校

人部二十

哭友 淚附

○哭友

淚附

出郡傳舍哭范僕射三首

梁任昉

平生禮數絕式瞻在國楨一朝萬化盡猶我故人情
待時屬興運王佐俟民英結歡三十載生死一交情
攜手遁衰孽接景事休明運阻衡言韋時泰玉階平
濬冲得茂彥夫子值狂生伊人有涇渭非余揚濁清

人部

卷七十八

哭友

將乖不忍別欲以遣離情不忍一辰意千齡萬恨生

二

已矣平生事詠歌盈篋箭兼復相嘲諢常與虛舟值
何時見范侯還叙平生意

三

與子別幾辰經塗不盈旬弗覩朱顏改徒想平生人
寧知安歌日非君撒瑟晨已矣余何歎輟春哀國均

哭吳興柳惲

梁何遜

南州擅荆梓上國稱羽儀伊人以戴德李公傷在期
遠識內無慍深衷外有規一作清文窮麗則弘論盡

高奇多能誠所貴小善聊復為百步均射葉八體妙
臨池曲悟同神解龜謀信有知入朝耿長劍出牧盛
層麾納言信加首豐貂亦在移霞區兩借冠食泉一
舉危翰飛矯未極朝露溢先危以茲舊館想况乃西
日垂蔓草生車轍枯木卧崩坻樽酒誰為滿靈衣空
自披春言尋惠好慟哭悲路歧含毫徒有屬樹管竟
無摘

和約法師臨友人

歷代吟譜云慧約字德素有
哭范荀詩云云趣以此為慧

約作或別
有考也

梁陶弘景

我有數行淚不落十餘年今日為君盡併灑秋風前

人部

卷七十八

哭友

哭陳昭

陳何胥

思人適舊館寂寞非一源無復酣歌樂空餘鶯雀喧
落暉隱窮巷秋風生故園撫孤空對此零淚欲奚言
在陳旦解醒共哭顧舍人 陳江總

獨酌一樽酒高詠七哀詩何言萬里別非復竹林期
堦荒鄭公草戶間董生帷人隨暮朝一作槿落客共晚
驚悲年髮兩如此傷心詎一作幾時

哭魯廣達

南史云廣達陳之良將也至德二年
為侍中領軍賞若破宮城廣達被執
達力戰及韓擒虎乘勝破宮城廣達被執
入隋以憤慨卒江總撫柩慟哭題其棺云

陳江總

黃泉雖抱恨白日自留名悲君感義死不作負恩生

哭明堂裴簿

唐盧照鄰

締歡三十載通家數百年潘楊稱代穆秦晉恭姻連
風雲洛陽道花月茂陵田相悲共相樂交驕復交筵
始謂調金鼎如何掩玉泉黃公酒壚處青眼竹林前
故琴無復雪新樹但生煙遽痛蘭襟斷徒令寶劍懸
客散同秋葉人亡似夜川送君一長慟松臺路幾千

哭金部韋郎中

唐盧照鄰

金曹初受拜玉地始含香翻同五日尹遽見一星亡
賀客猶扶路哀人遂上堂歌筵長寂寂哭位日蒼蒼

人部 卷七十八

哭友

歲時賓徑斷朝暮雀羅張書留魏主閣魂掩漢家林
徒令永平帝千載罷撞郎

同崔錄事哭鄭員外

唐盧照鄰

文學秋天遠郎官星位尊伊人表時彥飛譽滿司存
楚席光文雅瑤山侍討論鳳詞凌漢閣龜辯罩周園
已陪東岳駕將近北溟鯢如何萬化盡空歎九飛魂
白馬西京驛青松北海門夜臺無曉箭朝真有虛樽
一代儒風沒千年隴霧昏梁山送夫子湖水弔王孫
僕本多悲淚沾裳不待後聞君絕絃曲吞恨更無言

在隴頭哭潘學士

唐褚亮

隴底嗟長別流襟一慟君何言幽咽所忽作死生分
轉蓬飛不息悲松斷更聞誰能駐征馬回首望孤墳

哭蔣詹事儼

唐崔融

江上有長離從容盛羽儀一鳴自獸舞一舉羣鳥隨
應我聖明代巢君阿閣垂鉤陳侍帷展環衛奉旌麾
雅量滄海納完才廊廟施養親光孝道事主竭忠規
貞節既已固殊榮良不貲朝遊雲漢省夕宴芙蓉池
汲黯言當直陳平智本奇功成喜身退時往惜年馳
鎮國山基毀中天柱石頽將軍空有頌刺史獨留碑
蕪沒藏書壁荒涼懸劍枝昔余參下位數載忝牽羈

人部

卷七十八

四

哭友

置榻恩逾重迎門禮自卑竹林常接興黍谷每逢吹
逸翰金相發清談玉柄揮不輕文舉少深歎子雲疲
遺愛猶如在殘編尚可窺卽今流水曲何處俗人知

哭故人

唐喬知之

生歟久離居淒涼歷舊廬歎茲三徑斷不踐十年餘
古木巢禽合荒庭愛客踈匣留彈罷劍牀積讀殘書
玉沒終無像蘭言強問虛平生不得意泉路復何如

哭僕射鄂公楊再思

唐李乂

揆席凝邦績台階闡國猷方崇大厦棟忽逝巨川舟
白日銘安在清風頌獨留死生恩命畢零落掩山丘

哭蘇眉州崔司業二公并序 唐沈佺期

同時郎裴懷古者作牧潭府神龍二年秋八月佺期承恩北歸途中覲止訪及故舊知眉州蘇使君味道國子崔司業融相次而逝蘇往任鳳閣侍郎佺期忝通事舍人崔重爲鳳閣舍人佺期又遷給事並銜疇昔之眷俱荷提獎之恩前年負譴南荒二公先移官守迨此凶問情理何堪所恨逐竄有期行邁在遠哀不展舊禮不申卑流慟斯文冀通幽路

渙汗天中發伶俜海外旋長沙遇太守問舊幾人全

人部

卷七十八

五

哭友

國寶亡雙傑天才喪兩賢大名齊弱歲高德並中年禮樂羊叔子文章王仲宣相看尚玄鬢相次入黃泉流放蠻貊關鄉關帝里偏親朋雲霧擁生死歲時傳崔昔揮宸翰蘇嘗濟巨川絳衣陪下列黃閣謬差肩及此俱冥昧云誰叙播遷隼輿懷舊轍鱣館想虛筵家愛方休杵皇慈更徹懸銘旌西蜀路騎吹北邙田隴樹應秋矣江帆故杳然罷琴明月夜留劒白雲天涕泗湘潭水淒涼衡嶠煙古來脩短分神理竟難筌

哭郎著作

唐鄭愔

詩禮康成學文章賈誼才已年人得夢庚日鳥爲災

書草藏天閣琴聲入夜臺荒階羅駭薛雲座滿浮埃白馬賓從散青烏隴隧開悲涼門館下懷舊幾遲迴

哭富嘉謨并序

唐吳少微

維三月癸丑河南富嘉謨卒予時寢疾於洛陽北里聞之投枕而起淚沾乎衽席匍匐於寢門之外病不能哭仰天而呼曰天乎天乎俾予曷所朋曷可得而見乎

吾友適不死於戲社稷臣直祿非造利長懷大庇人乃通承明籍遭此敦牂春藥礪其可畏皇穹固匪仁疇昔與夫子孰云異天倫同病一相失茫茫不重陳

人部

卷七十八

六

哭友

子之文章在其殆尼父新鼓興幹河岳貞詞毒鬼神可悲不可朽車轍沒荒榛聖主賢爲寶吁茲大國貧

蜀城哭台州樂安少府

唐蘇頌

遠來躋劒閣長想屬天台萬里隔三載此邦余重來音容曠不覩夢寐殊悠哉邊郡饒籍籍晚庭正回回喜傳上都封因促傍吏開向悟海鹽客已而梁木摧變衣寢門外揮涕少城隈却記分明得猶持委曲猜師儒昔訓獎仲季時童孩服義題書篋邀歡泛酒杯暫令風雨散仍迫歲時迴其道惟正直其人信美偲白頭還作尉黃綬固非才可歎懸地疾先貽問鵬災

故鄉閉窮壤宿草生寒芳零落九原去蹉跎四序催
曩期冬贈橘今哭夏成梅執禮誰爲賜居常不徇財
北登嶢嶻阪東望姑蘇臺天路本懸絕江波復汨洄
念孤心易斷追往恨難裁不遂卿將相孰云陳與雷
衰殘亦如此夫子復何哀

和姚令公哭李尚書人

唐張九齡

初

貴賤雖殊等平生竊下風雲泥勢已絕山海納還通
忽歎登龍者翻將弔鶴同琴詩猶可託劍履獨成空
疇昔嘗論禮典言每匪躬人思崔琰議朝掩祭遵公
作善神何酷依仁命不融天文虛北斗人事罷南宮

人部

卷七十八

七

哭友

上宰既傷舊下流彌感衷無恩報國士徒欲望玄穹

哭二友墓母補闕

唐王灣

盛

明代資多士儒林得異才書從金殿出人向玉墀來
詞學張平子風儀褚彥回崇儀希上德近侍接元台
曩契心期密今遊宴賞陪屢遷君擢桂分尉我從梅
忽遇乘輅客云傾構厦材泣爲涓水化歎作太山頽
繼善初將慰尋言半始猜位聯情易感交密痛難裁
遠日寒旌暗長風古挽哀寰中無舊業行處有新苔
返哭魂猶寄終喪子尚孩葬田門吏給墳木路人栽
遽洩悲成往俄傳寵令廻玄經貽石室朱紱耀泉臺

地古春長開天明夜不開登山一臨哭揮淚滿蒿萊

哭祖六自虛

唐王維

盛

否極嘗聞泰嗟君獨不然憫凶纔稚齒羸疾至中年
餘力文章秀生知禮樂全翰流天帳覽詞入帝宮傳
國訝終軍少人知賈誼賢公卿盡虛左朋識共推先
不恨依窮轍終期濟巨川才雄望羔鴈壽促背貂蟬
福善聞前錄纖良昧上玄何辜鍛鸞翮底事碎龍泉
鵬起長沙賦麟終曲阜編域中君道廣海內我情偏
乍失疑猶見沈思悟絕緣生前不忍別死後向誰宣
爲此情難盡彌令憶更纏本家清渭曲歸墓舊塋邊

人部

卷七十八

八

哭友

永去長安道徒開京兆旂旌車出郊甸鄉國隱雲天
定作無期別寧同舊日旋候門家屬苦行路國人憐
送客哀難進征途泥復前贈言爲挽曲奠席是離筵
念昔同攜手風期不暫捐南山俱隱逸東洛類神仙
未省音容間那堪生死遷花時金谷飲月夜竹林眠
滿地傳都賦傾朝看藥船羣公咸屬目微物敢齊肩
謬合同人肯而將玉樹連不期先挂劍長恐後施鞭
爲善吾無矣知音子絕焉琴聲縱不沒終亦斷悲絃

過沈居士山居哭之

唐王維

盛

楊朱來此哭桑扈返於直獨自成千古依然舊四鄰

開簷喧鳥雀故榻滿埃塵曙月孤鶯囀空山五柳春
野花愁對客泉水咽迎人善卷明時隱黔婁在日貧
逝川嗟爾命丘井歎吾身前後徒言隔相悲詎幾晨

哭褚司馬

唐王維盛

妄識皆心累浮生定死媒誰言老龍吉未免伯牛災
故有求仙藥仍餘遁俗杯山川秋樹苦牕戶夜泉哀
尚憶青驄去寧知白馬來漢臣修史記莫蔽褚生才

哭孟浩然

唐王維盛

故人不可見漢水自東流借問襄陽老江山空蔡州

哭殷遙

唐王維盛

人部

卷七十八

九 哭友

人生能幾何畢竟歸無形念君等爲死萬事傷人情
慈母未及葬一女纔十齡決濟寒郊外蕭條聞哭聲
浮雲爲蒼茫飛鳥不能鳴行人何寂寞白日自淒清
憶昔君在時問我學無生勸君苦不早令君無所成
故人各有贈又不及平生負爾非一途痛哭返柴荆

哭殷遙

唐王維盛

送君返墓石樓山松柏蒼蒼賓馭還埋骨白雪長已
矣空餘流水向人間

同王十三維哭殷遙

唐儲光義盛

生理無不盡念君在中年遊道雖未深舉世莫能賢

筮仕苦貧賤爲客少田園膏腴不可求乃在許西偏
四鄰盡桑柘咫尺開墻垣內艱未及虞形影隨化遷
茅茨俯苦蓋雙殯兩楹間時聞孤女號迴出陌與阡
慈烏亂飛鳴猛獸亦以踰故人王夫子靜念無生篇
哀樂久已絕聞之將泫然太陽蔽空虛雨雪浮蒼山
迢遞親靈輓顧予絕悲絃處順與安時及此乃空言

哭單父梁九少府

唐高適盛

開篋淚沾臆見君前日書夜臺今寂寞猶是子雲居
疇昔貪靈竒登臨賦山水同舟南浦下望月西江裏
契闊多離別綢繆到生死九原卽何處萬事皆如此

人部

卷七十八

十 哭友

晉山徒嗟峨斯人已冥冥常時祿且薄歿後家復貧
妻子在遠道弟兄無一人十上多苦辛一官常自哂
青雲將可致白日忽先盡惟有身後名空留無遠近

哭裴少府

唐高適盛

世人誰不死嗟君非生慮扶病適到官田園在何處
公才羣吏感羣事他人助余亦未識君深悲哭君去

宣城哭蔣徵君華

唐李白盛

敬亭埋玉樹知是蔣徵君果得相如草仍餘封禪文
池臺空有月詞賦舊凌雲獨挂延平劍千秋在古墳

哭王炎

唐李白盛

王公希代寶棄世一何早
弔死不及哀殯宮已秋草
悲來欲脫劍挂向何枝
好哭向茅山雖未摧一生淚
盡丹陽道

哭王炎

唐李白盛

王家碧瑤樹一樹忽先摧
海內故人泣天涯弔鶴來
未成霖雨用先失濟川材
一罷廣陵散鳴琴更不開

自溧水道哭王炎

唐李白盛

白楊雙行行白馬悲路傍
晨興見曉月更似發雲陽
溧水通吳關近川去未央
故人萬化盡閉骨茅山岡
天上墜玉棺泉中掩龍章
名飛日月上義與風雲翔

人部

卷七十八

十一 哭友

逸氣竟莫展英圖俄天傷
楚國一老人來嗟襲勝亡
有言不可道雪泣惜蘭芳

哭宣城善釀紀叟

唐李白盛

紀叟黃泉裏還應釀老春
夜臺無曉日一作沽酒與李白
何人

哭晁卿行

唐李白盛

日本晁卿辭帝都征帆一片
遶蓬壺明月不歸沈碧海
白雲愁色滿蒼梧

哭韋大夫之晉

唐杜甫盛

悽愴郾瑕邑差池弱冠年
士人叨禮數文律早周旋

臺閣黃圖裏簪裾紫蓋邊
尊榮真不忝端雅獨脩然
貢喜音容間馮招疾病纏
南過駭倉卒北思情聯綿
鵬鳥長沙諱犀牛蜀郡憐
素車猶慟哭寶劍欲高懸
漢道中興盛韋經亞相傳
冲融標世業磊落映時賢
城府深朱夏江湖眇霽天
綺樓關樹頂飛旄泛堂前
帝幕疑風燕笳簫急暮蟬
興殘虛白室跡斷孝廉船
童孺交游盡喧卑俗事牽
老來多涕淚情在強詩篇
誰繼方隅理朝難將相權
春秋褒貶例名器重雙全

哭王彭州掄

唐杜甫盛

執友驚淪沒斯人已寂寥
新文生沈謝異骨降松喬

人部

卷七十八

十二 哭友

北郅初高選東堂早見招
蛟龍纏倚劍鸞鳳夾吹簫
歷職漢庭久中年胡馬驕
兵戈聞兩觀寵辱事三朝
蜀路江干窄彭門地遙遙
解龜生碧草諫獵阻青霄
項壯戎麾出叨陪幕府要
將軍臨氣候壯士寒風颭
井深泉誰汲烽疎火不燒
前籌多自暇隱几接終朝
翠石俄雙表寒松竟後凋
贈詩焉敢墜染翰欲無聊
再哭經過罷離魂去住銷
之官方玉折寄塋與萍漂
曠望渥洼道霏微河漢橋
夫人先卽世令子各清標
巫峽長雲雨秦城近斗杓
馮唐毛髮白歸興日蕭蕭

哭台州鄭司戶蘇少監

唐杜甫盛

故舊誰憐我平生鄭與蘇存亡不重見喪亂獨前途
豪俊何人在文章掃地無羈遊萬里關凶問一年俱
白日中原上清秋大海隅夜臺當北斗泉路著東吳
得罪台州去時危棄碩儒移官逢閣後穀貴歿潛夫
流慟將何及銜冤有是夫道消詩發興心息酒爲徒
許與才雖薄追隨跡未拘班揚名甚盛嵇阮逸相須
會取君臣合寧詮品命殊賢良不必展廊廟偶然趨
勝決風塵際功安造化鑪從容詢舊學慘淡閱陰符
擺落嫌疑久哀傷志力輸俗依綿谷異客對雪山孤
童稚思諸子交情列友于情垂清酒送望絕撫墳呼
人部 卷七十八 十三 哭友

瘡病餐巴水瘡癢老蜀都飄零迷哭處天地日榛蕪

哭李尚書

唐杜甫 盛

漳濱與蒿里逝水竟同年欲挂留徐劍猶迴憶戴船
相知成白首此別間黃泉風雨嗟何及江湖涕泫然
修文將管輅奉使失張騫史閣行人在詩家秀句傳
客亭鞍馬絕旅櫬網蟲懸復魄昭丘遠歸魂素湮偏
樵蘇封墓地喉舌罷朝天秋色凋春草王孫若箇邊

哭李尚書

唐杜甫 盛

涕灑不能收哭君餘白頭兒童相顧盡宇宙此生浮
江雨銘旌濕湖風井邇秋還瞻魏太子賓客減應劉

哭李常侍嶧二首

唐杜甫 盛

一代風流盡修文地下深斯人不重見將老失知音
短日行梅嶺寒山落桂林長安若箇畔猶想映貂金
二

青瑣陪雙入銅梁阻一辭風塵逢我地江漢哭君時
次第尋書札呼兒檢贈詩發揮王子表不愧史臣詞
哭嚴僕射歸櫬

唐杜甫 盛

素幔隨流水歸舟返舊京老親如宿昔部曲異平生
風送蛟龍雨天長驃騎營一哀三峽暮遺後見君情
哭長孫侍御

唐杜甫 盛

人部 卷七十八 十四 哭友

道爲詩書重名因賦頌雄禮闈曾權桂憲府舊乘驄
流水生涯盡浮雲世事空唯餘舊臺柏蕭瑟九原中
雙峰下哭故人李宥

唐劉長卿 中

憐君孤壠寄雙峰埋骨窮泉復幾重白露空沾九原
草青山猶閉數林松圖書經亂知何在妻子因貧失
所從惆悵東臯却歸去人間無處更相逢

哭陳欽州

唐劉長卿 中

千秋萬古葬平原素業清風及子孫旅櫬歸程傷道
路舉家行哭向田園空山寂寂開新壠喬木蒼蒼掩
舊門儒行公才竟何在獨憐棠樹一枝存

哭魏兼遂

公及婦婦幼子與僅數人相次亡歿葬於丹陽

唐劉長卿

古今俱此去脩短竟誰分樽酒空如在絃琴肯重聞
一門同逝水萬事共浮雲舊館何人宅空山遠客墳
艱危貧且共少小秀而文獨行依窮巷全身出亂軍
歲時長寂寞煙月自氛氲樹隨人古山門對日曛
泛舟悲向子留劍贈徐君來去雲陽路傷心江水濱

哭張員外經

唐劉長卿

慟哭鍾陵下東流與別離二星來不返雙劍沒相隨
獨繼先賢傳誰刊有道碑故園荒岷曲旅櫬寄天涯

人部

卷七十八

十一

哭友

白簡曾連拜滄洲每共思撫孤憐齒穉歎逝顧身衰
泉壤成終古雲山若在時秋風鄰笛發寒日寢門悲
世難愁歸路家貧緩塋期舊賓傷未散夕臨咽常遲
自此辭張劭何由見戴逵獨聞山吏部流涕訪孤兒

哭常徵君

唐錢起

萬化一朝盡窮泉悲此君如何丹竈術能誤紫芝焚
不遂蒼生望空留封禪文遠年隨逝水真氣盡浮雲
山閉龍蛇蟄林寒麋鹿羣傷心載酒地仙菊爲誰薰

哭曹鈞

唐錢起

苦節推白首憐君負此生忠藎名空在家貧道不行

朝來相憶訪蓬華只謂淵明猶卧疾忽見江南弔鶴
來始知天下文星失嘗恨知音千古稀那堪夫子九
泉歸一聲鄰笛殘陽裏酌酒空堂淚滿衣

哭魏山人

唐司空曙

憶昔秋風起君曾歎逐臣何言芳草日自作九泉人
思君寧家宅久接竹林期嘗值倫琴處親聞比玉時
高人不易合弱冠早相知試藝臨諸友能文卽我師
凌寒松未老先暮槿何衰李子生前別羊曇醉後悲
壽堂乖一慟奠席阻長辭因瀝殊方淚遙成墓下詩

哭苗員外呈張參軍

唐司空曙

人部

卷七十八

十六

哭友

哭張融

唐耿漳

早歲能文客中年與世違有家孀婦少無子弔人稀
總帳塵空暗銘旌雨不飛依然舊鄉路寂寞幾回歸

哭苗華

唐李端

舊友無由見孤墳草欲長月斜鄰笛盡車馬出山陽

哭張南史因寄南史姪叔宗

唐李端

爭路忽摧車沈鈎未得魚結交惟我少喪舊自君初
諫草文難似圍棋智不如仲宣新有賦叔夜近無書
地閉滕公宅山荒謝客廬纖良從此恨福善竟成虛
釀酒多同醉烹雞或取餘阮咸雖永別豈共仲容踈

哭汴州陸大夫

唐張祐中

利劍太堅操何妨拔一毛冤深陸機霧憤積伍員壽
直道非無驗明時不錄勞誰當青史上卒爲顯詞褒

哭李象

唐楊衡中

白雞黃犬不將去寂寞空餘堊時路草死花開更幾
年後人知是何人墓憶君思君獨不眠夜寒月照青
楓樹

哭張十八校書

唐權德輿中

芸閣爲郎一命初桐州寄傲十年餘魂隨逝水居何
處名在新詩衆不如蹉跎江浦生華髮牢落寒原會

人部

卷七十八

十七

哭友

素車更憶八行前日到含悽爲報林陵書

哭劉四尚書

唐權德輿中

士友惜賢人天朝喪守臣才華推獨步聲氣幸相親
理析寰中妙儒爲席上珍笑言成月旦風韻挹天真
丹地膺推擇青油寄撫循豈言朝象魏翻是卧漳濱
命賜龍泉重追榮蜜印陳撤絃驚物故無具見家貧
牢落風悲笛汎瀾涕泣中其嗟蒿里月非復柳營春
黃絹碑文在青松隧路新音容無處所歸作北邱塵

哭連州凌員外司馬

唐柳宗元中

凌人古受氏吳世夸雄姿寂寞富春水英氣方在斯

宛宛凌江羽來棲翰林枝孝文留弓劍中外方危疑

抗聲促遺詔定命由陳辭徒隸肅曹官征賦參有司
出守烏江潯老遷湟水湄高堂傾故國墓祭限囚羈

仲叔繼幽淪狂叫唯童兒一門旣無主焉用徒生爲
舉聲但呼天孰知神者誰泣盡目無見腎傷足不持

溘死委炎荒臧獲守靈帷平生負國譴骸骨非敢私
蓋棺未塞責孤旆凝寒颼念昔始相遇肺腑爲君知

進身齊選擇失路同瑕疵本期濟仁義今爲衆所嗤
滅名竟不試世義安可支恬死百憂盡苟生萬慮滋

顧予九逝魂與子各何之我歌誠自慟非獨爲君悲

人部

卷七十八

十八

哭友

同劉二十八哭呂衡州兼寄江陵李元二侍御

唐柳宗元中

衡岳新摧天柱峯士林顛顛泣相逢祇今文字傳青
簡不使功名上景鍾三畝空留懸磬室九原猶寄若
堂封遙想荊州人物論幾迴中夜惜元龍

哭呂衡州時予方謫居

唐劉禹錫中

一夜霜風周玉芝蒼生望絕士林悲空懷濟世安人
略不見男婚女嫁時遺草一函歸太史孤墳三尺近
要離朔方徙歲行當滿欲爲君看第二碑

哭王僕射相公

名播時兼
監儀果薨

唐劉禹錫中

子輿一日病滕公千載歸門庭愴已變風物澹無輝
羣吏謁新府舊賓沾素衣歌堂忽暮哭賀雀盡驚飛

哭麗京北

少年有俊氣常
權制科之首

唐劉禹錫中

俊骨英才氣稟然策名飛步冠羣賢逢時已自致高
位得疾還因倚少年天上別歸京北府人間空數茂
陵阡今朝總帳哭君處前日見鋪歌舞筵

許給事見示哭工部劉尚書詩因命同作

唐劉禹錫中

漢室賢王後從叔望孔門高弟人濟時成國器樂道
任天真特達圭無玷堅貞竹有筠總戎寬得衆市義

人部

卷七十八

十九

貴能貪護塞無南牧馳心拱北辰乞身來闕下賜告

卧漳濱榮耀初題劍清羸已拖紳宮星徒列位隙日

不回輪自昔追飛侶今爲侍從臣素絃哀已絕青簡

歎猶新未遂揮金樂空悲撤瑟晨淒涼竹林下無復

見清塵

哭楊兵部凝陸欽州參

唐韓愈中

人皆期七十纔半豈蹉跎併出知已淚自然白髮多
晨興爲誰慟還坐久滂沱論文與晤語已矣可如何

哭黔中薛大夫

唐戎昱中

亞相何年鎮百蠻生涯萬事瘴雲間夜郎城外誰人

哭昨日空餘旌節還

同兵部李紆侍郎刑部包佶侍郎哭皇甫侍御

曾

唐盧綸中

攀龍與泣麟哀樂不同塵九陌霄漢侶一燈冥漠人
舟沈驚海闊蘭折怨霜頻已矣復何見故山應更春

哭秘書包大監

唐孟郊中

哲人臥病日賤子泣玉年常恐寶鏡破明月難再圓
文字未改素聲容忽歸玄舊館有遺琴清風那復傳

哭李丹員外并寄杜中丞

唐孟郊中

生死方知交態存忍將齟齬報幽魂十年同平原

人部

卷七十八

二十

客更遣何人哭寢門

哭胡遇

唐賈島中

天壽知齊理何曾免歎嗟祭廻一作葬收朔雪弔後折

寒花野水吟秋斷空山影暮斜弟兄相識徧猶得到

君家

哭孟郊

唐賈島中

身死聲名在多應萬古傳寡妻無子息破宅帶林泉
塚近登山道詩隨過海船故人相弔後斜日下寒天

哭張籍

唐賈島中

精靈歸恍惚石磬韻曾聞卽日是前古誰人耕此墳

舊遊孤枕遠故城九江分本欲蓬瀛去餐芝御白雲

哭呂衡州五首

唐元稹中

望有經綸釣虎收宰相刀江文駕風遠雲貌接天高
國待球琳器家藏虎豹韜盡將千載寶埋入五原蒿

二

白馬雙旌隊青山八陣圖請纓期繫虜枕草誓捐軀
勢激三千壯年應四十無遙聞不瞑目非是不憐吳

三

鵬鶚生難敵沈檀死更香兒童喧巷市羸老哭碑堂
鴈起沙汀暗雲連海氣黃祝融峰上月幾照北人喪

人部

卷七十八

三

哭友

四

迴鴈峰前鴈春迴盡却迴聯行四人去同葬一人來
鏡吹臨江返城池隔霧開滿船深夜哭風棹楚猿哀

五

杜預春秋癖楊雄著述精在時兼不語終古定歸名
未水波文細湘江竹葉輕平生思風月潛寐若為情

哭王質夫

唐白居易中

仙遊寺前別別來十年餘生別猶怏怏死別復何如
客從梓潼來道君死不虛驚疑心未信欲哭復踟躕
踟躕寢門側聲發涕亦俱衣上今日淚篋中前月書

出身既蹇迤生世仍須臾誠知天至高安得不一呼

哭師臯

唐白居易中

南康丹旆引魂迴洛陽藍輦送羣來北邙原邊尹村
畔月苦煙愁夜過半妻孥兄弟號一聲十二人腸一
時斷往者何人送者誰樂天哭別師臯時平生義分
何人盡今日哀寃唯我知我知何益徒垂淚藍輦迴
竿馬迴轡何日重聞掃市歌誰家收得琵琶妓蕭蕭
風樹白楊影蒼蒼露草青蒿氣更就墳邊哭一聲與
君此別終天地

哭皇甫七郎中湜

唐白居易中

人部

卷七十八

三

哭友

志業過玄晏詞華似彌衡多才非福祿薄命是聰明
不得人間壽還留身後名涉江文一首便可敵公卿

哭崔二十四常侍

唐白居易中

貂蟬初別九重門馬鬣新封四尺墳薤露歌詞非白
雪旌銘官爵是浮雲伯倫每置隨身鍾元亮先為自
祭文莫道高風無繼者一千年內有崔君

夜哭李夷道

唐白居易中

逝者絕影響空庭朝復昏家人哀臨畢夜鎖壽堂門
無妻無子何人葬空見銘旌向月翻

哭微之

唐白居易中

文章卓犖生無敵風骨英雄歿有神哭送咸陽北原
上可能隨例作灰塵

哭元九少府

唐張籍中

平生志業獨相知一作隨早結雲山老去期初作學官

常共宿晚登朝刻暫同時開來各數經過地醉後齊
吟唱和詩今日春風花滿宅入門行哭見靈帷

哭丘長史

唐張籍中

丘公已歿故人稀欲過街西更訪誰每到子城東路
上憶君相逐入朝時

哭孟寂

唐張籍中

人部

卷七十八

二十三

哭友

曲江院裏題名處十九人中最少年今日春光吟不
見杏花零落寺門前

哭山中友人

唐張籍中

入雲遙便哭山友隔今生遶墓招魂魄鑄嚴記姓名
犬因無主善鶴爲見人鳴長說能尸解多應別路行

哭劉夫子

唐于鵠中

近問南州客云云已覺春痛心曾受業追服恨無親
婦婦歸鄉里書齋爲四鄰不知經亂後奠祭有何人

哭王都護

唐于鵠中

老將明王識臨終拜上公告哀鄉路遠助葬戍城空

素幔朱門裏銘旌秋巷中央官如不濫獨傳說英雄
哭賈島

哭賈島

唐釋可止

燕生松雪地蜀使葬山根詩辭降今古官里誤子孫
塚闌寒月色人哭苦吟魂墓雨滴碑字年年添薛痕

哭遂州蕭侍郎二十四韻

唐李商隱

遙作時多難先令禍有源初驚逐客議旋駭黨人冤
密侍榮方入司刑望愈尊皆因優詔用實有諫書存

苦霧三辰沒窮陰四塞昏虎威狐更假隼擊鳥踰喧
徒欲心存闕終遭耳屬垣遺音和蜀魄易簪對巴猿

有女悲初寡無男泣過門

公止裴氏一女結褵朝爭之明年又喪良人

人部

卷七十八

二十四

哭友

屈原草廟殷莫敖魂迴閣傷神峻長江極望翻青雲
寧寄意白骨始霑恩早歲思東閣爲邦屬故園登舟

慚郭泰解榻愧陳蕃分以忘年契情猶錫類敦公先
真帝子我系本王孫笑傲張高蓋從容接短轅秋吟

小山桂春醉後堂萱自歎離通籍何嘗忘耳聞不成
穿墻入終擬上書論多士還魚貫云誰正駿奔暫能

誅倏忽長與問乾坤蟻漏三泉路蟹啼百草根始

同泰講微福是虛言

哭虔州楊侍郎

唐李商隱

漢網疎仍漏齊民困未蘇如何大丞相翻作弛刑徒

中憲方外易史記云商鞅尹京終就拘本矜能弭謗

先議取非辜巧有疑脂密功無一柱扶深知獄吏貴

幾迫季冬誅叫帝青天闊辭家白日晡就亡誠不弔

神理若爲誣在昔恩知忝諸生禮秩殊入韓非劍客

過趙受鉗奴楚水招魂遠印山下宅孤甘心親埤蟻

旋踵戮城狐是冬陰陰臨今如此天災未可無莫憑

牲玉請便望收焦枯

哭劉司戶黃

唐李商隱晚

路有論冤謫言皆在中興空聞遷賈誼不待相孫弘

江閣唯迴首天高但撫膺去年相送地春雪滿黃陵

人部

卷七十八

三五

哭友

哭劉司戶二首

唐李商隱晚

離居星歲易失望死生分酒甕疑餘桂書籤冷舊芸

江風吹鴈急山木帶蟬曠一叫千迴首天高不爲聞

二

有美扶皇運無誰薦直言已爲秦逐客復作楚冤魂

滄浦應分派荆江有會源併將添恨淚一灑問乾坤

哭劉蕡

唐李商隱晚

上帝深宮閉九閨平咸不下問銜冤廣陵別後春濤

隔滄浦書來秋雨翻只有安仁能作誄何曾宋玉解

招魂平生風義兼師友不敢同君哭寢門

夏初與侯補闕江南有約同泛淮汴西赴行朝

莊自九驛路先至甬橋補闕由淮楚續至泗

上寢病旬日遽聞捐館迴首悲慟因成長句

四韻弔之

唐韋莊晚

本約同來謁帝闈忽隨川浪去東奔九重聖主方虛

席千里高堂尚倚門世德只應榮伯仲時名終自付

兒孫遙憐月落清淮上寂寞何人弔旅魂

哭建州李員外

唐鄭谷晚

令終歸故里末歲道如初舊友誰爲誌清風豈易書

雨墳生野蕨鄉裏釣江魚獨夜吟還泣前年伴直廬

人部

卷七十八

三五

哭友

哭建州李員外

唐張蠙晚

詩名不易出名出又何爲捷到重科早官終一郡卑

素風無後嗣遺跡有生祠自罷羊公市谿猿苦舊時

哭京兆龐尹

唐馬戴晚

神州喪賢尹父老泣關中未盡羣生願纔畱及物功

清光沈皎月素業振遺風履跡莓苔掩珂聲紫陌空

從來受知者會葬漢陵東

哭王元裕

唐溫庭筠晚

聞說蕭郎逐逝川伯牙因此絕清絃柳邊猶憶青驄

影墳上俄生碧草煙篋裏詩書疑謝後夢中風貌似

潘前他時若到相尋處碧樹紅樓自宛然

哭南流人

唐項斯晚

遙見南來使江頭哭問君臨終時有雪旅塋處無雲
官庫空收劍蠻僧共起墳知名人尚少誰爲錄遺文

哭秘書姚監丞

唐方干晚

寒空此夜落文星星落文畱萬古名入室幾人成弟
子爲儒是處哭先生家無諫草逢明代國有遺篇續
正聲曉向平原陳塋禮悲風吹雨濕銘旌

哭李頰員外

唐曹松晚

出塵臨建水下世在公堂苦集休閑篋清資罷轉郎
人部

卷七十八

二十七

瘴中無子莫嶺外一妻孀定是浮香骨東歸就故鄉

哭栖白供奉

唐林寬晚

侍輦才難得三朝有上人琢詩方到骨至死不離貧
風帳孤螢入霜階積葉頻夕陽門半掩過此亦無因

哭李羣玉

唐段成式晚

曾話黃陵事今爲白日催老無兒女累誰哭到泉臺

哭陷邊許兵馬使

唐曹唐晚

北風烈地黯邊霜戰敗桑乾日色黃故國暗回殘士
卒新墳空薶舊衣裳散牽細馬嘶青草任去佳人弔
白楊除却陰符與兵法更無一物在儀牀

淚

唐李商隱晚

永巷長年怨綺羅離情終日思風波湘江竹上痕無
限峴首碑前灑幾多人去紫臺秋入塞兵殘楚帳夜
聞歌朝來灞水橋邊問未抵青袍送玉珂

詩集類函卷七十八

人部

卷七十八

三十八

淚

詩集類函卷七十九

東吳俞安期彙纂 宣城梅鼎祚增定

白下許天叙訂校

人部二十一

喜幸 感慨 行路難附

○喜幸

喜渡嶺

唐張說 初

東漢興唐歷南河復禹謀寧知瘴癘地生入帝皇州
雷雨蘇蟲蟄春陽放鸞鳩河沿炎海畔登降閩山陬
嶺路分中夏川源得上流見花便獨笑看草即忘憂
自始居重譯天星已再周鄉關絕歸望親戚不相求

人部

卷七十九

棄杖枯還植窮鱗涸更浮道消黃鶴去運啓白駒留

江妾晨炊黍津童夜濯舟盛明良可遇莫後洛城遊

赦歸在道中作

唐張說 初

陳焦心息盡必意不期生何幸光華旦流人歸上京

愁將網共解眼與代俱明復是三階正還逢四海平

誰能定禮樂爲國著功成

初入湘中有喜

唐張九齡 初

征鞍窮郢路歸棹入江流望鳥唯貪疾聞猿亦罷愁

兩邊楓作岸數處橘爲洲却計從來憶翻疑夢裏遊

喜入長安

唐崔湜 初

雲日能催曉風光不借年賴逢征路盡歸在落花前

喜達行在所三首

唐杜甫 盛

西憶岐陽信無人遂却迴眼穿當落日心死著寒灰
霧樹行相引蓮峰望或開所親驚老瘦辛苦賊中來

二

秋思胡笳夕淒涼漢苑春生還今日事閒道暫時人
司隸章初覩南陽氣已新喜心翻倒極嗚咽淚沾巾

三

死去憑誰報歸來始自憐猶瞻太白雪喜遇武功天
影靜千官裏心蘇七校前今朝漢社稷新數中興年

人部

卷七十九

喜幸 二

喜聞官軍已臨賊境二十韻

唐杜甫 盛

胡虜潛京縣官軍擁賊壕鼎魚猶假息穴蟻欲何逃
帳殿羅玄冕轅門照白袍秦山當警蹕漢苑入旌旄
路失羊腸險雲橫雉尾高五原空壁壘八水散風濤
今日看天意遊魂貸爾曹乞降那更得尚詐莫徒勞
元帥歸龍種司空握豹韜前軍蘇武節左將李陵刀
兵氣回飛鳥威聲沒巨鰲戈鋌開雪色弓矢向秋毫
天步艱方盡時和運更遭誰云遺毒螫已是沃腥臊
睿想丹墀近神行羽衛牢花門騰絕漠拓羯渡臨洮
此輩感恩至羸俘何足操鋒先衣染血騎突劒吹毛

喜覺都城動悲連子女號家家賣金釧只待獻香醪

聞官軍收河南河北

唐杜甫

劍外忽傳收薊北初聞涕淚滿衣裳却看妻子愁何在漫卷詩書喜欲狂白首放歌須縱酒青春作伴好還鄉即從巴峽穿巫峽便下襄陽向洛陽

喜聞盜賊蕃寇總退口號

唐杜甫

蕭關隴水入官軍青海黃河卷寒雲北極轉愁龍虎氣西戎休縱犬羊羣

贊普吐蕃君長也多教使入秦數通和好止煙塵朝廷忽用哥舒將殺伐虛悲公主親

人部

卷七十九

三

喜幸

崆峒西極過崑崙駝馬由來擁國門逆氣數年吹路斷蕃人聞道漸星奔

勃律國名天西采玉河堅昆國名碧盤最來多舊隨漢使千堆寶少荅胡王萬匹羅

今春喜氣滿乾坤南北東西拱至尊大曆二年調玉燭玄元皇帝聖雲孫

恩敕重推使牒追赴蘇州次前谿館作

唐劉長卿

漸入雲峰裏愁看驛路閑亂鴉投落日疲馬向空山且喜憐非罪何心戀未班天南一萬里誰料得生還

蕃中拘留歲餘迴至隴右先寄城中親故

唐呂溫

蓬轉星霜改蘭陔色養違窮泉百死別絕域再生歸鏡數成絲髮囊收故血衣酬恩何力祗棄一毛微

自喜

唐李商隱

自喜蝸牛舍兼容燕子巢綠筠遺粉穉紅藥綻香苞虎過遙知弄魚來且佐庖慢行成酩酊鄰壁有松醪

喜友人日南迴

唐張翥

南遊曾去海南涯此去遊人不易歸白日霧昏張夜燭窮冬氣暖著春衣谿荒毒鳥隨船啁啾口冤蛇出

人部

卷七十九

四

喜幸

樹飛重入帝城何實實共迴遷客口輕肥

○感慨

行路難附

五噫歌

後漢書曰梁鴻東出關過京師作五噫之歌肅宗聞而非之求鴻不得

漢梁鴻

陟彼北芒一作今噫今噫顓臾一作帝京今噫宮闕崔魏今噫民之劬勞今噫遼遼未央今噫

百年歌

晉陸機

一十時顏如薜華曄有暉體如飄風行如飛變彼孺子相追隨終朝出遊薄暮歸六情逸豫心無違清酒漿炙奈樂何清酒漿炙奈樂何

二十時膚體彩澤入理成美目淑貌灼有榮被服冠帶麗且清光車駿馬遊都城高談雅步何盈盈清酒漿炙奈樂何清酒漿炙奈樂何

三十時行成名立有令聞力可扛鼎志干雲食如漏卮氣如熏辭家觀國綜典文高冠素帶煥翩紛清酒漿炙奈樂何清酒漿炙奈樂何

四十時體力克壯志方剛跨州越郡還帝鄉出入承明擁大璫清酒漿炙奈樂何清酒漿炙奈樂何

五十時荷旄仗節鎮邦家鼓鐘嘈囋趙女歌羅衣綵梁金翠華言笑雅舞相經過清酒漿炙奈樂何清酒

人部

卷七十九

五

感懷

漿炙奈樂何

六十時年亦耆艾業亦隆驂駕四牡入紫宮軒冕婀娜翠雲中子孫昌盛家道豐清酒漿炙奈樂何清酒漿炙奈樂何

七十時精爽頗損膂力愆清水平明鏡不欲觀臨樂對酒轉無歡攬形集作羞髮獨長歎

八十時明已損目聰去耳前言往行不復紀辭官致祿歸桑梓安車駟馬入舊里樂事告終憂事始

九十時日告耽瘁月告衰形體雖是志意非言多謬誤心多悲子孫朝拜或問誰指景玩日慮安危感念

平生淚交揮

百歲時盈數已登肌肉單四支百節還相患目若濁鏡口垂涎呼吸嘆感反側難茵褥滋味不復安

榮木四章

并序

晉陶淵明

榮木念將老也日月推遷已復有夏總角聞道白首無成

采采榮木結根于茲晨耀其華夕已喪之人生若寄顛顛有時靜言孔念中心悵而

采采榮木于茲托根繁華朝起慨暮不存貞脆由人禍福無門匪道曷依匪善奚敦

人部

卷七十九

六

感懷

嗟予小子稟茲固陋徂年既流業不增舊志彼弗舍安此日富我之懷矣恒焉內疚先師遺訓余豈云墜四十無聞斯不足畏脂我名車策我名驢千里雖遙孰敢不至

代少年時至衰老行

宋鮑照

憶昔少年時馳逐好名晨結友多貴門出入富兒鄰綺羅艷華風車馬自揚塵歌唱青齊女彈箏燕趙人好酒多芳氣饋味厭時新今日每相念此事邈無因寄語後生子作樂當及春

代東武吟

宋鮑照

主人且勿誼賤子歌一言僕本寒鄉士出身蒙漢恩
始隨張校尉占一作募到河源後逐李輕車追虜窮
塞垣密塗亘萬里寧歲猶七奔肌力盡鞍甲心思歷
涼溫將軍既下世部曲亦罕存時事一朝異孤績誰
復論少壯辭家去窮老還入門腰鎌刈葵藿倚杖牧
收一作雞豚昔如韞上鷹今似檻中猿徒結一作千載
恨空負百年怨棄席思君幄疲馬戀君軒願垂晉主
惠不愧田子魂

長歌行

梁沈約

連連舟壑改微微市朝變來功嗣往迹莫武祖升彥
人部 卷七十九 七 感概

局塗頓遠策留歡恨奔前拊戚狀驚瀾循休擬回電
歲去芳願違年來苦心薦春貌既移紅秋林豈停舊
一倍茂陵道寧思柏梁宴長戢兔園情永別金華殿
聲微無惑簡丹青有餘絢幽籥且未調無使長歌倦
公節後至丞相第詣世子車中作

梁沈約

廉公失權勢門館有虛盈貴賤猶如此況乃曲池平
高車塵未滅珠履故餘聲賔階綠錢滿客位紫苔生
誰當九原上鬱鬱望佳城

感春水遙和謝中書一首

梁江淹

江臯桐始華歛衣望邊亭平原何寂寂島幕蘭葉莖
芬披好草合流爛新光生水雪徒皎潔此焉空守貞

二

暮意歌上春悵哉望佳人曄洲之宿莽命為瑤桂因
觀書術不變學古道恒真若作商山客寄謝丹水濱
亂後行經吳御亭晉陵有御亭吳大帝所建今作郵設也

梁庾肩吾

御亭一回望風塵千里昏青袍異春草白馬即吳門
撫戎鯁伊洛雜種亂輟轅輦道同關塞王城似太原
休明鼎尚重秉禮國猶存殷牖父雖隳堯城吏轉尊
人部 卷七十九 八 感概

泣血悲東走橫戈念北奔方憑七廟略誓雪五陵冤
人事今如此天道共誰論

刻吳閶門詩

南史曰張彪為東陽州刺史征劉泰反與岐迎陳文帝入城彪因其未定諭城而入陳文帝遂走彪復城守沈泰復說陳文帝遣張昭達領兵購之彪被劫殺彪友吳中陸山才差泰等翻背刻吳閶門為詩曰

梁陸山才

田橫感義士韓王報主臣若為留意氣持寄禹川人
亂後別蘇州人 陳賀力牧

徘徊睇閭闔悵望極姑蘇慨矣嗟荒運悲哉惜霸圖
子常終覆郭宰謫遂亡吳石隕星方暗山崩川自枯

周京摧棧樸漢社落粉榆宮毀無巢鷺城空餘樂鳥
茲邦號端委多士自相趨照應同燕石光車等魏珠
言離已惆悵念別更踟躕若訪任公子求余東海隅

牆上難爲趨

北周王褒

昔稱梁孟子兼聞魯孔丘訪政聊爲述問陳豈相訓
末代多僥倖卿相盡經由臺郎百金價台司千萬求
當朝少直筆趨代皆曲鉤廷尉十年不得調將軍百
戰未封侯夜伏擁門作常伯自有蒲萄得涼州白璧
求善價明珠難暗投高牆不可踐井水自難浮風胡
有年歲鉅利比吳鉤

人部

卷七十九

九

慨然成詠

北周庾信

新春光景麗遊子離別情交讓未全死梧桐唯半生
值熱花無氣逢風水不平寶雞雖有祀何時能更鳴

宴秦孝王于并州作

隋書本紀曰開皇十年高祖幸并州宴秦孝王子相

隋文帝

紅顏詎幾玉貌須更一朝花落白髮難除明年後歲
誰有誰無

覽鏡

唐李崇嗣

歲去紅顏盡愁來白髮新今朝開鏡匣疑是別逢人
可惜

唐杜甫

花飛有底急老去願春遲可惜歡娛地都非少壯時
寬心應是酒遣興莫過詩此意陶潛解吾生後汝期

有感五首

唐杜甫

將帥蒙恩澤兵戈有歲年至今勞聖主何以報皇天
白骨新交戰雲臺舊拓邊乘槎斷消息無處覓張騫

二

幽薊餘蛇豕乾坤尚虎狼諸侯春不貢使者日相望
慎勿吞青海無勞問越裳大君先息戰歸馬華山陽

三

洛下舟車入天中貢賦均日聞紅粟腐寒侍翠華春

人部

卷七十九

十

四

莫取金湯固長今宇宙新不過行儉德盜賊本王臣
丹桂風霜急青梧日夜凋由來強幹地未有不臣朝
受鉞親賢往卑宮制詔遙終依古封建豈獨聽簫韶

五

胡滅人還亂兵殘將自疑登壇名絕假報主爾何遲
領郡輒無色之官皆有詞願聞哀痛詔端拱問瘡痍

千秋節有感二首

唐杜甫

自罷千秋節頻傷八月來先朝常宴會壯觀已塵埃
鳳紀編生日龍池甄劫灰湘川新涕淚秦樹遠樓臺

寶鏡羣臣得金吾萬國迴衢樽不重飲白首獨餘哀

二

御氣雲樓敞含風綵仗高仙人張內樂王母獻宮桃
羅襪紅蕖豔金羈白雪毛舞階銜壽酒走索背秋毫
聖主他年貴邊心此日勞桂江流向北滿眼送波濤
代賀若令譽贈沈千運 唐王季友 盛

相逢問姓名亦存別時無子今有孫山上雙松長不
改百家唯有三家村南村北車馬道一宿通舟水
浩浩澗中磊磊十里石河上於泥種桑麥平坡塚墓
皆我親滿田主人是舊客舉聲酸鼻問同年十人七
人部 卷七十九 十一 感慨

人歸下泉分手如何更此地回頭不語淚潸然

穆陵關北逢人歸漁陽

唐劉長卿 中

逢君穆陵路匹馬向秦乾楚國蒼山古幽州白日寒
城池百戰後蒼舊幾家殘處處蓬蒿遍歸人掩淚看
謫官後却歸故村將過虎丘悵然有作

唐劉長卿 中

萬事依然在無如歲月何邑人憐白髮庭樹長新柯
故老相逢少同官不見多唯餘舊山路惆悵枉帆過
送李秘書却赴南中 此公舉家先流嶺外兄弟數人俱沒南中

唐劉長卿 中

却到番禺日應傷昔所依炎洲百口住故國幾人歸
路識梅花在家存棣萼稀獨逢迴鴈去猶作舊行飛

雜歌

唐李端 中

漢水至清泥則濁松枝至堅蘿則弱十三女兒事他
家顏色如花絃索漠蘭生當門鸞巢蘭芽未吐鸞
泥落爲姑偏忌諸嫂良作婦翻嫌壻家惡人生照鏡
須自知無鹽何用妬西施秦庭野鹿忽爲馬巧僞亂
真君試思伯奇掇蜂賢父逐曾參殺人慈母疑沽酒
千日人不醉琴弄一絃心已悲常聞善交無爾汝讒
口甚甘良藥苦山雞錦翼口鳳凰隴鳥人言止鸚鵡
人部 卷七十九 十二 感慨

向栩非才徒隱竈田文有命那關戶犀燭江行見鬼
神木人登席上歌舞樂生東下終居趙陽虎北轅翻
適楚世間反疑不易陳絨此貽君淚如雨

古東門行

唐柳宗元 中

漢家三十六將軍東方雷動橫陣雲雞鳴函谷客如
霧貌同心異不可數赤丸夜語飛電光微巡司隸眠
如羊當街一叱百吏走馮敬胃中困七首兇徒側耳
潛愜心悍臣破膽皆杜口魏王卧內藏兵符子胥掩
袂真無辜羌胡較下一朝起敵國舟中非所擬安陵
誰辨削礪功韓國詎明深井里絕咽斷骨那下補萬

金寵贈不如土

感春二首

唐韓愈

朝騎一馬出，暝就半牀卧。詩書漸欲拋，節行久已惰。冠歆感髮禿，語誤驚齒墮。孤負平生心，已矣如何奈。

儒音

我恨不如江頭人，長網橫江遮紫鱗。獨宿荒陂射鳬鴈，賣納租賦官不嗔。歸來歡笑對妻子，衣食自給寧羞貧。今者無端讀書史，智慧只足勞精神。盡蛇著足無處用，兩鬢雪白趨埃塵。乾愁漫解坐自累，與衆異趣誰相親。數杯澆腸雖暫醉，皎皎萬慮醒還新。百年人部

卷七十九

十三

感

未滿不得死，且可勤買拋青春。

感髮落

唐白居易

昔日愁頭白，誰知未白衰。眼看應落盡，無可變成絲。

聞樂感鄰

唐白居易

老去親朋零落盡，秋來絃管感傷多。尚書宅畔悲鄰笛，廷尉門前歎雀羅。綠綺空分妓女絳，紗幮掩罷笙歌歡。娛未足，身先去，爭奈書生薄命何。

江南遇天寶樂叟

唐白居易

白頭病叟泣且言，祿山未亂入梨園。能彈琵琶和法曲，多在華清隨至尊。是時天下太平久，年年十月坐

朝元。千官起居環珮合，萬國會同車馬奔。金鈿照耀

石甕寺，蘭麝薰蕙溫湯源。貴妃宛轉侍君側，體弱不勝珠翠繁。冬雪飄颻錦袍暖，春風蕩漾霓裳歡。娛未足，燕寇至，弓勁馬肥胡語喧。幽土人遷避夷狄，鼎湖龍去哭軒轅。從此漂淪到南土，萬人死盡一身存。秋風江上浪無限，暮雨舟中酒一樽。涸魚久失風波勢，枯草曾沾雨露恩。我自秦來君莫問，驪山渭水如荒村。新豐樹老籠明月，長生殿閒鎖黃昏。紅葉紛紛蓋欒瓦，綠苔重重封壤垣。唯有中官作宮使，每年寒食一開門。

人部

卷七十九

十四

感

感秋懷微之

唐白居易

葉下湖又波，秋風此時至。誰知淩落心，先納蕭條氣。推移感流歲，漂泊思同志。昔為煙霄侶，今作泥塗吏。白鷗毛羽弱，青鳳文章異。各閉一籠中，歲晚同顛顚。聽樂悵然自述，一作司空曙，病中遺妓。

唐韓愈

萬事傷心對管絃，一作在，一身含淚向春煙，一作憔悴對花，黃金用盡教歌舞，留與他人樂少年。

和入京

唐呂讓

倂囚經萬里，憔悴度三春。髮改河陽鬢，衣餘京洛塵。鍾儀悲去楚，隨會泣留秦。既謝一作平吳利終成失。

路人

齊安郡

唐韋莊

弭棹齊安郡孤城百戰殘傍村林有虎帶郭縣無官
暮角梅華怨清江桂影寒黍離緣底事撩我起長歎

題豐安里王相林亭

唐溫庭筠

偶到烏衣巷含情更惘然西州曲堤柳東府舊池蓮
星圻悲元老雲歸送墨仙誰知濟川楫今作野人船

亂中寄友人

唐張翥

別來難覓信何處避艱危鬢黑無多日塵清是幾時
人情將厭武王澤即興詩若便懷深隱還應聖主知

人部

卷七十九

十五

擬行路難十八首

宋鮑照

奉君金巵之美酒一作瑁玉匣之雕琴七綵芙蓉

之羽帳九華葡萄之錦衾紅顏零落歲將暮寒光宛

轉時欲沈願君裁悲且減思聽我抵節行路吟不見

柏梁銅雀上寧聞古時清吹音

洛陽名工鑄爲金博山千斷復萬鏤上刻秦女攜手

仙承君清夜之歡娛別置幃裏明燭前外發龍鱗之

丹綵內含麝芬之紫煙如今君心一朝異對此長歎

終百年

璇闥玉墀上椒閣文牕繡戶垂羅幕中有一人字金

蘭被服纖羅采芳釐春燕差池風散梅開幃對景弄

春爵含歌攬涕恒抱愁一作不能言人生幾時得爲樂寧

作野中之雙鳬不願雲間之別鶴

瀉水置平地各自東西南北流人生亦有命安能行

歎復坐愁酌酒以自寬舉杯斷絕歌路難心非木石

豈無感吞聲蹢躅不敢言

君不見河邊草冬時枯死春滿道君不見城上日今

暝沒盡一作去明朝復更出今我何時當得然一去

永滅入黃泉人生苦多歡樂少意氣敷腴在盛年且

願得志數相就牀頭恒有酤酒錢功名竹帛非我事

人部

卷七十九

十六

存亡貴賤付皇天

對案不能食拔劍擊柱長歎息丈夫生世會幾時安

能蹠蹠垂羽翼棄置罷官去還家自休息朝出與親

辭暮還在親側弄兒牀前戲看婦機中織自古聖賢

盡貧賤何況我輩孤且直

愁思忽而至跨馬出北門舉頭四顧望但見松柏園

荆棘鬱蹲蹲一作中有一鳥名杜鵑言是古時蜀帝

魂聲音哀苦鳴不息羽毛憔悴似人髡飛走樹間啄

蟲蟻豈憶往日天子尊念此死生變化非常理

中心惻愴不能言

中庭五株桃一株先作花陽春妖冶二三月從風簸

蕩落西家西家思婦見悲惋零淚沾衣撫心歎初送

我君出戶時何言淹留節迴換牀席生塵明鏡垢纖

腰瘦削髮蓬亂人生不得恒稱意惆悵徒倚至半夜

剝葉染黃絲黃絲歷亂不可治我昔與君始相值爾

時自謂可君意結帶與君言死生好惡不相置一作結帶

與君同死生石今日見我顏色衰意中索寞一作結帶與

先異還君金玉一作釵玳瑁簪不忍見之一作益思

君不見薜華不終朝須臾淹冉零落銷盛年妖艷浮

華草不久亦當請家頭一去無還期千秋萬歲無音

入部 卷七十九 十七 感微

詞孤魂竄竄空隴間獨魄徘徊遶墳墓但聞風聲野

鳥吟豈憶平生盛年時為此令人多悲悵君當縱意

自熙怡

君不見枯穉走階庭何時復青著故莖君不見亡靈

蒙享祀何時傾杯竭壺罌君當見此起憂思寧及得

與時人爭人生倏忽如絕電華年盛德幾時見但令

縱意存高尚旨酒佳餚相胥燕持此從朝竟夕暮差

得亡憂消愁怖胡為惆悵不能已難盡此曲令一作

今年陽初花滿林明年冬末雪盈岑推移代謝紛交

轉我君邊戎獨稽沈執袂分別已三載邇來寂淹無

分音朝悲慘慘遂成滴暮思遶遶最傷心膏沐芳餘

久不御蓬首亂鬢不設簪徒飛輕埃舞空帷粉黛

器靡復遺自生留世苦不幸心中惕惕恒懷悲

春禽皆啼且暮鳴最傷君子憂思情我初辭家從軍

僑榮志溢氣干雲霄流浪漸冉經三齡忽有白髮素

髭生今暮臨水拔已盡明日對鏡復已盈但恐羈死

為鬼客客思寄滅生空精每懷舊鄉野念我舊人多

悲聲忽見過客問向我寧知我家在南城答云我曾

居君鄉知君遊宦在此城我行離邑已萬里今方羈

役去遠征來時聞君婦閨中孀居獨宿有貞名亦云

入部 卷七十九 十八 感微

悲朝泣開房又聞暮思淚霑裳形容憔悴非昔悅蓬

鬢衰顏不復妝見此令人有餘悲當願君懷不一作

君不見少壯從軍去白首流離不得還故鄉官道日

夜隔首塵斷絕阻河關朔風蕭條白雲飛胡笳哀急

邊氣寒聽此愁人兮奈何登山遠望得留顏將死胡

馬跡能見妻子難男兒生世輒軻欲何道綿憂摧抑

起長歎

君不見柏梁臺今日丘墟生草萊君不見阿房宮寒

雲澤雉栖其中歌妓舞女今誰在高墳壘壘滿山隅

長袖紛紛徒競世非我昔時千金軀隨酒逐樂任意

去莫令含歎下黃壚

君不見冰上霜表裏陰且寒雖蒙朝日照信得幾時
安民生故如此誰令摧折強相看去年來自如削
白髮零落不勝冠

君不見春鳥初至時百草含青俱作花寒風蕭索一
旦至竟得幾時保光華日月流邁不相饒令我愁思
怨恨多

諸君莫歎貧富貴不由人丈夫四十彊而仕余當二
十弱冠展莫言草木委冬雪會應蘇息遇陽春對酒
叙長篇窮途運命委皇天但願樽中九醞滿莫惜牀

人部

卷七十九

十九

頭百箇錢直得一作優游卒一歲何勞辛苦事百年

擬行路難五首

梁吳均

洞庭水上一株桐經霜觸浪困嚴風昔時抽心耀白

日今日卧死黃沙中洛陽名工見咨嗟一翦一刻作

琵琶白璧規心學明月珊瑚映面作風花帝王見賞

不見忘提攜把握登建章掩仰摧藏張女彈殷勤促

柱楚明光年年月月對君子遙遙夜夜宿未央未央

絲女乘鳴虎爭先拂拭生光儀朱黃錦衣玉作匣安

念昔日枯樹枝不學衡山南嶺桂至今千載猶知

青瑣門外安石榴連枝接葉夾御溝金墉城西合歡

樹垂條照彩拂鳳樓遊俠少年游上路傾心顛倒想

戀慕摩頂至足買片言開胸歷膽取一顧自言家在

趙邯鄲翩翩舌杪復劒端青驪白駿的盧馬金羈綠

控紫絲鞚蹀躞橫行不肯進夜夜汗血至長安長安

城中諸貴臣爭貴儒者席上珍復聞梁王好學問輕

棄劍客如埃塵吾丘壽王始得意司馬相如適被申

大才大辯尚如此何況我輩輕薄人

君不見西陵田從橫十字成陌阡君不見東郊道荒

涼蕪沒起寒煙盡是昔日帝王處歌姬舞女達天曙

今日翩翩少年子不知華盛落前去吐心吐氣許他

人部

卷七十九

二十

感概

人今且迴惑生猶豫山中桂樹自有枝心中方寸自

相知何言歲月忽如馳君之情意與我離還君玳瑁

金雀釵不忍見此使心危

君不見長安客舍門倡家少女名桃根貧窮夜紡無

燈燭何言一朝奉至尊至尊離宮百餘處千門萬戶

不知曙唯聞啞啞城上烏玉欄金井牽轆轤丹梁翠

柱飛流蘇香薪桂火炊雕胡一作當年翻覆無常定

薄命爲女何必驪

君不見上林苑中客水羅霧縠象牙席盡是得意忘

言者探腸見膽無所惜白酒甜鹽甘如乳絲觴皎鏡

華如碧少年持名不肯嘗安知白駒應過隙博山鑪
中百和香鬱金蘇合及都梁逶迤好氣佳容貌經過
青瑣歷紫房已入中山馮一作后帳復上皇帝班姬
牀班姬失寵顏不開奉帚供養長信臺日暮耿耿不
能寐秋風切切四面來玉階行路生細草金鑪香炭
變成灰得意失意須臾頃一作非君方寸逆所裁

擬行路難

梁費昶

君不見人生百年如流電心中增壘君不見我昔初
入椒房時詎減班姬與飛燕朝踰金梯上鳳樓暮下
瓊鉤息鸞殿柏梁晝夜香錦帳自飄颻笙歌棗下曲
人部 卷七十九 三十一 感慨

行路難

樂府解題曰行路難備言世路艱難及
武別傳曰武常牧羊諸家牧豎有知歌謠者
武遂學行路難則所起亦遠矣唐王昌齡又

唐盧照鄰

君不見長安城北渭橋邊枯木橫卧古田昔日含
紅復含紫常時晴霧亦留煙春景春風花似雪香車
玉輦恒闐咽若箇遊人不競攀若箇媚家不來折媚

家寶祿蛟龍帳公子銀鞍千萬騎黃鶯一一向花嬌
青鳥雙雙將子戲千尺長條萬尺枝月桂星榆相蔽
虧珊瑚葉上駕鸞鳥鳳凰巢裏雛鷦鷯巢傾枝折鳳
飛去條枯葉落任風吹一朝憔悴無人問萬古摧殘
君詎知人生貴賤無終始倏忽須臾難久恃誰家能
駐西山日誰家能堰東流水漢家陵樹滿秦川行來
行去盡哀憐白昔公卿二千石咸擬榮華一萬年不
見朱唇將玉貌唯聞青棘與黃泉金貂有時須換酒
玉塵但搖莫計錢寄言坐客神仙署一生一死交情
處蒼龍關下君不留白鶴山頭我應去雲間海上邈
人部 卷七十九 三十一 感慨

行路難

唐張紘

君不見溫家玉鏡臺提攜抱握九重來君不見相如
綠綺琴一撫一拍鳳凰音人生意氣須及早莫負當
年行樂心荆王奏曲楚妃歎曲盡歡終夜將半朱樓
銀閣正平生碧草青苔坐蕪漫當春對酒不須疑視
日相看能幾時春風吹盡燕初至此時自爲稱君意
秋露萎草鴻始歸此時衰暮與君違人生翻覆何常
定誰保容顏無是非

古行路難

唐李頎 盛

漢家名臣楊德祖四代五公享茅土父子兄弟綰銀
黃躍馬鳴珂朝建章火浣單衣繡方領茱萸錦帶玉
盤囊賓客填街復滿座片言出口生輝光世人逐勢
爭奔走瀝膽矚肝惟恐後當時一顧登青雲自謂生
死長隨君一朝謝病還鄉里窮巷蒼苔絕知己秋風
落葉閉重門昨日論交竟誰是薄俗嗟嗟難重陳深
山麋鹿可爲鄰營連所以蹈東海古往今來稱達人
行路難二首 唐高適 盛

長安少年不少錢能騎駿馬鳴金鞭五侯相逢大道
人部 卷七十九 二十三 感概

邊美人絃管爭留連黃金如斗不敢惜片言如山莫
棄捐安知憔悴讀書者暮宿靈臺私自憐

君不見富家翁舊時貧賤誰比數一朝金多結豪貴
百事勝人徒如虎子孫成行滿眼前妻能管絃妾歌
舞自矜一身忽如此却笑傍人獨愁苦東鄰少年安
所如席門窮巷出無車有才不肯學干謁何用年年
空讀書

行路難

唐崔顥 盛

君不見建章宮中金明枝萬萬長條拂地垂二月三
月花如霰九重幽深君不見豔彩朝含四寶宮香風

吹入朝雲殿漢家宮女春未闌愛此芳香朝暮看來
看去看心不忘攀折將安鏡臺上雙雙素手翦不成
兩兩紅妝笑相向建章昨夜起春風一花飛落長信
宮長信麗人見花泣憶此珍樹何嗟及我昔初在昭
陽時朝攀暮折登玉墀只言歲歲長相對不悟今朝
遙相思

行路難三首

唐李白 盛

金樽清酒斗十千玉盤珍羞直萬錢停杯投箸不能
食拔劍四顧心茫然欲渡黃河水塞川將登太行雪
滿山閑來垂釣碧谿上忽復乘舟夢日邊行路難行
人部 卷七十九 二十四 感概

路難多岐路今安在長風破浪會有時直挂雲帆濟
滄海

大道如青天我獨不得出羞逐長安社中兒赤雞白
狗賭梨栗彈劍作歌秦苦聲曳裾王門不稱情淮陰
市井笑韓信漢朝公卿忌賈生君不見昔時燕家重
郭隗擁篲折節無嫌猜劇辛樂毅感恩分輸肝剖膽
效英才昭王白骨縈蔓草誰人更掃黃金臺行路難
歸去來

有耳莫洗滌川水有口莫食首陽薇含光混世貴無
名何用孤高比雲月吾觀自古賢達人功成不退皆

殞身子育既棄吳江上屈原終沒湘水濱陸機雄才
豈自保李斯稅駕苦不早華亭鶴唳詎可聞上蔡蒼
鷹何足道君不見吳中張翰稱達生秋風忽憶江東
行且樂生前一杯酒何須身後千載名

行路難五首

唐賀蘭進明

君不見東流水一去無窮已君不見西郊雲日夕空
氛氲羣鴈徘徊不能去一鴈悲鳴復失羣人生結交
在終始莫以升沈中路分

君不見雲中月雙盈還復缺君不見林下風聲達意
難窮親故平生或聚散歡娛未盡樽酒空歎息青青

人部

卷七十九

二五

感慨

陵上柏歲寒能有幾人同

君不見芳樹枝春花落盡蜂不窺君不見梁上泥秋
風始高燕不棲蕩子從軍事征戰蛾眉嬋娟守空閨
獨宿自然堪下淚況復時聞烏夜啼

君不見門前柳榮耀幾時蕭索久君不見陌上花狂
風吹去落誰家鄰家思婦見之歎蓬首不梳心歷亂
盛年夫婿長別離歲暮相逢色彫換

君不見巖下井百尺不及泉君不見山上苗數寸凌
雲煙人生相命亦如此何苦太息自憂煎但願親友
長含笑相逢不乏杖頭錢寒夜邀歡須秉燭豈得長

思花柳年

行路難

唐孟雲卿

君不見高山萬仞連蒼旻天長地久成埃塵君不見
長松百尺多勁節狂風暴雨終摧折古今何世無聖
賢吾愛伯陽真乃天金堂玉闕朝羣仙拍手東海成
桑田海中之水慎勿枯鳥鵲啄蚌傷明珠行路難艱
險莫踟躕

行路難

唐錢起

君不見明星映空月太陽朝升光盡歇君不見彫零
委路蓬長風飄舉入雲中由來人事何嘗定且莫驕
人部

卷七十九

二六

感慨

奢笑賤窮

行路難

一云連環歌

唐韋應物

荆山之白玉今良工雕琢雙環連月蝕中央鏡心穿
故人贈妾初相結恩在環中尋不絕人情厚薄苦須
臾昔似連環今似玦連環可碎不可離如何物在人
自移上客勿遽歡聽妾歌路難旁人見環環可憐不
知中有長恨端

行路難三首

唐柳宗元

君不見夸父逐日窺虞淵跳跟北海超崑崙披霄決
漢出沅瀟瞥裂左右遺星辰須臾力盡道渴死狐鼠

蜂蟻爭噬吞北方，人長九寸開口抵掌共笑喧。
啾飲食滴與粒生，死亦足終天年。
睢盱大志小成遂，
坐使兒女相悲憐。

虞衡斤斧羅千山，工命採斫代與稼。
深林土翦十取一，百牛連鞅摧雙轅。
萬圍千尋妨道路，東西蹶倒山火焚。
遺餘毫末不見保，躡躑躅何當存羣材。
未成質已天，突兀崿豁空巖巒。
柏梁天災武庫火，匠石復顧相愁冤。
君不見南山棟梁益稀少，愛才養育誰復論。

飛雪斷道水成梁，侯家熾炭雕玉房。
蟠龍吐耀虎哮人部
卷七十九
二十七
感概

張熊蹲豹躑躅爭低昂，攢巒叢嶂射朱光。
丹霞翠霧飄奇香，美人四向迴鳴璫。
雪山冰谷晞太陽，星躔奔走不得止。
奄忽雙燕棲虹梁，風臺露榭生光飾。
死灰棄置參與商，盛時一去貴反賤。
桃笙葵扇安可當。

行路難

唐朱慶餘

世事澆浮後，艱難向此生。
人心不自足，公道爲誰平。
德衰淳風盡，年荒蔓草盈。
堪悲山下路，非祗客中行。

行路難二首

唐顧況

君不見檐雪塞井徒用力，炊沙作飯豈堪喫。
一生肝膽向人盡相識，不如不相識。
冬青樹上挂凌霄，歲晚

花彫樹不彫，凡物多自有根本。
種禾終不生，荳苗行路難。
行路難，何處是平道。
中心無事當富貴，今日覺君顏色好。

君不見少年頭上如雲髮，少壯如雲老如雪。
豈知灌頂有醍醐，能使清涼頭不熱。
呂梁之水挂飛流，葡萄蠶不敢游。
少年恃險若平地，獨倚長劍凌清秋。
行路難，行路難。
昔少年今已老，前朝竹帛事皆空。
日暮牛羊占城草。

行路難

唐張籍

湘東行人長歎息，十年離家歸未得。
弊裘羸馬苦難人部
卷七十九
二十八
感概

行僮僕饑寒，少筋力。
君不見牀頭黃金盡，壯士無顏色。
龍蟠泥中未有雲，不能生彼升天翼。

行路難

唐戴叔倫

出門行路難，富貴安可期。
淮陰不免惡，少辱阮生亦作窮途悲。
顛倒英雄古來有，封侯却屬屠沽兒。
長安車馬隨輕肥，青雲賓從紛交馳。
白眼向人多意氣，宰牛烹羊如折葵。
宴樂寧知白日短，時時醉擁雙蛾眉。
揚雄閉門空讀書，門前碧草春離離。
不如拂衣且歸去，世上浮名徒爾爲。

行路難

唐釋貫休

君不見山高海深人不測古往今來轉青碧淺近輕
浮莫與交地卑只解生荆棘誰道黃金如糞土張耳
陳餘斷消息行路難行路難君自看

行路難

唐釋齊己

行路難君好看驚波不在驢驢間小人心裏藏崩端
七盤九折寒嶠崿翻車倒蓋猶堪出未似是非唇舌
危暗中潛毀平人骨君不見楚靈均千古沈冤湘水
濱又不見李太白一朝却作江南客

人部

卷七九

三九

感遇

詩集類函卷八十

東吳俞安期彙纂

宣城梅鼎祚增定

白下許天叙訂校

人部二十二

感遇

感懷

書情

卽事

言志

○感遇

感遇八章

晉陸雲

悠悠縣象昭回太素清濁迭興升降啓度遺和既爽
季春生暮朱明來思青陽受煦

日征月盈天道變通太初陶物造化爲功四月惟夏

南征觀方凱風有集飄飄南牕思樂萬物觀異同

人部

卷八十

感遇

有渰萋萋甘雨未播黍稷方華中田多稼庭槐振藻
園桃阿那薄言觀物在堂知化

蓬戶惟清玩物一室明發有懷念昔先哲通夢幽人

彷彿遺烈清暉在天孰與永日

乃啓遺籍思予大觀幽居傲物顧景怡顏况惟解舞

衡門重關思媚古人有懷良盤沈疢含輝芳烈如蘭

厥初生民有物有類自古有稱大寶以位征徒式好

俊奔攸遂啓予有聞誨爾達貴

達貴伊何天爵無榮渾淪大昧混其濁清毀方遜象

遺頑履貞道實藏器景以昭形

茫茫陋世奚就奚錯牧彼紛華委之冲漠漂志垂天
矯心馮閣通好莊叟儀刑有作安得達人顧予命薄

感寓原作述酒

晉陶淵明

重離照南陸鳴鳥聲相聞秋草雖未黃融風久已分
素礫晶脩渚南嶽無餘雲豫章抗高門重華固靈墳
流淚抱中歎傾耳聽司晨神州獻嘉粟西靈爲我馴
諸梁董師旅羊勝喪其身山陽歸下國成名猶不勤
卜生善斯牧安樂不爲君平王去舊京峽中納遺薰
雙陵甫云育三趾顯奇文王子愛清吹日中翔河汾
朱公練九齒閑居離世紛我我西嶺內偃息常所親
人部 卷八十

天容自永固彭殤非等倫

感遇北史本傳曰：「卿業在魏以時遇禍，謝不復圖全，唯事飲啜當賦詩曰。」

北魏濟陰王

昔居王道泰濟濟富羣英今逢世路阻狐兔鬱縱橫

東征歌

文子世家曰：「齊仁壽二年，文中子西遊長安，見文帝奏太平十有二策，帝下其議於公卿，公卿不悅，文中子知謀之不用，賦東征之歌而歸，帝聞而重徵之，不至。」

隋王通

我思國家今遠遊京畿忽逢帝王今降禮布衣遂懷
古人之心今將與太平之基時異事變今志乖願違
吁嗟道之不行兮垂翅東歸皇之不斷兮勞身西飛

感遇十五首

唐典文章承徐吏餘風子昂始變雅正初爲感遇詩王適見之曰是必爲海內文宗矣請納安 唐陳子昂

微月生西海幽陽始代昇圓光正東滿陰魄已朝疑
太極生天地三元更廢興至精諒斯在三五誰能徵

二

樂羊爲魏將食子殉軍功骨肉且相薄他人安得忠
吾聞中山相乃屬放麇翁孤獸猶不忍況以奉君終
屬子於西巴者孟孫也非中山相也劉須谿云事雖誤用語自可傳

三

吾觀龍變化乃知至陽精石林何冥密幽洞無留行

人部

卷八十

三

古之得仙道信與元化并玄感非蒙象一作識誰能測
淪冥世人拘目見酣酒笑丹經崑崙有瑤樹安得采
其英

四

白日每不歸青陽時暮矣茫茫吾何思林卧觀無始
衆芳委時晦鷓鴣鳴悲耳鴻荒古已頽誰識巢居子

五

吾愛鬼谷子青谿無垢氛囊括經世道遺身在白雲
七雄方龍闢天下亂無君浮榮不足貴遵養晦時又
舒之彌宇宙卷之不盈分豈圖一作山木壽空與麋

鹿羣

六

林居病時久水木淡孤清閑卧觀物化悠悠念羣生
青春始萌達朱火已滿盈徂落方自此感歎何時平

七

臨岐泣世道天命良悠悠昔日殷王子玉馬遂朝周
寶鼎淪伊穀瑤臺成古丘西山傷遺老東陵有故侯

八

幽居觀大運悠悠念羣生終古代興沒豪聖莫能爭
三季淪周赧七雄滅秦嬴復聞赤精子提劍入咸京

人部

卷八十

四

感遇

炎光既無象晉虜紛縱橫堯禹道既昧昏虐勢方行
豈無當世雄天道與胡兵咄咄安可言時醉而未醒
仲尼溺東魯伯陽遁西溟大運自古來旅人胡歎哉

九

逶迤勢已久骨鯁道斯窮豈無感激者時俗頽此風
灌園何其鄙皎皎於陵子世道不相容嗟嗟張長公

十

蜻蛉遊天地與物本無患飛飛未能去黃雀來相干
穰侯富秦寵金石比交歡出入咸陽裏諸侯莫敢言
寧知山東客激怒秦王肝布衣取丞相千載為辛酸

十一

翡翠巢南海雄雌珠樹林何知美人意嬌愛比黃金
殺身炎州裏委羽玉堂陰旖旎光首飾歲粧爛錦衾
豈不在遐遠虞羅忽見尋多材固為累歎息此珍禽

十二

朝發宜都渚浩然思故鄉故鄉不可見路隔巫山陽
巫山綵雲沒高丘正微茫佇立望已久涕落霑衣裳
豈茲越鄉感憶昔楚襄王朝雲無處所荆國亦淪亡

十三

昔日章華宴荆王樂荒淫霓旌翠羽蓋射兒雲夢林

人部

卷八十

五

感遇

揭來高堂觀悵望雲陽岑雄圖今何在黃雀空哀吟

十四

金鼎合還丹世人將見欺飛飛騎羊子胡乃在峨眉
變化固非類芳菲能幾時疲痾苦淪世憂悔日侵緇
眷然顧幽褐白雲空涕洟

十五

朔風吹海樹蕭條邊已秋亭上誰家子哀哀明月樓
自言幽燕客結髮事遠遊赤丸殺公吏白日報私讐
避仇至海上被役此邊州故鄉三千里遼水復悠悠
每憤胡兵入常為漢國羞何知七十戰白首未封侯

感遇八首

唐張九齡初

蘭葉春葳蕤桂華秋皎潔欣欣似生意自爾爲佳節
誰知林棲者聞風坐相悅草木有本心何求美人折

三

魚游樂深池鳥棲欲高枝嗟爾蜉蝣羽翳翳亦何爲
有生豈不化所感奚若斯神理日微滅吾心安得知

三

孤鴻海上來池潢不敢顧側見雙翠鳥巢在三珠樹
矯矯珍木巔得無金丸懼美服患人指高明逼神惡
今我遊冥冥弋者何所慕

人部

卷八十

六

感遇

四

吳越數千里夢寐今夕見形骸非我親衾枕卽鄉縣
化蝶猶不識川魚安可羨海上有仙山歸期覺神變

五

江南有丹橘經冬猶綠林豈伊地氣暖自有歲寒心
可以薦嘉客奈何阻重深運命惟所遇循環不可尋
徒言樹桃李此木豈無陰

六

永日徒離憂臨風懷塞修美人何處所孤客空悠悠
青鳥跂不至朱鷺誰云浮夜分起躑躅時近曷淹留

七

我有異鄉憶宛在雲溶溶憑此目不覩要之心所鍾
但欲附高鳥安敢攀飛龍至精無感遇悲惋填心胸
歸來扣寂寞人願天豈從

八

閉門曠羣化憑林結所思嘯歎此寒木嚙昔廼芳蕤
朝陽鳳安在日暮蟬獨悲浩思極中夜深嗟欲待誰
所懷誠已矣旣往不可追鼎食非吾事雲山嘗我期
胡越方杳杳車馬何遲遲天壤一何異幽嘿卧簾帷
不遇詠

人部

卷八十

唐王維

七

北闕獻書寢不報南山種田時不登百人會中身不
預五侯門前心不能身投河朔飲君酒家在茂陵平
安否且此登山復臨水莫問春風動楊柳今人作人
多自私我心不說君應知濟人然後拂衣去肯作徒
爾一男兒

感遇

唐岑參

五花驄馬七香車云是平陽帝子家鳳凰城頭日欲
斜門前高樹鳴春鴉漢家營元君不聞今作城西一
古墳昔來唯有秦王女獨自吹簫乘白雲

感遇三首

唐李白

可嘆東籬菊並疎葉且微雖言異蘭蕙亦自有芳菲
未泛盈樽酒徒沾清露輝當榮君不採飄落欲何依

二

宋玉事楚王立身本高潔巫山賦彩雲郢路歌白雪
舉國莫能和巴人皆卷舌一惑登徒言恩情遂中絕

雜感

唐鮑防

漢家海內承平久萬國戎王皆稽首天馬常銜苜蓿

花胡人歲獻蒲萄酒五月荔枝初破顏朝離一作象

郡夕函關鴈飛不到桂陽嶺馬走皆從一作林邑山

甘泉御果垂仙閣日暮無人一作風香自落遠物皆重

人部

卷八十

感遇

近皆輕雞雖有德不如鶴

新豐主人

唐錢起

明代少知己夜光頻暗投迢遞終薄命動息盡窮愁

自歎歸飛鷁常為不繫舟雙垂素絲淚幾弊皂貂裘

暮鳥棲幽樹孤雲出舊丘蛩悲衣褐夕雨暗轉蓬秋

客裏馮諼劍歌中窸窣牛主人能縱酒一醉且忘憂

感遇

唐權德輿

虛室對搖落晤言無與羣冥心試觀化世故如絲棼

但看鳶戾天豈見山出雲一歌徒擊節朱絃秘南薰

椅梧秀朝陽上有威鳳文終待九成奏來儀瑞吾君

感寓

唐柳宗元

西陸動涼氣驚鳥號北林栖息豈殊性集枯安可任

鴻鵠去不返勾吳阻且深徒嗟日沈酒九鼓驚奇音

東海久搖蕩南風已駸駸坐使青天暮小星愁太陰

衆情嗜奸利居貨損千金危根一以振濟斧來相尋

攬衣中夜起感物涕盈襟微霜衆所踐誰念歲寒心

和董庶中古散調詞贈尹果

唐劉禹錫

昔聽東武吟壯年心已悲如何心濩落聞君辛苦辭

言有窮巷士弱齡頗尚奇讀得玄女符生當事邊時

借名遊俠窟結客幽并兒往來長秋間能帶雙健馳

人部

卷八十

九

崩騰天寶末塵暗燕幽垂燿火入咸陽詔徵神武師

是時占軍幕挿羽揚金轡萬夫列轅門觀射中戟支

誓言雪國讐親愛從此辭中宵倚長劍起視蚩尤旗

介馬晨蕭蕭陣雲竟天涯陰風冽白草旌旗光參差

勇氣貫中腸視身忽如遺生擒白馬將虜騎不敢追

貴臣上戰功名姓隨意移終歲肌膚苦他人印纍纍

謁者既清宮諸侯各罷戲上將賜甲第門戟不可窺

背血下沾衿天高問無期却尋故鄉路孤影空相隨

行逢里中舊僕宿昔可嗤一言合侯王腰佩黃金龜

問我何自苦可憐真數奇遲回顧徒御得色懸雙眉

翻然悟世途無已味所宜田園已蕪沒流浪江海湄
驚禽毛翮摧不見高翔姿衰容蔽逸氣子子無人知
寂寞草玄徒長吟下書惟聞君發哀韻繁若瑤林枝
有客識其真潺湲涕交頤飲爾一杯酒陶然足自怡

感寓一作感

唐孟郊中

濁水心易一作傾明波與初發思逢海底人乞取蚌
中月此興若未諧此心終不歇

有感二首

西別年有感

唐李商隱晚

九服歸元化三靈叶睿圖如何本初革自取屈菴誅
有甚當車泣因勞下殿趨何成奏雲物直是滅荊苗

人部

卷八十

十一

證速符書密辭連性命俱竟緣真漢相不早辨胡雛
鬼錄分朝部軍烽照上都敢云堪慟哭未免怨洪鑪

二

丹陛猶敷奏彤庭歛戰爭臨危對盧植是晚獨召故

相彭陽公入

始悔用龐萌御仗收前殿兒徒劇背城蒼黃五色棒
掩遏一陽生古有清君側今非乏老成素心雖未易

此舉太無名誰與銜冤目寧吞欲絕聲遙聞開壽讌
不廢用咸英

有感

唐李商隱晚

非關宋玉有微辭却是襄王夢覺遲一自高唐賦成

後楚天雲雨盡堪疑

驪山有感

唐李商隱晚

驪山飛泉泛暖香九龍呵護玉蓮房平明每幸長生
殿不從金輿唯壽王

重有感

唐李商隱晚

玉帳牙旗得上游安危須共主君憂實融表已來關
右陶侃軍宜次石頭豈有蛟龍愁失水更無鷹隼與
高秋晝號夜哭兼幽顯早晚星關雪涕收

有感

唐劉駕晚

弓劍不自行難引河湟思將軍半夜飲十里聞歌吹

人部

卷八十

十一

高門幾世宅舞袖仍新賜誰道一書來燈前問邊事

○感懷

擬劉文學楨感懷

梁江淹

蒼蒼山中桂團團霜露色霜露一何繁桂枝生自直

橘柚在南國因君為羽翼謬蒙聖主私託身文墨職
丹絲既已過敢不自雕飾華月照芳池列坐金殿側

微臣固受賜鴻恩良未測

遣懷

唐杜甫盛

愁眼看霜露寒城菊自花天風隨斷柳客淚隨清笳
水淨樓陰直山昏塞日斜夜來歸鳥盡啼殺後棲鴉

感懷

唐劉長卿

秋風落葉正堪悲
黃菊殘花欲待誰
水近偏逢寒氣早
山深長見日光遲
愁中卜命看周易
夢裏招魂讀楚詞
自笑不如湘浦鴈
飛來即是北歸時

感懷二首

唐戴叔倫

尺帛無長裁
淺水無長流
水淺易成枯
帛短難為人
人生取舍間
趨競固非優
舊交跡雖疎
中心自云稠
新交意雖密
中道生怨尤
踟躕復踟躕
世路今悠悠

人部

卷八十

十三 感懷

主人飲君酒
勸君弗相違
但當盡弘量
觴至無復辭
人生百年中
會合能幾時
不見枝上花
昨滿今漸稀
花落還再開
人老無少期
古來賢達士
飲酒不復疑

感懷

唐張繼

調與時人背
心將靜者論
經年帝城裏
不識五侯門

感懷

唐孟郊

孟冬陰氣交
兩河正屯兵
煙塵相馳突
烽火日夜驚
大行險阻高
輓粟輸通營
奈何操弧者
不使梟巢傾
猶聞漢北兒
恬亂謀縱橫
擅搖干戈柄
呼叶豺狼聲
白日臨爾軀
胡為喪丹青
豈無感激士
以致天下平
登高望寒原
黃雲鬱崢嶸
坐馳悲風哀
歎息空沾纓

感懷八首

唐孟郊

秋氣悲萬物
驚風振長道
登高有所思
寒雨傷百草
平生有親愛
零落不相保
五情今已傷
安得自能老

二

晨登洛陽坂
目極天茫茫
羣物歸大化
六龍頽西荒
豺狼日已多
草木日已霜
饑年無餘粟
衆鳥去空場
路傍誰家子
白首離故鄉
含酸望松柏
仰面訴穹蒼
去去勿復道
苦饑形貌傷

三

徘徊不能寐
耿耿含酸辛
中夜登高樓
憶我舊星辰
四時不遷移
萬物何時春
唯憶首陽路
永謝當時人

四

長安佳麗地
宮月生蛾眉
陰氛凝萬里
坐看芳草衰
玉堂有玄鳥
亦以從此辭
傷哉志士歎
故國多遲遲

深宮豈無樂
擾擾復何爲
朝見名與利
暮還生是非

一作是姜牙佐周武世業永巍巍

五

舉才天道親
首陽誰採薇
去去荒澤遠
落日當西歸
義和駐其輪
四海借餘暉
極目何蕭索
驚風正離披
鵲鳴鳴高樹
衆鳥相因依
東方有一士
歲暮常苦饑

主人數相問脉脉今何爲貧賤亦有樂且願掩一作守柴扉

六

火雲流素月三五何明明光曜侵白日賢愚迷至精
四時更變化天道有虧盈常恐今已沒須臾還復生

七

河漢暮相遇草草不復言漢家正離亂王粲別荆蠻
野澤何蕭條悲風振空山舉頭視星辰念我何時還
親愛久別散形神各離遷未爲死生訣長在心目間

八

人部

卷八

十四

有感

有鳥東西來哀鳴過我前願飛浮雲外飲啄見青天

有感

唐白居易

絕絃與斷絲猶有却續時唯有衷腸斷應無續得期

感懷

唐于濟

採薇易爲山何必登首陽濯纓易爲水何必泛滄浪

貴崇已難慕詔笑何所長東堂桂欲空猶有收榮光

感懷陳情

唐姚鵠

恩重空感激何門暫殺身謬曾分玉石竟自困風塵

陰谷非因暖幽叢豈羨春升沈在言下應念異鄉人

感懷投時相

唐鄭谷

非才偶忝直文昌兩鬢年深一鏡霜待漏敢辭稱小吏
立班猶未出中行孤吟馬跡拋槐陌遠夢漁竿擲
羣鄉丞相舊知爲學苦更教何處貢篋章

搖落

唐李商隱

搖落傷年日羈留念遠心水亭吟斷續月恍夢飛沈
古木含風久疎螢怯露深人閑始道夜地迴更清砧
結愛曾傷晚端憂復至今未諳滄海路何處玉山岑
灘激黃牛暮雲屯白帝陰遙知沾灑意不減欲分襟

書情

情詩

魏陳思王

人部

卷八

十五

書情

微陰翳陽景清風飄我衣游魚潛綠水翔鳥薄天飛
眇眇客行士遙役不得歸始出嚴霜結今來白露晞
遊子歎黍離處者歌式微慷慨對嘉賓悽愴內傷悲

海曲書情

唐駱賓王

薄遊倦千里勞生負百年未能查上漢詎肯劍遊燕
白雲照春海青山橫曙天江濤讓雙璧渭水擲三錢
坐惜風光滿長歌獨塊然

湖州取解述情

唐孟郊

霄水徒清潔照影不照心白鶴未經舉衆鳥平浮沈
因茲挂帆去遂作歸山吟

書情

唐杜牧

誰家洛浦神十四五來入媚髮輕垂額香衫軟著身
摘蓮紅袖濕窺綠翠蛾頻飛鵲徒來往平陽公王親

吳安旅舍舒情投先達

唐劉駕

岐路不在地馬蹄從苦辛上國聞姓名不如山中人
大宅滿六街此身入誰門愁心日散亂有似空中塵
白雲下長安百蟲鳴草根方當秋賦日却憶歸山村
靜女頭欲白良媒况我鄰無令苦長歎長歎消人魂

五情詩

唐曹鄴

一情

人部

卷八十

十六

東西是長江南北是官道牛羊不戀山只戀山中草

二情

阿嬌生漢宮西施住南國專房莫相妬各自有顏色

三情

蛺蝶空中飛天桃庭中春見他夫婦好有女初嫁人

四情

檳榔自無柯椰葉自無陰常羨庭邊竹生筍高於林

五情

野雀空城饑交交復飛飛勿怪官倉粟官倉無空時

壬癸歲書情

唐黃滔

故園招隱客應便笑無成謁帝逢移國投文值用兵

孤松憐鶴在疎柳惡蟬鳴匹馬迷歸處青雲失舊情

江頭寒夜宿壠上歎年耕冠蓋新人物漁樵舊弟兄

易生唯白髮難立是浮名惆悵灞陵路秋風誰入行

江南書情二十韻寄秘閣韋校書貽之商洛宋

先輩垂文二同年

唐皮日休

四載加前字今來未改銜君批鳳尾詔我住虎頭嚴

李氏唯謀逐臧倉只擬讒時訛輕五役俗淺重三緘

瘦去形如鶴憂來態似獬才非師趙壹直欲效陳咸

孤竹寧收笛黃琬未要城作羊寧免狼為兔即須龜

人部

卷八十

十七

枕戶槐從亞侵堦草懶焚擁泉教咽咽壘石放巉巖

掣釣隨心動抽書任意欬茶教弩父滴酒遣熨僮監

默坐看山困清齋飲水嚴辭生天竺覆煙壑洞庭帆

病久新烏帽閑多省白衫藥包陳雨色詩草蠹雲函

遺客呼林狄辭人寄海蜃室唯搜古器錢只買秋杉

寡合無深契相期有至誠他年如訪問煙鳥暗影影

奉和次韻江南書情

唐陸龜蒙

我志如魚樂君詞稱鳳銜暫來從露冕何事買雲巖

水石應容病松篁未聽讒鐘香松蠹膩山信藥由緘

愛驚歌危立思援矍鑠謝才偏許眺阮放最憐咸

大樂寧忘年奇工肯顧城客愁迷舊隱鷹健想秋龜
硯缺猶慵琢文繁却夢艾雨餘幽沼淨侵散遂峰巉
洗筆煙成段培花土作炊訪僧還覓伴警鶴自須監
荒廟猶懷李清灘幾夢嚴背風開靈簡衝浪試新帆
悶憶年支酒閑裁古樣衫釣家隨野舫仙蘊逐彫珣
度歲除麻馬先春買小蠟共疏泉入竹同坐月過杉
染翰窮高致懷賢發至誠不堪潘子好愁促易長彭
○卽事 書事併入

自洪府舟行直書其事

唐宋之間 初

仲春辭國門畏途橫萬里越淮乘楚障造江泛吳汜

人部

卷八十

十八

卽事

嚴程無休隙日夜涉風水昔聞垂堂言將誠千金子
問余何奇剝遷竄極炎鄙揆已道德餘幼聞虛白旨
貴身賤外物抗跡遠塵軌朝遊伊水湄夕卧箕山趾
妙年拙自晦皎潔弄文史謬辱紫泥書揮翰青雲裏
事往每增傷寵來常誓止銘骨懷報稱逆鱗讓金紫
安位黷潛構退耕禍猶起棲巖實吾來觸藩誠內耻
濟濟同時人台庭鳴劍復思以卑自衛兀坐去泥滓
迫茲理已極竊位中知己羣議負宿心獲戾光華始
黃金忽銷鑠素業坐淪敗浩歎詎平生何獨戀松梓
浦倒浮樽鬚蘭覆靡靡百越去竟斷九疑望心死

未盡匡阜遊遠欣羅浮美周旋本師訓佩服無生理
異國多靈仙幽探忘年紀散廬嵩山下空谷茂蘭芷
悠悠南溟遠採掇長已矣

山中閑卧卽事

唐蘇頌 初

閑園卽事寄贈韋侍御

唐蘇頌 初

結廬東城下直望江南山青靄遠相接白雲來復還
拂筵紅錦上開幔綠條間物應春偏好情忘趣轉閑
憲臣饒美政聯事情徂顏有酒空盈酌高車不可攀

漢陽卽事

唐儲光義 盛

人部

卷八十

十九

卽事

楚國千里遠孰知方寸違春遊歡有客夕寢賦無衣
江水帶水綠桃花隨雨飛九歌有深意捐珮乃言歸
春日上方卽事

唐王維 盛

好讀高僧傳時看辟穀方鳩形將刻杖龜殼用支牀
柳色春山映梨花夕鳥藏北牕桃李下閒坐但焚香

淇上卽事田園

唐王維 盛

屏居淇水上東野曠無山日隱桑柘外河明間井間
牧童望村去獵犬隨人還靜者亦何事荆扉乘晝關
林園卽事寄舍弟統

唐王維 盛

寓目一蕭散消息憂復俄頂青草蕭登岐白雲移翠嶺

後河通河渭前山包鄆郢松含風裏聲花對池中影
地多齊后殯人帶荊州瘦徒思赤筆書詔有丹砂并
心悲常欲絕髮亂不能整青簪日何長開門畫方靜
顏思茅簷下彌傷好風景

尋楊七郎中宅卽事

唐岑參 盛

萬事信蒼蒼機心久已忘無端來出守不是厭爲郎
雨滴芭蕉赤霜催橘子黃逢君開口笑何處有他鄉
巴南舟中夜書事

唐岑參 盛

渡口欲黃昏歸人爭渡喧近鐘清野寺遠火點江村
見鴈思鄉信聞猿積淚痕孤舟萬里夜秋月不堪論
人部 卷八十 卽事

草堂卽事

唐杜甫 盛

荒村建子月獨樹老夫家雪裏江船渡風前徑竹斜
寒魚依密藻宿鷺起圓沙濁酒禁愁得無錢何處賒

卽事

唐杜甫 盛

聞道花門破和親事却非人憐漢公主生得渡河歸
秋思拋雲髻腰支賸寶衣羣兒猶索戰迴首意多違

卽事

唐杜甫 盛

天畔羣山孤草亭江中風浪雨冥冥一雙白魚不受
釣三寸黃柑猶自青多病馬卿無日起窮途阮籍幾
時醒未聞細柳散金甲腸斷秦州流濁涇

卽事

唐杜甫 盛

暮春三月巫峽長晶行雲浮日光雷聲忽送千峰
雨花氣渾如百和香黃鶯過水翻迴去燕子銜泥濕
不妨飛閣捲簾圖畫裏虛無只少對蕭湘

賈侍御自會稽使迴篇什盈卷兼蒙寄一首與

余有桂冠之期因書數事率成十韻

唐劉長卿 中

江上逢星使南來自會稽驚年一葉落按俗五花嘶
上國悲蕪梗中原動鼓鼙報恩看鐵劒銜命出金閨
風物催歸緒雲峰發詠題天長百越外潮上小江西
人部 卷八十 卽事

鳥道通閩嶺山光落剡谿暮帆千里思秋夜一猿啼
柏樹榮新壠桃源憶故蹊若能爲你去行復草萋萋

江園書事寄盧綸

唐司空曙 中

種柳南江邊閉門三四年俗人那勝竹凡鳥不如蟬
嗜酒漸嬰渴讀書多欲眠平生故交在白首遠相憐

江村卽事

唐司空曙 中

罷釣歸來不繫船江村月落正堪眠縱然一夜風吹
去只在蘆花淺水邊

春日卽事

唐耿漳 中

數畝東臯宅青春獨屏居家貧僮僕慢官罷友朋疎

強飲沽來酒羞看讀了書閑花更滿也惆悵復何如

春日即事

唐耿漳中

鄰里朝光遍披衣夜醉醒庖厨非舊火林木發新青
接果移天性疏泉逐地形清明來幾日戴勝已堪聽

春日即事

唐耿漳中

芳菲那變易年鬢自蹉跎室與千峰對門唯二仲過
宦情知已少生事託人多草色微風長鶯聲細雨和
幾時猶滯拙終日望恩波縱欲論相報無如漂母何

冬夜尋李永因書事贈之

唐耿漳中

棲遑偏降志疵賤倍修身近覺多衰鬢深知獨故人

卷八十

三十三 即事

天垂五夜月霜覆九衢塵不待逢沮溺而今惡問津

長安書事寄薛戴

唐李端中

朔鴈去成行哀蟬響如昨時芳一惟悴暮序何蕭索
笑語且無聊逢迎多約略三山不可見百歲空揮霍
故事盡爲愁新知無復樂天君又離別而我加寂寞
惠遠縱相尋陶潛祗獨酌主人恩則厚客子才自薄
委曲見提攜因循成蹇削論邊書未上招隱詩還作
貴者已朝餐豈能敦宿諾飛禽雖失樹流水長思壑
千里寄瓊枝夢寐青山郭

長安書事寄盧綸

唐李端中

弱冠家廬歛從師歲月深翻同老夫見殊寡少年心
及此時方晏因之名亦沈趨途非要路避事樂空林
素業在山下清泉富樹陰交游有相喪離別代追尋
向秀初聞笛鍾期久罷琴殘愁猶滿貌餘淚可沾襟
忽以朱顏好而忘白髮侵終期入靈洞相與鍊黃金

感事

唐韋應物中

霜雪皎素絲何意墜墨池青蒼猶可濯墨色不可移
女工再三歎委棄當此時歲寒雖無褐機杼誰肯施

長安疾後首秋夜即事

唐盧綸中

九重深鎖禁城秋月過南宮漸映樓紫陌夜深槐露

卷八十

三十三 即事

滴碧空雲盡火星流清風刻漏傳三殿甲第歌鐘樂
五侯楚客病來鄉思苦寂寥燈下不勝愁

和太常王卿秋夜即事

唐盧綸中

嵩高雲日明潘岳賦初成籬槿花無色堦桐葉有聲
絳紗垂簾淨白羽拂衣輕鴻鴈悲天遠龜魚覺水清
別絃添楚思牧馬動邊情田雨農官問林風苑吏驚
松篁終茂盛蓬艾自衰榮遙仰憑軒夕惟應善宋生

至德中途中書事却寄李綸

唐盧綸中

亂離無處不傷情況復看碑對古城路遠寒山人獨
去月臨秋水鴈空驚顏衰重喜歸鄉國身賤多慚問

姓名今日主人還共醉應憐世故一儒生

邵中即事

唐羊士諤中

曉風山郭鴈飛初霜拂回塘水榭虛鼓角清明如戰
鼙梧桐搖落似貧居青門遠憶中人產白首閒看太
史書城下秋江寒見底賓筵莫訝食無魚

早秋集賢院即事

唐劉禹錫中

唐劉禹錫中

金數已三伏火星正西流樹含清露曉閣倚碧天秋
灰琯應新律銅壺添夜籌商飈從朔塞爽氣入神州
蕙草香書殿槐花點御溝山明真色見水靜濁煙收
早歲忝華省再來成白頭幸依郡王府末路尚瀛洲

插田歌

并序

唐劉禹錫中

連州城下俯接村墟偶登郡樓適有所感遂書其
事爲俚歌以俟采詩者

岡頭花草齊燕子東西飛田塍望如線白水光參差
農婦白紵裙農父綠蓑衣齊唱郢中歌嚶嚶如竹枝
但聞怨音響不辨俚語詞時時一大笑此必相嘲嗤
水平苗漠漠煙火生虛落黃犬往復還赤雞鳴且啄
路傍誰家郎烏帽衫袖長自言上計吏年幼離帝鄉
田夫語計吏君家儂定計一來長安道眼大不相覩
計吏笑致辭長安真大處省門高軒峨儂人無度數

昨來補衛士唯用筒竹布君看三年我作官人去

即事

唐白居易中

見月連宵坐聞風盡日眠室香羅藥氣籠暖焙茶煙
鶴啄新晴地雞栖薄暮天自看濁酒米倚杖小池前
南賓郡齋即事寄楊萬州

唐白居易中

山上巴子城山下巴江水每當暮春時帶霧雨靈樓雉
衙鼓暮復朝郡齋臥遠起迴頭望南浦亦在煙波裏
而我復何嗟夫君猶滯此

感事

唐元稹中

自笑心何劣區區辨所冤伯仁雖到死終不向人言

汴路即事

唐王建中

千里何煙直青槐夾岍長天涯同此路人語各殊方
草市迎江貨津橋稅海商迴看故宮柳憔悴不成行

春園即事

唐陳羽中

水隔羣物外夜深風起頻霜中千樹橘月下五湖人
聽鶴忽忘寢見山如得鄰明年還到此共看洞庭春

即事

唐賈島中

索漠對孤燈陰雲積幾層自嗟憐十一誰肯待三徵
心被通人見文叨大匠稱悲秋秦塞草懷古漢家陵
城靜高崖草漏多幽沼水過聲沙鳥驚絕行石菴僧

豈謂一作舊廬在誰言歸未曾

卽事黃州作

唐杜牧晚

因思上黨三年戰
閒詠周公七月詩
竹帛未聞書死節
丹青空見畫靈旗
蕭條井邑如魚尾
早晚干戈識虎皮
莫笑一麾東下計
滿江秋浪碧參差

別家後次飛狐西卽事

唐馬戴晚

遠歸從此別親愛
失天涯去國頻迴首
方秋不在家
鳴蜩聞塞路
冷鴈背龍沙
西次桑乾曲
洲中見荻花

北山書事

唐張喬晚

黃河一曲水
天半鏖重關
聖日雄藩靜
秋風老將閑

人部

卷八十

三六

卽事

長安書事

唐張喬晚

出送鄉人盡滄洲
未得還秋風五陵樹
晴日六街山
有景終年住
無機是處閑
何當向雲外
免老別離間

和鄭拾遺秋日感事一百韻

唐韋莊晚

禍亂天心厭流離
客思傷有家
拋上國無罪謫
還方負笈將辭越
揚帆欲泛湘
避時難駐足
感事易回腸
雅道何銷德
妖星忽耀芒
中原初縱燎
下國竟探湯
盜據三秦地
兵纏八水鄉
戰塵輕犯闕
羽旆遠巡梁
自此修文代
俄成講武場
熊羆驅涿鹿
犀象走昆陽

御馬迷新棧
宮娥改舊妝
五丁功再覩
八難事難忘

鳳引金根疾
兵環玉弩彊
建牙雖可恃
摩壘詎能防
霍廟神遐遠
圯橋路杳茫
出師威似虎
禦敵狠如羊
睂盡猶思赤
巾裁未厭黃
晨趨鳴鐵騎
夜舞挹瓊觴
僭侈彤襜亂
誼呼繡纛攘
但聞爭曳組
詎見學垂韁
鵠印提新篆
龍泉奪曉霜
軍威徒逗撓
戎武自惟揚
負晨勞天眷
凝旋念國章
繡旗張盡獸
寶馬躍紅鴦
但欲除妖氣
寧思蔽耿光
曉煙生帝里
夜火入春坊
鳥怪巢宮樹
狐驕上苑牆
設危終在德
視復豈無祥
氣激雷霆怒
神驅獄瀆忙
功高分虎節
位下耻龍驤

人部

卷八十

三七

卽事

遍命登壇將
巡封異姓王
志求扶墜典
力未振頽綱
漢路閑鷗鷺
雲衢駐驕驍
寶裝軍器麗
蔚裏戰袍香
日視兵書捷
時聞虜騎亡
人心驚獬豸
雀意伺螳螂
上略咸推妙
前鋒詎可當
紆金光照耀
執玉意昂藏
覆餗非無謂
奢華事每詳
四民皆組紱
九土盡耕桑
飛騎黃金勒
香車翠錦裝
八珍羅膳府
五采闢篋牀
宴集喧華第
歌鍾簇畫梁
永期傳子姓
寧誤犯天狼
未覩君除側
徒思王在傍
竄身奚可保
易地喜相將
國運方夷險
天心詎測量
九流雖暫蔽
二柄豈相妨
小孽乖躔次
中興繫杳蒼
灝堯功已普
罪已德非涼

帝念惟思理臣心豈自違詔催青瑣客時待紫微郎
定難輪宸算勝災減御梁皇恩思蕩蕩春澤喜洋洋
偃臥雖非晚艱難亦備嘗舜庭招諫鼓漢殿上書囊
儉德遵三尺清朝俟一匡世隨漁父醉身効接輿狂
竄逐同天寶遭罹異建康道孤悲海滌家遠隔天潢
卒歲貧無褐經秋病泛漳似魚甘去乙比蟹未成筐
守道慙無補趨時愧不臧殷牛常在耳晉豎欲潛盲
忸恨山思板懷歸海欲航角吹魂悄悄笛引淚浪浪
亂覺乾坤窄貧知日月長勢將隨鶴列忽喜遇鴛行
已報新迴駕仍聞近納隍文風銷劍楯禮物換旂常

人部

卷八十

二十八 卽事

紫闥重開序青襟再設庠黑頭期命爵頽尾尚憂魴
吳坂嘶驥驥岐山集鳳凰詞源波浩浩諫署玉鏘鏘
飼雀曾傳慶烹飪詎有殃殺弓揮勁鏃匣劍淬神鉞
謬謬寧慙直堂堂不謝張曉風趨建禮夜月直文昌
去國時雖久安邦志不常良金鑪自躍美玉櫝難藏
北望心如旆西歸律變商跡隨江燕去心逐塞鴻翔
晚翠籠桑塢斜暉挂竹堂路愁千里月田愛萬斯箱
伴釣歌前浦隨樵上遠岡鷺眠依晚嶼鳥浴上枯楊
驚夢綠欹枕多吟爲倚廊訪僧紅葉寺題句白雲房
帆外青楓老樽前紫菊芳夜燈銀耿耿曉露玉瀼瀼

異國慙傾蓋歸塗俟併糧身雖留震澤心已過雷塘
執友知誰在家山各已荒海邊登桂檝煙外泛雲樑
巢樹禽思越嘶風馬戀羌寒聲愁聽杵空館厭聞釐
望闕飛華蓋趨朝振玉璫米慙無意改麴喜有桃榔
話別心重結傷時淚一滂佇歸蓬島後綸詔潤青絳

因書

唐李商隱 晚

絕徼南通棧孤城北枕江猿聲連月檻鳥影落天牕
海石分基子耶筒當酒缸生歸話辛苦別夜對凝缸

卽事

唐喻崱 晚

抱杖立谿口迎秋看塞門連山互蒼翠二水各清渾

人部

卷八十

二十九 卽事

笛發孤煙戍鷓鴣歸夕照村萋萋芳草色終是憶一作思

王孫

山中卽事

唐方千里 晚

趨世休身事山中適性情野花多異色幽鳥少凡聲

樹影搜涼卧苔光破碧行間尋採藥處仙路漸分明

秋日旅途卽事

唐劉滄 晚

驅羸多自感煙草遠郊平鄉路幾時盡旅人終日行

渡邊寒水驛山下夕陽城蕭索更何有秋風向鬢生

長安書事

唐黃滔 晚

終不離青山誰道雲無心卻是白雲土有時出中林

昨日擎紫泥明日腰黃金炎夏草木死北海驚波深
伏蒲無一言草疏賀德音

太和初靖恭里感事

唐許渾

清湘弔屈原垂淚頻頻驚起乘軒鶴機沈在檻猿
乾坤三事貴華夏一夫冤寧有唐虞世心知不為言

感事

唐武瓘

花開蝶滿枝花謝蝶還稀唯有舊巢燕主人貧亦歸

吳中書事寄漢南裴尚書

唐皮日休

萬家無事鎖蘭橈鄉味腥多厭紫雲江文通集云水
紫雲石劫也
似基文交度郭柳如行障蔽遮橋青梅蒂重初迎雨

人部

卷八十

三十

白鳥群高欲避潮唯望舊知憐此意得為僞鬼也逍遙

奉和吳中書事

唐陸龜蒙

風清地古帶前朝遺事紛紛未寂寥三茆涼波漁絕
動遠祖士衡對晉武帝
以三茆冬溫夏涼五茸春草雉媒嬌五茸吳王
獵所草各
有
名雲藏野寺分金刹月在江樓倚玉簫不用懷歸忘
此景吳王看即奉弓招

言志

迪志詩

漢書曰殺永平中於平漢傳殺

谷爾庶士迨時斯最日月逾邁豈云旋復哀我經營

膂力靡及在茲弱冠靡所樹立於赫我祖顯于殷國
貳迹阿衡克光其則武丁興商伊宗皇士爰作股肱
萬邦是紀奕世載德迄我顯考保膺淑懿續修其道
漢之中葉俊乂式序秩彼殷宗光此勳緒伊余小子
穢陋靡逮懼我世烈自茲以墜誰能革濁清我濯漑
誰能昭闇啓我童昧先人有訓我訊我誥訓我嘉務
誨我博學委率朋友尋此舊則契闊夙夜庶不懈武
秩秩大猷紀綱庶式匪勤匪昭匪壹匪測農夫不怠
越有黍稷誰能云作者之居息二事敗業多疾我力
如彼遵衢則罔所極二志靡成事勞我心如彼兼聽
人部

卷八十

三十一

則溷於音於戲君子無恒自逸徂年如流鮮茲暇日
行邁屢稅胡能有迄密勿朝夕事同始卒

述志詩二首

漢仲長統

飛鳥遺跡蟬蛻亡殼騰蛇棄鱗神龍喪用盧谷
切至人
能變達士拔俗乘雲無轡騁風無足垂露成幃張霄
成幄沉澗當餐九陽代燭恒星豔珠朝霞潤玉六合
之內恣心所欲人事可遺何為局促

大道雖夷見幾者寡任意無非適物無可古來繚繞
憂地下叛散五經滅棄風雅百家雜碎請用從火抗

漢書作委曲如瑣百慮何為至要在我寄愁天上埋

志山棲一作游心海左元氣為舟微風為柁翱翔太

清縱意容冶初學記載四句云春雲為馬秋風為野按之不違勢之不疾

見志詩一首

漢鄧炎

大道夷且長窘路狹且促脩翼無卑棲遠趾不步局舒吾凌霄羽奮此千里足超邁絕塵驅倏忽誰能逐

賢愚豈常類稟性在清濁富貴有人籍貧賤無天錄通塞苟由已志士不相卜陳平放里社韓信釣河曲

終居天下宰食此萬鍾祿德音流千載功名重靈芝生河洲動搖因洪波蘭榮一何晚嚴霜瘁其柯

哀哉二芳草不植泰山阿文質道所貴遭時用有嘉

人部

卷八十

三

絳灌臨衡宰謂誼崇浮華賢才抑不用遠投荆南沙

抱玉乘龍驥不逢樂與和安得孔仲尼為世陳四科

詩品云文勝詠詠靈芝懷寄不茂

言志

魏陳思王

慶雲未時興雲龍潛作魚神鸞失其儔遷徙燕雀居

矯志詩

魏陳思王

芝桂雖芳一作芳難以餌烹戶位素餐難以成名磁

石引鐵於金不連大朝舉士愚不聞焉抱壁塗乞無

為貴寶履仁遭禍無為貴道駕維迷害不羞卑棲靈

此避難不耻汙泥都燕雖甘杖之必折巧言雖美用

之必滅濟濟唐朝萬邦作孚關逢蒙雖巧必得良弓

聖一作主雖知必得一作亦英雄螳螂見歎齊士輕戰

越王軾蛙國以死獻道遠知驢世為知賢覆之憐之

順天之矩澤如凱風惠如時雨口為禁闔舌為發機

門機之固枯矢不迫

述志詩二首

魏嵇康

潛龍育神軀濯鱗戲蘭池延頸慕大庭寢足俟皇羲

慶雲未垂景盤桓朝陽吸悠悠非吾匹儔肯應俗宜

殊類難徧周鄙議紛流離轍軻丁悔吝雅志不得施

耕耨感甯越馬席激張儀逝將離羣侶杖策追洪崖

人部

卷八十

三

焦鵬振六翮羅者安所羈浮遊太清中更求新相知

比翼翔雲漢飲露餐瓊枝多念世間人夙駕咸驅馳

冲靜得自然榮華安足為

斥鷃擅高林仰笑神鳳飛一作坎井蟾蜍宅神龜安

所歸恨自用身拙任意多永思遠實與世殊義譽非

所希往事既已謬來者猶可追何為人事間自令心

不夷慷慨思古人夢想見容輝願與知己遇舒憤啓

其微巖穴多隱逸靜舉求吾師晨登箕一作山巔日

夕不知飢玄居養營魄千載長自綏

言志

名士傳曰是時曹爽輔政識者慮有厄機晏有聖名與魏姻戚內雖懷憂而無復退

也者五言詩
以言志曰

魏何晏

雙鶴

一作鵠

比翼遊羣飛戲太清常恐失一作網羅憂

禍一旦并豈若集五湖順流暖浮萍逍遙放志意一作作

永寧 何為怵惕驚

勵志詩九章

晉張華

大儀幹運天迴地游四氣鱗次寒暑環周星火既夕

忽焉素秋涼風振落耀耀宵流

吉士思秋寔感物化口與月與一作軒在再代謝逝者如

斯曾無日夜嗟爾庶士胡寧一作合

仁道不遠德輶如羽求焉斯至衆鮮克舉大猷玄漠

人部

卷八十

三十四

言志

將抽厥緒先民有作貽我高矩

雖有淑姿放心縱逸出般音于游居多暇日如彼梓

材弗勤丹漆雖勞撲斲終負素質

委由矯矢獸號于林蒲蘆繁綴神感飛禽未伎之妙

動物應心研精軌道安有幽深

安心恬蕩棲志浮雲體之以質彪之以文如彼南畝

力未既勤蕙葵致功必有豐殷

水積成川載瀾載清土積成山歆蒸鬱冥山不讓塵

川不辭盈勉爾一作作含弘以隆德聲

高以下基洪由纖起川廣自源成人在始累一作聲微以

著乃物之理纏音牽之長實累音去千里

復禮終朝天下歸仁若金受礪若泥在鈞進德修業

輝光日新隰朋仰慕予亦何人

言志

宋謝惠連

夕坐苦多慮行歌踐閨中房櫳引傾月步檐結春風

擬嵇中散康言志

梁江淹

曰余不師訓潛志去世塵遠想出宏域高步超常倫

靈鳳振羽儀戢景西海濱朝食琅玕實夕飲玉池津

處順故無累養德乃入神曠哉宇宙惠雲羅更四陳

哲人貴識義大雅明庇身莊生悟無為老氏守其真

人部

卷八十

三十五

言志

天下皆得一名實久相賓咸池饗爰居鐘鼓或愁辛

柳惠善直道孫登庶知人寫懷良未遠感贈以書紳

擬許徵君詢自叙

梁江淹

張子闡內機畢生蔽外象一時排冥筌冷然空中賞

遣此弱喪情資神任獨往採藥白雲隈聊以肆所養

丹葩曜芳粦綠竹陰開敞茗茗寄意勝不覺凌虛上

曲櫺激鮮飈石室有幽響去矣從所欲得失非外獎

至哉操斤客重明固已朗五難既灑落超迹絕塵網

奉和永豐殿下言志十首

北周庾信

立德齊今古資仁一毀譽無機抱甕汲有道帶經鋤

處下唯名惠能言本姓還未論驚寵辱安知係慘舒

二

王子從邊服臨印惜第如星橋擁冠蓋錦水照簪裾
論文報潘岳詠史各應璩帳幕參三顧風流盛七輿

三

茫茫實宇宙與善定焉虛大夫傷魯道君子念殷墟
程卿既開國安平遂徙居詎能從小隱終然遊太初

四

直城風日美平陵雲霧除來往金張館絃歌許史閭
鳳臺迎弄玉河陽送婕妤五馬遙相問雙車來夾車

五

託情欣六學遊目愛三餘覆局能懸記看碑解暗疏
詎嘗遊魏冉那時說范睢池水朝含墨流螢夜聚書

六

興雲榆莢晚燒雉杏花初泥池侵黍稷谷水播簫笛
六月蟬鳴稻千金龍骨渠含風搖古度防露動林於

古度樹名見吳郡賦林於竹名越女試劍竹也見戴慶豫竹譜又曰上密防露下跡來風

七

白麟循短繩方欲問長沮茂陵體猶瘳淮陽疾未祛
翻疑承毒水忽似遇昌頊漢陽嗟欲盡符絲懼忽諸

八

弱齡參顧問疇昔臨吹噓綠槐垂學市長楊映直廬
連盟翻滅鄭仁義及亡徐還思建鄴水終憶武昌魚

九

崩堤壓故柳衰社卧寒樗野鶴能自獵江鷗解獨漁
漢陰逢荷篠緇林見杖屨阮籍長思酒嵇康懶著書

十

披林求木實拂雪就園蔬濁醪非鶴髓蘭肴異蟹蛆
一作野情風月曠山心人事疏徒知守瓿甕空欲報

璠璣

人部

山中叙志

唐王績初

物外知何事山中無所有風鳴靜夜琴日照芳春
一作酒直置百年內誰論千載後張鳳一作娉賢妻老

晚年叙志示翟處士正師

唐王績初

弱齡慕奇調無事不兼修望氣登重閣占星上小樓
明經思待詔學劍竟封侯棄繻頻北上懷刺幾西遊
中年逢喪亂非復昔追求失路青門隱藏名白社游
風雲思所愛屠博暗為儔解紛曾霸越釋難頗存周
晚歲聊長想生涯太若浮歸來南嶺上更坐北谿頭

古岬多磐石春泉足細流東隅誠已謝西景懼難收
無謂退耕近伏念已纏秋庚桑逢處跪陶潛見人羞
三晨寧舉公五月鎮披裘自有居常樂誰知身世憂

見志

唐李播中

去歲買琴不與價今年沽酒未還錢
前債主鴈行立屋裏醉人魚貫眠

奉和僕射裴相公感恩言志 唐韓愈中

文武成功後居為百辟師林園窮勝事鐘鼓樂清時
擺落遺高論雕鐫出小詩自然無不可范蠡爾其誰

詩集類函卷八十一

東吳俞安期纂 宣城梅鼎祚增定

白下許天叙訂校

人部二十三

述懷

○述懷

思玄詩衡為太史令嘗憂及漢張衡

天長地久歲不留侯河之清祇懷憂願得達度以自

娛上下無常窮六區超踰騰躍絕世俗飄飄神舉逞

所欲天不可階仙夫希柏舟悄悄各不飛松喬高時

孰能離結精遠遊使心攜迴志竭來從玄謀獲我所

人部

卷八十一

述懷

求夫何思

於明津作

魏文帝

遙遙

一作

山上亭皎皎雲間星遠望使心懷遊子戀

所生驅車出北門遙望河一作洛陽城凱風吹長棘天

天枝葉傾黃鳥飛相追咬咬弄音聲竚立望西河泣

下沾羅纓後六句古辭長歌行有此

詠懷

魏阮籍

夜中不能寐起坐彈鳴琴薄帷鑒明月清風吹我衿

孤鴻號外野翔鳥鳴北林徘徊將何見憂思獨傷心

二

二妃遊江濱道逢順風翔交甫懷環珮婉孌有芬芳
倚靡情歡愛千載不相忘傾城迷下蔡容好結中腸
感激生憂思萱草樹蘭房膏沐爲誰施其雨怨朝陽
如何金石交一旦更離傷

三

嘉樹下成蹊東園桃與李秋風吹飛霍零落從此始
繁華有憔悴堂上生荆杞驅馬舍之去去上西山趾
一身不自保何況戀妻子凝霜被野草歲暮亦云已

四

天馬出西北由來從東道春秋非有託富貴焉常保

人部

卷八十一

述懷

清露被皇蘭凝霜霑野草朝爲媚一作美少年夕暮成

醜老自非王子晉誰能常美好

五

平生少年時輕薄好絃歌西遊咸陽中趙李相經過
娛樂未終極白日忽蹉跎驅馬復來歸返顧望三河
黃金百鎰盡資用常苦多北臨太行道失路將如何

六

昔聞東陵瓜近在青門外連畛距阡陌子母相鉤帶
五色曜朝日嘉賓四面會膏人自煎熬多財爲患害
布衣可終身寵祿豈足賴

七

炎暑惟茲夏三旬將欲移芳樹垂綠葉青雲自逶迤
四時更代謝日月遞參差一作差馳徘徊空堂上怵怛莫
我知願覩卒歡好不見悲別離

八

灼灼西隕日餘光照我衣迴風吹四壁寒鳥相因依
周周尚銜羽蛩蛩亦念飢如何當路子磬折忘所歸
豈爲夸譽名憔悴使心悲寧與燕雀翔不隨黃鵠飛
黃鵠遊四海中路將安歸

九

人部

卷八十一

述懷

步出上東門北望首陽岑下有采薇士上有嘉樹林
良辰在何許凝霜霑衣襟寒風振山岡玄雲起重陰
鳴鴈飛南征鷓鴣發哀音素質游商聲悽愴傷我心

十

北里多奇舞濮上有微音輕薄閑遊子俯仰乍浮沈
捷徑從狹路僂僂趨荒淫焉見王子喬棄雲翔鄧林
獨有延年術可以一作用慰我心

十一

湛湛長江水上有楓樹林皇蘭被徑路青驪逝駸駸
遠望令人悲春氣感我心三楚多秀士朝雲進荒淫

朱華振芬芳高蔡相追尋一為黃雀哀淚下誰能禁

十二

昔日繁華子安陵與龍陽天天桃李花灼灼有輝光
悅懌若九春磬折似秋霜流盼發姿媚言笑吐芬芳
攜手等歡愛宿昔同衣裳願為雙飛鳥比翼共翱翔
丹青著明誓永世不相忘

十三

登高臨四野北望青山阿松柏翳岡岑飛鳥鳴相過
感慨懷辛酸怨毒常苦多李公悲東門蘇子狹三河
求仁自得仁豈復歎咨嗟

人部

卷八十一

四

述懷

十四

開秋北涼氣蟋蟀鳴牀帷感物懷殷憂悄悄令心悲
多言焉所告繁辭將訴誰微風吹羅袂明月耀清暉
晨雞鳴高樹命駕起旋歸

十五

昔年十四五志尚好詩書被褐懷珠玉顏閔相與期
開軒臨四野登高望所思丘墓蔽山隅萬世同一時
千秋萬歲後榮名安所之乃悟美門子嗷嗷令自嗤

十六

徘徊逢池上還顧望大梁綠水揚洪波曠野莽茫茫

走獸交橫馳飛鳥相隨翔是時鶉火中日月正相望

十七

朔風厲嚴寒陰氣下微霜羈旅無儔匹俛仰懷哀傷
小人計其功君子道其常豈惜終憔悴詠言著斯章
獨坐空堂上誰可與歡者出門臨水途不見行車馬
登高望九州悠悠分曠野孤鳥西北飛離獸東南下
日暮思親友晤言用自寫

十八

西方有佳人皎若白日光被服纖羅衣左右珮雙璫
脩容耀姿美順風振微芳登高眺所思舉袂當一作

人部

卷八十一

五

述懷

朝陽寄顏雲霄間揮袖凌虛翔飄飄恍惚中流眄顧
我傍悅懌未交接晤言用感傷

十九

楊朱泣岐路墨子悲染絲揖讓長離別飄飄難與期
豈徒燕婉情存亡誠有之蕭索人所悲禍孽不可辭
趙女媚中山謙柔愈見欺嗟嗟塗上士何用自保持

二十

東南有射山汾水出其陽六龍服氣輿雲蓋切一作
天綱仙者四五人逍遙宴蘭房寢息一純和呼喻成
露霜沐浴丹淵中照耀日月光豈安通靈臺遊養去

高翔

二十一

周鄭天下交街衢當三河妖冶聞都子煥耀何芬葩
玄髮發一作照朱顏睇眄有光華傾城思一顧遺視來
相誇一作過願爲三春遊朝陽忽蹉跎盛衰在須臾離
別將如何

二十二

若華一作木耀西海扶桑翳瀛洲日月經天塗明暗不
相信一作作窮達自有常得失又何求豈效路上童攜
手共遨遊陰陽有變化誰云沈不浮朱鬢躍飛泉夜

人部

卷八十一

述懷

飛過吳洲倪仰運天地再撫四海流擊名利場驚
駿同一轡豈若遺耳目升遐去殷憂

二十三

昔余遊大梁登于黃華顛共工宅玄冥高臺造青天
幽荒邈悠悠悽愴懷所憐所憐者誰子明察自照妍
自然一作應應龍沈冀州妖女不得眠肆後一作陵陵世俗
豈云永厥年

二十四

朝陽不再盛白日忽西幽去此若俯仰如何似九秋
人生若塵露天道邈悠悠齊景升丘山涕泗紛交流

孔聖臨長川惜逝忽若浮去者余不及來者吾不留
願登太華山上與松子遊漁父知世患乘流泛輕舟

二十五

丹心失恩澤重德喪所宜善言焉可長慈惠未易施
不見南飛鷺羽翼正差池高子怨新詩三閭悼華離
何爲混沌氏倏忽體貌隳

二十六

脩塗馳軒車長川載輕舠性命豈自然勢路有所由
高名令志惑重利使心憂親昵懷反側骨肉還相讐
更希毀珠玉可用登遨遊

人部

卷八十一

述懷

采薪者歌

魏阮籍

日沒不周西月出丹淵中陽精蔽不見陰光代爲雄
亭亭在須臾厭厭將復隆離合雲霧今往來如飄風
富貴俯仰間貧賤何必終留侯起亡虜威武赫荒夷
邵平封東陵一旦爲布衣枝葉托根柢死生同盛衰
得志從命升失勢與時墮寒暑代征邁變化更相推
禍福無常主何憂身無歸推茲由斯理負薪又何哀
有會而作并序 晉陶淵明

舊穀既沒新穀未登頗爲老農而值年災日月尚
悠爲患未已登歲之功既不可希朝夕所資煙火

裁通旬日已來始念飢之歲云及矣慨然永懷全
我不述後生何聞哉

弱年逢家之老至一作更長飢救麥實所羨孰敢慕
甘肥怒如亞九飯當暑厭寒衣歲月將欲暮如何辛
苦悲常善病者心深恨蒙袂非嗟來何足各徒沒空
自遺斯濫豈彼志固窮夙所歸餒也已矣夫在昔余
多師

雜詩

晉陶淵明

日月不肯遲四時相催迫寒風拂枯條落葉掩長陌
弱質與運頽玄鬢早已白素標插人頭前途漸就窄

人部

卷八十一

八

家為逆旅舍我如當去客去去欲何之南山有舊宅

詠懷詩五首

晉釋文道

傲兀乘尸素日往復月旋弱喪困風波流浪逐物遷
中路高韻益窈窕欽重玄重玄在何許採真遊理間
苟簡為我養逍遙使我閑寥亮心神瑩含虛映自然
聲聲沈情去彩彩冲懷鮮踟躕觀象物未始見牛全
毛鱗有所貴所貴在忘筌

端坐鄰孤影眇罔玄思飭優塞收神轡領略綜名書
涉老哈一作雙玄披莊玩太初詠發清風集觸思皆
恬愉俯欣質文蔚仰悲二匠徂蕭蕭柱下迴寂寂蒙

邑虛廓矣千載事消液歸空無無矣復何傷萬殊歸
一塗道會貴冥想罔象掇玄珠悵快濁水際幾忘映
清渠反鑒歸澄漠容與含道符心與理理密形與物
物疎蕭索人事去獨與神明居

晞陽熙春圃悠緬歎時往感物思所託蕭條逸韻上
尚想天台峻髣髴巖堦仰冷風灑蘭林管籥奏清響
霄崖育靈藹神蔬含潤長丹砂映翠頰芳芝曜五爽
若若重岫深寥寥石室朗中有尋化士外身解世網
抱朴鎮有心揮玄拂無想隄隄形崖頽罔罔神宇敞
宛轉元造化縹緲鄰大衆願投若人蹤高步振策杖

人部

卷八十一

九

閑邪託靜室寂寥虛且真逸想流嚴阿朦朧望幽人
慨矣玄風濟一作皎皎離染純時無問道踵行歌將
何因靈谿無驚浪四岳無埃塵余將遊其嶠解駕輟
飛輪芳泉代甘醴山果兼時珍脩林暢輕跡石宇庇
微身崇虛習本照損無歸昔神曖曖煩情故零零冲
氣新近非域中客遠非世外臣一作為無德孤
哉自有鄰

坤基葩簡秀乾光流易頴神理速不疾道會無陵騁
超超介石人握玄攬機領余生一何散分不謬天挺
沈無冥到韻變不揚蔚炳冉冉年往遂悠悠化期永

翹首希玄津想登故未正生途雖十三日已造死境
願得無身道一作高栖冲默靖

述懷詩一首

晉釋支遁

翔鶴鳴崑嶠逸志騰冥虛惚恍迴靈翰息一作棲南嶠
濯足戲流瀾採練銜神蔬高吟漱芳醴頌頌登神梧
一作蕭蕭荷一作明翮眇眇育清軀長想玄運夷傾首俟
靈符河清誠可期戢翼令人劬

意角敦大道弱冠弄雙玄逡巡釋長羅高步尋帝先
妙損階玄老忘懷浪濠川達觀無不可吹累皆自然
窮理增靈新昭昭神火傳熙怡安冲漠優游將靜閑

人部

卷八十一

述懷

膏腴無爽味婉孌非雅絃恢心委形度聲聲隨化遷

詠懷詩

史宗者不知何許人常著麻衣世號麻衣道士○高僧傳曰宗常在廣陵白土塢凭城謳唱引絃以自欣暢得直隨以施人時高平檀祗為江都令聞而召來應對機捷無所拘滯博達稽古辨說玄儒乃賦詠懷詩一首檀祗知非常人遺還所在遺布二十四

晉史宗

有欲苦不足無欲亦無憂采若清虛者帶索被玄裘
浮遊一世間汎若不繫舟方當畢塵累栖志老山丘

潘難未靜述懷

梁元帝

玉節威靈夢金鉦韻渚宮霜戈臨斷白日羽映流紅
卑醜結猛將芳餌引羣雄箭擁淇園竹劍聚若谿銅

亟觀周王駿多逢鮑氏驄謀出河南賈威寄龍西馮
谿雲連陣合却月半山空樓前飄密柳井上落疎桐
差營逢靈雨立壘挂長虹

詠懷二首

梁吳均

僕本報恩人走馬救東秦黃龍暗迢遞泥寒苦辛
野戰劍鋒盡攻城才智貧唯餘一死在留持贈主人

二

元淑勢位卑長卿宦情寡二頃且營田三錢聊飲馬
懸風白雲上挂月青山下心中欲有言未得忘言者

擬阮步兵籍詠懷

梁江淹

人部

卷八十一

述懷

青鳥海上遊鸞斯蒿下飛浮沈不相宜羽翼各有歸

飄飄可終年一作沉一作湮一作湮安是非朝雲乘變化光

耀世所希精衛銜水石誰能測幽微

清思詩五首

梁江淹

趙后未至麗陰妃非美極情理儻可論形有焉足識
帝女在河洲晦映西海側陰陽無定光雜錯千萬色
終歲如瓊草紅華長翕絕

二

師曠操雅操延子聆奇音玄鶴徒翔舞清角自浮沈
明琯東南逝精絲西北臨白雪瑤池曲止使淚淫淫

三

秋夜紫蘭生湛湛明月光偃蹇靈芝采容裔紫華堂
林木不拂蓋淇水寧漸裳倏忽南江陰照曜北海陽
從此長往來萬世無感傷

四

白露滋金瑟清風蕩玉琴空閨饒達念虛堂生夜陰
茲夕一何哀明月沒西林世人重時暮道士情亦深
願乘青鳥翼徑出玉山岑

五

至德不可傳靈龜不可侶草木還根蒂精靈歸妙理

人部

卷八十一

述懷

述懷

我學杳冥道誰能測窮已須待九轉成終會長沙市

詠懷三百

陳張君祖

運形不標異澄懷恬無欲座可栖王侯門可迴金穀
風來詠逾清鱗萃淵不濁斯乃玄中子所以矯逸足
何必翫幽閑青衿表離俗百齡苟未返昨辰亦非促
曦騰望舒暎曩今迭相燭一世皆逆旅安悼電往速
區區雖非黨兼忘混礫玉恪神罔叢穢要在夷心曲

二

靈廳起回浪飛雲騰逆鱗苟擢南陽秀固集三造賓
絢懷結寂夜味藻詠終晨延佇時無違誰與拂流塵

眇情寄極眇蕭條獨遯神相忘東溟裏何睇西潮津
我崇道無廢長謠想義人

三

遙逐播荆衡杖策憩南郢遭動逐浪迹遇靖恬夷性
拊卷從老語揮綸與壯詠遐眺獨緬想蕭神廳塵正
時無喜惠偶絕韻將誰聽習君一作子茂芳標有欣微
音令穎敷陵霜倩葩熙三春盛拂翮期霄翔豈與桑
榆競我混不材姿遺情忘雕瑱雖非嶧陽椅聊以翮
泗落

和張侍中述懷

北周庾信

人部

卷八十一

述懷

述懷

陽窮乃悔吝各世季誠屯剝奔河絕地維折柱傾天角
成羣海水飛如雨天星落負鉅遂移山藏丹終去壑
生民忽已魚君子徒爲鶴嘯昔逢知己生平何恩渥
故組竟無聞程嬰空寂寞永嘉獨流寓中原唯鼎鑊
道險卧櫬櫬身危累素殼漂流從木梗風卷隨秋籜
張翰不歸吳陸機猶在洛漢陽錢遂盡長安米空索
時占季主龜乍販韓康藥伏轅終入絆垂翅猶離繳
徒懷琬琰心空守黃金諾號節終無寄齊秦竟何託
大夫唯閔周君子常思毫寂寥共羈旅蕭條同負郭
農談止穀稼野膳唯藜藿操樂楚琴悲忘憂曾酒薄

渭濱觀坐釣谷口看秋穫唯有立明耻無復榮期樂
夷則火星流天根秋水涸冬嚴日不煖歲晚風多朔
楊浮有怪雲細凌聞災雹木皮三寸厚淫泥五斗濁
雖欣曲轅樹猶懼雕陵鷗生涯實有始天道終虛索
且悅善人交無疑朋友數何時得雲雨復見翔寥廓
擬詠懷二十二首
北周庾信

步兵未飲酒中散未彈琴索索無真氣昏昏有俗心
涸鮒常思水驚飛一作每失林風雲能變色松竹且
悲吟山來不得意何必往長岑

人部

卷八十一

十四

述懷

褚衣居傳巖垂綸在渭川乘舟能上月飛憶欲挹天
誰知志不就空有直如弦洛陽蘇季子連衡遂不連
既無六國印翻思二頃田

三

俎豆非所習帷幄復無謀不言班定遠應爲萬里侯
燕客思遼水秦人望隴頭倡家遭強娣質子值仍留
自憐才智盡空傷年鬢秋

四

楚材稱晉用秦臣卽趙冠離宮延一作羈旅接陳完
寓衛非所寓安齊獨未安雪泣悲一作魯懷然憶相韓

唯彼途窮慟知余行路難

五

惟忠且惟孝爲子復爲臣一朝人事盡身名不足親
吳起常辭魏韓非遂入秦壯情已消歇雄圖不復申
移住華陰下終爲關外人

六

疇昔國士遇生平知己恩直言珠可吐寧知炭可一作
欲吞一顧重尺璧千金輕一言悲傷劉孺子悽愴史
皇孫無因同武騎歸守灞陵園

七

人部

卷八十一

十五

述懷

榆關斷音信漢使絕經過胡笳落淚曲羌笛斷腸歌
嬾腰減束素別淚損橫波恨心終不歇紅顏無復多
枯木期填海青山望斷河

八

白馬向清波采水始渡河置兵須近水移營喜竈多
長坂初垂翼鴻溝遂倒戈的顛於此去虞兮奈若何
空營衛青塚徒聽田橫歌

九

北臨玄菟郡南戍朱鳶城共此無期別俱知萬里情
昔嘗遊令尹今時事客卿不特貧謝富安知死羨生

懷秋獨悲此平生何謂平

十

搖落秋爲氣淒涼多怨情啼枯湘水竹哭壞杞梁城
天亡遭憤戰日感值愁兵直虹朝映壘長星夜落營
楚歌饒恨曲南風多死聲眼前一杯酒誰論身後名

十一

周王逢鄭忿楚后值秦冤梯衝已鶴列冀馬忽雲屯
武安檐瓦振昆陽猛獸奔流星夕照鏡烽火夜燒原
古獄饒冤氣空亭多枉覓天道或可問微兮不忍言

十二

人部

卷八十一

十六

述懷

橫流邁屯慙上塲結重氛哭市聞妖獸頽山起怪雲
綠林多散卒清波有敗軍智士今安用忠臣且未聞
惜無萬金產東求滄海君

十三

吉士長爲吉善人終日善大道忽云乖生民隨事蹇
有情何可豁忘懷固難遣麟窮季氏宜虎振周王圉
平生幾種意一日衝風卷

十四

六國始咆哮縱橫未定交欲競連城玉翻微縮酒茅
折骸猶換子登爨已懸巢壯水初開地盲風正折膠

輕雲飄馬足明月動弓弦楚師正圍壘秦兵未下嶠
始知千載內無復有申包

十五

日晚荒城上蒼茫餘落暉都護樓蘭返將軍疎勒歸
馬有風塵氣人多關塞衣障雲平不動秋蓬卷欲飛
聞道樓船戰今年不解圍

十六

尋思萬戶侯中夜忽然愁琴聲遍屋裏書卷滿牀頭
雖言夢蝴蝶定自非莊周殘月如初一一作月新秋似
舊秋露泣連珠下螢飄碎火流樂天乃知命何時能

人部

卷八十一

十七

述懷

不憂

十七

倏忽市朝變蒼茫人事非避讒應采芣悲情遂食薇
懷愁正搖落中心愴有違獨憐生意盡空驚槐樹衰

十八

日色臨平樂風光滿上蘭南國美人去東家東樹完
抱松傷別鶴向鏡絕孤鸞不言登龍首唯得望長安

十九

關麟能食日戰水定驚龍鼓輶喧七萃風塵亂九重
鼎湖去無返蒼梧悲不從徒勞銅雀妓遙望西陵松

二十

無悶無不悶有待何可待昏昏如坐霧漫漫疑行海
千年水未清一代人先改昔日東陵侯唯見瓜園在

二十一

蕭條亭障遠悽慘風塵多關門臨白狄城影入黃河
秋風別蘇武寒水送荆軻誰言氣蓋世晨起帳中歌

二十二

被甲陽雲臺重雲久未開雞鳴楚地盡鶴唳秦軍來
羅梁猶下碣楊排久飛灰出門車軸折吾王不復回

詠懷

唐駱賓王初

人部

卷八十一

十八

述懷

少年識事淺不知交道難一言芬若桂四海臭如蘭
寶劍思存楚金鉞許報韓虛心徒有託循迹諒無端
太息關山險吁嗟歲月闌忘機殊會俗守拙異懷安
阮籍空長嘯劉琨獨未歡十步庭芳歛三秋隴月圓
槐疎非盡意松晚夜凌寒悲調絃中急窮愁醉裏寬
莫將流水引空向俗人彈

詠懷古意上裴侍郎行儉

唐駱賓王初

三十二餘罷黜是潘安仁四十九仍入年非朱買臣
縱橫愁繫越坎壈倦遊秦山籠窮短翮委轍涸枯鱗
磨鉛不需用彈鋏欲誰伸天子未驅策歲月幾沈淪

輕生長慷慨効死獨殷勤徒歌易水客空老渭川人

一得視邊塞萬里何苦辛劍匣胡霜影弓開漢月輪
金方動秋色鐵騎想風塵爲國堅誠款損軀忘賤貧
勒功思比憲決策暗欺陳若不犯霜雪虛擲玉京春

蜀中言懷

唐王適初

獨坐年將暮常懷志不通有時須問影無事則書空
棄置如天外平生似夢中蓬心猶是客華髮欲成翁
跡滯魂逾窘情乖路轉窮別離同夜月愁思隔秋風
老少悲顏叟盈虛悟翟公時來不可問何用求童蒙
冬日述懷奉呈韋祭酒張左丞蘭臺名賢

人部

卷八十一

十九

述懷

唐崔日知初

弱齡好經籍披卷卽怡然覃精四十載馳騁數千言
孔壁采遺篆一作周韋考絕編袁公論劍術孫子叙
兵篇魯史君臣道姬書日月懸從師改炎燠負笈遍
山川上異西河夏中非北海玄光榮拾青紫名價接
通賢旣重萬鍾樂寧思二頃田長戟同分虎高冠互
附蟬晚懷重虛曠養志息雕鐫登高慙思拙匠物謝
情妍不慕張平子寧希一作王仲宣誰謂登龍日翻
成刻鵠年循循勞善誘軋軋思微牽一作才既竭鑽
仰德彌堅朽木誠爲論捫心徒自憐終期吞鳥夢振

翼上雲煙賦成，擲地詞高直揆天。更執樞衣禮仍開，田丈筵霧披槐市。藹水靜璧池圓，願遂從風葉飛舞翰林前。

敘懷二首

唐張九齡

弱歲讀書史，抗迹追古人。被褐有懷玉，佩印從負薪。志合豈兄弟，道行無賤貧。孤根亦何賴，感激此爲鄰。

二

晚節從卑秩，岐路良非一。既聞持兩端，復見挾三術。木瓜誠有報，玉楮論無實。已矣直躬者，平生壯圖失。去去勿重陳，歸來茹芝朮。

人部

卷八十一

二十一 述懷

客舍悲秋有懷兩省舊遊呈幕中諸公

唐岑參

三度爲郎便白頭，一從出守五經秋。莫言聖主長不用，其那蒼生應未休。人間歲月如流水，客舍秋風今又起。不知心事向誰論，江上蟬鳴空滿耳。

越中秋懷

唐李白

越水繞碧山，周迴數千里。乃是天鏡中，分明盡相似。愛此從真搜，永懷臨湍遊。一爲滄波客，十見紅蕖秋。觀濤壯天險，望海令人愁。路遐迫西照，歲晚悲東流。何必探禹穴，誓將歸蓬丘。不然五湖上，亦可乘扁舟。

書懷贈南陵常贊府

唐李白

歲星入漢年，方朔見明主。調笑當時人，中天謝雲雨。一去麒麟閣，遂將朝市乖。故交不遘門，秋草日上階。當時何特達，獨與我心諧。置酒凌歡臺，歡娛未曾歇。歌動白紵山，舞迴天門月。問我中心事，爲君前致詞。君看我才能，何似魯仲尼。大聖猶不遇，小儒安足悲。雲南五月間，頻喪渡瀘師。毒草殺漢馬，張兵奪秦旗。至今西二河，流血擁屍屍。將無七擒略，魯女惜園葵。咸陽天下樞，累歲人不足。雖有數斗玉，不如一盤粟。賴得契宰衡，持鈞慰風俗。自顧無所用，辭家方未歸。

人部

卷八十一

二十一 述懷

霜驚壯士髮，淚滿逐臣衣。以此不安席，蹉跎因世違。終當滅衛謗，不受魯人譏。

寫懷

唐杜甫

夜深坐南軒，明月照我膝。驚風翻河漢，梁棟已出日。羣生各一宿，飛動自儔匹。吾亦驅其兒，營營爲私實。天寒行旅稀，歲暮日月疾。榮名忽中人，世亂如蟻虱。古者三皇前，滿腹志願畢。胡爲有結繩，陷此膠與漆。禍首燧人氏，厲階董狐筆。君看燈燭張，轉使飛蛾密。放神八極外，俛仰俱蕭瑟。終契如往還，得非合仙術。旅夜書懷

唐杜甫

細草微風岍危檣獨夜舟星垂平野濶月湧大江流
名豈文章著官應老病休飄飄何所似天地一沙鷗

夔府書懷四十韻

唐杜甫

昔罷河西尉初興薊北師不才名位晚敢恨省郎遲
扈聖崆峒日端居灩澦時萍流仍汲引樗散尚恩慈
遂阻雲臺宿常懷湛露詩翠華森遠矣白首颯淒其
拙彼林泉滯生逢酒賦欺文園終寂寞漢閣自磷緇
病隔君臣議慚紆德澤私揚鑣驚後拔劒撥年衰
社稷經綸地風雲際會期血流紛在眼涕泗亂交頤
四瀆樓船汎中原鼓角悲賊壕連白翟戰瓦落丹墀

人部

卷十一

三

沐懷

先帝嚴靈寢宗臣切受遺恒山猶突騎遼海競張旗
田父嗟膠漆行人避蒺藜總戎存大體降將節卑詞
楚貢何年絕堯封舊俗疑長吁翻北寇一望卷西夷
不必陪玄圃超然待具茨凶兵鑄農器講殿闢書閣
廟算高難測天憂實在茲形容真潦倒答效莫支持
使者分王命羣公各典司恐乖均賦斂不似問瘡痍
萬里煩供給孤城最怨思綠林寧小患雲夢欲難追
卽事須管膽蒼生可察眉議堂猶集鳳貞觀是元龜
處處喧飛檄家家急競錐蕭車安不定蜀使下何之
釣瀨踈墳籍耕巖進奕碁地蒸餘破屋冬暖更絨絺

豺遘哀冬楚麟傷泣象尼衣冠迷道越藻繪憶遊睢

賞月延秋桂傾陽遂露葵大庭終反樸京觀且僵尸

高枕虛眠晝哀歌欲和誰南宮載勲業凡百慎交綏

刈稻了詠懷

唐杜甫

稻穫空雲水川平對石門寒風疎草木旭旦散雞豚

野哭初聞戰樵歌稍出村無家問消息作客信乾坤

丙戌歲正月出洛陽書懷

唐獨孤及

往歲衣褐見受服金馬門擬將忠貞求酬主人恩

天地暫雷雨洪波生平原窮鱗遂蹭蹬風昔事罕存

幸逢帝出震授鉞清東藩白日忽再中萬方咸駿奔

人部

卷十一

三

沐懷

王風從西來春光滿乾坤蟄蟲競飛動余亦辭籠樊

遭遇思自強寵辱安足言唯將四方志迴首謝故園

武陵書懷

唐劉禹錫

西漢開支郡南朝號威藩四封當列宿百雉俯清沅

高岍朝霞合驚湍急箭奔積陰春暗度將霽霧先昏

俗尚東皇祀謠傳義帝冤桃花迷隱跡練葉慰忠魂

戶算貧漁獵鄉豪恃子孫照山禽火動踏月俚歌喧

擁檝舟爲市連甍竹覆軒披衣金粟見拾羽翠翹翻

若折滄谿秀蘋生枉渚禽鳴格磔起按本草經曰

若折滄谿秀蘋生枉渚禽鳴格磔起按本草經曰

音是也

魚戲喚鳴繁沈約臺榭故李衡墟落存臺榭

奴州湘靈悲鼓瑟淵客泣酬恩露變兼葭浦星懸橘

柚村虎咆空野震鼉作滿川渾鄰里皆遷客兒童習

左言炎天無刻井霜月見芳蓀清白家傳遺詩書志

所敦列科叨甲乙從宦出丘樊結友心多契馳聲氣

尚吞士安曾重賦元禮許登門草檄嫖姚幕巡兵戎

已中築臺先自隗送客獨留髡遂結王畿綬來觀衢

室尊焉飛入鷹隼魚目儼瓊瑤曉燭羅馳道朝陽關

帝闈皇正會夷夏月朔盛旗旛獨立首隆關傳詩步

紫垣按章清犴獄視祭夢蘋蘩御曆昌期遠傳家寶

祚蕃繇文光夏啓神教畏軒轅內禪因天性雄圖授

人部 卷八十一 三十四 述懷

化元繼明懸日月出震統乾坤大孝三朝備洪恩九

族厚百川宗渤解五嶽輔崑崙何幸逢休運微班識

至尊校績資筦榷復上奉三園時以本官判度支鹽

一失貴人意徒聞太學論直廬辭錦帳遠守愧朱幡

秋懷二首

唐孟郊 中

孤骨夜難卧吟蟲相唧唧老泣無涕洟秋露爲滴瀝

去壯暫如翦來衰紛似織觸緒無新心叢悲有餘憶

詎忍逐南帆江山踐往昔

二

幽苦日日甚老力步步微常恐暫下於至門不復歸

泛廣豈無恣恣行亦有隨一作隨時語中失次第身外生

瘡痕桂蠹既潛朽桂花損貞姿將死始知前悔不

可追哀哉輕薄行終日與駟馳一作欲馳

書懷寄友人

唐姚合 中

精心奉北宗微宦在南宮舉世勞爲適開門事不窮

年來復幾日蟬去又鳴鴻衰疾誰人問閒情與酒通

四鄰寒稍靜九陌夜方空知老何山是思歸幽谷中

紀懷贈李六戶曹崔二十功曹五韻

唐元稹 中

昔冠諸生首初因三道徵公卿碧雞會名姓白麻稱

人部 卷八十一 三十五 述懷

日月光遙射煙霄志漸弘榮班張錦繡諫路賜賸滕

便欲呈肝膽何言犯股肱椎埋衝斗劍清微瑩壺冰

赤縣纔分務青驄已迴乘因騎度海鷗擬殺敵天鵬

縛虎聲空壯連鰲力未勝風翻波竟感山壓勢逾崩

慘辱徒相困蒼黃性不能酣歌離峴頂負氣入江陵

華表當蟠魄高樓挂玉繩角聲悲掉蕩城影暗棲層

軍幕威容盛官曹禮數兢心雖出雲鶴身尚觸龍鷹

疎足良甘分排衙苦未嘗通名參將校抵掌見親朋

啾沫求有滴滄波怯斗升荒居鄰鬼魅羸馬步踈殘

白草堂簷短黃梅雨氣蒸霜黏經汗席颺閃盡油燈

夜怯餐膚蚋朝煩拂面蠅過從愁厭賤專靜畏猜仍
旅寓誰堪托官聯自可憑甲科崔並鷺柱史李齊昇
共展排空翼俱遭激遠矰他鄉元易感同病轉相矜
投分多然諾忘言少愛憎誓將探肺腑耻更辨淄澠
會宿形骸達論交意氣增一心吞渤澥戮力拔蒿恒
語到磨圭角疑消破弩癆吹噓期指掌患難許擔簦
鍛剛鸞樓棘藏鋒箭在弮雪中方睹桂木上莫施曾
且汎黃沿水兼過被病僧有時鞭款段盡日醉僂僂
躡屐看秧稻敲船和採菱魚江火合喚客谷神應
嘯傲雖開口幽憂復滿膺望雲鰭擦刺透匣色騰凌

人部

卷八十一

二五

述懷

每想潢池寇猶稽赤族懲夔龍勞算畫貌虎帶威稜
逐鳥忠潛奮懸旌意遠凝殺弓思徹札絆驥悶牽組
運甕調辛苦聞雞屢寢興聞隨人兀兀夢聽鼓鑿鑿
班筆行看擲黃陂莫漫澄麒麟高閣上須及壯時登

寓懷

唐李商隱

綵鷺餐顙氣威鳳食卿雲長養三清境追隨五帝君
煙波遺汲汲矰繳任云云下界圍黃道前程合紫氛
金書唯是見玉管不勝聞草為迴生種香緣却死薰
海明三島見天迴九江分塞樹無勞援神禾豈用耘
龍風結陣惱鶴露成文漢殿霜何早秦宮日易曛

星機拋密緒月杵散靈芬陽鳥西南下相思不及羣
詠懷寄秘閣舊僚二十四韻 唐李商隱

詠懷

唐李商隱

年鬢日堪悲衡茅益自嗤懸頭曾苦學折臂反成醫
僕御嫌夫懦孩童笑叔疑小男方嗜栗幼女漫憂葵
遇灸誰先噉逢齏即便吹官銜同畫餅面貌乏凝脂
典籍將蠡測文章若管窺圖形翻類狗入夢肯非罷
自哂成書麗終當呪酒厄懶霑襟上血羞鑷鏡中絲
素箭言方喻樗蒲齒詎知事神徒惕慮佞佛愧虛辭
曲藝垂麟角浮名狀虎皮乘軒寧見寵巢幕更逢危
禮俗拘嵇喜侯王欣戴逵途窮方結舌靜勝但指頤

人部

卷八十一

二七

述懷

糲食空彈劒亨衢詎置錐柏臺成口號芸閣暫肩隨
悔逐遷鶯伴誰觀擇虱時寃間眠太率牀下隱何卑
奮跡登弘閣催心對董帷校讐如有暇松竹一相思

失意書懷呈知己

唐馬戴

直道何由啓聖君非才誰敢議論文心存黃鶴兼丹
訣家憶青山與白雲糜鹿幽棲閒可近鶴鸞高舉勢
宜分微生不學劉琨輩劒刃相交擬立勳

言懷

唐崔塗

千時雖苦節趨世且無機及覺知音少翻疑所業非
青雲如不到白首亦難歸所以滄江上年年別釣磯

言懷

唐曹松

出山不得意謁帝值戈鋌豈料為文日翻成用武年

入關旅次言懷

唐黃滔

寸心唯自切上國與誰期月晦時風雨秋來日別離
便休終未肯已苦不能疑獨愧商山路千年四皓祠

人部

卷八十一

三六

述懷

詩集類函卷八十二

東吳俞安期彙纂 宣城梅鼎祚增定

海陽吳元維訂校

人部二十四

遺興

感興附 題壁 偶作

遺興

遺興二首

唐杜甫

蓬生非無根飄蕩隨高風天寒落萬里不復歸本叢
客子念故宅三年門巷空悵望但烽火戎車滿關東
生涯能幾何常在羈旅中

我今日夜憂諸弟各異方不知死與生何況道路長

人部

卷八十一

遺興

避寇一分散饑寒永相望豈無柴門歸欲出畏虎狼
仰看雲中鴈禽鳥亦有行

遺興五首

唐杜甫

蟄龍三冬卧老鶴萬里心昔時賢俊人未遇猶視今
嵇康不得死孔明有知音又如隴底松用舍在所尋
大哉霜雪餘歲久為枯林

二

昔者龐德公未曾入州府襄陽耆舊間處士節獨苦
豈無濟時策終竟畏羅罟林茂鳥有歸水深魚知聚
舉家隱鹿門劉表焉得取

三

陶潛避俗翁未必能達道觀其著詩集類亦恨枯槁
達生豈是足默識蓋不早有子賢與愚何其挂懷抱

四

賀公雅吳語在位常清狂上疏乞骸骨黃冠歸故鄉
爽氣不可致斯人今則亡山陰一茅宇江海日淒涼

五

吾憐孟浩然短褐即長夜賦詩何必多往往凌鮑謝
清江空舊魚春雨餘甘蔗每望東南雲令人幾悲死

遣興

唐杜甫

人部

卷八十二

二

遣興

下馬古戰場四顧但茫然風悲雲去黃葉墜我前
朽骨穴蟻蟻又為蔓草纏故老行太息今人尚開邊
漢虜互勝負封疆不常全安得廉頗將三軍同晏眠

二

高秋登塞山南望馬邑州降虜東擊胡壯健盡不留
穹廬莽牢落上有行雲愁老弱哭道路願聞甲兵休
鄴中事反覆死人積如丘諸將已茅土戰驅誰與謀

三

豐年孰云遲甘澤不在旱耕田秋雨足禾黍已映道
春田九月交顏色同日老勸汝衡門士勿悲尚枯槁

時來展材力先後無醜好但訝鹿皮翁忘機對芳草

遣興二首

唐杜甫

天用莫如龍有時繫扶桑頓轡海徒涌神人身更長
性命苟不存英雄徒自強吞聲勿復道真宰意茫茫

二

地用莫如馬無良復誰記此日千里鳴追風可君意
君看渥洼種能與駑駘異不雜蹄齧間逍遙有能事

遣興

唐杜甫

千戈猶未定弟妹各何之拭淚沾襟血梳頭滿面絲
地卑荒野大天遠暮江遲衰疾那能久應無見汝期

人部

卷八十二

三

遣興

水宿遣興奉呈羣公

唐杜甫

魯鈍仍多病逢迎復逶迷耳聾須畫字髮短不勝簪
澤國雖勤雨炎天竟淺泥小江還積浪弱纜且長堤
歸路非關北行舟却向西暮年漂泊恨今夕亂離啼
童稚頻書札盤餐詎糝藜我行何到此物理直難齊
高枕翻星月嚴城疊鼓鼙風號聞虎豹水宿伴鳬鷺
異縣驚虛往同人惜解攜蹉跎常泛鷁展轉屢聞雞
疑疑瑚璉器陰陰桃李蹊餘波期救涸費日苦輕齎
杖策門闌遠肩輿羽翮低自傷甘賤役誰慙強幽棲
巨海能無釣浮雲亦有梯敷庸思樹立語默可端倪

贈粟困應指登橋柱必題丹心老未折時訪武陵谿

遣興

唐韓愈

斷送一生惟有酒尋思百計不如閒莫憂世事兼身
事須著人間比夢間

寓興二首

唐劉禹錫

常談卽至理安事非常情寄語何平叔無爲輕老生

二

世途多禮數鵬鷃各逍遙何事陶彭澤拋官爲折腰

遣興聯句

我心隨月光寫君庭中央孟郊月光有時晦我心安所

人部

卷八十一

四

遣興

忘韓愈常恐金石契斷爲相思腸郊平生無百歲岐路

有四方愈四方各異俗適異非所將郊驚蹄顧羣秣

逸翮遺稻梁愈時危抱獨流道泰懷同翔郊獨居久

寂默相顧聊慨慷愈慨慷丈夫志可以耀鋒鏑郊遽

審知卷舒孔顏識行藏愈朗鑒諒不達佩蘭永芬芳

郊苟無夫子聽誰使知音揚愈

遣興

唐孟郊

絃貞五條音松直百尺心貞絃含古風直松凌高岑

浮聲與狂葩胡爲欲相侵

遣興五首

唐元稹

始見梨花房坐對梨花白行看梨葉青已復梨葉赤

嚴霜九月半危帶幾時客況有高原秋風四來迫

二

莫厭夏日長莫悲冬日短欲識短復長君看寒又煖

城中百萬家冤哀維絲管草沒奉誠園軒車昔曾滿

三

孤竹迸荒園誤與蓬麻列久擁蕭蕭風空長高高節

嚴霜蕩羣穢蓬斷麻亦折獨立轉亭亭心期鳳皇別

四

燿燿刀刃光彎彎弓面張入水斬犀兕入山摧虎狼

人部

卷八十一

五

遣興

里中無老少喚作癡兒郎一日風雲會橫金歸故鄉

五

團團規內星未必明如月託跡近北辰周天無淪沒

老人在南極地遠光不發見則壽聖明願照高闕

遣興

明月照滄海開雲戀故山詩名滿天下終日掩柴關

遣興

唐羅隱

青雲路不通歸計奈長蒙老恐醫方誤窮愁夢盡空

何堪離亂後更入是非中長短遭譏笑迴頭避釣翁

偶興

唐羅隱

逐隊隨行二十春
曲江池畔避車塵
如今贏得將衰
老閒看人間得意人

感興三首

唐李白

瑤姬天帝女
精彩化朝雲
宛轉入宵夢
無心向楚君
錦衾抱秋月
綺席空蘭芬
汨味竟誰測
虛傳宋玉文

二

洛浦有宓妃
飄飄雪爭飛
輕雪拂素月
了可見清輝
解珮欲西去
含情詎相違
香塵動羅襪
綠水不沾衣
陳王徒作賦
神女豈同歸
好色傷大雅
多爲世所譏

人部

卷八十一

六

遺興

嘉穀隱豐草
深苗且稀農
夫既不異孤
穗將安歸
常恐委時隴
忽與秋蓬飛
烏得薦宗廟
爲君生光輝

時興

唐楊賁

貴人昔未貴
咸願顧寒微
及自登樞要
何曾問布衣
平明登紫閣
日晏下彤闈
擾擾路傍子
無勞歌是非

感興

唐李端

香爐最高頂
中有高人住
日暮下山來
月明山上去

感興

唐崔膺

富貴難義合
困窮易感恩
古來忠烈士
多出貧賤門
世上桃李樹
但結繁華子
白屋抱關人
青雲壯心死

感興

唐鄭谷

禾黍不陽艷
競栽桃李春
翻令力耕者
半作賣花人

南遊感興

唐竇鞏

傷心欲問當時事
唯見江波去不迴
日暮東風春草綠
鷓鴣飛上越王臺

○題壁

秋日題汝陽潭壁

唐劉希夷

獨坐秋陰生
悲來從所適
行見汝陽潭
飛蘿蒙水石
懸瓢木葉上
風吹何歷歷
幽人不耐煩
振衣步閑寂
迴流清見底
金沙覆銀礫
錯落非一文
空隴幾千尺

人部

卷八十二

七

題壁

魚鱗可憐紫
鴨毛自然碧
吟詠秋水篇
渺焉忘損益
秋水隨形影
清濁混心跡
歲暮歸去來
東山余宿昔

昔安建陰題壁

唐王勃

江漢深無極
梁岷不可攀
山川雲霧裏
遊子幾時還

古意題徐令壁

唐陳子昂

白雲蒼梧來
氛氲萬里色
聞君太平世
栖泊靈臺側

題長安主人壁

唐孟浩然

久廢南山田
叨陪東閣賢
欲隨平子去
猶未獻甘泉
枕席琴書滿
寒帷曉岫連
我來如昨日
庭樹忽鳴蟬
促織驚寒女
秋風感長年
授衣當九月
無褐竟誰憐

題李別駕壁

唐高適 盛

去鄉不遠逢知己握手相歡得如此禮樂遙傳魯伯禽賓客爭過魏公子酒筵暮散明月上櫺馬長鳴春風起一生稱意能幾人今日從君問終始

醉題匡城周少府壁

唐岑參 盛

婦姑城南風雨秋婦姑城中人獨愁愁雲遮却望鄉處數日不上西南樓故人薄暮公事閒玉壺美酒琥珀殷頽陽秋草今黃盡醉卧君家猶未還

題隨州紫陽先生壁

唐李白 盛

神農好長生風俗久已成復聞紫陽客早署丹臺名人部

卷八十一

題壁

喘息餐妙氣步虛吟真聲道與古仙合心將元化并樓疑出蓬海鶴似飛玉京松雪廳外曉池水階下明忽耽笙歌樂頗失軒冕情終願惠金液提携凌太清

題忠州龍興寺所居院壁

唐杜甫 盛

忠州三峽內井邑聚雲根小市常爭米孤城早閉門空看過客淚莫覓主人恩淹泊仍愁虎深居賴獨園

題郭原郭三十二明府所居壁

唐杜甫 盛

江頭且繫船爲爾獨相憐雲散灌壇雨春青彭澤田頻驚適小國一擬問高天別後巴東遠逢人問綬賢

題長安主人壁

唐張翥 盛

世人結交須黃金黃金不多交不深縱令然諾暫相許終是悠悠行路心

題吳通微主人壁

唐錢起 中

食貧無盡日有願幾時諧長嘯秋光晚誰知志士懷朝煙不起竈寒葉欲連堦飲水仍留我孤燈點一作詩靜夜齋

玉山東谿題李叟屋壁

唐錢起 中

霞景已斜照煙綵方暝投山家歸路僻轍跡亂泉流野老採薇暇蝸廬招客幽麝麝突荒院鷓鴣步閑囀偶此愜真性令人輕宦遊

人部

卷八十二

題壁

酬豆盧倉曹題庫壁見示

唐韋應物 中

掾局勞才子新詩動洛川運籌知決勝聚米似論邊宴罷常分騎晨趨又比肩莫嗟年鬢改郎署定推先

秋夜戲題劉方平壁

唐皇甫冉 中

鴻悲月白時將謝止可招尋惜逢夜翠帳蘭房曲且深不知戶外清霜下

題趙生壁

唐李賀 中

大婦燃竹根中婦春玉屑冬暖拾松枝日煙坐蒙滅木藪青桐老石泉水聲發曝背卧庭東桃花滿肌骨

題李上墓壁

唐李商隱 晚

舊著愚玄賦新編雜擬詩江庭猶近別山舍得幽期
嫩割周顒韭肥烹鮑照葵飽聞南燭酒仍及撥醅時
和吳處士題村叟壁 唐李咸用

因閑鄉居景歸心寸火燃吾家依碧嶂小檻枕清川
遠雨籠孤戍斜陽隔斷煙沙虛遺虎跡水狀聚蛟涎
糲麵烹汀蓼甘茶挈石泉霜朝巡栗樹風夜探魚船
戲日魚呈腹翹難鷺並肩飯香同豆熟湯暖摘松煎
野鳥臆藏足攀藤欲凍拳淺茅鳴關雉曲枿嘯寒鷗
秋果檀梨澀晨羞蕨鮮衣蓑留冷閣席草種閑田
椎髻擔餽餉庀眉識稔年嚇鷹獨戴笠驅犢係充鞭
人部 卷八十一 題壁
不重官於社常尊食作天谷深青靄蔽峰迴白雲纏
每憶關魂夢長誇表愛憐覽君書壁句誘我率成篇
○偶作 口號 寓言並附

率爾成詠 北周庾信
昔日謝安石求為淮海人彷彿新亭岍猶言洛水濱
南冠今別楚荆玉遂遊秦儻使如楊僕寧為關外人
偶然作五首 唐王維

楚國有狂夫茫然無心想散髮不冠帶行歌南陌上
孔丘與之言仁義莫能將未嘗言問入何事須擊壤
復笑採薇人胡為乃長往

二
田舍有老翁垂白衡門裏有時農事閑斗酒呼鄰里
喧聒茅簷下或坐或復起短褐不為薄園葵固足美
動則長子孫不曾向城市五帝與三王古來稱天子
干戈將揖讓畢竟何者是得意苟為樂野田安足鄙
且當放懷去行行沒餘齒

三
陶潛任天真其性頗耽酒自從棄官來家貧不能
有九月九日時菊花空滿手中心竊自思儻有人送否
白衣攜壺觴果來遺老叟且喜得斟酌安問升與斗
人部 卷八十二 偶作

奮不野田中今日嗟無負兀傲迷東西簑笠不能守
傾倒強行行酣歌歸五柳生事不曾問肯懷家中帝
四

趙女彈箏篴復能邯鄲舞夫婿輕薄兒鬪雞事齊主
黃金買歌笑用錢不復數許史相經過高門盈四牡
客含有儒生昂藏出鄒魯讀書二十年腰下無尺組
被服聖人教一生自窮苦

五
老來嬾賦詩惟有老相隨宿世謬詞客前生應畫師
不能捨餘習偶被世人知名字本皆是此心還不知

同王十三維偶然作六首

唐儲光義

北山種松柏南山種蒺藜出入雖同趣所向各有宜
孔丘貴仁義老氏好無爲我心若虛空此道將安施
豐過伊闕間晚晚三伏時高閣入雲中芙蓉滿清池
要自非我室還望南山陲

二

野老本貧賤冒雨鋤瓜田一畦未及終樹下高枕眠
荷篠者誰子晡晡來息肩不復問鄉墟相見但依然
腹中無一物高話義皇年落日臨層閣逍遙望晴川
使婦提簪筐呼兒榜漁船悠悠泛綠水去摘浦中蓮

人部

卷八十二

十二

偶作

蓮花艷且美使我不能還

三

浮雲在虛空隨風復卷舒我心方處順動作何憂虞
但言嬰世網不復得閑居迢遞別東國超遙來西都
見人乃恭敬曾不問賢愚雖若不能言中心亦難誣
故鄉滿親戚道遠情日疎偶欲陳此意復無南飛鳥

四

黃河向東流弱水流向西趨舍各有異造化安能齊
妾本邯鄲女生長在叢臺既聞容見寵復想玄爲妻
刻畫尚風流幸會君招攜逶迤歌舞座婉孌笑容闌

日月方向除恩愛忽焉睽棄置誰復道但悲生不諧
羨彼匹婦意偕老常同棲

五

空山暮雨來衆鳥竟棲息斯須照夕陽雙雙復撫翼
我念天時好東田有稼穡浮雲蔽川原新流集溝洫
徘徊顧衡宇僮僕邀我食卧覽牀頭書睡看機中織
想見明膏煎中夜起唧唧

六

四鄰競豐屋我獨好卑室窈窕高臺中時聞撫清瑟
狂飈動地起拔木乃非一相顧始知悲中心憂且慄

人部

卷八十二

十三

偶作

蚩蚩命子弟恨不居高秩日入賓從歸清晨冠蓋出
中庭有奇樹榮早衰復疾此道猶不知微言安可述

偶然作

唐劉長卿

野寺長依止田家或一作任往還老農開古地夕鳥入
寒山書劒身同廢煙霞更共閑豈能將白髮扶杖出
人間

偶作

唐劉禹錫

終朝對樽酒嗜興非嗜甘終日偶衆人縱言不縱談
世情閑盡見藥性病多方一作諳寄謝嵇中散予無甚
不堪

偶作

唐孟郊中

利劍不可近美人不可親利劍近傷手美人近傷身
道險不在廣十步能摧輪情憂不在多一夕能傷神

偶作

唐白居易中

登山力猶在遇酒興時發無事日月長不羈天地闊
安身有處所適意無時節解帶松下風抱琴池上月

偶詠

唐白居易中

禦熱蕉衣健扶羸竹杖輕誦經凭檻立散藥遶廊行
暄槿無風落秋蟲欲雨鳴身閑當將息病亦有心情

閒說

唐王建中

人部

卷八十二

十四 偶作

桃花百葉不成春鶴壽千年也未神秦隴州緣鸚鵡
貴王侯家爲牡丹貧歌頭舞遍迴迴別鬢樣眉心日

日新鼓動六街騎馬出相逢總是學狂人

偶題二首

唐李商隱晚

小亭閒眠微醉消山榴海柏枝相交水文簾上琥珀
枕傍有隋釵雙翠翹

清月依微香露輕曲房小院多逢迎春叢定是饒樓

鳥飲罷莫持紅燭行

試筆偶書

唐鄭谷晚

沙鳥與山麋由來性不羈可憑唯在道難解莫過詩

任笑歌吟僻終嫌巧宦里垂慵思地怨冷澹知僧知

華省慙公器滄江負釣師露花春直夜煙鼓早朝時
世路多艱梗家風免墜遺殷勤一簣雨愁得夢中披

延興門外作

唐韋莊晚

芳草五陵道美人金犢車綠奔寄內水紅落過牆花
馬足倦遊客鳥聲歡酒家王孫歸去晚宮樹欲棲鴉

偶見黃州作

唐杜牧晚

朔風高緊掠河樓白鼻騮郎白眉裘有箇當爐明似
月馬鞭斜揖笑回頭

途中口號以下口號

唐孫逖初

人部

卷八十三

十五 偶作

鄴城東北望陵臺珠翠繁華去不迴無復新妝艷紅
粉空餘故壘滿青苔

口號示裴迪

唐王維盛

萬戶傷心生野煙百官何日更朝天秋槐葉落空宮

裏凝碧池頭奏管絃初明皇每酺宴先設太常雅樂
宮人舞霓裳羽衣又教舞馬百匹銜杯上壽又引犀

象入場或拜或舞祥雲見而悅之孫山反搜捕送洛
陽宴其羣臣於凝碧池盛奏衆樂梨園弟子往往獻

歌泣下賊皆露刃視之樂工雷海清不勝悲憤樂
器於地西向慟哭祿山怒支解於戲馬場維時爲給

事中賊陷京師爲所擒維吞藥作瘡祿山愛其才逼
至洛陽供舊職拘於菩提寺裴迪來相看維痛悼私
成口號示裴迪後聞行在賊平皆下獄獨維得免

口號又示裴迪

唐王維盛

安得捨塵網拂衣辭世喧悠然策杖歸向桃花源

初下浙江舟中口號

唐孟浩然

八月觀潮罷三江越海濤回瞻魏闕路空無一作復于

牟心

口號

唐李白

食出野田美酒臨遠水傾東流若未盡應見別離情

存歿口號

唐杜甫

席謙不見近彈棋畢曜仍傳舊小詩玉局他年無限

笑白楊今日幾人悲道士席謙吳人美彈棋畢曜善爲小詩

鄭公粉繪隨長夜曹霸丹青已白頭天下何曾有山

人部

卷八十二

十六

水人間不解重驂鄭虔善畫山水曹霸魏曹髦之後善畫馬

途中口號

唐郭向

抱玉三朝楚懷書上秦年年洛陽陌花鳥弄歸人

口號

唐賈島

中夜忽自起汲此百尺泉林木含白露星斗在青天

寓言二首以下寓言

唐王維

朱紱誰家子無迺金張孫驪駒從白馬出入銅龍門

問爾何功德多承明主恩關雎平樂館射雉上林園

曲陌車騎盛高堂珠翠繁奈何軒冕貴不與布衣言

二

君家御溝上垂柳來朱門列鼎會中貴鳴珂朝至尊

生死在八議窮通由一言須識苦寒士莫矜狐白溫

寓言二首

唐李白

周公負斧戍成王何夔夔武王昔不豫躬爪投河湄

賢聖遇讒慝不免人君疑天風拔大木未泰咸傷萎

管蔡扇蒼蠅公賦鴟鴞詩金縢若不啓忠信誰明之

二

搖裔雙彩鳳婉孌三青禽往還瑤臺裏鳴舞玉山岑

以歡素娥意復得王母心區區精衛鳥銜木空哀吟

三

人部

卷八十二

十七

長安春色歸先入青門道綠楊不自持從風欲傾倒

海燕還秦宮雙飛入簾櫳相思不相見託夢遼城東

寓言

唐孟郊

誰言碧山曲不廢青松直誰言濁水泥不汚明月色

我有松月心俗騁風霜力貞明既如此摧折安可得

寓言

唐韋莊

爲儒逢世亂吾道欲何之學劍已應晚歸山今又遲

故人三載別明月兩鄉悲惆悵滄江上星星鬢有絲

寓言

唐魚玄機

紅桃處處春色碧柳家家月明樓上新妝待夜闌中

獨坐含情芙蓉月下魚戲蟬天邊雀聲人世悲歡
一夢如何得作雙成

○感舊

感舊詩

晉曹摅

富貴他人合貧賤親戚離廉蘭門易軌田實相奪移
晨風集茂林栖鳥去枯枝今我唯困蒙羣士皆背馳
鄉人敦懿義濟濟蔭光儀對賓頌有客舉觴詠露斯
臨樂何所歎素絲與路岐

宴蘭思舊

梁昭明太子

孝若

明山儒雅稽古文敦淳茂公治實俊朗文義

人部

卷八十二

十八

感舊

縱橫陳佐公畫持方介才學罕為鄰灌蔬股實溫雅
摘藻每清新余非狎異者惟舊且懷仁綢繆似河曲
契闊等漳濱如何離災盡眇漠同埃塵一起應劉念
法法欲沾巾

望郢州城

陳沈炯

魂今何處返非死復非仙坐柯如昨日石合一作合石一作未
淹年歷陽頓成浦東海果為田空憶扶風詠誰一作誰
見峴山傳世變才良改時移民物遷悲哉孫驃騎悠
悠哭彼天

過故鄣

隋段君彥

玉馬芝蘭北金鳳鼓山東舊國千門廢荒壘四郊通
深潭直有菊涸井半生桐粉落妝樓毀塵飛歌殿空
雖臨玄武觀不識紫微宮年代俄成昔唯餘風月同

行經舊國

隋孫萬壽

蕭條金闕遠悵望羈心愁舊邸成三逕故園餘一丘
庭引旧家客池泛野人舟日斜山氣冷風近樹聲秋
弱年陪宴喜方茲更獻酬竹慚詞賦叢桂且淹留
自忝無員職空貽不調羞武騎非吾好還思江漢遊

和周記室遊舊京

隋孫萬壽

大夫愍周廟王子泣殷墟自然心斷絕何關繁慘舒

人部

卷八十二

十九

感舊

僕本漳濱士舊國亦淪胥紫陌風塵起青壇冠蓋疎
臺留子建賦宮落仲將書譙周自題柱商客誰表閭
聞君懷古曲同病亦連如方知周處歎前後信非虛

疇昔篇

唐駱賓王

少年重英俠弱歲賤衣冠既託囊中實方承膝下歡
遨遊灞陵曲風月洛陽端且知無玉饌誰肯逐金丸
金丸玉饌盛繁華自言輕侮李倫家九陌爭馳千里
馬三條競驚七香車掩映飛軒承落照參差步障列
朝霞池中舊水疑懸鏡屋裏新妝不讓花意氣風雲
倏如昨歲月春秋屢迴薄上苑頻經柳絮飛中園幾

見梅花落當時門客今何在疇昔交遊已疎索莫教
憔悴損容儀會得高秋雲霧廓淹留坐帝鄉無事積
炎涼一朝披短褐六載奉長廊賦文斯昔馬執戟慕
前楊揮戈出武帳荷筆入文昌文昌隱隱皇城裏由
來奕奕多才子滂陸詞鋒絡繹飛張曹翰苑縱橫起
卿相未曾識王侯寧見擬徒勞倦負薪何處逢知己
判將運命賦窮通從來奇舛任西東不應永棄同芻
狗且復飄飄任轉蓬客鬢年年異春花歲歲同榮親
未盡禮徇王欲申功脂車秣馬辭鄉國縈轡西南使
叩棘玉壘銅梁不易攀地角天涯眇難測鶯囀蟬吟

人部

卷八十二

二十

感舊

有悲望鴻來鴈度無消息陽關積霧萬里昏劍閣連
山千種色蜀路何悠悠岷峰阻且脩迴腸隨九折迸
淚忽雙流寒光千里暮露氣二江秋長途看束馬平
水且沈牛華陽舊地標神制石鏡蛾眉真秀麗諸葛
才雄已號龍公孫躍馬輕稱帝五丁卓犖多奇力四
士英靈用文藝雲氣橫開八陣形橋影遙分七星勢
川平煙霧開遊戲錦城隈墉高龜望出水淨鴈文迴
尋妹入酒肆訪客上琴臺不識金貂重偏惜玉山頽
他鄉冉冉消年月帝里沈沈限城闕不見猿聲助客
啼唯聞旅思將華發我家迢遞關山裏關山迢遞不

可越故園梅柳尚餘條春來勿使芳菲歇解秩欲言
歸執袂愴多違北梁俱握手南浦共沾衣別情傷去
蓋離念惜徂輝知音何所託木落鴈南飛回首望平
陸春來酒應熟相將菌閣卧清谿且用藤杯泛黃菊
十年不調爲貧賤百日屢遷隨倚伏祗爲須求負郭
田使我再干州郡祿百年鬱鬱少騰遷萬里遙遙入
鏡川吳江沸潮衝白浪淮海長波接遠天叢竹凝朝
露孤山起暝煙賴有邊城月常伴客旌懸東南美箭
稱吳會名都隱軫三江外塗山執玉應昌期曲水開
襟重文會仙館流音鳴鶴嶺寶劍分輝落蛟瀨未看

人部

卷八十二

二十一

感舊

白馬對蘆芻且覺浮雲似車蓋江南節序多文酒屢
經過共踏春江曲俱唱採菱歌舟移疑入鏡棹舉若
乘波風光無限極歸櫂礙池荷眺聽煙霞正流盼卽
從王事歸艫轉芝田花發屢徘徊金谷春明重遊衍
登高南適嗤梁叟憑軾西征想潘掾峰開華岳聳疑
蓮水激龍門急如箭人事謝光陰俄遭霜露侵偷存
七尺影分沒九泉深窮途行泣玉憤路未藏金茹荼
徒有歎懷櫓獨傷心年來歲去成銷鑠懷抱心期漸
寥落挂冠裂冕已辭榮南畝東臯事耕鑿賸留客院
常疎散蓬徑柴扉終寂寞自有林泉堪隱棲何必山

中事丘壑我住青門外家臨素湍濱遙瞻丹鳳閣斜
望黑龍津荒衢通獵騎窮巷抵樵輪時有桃源客來
訪竹林人昨夜琴聲奏悲調旭日含嘔不成笑果乘
驄馬發寶書復道郎官稟綸誥治長非罪曾縲絏長
徧然灰也經溺高門有闕不圖封峻筆無聞歛敷妙
通離京兆謗還從御史彈炎威資夏景平曲况秋翰
止地終難入書空自不安吹毛未可待搖尾且求餐
大夫坎壈多愁疾契闊連遭盡今日慎罰寧憑兩造
辭嚴科直挂三章律鄒衍銜悲衝燕獄李斯抱怨拘
秦格不應白髮頭成絲直為黃沙暗如漆紫禁終難
入部

卷八十二

三十三 感舊

呼朱門不易排驚魂聞葉落危魄逐輪埋霜威遙有
厲雪枉更無階舍冤欲誰道飲氣獨居懷忽聞驛使
發關東傳道天波萬里通涸鱗去轍終遊海幽禽釋
網便翔空舜澤堯曦方有極謾言巧佞尚無窮誰能
踟躕依三輔會就商山訪四翁

至端州驛見杜五審言沈三仝期闌五朝隱王

二無競題壁慨然成詠 唐宋之間初

北地承嚴譴謂到南中每相見 南中岐路
多千山萬水分鄉縣雲搖雨散各翻飛海闊天長音
信稀處處山川同瘴癘自憐能得幾人歸

答宋主簿 并序

唐盧藏用 初

宋主簿鳴臯夢趙六予未及報而陳子云亡追為
此詩答宋兼貽平息遊舊

琴川罕停波朝雲無留色故人琴與詩可存不可識
識心尚可親琴詩非故人鳴臯初夢趙蜀國已悲陳
感化傷淪滅魂交惜未申冥期失幽報茲理復今晨
前差成後泣已矣將何及舊感與新悲虛懷疇昔時
侯鴻實氣獨負青雲姿羣有含妙識衆象懸清機
雜談盡物變精義解人願在陰既獨善幽躍自為疑
曉彼千里足傷哉一尉欺陳生富清理卓犖兼文史

入部

卷八十二

三十三 感舊

恩縈巫山雲調逸岷江水鏗鏘哀忠義感激懷知已
負劒登薊門孤遊入燕市浩歌去京國歸守西山趾
幽居探元化立言見千祀埋沒經濟情良圖竟云已
坐憶平生遊十載懷高丘題書滿古壁採藥遍巖幽
子微化金鼎僊筌不可求榮哉宋與陸名宦美中州
存亡一睽阻岐路方悠悠自余事山海及茲人世改
傳聞當世榮皆入古人名無復平原賦空餘鄭簡聲
泣對西州使悲訪北邙新墳蔓宿草舊闕毀殘銘
為君成此曲因言寄友生默語無窮事凋傷共此情
奉和姚令公溫湯舊館永懷故人盧公之作

唐蘇頌初

樹德豈孤邁降神良並出偉茲廊廟楨調彼鹽梅實
正悅虞垂舉翻悲鄭僑卒同心不可忘交臂何為失
清路荷前幸明時稱右弼曾聯野外遊尚記帷中密
新慟情莫遣舊遊詞更述空令還和辱長感知音日
登河陽斗門見張貞期題望黃河詩因以感興

唐崔曙盛

吾友東南美昔聞登此樓人從川上去書在壁中留
嚴子好真隱謝公耽遠遊清風初作頌夏日復銷愁
詩與文字古跡隨山水幽已辜蒼生望空見黃河流

人部

卷八十二

王四

感舊

榮樂春將晚悲涼物似秋天高不可問掩泣赴行舟

對酒憶賀監二首并序

唐李白盛

太子賓客賀公於長安紫極宮一見予呼予為謫
仙人因解金龜換酒為樂後對酒悵然有懷而
作是詩

四明有狂客風流賀季真長安一相見呼我謫仙人
昔好杯中物今為松下塵金龜換酒處却憶淚沾巾

二

狂客歸四明山陰道士迎勅賜鏡湖水為君臺沼榮
人亡餘故宅空有荷花生念此杳如夢淒然傷我情

懷舊

唐杜甫盛

地下蘇司業親情獨有君那因喪亂後便有死生分
老罷知明鏡悲來望白雲自從失詞伯不復更論文

憶昔二首

唐杜甫盛

憶昔先皇巡朔方千乘萬騎入咸陽陰山驕子汗血
馬長驅東胡胡走藏鄴城反覆不足怪關中小兒壞
紀綱張后不樂上為忙至今今上猶撥亂勞心焦思
補四方我昔近侍叨奉引出兵整肅不可當為留猛
士守未央致使岐雍防西羌犬戎直來坐御牀百官
跣足隨天王願見北地傅介子老儒不用尚書郎

人部

卷八十三

二十五

感舊

憶昔開元全盛日小邑猶藏萬家室稻米流脂粟米
白公私倉廩俱豐實九州道路無豺虎遠行不勞苦
日出齊統魯縞車斑斑男耕女桑不相失宮中聖人
奏雲門天下朋友皆膠漆百餘年間未災變叔孫禮
樂蕭何律豈聞一絹直萬錢有田種谷今流血洛陽
宮殿燒焚盡宗廟新除狐兔穴傷心不忍問耆舊復
恐初從亂離說小臣魯鈍無所能朝廷記識蒙祿秩
周宣中興望我皇灑血江漢長衰疾

同山陽懷舊

唐劉長卿中

舊日仙成處荒林客到稀白雲將犬去芳草任人歸

空谷無行徑深山少落暉桃源幾家住誰爲掃荆扉

重九登滁城樓憶前歲九日歸澧上赴崔都水

及諸弟讌集悽然懷舊

唐韋應物中

今日重九讌去歲在京師聊迴出省步一赴郊園期

嘉節始云邁周辰已及茲秋山滿清景當賞屬垂離

凋散民里闕摧翳衆木衰樓中一長嘯惻愴起涼颼

東林精舍見故殿中鄭侍御題詩追舊書情涕

泗橫集因寄呈閬豐州馮少府唐韋應物中

仲月景氣佳東林一登歷中有故人詩淒涼在高壁

精思長懸懷一作世音容已歸寂墨澤傳酒餘磨滅親

人部 卷八十二 三六 感舊

翰迹平生忽如夢百事皆成昔結騎京華年揮文篋

簡積朝廷重英彥時輩分珪璧永謝柏梁陪獨闕金

門籍方嬰存沒感豈暇林泉適雨餘山景寒風散花

光夕新知雖滿堂故情誰能覲唯當同時友緘寄空

悽感

張彭州前與緱氏馮少府各惠寄一篇多故未

荅張已云沒因追哀叙事兼達簡馮生

唐韋應物中

君昔掌文翰西域復石渠朱衣乘白馬輝光照里閭

余時忝南省接讌媿空虛一別守茲郡蹉跎歲再除

長懷關河表永日簡牘餘郡中有方塘涼閣對紅蕖

金玉蒙遠貺篇詠見吹噓未荅平生意已沒九原居

秋風吹寢門長慟涕連如覆視絨中字奄爲昔人書

髮鬢已云白交友日彫疎馮生遠同恨憔悴在田廬

洲鄭戶曹驪山感懷

唐韋應物中

蒼山何鬱盤飛閣凌上清先帝昔好道下元朝百靈

白雲已蕭條麋鹿但縱橫泉水今尚暖舊林亦青青

我念綺襦歲屨從當太平小臣職前驅馳道出灞亭

翻翻日月旗殷殷鼙鼓聲萬馬自騰驤八駿按轡行

日出煙嶠綠氛氲麗層臺登臨起遐想沐浴歡聖情

人部 卷八十二 三七 感舊

朝讌詠無事時豐賀國禎日和絃管音下使萬室聽

海內輳朝貢賢愚共歡樂合沓車馬喧西聞長安城

事往世如寄感深迹所經申章報蘭藻一望雙冷零

同劉二十八院長述舊言懷感時書事奉寄澧

州張員外君五十二韻之作因其韻通贈二

君子 唐柳宗元中

弱歲遊玄圃先客幸棄瑕名勞長者記文許後生誇

鸞翼嘗披隼蓬心賴倚麻繼酬天祿署俱尉旬侯家

憲府初收跡丹墀共拜嘉分行參瑞獸傳點亂宮鴉

執簡寧循枉持書每去邪鸞凰標魏闕熊虎負崇牙

辨色宜相顧傾心自不諱金爐火流月紫殿啓晨楹
未竟遷喬樂俄成失路嗟還如渡遼水更似謫長沙
別怨秦城暮途窮越嶺斜訟庭閑枳棘候吏逐麋麕
三載皇恩暢千年聖曆遐朝宗延架海師役罷梁差
京邑搜貞幹南宮步渥洼世推材是梓人仰驥中驂
欵刺苗人地仍逾贛石崖禮容乘輿奏戎備響鉦銀
寵卽卽官舊威從太守加建旗翻驚鳥負弩繞文蛇
冊府榮八命中闈盛六珈肯隨胡質矯方惡馬融奢
褒德符新換懷仁道并遮俗嫌龍節晚朝訝介圭賒
禹貢輸苞匭周官賦秉托雄風吞七澤異產控三巴

人部

卷八十二

三十九

感舊

卽事觀農稼因時展物華秋原被蘭葉春渚漲桃花
蹀躞騶先駕龍銅鼓報衙染毫東國素濡印錦谿砂
貨積舟難泊人歸山倍舍吳歛工折柳楚舞舊傳芭
隱几松爲曲傾罇石作汗寒初榮橘柚夏首薦枇杷
祀變荆巫禱風移魯婦髻已聞施愷悌還覩正奇裘
慕友慚連壁言姻喜附葭沈埋全死地流落半生涯
入郡腰常折逢人手盡又貯愁聽夜雨隔淚數殘葩
耳靜煩喧蟻魂驚怯怒蛙風枝散陳葉霜蔓綻寒瓜
露密前山桂水枯曲沼遶思鄉比莊舄遜世遇畦夸
漁舍荒草林橋卧古槎御寒食用罽挹水勺仍柳

槐靈惟潛蜎薨涎競綴蝸引泉開古竇護藥挿新色
樹怪花因榭蟲憐目待蝦已看能奴來類鼈猶訝雉
爲鷄誰采中原菽徒巾下澤車俚兒供苦筍僉父饋
酸醯勸策扶危杖邀持當酒茶道流徵短褐禪客會
袈裟香飯春菰米珍蔬折五茹方期飲甘露更欲吸
流霞屋鼠從穿穴林狙任攫拏春衫裁白紵朝帽挂
烏紗屢歎恢恢網頻搖肅肅置共思捐佩處千騎擁
青綢

長沙驛前南樓感舊

唐柳宗元

海鶴一爲別存亡三十秋今年數行淚獨上驛南樓

人部

卷八十三

三十九

感舊

段九秀才處見亡友呂衡州書唐柳宗元
交似平生意最親衡陽往事似分身袖中忽見三行
字拭淚相看是故人

徵還京師見舊番官馮叔達

唐劉禹錫

前者匆匆僕馬行十年顛顛到京城南宮舊吏來相
問何處淹留白髮生

漢州日夕遊房公西湖

唐李德裕

丞相鳴琴地何年黯玉微房公好琴聲聞海內偶因微月夕重
敞故樓扉桃李蹊空在芙蓉客暫依唯憐濟川楫長
與夜舟歸

重題

唐李德裕中

晚日臨寒渚微風發權謳鳳城波自闊魚水運難留
亭古思宏棟川長憶濟舟想公高世志祗似化城遊

華清感舊

唐王建中

塵到朝元邊使急千官夜發六龍迴輦前月照羅衫
淚馬上風吹蠟燭灰公主妝樓金鎖澀貴妃湯殿玉
池開有時雲外聞天樂知是先皇沐浴來

主人故亭

唐王建中

主人昔專城南起高亭貴與賓客遊工者夜不寧
酒食宴圃人裁接望早成經年使家僮遠道求異英

人部

卷八十二

三十

感舊

郡中暫閑暇遶樹引諸生世間事難保一日各徂征
死生不相及花落實方榮舊島日日摧池水不復清
豈無後人賞所貴手自營澆酒向所思風起如有靈

哀孟雲卿嵩陽荒居

唐孟郊中

戚戚抱幽獨晏晏沈荒居不聞新歡笑但覩舊詩書
藝蘼意彌苦耕山食無餘定交昔何在至戚今或疎
薄俗易銷歇浮風難久舒秋蕪上石堂寒槿落枯渠
雜草恐傷蕙攝衣自理鋤殘芳亦可餌遺秀誰忍除
徘徊未能去為爾涕漣如

逢江南故書上人會中鄭方回

上人在年手札五十篇相贈云

以爲他日之念

唐孟郊中

相逢失意中萬感因語至追思東林日掩抑北邱淚
筐篋有遺文江山舊清氣塵生逍遙注墨故飛動字
荒毀碧澗居虛無青松位珠沈百泉暗月死羣象闕
永謝平生言知音豈容易

李少府廳弔李元賓遺字

唐孟郊中

零落三四字忽成千萬年那知冥冥客不有補亡篇
斜月弔空壁旅人難獨眠一生能幾時百慮來相煎
戚戚故交淚幽幽長夜泉已矣難重言一言一潸然

覽崔爽遺文因抒幽懷

唐孟郊中

人部

卷八十二

三十

感舊

隋淚數首文悲結千里墳蒼髮且留我白日空遺君
仙鶴未巢月衰鳳先墜雲清風獨起時舊語如再聞
瑤草罷葳蕤桂花休氛氲萬物與我心相感吳江濱
夜聞筆中彈蕭湘送神曲

唐白居易中

憶昔

唐韋莊晚

昔年曾向五陵遊子夜歌清月滿樓銀燭樹前長似
畫露桃花下不知秋西園公子名無忌南國佳人號
莫愁今日亂離俱是夢夕陽唯見水東流

饒州餘干縣琵琶洲有故韓賓客宣城裴尚書

修行李侍郎舊居遺址猶存有過之感舊

因以和吟

唐韋莊晚

琵琶洲水斗牛星鸞鳳曾於此放情已覺地靈因昂
降更聞川媚有珠生一灘紅樹留佳氣萬古清絃續
政聲戟戶盡移天上去里人空說舊簪纓

感舊陳情五十韻獻淮南李僕唐溫庭筠晚

嵇紹垂髫日山濤筮仕年琴樽陳席上統綺拜牀前
鄰里繞三徒雲霄已九遷感深情懷悅言發淚潺湲
憶昔龍圖盛方今鶴羽全桂枝香可襲楊葉舊頻穿

人部

卷八十二

三

感舊

玉籍標人瑞金丹化地仙賦成攢筆寫歌出滿城傳
既矯排虛翅將持造物權萬靈思鼓鑄羣品待陶甄
視草絲綸出持綱雨露懸法行黃道內居近翠華邊
書迹臨湯鼎吟聲接舜絃白麻紅燭夜清漏紫微天
雷電隨神筆魚龍落彩牋閑宵陪雍時清暑在甘泉
耿介非持祿優游是養賢水清臨百粵風靡化三川
委寄崇推轂威儀壓控弦梁園提轂騎淮水換戎旃
照日清油濕迎風錦帳鮮黛蛾陳二八珠履列三千
舞轉迴紅袖歌愁歛翠鈿滿堂開照曜分座儼嬋娟
油額芙蓉帳香塵玳瑁筵繡旗隨月影金陣似波旋

緹幕深迴五朱門暗接連彩虬蟠畫戟花馬立金韉
有客將誰託無媒竊自憐抑揚中散曲漂泊孝廉船

未展千時策徒拋負郭田轉蓬猶邈爾懷橘更潛然
投足乖蹊逕冥心向簡編未知魚躍地空媿鹿鳴篇
稷下期方至漳濱病未痊定非龍外鳥真是鰲中蟬
蕙逕鄰幽澹荆扉興靜便草堂苔點點蔬圃水濺濺

釣罷綸雲重樵歸澗月圓懶多成宿疾口甚似春眠
木直終難怨膏明只自煎鄭鄉空健羨陳榻未招延
旅食逢春盡羈遊爲事牽宦無毛義檄婚乏阮脩錢
再弱營中柳披敷幕下蓮儻能容委質非敢望差肩

人部

卷八十二

三

感舊

濯劍猶堪淬餘朱或可研從師當鼓篋窮理久忘筌
折簡能榮瘁遺簪莫棄捐韶光如見昔寒谷變風煙

撰彭陽公誌文畢有感

唐李商隱晚

延陵留表墓峴首送沈碑敢伐不加點猶當無媿辭
百生終莫報九死諒難追待得生全後川原亦幾移

贈趙協律哲

唐李商隱晚

俱識孫公與謝公二年歌哭處皆同已叨鄒馬聲華
末更共劉盧族望通恩與趙俱出今吏部相公門下
皆是安平又同爲故尚書安平公所知後

公去姪 南省恩深賓館在東山事往妓樓空不堪
歲暮相逢地我欲西征君又東

往年隨故府吳興公夜泊蕪湖口今赴官西去
再宿蕪湖感舊傷懷因成十六韻

唐杜牧 聯

南指陵陽路東流似昔年重恩山未荅雙鬢雪飄然
數仞慚投跡羣公媿拍肩駑駘蒙錦繡塵土浴潺湲
郭隗黃金峻虞卿白璧鮮貌貅環玉帳鸚鵡破蠻牋
極浦沈碑會秋花落帽筵旌旗明迴野冠佩照神仙
籌畫言何補優容道實全謳謠人撲地雞犬樹連天
紫鳳超如電青襟散似煙蒼生未經濟墳草已芊綿
往事唯沙月孤燈但客船峴山雲影畔棠葉水聲前

八部

卷八十一

三十四

感舊

故國還歸去浮生亦可憐高歌一曲淚明日夕陽邊

陪昭應盧郎中在江西宣州佐今吏部沈公幕

罷府周歲公宰昭應牧在淮南厥職叙舊成

二十二韻用以投寄

唐杜牧 聯

燕鴈下揚州涼風柳陌愁可憐千里夢還是一年秋
宛水環朱檻章江敞碧流謬陪吾益友祗事我賢侯
印組榮光馬銕鉞看解牛井間安樂易冠蓋恆依投
政簡稀閑閣功成每運籌送春經野塢遲日上高樓
玉裂歌聲斷霞飄舞帶收泥情斜拂印別臉小低頭
日晚花枝爛紅凝粉彩稠未曾孤酌酹剩肯隻淹留

重德俄徵寵諸生苦宦遊分途之絕國麗淚拜行轡
聚散真漂梗光陰轉郵銘心徒歷歷屈指盡悠悠
君作烹鮮用誰膺公席求卷懷能憤悱卒歲且優游
去矣時難遇沽哉價莫酬滿枝爲鼓吹衷甲避戈矛
隋帝宮荒草秦王土一丘相逢好大笑除此總雲浮
三川驛伏覽座主舍人留題 唐杜牧 聯

見宋拾遺題名處感而成詩 唐杜牧 聯

竄逐窮荒與死期餓唯蒿藿病無醫伶君更抱重泉

八部

卷八十二

三十五

感舊

恨不見崇山謫去時

感舊

唐羅隱 聯

劍珮孫弘閣戈鋌太尉營重言虛有位孤立竟無成
血墮筋蕭咽池臺歲月平此恩何以報歸處是柴荆

重過隨州故兵部李侍郎恩知因抒長句

唐羅隱 聯

莊周高論伯牙琴閑夜思量淚滿襟四海共誰言近
事九原從此負初心鷗翻漢浦風波急鴈下鄖谿霧
雨深慚愧蒼生還有意解歌襦袴至今

篋中得故王郎中書

唐羅隱 聯

鳳皇前年別望郎丁寧唯恐滯吳鄉勸疎杯酒知妨
事乞與書題作裏糧華鹿未能移海曲縣花尋已落
河陽九原自此無因見反覆遺踪淚萬行

感故府二首

唐李建勳

戚戚復戚戚期懷安可釋百年金石心中路生死隔
新墳應草合舊地空苔色白日燈檠疑塵滿几席

二

恒恒復恒恒思君安可及永日在堦前披衣隨風立
南樓暮角斷遠樹寒鴉集惆悵幾行書遺蹤墨猶濕
公安縣遠安寺水亭見展公題壁漂然淚流因

八部

卷八十二

三十六

感舊

書四韻

唐

碧淵去年會與師三兩人今來見題壁師已是前身
艾葉迎僧夏楊花度俗春空將數行淚洒遍塔中塵

詩集類函卷八十二

詩集類函卷八十三

東吳俞安期彙纂

宣城梅鼎祚增定

海陽吳元維訂校

八部二十五

舊遊 懷賢

○舊遊

少遊荆湘因有是題

唐沈佺期

峴北焚蛟浦巴東射雉田歲時宜楚俗耆舊在襄川
憶昨經過處離今二十年因君訪生死相識幾人全
宿廬江寄廣陵舊遊

唐孟浩然

山暝聽猿愁蒼江急夜流風鳴兩岬葉月照一孤舟

八部

卷八十三

舊遊

建德非吾土維揚憶舊遊還將兩行淚遙寄海西頭

寄趙七侍御

唐李華

自餘干谿行經弋陽至上饒山川幽麗思與雲卿
同遊邈不可得因叙疇年之素寄懷於篇云

搖槳曙江流江清山復重心愜賞未足川迴失前峰
凌灘出極浦曠若天池通君陽青嵯峨闕折混元中
九潭魚龍窟仙成羽人宮陰奧潛鬼物精光動煙空
玄猿啼深龍白鵬戲葱蒙飛湍鳴金石激溜鼓雷風
雨濯萬木鮮霞照千山濃草閒長餘綠花淨落幽紅
渚煙見晨釣山月聞夜春覆谿窈窕波涵石淘溶溶

丹丘忽聚散素壁相奔衝白日破昏靄靈山出其東
勢排昊蒼上氣壓吳越雄迴頭望雲卿此恨發吾衷
昔日蕭邵遊四人纔成童屬詞慕孔門入仕希上公
緯卿陷非罪折我昆吾鋒茂挺獨先覺拔身渡京虹
斯人謝明世百代墜鷁鴻世故墜橫流與君哀路窮
相顧無死節蒙恩殊封天波洗其瑕朱衣備朝容
一別迅十年豈期復相從餘生得攜手遺此兩孱翁
羣遷失鷁羽後凋惜長松衰旅難重別悽悽滿心胸
遇勝悲獨遊貪奇悵孤蓬禽尚彼何人胡爲束樊籠
吾師度門教授并躡遐蹤

八部

卷八十三

二

舊遊

海上憶洛中舊遊

唐獨孤及

涼風臺上三峰月不夜城邊萬里沙離別莫言關塞
遠夢魂常在子陵家

憶秋浦桃花舊遊時

唐李白

桃花春水生白石今出沒搖蕩女蘿枝半挂青天月
不知舊行徑初拳幾枝蕨三載夜郎還於茲煉金骨

憶舊遊寄譙郡元參軍

唐李白

憶昔洛陽董糟丘爲余天津橋南造酒樓黃金白璧
買歌笑一醉累月輕王侯海內賢豪青雲客就中與
君心莫逆迴山轉海不作難傾情倒意無所惜我向

淮南攀桂枝君留洛北愁夢思不忍別還相隨相隨
迢迢訪仙城三十六曲水迴縈一谿初入千花明萬
壑度盡松風聲銀鞍金絡倒平地漢東太守來相迎
紫陽之真人邀我吹玉笙餐霞樓上動仙樂嘈然宛
似鸞鳳鳴袖長管催欲輕舉漢中太守醉起舞手持
錦袍覆我身我醉橫眠枕其股當筵意氣凌九霄星
離雨散不終朝分飛楚關山水遙余旣還山尋故巢
君亦歸家渡渭橋君家嚴君勇貌虎作尹并州遇戎
虜五月相呼度太行摧輪不道羊腸苦行來北涼歲
月深感君重意輕黃金瓊杯綺食青玉案使我醉飽

八部

卷八十三

三

舊遊

無歸心時時去向城西曲晉祠流水如碧玉浮舟弄
水簫鼓鳴微波龍鱗莎草綠興來攜妓恣經過其若
楊花似雪何紅妝欲醉宜斜日百尺青潭寫翠娥翠
娥嬋娟初月輝美人更唱舞羅衣清風吹歌入空去
歌曲自繞行雲飛此時行樂難再遇西遊因獻長楊
賦北闕青雲不可期東山白首還歸去渭橋南頭一
遇君鄭臺之北又離羣問余別恨知多少落花春暮
爭紛紛言亦不可盡情亦不可極呼兒長跪緘此辭
寄君千里長相思

昔遊

唐杜甫

昔謁華蓋君綠袍崑玉脚人棺已上天白日亦寂寞
暮升良岑頂巾几猶未却弟子四五人入來淚俱落
余時遊名山發軔在遠壑良覲違夙願含妻向寥廓
林昏罷幽磬竟夜伏石閣王喬下天壇微月映皓鶴
晨谿嚮虛駛歸徑行已昨豈辭青鞋照恨望金七藥
東蒙赴舊隱尚憶同志樂伏事董先生於今獨蕭索
胡爲客關塞道意久衰薄妻子亦何人丹砂負前諾
雖悲髮鬢變未憂筋力弱杖藜望清秋有興入廬霍

昔遊

唐杜甫 盛一

昔與高李輩晚登單父臺寒蕪際碣石萬里風雨來

入部

卷八十三

四

昔遊

桑柘葉如雨飛霍共徘徊清霜大澤凍禽獸有餘哀
是時倉廩實洞達寰區開猛士思滅胡將帥望三台
君王無所惜駕馭英雄材幽燕盛用武供給亦勞哉
吳門轉粟帛泛海陵蓬萊肉食三十萬獵射起黃埃
隔河憶長眺青歲已摧頽不及少年日無復故人杯
賦詩獨流涕亂世想賢才有能市駿骨莫恨少龍媒
商山議得失蜀主脫嫌疑呂尚封國邑傳說已鹽梅
景晏楚山深水鶴去低回龐公任本性攜子卧蒼苔

壯遊

唐杜甫 盛

往者十四五出遊翰墨場斯文崔魏徒以我似班揚

七齡思卽壯開口詠鳳皇九齡書大字有作成一囊
性豪業嗜酒嫉惡懷剛腸脫略小時輩結交皆老蒼
飲酣視八極俗物都茫茫東下姑蘇臺已具浮海航
到今有遺恨不得窮扶桑王謝風流遠闔廬丘墓荒
劔池石壁仄長洲芰荷香嗟峨閭門北清廟映迴塘
每趨吳太伯撫事淚浪浪枕戈憶句踐渡浙想秦皇
蒸魚聞七首除道哂要章越女天下白鑑湖五月涼
剡谿蘊秀異欲罷不能忘歸帆拂天姥中歲貢舊鄉
氣劇屈賈壘目短曹劉牆忤下考功第獨辭京尹堂
放蕩齊趙間裘馬頗清狂春歌叢臺上冬獵青丘旁

入部

卷八十三

五

昔遊

呼鷹早極林逐獸雲雪岡射飛曾縱鞚引臂落鵝鶻
蘇侯據鞍喜忽如攜葛彊快意八九年西歸到咸陽
許與必詞伯賞遊實賢王曳裾置醴地奏賦入明光
天子廢食召羣公會軒裳脫身無所愛痛飲信行藏
黑貂不免弊斑鬢元稱觴杜曲老耆舊四郊多白楊
坐深鄉黨敬日覺死生忙朱門任傾奪赤族迭罹殃
國馬竭粟豆官雞輸稻粱舉隅見煩費引古惜興亡
河朔風塵起岷山行幸長兩宮各警蹕萬里遙相望
崆峒殺氣黑少海旌旗黃禹功亦命子涿鹿親戎行
翠華擁吳嶽螭虎噉豺狼牙一不中胡兵更陸梁

大軍載草草凋瘵滿膏肓備員竊補衮憂憤心飛揚
上感九廟焚下憫萬民瘡斯時伏青蒲廷諍守御牀
君辱敢愛死赫怒幸無傷聖哲體仁恕宇縣復小康
哭廟灰燼中鼻酸朝未央小臣議論絕老病客殊方
鬱鬱苦不展羽翮困低昂秋風動哀壑碧蕙捐微芳
之推避賞從漁父濯滄浪榮華敵勛業歲暮有嚴霜
吾觀鴟夷子才格出尋常羣兇逆未定側佇英俊翔

懷灞上遊

唐杜甫

悵望東陵道平生灞上遊春濃停野騎夜宿敞雲樓
離別復誰在經過老自休眼前今古意江漢一歸舟

人部

卷八十三

六

舊遊

月晦憶去年與曲水親友

唐韋應物

聊賞念前歲京國結良儔騎出宣平里飲對曲池流
今朝隔天末空園傷獨遊雨歇林光變塘綠鳥聲幽
洲畔積逋稅華鬢集新秋誰言戀虎符終當還舊丘

憶江南舊遊二首

唐羊士諤

山陰道上桂花初王謝風流滿晉書曾作江南步從
事秋來遠復憶鱸魚
曲水三春弄綵毫樟亭八月又觀濤金罍幾醉烏程
酒鶴舫閑吟把蟹螯

思江南舊遊

唐張籍

江臯三月時花發石榴枝歸客應無數春山自不知
獨行愁道達廻信畏家移楊柳東西渡茫茫欲問誰

憶鄱陽舊遊

唐顧况

悠悠南國思夜向江南泊楚客斷腸時月明楓子落
再遊龍門懷舊侶

嘗與寶黃州洛陽韓丞淹
池李丞密鄰二對同遊

唐元稹

兩山鬱相對晨策方上干靄靄眺都城悠悠俯清瀾
邈矣二三子茲焉屢遊盤良時忽已周獨往念前歡
好鳥始云至衆芳亦未闌遇物豈殊昔慨傷自有端
想東遊

并序

唐白居易

人部

卷八十三

七

舊遊

太和三年予病免官後憶遊浙右數郡兼思到越
一訪微之故兩浙之間一物已上想皆在目吟且
成篇亦猶孫興公想天台山而賦之也

海內時無事江南歲有秋生民皆樂業地主盡賢侯
郊靜銷戎馬城高逼斗牛平河七百里沃壤二三州
坐有湖山趣行無風浪憂食寧妨解纜寢不廢乘流
泉石諧天竺煙霞識虎丘餘芳認蘭澤遺詠思蘋洲
菡萏紅塗粉菰蒲綠潑油鮮差漁戶舍綺錯稻田溝
紫洞藏仙窟玄泉貯怪湫精神昂老鶴姿彩媚潛蚪
靜閱天工妙開窺物狀幽投竿出比目擲果下獼猴

味苦蓮心小漿甜蔗節稠橘苞從自結藕孔是誰鏤
逐日移潮信隨風變棹謳遞夫交烈火候吏次鳴騶
梵塔形疑踊閭門勢欲浮客迎攜酒檻僧待置茶甌
小宴閑談笑初筵雅獻酬稍催朱蠟炬徐動碧牙籌
圓盞飛蓮子長裾曳石榴柘枝隨盡鼓調笑從香毬
幕卷雲飄檻簾褰月露鈎良辰宜酌酹卒歲好優游
鱖鱖鮮仍細尊絲滑自柔飽餐爲日計穩睡是身謀
物表疎形役人寰足悔尤蛾須達燈燭免勿近置罍
幻世春來夢浮生水上鷗百憂中莫入一醉外何求
未死癡王湛無兒老鄧攸蜀琴安膝上周易在牀頭

人部

卷八十三

八

舊遊

人去無程客行行不繫舟一吟江月別七見日星周
珠玉傳新什鷁鷺念故儔懸旌心宛轉束楚意綢繆
驛舫妝青雀官槽餽紫驕鏡湖期遠泛禹穴約冥搜
預掃題詩壁先開望海樓飲思親履舄宿憶並衾稠
志氣吾衰也風情子在不應須相見後別作一家遊
重到江州感舊遊題郡樓十一韻

唐白居易中

掌綸知是忝剖竹信爲榮才薄官仍重恩深責尚輕
昔微從典午今出自承明鳳詔休揮翰漁歌欲濯纓
還葉小樓艤却到古湓城醉客臨江待禪僧出郭迎

青山滿眼在白髮半頭生又校三年老何曾一事成
重過蕭寺宿宿再上庾樓行雲水新秋思閨闥舊日情
郡民猶認得司馬詠詩聲

憶江南詞三首

唐白居易中

江南好風景舊曾諳日出江花紅勝火春來江水綠
如藍能不憶江南

江南憶最憶是杭州山寺戶中尋桂子郡亭枕上看
潮頭何日更重遊

江南憶其次憶吳宮吳酒一杯春竹葉吳娃雙舞醉
芙蓉早晚復相逢

人部

卷八十三

九

舊遊

憶舊遊寄劉蘇州

唐白居易中

憶舊遊舊遊安在哉舊遊之人半白首舊遊之地多
蒼苔江南舊遊凡幾處就中最憶吳江隈長洲苑綠
柳萬樹齊雲樓春酒一杯開門曉嚴旗鼓出臯橋夕
關船舫迴脩娥慢臉燈下醉急管繁絃頭上催六七
年前狂爛熳三千里外思徘徊李娟張態一春夢周
五股三歸夜臺虎丘月色爲誰好娃宮花枝應自開
賴得劉郎解吟詠江山氣色合歸來

憶長洲

唐許渾晚

香徑小船通菱歌遶故宮魚沈秋水靜鳥宿暮山空

荷葉橋邊雨蘆花海上風歸心無處託高枕盡屏中

洛中秋日

唐許渾

故國無歸去官閑憶遠遊吳僧秣陵寺楚客洞庭舟
久病先知雨長貧早覺秋壯心能幾許伊水更東流

思越中舊遊寄友

唐方干

何外山川無越國依稀只是劔門西鏡中疊浪搖星
斗城上繁花咽鼓聲斷臂青猿啼玉笥成羣白鳥下
耶谿此中曾是同遊處迢遞尋君夢不迷

懷鍾陵舊遊

唐杜牧

一謁征南最少年虞卿雙壁截肪鮮歌謠千里春長

八部

卷八十三

十

舊遊

暖絲管高臺月正圓玉帳軍籌羅俊彥絳帷環珮立
神仙陸公餘德機雲在如我訓恩合執鞭

念昔遊

唐杜牧

李白題詩水西寺宣州涇縣古木迴巖樓閣風半醒半醉
遊三日紅白花開山雨中

夏日因懷陽羨舊遊寄裴書

唐喻鳬

落日太湖西波涵萬象低藕花薰浦渚菱蔓匿鳬鷺
樹及長橋盡灘迴十里迷還應坐籌暇時一夢荆谿

懷賢

五君詠五首

宋顏延之

阮步兵

阮公雖淪跡識密鑒亦洞沈醉似埋照寓辭類託諷
長嘯若懷人越禮自驚衆物故不可論途窮能無慟

嵇中散

中散不偶世本自餐霞人形解驗默仙吐論知凝神
立俗迂流議尋山洽隱淪鸞翮有時鍛龍性誰能馴

劉參軍

劉伶善閉關懷情滅聞見鼓鐘不足歡榮色豈能眩
韜精日沈飲誰知非荒宴頌酒雖短章深衷自此見

阮始平

八部

卷八十三

十一

懷賢

仲容青雲器實稟生民秀達音何用深識微在金奏
郭奕已心醉公山非虛覲屢薦不入官一麾乃出守

向常侍

向秀甘淡薄深心託毫素探道好淵玄觀書鄙章句
交呂既鴻軒攀嵇亦鳳舉流連河裏遊惻愴山陽賦

蜀四賢詠

司馬相如 嚴君平 王褒 楊雄

宋鮑照

渤渚水浴鳬春山玉抵鵲皇漢方盛明羣龍滿階閣
君平因世閒得還守寂寞閉簾注道德開卦述天爵
和如達生旨能屯復能躍陵令無人事毫墨時灑落

褒氣有逸倫雅績信炳博如令聖納賢金瑤易職絳
良遮神明遊豈伊覃思作玄經不期賞蟲篆夢散樂
首路或參差投駕均遠託身表既非我生內任豐薄

擬魏太子鄴中集詩八首并序 宋謝靈運

建安末余時在鄴宮朝遊夕讌究歡愉之極天下
良辰美景賞心樂事四者難并今昆弟友朋二三
諸彥共盡之矣古來此娛書籍未見何者楚襄王
時有宋玉唐景梁孝王時有鄒枚嚴馬遊者美矣
而其主不文漢武帝徐樂諸才備應對之能而雄
猜多忌豈獲晤言之適不誣方將庶必賢於今日

人部

卷八十三

十三 懷賢

爾歲月如流零落將盡撰文懷人感往增愴其辭

魏太子

百川赴巨海眾星環北辰照灼爛霄漢遙裔起長津
天地中橫潰家王拯生民區宇既蕩滌羣英必來臻
忝此欽賢性由來常懷仁况值眾君子傾心隆日新
論物靡浮說析理實敷陳羅縷豈闕辭窮究天人
澄觴滿金罍連榻設華茵急絃動飛聽清歌拂梁塵
莫一作言相遇易此歡信可珍

主祭

家本秦川貴公子孫遭亂流寓自傷情多

幽厲昔崩亂桓靈今板蕩伊洛既燎煙面嶠沒無象
整裝辭秦川秣馬赴楚壤沮漳自可美客心非外獎
常歎詩人言式微何由往上宰奉皇靈侯伯咸宗長
雲騎亂漢南宛一作紀郢皆掃盪排霧屬盛明披雲對
清明慶泰欲重疊公子特先賞不謂息肩願一旦值
陳響既作長夜飲豈顧棄日養

陳琳

表本初書記之士故述喪亂事多

人部

卷八十三

十三 懷賢

皇漢逢屯遭天下遭氛慝董氏淪關西表家擁河北
單民易周章窘身就羈勒豈意事乖已永懷戀故國
相公實勅王信能定螫賊復覩東都輝重見漢朝則
餘生幸已多矧廼值明德愛客不告疲飲讌遺景刻
夜聽極星爛一作朝遊窮曠黑哀哇動梁埃急觸盪
幽然且盡一日娛莫知古來惑

徐幹

少無宦情有箕穎之心事故仕世多素辭

伊昔家臨淄提攜弄齊瑟置酒飲膠東淹留甜高密
此歡謂可終外物始難畢搖蕩箕濮情窮年迫憂慄

末塗幸休明棲集建薄質已免負薪苦仍遊椒蘭室
清論事究萬美話信非一行觴奏悲歌永夜繫一作繼
白日華屋非蓬居時髦豈余匹中飲顧昔心悵焉若有失

劉楨

卓犖偏人而文最有氣所得頗經奇

貧居晏里閭少小長東平河充當衝要淪飄薄許京
廣川無逆流招納羣英北渡黎陽津南登宛一作紀

郢城既覽古今事頗識治亂情歡友相解達敷奏究
平生矧荷明哲顧知深覺命輕朝遊牛羊下暮坐括

入部

卷八十三

十四

懷賢

揭鳴終歲非一日傳厄弄清聲辰事既難諧歡願如
今并唯美肅肅翰續紛戾高冥

應瑒

汝穎之士流離世故頗有飄薄之歎

嗷嗷雲中鴈舉翮自委羽求涼弱水湄違寒長沙渚

領我梁一作涼

川時緩步集穎許一旦逢世難淪薄恒

羈旅天下昔未定託身早得所官渡厠一卒烏林預

艱阻晚節值衆賢會同庇天宇列坐蔭華棖金罇盈

清醕始奏延露曲繼以闌夕語調笑輒酬荅嘲詆無

慙沮傾軀無遺慮在心良已叙

阮瑀

管書記之任故有優渥之言

河洲多沙塵風悲黃雲起金羈相馳逐聯翩何窮已
慶雲惠優渥微薄攀多士念昔渤海時南皮戲清汎
今復河曲遊鳴葭汎蘭汜躡步臨丹梯並坐待君子
妍談既愉心哀音一作弄信睦耳傾酤係芳醕酌言豈
終始自從食萍來唯見今日美

平原侯植

公子不及世事但美遨遊然頗有憂生之嗟

朝遊登鳳閣日暮集華沼傾柯引弱枝攀條摘蕙草

入部

卷八十三

十五

懷賢

從倚窮騁望目極盡所討西顧太行山北眺邯鄲道
平衢脩且直白楊信裊裊副君命飲宴歡娛寫懷抱
良遊匪晝夜豈云晚與早衆賓悉精妙清辭麗蘭藻
一作蘭藻哀音下迴鶴餘哇徹清昊中山不知醉飲德方
覺飽願以黃髮期養生念將老

詠山濤王戎詩二首

并序

梁昭明太子

顏生五君詠不取山濤王戎余聊詠之焉

山公弘識量早厠竹林歡聿來值英主身遊廊廟端
位隆五教職才周五品官為君翻已易居臣良不難

二

濬冲如蕭散薄莫至中台微神歸鑒景晦行屬聚財
嵇生襲玄夜阮籍變青灰留連追宴緒墟下獨徘徊

四君贊

北史曰景淹帶門下積歲不至顯官以高才而無重位乃託意以贊之

北魏常景

長卿有艷才直致不羣性鬱若春煙舉皎如秋月映
遊梁雖好仁仕漢常稱病清貞非我事窮達委天命

右司馬相如

王子挺秀質逸氣干青雲明珠既絕俗白鶴信驚羣
才世苟不合遇否途自分空枉碧雞命徒獻金馬文

右王褒

人部

卷八十三

十一

懷賢

嚴君情沈靜立志明霜雪味道綜微言端著演妙說
才屈羅仲口位結李強舌素尚邁金貞清標陵玉微

右嚴君平

蜀江導清流揚子挹餘休含光絕後彥覃思邈前修
世輕久不賞玄談物無求當途謝權寵置酒得閑遊

右揚雄

五君詠五首

說諸岳州常麟麟不樂時宰以說機辯才畧相排擠蘇頌方大用說與頌父環善說因爲五君詠致書封其詩以貽頌誠其使曰當候忌日近暮送之是日近暮中客至多說先公僚舊願覽詩嘔咽流涕蓋曰對上陳說忠正審謂人望所屬不宜淪滯遐方上因降璽書勞問俄遷荊州長史由是陸象先存嗣立張柬之賈曾皆以謫逐

歲久因加甄叙類以父執友事之甚謹

唐張說

魏齊公

元忠

齊公生人表迴天聞鶴唳清論早揣摩玄心晚超詣
入相廊廟靜出軍沙漠霽見深呂祿憂舉後陳平計

甘心除君惡足以報先帝

蘇許公

環

許公信國楨克美具瞻情百事資朝問三章廣世程
處高心不有臨節自爲名朱戶傳新戟青松拱舊坐
淒涼丞相府餘慶在玄成

李趙公

嶠

人部

卷八十三

十一

懷賢

李公實神敏才華乃天授睦親何用新處貴不忘舊
故事遵臺閣新詩冠宇宙在人忠所奉惡我誠將宥
南浦去莫歸嗟嗟孫秀

郭代公

元振

代公舉鵬翼懸飛摩海霧志康天地屯適與雲雷遇
興喪一言決安危萬心注大勲書王府外一作命淪

江路勢傾北夏門哀靡東平樹

趙耿公

彥昭

耿公山岳秀才傑心亦妙驚鳥峻標立良玉扣清調
協贊休明啓恩華日月照何意瑤臺雲風吹落江徼

湘流下潯陽洒淚一投弔

濟上四賢詠

唐王維盛

崔錄事

解印歸田里賢哉此丈夫少年曾任俠晚節更爲儒
遁世東山下因家滄海隅已聞能狎鳥余欲共乘桴

成文學

寶劍千金裝登君白玉堂身爲平原客家有邯鄲娼
使氣公卿座論心游俠場中年不得志謝病客遊梁

鄭霍二山人

翩翩繁華子多出金張門幸有先人業早蒙明王恩

人部

卷八十三

十八

懷賢

童年且未學肉食驚華軒豈乏中林士無人薦至尊
鄭公老泉石霍子安丘樊賣藥不二價著書盈萬言
息陰無惡木飲水必清源吾賤不及議斯人竟誰論

三君詠

唐高適盛

開元中適遊於魏郡郡北有故太師鄭公舊館里
中有故尚書鄭公遺業邑外又有故太守狄公生
祠焉觀物增懷遂爲三君詠

魏鄭公微

鄭公經綸日隋氏風塵昏濟世取高位逢時敢直言
道光先帝業義激舊君恩寂寞卧龍處英靈千載魂

郭代公元振

代公實英邁津涯浩難識擁兵抗矯徵仗節歸有德
縱橫負才智顧盼安社稷流落勿重陳懷哉爲悽惻

狄梁公仁傑

梁公乃貞固勳烈垂竹帛昌言太后朝潛運儲君策
待賢開相府共理登方伯至今青雲人猶是門下客

八哀詩并序

唐杜甫盛

傷時盜賊未息興起王公李公歎舊懷賢終於張
相國八公前後存沒遂不詮次焉

司空王公思禮

人部

卷八十三

十九

懷賢

司空出東夷童稚刷勁翮追隨燕薊兒脫穎物不隔
服事哥舒翰意無流沙磧未甚拔行間大戎大充斥
短小精悍姿屹然強寇敵貫穿百萬衆出入由咫尺
馬鞍懸將首甲外控鳴鏑洗劍青海水刻銘天山石
九曲非外蕃其王轉深壁飛兔不近駕驚鳥資遠擊
曉達兵家流飽聞春秋癖曾襟日沈靜肅肅自有適
潼關初潰散萬衆猶辟易偏裨無所施元帥見手格
太子入朔方至尊狩梁益胡馬纏伊洛中原氣甚逆
肅宗登寶位塞望勢敦迫公時徒步至請罪將厚責
際會清河公房間道傳玉冊天子拜晚畢黨議果冰

釋翠華捲飛雪熊虎亘阡陌屯兵鳳凰山帳殷涇渭
關金城賊咽喉詔鎮雄所搤禁暴靖無雙爽氣春浙
瀝巷有從公歌野多青青麥及夫哭廟後復領太原
役恐懼祿位高悵望王土窄不得見清時嗚呼就窀
穸永繫五湖舟悲甚田橫客千秋汾晉間事與雲水
白昔觀文苑傳豈述廉蘭績嗟嗟鄧大夫鄧景山也士卒
終倒戟

司徒李公光弼

司徒天寶末北收晉陽甲胡騎攻吾城愁寂竟不愜
人安若泰山薊北斷右脇朔方氣乃蘇黎首見帝業
人部 卷八十三 二十 懷賢

二宮泣西郊九廟起頽壓未散河陽卒思明爲臣妾
復自碣石來火焚乾坤獵高視笑祿山公又大獻捷
異王冊崇勲小敵信所怯擁兵鎮河汴千里初安帖
青蠅紛營營風雨秋一葉內省未入朝死淚終映睫
大屋去高棟長城掃遺堞平生白羽扇零落蛟龍匣
雅望與英姿惻愴槐里接三軍晦光彩烈士痛稠疊
直筆在史臣將來洗箱篋吾思哭孤冢南紀阻歸楫
扶顛永蕭條未濟失利涉疲繭竟何人灑涕巴東峽
左僕射鄭國公嚴公武

鄭公瑚璉器華岳金天鼎昔在童子日已開老成名

崑然大賢後復見秀骨清開口取將相小心事友生
閱書百紙盡落筆四座驚歷職匪父任嫉邪常力爭
漢儀尚整肅胡騎忽縱橫飛傳自河隴逢人問公卿
不知萬乘出雪涕風悲鳴受詞劔閣道謁帝蕭關城
寂寞雲臺仗飄飄沙塞旌江山少使者笳鼓疑皇情
壯士血相視忠臣氣不平密論貞觀體揮發岐陽征
感激動四極聯翩收二京西郊牛酒再原廟丹青明
匡汲俄寵辱衛霍竟哀榮四登會府地三掌華陽兵
京兆空柳色尚書無履聲羣鳥自朝夕白馬休橫行
諸葛蜀人愛文翁儒化成公來雪山重公去雪山輕
人部 卷八十三 二十一 懷賢

記室得何遜韜鈴延子荆四郊失壁壘虛館開途迎
堂上指圖畫軍中吹玉笙豈無成都酒憂國只細傾
時觀錦水釣問俗終相并意待大戎滅人藏紅粟盈
以茲報主願庶或裨世程炯炯一心在沈沈二豎嬰
顏回竟短折賈誼徒忠貞飛旄出江漢孤舟轉荆衡
虛爲馬融笛悵望龍驤坐空餘老賓客身上媿簪纓

太子太師汝陽郡王璣寧王長子

汝陽讓帝子眉宇真天人虬髯似太宗色映塞外春
往者開元中主恩視遇頻出入獨非時禮異見羣臣
愛其謹潔極倍此骨肉親從容退朝後或在風雪晨

忽思格猛獸苑囿騰清塵羽旗動若一萬馬蕭駢駢
詔王來射鴈拜命已挺身箭出飛輕內上又一作回
翠麟翻然紫塞翻下拂明月輪胡人雖獲多天笑不
爲新王每中一物手自與金銀袖中諫獵書扣馬久
上陳竟無銜檄虞聖聰矧多仁官免供給費水有在
藻鱗匪唯帝老大皆是王忠勤晚年務置醴門引申
白賓道大容無能永懷侍芳茵好學尚貞烈義形必
霑中揮翰綺繡揚篇什若有神川廣不可泝墓久孤
冤鄰宛彼漢中郡文雅見天倫何以慰我悲泛舟俱
遶津溫溫昔風味少壯已書紳舊遊易磨滅衰謝多
人部 卷八十三 二十三 懷賢

秘書監江夏李公邕

長嘯宇宙間高才日凌替古人不可見前輩復誰繼
憶昔李公存詞林有根柢聲華當健筆灑落富清製
風流散金石追琢山嶽銳情窮造化理學貫天人際
干謁走其門碑版照四裔各滿深望還森然起凡例
蕭蕭白楊路洞徹寶珠惠龍宮塔廟湧浩劫浮雲衛
宗儒俎豆事故吏去思計眴眴已皆虛跋涉曾不泥
向來映當時豈獨勸後世豐屋珊瑚鉤麒麟織成綱
紫駟隨劔几義取無虛歲分宅脫驂間感激懷未濟

衆歸調給美擺落多藏穢獨步四十年風聽九臯唳
嗚呼江夏姿竟掩宣尼袂往者武后朝引用多寵嬖
否臧太常議面折二張勢衰俗凜生風排蕩秋旻霽
忠貞負冤恨宮闕深旋綴放逐早聯翩低垂困炎厲
日斜鵬鳥入魂斷蒼梧帝榮枯走不暇星駕無安稅
幾分漢庭竹鳳擁文侯篲終悲洛陽獄事近小臣斃
禍階初負謗易力何深擠伊昔臨淄亭酒酣託末契
重叙東都別朝陰改軒砌論文到崔蘇指盡流水逝
近伏盈川雄未甘特進麗是非張相國相扼一危脆
爭名古豈然鍵捷歛不閉例及吾家詩曠懷掃氛翳
人部 卷八十三 二十三 懷賢

故秘書少監武功蘇公源明

武功少也孤徒步客徐充讀書東嶽中十載考墳典
時下萊蕪郭忍饑浮雲獻負米晚爲身每食臉必泫
夜字照蕪薪垢衣生碧蘚庶以勤苦志報茲劬勞願
學蔚醇儒安文包舊史善灑落辭幽人歸來潛京輦
射策君東堂宗匠集精選制可題未乾乙科已大闡

文章日自負掾吏亦累踐晨趨闔閭內足踏宿昔跡
一麾出守還黃屋朔風卷不暇陪入駿虜庭悲所遭
平生滿樽酒斷此朋知展憂憤病二秋有恨石可轉
肅宗復社稷得無逆順辨范曄顧其兒李斯憶黃犬
秘書茂松意載從祠壇墀前後百卷文枕籍皆禁臠
篆刻揚雄流溟漲本末淺青榮芙蓉劍犀兕豈獨剗
反爲後輩褻予實苦懷緬煌煌齋房芝事絕萬手攀
垂之俟來者正始徵勸勉不要懸黃金胡爲投乳質
結交三十載吾與誰遊衍榮陽復冥寞罪罟以橫
賢嗚呼子逝日始泰則終蹇長安米萬錢彫喪盡餘
八部

卷八十三

二十四

橫賞

喘戰伐何當解歸帆阻清沔尚纏漳水疾永負蒿里
餞

故著作郎貶台州司戶榮陽鄭公虔

鷄鵠至魯門不識鐘鼓饗孔翠望赤霄愁思雕籠養
榮陽冠衆儒早聞名公賞地崇士大夫况乃氣清爽
天然生知姿學立游夏上神農或闕漏黃石愧師長
藥纂西極名兵流指諸掌貫穿無遺恨曾最何技痒
圭臬星經與蟲篆丹青廣子雲窺未徧方朔諧太狂
神翰顧不一體變鍾兼兩文傳天下口大字猶在榜
昔獻書畫圖新詩亦俱往滄洲動玉陛寡鶴誤一響

三絕自御題四方尤所仰嗜酒益踈放彈琴視天壤
形骸實土木親近唯几杖未曾寄官曹突兀倚書幌
晚就芸香閣胡塵昏映莽反覆歸聖朝黜染無滌盪
老蒙台州掾泛泛浙江漿履穿四明雪饑食糟餲橡
空聞紫芝歌不見杏壇丈天長眺東南秋色餘魍魎
別離慘至今班白徒懷曩春深泰山秀葉墜清渭朗
劇談王侯門野稊林下鞅操紙終夕酣時物集遐想
詞場竟踈闊平昔濫推獎百年見存沒牢落吾安倣
蕭條阮咸在出處同世網他日訪江樓含悽述飄蕩
故右僕射相國張公九齡

八部

卷八十三

二十五

橫賞

相國生南紀金璞無留礦仙鶴下人間獨立霜毛整
矯然江海思復與雲路永寂寞想土階未遑等箕穎
上君白玉堂倚君金華省碣石歲崢嶸天地日蛙黷
退食吟大庭何心記榛梗骨驚畏曩哲鬢變負人境
雖蒙換蟬冠右地惡多幸敢忘二疏歸痛迫蘇耽井
紫綬映暮年荊州謝所領庾公興不淺黃霸鎮每靜
賓客引調同諷詠在務屏詩罷地有餘篇終語清省
一陽發陰管淑氣含公鼎乃知君子心用才文章境
散帙起翠螭倚薄坐廬並綺麗玄暉擁牋詠任昉騁
自我一家則未闕隻字警千秋滄海南名繫朱鳥影

歸老守故林戀闕情延頸波濤良史筆蕪絕大庾嶺

向時禮數隔制作難上請再讀徐孺碑猶思理煙艇

貞元十四年澈刺蜀州賦四相詩四首并序

唐皇甫澈中一作微

蜀州刺史廳壁記居相位者前後四公謨明弼諧

遷轉歷此顧已無取忝跡於斯景行遺烈嗟歎之

不足也謹述其行事詠其休美庶將來君子知聖

朝之德云爾

中書令漢陽王張柬之

周曆革元命天步值艱阻烈烈張漢陽左祖清諸武

人部

卷八十三

二十六

懷賢

休明神器正文物舊儀觀南向翊大君西宮朝聖母

茂勲鏤鐘鼎鴻勞食茅土至今稱五王卓立邁萬古

中書令鍾紹京

景龍仙駕遠中禁奸釁結謀猷叶聖朝披鱗奮英節

青宮閭闔啓滌穢氛沴滅紫極重昭回皇天新日月

從容廟堂上肅穆人神悅唐元佐命功輝煥何烈烈

禮部尚書門下侍郎平章事李峴

時來偶明聖道濟寧邦國倚歟瑚璉器竭我股肱力

進賢黜不肖錯枉舉諸直宦官既却坐權奸亦移職

載踐每若驚三已無愠色昭昭垂憲章來世實作則

門下侍郎平章事王綽

舟楫濟巨川山河資秀氣服膺究儒業屈指取高位

北征戮驕悍東守輯携貳論道致巍巍

知己不易遇宰相固有器瞻事華壁中來者誰其嗣

遊襄陽懷孟浩然

唐白居易中

楚山碧巖巖漢水碧湯湯秀氣結成象孟氏之文章

今我諷遺文思人至其鄉清風無人繼日暮空襄陽

南望鹿門山謁若有餘芳舊隱不知處雲深樹蒼蒼

訪陶公舊宅并序

唐白居易中

予夙慕陶淵明為人往歲渭川閑居嘗有效陶體

人部

卷八十三

二十七

懷賢

詩十六首今遊廬山經柴桑過栗里思其人訪其

宅不能默然又題此詩

垢塵不玷玉靈鳳不啄羶鳴呼陶靖節生彼晉宋間

心實有所守口終不能言永惟孤竹子拂衣首陽山

夷齊各一身窮餓未為難先生有五男與之同饑寒

腸中食不充身上衣不完連徵竟不起斯可謂貞賢

我生君之後相去五百年每讀五柳傳目想心拳拳

昔嘗詠遺風著為十六篇今來訪故宅森若君在前

不慕樽有酒不慕琴無絃慕君遺榮利老死此丘園

柴桑古村落栗里舊山川不見籬下菊但餘墟中煙

子孫雖無聞族氏猶未遷每逢姓陶人使我心依然

詩雋類函卷八十三

人部

卷八十三

二十八

懷古

詩雋類函卷八十四

東吳俞安期彙纂

宣城梅鼎祚增定

海陽吳元維訂校

人部二十六

懷古

詠古

○懷古

白帝城懷古

唐陳子昂初

日落滄江晚停橈問土風城臨巴子國臺沒漢王宮

荒服仍周甸深山尚禹功巖懸青壁斷地險碧流通

占木生雲際歸帆出霧中川途去無限客思坐何窮

郢城懷古

唐李百藥初

人部

卷八十四

一

懷古

客心悲暮序登壙瞰平陸林澤窅芊綿山川鬱重複

王公資設險名都拒江隩方城次北門溟海窮南服

長策挫吳豕雄圖競周鹿萬乘重沮漳九鼎輕伊穀

大蒐雲夢掩壯觀章華築人世更盛衰吉凶良倚伏

遽見鄰交斷仍覩賢臣逐南風忽不競西師日侵蹙

運圯屬驅馳時屯恣敲朴莫救夷陵火無復秦庭哭

鄢郢遂丘墟風塵俄慘黷狐兔時遊踐霜露日霑沐

釣渚故曲一作池平神臺層宇覆陣雲埋夏首窮陰慘

荒谷悵矣洲壑遷悲哉年紀倏雖異三春望終傷千

里目

夕次舊吳

唐駱賓王 初

維舟背楚服振策下吳畿盛德弘三讓雄圖枕九圍
黃池通霸業赤壁暢戎威文物俄遷謝英靈有盛衰
行歎鴟夷沒遽惜湛盧飛地古煙塵暗年深館宇稀
山川四望是人事一朝非縣劒空留信亡珠尚識機
鄭風遙可託關月眇難依西北雲逾滯東南氣轉微
徒懷伯通隱多謝買臣歸唯有荒臺露薄暮濕征衣

洛川懷古

唐劉希夷 初

萋萋春草綠悲歌牧征馬行見白頭翁坐泣青竹下
感歎前問之贈余辛苦詞歲月移今古山河更盛衰

人部

卷八十四

二十一 手古

晉家都洛濱朝廷多近臣詞賦歸潘岳繁華稱李倫
梓澤春草菲河陽亂華飛綠珠不可奪白首同所歸
高樓修冥滅茂林久摧折昔時歌舞臺今成狐兔穴
人事互消亡世路多悲傷北邙是吾宅東嶽爲我鄉
君看北邙道觸目繁蔓草芳

碑塋或半存荆棘斂幽魂揮涕棄之去不忍聞此言

蜀城懷古

唐劉希夷 初

蜀山遶水竹吳天積風霜窮覽通表裏氣色何蒼蒼
舊國有年代青樓思豔妝古人無歲月白骨冥荒岡
寂歷彈琴地幽流一作讀書堂玄龜埋卜室采鳳滅

詞場陣圖一一在柏樹雙雙行鬼神清漢廟鳥雀參
秦倉歎世已多感懷心益自傷一作歎世日已賴蒙
靈丘境特當一作明月光

登樂遊廟懷古

唐豆盧回 初

緬維漢宣帝初謂皇曾孫雖在襁褓中亦遭平靈寃
至哉丙廷尉感激義彌敦馳逐蓮勺道出入諸侯門
一朝風雲會竟登天位尊握符昇寶曆負晨御華軒
赫奕文物備歲終休瑞繁卒爲中興主垂名於後昆
雄圖奄已謝餘址空復存昔爲樂遊苑今成狐兔園
朝見牧豎集夕聞棲鳥喧蕭條灞亭畔寂寞杜陵原

人部

卷八十四

三十一 手古

幕歷野煙起蒼茫風氣昏二曜屢迴薄四時更涼溫
天道尚如此人理安可論

北使長城

唐王無兢 初

秦世築長城長城無極已募兵四十萬興工九千里
死人亂如麻白骨相撐委殫弊未云悟窮毒豈知止
胡塵未北滅楚兵遽東起六國遂賢賢兩龍鬬奮奮
卯金竟握讖反壁俄淪祀仁義寢邦國狙暴行終始
一旦咸陽宮翻爲漢帝一作市

夜泊牛渚懷古

唐李白 盛

牛渚西江夜青天無片雲登舟望秋月空憶謝將軍

余亦能高詠斯人不可聞明朝洞庭去楓葉落紛紛

陪宋中丞武昌夜飲懷古

唐李白

清景南樓夜風流在武昌庾公愛秋月乘興坐胡牀
龍笛吟寒水天河落曉霜我心還不淺懷古醉餘腸

登廣武古戰場懷古

唐李白

秦鹿奔野草逐之若飛蓬項王氣蓋世紫電明雙瞳
呼吸八千人橫行起江東赤精斬白帝叱咤入關中
兩龍不並躍五緯與天同楚滅無英圖漢興有成功
按劍清八極歸酣歌大風伊昔臨廣武連兵決雌雄
分我一杯羹太皇乃汝翁戰征有古跡壁壘頽層穹

人部

卷八十四

四

懷古

猛虎吟洞壑饑鷹鳴秋空翔雲列曉陣殺氣赫長虹
撥亂屬豪聖俗儒安可通沈湎呼豎子狂言非至公
撫掌黃河曲嗤嗤阮嗣宗

遊溧陽北湖亭望瓦屋山懷古贈同旅

唐李白

一作贈孟浩然

朝登北湖亭遙望瓦屋山天青白露下始覺秋風還
遊子托主人仰觀眉睫間目色送飛鴻邈然不可攀
長吁相勸勉何事來吳關聞有貞義女振窮溧水灣
清光了在眼白日如披顏高墳五六墩翠元棲猛虎
遺跡翳九泉芳名動千古子胥昔乞食此女傾壺漿

運開展宿懷入楚鞭平王稟列天地間聞名若懷霜

壯夫或未達十步九太行與君拂衣去萬里同翱翔

春日陪楊江寧及諸官宴北湖感古作

唐李白

昔聞顏光祿攀龍宴京湖樓船入天鏡帳殿開雲衢
君王歌大風如樂豐沛都延年獻佳作邈與詩人俱
我來不及此獨立鍾山孤楊宰穆清風芳聲騰海隅
英僚滿四座粲若瓊林敷鸛首弄倒景蛾眉綴明珠
新絃採梨園古舞嬌吳歛曲度繞雲漢聽者皆歡娛
雞棲何嘈嘈江月沸笙竽古之帝宮苑今乃人樵蘇

人部

卷八十四

五

懷古

感此勸一觴願君覆瓢壺榮盛當作樂無令後賢吁

臨江亭五詠

唐儲光義

建業為都舊矣晉主來此而禮物盡備雖云在德

亦云在險京口其地也嗚呼有邦國者有興亡焉

自晉及陳五世而滅以今懷古五篇為詠臨江亭

得其勝槩寄以興言雖未及乎辯士亦其志也

晉家南作帝京鎮北為關江水中分地城樓下帶山

金陵事已往青蓋理無還落日空亭上愁看龍尾灣

二

山橫小苑前路盡大江邊此地興王業無如宋主賢

潮生建業水風散廣陵煙直望清波裏祇言別有天

三

城頭落暮暉城外擣秋衣江水青雲抱蘆花白雪飛
南州王氣疾東國海風微借問詞客年年何處歸

四

古木嘯寒禽層城帶夕陰梁園多綠柳楚岬盡楓林
山際空爲險江流長自深平生何以恨天地本無心

五

京山千里過孤憤望中來江勢將天合城門向水開
落霞明楚岬夕露濕吳臺去去無相識陳皇安在哉

入部

卷八十四

懷古

出蕭關懷古

唐陶翰 盛

驅馬擊長劒行役至蕭關悠悠五原上永眺關河前
北虜三十萬此中常控弦秦城亘宇宙漢帝埋旌旄
刁斗鳴不息羽書日夜傳五軍計莫就三策議空全
大漠橫萬里蕭條絕人煙孤城當瀚海落日照祈連
愴然苦寒奏懷哉式微篇更悲秦樓月夜夜出胡天

東歸晚次潼關懷古

唐岑參 盛

暮春別鄉樹晚景抵津樓伯夷在首陽欲往無輕舟
遂登關城望下見洪河流自從巨靈開流血千萬秋
行行潘生賦赫赫曹公謀川上多往事淒涼滿空洲

廣武懷古

唐楊浚 盛

河水城下流登城望彌愜海雲飛不斷岸草綠相接
龍門無舊塲武牢有遺堞扼喉兵易守捫指計何捷
天奪項氏謀卒成漢家業鄉山遙可見西顧淚盈睫

潁陽東谿懷古

唐崔曙 盛

靈谿氛霧歇皎鏡清心顏空色不映水秋聲多在山
世人久踈曠萬物皆自閒白鷗寒更浴孤雲晴未還
昔時讓王者此地閉玄關無以躡高步淒涼岑壑間

經下邳圯橋懷張子房

唐李白 盛

子房未虎嘯破產不爲家滄海得壯士椎秦博浪沙

入部

卷八十四

懷古

報韓雖不成天地皆振動潛匿遊下邳豈曰非智勇
我來圯橋上懷古欽英風唯見碧流水曾無黃石公
歎息此人去蕭條徐泗空

望鸚鵡洲悲禰衡

唐李白 盛

魏帝營八極蟻觀一禰衡黃祖斗筭人殺之受惡名
吳江賦鸚鵡落筆超羣英鏘鏘振金玉句句欲飛鳴
鸞鷟啄孤鳳千秋傷我情五嶽起方寸隱然詎可平
才高竟何施寡識冒大刑至今芳洲上蘭蕙不忍生

公安縣懷古

唐杜甫 盛

野曠呂蒙營江深劉備城寒天催日短風浪與雲平

麗落君臣契飛騰戰伐名維舟前浦長嘯一含情

金陵懷古

唐唐堯臣

晉末英雄起神器淪荒服胡月蝕中原白日升陽谷
金陵實形勝關山固重複巨壑墮北壙長江墮西隩
鑿山擬嵩華穿池象伊穀草昧席羅圖華路戴黃屋
一時因地險五世享天祿禮樂何煌煌文章紛郁郁
多士春林秀作頌清風穆出入三百年朝事幾翻覆
機槍如雲一作勃鯨鯢旋自曝倦聞金鼎移驟覩靈
龜下吁嗟王氣盡坐悲天運倏天道何茫茫善淫乃
相復行路偏衣半逐亡大梁族日隱汀洲上登艫艫
入部 卷八十四 入 懷古

懷魯

唐程彌綸

曲阜國尼丘山周公邈難問夫子猶啓關履風雪今
若見游夏興今魯顏天孫天孫何爲今今學且難負
星明而東遊閑閑

傷吳中

唐李嘉祐

館娃宮中春已歸闔閭城頭鶯已飛復見花開人又
老橫塘寂寂柳依依憶昔吳王在宮闕館娃賣眼看
花發舞袖朝欺陌上春歌聲夜怨江邊月古來人事

亦猶今莫厭清觴與綠琴獨向西山聊一笑白雲芳
草自知心

南楚懷古

唐劉長卿

南國久蕪沒我來空鬱陶君看章華宮處處生蓬蒿
但見陵與谷豈知賢與豪精魂托古木寶劍指江皋
荷棹下晴景回舟隨晚濤碧雲暮落湖上秋天高
往事那堪問此心徒自勞獨餘湘水上千載聞離騷

春草宮懷古

唐劉長卿

君王不可見芳草舊宮春猶帶羅裙色青青向楚人
孫權故城下懷古兼送友人歸建鄴

入部

卷八十四

九

唐劉長卿

雄圖爭割據神器終不守上下武昌城長江竟何有
古來壯臺榭事往悲陵阜寥落幾家人猶依數株柳
感靈絕想像蕪沒空林藪野徑春草中郊扉夕陽後
逢君從此去背楚方東走煙際指金陵潮時過湓口
行人已何在臨水徒揮手惆悵不能歸孤帆沒雲久
閶門懷古

唐韋應物

金陵懷古

唐司空曙

獨鳥下高樹遙知吳苑闌淒涼千古事日暮倚闔門
簾路江楓暗宮潮野草春傷心庾開府老作北朝臣

蕪城懷古

唐李端中

風吹城上樹草沒城邊路城裏月明時精靈自來去

書樓懷古

唐羊士諤中

何獨文翁化風流與代深淵雲無舊轍騷雅有遺音
遠目窮巴漢閒情問古今忘言意不極日暮但橫琴

金陵懷古

唐劉禹錫中

潮滿冶城渚日斜征虜亭蔡洲新草綠幕府舊煙青
興廢由人事山川空地形後庭花一曲幽怨不堪聽

荊州道懷古

唐劉禹錫中

南國山川舊帝畿宋臺梁館尚依稀馬嘶古道行人
入部

卷八十四

十一

懷古

秋麥秀空城野雉飛風吹落葉填空井火入荒林化
寶衣徒使詞臣吏開府咸陽終日苦思歸

冀城北原作

唐白居易中

野色何蒼蒼秋聲亦蕭疎風吹黃埃起落日驅征車
何代此開國封疆百里餘古今不相待朝市無常居
昔人城邑中今變為丘墟昔人墓田中今化為里閭
廢興相催迫日月互居諸世變無遺風焉能知其初
行人千載後懷古空躊躇

易水懷古

唐馬戴晚

荆卿西去不復返易水東流無盡期落日蕭條薊城

北黃沙白草任風吹

楚江懷古三首

唐馬戴晚

露氣寒光集微陽下楚丘猿啼洞庭樹人在木蘭舟
廣澤生明月蒼山夾亂流雲中君不降見一作竟夕自
悲秋

二

驚鳥去無際寒蛩鳴我傍蘆洲生早霧蘭閣下微霜
列宿分窮野空流注大荒看山候明月聊自整雲裳

三

野風吹蕙帶驟雨滴蘭橈屈宋魂冥冥江山思寂寥
入部

卷八十四

十一

懷古

陰霓侵晚一作景海樹入迴潮欲折寒芳薦明神詎
可招

金陵懷古

唐許渾晚

王樹歌殘一作王氣終景陽兵合戍樓空松梧一作楸
遠近千官塚禾黍高低六代宮石燕拂雲晴亦雨江
豚吹浪夜還風英雄一去豪華盡唯有青山似洛中
重經姑蘇懷古二首

唐許渾晚

越兵驅綺羅越女唱吳歌宮盡燕聲少臺荒麋跡多
采莢垂曉露茵荷落秋波無復君王醉滿城壘翠蛾

二

香徑遶吳宮千帆落照中鸛鳴山欲雨魚躍海多風
城帶晚山綠池連秋蓼紅當年國門外誰識一作伍員忠

途經敷水

唐許渾晚

脩蛾顰翠倚柔桑遙謝春風白面郎五夜有情隨暮
雨百年無節待秋霜重尋繡帶朱藤合更認羅裙碧
草長何處野花何處水下峯流出一渠香

金谷園花發懷古

唐王質

寂寥金谷澗花發舊時園人事空懷古煙霞此獨存
管絃非上客歌舞少王孫繁榮風驚散輕紅鳥乍翻

八部

卷八十四

十三

懷古

山川終不改桃李自無言今日輕塵路淒涼詎可論

金谷園花發懷古

唐□□□

春風生梓澤遲景映花林欲問當時事因傷此日心
繁華人已歿桃李意何深澗咽歌聲在雲歸蓋影沈
地形同萬古笑價失千金遺跡應無限芳菲不可尋

南徐春日懷古

唐楊乘晚

六代驕奢地三春物象繁靈湖通漲海天塹隔中原
曉渡高帆駛陰風巨鷁翻旌旗西日落戈甲夏雲屯
豹變資陳武龍飛擁晉元風流前事盡文物舊儀存

浙江晚渡懷古

唐劉滄晚

蟬噪秋風滿古隄荻花寒渡思淒淒潮聲歸海鳥初
下草色連江人自迷碧落晴分平楚外青山晚出穆
陵西此來一見垂綸者却憶舊居明月谿

咸陽懷古

唐劉滄晚

經過此地無窮事一望淒然感廢興渭水故都秦二
世咸原秋草漢諸陵天空絕塞聞邊鴈葉盡孤村見
夜燈風景蒼蒼多少恨寒山半出白雲層

鄴都懷古

唐劉滄晚

昔時霸業何蕭索古木唯多鳥雀聲芳草自生宮殿
廢牧童誰識帝王城殘春楊柳長川迴落日蒹葭遠

八部

卷八十四

十三

懷古

水平一望青山便惆悵西陵無主月空明

經過建業

唐劉滄晚

六代興衰曾此地西風露泣白蘋花煙波浩渺空亡
國楊柳蕭條有幾家楚塞秋光晴入樹浙江殘雨晚
生霞淒涼處處漁樵路鳥去人歸山影斜

石頭懷古

唐曹松晚

日月出又沒臺城空白雲雖寬百姓土漸缺六朝墳
禾黍是亡國山河歸聖君松聲驟雨足幾寺晚鐘聞

赤壁懷古

唐崔塗晚

漢室河山鼎勢分勤王誰肯領元勳不知征伐由天

子唯許英雄共使君江上戰餘陵是谷渡頭春在草連雲分明勝敗無尋處空聽漁歌到夕曛

金谷園懷古

唐邵謁

竹死不改節花落有餘香美人抱義死千載名猶彰嬌歌無遺音明月留清光浮雲易改色衰草難重芳不學韓侯婦銜冤報宋王

趙城懷古

唐曹鄴

邯鄲舊公子騎馬又鳴珂手揮白玉鞭不避五侯車聞愁春日短沽酒入倡家一笑千萬金醉中贈秦娃如今高原上樹樹白楊花

入部

卷八十四

十四

唐孟遲

過驪山

唐孟遲

冷月微煙渭上愁華清宮樹不勝秋霓裳一曲千門鎖白盡梨園弟子頭

○詠古

詠荆軻

晉陶潛

燕丹善養士志在報強嬴招集自犬良歲暮得荆軻君子死知已提劍出燕京素驥鳴廣陌慷慨送我行雄髮指危冠猛氣充長纓飲饒易水上四座列羣英漸離悲擊筑宋意唱高聲蕭蕭哀風逝淡淡寒波生商音一作更流涕羽奏壯士驚心知去不歸且有後

世名登車何時顧飛蓋入秦庭凌厲越萬里逶迤過千城圖窮事自至豪王正怔營惜哉劍術疎奇功遂不成其人雖已沒千載有餘情

張子房詩

宋謝瞻

王風哀以思周道蕩無章卜洛易隆替興亂固不亡力政吞九鼎苛虐暴三殤息肩纏民思靈鑒集朱光伊人感代工聿來扶興王婉婉幕中畫輝輝天業昌鴻門銷薄蝕垓下隕欒槍爵仇建蕭宰定都護儲皇肇允契幽叟翻飛指帝鄉惠心奮千祀清埃播無疆神武睦三正裁成被八荒明兩燭河陰慶霄薄汾陽

入部

卷八十四

十五

唐孟遲

百里奚歌

梁高允生

羈旅入秦庭始得收顯曜釋褐出輜車卓爲千乘道艷色進華容繁絃發徵調居貴易素心翻然忘久要裝金五羊皮寫情陳所告豈徒望自傷念君無定操

詠伍子胥

梁鮑機

忠孝誠無報感義本投身日暮江波急誰憐漁丈人

楚墓悲猶在吳門恨未申

賦得嵇叔夜

梁庾肩吾

山林重明滅風月臨竄塵著書惟隱士談玄止谷神
鴈重翻傷性蠶寒更養身廣陵餘故曲山陽有舊鄰
俗儉寧妨患才多反累身寄言山吏部無以助庖人

詠魯仲連

陳阮卓

魯連有高超意氣本相求笑罷秦軍却書成燕將愁
聊棄南金賞方從滄海遊寄言人世客非君能見留

賦得荆軻

陳周弘直

荆卿欲報燕銜恩棄百年市中傾別酒水上擊離絃

人部

卷八十四

十六

詠古

七首光凌日長虹氣燭天留言與宋意悲歌非自憐

賦得荆軻

陳陽緒

函關使不通燕將重深功長虹貫白日易水急寒風
壯髮危冠下七首地圖中琴聲不可識遺恨沒秦宮

賦得蘇武

陳劉刪

奉使窮沙漠收淚上河梁食雪山山近思歸海路長
繫書秋待鴈握節暮看羊因思李都尉還漢不相忘

賦得韓信

陳張正見

淮陰總漢兵燕齊擅遠聲泥沙擁急水拔幟上危城
野有千金報朝稱三傑名所悲雲夢澤空傷狡兔情

賦得司馬相如

陳祖孫登

雍容文雅深王吉共追尋當壚應酤酒託意且彈琴
上林能作賦長門得賜金唯當有漢王知懷封禪心

賦得馬援

隋王由禮

二帝已馳聲五谿還總兵受詔金鞍動論功銅柱成
唯稱聚米勢無慚意改情雖謝雲臺影猶傳千載名

詠淮陰侯

唐王珪

秦王日凶慝豪傑爭共亡信亦胡為者劍歌從項梁
項羽不能用脫身歸漢王道契君臣合時來名位彰

北討燕承命東驅楚絕糧斬龍堰灘水擒豹潛夏陽

人部

卷八十四

十七

詠古

功成享天祿建旗還南昌金千鈞漂母錢百酬下鄉
吉凶成糾纏倚伏難預詳弓藏狡兔盡慷慨念心傷

詠漢高祖

唐于季子

百戰方夷項三章且代秦功歸蕭相國氣盡戚夫人

詠項羽

唐于季子

北伐雖全趙東歸不王秦空歌拔山力羞作渡江人

賦戚夫人楚舞歌

唐李昂

定陶城中是妾家妾家二八顏如花閨中歌舞未終
曲天下外人如亂麻漢王此地因征戰未出簾櫳人
已薦風花蘭舊落轅門雲雨徘徊入行殿日夕悠悠

非舊鄉飄飄處處逐君王
閨門向裏通歸夢銀燭迎
來在戰場相從顧恩不顧已
何異浮萍寄深水逐戰
曾迷隻輪下隨君幾陷重圍裏
此時平楚復平齊咸
陽宮闕到關西珠簾夕殿聞鐘磬
白日秋天憶鼓鼙
君王縱恣翻成誤呂后由來有深妒
不奈君王容鬢
衰相思相顧能幾時黃泉白骨不可報
雀釵翠羽從
此辭君楚歌兮
妾楚舞脉脉相看兩心苦
曲未終兮
袂更揚君流涕兮
妾斷腸已見儲君歸
惠帝徒留愛
子付周昌

河上公

唐張說
初

人部

卷八十四

十八

詠古

尊師厭塵去精魄知何明
形氣不復生弟子空傷情
濟北神如在淮南藥未成
共期終莫遂寥落兩無名
詠馮昭儀當熊
唐賈至
盛

白羽插雕弓
蜺旌動朔風
平明出金屋
扈輦上林中
逐獸長廊靜
呼鷹御苑空
王孫莫諫獵
賤妾解當熊

李陵詠

唐王維
盛

漢家李將軍
三代將門子
結髮有奇策
少年成壯士
長驅塞上兒
深入單于壘
旌旗列相向
簫鼓悲何已
日暮沙漠陲
戰聲煙塵裏
將令驕虜滅
豈獨名王侍
既失大軍援
遂嬰穹廬耻
少小蒙漢恩
何堪坐思此

深衷欲有報捐軀未能死
引領望子卿非君誰相理

太公哀晚遇

唐常建
盛

日出渭流白
文王畋獵時
釣翁在盧葦
川澤無熊羆
詔書起遺賢
匹馬今致辭
因稱江海人
臣老筋力衰
遲遲詣天車
怏怏悟靈龜
兵馬更不獵
君臣皆共怡
同車至咸陽
心影無磷淄
四牡玉墀下
一言爲帝師
王侯擁朱門
軒蓋曜長逵
古來榮華人
遭遇誰知之
落日懸桑榆
光景有頓虧
倏忽天地人
雖貴將何爲

嚴子陵
原作
古風

唐李白
盛

松柏本孤直
難爲桃李顏
昭昭嚴子陵
垂釣滄波間

人部

卷八十四

十九

詠古

身將客星隱
心與浮雲閒
長揖萬乘君
還歸富春山
清風灑六合
邈然不可攀
使我長歎息
冥棲巖石間
嚴君平
原作
古風

唐李白
盛

君平既棄世
世亦棄君平
觀變窮太易
探元化羣生
寂寞綴道論
空簾閉幽情
騶虞不虛來
鸞鶴有時鳴
安知天漢上
白日懸高名
海客去已久
誰人測沈冥

西施

唐李白
盛

西施越谿女
出自苧蘿山
秀色掩今古
荷花羞玉顏
浣紗弄碧水
自與清波閒
皓齒信難開
沈吟碧雲間
句踐徵絕艷
揚蛾入吳關
提携館娃宮
杳渺詎可攀

一破夫差國千秋竟不還

商山四皓

唐李白盛

白髮四老人昂藏南山側偃卧松雪間冥翳不可識
雲窗拂青靄石壁橫翠色龍虎方戰爭於焉自休息
秦人失金鏡漢祖升紫極陰虹濁太陽前星遂淪匿
一行佐明兩欸起生羽翼功成身不居舒卷在胸臆
官冥合元化茫昧信難測飛聲塞天衢萬古仰遺跡

蘇武

唐李白盛

蘇武在匈奴十年持漢節白鴈上林飛空傳一書札
牧羊邊地苦落日歸心絕渴飲月窟水饑餐天山雪
人部 卷十四 二十二 詠古

東還沙漠遠北愴河梁別泣把李陵衣相看淚成血

王右軍

唐李白盛

右軍本清真瀟灑在風塵山陰遇羽客要此好鵝賓
掃素寫道經筆精妙入神書罷籠鵝去何曾別主人

詠懷古跡五首

唐杜甫盛

支離東北風塵際漂泊西南天地間三峽樓臺淹日
月五谿衣服共雲山羯胡事主終無賴詞客哀時且
未還庾信平生最蕭瑟暮年詩賦動江關

遙落深知宋玉悲風流儒雅亦吾師悵望千秋一灑
淚蕭條異代不同時江山故宅空文藻雲雨荒臺豆

夢思最是楚宮俱泯滅舟人指點到今疑

羣山萬壑赴荆門生長明妃尚有村一去紫臺連朔
漠獨留青冢向黃昏畫圖省識春風面環珮空歸月
夜魂千載琵琶作胡語分明怨恨曲中論

蜀主窺吳幸三峽崩年亦在永安宮翠華想像空山
裏玉殿虛無野寺中古廟杉松巢水鶴歲時伏臘走
村翁武侯祠屋長鄰近一體君臣祭祀同

諸葛大名垂宇宙宗臣遺像肅清高三分割據紆籌
策萬古雲霄一羽毛伯仲之間見伊呂指揮若定失
蕭曹運移漢祚難恢復志決身殲軍務勞

人部

卷十四

二十二 詠古

憫荒詩并序

唐元結盛

天寶丙戌中元子浮隋河至淮陰聞其年水壞河
防得隋人冤歌五篇考其歌義似冤怨時主故廣
其意採其歌為憫荒詩一篇其餘載于異錄

煬皇嗣君位隋德滋昏幽日作及身禍以為長世謀

危常耻前王不思天子遊意欲出明堂便登浮海舟
令行山川改功與玄造侔河淮可支合峯峴生回溝
封隕下澤中作山防逸流船艣狀龍鷁若負宮闕浮

荒娛未央極始到滄海頭忽見海門山思作望海樓
不知新都城已為征戰丘當時有遺歌歌曲太冤愁

四海非天獄何爲非天囚天囚正凶忍爲我萬姓雛
人將引天鈇人將持天鏹所欲充其心相與絕悲憂
自得隋人歌每爲隋君羞欲歌當陽春似覺天下秋
更歌曲未終如有怨氣浮奈何昏王心不覺此怨尤
遂令一夫唱四海欣提矛吾聞古賢君其道常靜柔
慈惠恐不足端和忘所求嗟嗟有隋氏昏昏誰與儔

漢武帝雜歌三首

唐韋應物

漢武好神仙黃金作臺與天近王母摘桃海上還感
之西過聊問訊欲來不來夜未央殿前青鳥先徊翔
綠鬢雲裙曳霧縠節飄飄下仙步白日分明到世

人部

卷八十四

三

詠古

間碧空何處來時路玉盤捧桃將獻君踟躕未去留
彩雲海水系田幾翻覆中間此桃四五熟可憐穠滿
瑤池宴正值花開不得薦花開子熟安可期邂逅能
當漢武時顏如芳華潔如玉心念我皇多嗜欲雖爾
桃核桃有靈人間糞土種不生由來在道一作德豈在
藥徒勞方士海上行掩扇一言相謝去如煙非煙不
知處

金華孤峙今凌紫煙漢宮美人望杳然通天臺上月
初出承露盤中珠正圓珠可飲壽可永武皇南面曙
欲分從空下來玉杯冷世間綵翠亦作囊八月一日

仙人方仙方稱上藥靜者服之常綽約柏梁沈飲自
傷神猶聞駐顏七十春乃知甘醴皆是腐腸物獨有
澹泊之水能益人千載金盤竟何處當時鑄金恐不
固蔓草生來春復秋碧天何言空墜露

漢天子觀風自南國浮樾大江屹不前蛟龍索鬪風
波黑春秋方壯雄武才彎弧叱浪連山開愕然觀者
千萬衆舉麾齊呼一矢中死蛟浮出不復靈舳艫千
里江水清鼓鼙餘響數日在天吳深入魚鱉驚左有
飲飛落霜翼右有孤兒貫犀革何爲臨深親射蛟示
威以奪諸侯魄威可畏皇可尊平田校獵書猶陳此

人部

卷八十四

三

詠古

日從臣何不言獨有威聲振千古君不見後嗣尊爲
武

永嘉行

唐張籍

黃頭鮮卑入洛陽胡兒持戟升明堂晉家天子作降
虜公卿奔走如牛羊紫陌旌旗暗相觸家家雞犬驚
上屋婦令出門隨亂兵夫死眼前不敢哭九州諸侯
自曠土無人領兵來顧主北人避胡皆在南南人至
今能晉語

湘妃

唐李賀

筠竹千年老不死長伴秦娥蓋湘水蠻娘吟弄滿寒

空九山靜綠淚花紅離鸞別鳳煙梧中巫雲蜀雨遙相通幽愁秋氣上青楓涼夜波間吟古龍

金銅仙人辭漢歌

魏明帝青龍元年八月詔宮官牽車西取漢孝武捧露盤仙人欲立置殿前宮官既拆盤仙人臨載遇

辭漢

唐李賀中

茂陵劉郎秋風客夜聞馬嘶曉無跡盡欄桂樹懸秋香三十六宮楚花碧魏官牽車指千里東關酸風射眸子空將漢月出宮門憶君清淚如鉛水衰顏送客咸陽道天若有情天亦老攜盤獨出月荒涼渭城已遠波聲小

人部

卷八十四

二十四

石季倫金谷故園

唐許堯佐中

石氏遺文在淒涼見故園輕風思奏樂衰草憶行軒舞榭荒苔掩歌臺墜葉繁斷雲歸舊壑流水咽清源曲渚殘虹歛叢篁宿鳥喧空餘林上月長似對金尊

石季倫金谷故園

唐李君芳中芳一作房

梓澤風流地淒涼跡尚存殘芳迷妓女衰草憶王孫舞罷隨人謝歌聲寄鳥言池平森灌木月落弔空園流水悲難駐浮雲影自翻賔階餘鮮石車馬詎喧喧

楚歌十首

唐元稹中

楚人千萬戶生死繫時君當壁便為嗣賢愚安可分

干戈長浩浩篡亂亦紛紛縱有明在下區區何足云

二

陶虞事已遠尼父獨將明潛穴龍無位幽林蘭自生楚王謀授邑此意復中傾未別子西語縱來何所成

三

平王漸昏惑無極轉承恩子建猶相貳伍奢安得存生居宮雉闕死葬寢園尊豈料奔吳士鞭屍郢市門

四

懼盈因鄧曼罷獵為樊姬盛德留金石清風鑒薄帷襄王忽妖夢宋玉復淫詞萬事捐宮館空山雲雨期

人部

卷八十四

二十五

五

宜僚南市住未省食人恩臨難忽相感解紛寧用言何如晉夷甫坐占紫微垣看著五胡亂清談空自尊

六

誰恃王深寵誰為楚上卿包胥心獨許連夜哭秦兵千乘徒虛爾一夫安可輕殷勤聘名士莫但倚方城

七

梁業雄圖盡遺孫世運消宣明徒有號江漢不相朝碑碣高臨路松枝半作樵唯餘開聖寺猶學武皇妖

八

江陵南北道長有達人來死別登舟去生心上馬迴
榮枯誠異日今古盡同灰巫峽朝雲起荆王安在哉

九

三峽連天水奔波萬里來風濤各自急前後苦相催
倒入黃牛漩驚衝灩澦堆古今流不盡流去不曾迴

十

八荒同日月萬古共山川生死既由命興衰還付天
棲棲王粲賦憤憤屈平篇谷自埋幽恨江流終宛然

祖龍行

唐韋楚老

黑雲兵氣射天烈壯士朝眠夢寃結祖龍一夜死沙

人部

卷八十四

三

古

在胡亥空隨鮑魚轍腐肉偷生三千里僞書先賜扶

蘇死墓接驪山土未乾瑞光已向芒碭起陳勝城中

鼓三下秦家大地如崩九龍蛇掩亂入咸陽少帝空

隨漢家馬

賈生

唐李商隱

晚

宣室求賢訪逐臣賈生才調更無倫可憐夜半虛前
席不問蒼生問鬼神

北齊二首

唐李商隱

晚

一笑相傾國便亡何勞荆棘始堪傷小蓮玉體橫陳
夜已報周師入晉陽

巧笑知堪敵萬機傾城最在著戎衣晉陽已陷休迴
顧更請君王獵一圍

南朝

唐李商隱

晚

地險悠悠天險長金陵土氣應瑤光休誇此地分天
下只得徐妃半面妝

謝公墅歌

唐溫庭筠

晚

朱雀航南繞香陌謝郎東墅連春碧鳩眠高柳日方
融綺榭飄飄紫庭客文楸方野花參差心陣未成星
滿池四座無喧梧竹靜金蟬玉柄俱持願對局含情
見千里都城已得長蛇尾江南王氣繫疎襟未許符

人部

卷八十四

三

古

堅過淮水

吳宮宴

唐曹鄴

晚

吳宮城闕高龍鳳遙相倚四面鐙鼓鐘中央刻羅綺
春風時一來蘭麝聞數里三度明月落青娥醉不起
江頭鐵劍鳴玉座成荒壘適來歌舞處未知身是鬼

詩集卷八十四

詩雋類函卷八十五

東吳俞安期彙纂

宣城梅鼎祚增定

新都鄭澤訂校

人部二十七 弔古

○弔古

覽古詩

晉盧謐

趙氏有和璧天下無不傳秦人來求市厥價徒空言
與之將見賣不與恐致患簡才備行李圖令國命全
蘭生在下位繆子稱其賢奉辭馳出境伏軾徑入關
秦王御殿坐趙使擁節前揮袂睨金柱身玉要俱捐

人部

卷八十五

弔古

連城既僞往荆玉亦真還爰在澠池會二主冠交歡
昭襄欲負力相如折其端昔血下霑襟怒髮上衝冠
西岳終雙擊東瑟不單彈捨生豈不易處死誠獨難
校威章臺顛疆禦亦不干屈節邯鄲中倪首忍回軒
廉公何爲者負荆謝厥智勇冠當世弛張使我歎
和伏武昌登孫權故城 伏曼容爲武昌太守

齊謝朓

炎靈遺劍璽當塗駭龍戰聖期缺中壤霸功興寓縣
鵲起登吳山鳳翔凌楚甸襟帶窮巖險帷帟盡謀
選北拒溺驂鑣西龕收組練江海既無波俯仰流英

賈乘冕類裡郊卜揆崇離殿釣臺臨講閣樊山開廣
燕文物共歲甦聲明且葱蒨三光厭分景書軌欲同
薦參差世祀忽寂寞市朝變舞館識餘基歌梁想遺
轉故林衰木平荒池秋草徧雄圖悵若茲茂宰深遐
瞻幽客滯江臯從賞垂纓弁清卮阻獻酬良書限聞
見幸藉芳音多承風采餘絢于役倘有期鄂渚同遊
衍

登琴臺

梁簡文帝

燕階一作踐昔徑復想鳴琴遊音容萬春罷高名千
載留弱枝生古樹舊石染新流由來遞相歎逝川終

人部

卷八十五

二

弔古

不收

薊丘覽古贈盧居士藏用七首 并序

唐陳子昂初

丁酉歲吉北征出自薊門歷觀燕之舊都其城池
霸迹已蕪昧一作沒矣乃慨然仰歎憶昔樂生鄒子
羣賢之遊盛矣回登薊樓作六詩以志之寄終南
盧居士亦有軒轅遺跡也

軒轅臺

北登薊丘望求古軒轅臺應龍已不見牧馬生黃埃
尚想廣成子遺跡白雲隈

燕昭王

南登碣石館遙望黃金臺丘陵盡喬木昭王安在哉
霸圖悵已矣驅馬復歸來

樂生

王道已淪昧戰國競貪兵樂生何感激仗義下齊城
雄圖竟中天遺歎寄阿衡

燕太子

秦王日無道太子怨亦深一聞田光義匕首贈千金
其事雖不立千載為傷心

田光先生

人部 卷八十五 三 平古

自古皆有死徇義良獨稀奈何燕太子尚使田光一作
疑伏劍誠已矣感我涕沾衣

鄒子

大運淪三代天人罕有窺鄒子何寥廓謾說九瀛垂
興亡已千載今也則無推

郭隗

逢時獨為貴歷代非無才隗君亦何幸遂起黃金臺
司馬相如琴臺 唐盧照鄰 初

聞有雍容地千年無四隣園院風煙古池臺松檟春
雲疑作賦客月似聽琴人寂寂啼鶯處空傷遊子神

文翁講臺

唐盧照鄰 初

錦里淹中館岷山樓下亭空梁無燕雀古壁有丹青
槐落猶疑市苔深不辨銘良哉二千石江漢表遺靈

過故宋舊都

唐駱賓王 初

舊國千年盡荒城四望遙雲浮非隱帝日舉類遊童
綺琴朝化洽祥石夜論空馬去遙奔鄭地分近帶豐

池文欽東水竹影漏寒叢園兔承行月川禽避斷風
故宋誠難定從梁事未工唯當過周客獨愧吳臺空

咸陽覽古

唐沈佺期 初

咸陽秦帝居千載坐盈虛版築林光盡壇場霽聽疎
人部 卷八十五 四 平古

野橋疑望日山火類焚書唯有驪峰在空聞厚葬餘
初冬從幸漢故青門應制 青門長安城東出南

色青名曰青城門或曰青門外舊出佳瓜
廣陵人謂之秦東陵侯秦破為布衣種瓜
青門外瓜美故時人謂之東陵
瓜木名霸城門亦名青綺門

唐沈佺期 初

漢王建都邑渭水對青門朝市俱東逝墳陵共北原
荒涼蕭相闕無沒邵平園全盛今何在英雄難重論
故基仍嶽立遺堞尚雲屯當極土功壯安知人力煩
天遊戒東首懷昔駐龍軒何必金湯固無如道德藩
微臣諒多幸參乘偶殊恩預此陳古事敢奏興亡言

銅雀臺

唐沈佺期

昔年分鼎地今日望陵臺一旦雄圖盡千秋遺令開
綺羅君不見歌舞妾空來恩共漳河水東流無重回

銅雀臺

唐劉庭琦

銅臺宮觀委灰塵魏主園陵漳水濱即今西望猶堪
思况復當時歌舞人

鴻門行

唐袁瓘

少年買意氣百金不辭費學劍西入秦結交北遊魏
秦魏多報人與代亦殊倫由來不相識皆是暗相親
寶馬青絲轡狐裘貂鼠服晨過劇孟遊暮投咸陽宿

人部

卷八十五

五

中古

然諾本云云諸侯莫不聞猶思百戰術更逐李將軍
始從灞陵下遂遙度朔野北地聞風歌南庭見胡馬
胡馬秋正肥相邀夜合圍戰酣烽火滅路斷救兵稀
白刃縱橫逼黃塵飛不息虜騎血灑衣單于淚沾臆
獻凱雲臺中自言塞上雄將軍行失勢部曲遂無功
新人不如舊舊人不相救萬里長飄飄十年計不就
棄置難重論驅馬度鴻門行看楚漢事不覺風塵昏
寶劍中夜撫悲歌聊獨舞此曲不可終曲終淚如雨

南陽

唐張九齡

登鄧屬歲陰及宛惜所適復聞東漢主遺此南都迹

佳氣藹厥初霸圖紛在昔茲邦稱貴近與世賞薰赫

遭遇感風雲變衰空草澤不識鄧公樹猶傳陰后石

驅馬歷園關荆榛翳阡陌事去物無象感來心不懌

懷古對窮秋興言傷遠客眇然遵岐路辛勤弊行役

雲鴈號相呼林麕走自索顧憶徇書劍未嘗安枕席

豈暇墨突黔空持遯豕白迷復期非遠歸歟賞農隙

經江寧覽舊跡至玄武

唐張九齡

南國更數世北湖方十洲天清華林苑日晏景陽樓
果下迴仙騎津傍駐綵旆驚鸞喧鳳管荷芰鬬龍舟
七子陪詩賦千人和棹謳應言在鎬樂不讓橫汾秋

人部

卷八十五

六

中古

風俗因紆慢江山成易由駒王信不武孫叔是無謀
佳氣日將歇伯功誰與修桑田東海變麋鹿姑蘇遊
否運爭三國康時劣九州山雖幕府在館豈豫章留
水淀還相閱菱歌亦故道雄圖不足問唯想事風流

過漢故城

唐吳少微

大漢昔未定強秦猶擅場中原逐鹿罷高祖鬱龍驤
經始謀帝座茲焉壯未央規模窮棟宇表裏浚城隍
羣后崇長樂中朝增建章句陳被蘭綺樂府奏芝房
翡翠明珠帳鴛鴦白玉堂清晨寶鼎食閒夜鬱金香
天馬來東道佳人傾北方何其赫隆盛自謂寶靈長

曆數有時盡哀平嗟不昌水堅成巨猾火德遂頽綱
與位匪虛校貪夫竟速亡魂神吁社稷豹虎鬪巖廊
金狄後灞岍銅盤向洛陽君王無處所年代幾荒涼
宮闕誰家域薰蕕冒我裳井田唯有草海水變爲桑
在昔高門內于今岐路傍餘基不可識古墓列成行
狐兔驚飈颺鳴梟嚇僞狂空城寒月晚平野暮雲黃
烈烈焚一作青棘蕭蕭吹白楊千秋并萬歲一作萬歲後
空使詠歌傷

庾信宅作

唐張說初

蘭城追宋玉舊宅偶詞人筆湧江山氣文驕雲雨神

人部

卷八十五

七

甲古

包胥非救楚隨會反留秦獨有東陽守來嗟古樹春

丹陽行

唐孫逖初

丹陽古郡洞庭陰落日扁舟此路尋傳是東南舊都
處金陵中斷碧江深在昔風塵起京都亂如燬雙闕
戍虜間千門戰場裏傳聞一馬化爲龍南渡衣冠亦
願從石頭橫帝里京口拒戎鋒青楓林下迴天蹕杜
若洲前轉國容都門不見河陽樹輦道唯聞建鄴鐘
中原悠悠幾千里欲掃欃槍未能已英雄傾會何紛
然一盛一衰如逝川可憐宮觀重江裏金鏡相傳三
百年自從龍見聖人出六合車書混爲一昔年王氣

今何在併向長安就堯日荆榛古木閒荒阡共道繁
華不復全赤縣唯餘江樹月黃圖半入海人煙暮來
山水登臨遍覽古愁吟淚如霰唯有空城多白雲春
風淡蕩無人見

長洲苑

唐孫逖初

吳王初鼎峙羽獵騁雄才輦道闔門出軍容茂苑來
山從列嶂轉江自遶林迴劍騎緣汀入宮門隔嶼開
合離分若電馳逐溢成雷勝地虞人守歸舟漢女陪
可憐夷漫處猶在洞庭隈山靜吟猿父城空應雉媒
戎行委喬木馬跡盡黃埃攬涕問遺老繁華安在哉

人部

卷八十五

八

甲古

登戲馬臺作

唐儲光義盛

君不見宋公杖鉞討燕後英雄踴躍爭超走小會衣
冠呂梁壑大徵甲卒礪礪口天開神武樹元勳九日
茱萸饗六軍泛泛樓船遊極浦搖搖歌吹動浮雲居
人滿目市朝變霸業猶存齊楚甸泗水南流桐柏川
沂山北走瑯琊縣滄海沈沈晨霧開彭城烈烈秋風
來少年自言未得意日暮蕭條登古臺

登商丘

唐儲光義盛

河水日夜流客心多殷憂維稍歷宋國結纜登商丘
漢皇封子弟周室命諸侯搖搖世紀怨傷古復兼秋

鳴鴻念極浦征旅慕前儔太息梁王苑時非枚馬遊

新豐作

唐儲光義

漢皇思舊邑秦地作新豐南出華陽路西分長樂宮
安知天地久不與昔年同雞犬暮聲合城池秋霽空

夷門歌

唐王維

七雄雄雌猶未分攻城殺將何紛紛秦兵益圍邯鄲
急魏王不救平原君公子爲嬴停駟馬執轡愈恭意
愈下亥爲屠肆鼓刀人嬴乃夷門抱關者非但慷慨
獻奇謀意氣兼將身命酬向風刎頸送公子七十老
翁何所求

人部

卷八十五

九

唐高適

古大梁行

唐高適

古城莽蒼饒荆榛驅馬荒城愁殺人魏王宮觀盡禾
黍信陵賓客隨灰塵憶昨雄都舊朝市軒車照耀歌
鐘起軍容帶甲三十萬國步連營五千里全盛須臾
那可論高臺曲池無復存遺墟但見狐狸迹古地空
餘草木根暮天搖落傷懷抱撫劍悲歌對秋草俠客
猶傳朱亥名行人尚識夷門道白壁黃金萬戶侯寶
刀駿馬填山丘年代淒涼不可問往來唯見水東流

魯西至東平

唐高適

沙岸泊不定石橋水橫流問津見魯俗懷古傷家丘

寥落千載後空傳褒聖侯

宋中十首

唐高適

梁王昔全盛賓客復多才悠悠一千年陳跡唯高臺
寂寞向秋草悲風千里來

朝臨孟諸上忽見芒碭間赤帝終已矣白雲長不還
時清更何有禾黍徧空山

景公德何廣臨變莫能欺三請皆不忍妖星終自移
君心本如此天道豈無知

梁苑白日暮梁山秋草時君王不可見脩竹令人悲
九月桑葉盡寒風鳴樹枝

人部

卷八十五

十

唐高適

登高臨舊國懷古對窮秋落日鴻鴈度寒城砧杵愁
昔賢不復有行矣莫淹留

出門望終古獨立悲且歌憶昔魯仲尼悽悽此經過
衆人不可向伐樹將如何

道遙漆園吏冥沒不知年世事浮雲外閒居大道邊
古來同一馬今我亦忘筌

五霸遞征伐宋人無戰功解圍幸奇說易子傷吾衷
唯見盧門外蕭條多轉蓬

常愛宓子賤鳴琴能自親邑中靜無事豈不由其身
何意千年後寂寥無此人

關伯去已久高丘臨道傍人皆有兄弟爾獨爲參商
終古猶如此而人安可量

司馬相如琴臺

唐岑參

相如琴臺古人去臺亦空臺上寒蕭條至今多悲風
荒臺漢時月色與舊時同

文公講臺

唐岑參

文公不可見空使蜀人傳講席何時散高臺豈復全
豐碑文字滅冥冥不知年

楊雄草玄臺

唐岑參

吾悲子雲居寂寞人已去娟娟西江月猶照草玄處

人部

卷八十五

十一

精怪意無人睢盱藏老樹

梁苑

唐王昌齡

梁園秋竹古時煙城外風悲欲暮天萬乘旌旗何處
在平臺賓客有誰憐

漂母亭

唐崔國輔

泗水入淮處南邊古岍存秦時有漂母于此飯王孫
王孫初未遇寄食何足論後爲淮陰侯誓欲報母恩
事跡遺在此空傷千載魂前臨雙小渚上有一孤墩
遙望淮陰口蒼蒼煙樹昏幾年崩塚色每日落潮痕
古地多陘圯時哉不敢言向夕淚沾裳出宿蘆洲村

阮公嘯臺

唐包融

荒臺森荆杞蒙龍無上路傳是古人跡阮公長嘯處
至今清風來時時動林樹逝者昔已遠升攀想遺趣
靜然荒榛間久之若有悟靈光未歇滅千載知仰慕

故絳行

唐杜頴

君不見銅鞮觀數里城池已蕪漫君不見祈禱宮幾
重臺榭亦微蒙介馬兵車全盛時歌童舞女妖艷姿
一代繁華皆共絕九原唯望塚纍纍

梁園吟

唐李白

我浮黃雲去京闕挂席欲進波連山天長水濶厭遠
涉訪古始及平臺間平臺爲客憂思多對酒遂作梁
園歌却憶蓬池阮公詠因吟淥水揚洪波洪波浩蕩
迷舊國路遠西歸安可得人生達命豈暇愁且飲美
酒登高樓平頭奴子搖大扇五月不熱疑清秋玉盤
楊梅爲君設吳鹽如花皎白雪持鹽把酒但飲之莫
學夷齊事高潔昔時豪貴信陵君今人耕種信陵墳
荒城虛照碧山月古木盡入蒼梧雲梁王宮闕今安
在枚馬先歸不相待舞影歌聲散綠池空餘汴水東
流海沈吟此事淚滿衣黃金買醉未能歸連呼五白
行六博分曹賭酒酣馳輝歌且謔意方遠東山高卧

人部

卷八十五

十二

時起來欲濟蒼生未應晚

蘇臺覽古

唐李白盛

舊苑荒臺楊柳新菱歌清唱不勝春只今惟有西江月曾照吳王宮裏人

越中覽古

唐李白盛

越王句踐破吳歸義士還家盡錦衣宮女如花滿春殿只今唯有鷓鴣飛

司馬相如琴臺

唐杜甫盛

茂陵多病後尚愛卓文君酒肆人間世琴臺日暮雲野花留寶曆蔓草見羅裙歸鳳求凰意寥寥不復聞

人部

卷八十五

十三 唐古

石鏡

唐杜甫盛

蜀王將此鏡送死置空山冥寞磷香骨提攜近玉顏衆妃無復歎千騎亦虛還獨有傷心石埋輪月宇間

邵陵作

唐張謂盛

嘗聞虞帝苦憂人祗爲蒼生不爲身已道一朝辭北極何須五月更南巡昔時文武皆銷鑠今日精靈長

寂寞斑竹年來笋自生白蘋春盡花空落遙望零陵見舊丘蒼梧雲起至今愁唯餘帝子千行淚添作瀟湘萬里流

經埋輪地

唐蔣冽盛

漢帝張御史晉國綠珠樓時代邈已遠共謝洛陽秋洛陽大道邊舊地尚依然下馬獨太息擾擾城中喧時人歎綠珠詩滿金谷園千載埋輪地無人興一言正直死猶忌况乃未死前汨羅有翻浪恐是嫌屈原我聞太古水上與天漢連

鄴城引

唐張鼎盛

君不見漢家失統三靈變魏武爭雄六龍戰滌海吞江制中國迴天運斗應南面隱隱都城紫陌間迢迢分野黃星見流年不駐漳河水明月俄終鄴國宴文章猶入管絃新帷座空銷狐兔塵可惜望陵歌舞處

人部

卷全五

十四 唐古

松風四面暮愁人

長沙過賈誼宅

唐劉長卿中

三年謫宦此棲遲萬古惟留楚客悲秋草獨尋人去後寒林空見日斜時漢文有道恩猶薄湘水無情弔豈知寂寂江山搖落處憐君何事到天涯

銅雀臺

唐劉長卿中

嬌愛更何日高臺空數層含啼映雙袖不忍看西陵漳河東流無復來百花輦路爲蒼苔清樓月夜長寂寞碧雲日暮空徘徊君不見鄴中萬事非昔時古人不在今人悲春風不逐君王去草色年年舊宮路宮

中歌舞已浮雲空指行人往來處

歸沛縣道中晚泊留侯城

唐劉長卿中

訪古此城下子房安在哉白雲去不反危堞空崔嵬
伊昔楚漢時頗聞經濟才運籌風塵下能使天地開
蔓草日已積長松日已摧功名滿青史祠廟唯蒼苔
百里暮城遠孤舟川上迴進帆東風便轉舫前山來
楚水澹相引沙鷗閑不猜扣舷從此去延首仍徘徊
棲霞寺東峰尋南齊明徵君故居

唐劉長卿中

山人今不見山鳥自相從長嘯辭明主終身卧此峰

八部

卷八十五

十五

平古

泉源通石徑磻戶掩塵容古墓依寒草前朝寄老松
片雲生斷壁萬壑遍疎鐘惆悵空歸去猶疑林下逢
睢陽感懷

唐韋應物中

豺虎犯天綱昇平無內備長驅陰山卒略踐三河地
張侯本忠烈濟世有深智堅壁梁宋間遠籌吳楚利
窮年方絕輸鄰援皆攜貳使者哭其庭救兵終不至
重圍雖可越藩翰諒難棄飢喉待危巢懸命中路墜
甘從鋒刃斃莫奪堅貞志宿將降賊庭儒生獨全義
空城唯白骨同往無賤貴哀哉豈獨今千載當歎歎

宋中

唐耿漳中

日暮黃雲合年深白骨稀舊林喬木在秋草遠人歸
廢井莓苔厚荒田路徑微唯餘近山色相對似依依

宋中

唐耿漳中

百戰無軍食孤城陷虜塵爲傷多易子翻弔淺爲臣
漫漫東流水悠悠南陌人空思前事往向晚淚沾巾

馬嵬行

唐劉禹錫中

綠野扶風道黃塵馬嵬驛路邊楊貴人墳高三四尺
乃問里中兒輩言幸蜀時軍家誅戚族天子捨妖姬
羣吏伏門屏貴人牽帝衣低回轉美目風日爲無暉
貴人飲金屑倏忽舜英姿平生服古丹顏色其如何

八部

卷八十五

十六

平古

蜀車塵已遠里巷來窺覷共愛宿妝妍君王畫眉處
復禁無復有文組光未滅不見巖畔人空見凌波襪
邛童愛蹤跡私手解繫結傳看千萬眼縷絕香不歇
指環照骨明首飾敵連城將入咸陽市猶得賈胡驚
善卷壇下作

唐劉禹錫中

先生見堯心相與去九有斯民既已治我得安林藪
道爲自然貴名是無窮壽瑤臺在此山識者常回首

經檀道濟故壘

唐劉禹錫中

馬里長城壞荒營野草秋秣陵多士女猶唱白符鳩
史云當時人歌曰可憐
白符鳩在後檀江州

石頭城

唐劉禹錫中

山圍故國周遭在，潮打空城寂寞回。
淮水東邊舊時月，夜深還過女牆來。

烏衣巷

唐劉禹錫中

朱雀橋邊野草花，烏衣巷口夕陽斜。
舊時王謝堂前燕，飛入尋常百姓家。

臺城

唐劉禹錫中

臺城六代競豪華，結綺臨春事最奢。
萬戶千門成野草，只緣一曲後庭花。

江令宅

唐劉禹錫中

南朝詞臣北朝客，歸來唯見秦淮碧。
池臺竹樹三畝餘，至今猶道江家宅。

過賈誼宅

唐戴叔倫中

一謫長沙地三年，歎逐臣上書憂漢室。
作賦弔靈均，舊宅愁荒草。西風薦客蘋，
淒涼回首處，不見洛陽人。

過馬嵬

唐李益中

金甲銀旌盡已回，蒼茫羅袖隔風埃。
濃香猶自隨鸞輅，恨魄無由離馬嵬。
南內真人悲帳殿，東溟方士問蓬萊。
唯留坡畔彎環月，時送殘輝入夜臺。

過馬嵬

唐李益中

漢將如雲不直言，冠來翻罪綺羅恩。
託君休洗蓮花血，留記千年妾淚痕。

嚴陵釣臺下作

唐權德輿中

絕頂聳蒼翠，清湍石磷磷。
先生晦其中，天子不得臣。
心靈棲顙元，纓冕猶緇塵。
不樂禁中卧，却歸江上春。
潛驅東漢風，日使薄者醇。
焉用佐天子，持此報故人。
則知大賢心，不獨私其身。
弛張有深致，耕釣陶天真。
奈何清風後，擾擾論屈伸。
交情同市道，利欲相紛綸。
我行訪遺靈，仰古懷逸民。
鰲綴鴻鶴遼，雪霜松桂新。
江流去不窮，山色凌秋旻。
人世自今古，清輝照無垠。

九日登叢臺

唐王建中

平原池閣在誰家，雙塔叢臺野菊花。
零落故宮無入路，西來澗水繞城斜。

春過趙墟有作

唐劉言史中

下馬邯鄲陌頭歇，寂寥崩墜臨車轍。
古柏重生枝亦乾，餘漆見風幽燄滅。
白蒿微口紫槿新，行人感此復悲春。

鴻溝

唐張碧中

奔龍銜日天地昏，八紘變隸生愁雲。
秦原走鹿無藏處，紛紛爭處蜂成羣。
四溟波立鯨相吞，蕩搖五嶽崩。

山根魚蝦舞浪狂，鱗鯢龍蛇膽戰登鴻門。星旗羽鏃
強者尊，黑風白雨東西屯。山河口拆入煙分，壯士鼓
勇君王存。項莊憤氣吐不得，亞夫卧聲天上聞。玉光
隨地驚崑崙，留侯氣魂吞太華。舌頭一寸生陽春，神
農文嫺愁不言。地枯老嫗啼淚痕，星曹定秤秤王孫。
項籍骨輕迷精魂，沛公仰面爭乾坤。須臾下賊星
起，歌聲繚繞悽人耳。吳娃捧酒橫秋波，霜天月照空
城壘。力拔山兮呼到此，騅嘶懶渡烏江水。新豐瑞色
生樓臺，西楚寒嵩哭愁鬼。三尺霜鳴金匣裏，神光一
口八千里。漢王驟馬意氣生，西南掃地迎天子。

卷八十五

十九

梁臺古意

唐李賀中

梁王臺沼空中立，天河之水夜飛入。臺前闕王作蛟
龍，綠粉掃天愁露濕。撞鐘飲酒行射天，金虎威裘噴
血斑。朝朝暮暮愁海翻，長繩繫日樂當年。芙蓉疑紅
得秋色，蘭臉別春啼。脉脉蘆洲客，鴈報春來寥落野。
篁秋漫白

驪山行

唐元稹中

君不見開元至化垂衣裳，厭坐明堂朝萬方。訪道靈
山降聖祖，沐浴華池集百祥。千乘萬騎被原野，雲霞
草木相輝光。禁伏闔山曉，霜切離宮積翠夜。漏長玉

階寂歷朝無事，碧樹歲寒更芳。三清小鳥傳仙語，
九華真人捧瓊漿。下元昧爽漏編一作恒秩登山朝禮
玄元室，翠華稍隱天半雲。丹閣光明海中日，羽旗旄
節憩瑤臺。清絲妙管從空來，萬井九衢皆仰望。彩雲
白鶴方徘徊，憑高覽古一作望。嗟寰宇造化茫茫思悠
哉，秦川八水長繚繞。漢氏五陵空崔嵬，乃言聖祖奉
丹經以年爲日，億萬齡蒼生咸壽。陰陽泰高謝前王
出塵外，英豪共理天下晏。戎夷讐伏兵無戰，時豐賦
斂未告勞。海濶珍奇亦來獻，干戈一起文武乖歡娛。
已極人事變，聖皇弓劍墜幽泉。古木蒼山閉宮殿，續

卷八十五

二十一

永鴻業聖明君威震六合，驅妖氛太平遊幸今可待。
湯泉嵐嶺還氛氲

金谷園歌

唐元稹中

石氏滅金谷園中水流絕，當時豪右爭驕侈。攻爲步
障四十里，東風吹花雪滿川。紫氣疑閣朝景妍，洛陽
陌上人迴首。綠竹飄飄入青天，晉武平吳恣歡燕。餘
風靡靡朝廷變，嗣世衰微誰肯憂。二十四友日日空
追遊，追遊詎可足。共惜年華促，禍端一發埋恨長。百
草無情春自綠

過昭君村

唐白居易中

靈珠產無種彩雲山無根亦如彼姝子生此遐陋村
至麗物難掩遽選入君門獨美衆所嫉終棄於塞垣
唯此希代色豈無一顧恩事排勢須去不得由至尊
黑白既可變丹青何足論竟埋岱北骨不返巴東魂
慘澹晚雲水依稀舊鄉園妍姿化已久但有村名存
村中有遺老指點爲我言不取往者戒恐貽來者冤
至今村女面燒灼成癡痕

姑蘇行

唐釋皎然

古臺不見秋草衰却憶吳王全盛時千年月照秋草
上吳王在時幾迴望至今月出君不還世人空對姑

人部

卷八十五

三

用古

蘇山山中精靈安可親轍迹人蹤麋鹿聚嬋娟西子
傾國容化作寒陵一堆土

湘川弔舜

唐馬戴晚

伊予生好古弔舜蒼梧間白日坐將沒游波凝不還
九疑雲動影曠野竹成斑鴈集兼葭渚猿啼霧露山
南風吹早恨瑤瑟怨長關元化誰能問天門恨久關

經咸陽北原

唐馬戴晚

秦山曾共轉秦雲自舒卷古來爭雄圖到此多不返
野狖穴孤墳農人耕廢苑川長波又逝日與歲俱晚
夜入咸陽中悲吞不能飯

臺城

唐韋莊晚

江雨霏霏江草齊六朝如夢鳥空啼無情最是臺城
柳依舊煙籠十里堤

金虎臺

唐溫庭筠晚

碧草連金虎青苔蔽石麟皓齒芳塵起纖腰玉樹春
倚瑟紅鉛濕分香翠黛嚬誰言奉陵寢相顧復沾巾

雞鳴埭曲

唐溫庭筠晚

南朝天子射雉時銀河耿耿星參差銅壺漏斷夢初
覺寶馬塵高人未知魚躍蓮東蕩宮沼濛濛御柳懸
栖鳥紅妝萬戶鏡中春碧樹一聲天下曉盤踞勢窮

人部

卷八十五

三

用古

三百年朱方殺氣成愁煙彗星拂地浪連海戰鼓渡
江塵漲天繡龍蓋雉填宮井野火風驅燒九鼎殷集
江燕砌生蒿十二金人霜爛爛芊綿平綠臺城基暖
色春容荒古吸寧知玉樹後庭曲留待野棠如雪枝

故城曲

唐溫庭筠晚

漠漠沙堤煙堤西雉子班雉聲何角角麥秀陰桑間
游絲蕩平綠明滅時相續白馬金絡頭東風故城曲
故城殷貴嬪曾占未來春自從香骨化飛作馬蹄塵

利州江潭作

感存金輪所

唐李商隱晚

神劍飛來不是銷碧潭珍重駐蘭橈自移明月移燈

疾欲就行雲散錦遙河伯軒牕通貝闕水宮帷箔卷
冰綃他時燕脯無人寄雨滿空城蕙葉彫

商於

唐李商隱晚

商於朝雨霽歸路有秋光背塢後收果投巖巖
建瓴真得勢橫戟豈能當割地張儀詐謀身綺季長
清渠州外月黃葉廟前霜今日看雲意依依入帝鄉

咸陽

唐李商隱晚

咸陽宮闕鬱嵯峨六國樓臺艷綺羅自是當時天帝
醉不關秦地有山河

過華清內廐門

唐李商隱晚

人部

卷八十五

三

古

華清別館閑黃昏碧草悠悠內廐門自是明時不巡
幸至今青海有龍孫

馬嵬

唐李商隱晚

海外徒聞更九州鄭衍云九州之外復有九州他生未卜此生休

空聞虎旅鳴宵柝無復雞人報曉籌此日六軍同駐

馬當時七夕笑牽牛如何四紀爲天子不及盧家有

莫愁

井絡

唐李商隱晚

井絡天彭一掌中漫誇天設劒爲峰陣圖東聚燕江
口邊析西懸雪嶺松堪歎故君成杜宇可能先主是

直龍將來爲報英雄輩莫向金牛訪舊蹤

蜀江有弔

唐鄭谷晚

孟子有良策惜哉今已而徒將心體國不識道消時
折檻未爲切沈湘何足悲蒼蒼無問處煙雨徧江離

垓城

唐儲嗣宗晚

百戰未言非孤軍驚夜圍山河意氣盡淚濕美人衣

驪山

唐許渾晚

聞說先皇醉碧桃日華浮動一作學鬱金袍風隨玉輦
笙歌迴雲卷珠簾劒佩高鳳駕北歸山寂寂龍旗西

幸水涓涓蛾眉一作貴妃沒後巡遊少瓦洛宮牆見野蒿

人部

卷八十五

三

古

凌歊臺

唐許渾晚

宋祖凌高一作歌樂未回三千歌舞宿層臺相潭雲盡
暮山出巴蜀雪消春水來行殿有基荒薺合寢園無

主野棠開百年便作一作古碑空綠苔

揚州三首

唐杜牧晚

煬帝雷塘土迷藏有舊樓誰家唱水調明月滿揚州

自是秦羅綺馬宜閒出千金好暗遊喧闐醉年少半

脫紫茸裘

二

秋風放螢苑春草闌離臺金絡擎鵬去鸞環拾翠來

蜀船紅錦重越橐水沈堆處處皆華表淮王奈却迴

三

街垂千步柳霞映兩重城天碧臺閣麗風涼歌管清
纖腰間長袖玉珮雜繁縷地軸誠爲壯豪華不可名
自是荒淫罪何妨作帝京

潤州二首

唐杜牧晚

句吳亭東十里秋放歌曾作昔年遊青苔寺裏無馬
跡綠水橋邊多酒樓大抵南朝皆曠達可憐東晉最
風流月明更想桓伊在一笛聞吹出寒愁

謝朓詩中佳麗地夫差傳裏水犀軍城高鐵瓮橫強

人部

卷八十五

平古

勞潤州城孫權柳暗朱樓多夢雲盡角愛飄江北去
釣歌長向月中聞揚州塵土試迴首不惜千金借與
君

題烏江亭

唐杜牧晚

勝敗兵家不可期包羞忍耻是男兒江東子弟多豪
俊卷土重來未可知

赤壁

唐杜牧晚

折戟沈沙鐵未銷自將磨洗認前朝東風不與周郎
便銅雀春深鎖二喬

金谷園

唐杜牧晚

繁華事散逐香塵流水無情草自春日暮東風怨啼
鳥落花猶似墮樓人

泊秦淮

唐杜牧晚

煙籠寒水月籠沙夜泊秦淮近酒家商女不知亡國
恨隔江猶唱後庭花

焚書坑

唐章碣晚

竹帛煙銷帝業虛關河空鎖祖龍居坑灰未冷山東
亂劉項元來不讀書

悲銅雀臺

唐李遠晚

西陵樹已盡銅雀思偏多雪密疑樓閣花開想綺羅

人部

卷八十五

平古

影銷堂下舞聲斷帳前歌唯有漳河水年年舊綠波

秦原覽古

唐于濬晚

耕者戮力地龍虎曾角逐火德道將亨夜逢蚩母哭
昔日望夷宮是處尋秦殺漢祖竟爲龍趙高徒指鹿
當時行路人已合傷心目漢祚又千年秦原草還綠

詩集類函卷八十五

詩雋類函卷八十六

東吳俞安期彙纂 宣城梅鼎祚增定

新都鄭 澤訂校

八部二十八 哀時 懸亂

○哀時

麥秀歌

二見○史記箕子世家云箕子朝周過故殷墟感宮室毀壞生禾黍箕子傷之欲哭則不可欲泣為其近婦人乃作麥秀之詩以歌之云云○琴集曰傷殷操微子所作也尚書大傳亦云微子作

麥秀漸漸兮禾黍油油 彼狡童兮不與我好 許

反分史

八部

卷全六

麥秀歌

新麥也禾黍油油彼狡童今不我好仇尚書史記曰武王已平殷亂天下宗周而伯夷叔齊耻之義不食周粟隱於首陽山死作歌其辭云云

登彼西山兮採其薇矣以暴易暴今不知其非矣神

農虞夏忽焉歿兮我適安歸矣吁嗟徂兮命之衰矣

史記伯夷傳賡賦詩可異焉即此詩也

丘陵歌

孔叢子曰哀公使以幣如衛適夫子而不能賞故夫子作丘陵之歌云云

登彼丘陵

剡嶺崎嶇也丘陵既高且險其巖又峻相屬丘陵謂王室也

仁道在邇 一作 求之若遠遂迷不復自與屯蹇

喟然迴慮題彼泰山 題顧也泰山謂魯也言歷

其高梁甫迴運梗棘充路陟之無緣將伐無柯患茲

蔓延惟以永歎涕實潏潏 言公室既鮮確而險大夫又亂如枳棘欲伐去又無

斧柯梁甫太山之下小山指三桓也

楚聘歌

孔叢子曰楚王使使奉金幣聘夫子宰問曰太公勤身苦志八十而遇文王孰與許由之賢子曰許由獨善其身者也太公兼利天下者也然今世無文王雖有太公孰能識之乃歌曰

大道隱兮禮為基賢人寘兮將待時天下如一兮欲

何之

關中詩

十六章 惠帝元康六年氏賊齊萬年與楊茂於關中反亂既平帝命諸臣作

八部

卷全六

關中詩○岳上表曰詔臣作關中詩輒奉詔樹恩作詩一篇按漢紀孝明時護羌校尉竇林上降羌頭岸以為羌豪岸兄頭吾復降問事狀林對前後兩屈坐誣罔下獄死齊萬年編戶隸屬為日久矣而死生異辭必有訛謬故引證論以懲不恪

晉潘岳

於皇時 一作 晉受命既固三祖在天聖皇紹祚德博

化光刑簡枉錯微火不戒延我寶庫

蠢爾戎狄狡焉思肆虞我國胄窺我利器岳牧慮殊

威懷理二將無專策兵不素肄

翹翹趙主請徒三萬朝議惟疑未逞斯願桓桓梁征

高牙乃建旗蓋相望偏師作援

虎視眈眈威彼好時素甲日耀玄幕雲起誰其繼之
夏侯卿士惟系惟處別營暮時

大豈無謀戎士承平守有完郭戰無全兵鋒交卒奔
孰免孟明飛檄秦郊告敗上京

周勃帥令身營氏斧人之云亡貞節克舉虛播逆命
投界朔土爲法受惡誰謂荼苦

哀此黎元無罪無辜肝腦塗地白骨交衢人行妻寡
父山子孤俾我晉民化爲狄俘

亂離斯瘼日月其稔天子是矜肝食晏寢主憂臣勞
孰不祗慄愧無獻納尸素以甚

人部 卷六十六 三

皇赫斯怒爰整精銳命彼上谷指日遄逝純奉威規
穆威嚴厲百陷中亭揚聲萬計

其因譴道先聲後實聞之有司以萬爲一紂之不善
我不之必虛品清德繆彰甲吉

雍門不啓陳汧危偪觀遂虎奮感恩輸力重圍克解
危城載色豈曰無過功亦不測

情固萬端予何不有紛紜齊萬亦孔之醜曰納其降
曰梟其首時真可掩孰僞可久

旣徵爾辭旣蔽爾訟當乃明實否則證空好爵旣作
縻顯戮亦從不見竇林伏尸漢邦

周人之詩寔曰采薇北難獫狁西患昆夷以古況今
何足曜威徒愍斯民我心傷悲

斯民如何荼毒於秦師旅旣加饑饉是因疫癘淫衍
荆棘成榛絳陽之粟浮于渭濱

明明天子視民如傷申命羣司保爾封疆靡恭于衆
無陵于疆惴惴寡弱如熙春陽

登秦嶺作時陷賊歸國 唐儲光義
朝出猛獸林蹊踞登高峰僮僕履雲霧隨我行太空

義和舒靈暉倏忽西極通迴首望涇渭隱隱如長虹
九達合蒼蕪五陵遙腫朦鹿遊大明殿霧濕華清宮

人部 卷六十六 四

網羅蛟螭時顧齒熊羆鋒失途走江漢不能有其功
氣逐招搖星魂隨聞闔風唯言宇宙清復使車書同

林木被繁霜合沓連山紅鵬鶚勵羽翼俯視荆棘叢
誓將食鵲鴞然後歸崆峒

代扶風主人答 唐王昌齡
殺氣凝不流風悲月彩寒浮埃起四達遊子迷不歡

依然宿扶風沽酒聊自寬寸心亦未理長欽誰能彈
主人就我飲對我還慨然便泣數行淚因歌行路難

十五役邊城三迴計樓蘭連年不解甲積日無所餐
將軍降匈奴國使沒桑乾去時三十萬獨自還長安

不信沙場苦君看刀箭瘢鄉親悉零落塚墓亦摧殘
仰攀青松枝慟絕傷心肝禽獸悲不去路傍誰忍看
幸逢休明代寰宇靜波瀾老馬思伏櫪長鳴力已殫
少年與運會何事發悲端天子初封禪賢良刷羽翰
三邊悉如此否泰亦須觀

代北州老翁答

唐張謂

負薪老翁往北州北望鄉關生客愁自言老翁有三
子兩人已向黃沙死如今小兒新長成明年聞道又
徵兵定知此別必零落不及相隨同死生盡將田宅
借鄰伍且復伶俜去鄉土在生本求多子孫及有誰
人部

卷八十六

五

知更辛苦近傳天子尊武臣強兵直欲靜胡塵安邊
自合有長策何必流離中國人

胡歌

唐岑參

黑姓蕃王貂鼠裘葡萄宮錦醉纏頭關西老將能苦
戰七十行兵仍未休

哀王孫

唐杜甫

長安城頭頭白烏夜飛延秋門上呼又向人家啄大
屋屋底達官走避胡金鞭斷折九馬死骨肉不待同
馳驅腰下寶玦青珊瑚可憐王孫泣路隅問之不肯
道姓名但道困苦乞為奴已經百日竄荆棘身上無

有完肌膚高帝子孫盡隆準龍種自與常人殊豺狼
在邑龍在野王孫善保千金軀不敢長語臨交衢且
為王孫立斯須昨夜東風吹血腥東來豪馳滿舊都
朔方健兒好身手昔何勇銳今何愚竊聞太子已傳
位聖德北服南單于花門務面請雪耻慎勿出口他
人狙哀哉王孫慎勿踈五陵佳氣無時無

哀江頭

唐杜甫

少陵野老吞聲哭春日潛行曲江曲江頭宮殿鎖千
門細柳新蒲為誰綠憶昔霓旌下南苑苑中萬物生
顏色昭陽殿裏第一人同輩隨君侍君側輦前才人

人部

卷八十六

六

帶弓箭白馬嚼齧黃金勒翻身向天仰射雲一箭正
墜雙飛翼明眸皓齒今何在血污游魂歸不得清渭
東流劍閣深去住彼此無消息人生有情淚沾臆江
水江花豈終極黃昏胡騎塵滿城欲往城南忘城北

潼關吏

唐杜甫

士卒何草草築城潼關道大城鐵不如小城萬丈餘
借問潼關吏修關還備胡要我下馬行為我指山隅
連雲列戰格飛鳥不能踰胡來但自守豈復憂西都
丈人視要處窄狹容單車艱難奮長戟千古用一夫
哀哉桃林戰百萬化為魚請囑防關將慎勿學哥舒

石壕吏

唐杜甫 盛

暮投石壕村有吏夜捉人老翁踰牆走老婦出門看
吏呼一何怒婦啼一何苦聽婦前致辭三男鄴城戍
一男附書至二男新戰死存者且偷生死者長已矣
室中更無人惟有乳下孫孫有母未去出入無完裙
老嫗力雖衰請從吏夜歸急應河陽役猶得備晨炊
夜久語聲絕如聞泣幽咽天明登前途獨與老翁別

新安吏

唐杜甫 盛

客行新安道喧呼聞點兵借問新安吏縣小更無丁
府帖昨夜下次選中男行中男絕短小何以守王城
人部 卷八十六 七 哀時

肥男有母送瘦男獨伶俜白水暮東流青山猶哭聲
莫自使眼枯收汝淚縱橫眼枯却見骨天地終無情
我軍收相州日夕望其平豈意賊難料歸軍星散營
就糧近故壘練卒依舊京掘壕不到水牧馬役亦輕
況乃王師順撫養甚分明送行勿泣血僕射如父兄

兵車行

唐杜甫 盛

車麟麟馬蕭蕭行人弓箭各在腰爺娘妻子走相送
塵埃不見咸陽橋牽衣頓足攔道哭哭聲直上千雲
霄道旁過者問行人行人但云點行頻或從十五北
防河便至四十西營田去時里正與聚頭歸來頭白

遷戍邊邊庭流血成海水武皇開邊意未已君不見
漢家山東二百州千村萬落生荆杞縱有健婦把鋤
犁禾生隴畝無東西況復秦兵耐苦戰被驅不異犬
與雞長者雖有問役夫敢伸恨且如今年冬未休關
西卒縣官急索租租稅從何出信知生男惡反是生
女好生女猶得嫁比鄰生男埋役隨百草君不見青
海頭古來白骨無人收新鬼煩冤舊鬼哭天陰雨濕
聲啾啾

洗兵馬

唐杜甫 盛

中興諸將收山東捷書夜報清書同河廣傳聞一葦
人部 卷八十六 八 哀時

過胡兒命在破竹中祇殘鄴城不日得獨任朔方無
限功京師皆騎汗血馬回紇饒肉蒲萄宮已喜皇威
清海岱常思仙仗過崆峒三年笛裏關山月萬國兵
前草木風成王功大心轉小郭相謀深古來少司徒
清鑒懸明鏡尚書氣與秋天杳二三豪傑爲時出整
頓乾坤濟時了東走無復憶鱸魚南飛覺有安枝鳥
青春復隨冠冕入紫禁止耐煙花繞鶴駕通霄鳳輦
備雞鳴問寢龍樓曉攀龍附鳳勢莫當天下盡化爲
侯王汝等豈知蒙帝力時來不得誇身強關中既留
蕭丞相幕下復用張子房張公一生江海客身長九

尺鬚眉蒼微起適遇風雲會扶顛始知籌策良青袍
白馬更何有後漢今周喜再昌寸地尺天皆入貢奇
祥異端爭來送不知何國致白環復道諸山得銀甕
隱士休歌紫芝曲詞人解撰河清頌田家望望惜雨
乾布穀處處催春種淇上健兒歸莫懶城南思婦愁
多夢安得壯士挽天河淨洗甲兵長不用

悲陳陶

唐杜甫

孟冬十郡良家子血作陳陶澤中水野壙天清無戰
聲四萬義軍同日死羣胡歸來血洗箭仍唱胡歌飲
都市都人回面向北啼日夜更望官軍至

人部

卷八十六

九

哀時

悲青坂

唐杜甫

我軍青坂在東門天寒飲馬太白窟黃頭奚兒日向
西數騎彎弓敢馳突山雪河水野蕭瑟青是烽煙白
人骨焉得附書與我軍忍待明年莫倉卒

同元使君春陵行

并序

唐杜甫

覽道州元使君結春陵行兼賊退後示官吏作二
首志之曰當天子分憂之地效漢官良吏之日今
盜賊未息知民疾苦得結輩十數公落落然參錯
天下為邦伯萬物吐氣天下少安可待矣不意復
見此典體制微婉頓挫之詞感而有詩增諸卷軸

簡知我者不必寄元也

遭亂髮盡白轉衰病相嬰沈綿盜賊際狼狽江漢行
歎時藥力薄為客羸瘵成吾人詩家秀博采世上名
粲粲元道州前聖畏後生觀乎春陵作歟見俊哲情
復覽賊退篇結也實國楨賈誼昔流慟匡衡常引經
道州憂黎庶詞氣浩縱橫兩草對秋月一字皆華星
致君唐虞際純朴憶大庭何時降璽書用爾為丹青
獄訟久衰息豈惟偃甲兵悽惻念誅求薄斂近休明
乃知正人意不苟飛長纓涼飈振南岳之子寵若驚
色沮金印大興含滄溟清我多長卿病日夕思朝廷

人部

卷八十六

十

哀時

垂老別

唐杜甫

四郊未寧靜垂老不得安子孫陣亡盡焉用身獨完
投杖出門去同行為心酸幸有牙齒存所悲骨髓乾
男兒既介冑長揖別上官老妻卧路啼歲暮衣裳單
孰知是死別且復傷其寒此去必不歸還聞勸加餐
士門壁甚堅杏園度亦難勢異鄴城下縱死時猶寬
人生有離合豈擇衰盛端憶昔少壯日遲迴竟長歎
萬國盡征戍烽火被岡巒積屍草木腥流血川原丹

何鄉為樂土安敢尚盤桓棄絕蓬室居塌然摧肺肝

無家別

唐杜甫

寂寞天寶後園廬但蒿藜我里百餘家世亂各東西
存者無消息死者為塵泥賤子因陣敗歸來尋舊蹊
久行見空巷日瘦氣慘悽但對狐與狸豎毛怒我啼
四鄰何所有一二老寡妻宿鳥戀本枝安辭且窮棲
方春獨荷鋤日暮還灌畦縣吏知我至召我習鼓鞀
雖從本州役內顧無所攜近行止一身遠去終轉徙
家鄉既盡遠近理亦齊永痛長病母五年委溝谿
生我不得力終身兩酸嘶人生無家別何以為蒸黎

人部

卷六十六

十一

留花門

花門指回紇言語其兵於沙苑為農桑告

唐杜甫

北門天驕子飽肉氣勇決高秋馬肥健挾矢射漢月
自古以為患詩人厭薄伐修德使其來羈縻固不絕
胡為傾國至出入暗金闕中原有驅除隱忍用此物
公主歌黃鵠君王指白日連雲屯左輔百里見積雪
長戟烏休飛哀笳曉幽咽田家最恐懼麥倒桑枝折
沙苑臨清渭泉香草豐潔渡河不用船千騎常撒烈
胡塵踰太行雜種抵京室花門既須留原野轉蕭瑟
塞廬子廬子關名在延州公權有乘隙而入者故作此唐杜甫
五城何迢迢迢迢隔河水邊兵盡東征城內空荆杞

思明割懷衛秀巖西未已迴略大荒來峭面蒼盧爾

延州秦北戶關防猶可倚焉得一萬人疾驅塞廬子

岐有薛大夫旁制山賊起近聞昆戎徒為退三百里

蘆關扼兩寇深意實在此誰能叫帝闕胡行速如鬼

青絲

唐杜甫

青絲白馬誰家子粗豪且逐風塵起不聞漢主放妃
嬪近靜潼關掃蜂蟻殿前兵馬破汝時十月即為磬
粉期末如面縛歸金闕萬一皇恩下玉墀

近聞

唐杜甫

近聞犬戎遠遁逃牧馬不敢侵臨洮渭水逶迤白日

人部

卷六十六

十三

靜隴山蕭瑟秋雲高崆峒五原亦無事北庭數有關

中使似聞贊普更求親舅甥和好應難棄

自平

唐杜甫

自平宮中呂太一收珠南海千餘日近供生犀翡翠
稀復恐征戍干戈密蠻谿豪族小動搖世封刺史非
時朝蓬萊殿裏諸王將才如伏波不得驕

漁陽

唐杜甫

漁陽突騎猶精銳赫赫維王都節制猛將飄然恐後
時本朝不入非高計祿山北築雄武城舊防敗走歸
其營營書請問感者舊今日何須十萬兵

折檻行

唐杜甫

嗚呼房魏不復見秦王學士時難美青衿胃子困泥
塗白馬將軍若雷電千載少似朱雲人至今折檻空
嶙峋妻公不語宋公語尚憶先皇容直臣

去秋行

唐杜甫

去秋涪江木落時臂槍走馬誰家兒到今不知白骨
處部曲有去皆無歸遂州城中漢節在遂州城外巴
人稀戰場冤魂每夜哭空令野營猛士悲

西山三首

唐杜甫

夷界荒山頂蕃州積雪邊築城依白帝轉粟上青天

人部

卷八十六

十三

蜀將分旗鼓羌兵助鎧鉞西南背和好殺氣日相纏

二

辛苦三城戍長防萬里秋煙塵侵火井雨雪閉松州
風動將軍幕天寒使者裘漫山賊營壘迴首得無憂

三

子弟猶深入關城未解圍鐵崖鐵馬瘦灌口米船稀
辯士安邊策元戎決勝威今朝烏鵲喜欲報凱歌歸

王命

唐杜甫

漢北豺狼滿巴西道路難血埋諸將甲骨斷使臣鞍
半落新燒棧蒼蒼舊築壇深懷喻蜀意慟哭望王官

征夫

唐杜甫

十室幾人在千山空自多路衢唯見哭城市不聞歌
漂梗無安地銜枚有荷戈官軍未通蜀吾道竟如何

歲暮

唐杜甫

歲暮遠爲客邊隅還用兵煙塵犯雪嶺鼓角動江城
天地日流血朝廷誰請纓濟時敢愛死寂寞壯心驚

巴西聞收京送班司馬入京

唐杜甫

聞道收宗廟鳴鑾自陝歸傾都看黃屋正殿引朱衣
劍外春天遠巴西勅使稀念君經世亂匹馬向王畿

諸將五首

唐杜甫

人部

卷八十六

十四

漢家陵墓對南山胡虜千秋尚入關昨日玉魚蒙葬

地早時金盃出人間見愁汗馬西戎逼曾聞朱旗北

斗閑多少材官守涇渭將軍且莫破愁顏

韓公本意築三城擬絕天驕拔漢旌豈謂盡煩回紇

馬翻然遠救朔方兵胡來不覺潼關隘龍起猶聞晉

水清獨使至尊憂社稷諸君何以答昇平

洛陽宮殿化爲烽休道秦關百二重滄海未全歸禹

貢勦門何處覓堯封朝廷衮職雖多預天下軍儲不

自供稍喜臨邊王相國肯銷金甲事春農

回首扶桑銅柱標冥冥氛祲未全銷越裳翡翠無消

息南海明珠久寂寥殊錫曾爲大司馬總戎皆捕侍
中貂炎風朔雪天王地只在忠良翊聖朝

錦江春色逐人來巫峽清秋萬壑哀正賴往時嚴僕
射共迎中使望鄉臺主恩前後三持節軍令分明數
舉杯西蜀地形天下險安危須仗出羣材

歷歷

唐杜甫 盛

歷歷開元事分明在眼前無端賊盜起忽已歲時遷
巫峽西江外秦城北斗邊爲郎從白首卧病數秋天

驪山

唐杜甫 盛

驪山絕望幸花萼罷登臨地下無朝燭人間自賜金
人部 卷八十六 十五 哀時

鼎湖龍去遠銀海鴈飛深萬歲蓬萊日長懸舊羽林

提封

唐杜甫 盛

提封漢天下萬國尚同心借問懸車守何如儉德臨
時徵後又入草竊大羊侵願戒兵猶火恩加四海深

北風

唐杜甫 盛

北風破南極朱鳳日低垂洞庭秋欲雪鴻鴈將安歸
十年殺氣盛六合人煙稀吾慕漢初老時清猶茹芝

黃草

唐杜甫 盛

黃草峽西船不歸赤甲山下行人稀秦中驛使無消
思蜀道兵戈有是非萬里秋風吹錦水誰家別淚濕

羅不莫愁劍閣終難據聞道松州已被圍

春陵行

唐元結 盛

癸卯歲漫吏授道州刺史道州舊四萬餘戶經賊
已來不滿四千大半不勝賦稅到官未五十日承
諸使徵求符牒二百餘封皆曰失其限者罪至貶
削於戲若悉應其命則州縣破亂刺史欲焉逃罪
若不應命又卽獲罪戾必不免也吾將守官靜以
安人待罪而已此州是春陵故地故作春陵行以
達下情

軍國多所需切責在有司有司臨郡縣刑法競欲施
人部 卷八十六 十六 哀時

供給豈不憂徵歛又可悲州小經亂三遺人實困疲
大鄉無十家大族命單羸朝餐是草根暮食仍木皮
山言氣欲絕意速行步遲追呼尚不忍况乃鞭朴之
郵亭傳符來往跡相追更無寬大恩但有迫促期
欲令鬻兒女言發恐亂隨悉使索其家而又無生資
聽彼道路言怨傷誰復知去冬山賊來殺奪幾無遺
所願見王官撫養以恩慈奈何重驅逐不使存活爲
安人天子命符節我所持州縣忽亂亡得罪復是誰
通緩違詔令蒙責固其宜前賢重守分惡以禍福移
亦云貴守官不愛能適時顧惟孱弱者正直當不虧

何人采國風吾欲獻比辭

傷時

唐孟雲卿

徘徊宋郊上不見平生親獨立正傷心悲風來孟津
大方載羣物生死有常倫虎豹不相食哀哉人食人
豈伊逢世運天道亮云云

洛陽吟

唐白居易

唐白居易

萬戶千門夕照邊開元時作舊風煙宮官試馬遊三
市舞女乘舟上九天胡騎北來空進主漢皇西去竟
昇仙如今父老偏垂涕不見承平四十年

秦中吟十首

唐白居易

八部

卷八十六

唐白居易

貞元元和之際予在長安聞見之間有足悲者因
直歌其事命爲秦中吟

議婚

天下無正聲悅耳卽爲娛人間無正色悅目卽爲姝
顏色非相遠貧富卽有殊貧爲時所棄富爲時所趨
紅樓富家女金縷繡羅襦見人不斂手嬌癡二八初
母兄未開口已嫁不須更綠牕貧家女寂寞二十餘
荆釵不直錢衣上無真珠幾迴人欲聘臨日又踟躕
主人會良媒置酒滿玉壺四座且勿飲聽我歌兩途
富家女易嫁嫁早輕其夫貧家女難嫁嫁晚孝於姑

聞君欲娶婦娶婦意何如

重賦

厚地植桑麻所要濟生民生民理布帛所求活一身
身外充正賦上以奉君親國家定兩稅本意在愛人
厥初防其淫明勅內外臣稅外加一物皆以枉法論
奈何歲月久貪吏得因循浚我以求寵歛索無冬春
織絹未成匹縑絲未盈斤里胥迫我納不許暫逡巡
歲暮天地閉陰風生破村夜深煙火盡露雪白紛紛
幼者形不蔽老者體無溫悲喘與寒氣併入鼻中辛
昨日輸殘稅因窺官庫門綰帛如山積絲絮似雲屯
昨爲羨餘物隨月獻至尊奪我身上暖買爾眼前恩
進入瓊林庫歲久化爲塵

八部

卷八十六

十八

唐白居易

傷宅

誰家起甲第朱門大道邊豐屋中櫛比高牆外廻環
累索六七堂棟宇相連延一堂費百萬鬱鬱起青煙
洞門溫且清寒暑不能干高堂虛且迴坐卧見南山
繞廊紫藤架夾砌紅藥欄攀枝摘櫻桃帶花移牡丹
主人此中坐十載爲大官厨有臭敗肉庫有貫朽錢
誰能將我語聞爾骨肉間豈無窮賤者忍不收饑寒
如何奉一身直欲保千年不見馬家宅今作奉誠園

傷友又云傷苦節士

陋巷孤寒士出門苦恓恓雖云志氣在豈免顏色低
平生同門友通籍出金闥曩者膠漆契邇來雲雨睽
正逢下朝歸騎騎五門西是時天久陰三日雨淒淒
蹇驢避路立肥馬當風嘶迴頭忘相識古道上沙堤
昔年洛陽社貧賤相提携今日長安道對面隔雲泥
近日多如此非君獨慘悽死生不變者唯聞任與黎
不致仕

人部

卷六十六

十九

哀時

七十而致仕禮法有明文何乃貪榮者斯言如不聞
不憐八九十齒墮雙眸昏朝露貪名利夕陽憂子孫
挂冠顧翠綵懸車惜朱輪金章腰不勝僂僂入君門
誰不愛富貴誰不戀君恩年高須告老名遂合退身
少時共嗤嗤晚歲多因循賢哉漢二疎彼獨是何人
寂寞東門路無人繼去塵

立碑

勲德既下衰文章亦陵夷但見山中石立作路旁碑
銘勲悉太公叙德皆仲尼復以多為貴千言直萬貲
為文彼何人想見下筆時但欲愚者悅不思賢者嗤
豈獨賢者嗤仍傳後代疑古石蒼苔字安知是愧詞
我聞望江縣麴令撫牌婺在官有仁政名不聞京師

身沒欲歸葬百姓遮路岐攀轅不得歸留葬此江湄
至今道其名男女涕皆垂無人立碑碣唯有邑人知
輕肥

意氣驕滿路鞍馬光照塵借問何為者人稱是內臣
朱紱皆大夫紫綬或將軍誇赴軍中宴走馬去如雲
罇鼎溢九醞水陸羅八珍果擘洞庭橘餽切天池鱗
食飽心自若酒酣氣益振是歲江南旱衢州人食人
五絃

人部

卷六十六

二十一

哀時

清歌且罷唱紅袂亦停舞趙叟抱五絃宛轉當胸撫
大聲粗若散颯颯風和雨小聲細欲絕切切鬼神語
又如鵲報喜轉作猿啼苦十指無定音顛倒宮徵羽
坐客聞此聲形神若無主行客聞此聲駐足不能舉
嗟嗟俗人耳好今不好古所以綠牕琴日日生塵土
歌舞

秦城歲暮大雪滿皇州雪中退朝者朱紫盡公侯
貴有風雲興富無饑寒憂所營惟第宅所務在追遊
朱門車馬客紅燭歌舞樓歡酣促密坐醉暖脫重裘
秋官為主人廷尉居上頭日中為一樂夜半不能休
豈知閹鄉獄中有凍死囚

買花

帝城春欲暮喧喧車馬度共道牡丹時相隨買花去
貴賤無常價酬直看花數灼灼百朵紅幾幾五束素
上張幄幕庇旁織色籬護水酒復泥封移來色如故
家家習爲俗人人迷不悟有一田舍翁偶來買花處
低頭獨長歎此歎無人論一叢深色花十戶中人賦
廣德初鑾駕出關後登高愁望二首

唐錢起中

長安不可望望處愁邊起輦轂混戎夷山河空表裏
黃雲壓城闕斜照移烽壘漢幟遠成霞胡馬來如蟻
不知涿鹿戰早晚蚩尤死渴日候河清沈憂催暮齒
人部 卷八十六 三十一 哀詩

二

愁看秦川色慘慘雲景晦乾坤暫運行品物遺覆載
黃塵漲戎馬紫色隨龍旆掩泣指關東日月妖氛外
臣心寄遠水朝海去如帶周德更休明天衢佇開泰
永貞行 唐韓愈中

君不見太皇諒陰未出令小人乘時偷國柄北軍百
萬虎與貔天子自將非他師一朝奪印付私黨慄慄
朝士何能爲狐鳴梟噪爭署置賜賂跳跟相嫵媚夜
作詔書朝拜官超資越序曾無難公然白日受賄賂
火齊磊落堆金盤元臣故老不敢語晝卧涕泣何汎

瀾董賢三公誰復惜侯景九錫行可歎國家功高德
且厚天位未許庸夫干嗣皇卓犖信英主文如太宗
武高祖膺圖受禪登明堂共流幽州鯨死羽四門肅
穆賢俊登數君匪親豈其明郎官清要爲世稱荒郡
迫野嗟可矜湖波連天日相騰蠻俗生梗瘴癘蒸江
氛嶺稜音昏若疑一蛇兩頭見未曾怪鳥鳴喚令人
憎蠱蟲羣飛夜撲燈雄虺毒螫墮股肱食中置藥肝
心崩左右使令詐難憑慎勿浪信常兢兢吾聞同僚
情可勝具書目見非妄徵嗟爾既往宜爲懲

八月五日中郎官舍讀唐歷天寶已來追愴故
人部 卷八十六 三十一 哀詩

事

唐□□□□

將尋國朝事靜讀柳芳歷八月日之五開卷忽感激
正當天寶末撫事坐追惜仰思聖明帝貽禍在肘腋
楊李盜吏權貪殘日狼籍燕戎伺其便百歲奮長戟
兩河連煙塵二京成瓦礫生人死欲盡揆業猶不息
肅宗傳寶圖寇難連年擊天地方開泰鑄鼎成繼述
萬國哭龍衰悲思動蠻貊自此千秋節不復動金石
悲風揚霜天總帷冷塵席零落太平老東西亂離客
往往爲余言嗚咽淚雙滴况當近塞地哀吹起邊笛
撫机觀陳文使我心不懌花萼笑繁華溫泉樹容碧

霓裳煙雲盡梨園風雨隔露囊與金鏡東游驚波瀾
昔聞歡娛事今日成慘感神仙不可求劍璽吾文積
萬古長恨端蕭蕭泰陵陌

水運

唐王建

西江運船立紅幟萬棹千帆繞江水去年六月無稻
苗已說水鄉人餓死縣官部船日算程暴風惡雨亦
不停在生有樂當有苦三年作官一年行壞舟畏鼠
復畏漏恐向太倉折升斗辛勤耕種非毒藥看著不
入農夫口用盡百金不為費但得一金即為利達微
海稻供邊食豈如多種邊頭地

人部

卷十六

三

哀

感懷詩

時滄州用兵

唐杜牧

高文會隋李提劍狗天意扶持萬代人步驟三皇地
聖云繼之神神仍用文治德澤酌生靈沈酣薰骨髓
旄頭騎箕尾風塵薊門起胡兵殺漢兵屍滿咸陽市
宣皇走豪傑譚笑開中否蟠聯兩河間燼萌終不弭
號為精兵處齊蔡燕趙魏合環千里疆爭為一家事
逆子嫁虜孫西鄰聘東里急熱同手足唱和如宮徵
法制自作為禮文爭僭擬壓堦螭鬬角盡屋龍交尾
署紙日替名分財賞稱賜剗隍成呼萬尋綠垣疊
千雉誓將付虜孫血絕然方已九廟伏神靈四海為

輸委如何七十年汗艱含羞耻韓彭不再生英衛皆
為鬼凶門爪牙輩穰穰如兒戲累聖但日吁聞外將
誰寄屯田數十萬隄防常情惴急征赴軍須厚賦資

凶器因隄畫一法且逐隨時利流品極蒙龍網羅漸
離弛夷狄日開張黎元愈憔悴逸矣逮太平蕭然盡
煩費至於貞元末風流恣綺靡艱極泰循來元和聖
天子元和聖天子英明湯武上茅茨覆宮殿封章紱
帷帳伍旅拔雄兒夢卜唐真相勃雲走毒靈河南
平盪繼於長慶初燕趙終昇襁攜妻負子來北關爭
頓顙故老撫兒孫爾生今有望茹鯁喉尚隘負重力

人部

卷十六

三

哀

未壯坐幄無奇兵吞舟漏疎網骨添薊垣沙血漲漳
沱浪抵云徒有征安能問無狀一日五諸侯奔下如
鳥往取之難梯天失之易反掌蒼然太行路窮窮還
榛莽關西賤男子誓肉虜極羹請數係虜事誰其為
我聽蕩蕩乾坤大曠曠日月明叱起文武業可以豁
洪溟安得封域內長有扈苗征七十里百里彼亦何
常爭往往念所至得醉愁蘇醒鞞舌辱壯心叫闥無
助聲聊書感懷韻焚之遺賈生

李甘詩

唐

太和八九年訓注極虓虎潛身九地底轉上青天去

四海鏡清澄千官雲片縷公私各閑暇追遊日相伍
豈知禍亂根枝葉潛滋莽九年夏四月天誠若言語
烈風駕地震擗雷驅猛雨夜於正殿階拔去千年樹
吾君不省覺二凶日威武操持北斗柄開閉天門路
森森明庭士縮縮循牆鼠平生負名節一旦如奴虜
指名爲錮黨跡誰告訴喜無李杜誅敢憚髡鉗苦
時當秋夜月日直日庚午喧喧皆傳言明晨相登注
予時與和鼎官各持斧和鼎顧予云我死有處所
當庭裂詔書退立須鼎俎君門曉日開赭案橫霞布
儼雅千官容勃鬱吾纍怒適屬命麟將馳昨之傳者

卷八十六

三五

哀時

誤明日詔書下謫斥南荒去夜登青泥坂墜車傷左
股病妻尚在牀稚子初離乳幽蘭思楚澤恨水啼湘
渚怆怆三閭魂悠悠一千古其冬三兒敗渙汗開湯
咎賢者須喪亡讒人尚堆堵予於後四年諫官事明
主常欲雪幽冤於時一禪補拜章豈艱難臆薄多憂
懼如何牛斗氣竟作炎荒土題此涕滋筆以代投湘
賦

甲子歲書事時上黨用兵

計

唐楊乘

晚

豎子未鼎烹大君尚肝食風雷隨出師雲霞有戰色
犒功椎萬牛募勇懸千帛武士日曳柴飛將競執馘

喜氣迎捷書歡聲送羽檄天兵日雄強桀犬稍離析
賊臂旣已斷賊喉旣已搯樂禍但鯨鯢同惡惟肘腋
小大勢難倖逆順初不適運命固天亡恃險垂長策
蠱毒久萌牙狼顧非日夕禮貌忽驕狂疏奏遂指斥
動衆豈佳兵含忍恐無益鴻恩旣已孤小效不足惜
腐儒一鉛刀投筆時感激帝闈不敢干栖栖坐長畫
行次西郊作一百韻

唐李商隱

晚

蛇年建午月我自梁還秦南下大散嶺北濟渭之濱
草木半舒坼不類冰霜晨又若夏苦熱焦卷無芳津
高田長檉櫪下田長荆榛農具棄道傍饑牛死空墩
人部

卷八十六

三六

哀時

依依過村落十室無一存存者皆向啼無衣可迎賓
始若畏人問及門還具陳右輔田疇薄斯民嘗苦辛
伊昔稱樂土所賴牧伯仁官清若冰玉吏善如六親
生兒不遠征生女事四鄰濁酒盈瓦缶爛穀堆荆困
健兒庇旁婦衰翁舐重孫况自貞觀後命官多儒臣
例以賢牧伯徵入司陶釀降及開元中姦邪撓經綸
晉公忌此事多錄邊將勳因令猛毅輩雜牧昇平民
中原遂多故除授非至尊或出倖臣輩或由帝戚恩
中原困屠解奴隸厭肥豚皇子棄不乳極房抱荒渾
重賜竭中國強兵臨北邊控弦二十萬長臂皆如猿

皇都三千里來往同鷗鳥五里一換馬十里一開筵
指顧動白日暖熱迴蒼旻公卿辱嘲叱唾棄如糞丸
大朝會萬方天子正臨軒綵旂轉初旭玉座當祥煙
金章既特設珠簾亦高褰捋須塞不顧坐在玉榻前
忤者死艱獲附之昇頂顛華侈遞衿豪傑相併吞
因失生惠養漸見徵求頻奚寇西北來揮霍如天翻
是時正忘戰重兵多在邊列城遶長河平明插旗幡
但聞虜騎入不見漢兵屯大婦抱兒哭小婦攀車轡
生小太平年不識夜開門少壯盡點行疲老守空村
生分作死誓揮淚連秋雲廷臣例麀怯諸將如羸奔

人部

卷八十六

二十七

哀時

爲賊掃上陽捉人送潼關王輦望南斗未知何日還
誠知開關久遣此雲雷屯送者問大鼎存者要高官
搶攘牙間謀孰辨梟與鸞千馬無返轡萬車無還轅
城空雀鼠死人去豺狼喧南資竭吳越西費失河源
因令右藏庫摧毀惟空垣如人當一身有左無右邊
筋體半痿痺肘腋生臊臙列聖蒙此耻含懷不能宣
謀臣拱手立相戒無敢先萬國困杼軸內庫無金錢
健兒立霜雪腹歉衣裳單饋餉多過時高估銅與鉛
山東望河北爨煙猶相聯朝廷不假給辛苦無半年
行人推行資居者稅屋椽中間遂作梗狼籍用戈鉞

臨門送節制以錫通天班破者以族滅存者尚遷延
禮數異君父羈縻如羌零直求輸赤誠所望大體全
巍巍政事堂宰相厭八珍敢問下執事今誰掌其權
瘡疽幾千載不敢扶其根國威賦更重人稀役彌繁
近年牛醫兒城社更拔綠盲目把大旆處此京西藩
樂禍忘怨敵樹黨多狂狷生爲人所憚死非人所憐
快刀斷其頭列若猪羊懸鳳翔三百里兵馬如黃巾
夜半軍牒來屯兵萬五千鄉里駭供億老少相扳牽
兒孫生未孩棄之無慘顏不復議所適但欲死山間
爾來又三歲甘澤不及春盜賊停午起問誰多窮民

人部

卷八十六

二十六

哀時

節使殺亭吏捕之恐無因咫尺不相見旱久多黃塵
官健腰佩弓自言爲官巡常恐值荒迴此輩還射人
媿客問本末願客無因循郡塢抵陳倉此地忌黃昏
我聽此言罷寃憤如相焚皆聞舉一會羣盜爲之奔
又聞理與亂繫人不繫天我願爲此事君前剖心肝
叩頭出鮮血滂沱汚紫宸九重黯已隔涕泗空沾唇
使典作尚書廝養爲將軍慎勿道此言此言未忍聞
山中與道友夜坐聞邊防不寧因示同志

唐溫庭筠

晚

龍砂鐵馬犯煙塵跡近羣鷗意倍親風捲蓬根屯戍

已月移松影守庚申韜鈴豈足爲經濟巖壑何嘗是
隱淪心許故人知此意古來知者竟誰人

聞兩河用兵因貽友人

唐許渾晚

故人日已遠身事與誰論性拙難趨世心孤易感恩
秋悲憐宋玉夜舞笑劉琨徒有干時策青山尚掩門

已亥歲

唐曹松晚

澤國江山入戰圖生民何計樂樵蘇憑君莫話封侯
事一將功成萬骨枯

卽事中元甲子一作辛丑年

唐羅隱晚

三秦一作九流血已成川塞上黃雲戰馬閑只有羸兵

人部

卷八十六

三十九

填渭水終無奇士出商山田園已沒紅塵內弟姪相
逢白刃間惆悵一作四望翠華猶未返淚痕空滴劒文斑

輕颺

唐羅隱晚

輕颺掠晚莎秋物慘關河戰壘平時少齋壇上處多
楚雖尤子重漢亦憶廉頗不及雲臺議空山老薜蘿

○愍亂

愍亂

南史曰朱异象侔在朝莫不側目雖太子亦不能平及侯景亂圍城內咸尤异簡

言詩

梁簡文帝

瞻彼阪田嗟斯氛霧謀之不臧塞我王度

擬劉太尉琨傷亂

梁江淹

皇晉遘陽九天下橫氛霧秦趙值薄蝕幽并逢虎據

伊余荷寵靈感激徇馳驚雖無六奇術冀與張韓遇

竊戚扣角歌桓公遭乃舉荀息冒險難實以忠貞故

空令日月逝愧無古人度飲馬出城壕北望沙漠路

千里何蕭條白日隱寒樹投袂既憤懣撫枕懷百慮

功名惜未立玄髮已改素時哉苟有會治亂惟冥數

聞侯方兒來寇

梁釋正惠侶

羊皮贖去士馬革斂還尸天下方無事孝廉非哭時

往在

唐杜甫盛

往在西京時胡來滿彤宮中宵焚九廟雲霧爲之紅

人部

卷八十六

三十九

解瓦飛千里總帷紛層空疚心惜木主一一灰悲風
合昏排鐵騎清旭散錦幪賊臣表逆節相賀以成功

是時妃嬪戮連爲糞土叢當寧陷玉座白間剝盡蟲

不知二聖處私泣百歲翁車駕既云還楹桷歟穹崇

故老復涕泗祠官樹椅桐宏壯不如初已見帝力雄

前春禮郊廟祀事親聖躬微軀忝近臣景從倍羣公

登階捧玉冊義冕聆金鐘侍祠慙先露掖垣通濯龍

天子惟孝孫五雲起九重鏡奩換粉黛翠羽猶葱龍

前者厭羯胡後來遭犬戎俎豆腐臙肉果恩行角弓

安得自西極申命空山東盡驅諸闕下士庶塞關中

主將曉逆順元元歸始終一朝自罪已萬里車書通
鋒鏑供鋤犁征伐聽所從允官各復業土著還力農
君臣節儉足朝野歡呼同中興似國初繼體如太宗
端拱納諫諍和風日冲融赤墀櫻桃枝隱映銀絲籠
千春薦陵寢永永垂無窮京都不再火涇渭開愁容
歸號故松柏老去苦飄蓬

洛陽

唐杜甫

洛陽昔陷沒胡馬犯潼關天子初愁思都人慘別顏
清笳去宮闕翠蓋出關山故老仍流涕龍髯幸再攀

警忠

唐杜甫

人部

卷八十六

三十一 卷八十六

才名舊楚將妙略擁兵機玉壘雖傳檄松州未解圍
和親知計拙公主漫無歸青海今誰得西戎實飽飛

巴山

唐杜甫

巴山遇中使云自峽城來盜賊還奔突乘輿恐未迴
天寒召伯樹地闊望仙臺狼狽風塵裏羣臣安在哉

阻戎瀘間羣盜

唐岑參

南州林莽深亡命聚其間殺人無昏曉屍積填江灣
餓虎銜欄轅餓鳥啄心肝腥羶灘草死血流江水殷
夜雨風蕭蕭鬼哭連楚山三江行人絕萬里無征船
唯有白鳥飛空見秋月圓罷官自南蜀修邨來茲川

瞻望陽臺雲惆悵不敢前帝鄉北近日瀘口南連蠻
何當遇長房縮地到京關願得隨琴高騎魚向雲煙
明主每憂人節使恒在邊兵革方禦寇爾惡胡不悛
吾竊悲爾徒此生安得全

癸卯歲赴南豐道中聞京師失守

唐獨孤及

種田不遇歲策名不遭時胡塵晦落日西望泣路岐
猛虎嘯北風鷹鷹皆載馳深泥駕疲牛蹉躓余何之
詰屈白道轉繚繞清谿隨荒谷嘯山鬼深林啼子規
長歎指故山三奏歸來詞不逢眼中人調苦車倭遲

人部

卷八十六

三十一 卷八十六

吳中聞潼關失守因奉寄淮南蕭判官

唐劉長卿

一鴈飛吳天羈人傷暮律松江風嫋嫋波上片帆疾
木落姑蘇臺霜收洞庭橘蕭條長洲外唯見寒山出
胡馬嘶秦雲漢兵亂相失關中因竊據天下共憂慄
南楚有瓊玖相思怨瑤瑟一身寄滄洲萬里看白日
赴敵甘負戈論兵勇投筆臨風但懷臂擇木將委質
不如歸遠山雲臥飯松栗

京師叛亂寄諸弟

唐韋應物

弱冠遭世難二紀猶未平羈離官一作遠郡虎豹滿

西京上懷犬馬戀下有骨肉情歸去在何時流淚忽
沾纓憂來上北樓左右但軍營前谷行人絕淮南春
草生鳥鳴野田間思憶故園一作里行何當四海晏甘
與齊民耕

汴州亂二首

唐韓愈中

汴州城門朝不開天狗墮地聲如雷健兒爭誇殺留
後連屋累棟燒成灰諸侯咫尺不能救孤士何者自
興哀

母從子走者為誰大夫夫人留後見昨日乘車騎大
馬坐者起趨乘者下廟堂不肯用干戈嗚呼奈汝母
人部 卷八十六 三三 慈亂

又聞湖南荆渚相次陷沒

唐韋莊晚

幾時聞唱凱旋歌處處屯兵未倒戈天子只憑紅旆
壯將軍空恃紫髯多屍填漢水連荆阜血染湘雲接
楚波莫問流離南越事戰餘空有舊山河

聞官軍繼至未覩凱旋

唐韋莊晚

嫖姚何日破重圍秋草深來戰馬肥已有孔明傳將
略更聞王導得神機陣前鼙鼓晴猶響城上烏鳶飽
不飛何事小臣偏注目帝鄉遙羨白雲歸

已亥歲感事

唐崔塗晚

正聞青犢起葭萌又道黃巾犯漢營豈是將皆無上
略直疑天自棄蒼生瓜沙舊戍猶傳檄吳楚新春已
廢耕見說聖君能仄席不知誰是請長纓

蕃寇侵逼南歸道中

唐李洞晚

雲陽一作州三萬騎南赴一作走疾飛鷹迴碛星低鴈孤
城月伴僧敲關通漢節領府守河水無處論邊事歸
谿夜結罾

亂後塗中

唐李山甫晚

亂離尋故園朝市不如村慟哭翻無淚顛狂覺少魂
諸侯貪割據羣盜恣并吞為問登壇者何年荅漢恩
人部 卷八十六 三四 慈亂

蜀人為南蠻俘虜

唐雍陶晚

但見城池還漢將豈知佳麗屬蠻兵錦江南渡聞遙
哭盡是離家別國聲

別雋州一時慟哭雲日為之變色

唐雍陶晚

越雋城南無漢地傷心從此便為蠻冤聲一慟悲風
起雲暗青天日下山

又賊過大渡泣望鄉國

唐雍陶晚

大渡河邊蠻亦愁漢人將渡盡回頭此中剩寄思鄉
淚南去應無水北流

蠻界不許有悲泣之聲

唐雍陶

雲南路出陷河西毒草長青瘴色低漸近蠻城誰敢哭一時收淚羨猿啼

蜀中戰後感事

唐雍陶

蜀道英靈地山重水又回文章四子盛道路五丁開詞客題橋去忠臣叱馭來臥龍同駭浪躍馬比浮埃已謂無妖土那知有禍胎蕃兵依漢柳蠻旆指江梅戰後悲逢血燒餘恨見灰空留犀厭怪無復酒除災歲積長弘怨春深杜宇哀家貧後未得愁上望鄉臺

蜀中經蠻後答友人馬艾

唐雍陶

人部

卷八十六

三五

西馬渡瀘水北來如鳥輕幾年朝鳳關一日破龜城此地有征戰誰家無死生人悲還舊里鳥喜下空營弟姪意初定交朋心尚驚自從經難後吟苦似猿聲和友人賊後

唐林寬

帶號乞兵急英雄陷賊圍江山猶未靜魚鳥欲何歸城露桑榆盡時平老幼稀書從戰後得讀徹血盈衣

詩雋類函卷八十六

詩雋類函卷八十七

東吳俞安期彙纂 宣城梅鼎祚增定

新都鄭澤訂校

人部二十九

醉 沐浴 眠 不眠附 夢

○醉

襄陽兒童歌

晉書曰山簡字季倫永嘉初為南

朝野危懼簡優游卒歲淮酒是耽諸習氏者

山公出何許往至高陽池日夕倒載歸酩酊無所知

時時能騎馬倒著白接籬舉鞭向葛疆何如并州兒

人部

卷八十七

一

醉後

唐王績

阮籍醒時少陶潛醉日多百年何足度乘興且長歌

醉中作

唐張說

醉後樂無極彌勝未醉時動容皆是舞出語總成詩

醉後贈高四

唐孟浩然

四海重然諾吾嘗聞白眉秦城游俠客相待半酣時

魯中都東樓醉起作

唐李白

昨夜東樓醉還應倒接籬阿誰扶上馬不省下樓時

春日醉起言志

唐李白

處世若大夢胡為勞其生所以終日醉頽然卧前楹

覺來吟庭前一鳥花間鳴借問此何時春風語流鶯
感之欲歎息對酒還自傾浩歌待明月曲盡已忘情

醉後贈從甥高鎮

唐李白

馬上相逢揖馬鞭客中相見客中憐欲邀擊筑悲歌
飲正值無家傾酒錢江東風光不借人枉殺落花空
自春黃金逐手快意盡昨夜破產今朝貧丈夫何事
空嘯傲不如燒却頭上巾君爲進士不得進我被秋
霜生旅鬢時清不及英豪人三尺兒童重廉蔭匣中
盤劍裝鰐魚閑在腰間未用渠且將換酒與君醉醉
歸托宿吳專諸

人部

卷八十七

二

詩

醉爲馬陸諸公攜酒相看

唐杜甫

甫也諸侯老賓客罷酒酣歌拓金戟騎馬忽憶少年
時散蹄迸落瞿塘石白帝城門水雲外低身直下八
千尺粉堞電轉紫遊韁東得平岡出天壁江村野堂
爭入眼垂鞭輶轡凌紫陌向來皓首驚萬人自倚紅
顏能騎射安知決臆追風足朱汗驟驪猶噴玉不虞
一蹶終損傷人生快意多所辱職當憂戚伏衾枕况
乃遲暮加煩促朋知來問牒我顏杖藜強起依僮僕
語盡還成問口笑提攜別掃清谿曲酒肉如山又一
時初筵哀絲動豪竹共指西日不相貸喧呼且覆杯

中祿何必走馬來爲問君不見嵇康養生被殺戮

餘杭醉歌贈吳山人

唐丁仙芝

曉幘紅襟鷺春城白項烏只來梁上語不向府中趨
城頭坎坎鼓聲曙滿庭新種櫻桃樹桃花昨夜撩亂
開當軒發色映樓臺十千允得餘杭酒二月春城長
命杯酒後畱君待明月還將明月送君迴

石魚湖上醉歌

有序

唐元結

漫叟以公田米釀酒因休暇則載酒於湖上時取
一醉歡醉中據湖岧引臂向魚取酒使舫載之徧
飲坐者意疑倚巴丘酌於君山之上諸子環洞庭

人部

卷八十七

三

詩

而坐酒舫泛泛然觸波濤而往來者乃作歌以長
之

石魚湖似洞庭夏水欲滿君山青山爲樽酒爲沼酒
徒歷歷坐洲島長風連日作大浪不能廢人運酒舫
我持長瓢坐巴丘酌飲四坐以散愁

常夜醉卧街犯禁乃爲詩

唐裴倫然

遮莫繁華動須傾滿滿杯金吾如借問但道玉山頽

醉卧

唐朱彬

暫入新豐市猶聞舊酒香抱琴沽一醉盡日卧斜陽
翫花與衛象同醉

唐司空曙

衰鬢千莖白他鄉一樹花今朝與君醉忘卻在長沙
晚春過夏侯校書遇其沈醉戲贈

唐李端

歌冠枕如意獨寢落花前姚馥清時醉邊韶白日眠
曝視還當屋張幕便成天謁客唯題鳳偷兒欲覘
失杯猶離席隨僂返登筵本是墻東隱今為甕下僊
卧龍髯下襟栖蝶腹何便阮籍供琴韻陶潛送秫田
人逢穀陽望春似永和年顧我非工飲期君行見憐
嘗知羯羌好亦覺醉胡賢炙熟樽方竭車回轄且全
嘔風仍作雨灑地即成泉自鄙新豐過遲迴惜十年

人部

卷八十七

四

醉

醉後

唐韓愈

煌煌東方星奈此眾客醉初喧或忿爭中靜雜嘲戲
淋漓身上衣顛倒筆下字人生如此少酒賤且勤置

醉後

唐白居易

酒後高歌且放狂門前閑事莫思量猶嫌小戶長先
醒不得多時住醉鄉

醉吟

唐白居易

空王百法學未得姹女丹砂燒即飛事事無成身老
也醉鄉不去欲何歸

東樓醉

唐白居易

天涯深峽無人地歲暮窮陰欲夜天不向東樓時一
醉如何擬過二三年

候仙亭同諸客醉作

唐白居易

謝安山下空攜妓柳惲洲邊只賦詩爭及湖亭今日
會嘲花詠水贈蛾眉

早飲醉中除河南尹敕到

唐白居易

雪擁衡門水滿池溫爐卯後煖寒時綠醅新酎嘗初
醉黃紙除書到不知厚俸自來誠忝濫老身欲起尚
遲疑應須了却丘中計女嫁男婚三徑資

宿醉

唐元稹

人部

卷八十七

五

醉

風引春心不自由等閑衝席飲多籌朝來始向花前
覺度却醒時一夜愁

勸醉

唐元稹

賈家能釀銷愁酒但是愁人便與銷顧我共君俱寂
寞只應連夜復連朝

羨醉

唐元稹

綺陌高樓競醉眠共期顚顚不相憐也應自有尋春
日虛度而今正少年

遊江淮間常醉吟

唐許碛

閨苑花前是醉鄉拈翻王母九霞觴羣仙拍手嫌輕

脫謫向人間作酒狂

醉題

唐杜牧晚

金鑷洗霜鬢銀觥敵露桃醉頭扶不起三丈日還高

醉歌

唐溫庭筠晚

簷柳初黃燕新乳曉碧芊綿過微雨樹色深含臺榭

情鶯聲切作煙花主錦袍公子陳巧觴撥醅百甕春

酒香入門下馬問誰在降堦握手登華堂臨邛美人

遠山眉低抱琵琶含怨思朔風繞指我先笑明月入

懷君自知勸君莫惜金樽酒年少須臾如覆手辛勤

到老慕簞瓢於我悠悠竟何有洛陽盧仝一作稱文

人部

卷八十七

六

房妻子脚禿春黃糧阿耄光頭不識字指麾豪儁如

驅羊天犀壓斷朱麒麟瑞錦驚飛金鳳凰其餘豈足

露牙齒欲用何能報天子驚馬垂頭搶曉塵驂騑一

日行千里但有沈冥醉客家支頤瞪目持流霞唯恐

南國風雨落碧蕪狼籍棠梨花

醉著

唐韓偓晚

萬里清江萬里天一村桑柘一村煙漁翁醉著無人

喚過午醒來雪滿船

花下醉

唐李商隱晚

尋芳不覺醉流霞倚樹沈眠日已斜客散酒醒深夜

後更持紅燭賞殘花

暮春醉中寄李于

唐馬異晚

歡異且交親酒生開甕春不須愁犯卯且乞醉過申

折草爲籌斂鋪花作錦綉嬌鸞解言語留客也殷勤

醒後

唐劉駕晚

醉臥芳草間酒醒日落後壺觴半傾覆客去應已久

不記折花時何得花在手

○沐浴

沐浴子

古無名氏

澡身輕蘭泥濯髮儀芳洲折榮聊躑躅攀桂且淹留

人部

卷八十七

七

奉和扈從溫泉宮承恩賜浴 唐蔡希周初

天行雲從指驪宮浴日餘波錫詔同綵殿氤氳擁香

溜紗牕宛轉閑和一作春風來將蘭氣衝皇澤去引星

辰捧碧空自憐遇坎便能止願託仙槎路未通

沐浴子

唐李白盛

沐芳莫彈冠浴蘭莫振衣處世忌太潔一作人貴

藏輝滄浪有釣史吾與爾同歸

新沐浴

唐白居易中

形適外無恙心恬內無憂夜來新沐浴肌髮舒且柔

寬裁夾烏帽厚絮長白裘半酣半飽時四體春悠悠

何處征戍行何人羈旅遊勞生彼何苦遂性我何優
撫心但自愧孰知其所由

詠浴

唐韓偓晚

再整魚犀攏翠簪解衣先覺冷森森教移蘭燭頻羞
影自試香湯更怕深初似洗花難抑按終憂沃雪不
勝任豈知侍女簾幃外賸取君王幾餅金

○眠不眠附

春寢

唐白居易中

何處春暄來微和生血氣氣熏肌膚暢東牕一昏睡
是時正月晦假日無公事爛熳不能休自午將及未

人部

卷八十七

六

緬思少健日甘寢常自恣一從衰疾來枕上無此味

春眠

唐白居易中

新浴支體暢獨寢神魂安况因夜深坐遂成日高眠
春被薄亦暖朝牕深更閑却忘人間事似得枕上仙
至適無夢想大和難名言全勝彭澤醉欲敵曹谿禪
何物呼我覺伯勞聲關關起來妻子笑生計春茫然

春眠

唐白居易中

枕低被煖身安穩日照房門帳未開還有少年春氣
味時時甞到睡中來

春晝醉眠

唐劉兼晚

朱欄芳草綠纖纖欹枕高堂捲畫簾處處落花春寂
寂時時中酒病厭厭塞鴻信斷雖堪訝梁燕詞多且
莫嫌自有卷書銷永日霜華未用鬢邊添

夜不得眠

梁劉孝綽

夜長愁反覆懷抱不能裁披衣坐惆悵當戶立徘徊
風音觸樹起月色度雲來夏葉依牕落秋花當戶開
光陰已如此復持憂自催

和兄孝綽夜不得眠

梁劉孝先

夜愁眠不安起望臺南端葉慘風聲異樓空月色寒
笙冷調簧數絃脆上琴難百年行詎幾萬慮坐相攢

人部

卷八十七

九

誰家有明鏡暫借照心看

不寐

唐杜甫威

瞿塘夜水黑城內改更籌翳翳月沈霧輝輝星近樓
氣衰甘少寐心弱恨容愁多壘滿山谷桃源無處求

合衣寢

唐元稹中

良夕背燈坐方成合衣寢酒醉夜未闌幾回顛倒枕

○夢

夢歸鄉

宋鮑照

銜淚出郭門撫劍無人達沙風暗空一作起離心眷
鄉幾夜分就孤枕夢想暫言歸嬌婦當戶歎縹緲一作

自復鳴機欸論久別相將還綺閣歷歷簷下涼
臃腫裏暉川蘭爭芬芳採菊競歲筵開奩奪香蘇探
袖解纓微夢中長路近覺後大江違驚起空歎息恍
惚神魂飛白水漫浩浩高山壯巍巍波瀾異往復風
霜改榮衰北土非吾土慷慨當告誰

和湘東王夜夢應令

梁武陵王

昨夜夢君歸賤妾下鳴機懸知意氣薄不著去時衣
故言如夢裏賴得鴈書飛

夢見美人

梁沈約

夜聞長歎息知君心有憶果自閨闔開魂交親顏作
人部 卷八十七 十一

色既薦巫山枕又奉齊眉食立望復橫陳忽覺非
在側那知神傷者潸淚沾臆

爲人述夢

梁王僧孺

工知想成夢未信夢如此皎皎無片非的一皆是
以親芙蓉薺方開合歡被雅步極嬌妍含辭恣委靡
如言非倏忽不意成俄爾及寤盡空無方知悉虛詭

夜夢故人

梁何遜

客心驚夜魂言與故人同開簾覺水動映竹見牀空
浦口望斜月洲外聞長風九秋時未晚千里路難窮
已如臃腫木復似飄飄蓬相思不可寄直在寸心中

夜夢還家

梁庾丹

歸飛夢所憶其子汲寒漿銅瓶素絲綆綺井白銀牀
雀出丰茸樹蟲飛玳瑁梁離人不可見爭忍對春光

夢遊仙

唐王勃

僕本江上客牽跡在方內寤寐霄漢間居然有靈對
翁爾登霞首依然躡雲背電策驅龍光煙途儼鸞態
乘月披金帔連星解瓊珮浮識俄易歸真覓莫難再
寥廓沈遐想周遑奉遺誨流俗非吾鄉何當釋塵昧

酬基母校書夢遊耶谿見贈

唐儲光義

校文在仙掖每有滄洲心况以北牕下夢遊清谿陰
人部 卷八十七 十一

春看湖水漫夜入迴塘深往往纜垂葛出舟望前林
山人松下飯釣客蘆中吟小隱何足貴長年固可尋
還車首東道惠言若南金以我採薇意傳之天姥岑

春夢

唐岑參

洞房昨夜春風起遙憶美人湘江水枕上片時春夢
中行盡江南數千里

歸夢

唐杜甫

道路時通塞江山日寂寥偷生唯一老伐叛已三朝
雨急青楓暮雲深黑水遙夢歸歸未得不用楚辭招
書夢 唐杜甫

二月饒睡昏昏然不獨夜短晝分眠桃花氣暖眼自醉春渚日落夢相牽故鄉門巷荆棘底中原君臣豺虎邊安得務農息戰鬪普天無吏橫索錢

夢李白二首

唐杜甫

死別已吞聲生別常惻惻江南瘴癘地逐客無消息故人入我夢明我長相憶恐非平生魂路遠不可測魂來楓林青魂返關塞黑君今在羅網何以有羽翼落月滿屋梁猶疑照顏色水深波浪濤無使蛟龍得

二

浮雲終日行遊子久不至三夜頻夢君情親見君意

人部

卷八十七

十二

夢

告歸常局促苦道來不易江湖多風波舟楫恐失墜出門搔白首苦負平生志冠蓋滿京華斯人獨顛顚孰云網恢恢將老身反累千秋萬古名寂寞身後事

夢遊天姥吟留別

唐李白

海客談瀛洲煙濤微茫信難求越人語天姥雲霓明滅或可覩天姥連天向天橫勢拔五嶽掩赤城天台四萬八千丈對此欲倒東南傾我欲因之夢吳越一夜飛渡鏡湖月湖月照我影送我至剡谿謝公宿處今尚在淥水蕩漾清猿啼脚著謝公屐身登青雲梯半壁見海日空中聞天雞千崑萬轉路不定迷花倚

石忽已暝熊咆龍吟殷岩泉慄深林今驚層巒雷青靑今欲雨水澹澹今生煙列缺霹靂丘巒崩摧洞天石扇訇然中開青冥浩蕩不見底日月照耀金銀臺霓為衣兮風為馬雲之君兮紛紛而來下虎鼓瑟兮鸞回車仙之人兮列如麻忽魂悸以魄動恍驚起而長嗟惟覺時之枕席失向來之煙霞世間行樂亦如此古來萬事東流水別君去今何時還且放白鹿青崖間須行即騎訪名山安能摧眉折腰事權貴使我不得開心顏

夢太白西峰

唐常建

人部

卷八十七

十三

夢

夢寐昇九崖香靄逢元君遺我太白峰寥寥辭垢氛結宇在星漢宴林閉氤氳簷楹覆餘翠巾舄生片雲時往谿水間孤亭晝仍曛松峰引天影石瀨清霞文恬目緩舟趣霽心投鳥羣春風又搖櫂潭島花紛紛

賦得至人無夢

唐蔣防

已曠希微理知將盡默隣坐忘仍有夢跡滅示凝神化蝶誠知一幻微蘭匪契真抱玄雖解帶守一自離塵寥廓壺中曉虛明洞裏春脩然碧霞客那比漆

困人

夢尋西山準上人

唐錢起

別後秋泉聲至今猶在耳何嘗魂夢去不見雪山子
新月隔林時千峰翠微裏言念心更寂跡滅雲自起

代別後夢別

唐長孫佐輔

別中還夢別悲後更生悲覺夢俱下里追期難再期
翻思夢裏苦却恨覺來遲縱是非真事何妨夢會時

感夢

唐韋應物

歲月轉無漫形影長寂寥髮鬢觀微夢感歎起中宵
綿思雷流月驚魂颯颯誰念茲夕永坐令顏鬢凋

述夢

唐李德裕

賦命誠非薄良時幸已遭君當堯舜日官接鳳凰曹
人部 卷八十七 十四 夢

目睇煙霄潤心驚羽翼高此六句作椅梧連鶴禁堦
接龍韜內署北連春宮我后憐詞客先朝曾宣諭

吾僚並雋髦著書同陸賈待詔比王褒重價隣玄壁
英辭淬寶刀泉流初落澗文賦稱言泉露滴更濡毫

赤豹欣來獻彤弓喜暫身赴關海內無事者累月
詩爾赤豹黃非煙合瑞氣馴雉潔霜毛靜室便幽獨

虛樓散鬱陶學士流自一室西南花光晨豔豔松韻

晚騷騷畫壁看飛鶴山圖見巨鰲內署垣牆皆有畫
海內魚龍山憲宗欲傍簷陰藥樹落格蔓葡萄此八

是內署物色唯爾荷靜蓬池贈冰寒臥水醪每學上賜
遊者依然可想也

食皆蓬萊池魚膾炙至後漢賜水及燒香荔枝來自
酒以酒味稍濃常和水而飲禁中有酒方荔枝來自

遠盧橘賜常叨先朝初賜御南方曾獻荔枝蘭澤霜華入杏膏恩光唯覺重攜筆未為勞扇迴交

綵翟雕起颺銀條轡待奚絲攬書期蜀客操盡規徒
寒塞退舍尚叨叨此八句連龜顧垂金鈕鸞飛曳錦

袍御溝楊柳弱天廐驕驕豪屢換青春直閑隨上苑
邀煙低行殿竹風折繞垣桃此八句連聚散俄成

昔悲愁益自熬每懷仙駕遠更望茂陵號地接三茅
嶺川迎伍子濤代稱海濤是伍子胥憤氣所作花迷瓜步暗石固

山牢蘭野凝青管梅洲動翠篙淵魚驚綵妓谿鳥避
人部 卷八十七 十五 夢

干旄感舊心猶絕思歸首更搔無聊燃密炬誰復勸
金舳余到此絕無夜宴酒器中太者呼為舳嵐氣朝

生棟城陰暝入濠望煙歸海嶠送鴈渡江臯宛馬嘶
寒櫪吳鉤在錦被未能追役免空覺長江萬水國逾

千里風帆過萬艘關川終古恨唯見暮滔滔

夢謝亭

唐朱慶餘

夢後何人見孤亭似舊時褰開誠得地冥感竟因詩
不往過應少悲來下獨遲顧慙非謝客靈貺杳難追

同吉中孚夢桃源二首

唐盧綸

春雨夜不散夢中山亦陰雲中碧潭水路暗紅花林

花水自深淺無人知古今

夜靜春夢長夢逐仙山客園林滿芝朮雞犬傍籬欄
幾處花下人看予笑頭白

題歸夢

唐李賀中

長安風雨夜書客夢昌谷怡怡中堂笑小弟栽澗菖
家門厚重意望我飽饑腹勞勞一寸心燈花照魚目

夢天

唐李賀中

老兔寒蟾泣天色雲樓半開壁斜白玉輪軋露濕團
光鸞珮相逢桂香陌黃塵清水三山下更變千年如
走馬遙望齊州九點煙一泓海水杯中瀉

人部

卷八十七

十六夢

秋夢行

唐盧仝中

客行一夜秋風起客夢南遊渡湘水湘水冷冷澈底
清二妃怨處無限情娥皇不語啓嬌靨女英目□□
心懷長眉入鬢荷連娟肌膚白玉秀且鮮徘徊共詠
東方日沈吟再理南風絃聲斷續思綿綿中含幽意
兩不宣殷勤纖手驚破夢中宵寂寞心悽然心悽然
腸亦絕寐不寐今玉枕寒夜深夜今霜似雪鏡中不
見雙翠眉臺前空挂纖纖月纖纖月盈復缺娟娟似
眉意難訣願此眉今如此月千里萬里光不滅

江陵三夢

唐元稹中

人部

卷八十七

十七夢

平生每相夢不省兩相知况乃幽明隔夢魂徒爾爲
情知夢無益非夢見何期今夕亦何夕夢君相見時
依稀舊妝服曉淡昔容儀不道間生死但言將別離
分張碎針線襪疊故幃幃撫稚再三囑淚珠千萬垂
囑云唯此女自歎總無兒尚念嬌且駛未禁寒與饑
君復不憚事奉身猶脫遺况有官縛束安能長顧私
他人生間別婢僕多謾欺君在或有託出門當付誰
言罷泣幽噎我亦涕淋漓驚悲忽然寤坐卧若狂癡
月影半牀黑蟲蟲聲幽草移心魂生次第覺夢久自疑
寂默深想像淚下如流斯百年永已訣一夢何太悲

二

樹枝

古原三丈穴深葬一枝瓊崩剝山門壞煙綿墳草生
久依荒隴坐却望遠村行驚覺滿牀月風波江上聲

三

君骨久爲土我心長似灰自年何處盡三夜夢中來

逝水良已矣行雲要在哉坐看朝日出衆鳥雙徘徊

梁州夢

是夜宿漢川驛夢與荆面樂天同遊曲江兼入慈恩寺諸院倏然而寤則曉矣

及將郵吏已傳呼報曉矣

唐元稹中

夢君同遶曲江頭也向慈恩院院遊亭吏呼人排去馬忽驚身在古梁州

和夢遊春詩一百韻

并序

唐白居易中

微之既到江陵又以夢遊春詩七十韻寄予且題其序曰斯言也不可使不知吾者知知吾者亦不可使不知樂天知吾也吾不敢不使吾子知予辱斯言三復其旨大抵悔既往而悟將來也然予以

人部

卷八十七

十八

夢

爲苟不悔不寤則已若悔於此則宜悟於彼也反於彼而悟於妄則宜歸於真也况與足下外服儒風內宗梵行者有日矣而今而後非覺路之返也非空門之歸也將安反乎將安歸乎今所和者其卒章指歸於此夫感不甚則悔不熟感不至則悟不深故廣足下七十韻爲一百韻重寫足下陳夢遊之中所以甚感者叙婚仕之際所以至感者欲使曲盡其妄周知其非然後返乎真歸乎實亦猶法華經序火宅偈化城維摩經入姪舍過酒肆之義也微之微之予斯文也猶不可使不知吾者知

幸藏之

昔君夢遊春夢遊仙山曲恍若有所遇似慙平生欲因尋草蒲水漸入桃花谷到一紅樓家愛之看不足池流渡清此草嫩蹋綠幕門柳闇全低簷櫻紅半熟轉行深深院過盡重重屋烏龍卧不驚青鳥飛相逐漸聞玉珮響始辨珠履躑遙見廳下人娉婷十五六霞光抱明月蓮豔開初旭縹緲雲雨仙氛氤蘭麝馥風流薄梳洗時世寬裝束袖輭異文綾裙輕單絲縠裙腰銀線壓梳掌金筐感帶纈紫葡萄袴花紅石竹凝情都未語付意微相矚眉斂遠山青髮低片雲綠

人部

卷八十七

十九

夢

帳牽翡翠帶被解鴛鴦襦秀色似堪餐穠華如可掬半卷錦頭席斜鋪繡腰褥朱脣素指勻粉汗紅綿撲心驚睡易覺夢斷魂難續籠委獨棲禽劒分連理木存誠期有感誓志貞無驢京洛八九春未曾花裏宿壯年徒自棄佳會應無復驚歌不重聞鳳兆從茲卜韋門女清貴裴氏甥賢淑羅扇夾花燈金鞍攢繡轂旣傾南國貌遂坦東牀腹劉阮心漸忘潘楊意方睦新修履信第初食尚書祿九醞備聖賢八珍窮水陸秦家重蕭史彥輔憐衛叔朝饌饋獨盤夜醪傾百斛親賓盛輝赫妓樂紛曄煜宿醉纔解醒朝歡俄枕麴

飲過君子爭令其將軍酷酩歌鷓鴣顛狂舞鷓鴣
月流春夜短日下秋天速謝傳陳過駒蕭娘風送燭
全凋薜花折半死梧桐禿開鏡對孤鸞哀絃留寡鵠
淒淒隔幽顯冉冉移寒燠萬事此時休百身何處贖
提攜小兒女將領舊姻族再入朱門行一傍青樓哭
櫪空無廐馬水涸失池鷺搖落廢井梧荒涼故籬菊
莓苔上几閣塵土生琴筑舞榭綴蠅蚋歌梁聚蝙蝠
嫁分紅粉妾賣散蒼頭僕門客思徬徨家人泣咿噢
心期正蕭索宦序仍拘蹶懷策入峭峴驅車辭郊廓
逢時念既濟聚學思大畜端詳筮仕著磨拭穿楊鏃

人部

卷八十七

二十一

夢

始從讎校職首中賢良目一拔待瑤墀再升紆繡服
誓酬君王寵願使朝廷肅密勿奏封章清明操憲牘
鷹隼中病下豸角當邪觸糾謬盡東周申寃動南蜀
危言詆閹寺直氣忤鈞軸不忍曲作鈞乍能折爲玉
捫心無愧畏騰口有謗譴只要明是非何曾虞禍福
車摧太行路劍落酆城獄襄漢問脩途荆蠻指殊俗
謫爲江府掾遺事荊州牧趨走謁麾幢喧煩視鞭朴
簿書常自領縲囚每親鞫竟日坐官曹經旬曠休沐
宅荒渚宮草馬瘦雷田粟薄俸等涓毫微官同桎梏
月中照形影天際辭骨肉鶴病翅羽垂獸窮爪牙縮

行看鬢間白誰勸杯中綠時傷大野麟命問長沙鵬
夏梅山雨漬秋瘴海雲毒巴水白茫茫楚山青簇簇
吟君七十韻是我心所蓄既去誠莫追將來幸前勗
欲除憂惱病當取禪經讀須悟事皆空無令念將屬
請君遊春夢此夢何閃倏艷色卽空花浮生乃焦穀
良姻在佳偶頃刻爲單獨入仕欲榮身須更成黜辱
合者離之始樂今憂所伏愁恨僧祇長歡榮利那促
覺悟因傍喻迷執由當局膏明誘闇蛾陽炎奔癡鹿
貪爲苦聚落愛是悲林麓水蕩無明波輪迴死生輻
塵應甘露灑垢待醍醐浴障要智燈燒魔須慧力戮

人部

卷八十七

二十一

夢

外熏性易染內戰心難劬法句與心王期君日三復

夢上嵩山時足疾未平

唐白居易

夜夢上嵩山獨攜藜杖出千巖與萬壑遊覽皆周畢
夢中足不病健似少年日既悟神返初依然舊形質
始知形神內形病神無疾形神兩是幻夢寤俱非實
晝行雖蹇澁夜步頗安逸晝夜既平分其間何得失

中書夜直夢忠州

唐白居易

閣下燈前夢色南城底遊覓花來渡口尋寺到山頭
江色分明綠猿聲依舊愁禁鐘驚睡覺唯不上東樓
夢劉二十八因詩問之

唐白居易

中

昨夜夢夢得初覺思踟躕忽忘來汝郡猶疑在吳都
吳都三千里汝郡二百餘非夢亦不見近與遠何殊
尚能齊近遠焉用諭榮枯但問寢與食近日兩何如
病後能吟否春來曾醉無樓臺與風景汝又何如蘇
相思一相報勿復慵爲書

秋夢

唐杜牧 晚

寒空動高吹月色滿清砧殘夢夜魂斷美人邊思深
孤鴻秋出塞一葉暗辭林又寄征衣去迢迢天外心

夢令狐學士

唐李商隱 晚

山驛荒涼白竹扉殘燈向曉夢清暉右銀臺路雪三

人部

卷八十七

二二三 夢

尺鳳詔裁成當直歸

七月二十八日夜與王鄭二秀才聽雨後夢作

唐李商隱 晚

初夢龍宮寶燭然瑞霞明麗滿晴天旋成醉倚蓬萊
樹有箇神仙拍我肩少頃遠聞吹細管聞聲不見隔
飛煙逡巡又過瀟湘雨雨打湘靈五十絃瞥見馮夷
殊悵望鮫綃休賣海爲田亦逢毛女無慘極龍伯擎
將華岳蓮恍惚無倪明又暗低迷不已斷還連覺來
正是平階雨未背寒燈枕手眠

夢歸故園

唐劉兼 晚

桐葉飛霜落井欄菱花藏雪助衰顏夜牕颯颯搖寒
竹秋枕迢迢夢故山臨水釣舟橫葦岸隔谿禪侶落
柴關覺來依舊三更月離緒鄉心起萬端

夢鄉

唐章孝標 晚

家住吳王舊苑東屋頭山水勝屏風尋常夢在秋江
上釣艇游揚藕葉中

續夢中十韻

唐鄭顯 晚

間歲流虹節歸軒出禁局奔波流畏景瀟灑夢殊庭
境象非曾到崇巖昔未經日斜烏歛翼風動鶴梳翎
異苑人爭集涼臺筆不停石門霧露白玉殿葦苔青

人部

卷八十七

二二三 夢

若匪災先兆何緣思入冥御爐虛仗馬華蓋負云亭
白日成千古金縢閔九齡小臣哀絕筆湖上泣青萍
謝安相繼之孫以起居郎尚宣宗女萬壽公主有器
謝官宗時思龍無此因壽昌節上壽回夢一宮殿與
十數人縱涼聯句夢中得句云石門霧露白玉殿葦
苔青縹緲長句杜甫集中詩也既悟省石門之句十
字以爲不祥不數日宣宗可親上仙
少悟其事續此十韻未幾願亦卒

龍州韋郎中先夢六赤後因打葉子以詩上

唐李洞 晚

紅蠟香煙撲畫楹梅花落盡庾樓清光輝圓魄銜山
冷彩鏤方牙著腕輕寶帖牽來獅子鎮金盆引出鳳
凰傾微黃喜兆莊周夢六赤重新擲印成

卷終

詩集類函卷八十八

東吳俞安期彙纂 宣城梅鼎祚增定

新都鄭澤訂校

人部三十

諫 諷刺 規戒 自効 自悼
自勉 等並附 應辟 參謂 頌德 懷德 慈恩 並附 謝 賀

○諫

諷諫詩

漢書曰孟魯國鄒人也家本彭城為楚
元王傅傳子夷王及孫王戊荒淫不
遵道孟作詩諷諫後遂去位徙家于鄒又作
一篇孟卒于鄒或曰其子孫好事述先人之
志而作是詩也

漢章孟

肅肅我祖國自豕韋黼衣朱紱四牡龍旂彤弓斯征

人部

卷八十八

諫

撫寧遐荒總齊羣邦以翼大商迭彼大彭勳績惟光
至於有周歷世會同王叔聽諧實絕我邦我邦既絕
厥政斯逸賞罰之行非繇王室庶尹羣后靡扶靡衛
五服崩離宗周以墜我祖斯微遷于彭城在予小子
勤諉呼來許厥生阨此嫚秦耒耜斯耕悠悠嫚秦上
天不寧乃眷南顧授漢于京於赫有漢四方是征靡
適不懷萬國攸平乃命厥弟建侯于楚俾我小臣惟
傅是輔矜矜元王恭儉靜一惠此黎民納彼輔弼享
國漸世垂烈于後乃及夷王克奉厥緒一作咨命不
永惟王統祀左右陪臣斯惟皇士如何我王不思守

人部

卷八十八

諫

昔君子庶顯于後我王如何曾不斯覽音覽黃髮不近
胡不時鑒

諷諫詩二首

高僧傳曰正性好幾諫無所迴避
苻堅末年罷或鮮卑僭於治政正
因歌諫曰昔聞孟津河堅動容曰是朕也又
歌曰北園有一樹堅笑曰將非趙文業耶

晉趙整

昔聞孟津河千里作一曲此水本自清是誰攪令濁

拾遺作
亂使蜀

北園有一

一作樹布葉垂重蔭外雖饒棘刺內實有

赤心

諫歌晉孝武帝寧康二年冬十二月秦王堅與
慕容垂夫人段氏同輩遊于後庭宦官趙

整歌云云堅改容

晉趙整

不見雀來入鷺室但見浮雲蔽白日

諷真定公二首

北史曰念為真定公元子直國言詩云云子直少自令聞北魏鹿念

嶧山萬丈樹雕鏤作琵琶由此材高遠絃響謫中華

二

援琴起何調幽蘭與白雪絃管韻未成莫使絃響絕

○諷刺

夏人歌

韓詩外傳云樂為酒池糟堤縱靡靡之而歌尚書大傳曰夏人飲酒醉者持不醉者持醉者而歌曰盍歸乎薄薄亦大矣

人部

卷八

三

伊尹退而更曰覺今較今吾大命格兮

江水沛

今舟楫敗今我王廢今趣促歸於薄一作

薄亦大兮

樂今樂兮四牡躑今六轡沃今去不善而從善

何不樂兮

去魯歌

遺女樂季桓子受之三曰不聽政郊又

不致膳組于大夫孔子遂行宿乎屯而師乙

桓子聞之曰則非罪孔子曰吾歌可夫歌云云

彼婦之口可以出走彼婦之謂可以死敗叶蕭優哉

游哉維家誦以卒歲

疾邪詩二首

賦中歌此二詩○詩品曰元叔散憤蘭蕙指斥鬱鬱苦言切句良亦勤矣斯人也而有斯

河清不可俟人命不可延順風激靡草富貴者稱賢

文籍雖滿腹不如一囊錢伊優北堂上骯髒倚門邊

二

勢家多所宜欬唾自成珠被褐懷金玉蘭蕙化為芻

賢者雖獨悟所困在羣愚且各守爾分勿復空馳驅

哀哉復哀哉此是命矣夫

人部

卷八

四

城上烏童謠後漢書五行志曰桓帝之初京師

畢通者處高利獨食不與下共謂人主多聚

為軍吏其子又為卒徒往擊之也一徒死父既

乘車者言前一入河間者言桓帝將崩乘輿

班班入河間迎靈帝也河間姪女工數錢以

錢為室金為堂者靈帝既立其母永樂太后

好聚金以金為堂也石上廉廉春黃梁言永樂

唯積金錢廉廉常若不足吏人春黃梁而食

樂主教靈帝使賣官受錢所祿非其人天下

城上烏尾畢通公為吏子為徒一徒死百乘車車班

班入河間姪女工數錢以錢為室金為堂石上

慊慊春黃梁梁下有懸鼓我欲擊之丞卿怒

鳳凰歌

宋書五行志曰晉海西公生皇子百姓歌之其歌甚美其音甚微海西公不男使左右向龍與內侍接生子以為已子

鳳凰生一雛天下莫不喜本言是馬駒今定成龍子

東昏時百姓歌

金陵志曰齊東昏侯御臺城閣色跨池水立紫閣諸樓觀又于苑中直店肆以媚妃為中今時百姓歌云

閱武堂種楊柳至尊屠肉潘妃沽酒

採蓮諷

一作採荷調樂府廣題曰梁太尉從容為宰相從簡為採荷調以刺之敬容體之不覺差賞愛其巧麗

梁江從簡

人部

卷八

諷刺

欲持荷作柱荷弱不勝梁欲持荷作鏡荷暗本無光

刺讒詩

北史曰宣武末中尉王顯當權固每直固免官遂歸門自守又有人問之顯因奏

巧佞巧佞讒言興今營營習習似青蠅今以白為黑

在汝口今汝非螻蟻毒何厚今巧佞巧佞一何工矣

伺間伺忿言必從矣朋黨噂啗自相同矣浸潤之譖

傾人墉矣成人之美君子貴焉攻人之惡君子愧焉

汝何人斯謖毀日繁予實無罪何騁汝言番番緝緝

讒言側入君子好讒如或弗及天疾讒說汝其至矣

无妄之禍行將及矣泛泛游鳧弗制弗拘行藏之徒

或智或愚維余小子未明茲理毀與行俱言與譽起我其懲矣我其悔矣豈求人兮思恕在已

疾倖詩

北魏楊固

彼諂諛今人之蠹今刺促昔粟囷顧耻辱以求媚今

邪干側入如恐弗及以自容今志行偏小好習不道

朝挾其車夕承其輿或騎或徒載奔載趨或言或笑

曲事親要正路不由邪徑是蹈不識大猷不知話言

其朋其黨其徒實繁有詭其行有佞其音遽隆戚施

邪媚是欽既讒且詬以逞其心是信是任亂是作史

其以多其始不慎末如之何習習宰轄營營無極梁

人部

卷八

諷刺

丘寡智王鮒淺識伊戾息夫異世同力江充趙高甘

言似直豎刁上官擅生羽翼乃如之人偕爽其德豈

徒喪邦又亦覆國嗟爾中下其親其昵不謂其非不

覺其失好之有年寵之有日我思古人心焉若疾百

凡君子宜其慎矣覆車其一作鑒近可信矣言既備

矣事既至矣反是不思維靡及矣

送別詩

隋無名氏

楊柳青青著地垂楊花漫漫攪天飛柳條折盡花飛

盡借問行人歸不歸崔東虛記云此詩作於大業末年實指楊帝巡遊無度嬖倖

帝已甚下逮開而使人曲士播弄威福欺君上以取榮貴上二句盡之又謂民財窮窘至是方有五

子之歌之憂而
望其返國也

補漁謠

唐曹鄴

天子好征戰百姓不種桑
天子好年少年無人薦焉唐
天子好美女夫婦不成雙

○規戒

贈弟五永

漢高義方

文武將墜乃俾俊臣整我皇綱
董此不處古之君子
即戎忘身明其果毅尚其桓桓
呂尚七十氣冠三軍
詩人作歌如鷹如鷂天有太一
五將三門地有九變
丘陵山川人有計策六奇五間
總茲三事謀則咨詢

卷八

規戒

無口已能務在求賢淮陰之勇
廣武是尊周公大聖
石碣純臣以威克愛以義滅親
勿謂時儉不正其身
勿謂無人莫識已貞忘富遺貴
福祿乃存枉道依合
復無所觀先公高節越可永遵
佩藏斯戒以厲終身

重作四言

詩樂府作
秋胡行

魏嵇康

富貴尊榮憂患諒獨多
富貴尊榮憂患諒獨多
古人所懼豐屋蔭家人害其上
獸惡網羅惟有貧賤可以
無他歌以言之富貴憂患多

貧賤易居貴盛難為工
貧賤易居貴盛難為工
耻佞直言與禍相逢變故萬端
俾吉作凶思牽黃犬其計

莫從樂府作其
歌以言之貴盛難為工

勞謙寡悔忠信可久
安勞謙寡悔忠信可久
安天道

害惡盈好勝者殘
彊梁致災多事
事一無招禍患欲

得安樂獨有無愆
歌以言之忠信可久
安

役神者弊極欲疾
枯役神者弊極欲疾
枯顏回短折

不及童烏縱體淫
恣莫不早徂酒色何
物今自不辜

歌以言之酒色令人
枯

雜詩二首

魏應璩

細微可不慎隄潰自
蟻穴隙一作腠理早
從事安復勞

鍼石哲人觀未形愚
夫闇明白曲突不見
宿焦爛為

人部

卷八

規戒

上客思願獻良規
江海儻不逆狂言雖
寡善猶有如

雞跖一作雞跖食不已
齊王為肥澤

散騎常師友朝夕
進規獻侍中主喉舌
萬機無不亂

尚書統庶事官人
秉法憲形管弭納言
貂璫表武弁

出入承明廬車服
一何煥三寺齊榮秩
百僚所瞻願

百一詩二首

魏應璩

下流不可處君子
慎厥初名高不宿著
易用受侵誣
前者隳官去有人
適我閭田家無所有
酌醴焚枯魚
問我何功德三入
承明廬所占於此
土是何仁智居
文章不經國篋篋
無尺書用等稱才
學往往見欺譽

避席跪自陳賤子實空虛宋人遇周客慙媿靡所如

二

年命在桑榆東嶽與我期長短有常會遲速不得辭
斗酒多爲樂無爲待來茲室廣致凝陰臺高來積陽
奈何季世人侈靡在宮牆飾巧無窮極土木被朱光
徵求傾四海雅意猶未康

聊作百一體

梁何遜

靈輒困桑下於陵食李蟠歷齒方嗟賤灸背豈知豪
傭傭乏旅力倚市憚劬勞曠日無豆飭方冬缺緼袍
清旦開蓬華舉目想煎熬樞機慎僕隸媒孽畏朋曹

人部

卷八十八

九

梁何遜

萬途皆自僻一事豈他褒勿勿昨不定負秋出蓬蒿
逢施同溝壑值設乃糠糲生途稍冉冉逝水日滔滔
咸言等木石誰當出羽毛

君子行

漢樂府

君子昉未然不處嫌疑間瓜田不納履李下不正冠
嫂叔不親授長幼不比肩勞謙得其柄和光甚獨難
周公下白屋吐哺不及餐一沐三握髮後世稱聖賢

君子行

梁沈約

良御惑燕楚妙察亂澠涇傾由滄壤垣隙自危基
當途或妄踐黨義勿輕持

君子行

梁戴嵩

畫野依德星開鄺對廉水接越稱交讓連樹名君子
數非唯二失升階無三止探醜不疑塵正冠還避李
寄言蘧伯玉無爲嗟獨耻

書紳

唐白居易中

仕有職役勞農有畝畝勤優哉分司叟心力無苦辛
歲晚頭又白自問何欣欣新酒始開瓮舊穀猶滿園
歲計莫如穀飽則不干人日計莫如醉醉則兼忘身
誠知有道理未敢勸交親恐爲人所哂聊自書諸紳

題座隅

唐白居易中

人部

卷八十八

十

梁何遜

手不任執爨肩不能荷鋤量方揆所用曾不敵一夫
幸因筆硯功得升仕進途歷官凡五六祿俸及妻奴
左右有兼僕出入有單車自奉雖不厚亦不至饑飢
若有人及此傍觀爲何如雖賢亦爲幸况我鄙且愚
伯夷古賢人魯山亦其徒時哉無奈何俱化爲餓殍
念彼亦自愧不敢忘斯須平生榮利心破滅無遺餘
猶恐塵妄起題此於座隅

雜誠

唐曹鄴晚

帶香入鮑肆香氣同鮑魚未入猶可悟已入當何如

貪誠

唐釋子蘭

多求待心足未足旋傾覆明知貪者心求榮不求辱

富貴曲

唐李咸用 晚

盡藻雕山金碧彩駕鸞疊翠眠晴靄編珠影裏醉春
庭團紅片下攢歌黛華咽絲煩歡不改繳絳垂緹忽
如晦活花起舞夜春來蠟燭煌煌天日在雪暖瑤杯
鳳髓融紅拖象筋猩唇細空中漢轉星移益火城擁
出隨朝會車如雷今馬如龍鬼神闢奕不敢害冠我
劍重鏘環珮步入天門相直宰開口長爲爵祿筌回
眸便是公卿罪珠珍索得龍宮貧膏腴刮下蒼生背
九野干戈皆著心威福滿奉猶未快我聞周公貴爲
人部 卷八十八 十一 規戒

天子弟富有半四海幾有驕奢貽後悔紅錦帳收珊

瑚樹碎至今笑石崇王愷

○自効 自憚 自叙並附

自効詩 漢書曰玄成以列侯侍祀孝惠廟當晨
有司効奏等輩數人皆削爵爲關內侯玄成自傷貶黜父爵作詩自効責

漢章玄成

赫矣我祖侯于豸韋賜命建伯有殷以綏厥績既昭
車服有常明宗商邑四牡翔翔德之令顯慶流於裔
宗周至漢羣后歷世肅肅楚傳輔翼元夷厥駟有庸
惟慎惟祗嗣王孔佚越遷於鄒五世墳塋瘞至我

節侯維我節侯顯德遐聞左右昭宣五品以訓既奇

致位惟懿惟與厥賜祔祔百金洎館國彼扶陽在京
之東惟帝是留政謀是從繹繹六轡是列是理威儀
濟濟朝享天子天子穆穆是宗是師四方遐邇觀國
之輝茅土之繼在我俊兄惟我俊兄是讓是形於休
厥德於赫有聲致我小子越留於京惟我小子不肅
會同嬖彼車服黜此附庸赫顯爵自我隊之微微
附庸自我招之誰能忍媿寄之我顏誰將遐征從之
夷蠻於赫三事匪俊匪作於蔑小子終焉其度誰謂
華高企其齊而誰謂德難厲其庶而嗟我小子于貳
人部 卷八十八 十一 自効

其尤隊彼令聲申此擇辭四方羣后我監我視威儀

車服唯肅是履

上責躬詩

魏曹植

於穆顯考時惟武皇受命于天寧濟四方朱旗所拂
九土被攘玄化滂流荒服來王超商越周與唐比蹤
篤生我皇奕世載聰武則肅烈文則時雍受禪于作
漢君臨萬邦萬邦既化率由舊則廣命懿親以藩
王國帝曰爾侯君茲青土奄有海濱方周于魯車服
有輝旗章有叙濟濟肅乂我弼我輔伊予小子恃寵
驕盈舉挂特綱動亂國經作藩作屏先軌是隳傲我

皇使犯我朝儀國有典刑我創我紂一作將實于理

元兇是率明明天子時惟篤類一作時不忍我刑暴

之朝肆違彼執憲哀予小臣一作改封充邑于河之

濱股肱弗置有君無臣荒淫之闕誰弼予身戮戮僕

夫于彼冀方嗟予小子乃罹斯殃赫赫天子恩不遺

物冠我玄冕要我朱紱光光一作天使我榮我華剖

符授玉一作王爵是加仰齒金璽俯執聖策皇恩過

隆祗承怵惕咨我小子頑兇是嬰逝慙陵墓存愧闕

庭匪敢傲德實恩是恃威靈改加足以沒齒昊天罔

極生一作性命不圖常懼顛沛抱罪黃墟願蒙矢石建

旗東嶽庶立毫釐微功是贖危軀授命知足免戾甘

赴江湘奮文吳越天啓其衷得會京畿遲奉聖顏如

渴如饑心之云慕愴矣其悲天高聽卑皇肯照微

自悼 唐薛令之

朝日上團團照見先生盤盤中何所有首著長闌干

飯澀匙難縮羹稀筋易寬何以謀朝夕何以保歲寒

令之及第遷右庶子開元中東宮官僚清澹令之題

鳳凰羽毛短若嫌松桂寒任

逐桑榆暖令之遂謝病歸

上長史王公責躬

唐儲光義

覆舟無伯夷覆居無仲尼自咎失明義寧由貝錦詩

松柏日已堅桃李日以滋顧已獨暗昧所居戎莠藜

大賢薦時文醜婦用蛾眉惕惕愧不已豈敢論其私

方朔既有言子建亦有詩惻隱及先世析薪成自悲

靈鳥酬德輝黃雀報仁慈若公庶伏罪此事安能遲

自傷 唐王建

衰門海內幾多人滿眼公卿總不親四授官資元七

品再經婚娶尚單身圖書亦為煩移盡兄弟還因數

散貧獨自在家常似客黃昏哭向野田春

自責 唐元稹

犀帶金魚束紫袍不能將命報分毫他時得見牛常

侍為爾君前捧珮刀

自叙 唐陶岷

匡廬舊業是誰主吳越新居安此生白髮數莖歸未

得青山一望計還成鴉翻楓葉夕陽動鷺立蘆花秋

水明從此捨舟何所詣酒旗歌扇正相迎

遊江湖自製三舟與孟深孟雲卿焦遂共載吳越

之士號為水仙省親南海復崑崙奴名摩訶善游水

至西塞山下泊舟吉祥佛舍見江水深黑謂必有怪

物投劍命摩訶下取久之支體傑裂浮於水上岷流

自題

唐白居易

老宦官冷靜貧賴俸優饒熱月無堆案寒天不趁朝

傍看應寂寞自覺甚逍遙徒對盈樽酒兼無愁可銷

自詠

唐白居易中

官舍非我廬官園非我樹洛中有小宅渭上有別墅
既無婚嫁累幸有歸休處歸去誠已遲猶勝不歸去

自詠

唐白居易中

悶發每吟詩引興興來兼酌酒開顏欲逢暇日先招
客正對衙時亦望山勾檢簿書多鹵莽提防官吏少
機關誰能頭白勞心久人道無才也自閒

自詠

唐白居易中

細故隨緣盡形衰具體微關間僧尚開較瘦鶴猶肥

人部

卷八

十五

自効

喜老自嘲

唐白居易中

面黑頭雪白自嫌還自憐毛龜蒼下老蝙蝠鼠中仙
名籍同逋客衣裝類古賢裘輕披白氎靴暖蹋烏氈
周易休開卦陶琴不上絃任從人棄擲自與我周旋
鐵馬因疲退鈎刀以鈍全行開第八秩可謂盡天年

自解

唐白居易中

房傳往世為禪客王道前生應畫師我亦定中觀宿
命多生債負是歌詩不然何故狂吟詠病後多於未
病時

自遣

唐杜牧晚

四十已云老况逢憂窘餘且抽持板手却展小年書

自貶

唐李商隱晚

嗜酒狂嫌阮知非晚笑遽聞流寧歎咤待俗不親踈
遇事知裁翦操心識卷舒還稱二千石於我意何如

自愧

唐李商隱晚

陶令棄官後仰眠書屋中誰將五斗米擬換北牕風

自愧

唐李商隱晚

多負懸孤禮危時隱薜蘿有心明俎豆無力執干戈
壯士難移節貞松不改柯纓塵徒自滿欲濯待清波

○應辟

別張十三建封湖南觀察使韋之晉辟參謀

人部

卷八

十六

應辟

封劉文靜
外曾孫也

唐杜甫盛

嘗讀唐實錄國家草昧初劉裴首建議龍見尚躊躇
秦王撥亂安一劍總兵符汾晉為豐沛暴隋竟滌除
宗臣則廟食後祀何踈蕪彭城英雄種宜膺將相圖
爾惟外曾孫個儻汗血駒眼中萬少年用意盡崎嶇
相逢長沙亭乍問緒業餘乃吾故人子童叟聯居諸
揮手灑衰淚仰看八尺軀內外名家流風神蕩江湖
范雲堪結交嵇紹自不孤擇材征南慕湖落回鯨魚
載感賈生慟復聞樂毅書主憂急盜賊師老荒京都
舊丘復稅駕大厦傾宜扶君臣各有分管焉本時須

雖當霰雪嚴未覺松柏枯高義在雲臺嘶鳴望天衢
羽人掃碧海功業竟何如

送陳兼應辟兼寄高適賈至 唐獨孤及

結綠處燕石卞和不必知所以王佐才未能忘茅茨
罷官梁山外穫稻楚水湄適會傳巖人虛舟濟川時
天網忽搖頓公才難棄遺鳳凰翔千仞今始一鳴岐
上馬指國門舉鞭謝書帷預知大人賦掩却歸來詞
天子方在宥朝廷張四維料君能獻可努力副疇咨
舊友滿皇州高冠飛翠蕤相逢絳闕下應道軒車遲
高侯秉戎翰策馬觀西夷方從幕中事參謀王者師

人部

卷八

十七 應辟

賈生去洛陽焜燿琳琅姿芳名動北步逸韻凌南皮
肅肅舉鴻毛泠然順風吹波流有同異由是限別離
漢塞隔隴底秦川連鎬池白雲日夜滿道里安可思
夢想浩盈積物華愁變衰因君附錯刀送遠亦凄其
四海各橫絕九霄應易期不知故巢燕決起棲何枝

送閻家赴東川辟

唐韋應物

冰炭俱可懷孰云熱與寒何如結髮友不得攜手歡
晨登嚴霜野送子天一端祇承簡書命俯仰豈角冠
上陟白雲嶠下冥玄壑湍離羣自有託歷險得所安
當念返窮巷登朝成慨歎

送駱徵君

唐陳潤

野人膺辟命谿上掩柴扉黃卷猶將去青山豈更歸
馬留苔蘚迹人脫薜蘿衣他日相思處天邊望少微

贈韋况徵君

唐戎昱

身欲逃名名自隨鳳銜丹詔降茅茨苦節難違天子
命貞心唯有老松知回看藥竈封題密強入蒲輪引
步遲今日巢由舊冠帶聖朝風化勝堯時

送林復夢赴韋令辟

唐元稹

蜀路險於劒憐君自坦途幾回曾啖炙千里遠銜珠
野性便荒飲時風忌酒徒相門多禮讓前後莫相踰

人部

卷八

十八 應辟

送友人上峽赴東川辟命

唐白居易

見說瞿塘峽斜銜灩澦根難於尋鳥路險過上龍門
羊角風頭急桃花水色渾山迴若鼇轉舟入似鯨吞
岸合愁天斷波跳恐地翻憐君經此去爲感主人恩
醉送李協律赴湖南辟命因寄沈八中丞

唐白居易

富陽山底樟亭畔立馬停舟飛酒杯曾共中丞情繼
緒暫留協律語踟躕紫微星北承恩去青草湖南稱
意無不羨君官羨君幕幕中收得阮元瑜

送鄭谷先輩赴汝州辟命

唐張喬

看花興未休已散曲江遊載筆離秦甸從軍過洛州
嵩雲將雨去汝水背城流應念依門客高萊滿徑秋

送鄭侍御赴汴州辟命

唐張喬 晚

官從諫署清暫去佐戎旌朝客多相戀吟僧欲伴行
河水天際白嶽雪眼前明即是東風起梁園聽早鶯
送司封從叔員外赴華州裴尚書辟

唐鄭谷 晚

如何拋錦帳蓮府對蓮峰舊有雲霞約暫留鴈鶩蹤
敷谿秋雪岸樹谷夕陽鐘盡入新吟境歸朝興莫慵

○參謁

人部

卷八十八

九

參謁

送張秀才謁高中丞

唐李白 盛

余時繫尋陽獄中正讀留侯傳秀才張孟能蘊藏
胡之策將之廣陵謁高中丞余嘉子房之風感激
於斯人因作是詩以送之

秦帝淪玉鏡留侯降氛氲感激黃石老經過滄海君
壯士揮金槌報讐六合聞智勇冠終古蕭陳難與羣
兩龍爭鬪時天地動風雲酒酣舞長劍倉卒解漢紛
宇宙初倒懸鴻溝勢將分英謀信奇絕夫子揚清芬
胡月入紫微三光亂天文高公鎮淮海談笑廓妖氛
採爾幕中畫戡難光殊勲我無燕霜感玉石俱燒焚

但灑一行淚臨歧竟何云

送殿中楊監赴蜀見相公

唐杜甫 盛

去水絕還波洩雲無定姿人生在世間聚散亦暫時
離別重相逢偶然豈定期送子清秋暮風物長年悲
豪俊貴勲業邦家頻出師相公鎮梁益軍事無子遺
解榻再見今用才復擇誰況子已高位爲郡得固辭
難拒供給費慎哀漁奪私干戈未甚息紀綱正所持
汎舟巨石橫登陸草露滋出門日易久當念居者思
送基母三謁房給事

唐李頎 盛

夫子大名下家無鍾石儲惜哉湖海上曾校蓬萊書

人部

卷八十八

二十

參謁

外物非本意此生空淡如所思但乘興遠適唯單車
高道時坎珂故交願吹噓徒言青瑣闥不受承明廡
百里人戶滿片言諍訟疎手持蓮花經目送飛鳥餘
晚景南路別炎雲中伏初此行儻不遂歸食蘆洲魚
送從弟遊江淮兼謁鄱陽劉太守

唐李頎 盛

都門柳色朝朝新念爾今爲江上人穆陵關帶清風
遠彭蠡湖連芳草春泊舟借問西林寺曉聽猿聲在
山翠潯陽北望鴻鴈回淪水東流客心醉須知聖代
舉賢良不使遺才滯一方應見鄱陽虎符守思歸共

指白雲鄉

送皇甫曾遊襄陽山水兼謁韋太守

唐李頎盛

峴山枕襄陽滔滔江漢長山深臥龍宅水淨斬蛟鄉
元凱春秋傳昭明文選堂風流滿今古煙島思微茫
白鴈暮衝雪青林寒帶霜蘆花獨戍晚柑實萬家香
舊國欲茲別輕舟眇未央百花亭漫漫一柱館蒼蒼
按俗荆南牧持衡吏部郎逢君立五馬應醉習家塘
奉送漪叔遊潁川兼謁淮陽太守

唐李頎盛

人部

卷八

主

參調

罷吏今何適辭家方獨行嵩陽入歸夢潁水半前程
聞道淮陽守東南卧理清郡齋觀政日人馬望鄉情
疊嶂雪初霽寒砧霜後鳴臨川嗟拜手寂寞事躬耕

送沈芳謁李觀察水仕進

唐尉萬盛

往日長安路歡遊不惜年爲貪盧女曲用盡沈郎錢
身老方投刺途窮始著鞭猶聞有知己此去不徒然
此君曾浪迹長安以詩讓之

送王牧往吉州謁王使君叔

唐李嘉祐中

細草綠汀洲王孫耐薄遊年華初冠帶文體舊弓裘
野渡花爭發春塘水亂流使君憐小阮應念倚門愁

送李校書適越謁杜中丞

唐劉長卿中

江風處處盡日暮永空波搖落行人去雲山向越多
陳蕃懸榻待謝客枉帆過相見耶谿路逶迤入薜蘿
送李七之秣水謁張相公

唐劉長卿中

惆悵青春晚殷勤濁酒壚後時長劒澀斜日片帆孤
東閣邀才子南昌老腐儒梁園舊相識誰憶臥江湖
送鄭說之歙州謁薛侍郎

唐劉長卿中

人部

卷八

主

參調

送劉萱之道州謁崔大夫

唐劉長卿中

沅水悠悠湘水春臨岐南望一沾巾信陵門下三千
客君到長沙見幾人

送秦侍御外甥張象之福州謁鮑大夫秦侍御

與大夫有舊

唐劉長卿中

萬里閩中去渺然孤舟水上入寒煙轅門拜首儒衣
弊貌似牢之豈不憐

送高勝重謁曹王

唐司空曙中

江上青楓岬陰陰萬里春朝辭郢城酒暮見洞庭人
興比乘舟訪思懷倒屣親想君登舊榭重喜掃芳塵

送盧徹之太原謁馬尚書

唐司空曙中

榆落鷗飛關塞秋黃雲盡角見并州翩翩羽騎雙旌
後上客親隨郭細侯

餞雍聿之潞州謁李中丞

唐韋應物中

鬱鬱兩相遇出門草青青酒酣拔劍舞慷慨送子行
驅馬涉大河日暮懷洛京前登太行路志士亦未平
薄遊五府都高步振英聲主人才且賢重士百金輕
絲竹促飛觴夜醺達晨星娛樂易淹暮諒在執高情
送顏推官遊銀夏謁韓大夫

唐盧綸中

叢叢叫塞笛滿眼寒山青才子樽前畫將軍石上銘

人部

卷八十八

王圭參調

獵聲雲外響戰血雨中腥苦樂從來事因君一涕零

送史宋滑州謁賈僕射

唐盧綸中

朱門洞啓儼行車金鑄裝囊半是書君向東州問徐

胤羊公何事滅吹魚

洛中送處厚入關使遊蜀謁韋令公

唐劉禹錫中

洛陽秋日正淒淒君去西秦更向西舊學三冬今轉
富曾傷六翮養初齊王城曉日窺丹鳳蜀路晴天見
碧雞早識卧龍應有分不妨從此躡丹梯

送孔周之南海謁王尚書

唐楊衡中

泛棹送流萍桂寒山更青望雲生碧落看日下滄溟
潮盡收珠母沙開拾翠翎自趨龍戟下再為領芳馨

送李觀之宣州謁袁中丞

唐張衆甫中

古渡大江濱西南拒要津自當舟楫路應濟往來人
翻浪驚飛鳥迴風起綠蘋君看波上客晚歲獨垂綸

送人之九江謁郡侯苗員外

唐鄭谷晚

澤國尋知已南浮不偶遊淞城分楚塞廬嶽對江州
曉飯臨孤嶼春帆入亂流雙旌相望處月白庾公樓

送張厚剡東修謁

唐許渾晚

涼露清蟬柳泊空故人遙指淞江東青山有雪松當

人部

卷八十八

王圭參調

澗碧落無雲鶴出籠齊唱離歌愁晚月獨看征棹怨
秋風定知洛下聲名士共說膺門得孔融

謁翰林劉學士不遇

唐李山甫晚

夢繞清華宴地深洞宮橫鎖曉沈沈鵬飛碧海終難
見鶴入青霄豈易尋六尺羈魂迷定止兩行愁血謝
知音平生只耻凌風翼隨得鳴珂上禁林

江西投謁所知頗為典客所阻因賦一絕

唐劉魯風晚

萬卷書生劉魯風煙波萬里謁文翁無錢乞與韓知
客名紙毛生不肯通

○頌德

懷德 感恩並附

至德歌

其子既就封朝鮮教民以禮義厥嗣用

河水潑潑今曷維其極今日月休光今維后之懿德

今

荏都夷歌三章

荏都夷者武帝所開以爲荏都

益州刺史朱輔宣示漢德威懷遠夷自汶山以西前世所不至正朔所未加白狼槃木等百餘國皆舉種稱臣奉貢白狼王唐蒙作詩三章歌頌漢德輔使譯而獻之

漢白狼王唐蒙

遠夷樂德歌

大漢是治與天合意吏譯平端不從我來聞風向化

人部

卷八十八

王

頌德

所見奇異多賜繒布甘美酒食昌樂肉飛屈伸悉備

蠻夷貧薄無所報嗣願主長壽子孫昌熾

遠夷慕德歌

蠻夷所處日入之部慕義向化歸日出主聖德深恩

與人富厚冬多霜雪夏多和雨寒溫時適鄙人多有

涉危歷險不遠萬里去俗歸德心歸慈母

遠夷懷德歌

荒服之外土地墮墮食肉衣皮不見鹽穀吏譯傳風

大漢安樂攜負歸仁觸冒險挾高山岐峻緣崖磻石

木薄發家百宿到洛父子同賜懷抱匹帛傳告種人

長願臣僕

武德舞歌詩

東觀漢紀曰明帝永平三年八月

以漢制宗廟各奏其樂不皆相襲光武皇帝乃進武德舞歌詩遂漢東平王蒼用之於光武廟焉

於穆世廟肅雍顯清俊入翼翼秉文之成越序上帝

駿奔來寧建立三雍封禪泰山章明圖識放唐之文

休矣惟德罔射協同本支百世永保厥功

讚德上越國公楊素

隋陳子良

君侯稱上宰命世挺才英本超驥驥足復蘊風雲情

據藻揆錦綺育德潤瑤瓊已踵四知舉非無三傑名

人部

卷八十八

王

頌德

濟世同舟檝匡政本阿衡雍容入青瑣肅穆侍丹楹

桂宮擅鳴珮槐路獨飛纓高門羅虎戟綺閣麗彫臺

金樽酌湛湛歌扇掩盈盈匈奴軼燕薊烽火照幽并

天子命薄伐受脤事專征七德播雄略十萬騁行兵

鴈行蔽虜甸魚貫出長城交河方飲馬瀚海盛揚旌

拔劍倚天外象犀輝日精彎弧穿伏石揮戈斬大鯨

鼓鼙朝作氣刁斗夜偏鳴六郡多壯士三邊豈足平

嶺雲朝合陣山月夜臨營胡塵暗馬色芳樹動笳聲

關雲未盡散塞霧常自生川長蔓草綠峰迴雜花明

小人愧王氏雕文慙馬卿濫此叨書記何以謝過榮

高山徒仰止終是恨才輕

秋日荆南送石首薛明府辭滿告別奉薛尚書

頌德叙懷三十韻

唐杜甫

南征爲客久西候別君初歲滿歸鳧舄秋來把鴈書
荆門留美化姜被就離居聞道和親入垂名報國餘
連枝不日並八座幾時除往者胡星孛恭惟漢網疎
風塵相湏洞天地一丘墟殿瓦鴛鴦圻宮簾翡翠虛
鉤陳摧微道槍纍失儲胥文物陪巡狩親賢病枯樁
公時呵豺獮音乙首唱却鯨魚勢恆宗蕭相材非一
范睢秦伐魏拔懷東伐韓按少曲高平又大屍填太
人部 卷八十八 王 頌德
行道血走浚儀渠滄口師仍會面關憤已據紫微臨
大角皇極正乘輿賞從煩裁冕殊恩再直廬公舊執金吾新授羽林前
後二將軍豈惟高衛霍曾是接應徐降集翻翔鳳追
攀絕眾但侍臣雙宋玉戰策兩穰苴鑒澈勞懸鏡荒
蕪已荷鋤嚮來披述作自注云石首處一卷重此憶吹噓
白髮甘凋喪青雲亦一作卷舒經綸功不朽跋涉體
何如自注云公頃奉使和蕃應訝耽湖橘常餐占野蔬十年嬰
藥餌萬里狎樵漁揚子淹投閣鄒生惜曳裾但驚飛
熠燿不記改蟾蜍煙雨封巫峽江淮略孟諸湯池雖
險固遼海尚填淤努力輸肝膽休煩獨起予

格詩并序

唐白居易

裴侍中晉公出討淮西時過女几山下刻石題詩
末句云待平賊壘報天子莫指仙山示武夫果如
所言剋期平賊由是淮蔡迄今底寧始二十年人
安生業夫嗟歎不足則詠誦之故居易作詩二百
言繼題公之篇末欲使採詩者修史者後之往來
觀者知公之功德本末前後也

何處畫功業何處題詩篇麒麟高閣上女几小山前
爾後多少時四朝二十年賊骨化爲土賊壘犁爲田
一從賊壘平陳蔡民宴然驪軍成牛戶蔡寇龍驤子軍陳蔡間農

人部

卷八十八

王

頌德

綿皆云公之德欲報無由緣公今在何處守都鎮三
川舊宅留永樂新居開集賢公今作何官被袞珥貂
蟬戰袍破猶在髀肉生欲圓襟懷轉蕭灑氣力彌精
堅登山不拄杖上馬能掉鞅利澤浸入地福降自昇
天昔號天下將今稱地上仙勿追赤松遊勿拍洪崖
肩商山有遺老可以奉周旋
人部 卷八十八 王 頌德
詠民詩 唐柳宗元
帝眎民情匪幽匪明慘或在腹已如色聲亦無動威
亦無止力弗動弗止惟民之極帝懷民眎乃降明德

乃生明翼明翼者何廼房廼杜惟房惟杜實爲民路
廼定天子廼開萬國萬國既分廼釋蠹民廼學與仕
廼播與食廼器與用廼貨與通有作有遷無遷無作
士實蕩蕩蕩蕩實董董工實蒙蒙實實融融左右惟一
出入惟同攝儀以引以遵以肆其風既流品物載休
品物載休惟天子守乃二公之久惟天子明乃二公
之成惟百辟正乃二公之令惟百辟穀乃二公之祿
二公行矣弗敢憂縱是獲憂其二公居矣弗敢泰止
是獲泰已既柔一德四夷是則四夷是則永懷不忒
擬王侍中榮懷德
梁江淹

人部

卷八

五九

頌德

伊昔值世亂秣馬辭帝京既傷蔓草別方知杜杜情
峭而蕩蕩一作丘墟關關緬縱橫倚棹泛涇渭日暮山
河清蟋蟀依素一作桑野嚴風吹枯莖鸛鷀在幽草客
子淚已零去鄉三一作十載幸遭天下平賢主降嘉
賞金貂服玄纓侍宴出河曲飛蓋遊鄴城朝露竟幾
何忽如水上萍君子篤恩一作惠義柯葉終不傾福履
既所綏千載垂令名

離闕下日感恩

唐李建勳

二年塵胃處中台喜得南歸退不才卽路敢期皇子
送出關猶有御書來未知天地恩何報翻對江山思

莫開斜日葦汀凝立處遠波微颺翠如苔
○謝

謝賜合歡果

隋遺錄曰殿脚女自至廣陵悉用
備月觀行宮由是絳仙不得親侍

寢殿有郎將獻合歡果一器帝命小黃門
以一隻馳騎賜絳仙遇馬急搖解絳仙拜賜
因附紅箋小簡上進云帝省章不悅顧黃
門曰絳仙如何來辭何怨之深也黃門言其
故帝曰終仙不獨貌可觀隋吳絳仙

驛騎傳雙果君王寵念深寧知辭帝里無復合歡心

謝賜珍珠

梅妃善屬文最爲明皇所幸嘗作蕭
蘭梨園梅花扇舞刀編總入賦時

傳誦焉會太真楊氏入侍寵愛日尊後遷於
上陽東宮妃益怨慕作樓東賦以寄意帝每
念之時在花萼樓有夷使貢珍珠者至帝封
一謝密賜妃妃不受以詩付使者曰爲我進

人部

卷八

五九

頌德

御前也上覽詩悵然不樂令樂府以
新聲度之號一斛珠曲名蓋始于此
桂葉雙眉久不描殘妝和淚濕紅綃長門盡日無梳
洗何必珍珠慰寂寥

尚書念舊垂賜袍衣率題絕句獻上以申感謝

唐岑參

富貴情還在相逢豈間然綈袍更有贈猶荷故人憐

謝嚴中丞送青城山道士乳酒一餅

唐杜甫

山餅乳酒下青雲氣味濃香幸見分鳴鞭走送憐漁

父洗滌蘭嘗對馬軍自注云軍州謂

謝張法曹萬頃小山假景唐錢起中

樂道隨去處養和解朝簪茅堂近丹闕佳致亦何深
退食不趨府忘機還在林清風亂流上永日小山陰
解籜雨中竹將雛花際禽物華對幽寂絃酌兼詠吟
自昔仰高步及茲勞所欽郢歌叨繼組知已復知音
謝李續主簿唐王建中

館舍幸相近因風及病身一官雖隔水五字一作是
同人衰卧朦朧曉貧居冷落春少年無不好莫恨滿
頭塵

人部 卷八十八 三

除忠州寄謝崔相公唐白居易中

提拔出泥知力竭吹嘘生翅見情深劍鋒缺折難衝
斗桐尾燒焦豈望琴感舊兩行年老淚酬恩一寸歲
寒心忠州好惡何須問鳥得辭籠不擇林

謝鄭十四望驛不得同宿見贈因寄張參軍

唐司空曙中

逢君喜成淚暫似故鄉中謫宦猶多懼清宵不得終
月煙高有鶴宿草靜無蟲明日却超會應思下客同
○賀

同夢得寄賀東西川二楊唐白居易中

龍節對持真可愛鴈行相接更堪誇兩川風景同三
月千里江山屬一家魯衛定知連氣色潘楊亦覺有
光華予與二公應憐洛下分司伴冷宴閑遊老看花

喜錢左丞再除華州以詩唐白居易中

左轄輟中臺西東委上才彤檐經宿到絳帳及春開
民望懇難奪天心慈易迴那知不隔歲重借寇恂來
與諸同年賀座主侍郎新拜太常同宴蕭尚書

亭子座主於蕭尚書下唐白居易中

寵新卿典禮會盛客徵文不失遷鶯侶因成賀燕羣
池臺晴間雪冠蓋暮和雲共仰曾攀處年深桂尚薰

人部 卷八十八 三

聞李六景儉自河東令授唐鄧行軍司馬以詩

賀之唐白居易中

誰能淮上靜風波聞道河東應此科不獨文詞供奏
記定將譚笑解兵戈泥埋劍戟終難久水借蛟龍可
在多四十著緋軍司馬男兒官職未蹉跎

桃林夜賀晉公唐韓愈中

西來騎火照山紅夜宿桃林臘月中手把命珪兼相
印一時重疊賞元功

詩集類函卷八十八

詩集類函卷八十九

東吳俞安期彙纂 宣城梅鼎祚增定

人部三十一 賜詩 和賜詩附 呈獻

○賜詩 和賜詩附

賜謝覽王暕詩 南史曰中書侍郎謝覽侍武帝坐受敕與侍中王暕為詩答贈其文甚工

帝賜詩云 梁武帝

雙文既後進二少實名家豈伊爾棟隆信乃俱國華

賜張率 南史曰率侍武帝遊宴梁武帝賦詩武帝別賜率詩云

東南有才子故能服官政余雖慚古昔得人今為盛

人部 卷八十九

覺意詩賜江革 梁書曰時高祖盛於佛教朝賢多務求受戒革精信因果而高祖未知謂革不奉佛教

乃賜革覺意詩五百字 梁武帝

唯當勤精進自強行勝修豈可作底突如彼必死囚

賜牛弘 北史曰煬帝在東宮數有詩書遺弘弘亦有答及嗣位當賜弘詩云云其同被

贊揚無如弘美 隋煬帝

晉家山吏部魏代盧尚書莫言先哲異奇才並佐予

學行敦時俗道素乃冲虛納言雲閣上禮儀皇運初

齊倫欣有叙垂拱事端居

賜史祥 北史曰煬帝即位漢王作亂遣其將裴良自金口徇黎陽塞白馬津余公理

自太行下河內帝以祥為行軍總管軍于河陰公理屯兵河陽城內以備祥祥乃簡情銳

於下流潛攻擊公理大破之東起黎陽基毋良棄軍走其眾大潰進位上大將軍轉大僕卿帝賜

伯夷朝繼重夏侯親遇深貴耳唯聞古賤目詎知今

早擢勁草質久有背淮心掃逆黎山外振旅河之陰

功已書王府留情太僕箴

賜諸葛穎 隋書本傳曰煬帝即位遷穎著作郎甚見親待帝嘗賜穎詩其卒章曰

隋煬帝

參翰長洲苑侍講肅成門名理窮研聚英華悉討論

實錄資乎允傳芳導後昆

賜守宮女 隋遺錄曰大業十二年帝將幸江都東都宮女半不隨駕並留帝言遠東

人部

小國不足以煩大駕願擇將征之帝意不回因戲飛帛題二十字賜守宮女云

隋煬帝

我夢江都好征遼亦偶然但存顏色在離別只今遺

持檄篇賜吳絳仙 帝幸江都至汴帝御龍舟蕭妃乘鳳舸每舟擇妙麗女子千人執雕板鑲金機號為殿脚女中有吳絳

仙者柔麗不與羣輩齒因有寵於帝帝每倚簾視絳仙移時不去

隋煬帝

舊曲歌桃葉新妝艷落梅將身倚輕檝知是渡江來

賜房玄齡 唐太宗

太液仙舟迴西園隱上才未曉征車度雞鳴關早開

賜蕭瑀詩貞觀九年四月以光祿大夫蕭瑀

年以後高祖有廢立之心而未定我不為兄弟所容實有功高不賞之懼斯人也不可以利誘不可以死脅真社稷臣也因賜是詩

唐太宗

疾風知勁草昏日辨誠臣勇夫安識義智者必懷仁

賜崔日知往潞州

唐玄宗

潞國新開府壺關寵舊林妙旌一作精循吏德特悅庶

氓心禮樂中朝貴神明列郡欽揚風非贈扇易俗是

張琴藩鎮謳謠滿行宮雨露深會書丞相策先賜賴

川金

奉報趙王出師在道賜詩

北周庾信

人部

卷八十九

主賜詩

上將出東平先定下江兵一作孤伏石動振鼓沸

沙鳴橫海將軍號長風駿馬名雨歇殘虹斷雲歸一

鴈征暗巖朝石濕空山夜火明低橋澗底渡狹路花

中行錦車同建節魚軒異泊營軍中女子氣塞外夫

人城小人垂攝養岐路阻逢迎幾月芝田熟何年金

竈成哀笳關塞曲嘶馬別離聲王子身為寶深思不

倚衡

隋許善心

帝道屬升平天文預觀象茲生荷化育博施多合養

正始振皇風端居畱眷想夕拜參近侍朝恩濫弘獎

溫樹貴不言克艱庶無爽

○呈獻

上詩併入

獻詩三國志曰建衡三年孫皓追數堂獻詩曰父綜遺文且命堂繼作堂獻詩曰

吳薛瑩

惟臣之先昔仕于漢奕世綿綿頗陟臺觀暨臣父綜

遭時之難卯金失御邦家毀亂適茲樂土庶存才遺

天啓其心東南是歸厥初流隸困于蠻垂大皇開基

恩德遠施特蒙招命拯擢泥汗釋放巾褐受職剖符

作守合浦在海之隅遷入京輦遂升機樞枯瘁更榮

絕統復紀自微而顯非願之始亦惟寵遇心存足止

人部

卷八十九

四呈獻

重值文皇建號東宮乃作少傅光華益隆明明聖嗣

至德謙崇禮遇兼加惟渥惟豐哀哀先臣念竭其忠

洪恩未報委是以終嗟臣賤賤惟昆及弟幸生幸育

託綜遺體過庭既訓頑蔽難啓堂構弗克志存耦耕

豈悟聖朝仁澤流盈追錄先臣愍其無成是濟是拔

被以殊榮翊忝千里受命南征旌旗備物金章揚聲

及臣斯陋實聞實微既顯前軌人物之機復傳東宮

繼世荷輝才不逮先是忝是連乾德博好文雅是貴

追悼亡臣冀存遺類如何愚胤曾無髣髴瞻彼舊寵

顧此頑虛孰能忍媿臣實與居夙夜反側克心是論

父子兄弟累世蒙恩死惟結草生誓殺身雖則灰隕
無報萬分

應詔詩

魏陳思王

肅承明詔應會皇都星陳夙駕秣馬脂車命彼掌徒
肅我征旅朝發鸞臺夕宿蘭渚芒芒原隰祁祁士女
經彼公田樂我稷黍爰有樛木重陰匪息雖有饑饉
飢不遑食望城不過面邑不遊僕夫警策平路是由
玄駟藹藹揚鑣漂沫流風翼衡輕雲承蓋涉澗之濱
緣山之隈遵彼河許黃坂是階西躋關谷或降或升
駢轡倦路載寢載興將朝聖皇匪敢宴寧聑節長驚
人部 卷八十九 五十一 呈獻

上益州上柱國趙王二首

北周庾信

銅梁影棠樹石鏡寫寒帷兩江如清錦雙峯似畫眉
穿荷低晚蓋衰柳挂殘絲風流盛儒雅泉湧富文詞
無因同子淑暫得侍臨淄

寂寞歲陰窮蒼茫雲貌同鶴毛飄亂雪車轂轉飛蓬
鴈歸知向暖鳥巢解背風寒沙兩岼白獵火一山紅
願想懸鵲時嗟嘔巷空

正旦上司憲府

北周庾信

詰旦啓門闌繁辭湧筆端蒼鷹下獄吏獬豸飾刑官
司朝引玉節盟載捧珠盤窮紀星移次歸餘律未殫
雪高三尺厚水深一丈寒短筭猶埋竹香心未起蘭
孟門久失路扶搖忽上搏栖鳥還得府棄馬復歸欄
榮華名義重虛薄報恩難枚乘還起疾貢禹遂彈冠
方垂蓮葉劍未用竹根丹一知懸象法誰思垂釣竿
獻始興公 唐王維 盛

寧棲野樹林寧飲澗水流不用坐梁肉崎嶇見王侯
鄙哉匹夫節布褐將白頭任智誠則短守仁固其優
人部 卷八十九 六十一 呈獻

側聞大君子安問黨與讎所不賣公器動爲蒼生謀
賤子跪自陳可爲帳下不感激有公議曲私非所求
上張令公 唐王維 盛

珥筆趨丹陛垂璫上玉除步簷青瑣闥方幘畫輪輿
市閭千金宇朝開五色書致君光帝典薦士滿公車
伏奏廻金駕橫經重石渠從茲罷角觝且復幸儲胥
天統知堯後王章笑魯初匈奴遙俯伏漢相儼簪裾
賈生非不遇汲黯自堪疎學易思求我言詩或起予
嘗從大夫後何惜隸人餘

上李邕

唐李白 盛

大鵬一日同風起扶搖直上九萬里假令風歇時下來猶能簸却滄溟水世人見我恒殊調聞余大言皆冷笑宣父猶能畏後生丈夫未可輕年少

晚次東亭獻鄭州宋使君文 唐儲光義

自初賓上國乃到鄒人鄉曾點與曾子俱昇闕里堂武皇恢大略逸翮思寥廓三居清憲臺兩拜文昌閣爲道旣貞信處名猶謬謬鐵柱勵風威錦軸含光輝夜聞持簡立朝看伏奏歸洞門清珮響廣路玉珂飛驪首入丹掖搏空趨太微絲綸逢聖主出入飄華組惜情宿帝梧侃侃居文府海內語三獨朝端謀六戶

人部

卷八十九

七

善計在弘羊清嚴歸仲舉侍郎跨方朔中丞蔑周處天眷擇循良惟賢降寵章分符指聊攝爲政本農桑籍籍歌五袴祁祁頌千箱隨車微雨灑逐扇清風颺旣以遷列國復茲鄰帝鄉塞帷乃仍舊坐嘯非更張居敬物無擾履端人自康薄遊出京邑引領東南望林晚鳥雀噪田秋稼穡黃成臯天地險廣武征戰場道喪苦兵賦時來開井疆霏霏渠門色晻晻制嚴光徒念京華近猶悲溱洧長大明潛照曜淑慝自昭彰昔歲幸西土今茲歸洛陽同焉知鄭伯當輔我周王

遣悶奉呈嚴鄭公二十韻 唐杜甫

白水漁竿客清秋鶴髮翁胡爲來幕下祗合在舟中黃卷真如律青袍也自公老妻憂坐痺幼女問頭風平地專欲倒分曹失異同禮甘衰力就義忝上官通疇昔論詩早光輝仗鉞雄寬容存性拙翦拂念途窮露裛思藤架煙霏想桂叢信然龜觸網直作鳥窺籠西嶺紆村北南江繞舍東竹皮寒舊翠椒實雨新紅浪簸船應圻杯乾甕卽空藩籬生野徑斤斧任樵童束縛酬知己蹉跎效小忠周防期稍稍太簡遂忽忽曉入朱扉啓昏歸畫角終不成尋別業未敢息微躬烏鵲愁銀漢驚駘怕錦幪會希全物色時放倚梧桐

人部

卷八十九

七

送康洽入京進樂府歌

唐李頎

識子十年何不遇只愛歡遊兩京路朝吟左氏嬌女篇夜誦相如美人賦長安春物舊相宜小苑蒲萄花滿枝柳色偏濃九華殿鸞聲醉殺五陵兒曳裾此夜從何所中貴由來盡相許白袂春衫仙吏贈烏皮隱几臺郎與新詩樂府唱堪愁御妓應傳鴛鴦樓西上雖因長公主終須一見曲陽侯

大曆九年春下第將出關獻坐主張謂詩六韻

唐閻濟美

謬謬王臣直文明雅量全望鑪金自躍應物鏡何偏

南國幽沈盡東堂禮樂宣轉令游藝士更惜至公年
芳樹歡新景青雲泣暮天唯愁鳳池拜孤賤更誰憐

漢陽獻李相公

唐劉長卿中

退身高臥楚城幽獨掩閑門一作雙扉漢水頭春草雨中

行徑沒暮山江上捲簾愁幾人猶憶一作識孫弘閣百

口同乘范蠡舟早晚却還丞相印十年空被白雲留

秋日夏口涉漢陽獻李相公

唐劉長卿中

目望衡門處心知漢水濱偶乘青雀舫還在白鷗羣

閒氣生靈秀先朝翊戴勲一作勳身已退焚臺事難聞

舊業成青草全家寄白雲松蘿長稚子風景逐新文

人部

卷八十九

九

山帶寒城出江依古岼分楚歌悲遠客羌笛怨孤軍

鼎罷調梅久門看種藥勤十年猶去國黃葉又紛紛

獻淮南軍節度李相公

唐劉長卿中

建牙吹角不聞喧三十登壇衆所尊家散萬金酬士

死一作死身留一劍蒼君恩漁陽老將多迴席魯國諸

生半在門白馬翩翩春草細一作綠郊原一作少陵西去獵

平原

和袁郎中破賊後軍行過剡中山水謹上太尉

李光弼

唐劉長卿中

剡路除荆棘王師罷鼓鼙農歸滄海畔圍解赤城西

赦罪春陽發收兵太白低遶峰來馬首橫笛入猿啼
蘭渚催新幄桃源識故蹊已聞開閣待誰許卧東谿

收二京因書事寄上浙西節度李侍郎中丞行

營五十韻

唐劉長卿中

天上胡星孛人間一作東山反氣橫風塵生汗馬河洛縱

長鯨本謂一作才非據誰知一作防禍已萌食參將可

待誅錯輒爲名萬里兵鋒接三時羽檄驚負恩殊鳥

獸流毒遍黎氓朝市成蕪沒干戈起戰爭人心懸反

覆一作覆天道暫虛盈略地侵中土傳烽到上京王師

陷虜魅帝座逼欃槍渭水嘶胡馬秦山泣漢兵關原

人部

卷八十九

十

馳萬騎煙火亂千薨鳳駕瞻西幸龍樓議一作北征

自將行破竹誰學去吹笙白日重輪慶玄穹再造榮

鬼神潛釋一作憤夷狄遠輸誠海內戎衣卷關中賊

壘平山川隨轉戰草木困一作助橫行區宇神功立謳

歌一作帝業成天迴萬象慶龍見五雲迎小苑春猶

在長安日更明星辰歸正位雷雨發殘生文物登前

古簫韶下太清未央新柳色長樂舊鐘聲八使推邦

彥中司案國程蒼生屬伊呂明主仗韓彭兇醜將除

蔓奸豪已負荆世危看杜石時難識忠貞薄伐徵龜

虎長驅擁旌旄吳山依重鎮江月帶行營金石懸詞

律煙雲動筆精運籌初減竈調鼎未和羹北虜傳初
解東人望已傾池塘催謝客花木待春卿昔忝登龍
首能傷困驥鳴艱難悲仗劍提握喜懸衡巴曲誰堪
聽秦臺自有情遂令辭短褐仍欲請長纓久客田園
廢初官印綬輕榛蕪上國路苔蘚北山楹嬾慢羞趨
府驅馳憶退耕榴花無暇醉蓬髮帶愁縈地僻方言
異身微俗慮一作累并家憐雙鯉斷才媿小鱗烹滄海
今猶滯青陽歲又更洲香生杜若谿暖一作遠戲鵲鵲
煙水宜春候塞開值晚晴潮聲來萬井山色映孤城
旅夢親喬木歸心亂早鶯倘無知已在今已訪蓬瀛
人部 卷八十九 十一 呈獻

月下呈章秀才

唐劉長卿中

自古悲搖落誰人奈此何夜蛩偏傍枕寒鳥數移柯
向老三年謫當秋百感多家貧誰好月空愧子猷過

上禮部楊侍郎

唐皇甫冉中

郢匠掄材日較輪必盡呈敢言當一幹徒欲隸諸生
末學慙鄒魯深仁錄弟兄餘波知可挹弱植更求榮
績媿他年敗功期此日成方因舊桃李猶冀載飛鳴
道淺猶懷分時移但自驚關門驚暮節林壑廢春耕
十里嵩峰近千秋潁水清煙花迷戍城墟落接陽城
眇默思鄉夢遲迴知已情勞歌終此曲還是苦辛行

秋日趨府上張大夫

唐司空曙中

重城洞啓肅秋煙共說羊公在鎮年鼙鼓暗驚黃葉
落旌旗遙拂鴈行偏石過橋下書曾受星降人間夢
已傳謫吏何能沐風化空將歌頌拜車前

得替後書懷上第五相公

唐耿漳中

誰語恹惶客偏承顧盼私應逾骨肉分敢忘死生期
山縣唯荒壘雲屯盡老師庇人寧自伐食藥謬相推
黃綬名空罷青春鬢又衰還來掃門處猶未報恩時
獨立花飛滿無言月下遲不知丞相意更欲遣何之

上裴晉公

唐李郢中

人部 卷八十九 十一 呈獻

四朝愛國賢如絲龍馬精神海鶴姿天上玉書傳詔
夜陣前金甲受降時曾經庾亮二秋月下盡羊曇兩
路棋惆悵舊堂綠野夕陽無限鳥飛遲

書情獻相公

唐嚴維中

年來白髮欲星星誤却生涯是一經魏闕望來何日
見商歌奏罷復誰聽孤根獨棄慙山木弱質無成狀
水萍今日更須詢哲匠不應休去老巖扃

遊義興寺寄上李逢吉相公

唐令狐楚中

柳營無事詣蓮宮步步猶疑似夢中勞役徒爲萬夫
長閑遊曾與二人同鸞凰飛去仙巢在龍象潛來講

席空松下花飛頻佇立一心千里憶梁公

上桂州李大夫

唐戎昱

今日辭門館情將衆別殊感深翻有淚仁過曲憐愚
晚鏡傷秋鬢晴寒切病軀煙霞萬里闊宇宙一身迂
倚馬才寧有登龍意豈無唯於方寸內暗貯報恩珠

雪謗後書事上皇甫大夫

唐盧綸

盛德總羣英高標仰國楨獨安巡狩日曾掩趙張名
業就難辭寵朝回更授兵曉川分牧馬夜雪覆連營
長策威殊俗嘉謀翊聖明畫圖規陣勢夢筆紀山行
綬拂池中影珂搖竹外聲賜歡徵妓樂陪醉問公卿

人部

卷八十九

十三

陸

却憶經前事翻疑得此生分深存沒感恩在子孫榮
覽鏡愁將老捫心喜復驚豈言沈族重但覺殺身輕
有淚沾墳典無家集弟兄東西遭世難流浪識交情
閱古宗文舉推才慕正平應憐守貧賤又欲事躬耕
弘農公以碩德偉材屈於誣枉左官三歲復爲
大僚天監昭明人心感悅宗元竄伏湘浦拜
賀末由謹獻詩五十韻以畢微志

唐柳宗元

知命儒爲貴時中聖所臧處心齊寵辱遇物任行藏
關識新安地封傳臨晉鄉挺生推豹蔚遐步仰龍驤

幹有千尋竦精聞百鍊鋼茂功期舜禹高韻狀羲黃
足逸詩書固鋒搖翰墨場雅歌張仲德頌祝魯侯昌
憲府初騰價神州轉耀鉉右言盈簡冊左轄備條綱
響切晨趨珮煙濃近侍香司儀六禮洽論將七兵揚
合樂來儀鳳尊祠重餽羊卿材優柱石公器擅巖廊
峻節臨衡嶠和風滿蹕章入歸父母育郡得股肱良
細故誰留念煩言肯過防璧非真盜客金有誤持郎
龜虎休前寄貂蟬冠舊行訓刑方命呂理劇復推張
直用明銷惡還將道勝剛敬逾齊國社恩比召南棠
希怨猶逢怒多容競忤強火炎侵琬琰鷹擊謬鸞凰

人部

卷八十九

十四

陸

刻木終難對焚芝未改芳遠遷逾桂嶺中徙滯餘杭
顧土雖懷趙知天詎畏匡論嫌齊物誕騷愛達遊傷
麗澤周羣品重明照萬方斗間收紫氣臺上挂清光
福爲深仁集妖從盛德覆秦民啼畎畝周士舞康莊
采綬還垂艾華簪更截肪高居遷鼎邑遙傳好書王
碧樹環金谷丹霞映上陽留歡唱客與要醉對清涼
故友仍同里常僚每合堂淵龍過許邵水鯉弔王祥
玉漏天門靜銅駝御路荒澗瀝秋漱灩澦嵩少暮微茫
遵渚徒云樂冲天自不遑降神終入輔種德會明啟
獨棄儉人國難窺夫子牆通家殊孔李舊好卽潘楊

世議排張摯時情棄仲翔不言縲紲枉徒恨縲微長
賈誼愁賈閱鄒書怯大梁炯心那自是昭世嬾伴狂
鳴玉機全息懷沙事不忘戀恩何敢死垂淚對清湘
尚書宗兄使過詩以奉獻 唐包佶中

洛下交親滿歸閒意有餘翻嫌舊坐宅却駕所懸車
腹飽山僧供頭輕侍婢梳上官唯揖讓半祿代耕鋤
雨散三秋別風傳一字書勝遊如可繼還欲並園廬
家兄自山南罷歸獻詩敘事 唐韓翃中

黃閣開帷幄丹墀侍冕旒位高湯左相權總漢諸侯
不改周南化仍分趙北憂雙旌過易水千騎入幽州
人部 卷八十九 十五 呈獻

塞草連天暮邊聲動地秋無因隨遠道結束佩吳鉤
獻劉濟 唐李益中

草綠古燕州鶯聲引獨遊鴈歸天北畔春盡海西頭
向日花偏落馳年水自流感恩知有地不上望京樓
上汴州令狐相公 唐朱慶餘中

罷相恩猶在那容處靜司政嚴初領節名重更因詩
公事巡營外戎裝拜敕時 應念出身遲

上張水部 唐朱慶餘中
出入門闌久兒童亦有情不忘將姓字常說向公卿
每許連牀坐仍容並馬行恩深轉無語懷抱甚分明

上宣州沈大夫 唐朱慶餘中

科名繼世古來稀高步何年下紫微帝命幾曾移重
鎮時清猶望領春闈登朝舊友常思見開幕賢人併
望歸今日得遊風化地却回滄海有光輝

獻漢南樊尚書 唐孟郊中

天下昔崩亂大君識賢臣衆木盡搖落始見竹色真
兵勢走山嶽陽光潛埃塵心開玄女符面縛清波人
異俗既從化澆風亦歸淳自公理斯郡寒谷皆變春
旗影卷赤電劍鋒匣青鱗如何嵩高氣作鎮楚水濱
雲鏡忽開霽 一作孤光射無垠乃知尋常鑒照影不
人部 卷八十九 十六 呈獻

照神 獻襄陽于大夫 唐孟郊中

襄陽青山郭漢江白銅鞮謝公領茲郡山水無塵泥
鐵馬萬霜雪絳旗千虹蜺風濤參差泛名坂重疊躋
舊淚不復隨新歡居然齊還耕竟原野歸老相扶攜
物色增曖曖寒芳更萋萋淵情有遐略高躅無近蹊
一作衆賦無暴 一作衆賦無暴 一作衆賦無暴
憶鳳好今尚吟願言從逸轡暇日愛清谿

上河陽李大夫 唐孟郊中

上將秉神略至兵無猛威三軍當嚴冬一撫勝重衣

霜劍奪衆景夜星失長輝蒼鷹獨立時惡鳥不敢飛
武牢鎖天關河橋紐地機大將奚以安守此稱者稀
貧士少顏色貴門多輕肥試登山岳高方見草木微
山岳恩既廣草木心皆歸

獻薛僕射

唐秦系

系家於剡山向盈一紀大曆五年人以文聞鄴守
薛公無何奏系右衛率府倉曹參軍意所不欲以
疾辭免因將命者輒獻斯文

由來那敢議輕肥散髮行歌自采薇通客未能忘野
興辟書翻遣脫荷衣家中匹婦空相笑池上羣鷗盡

人部

卷八十九

十七

呈獻

欲飛更乞大賢容小隱益看愚谷有光輝

獻榮陽公詩五十韻

唐元稹

鄭驛騎翩翩丘門子弟賢文翁開學日正禮聘途年
張秀才正慕榮陽公首薦登第也駿骨黃金買英髦絳帳延趨風皆

蹀足侍坐各差肩解榻招徐穉登樓引仲宣鳳攢題
字扇魚落講經筵盛氣河包濟貞姿嶽柱天臯夔當

五百鄒魯重三千科斗翻騰取關雎教授先榮陽公
稹史生

舊口傳陳遵修尺牘阮瑀讓飛牋中的顏初啓抽毫
踵未旋森羅萬木合屬對百花全詞海跳波湧文星

拂坐懸戴馬遙避席祖逖後施鞭西蜀凌雲賦東陽
詠月篇勁姿驚足斷精貫虱心穿浩汗神彌王銀殿
興欲仙水壺通皓雪綺樹眇晴煙驅駕雷霆走鋪陳
錦繡鮮清機登突奧流韻溢山川墨客膺潛服談賓
膝誤前張鱗定摧敗折角反矜憐句句推瓊玉聲聲
播管絃纖新撩造化湏洞幹陶甄衛磬琤鎗極齊竿
僭濫偏空虛慙炙輶點竄許懷鉛遺色秋來草哀吟
雨後蟬自傷魂慘沮何暇思幽玄稹病癘二年求醫
歸之喜到樽壘側愁親几案邊善華知竭矣肺腑尚
在

人部

卷八十九

十八

呈獻

相煎瓦礫難追琢芻蕘分棄捐漫勞成懇懇那得美
娟娟拙劣仍非速迂愚且異專移時停筆硯揮景乏
戈鋌儀舌欣猶在舒帷誓不褻會將連獻楚深恥謬
遊燕蒲有臨書葉韋充讀易編沙須披見寶經擬帶
耕田入露長期潤持朱本望研輪轅呈曲直鑿枘取
方圓呼吸寧徒爾霜濡豈浪然過簫資響亮隨水漲
淪連惜日看圭短偷光恨壁堅勤勤彫朽木細細導
蒙泉傳癖今應甚頭風昨已痊丹青公舊物一爲變
媿妍

酬獻東川李相公

唐元稹

昔附赤霄羽歲遊紫垣闕班香案上奏語玉晨尊
躋直揅忌諱科儀懲傲煩自從真籍除棄置勿復論
前時共遊者日夕黃金軒請帝下巫覡八荒求我魂
鸞鳳屢鳴顧燕雀尚離藩徒令霄漢外往往塵念存
存念豈虛設併投瓊與璠鄒律寒氣變鄭琴祥景奔
靈芝繞身出左右光彩繁碾玉無俗色藥珠非世言
臘月巴地雨瘴江愁浪翻因持駭雞寶一照濁水昏
司徒令公分守東洛移鎮北都一心勤王三月
成政形容盛德實在歌詩况辱知音敢不先
唱輒奉五言四十韻寄獻以抒下情

人部

卷八十九

十九

呈獻

唐白居易中

天上中台正人間一品高休明值堯舜勲業過蕭曹
始擅文三捷終兼武六韜動人名赫赫憂國意忉忉
盪蔡擒封豕平齊斬巨鼉兩河收土宇四海定波濤
寵重移官籥恩新換閫旌保釐東宅靜守護北門牢
晉國封疆闊并州士馬豪胡兵驚赤幟邊鴈避烏號
令下流如水仁霑澤似膏路喧歌五袴軍醉感單醪
將校森貔虎賓僚儼俊髦客無煩夜柝吏不犯秋毫
神在臺貽助魂亡儉狃逃德星銷字彗霖雨滅腥臊
烽戍高臨代關河遠控洮汾雲晴漠漠朔吹冷飈颿

豹尾交衙戟虬鬚捧佩刀通天白犀帶照地紫麟袍
羌管吹楊柳燕姬酌葡萄銀含鑿落盞金屑琵琶槽
遙想從軍樂應忘報國勞紫微留北闕綠野寄東臯
忽憶前時會多慙下客叨清宵陪譙話美景從遊遨
花月還同賞琴詩雅自操朱絃沸宮徵洪筆振風騷
近竹開方丈依林架桔槔春池八九曲畫舫兩三艘
徑滑苔沾履潭深水沒篙綠絲繁柳紅粉映樓桃
爲穆先陳醴招劉共藉糟舞鬟金翡翠歌頸玉螭螯
盛德終難退明時豈易遭公雖慕張范帝未捨伊臯
眷戀心方結踟躕首已搔鸞鳳上寥廓燕雀止蓬蒿

人部

卷八十九

二十

呈獻

唐顧況中

欲獻文狂簡徒煩思鬱陶可憐四百字輕重抵鴻毛
從江西至彭蠡入浙西淮南界道中寄齊相公
大賢舊丞相作鎮江上雄自鎮江上來何人得如公
處士待徐孺仙人期葛洪一身控上游八郡趨下風
比屋除畏溺林塘曳煙虹生人罷虔劉井稅均以充
大府肅無事歡言接悲翁心清百丈泉目送孤飛鴻
數年鄱陽掾抱責棲微躬首陽及汨羅無乃偏其衷
楊朱并阮籍未免哀途窮四賢雖得仁此怨何忽忽
老氏齊寵辱於陵一窮通本師留度門平等究親同

能依二諦法了達三輪空真境靡方所出則內外中
無邊盡未來定慧雙修功蹇步慙寸進飾裝隨轉蓬
朝行楚水陰夕宿吳洲東吳洲覆白雲楚水飄丹楓
晚霞燒迴潮千里光暉曠莫開海上影桂吐淮南陂
何當翼明庭草木生春融

上魏公詩

唐李商隱

國以斯文重公仍內署才風標森大華星象逼中台
朝滿遷鶯侶門多吐鳳來寧同魯司寇只鑄一顏回

鄭州獻從叔舍人襄

唐李商隱

蓬島煙霞閨苑鍾三官戔奏附金龍茅君奕世仙曹

人部

卷八十九

三十一

貴許掾全家道氣濃絳簡尚參黃紙案丹爐猶用紫
泥封不知他日華陽洞許上經樓第幾重

五言述德抒情詩一首四十韻獻上杜七兄僕

射相公

唐李商隱

帝作黃金闕仙開白玉京有人扶太極維岳降元精
耿賈官勲大荀陳地望清旂常懸祖德甲令著嘉聲
經出宣尼壁書畱晏子楹武鄉傳陣法踐土主文盟
自昔流王澤由來仗國楨九河分合沓一柱忽崢嶸
得主勞三顧驚人肯再鳴碧虛天共轉黃道日同行
後飲曹參酒先和傅說羹即時賢路闢此夜泰階平

願保無疆福將圖不朽名率身期濟世叩額慮興兵

感念嶠屍露落嗟趙卒坑儻今安隱忍何以贊貞明

惡草雖當路寒松實挺生人言真可畏公意本無爭

故事留臺閣前驅且旆旌芙蓉王儉府楊柳亞夫營

清嘯頻踈俗高談屢折醒過庭多令子乞墅有名甥

南詔應聞命西山莫敢驚寄辭收的博端坐掃欃槍

雅宴初無倦長歌底有情檻危春水暖樓迴雪峯晴

移席牽湘蔓迴橈撲絳絳英誰知杜武庫只見謝宣城

有客趨高義于今滯下卿登門慙後至置驛恐虛迎

自是依劉表安能比老彭雕龍心已切畫虎意何成

人部 卷八十九 三十一 豈省曾黔突徒勞不倚衡乘時乖巧宦占象合艱貞
廢忘淹中學遲迴谷口耕悼傷潘岳重樹立馬遷輕
隴鳥悲丹紫湘蘭怨紫莖歸期過舊歲旅夢繞殘更
弱植叨華族衰門倚外兄欲陳勞者曲未唱淚先橫
今月二日不自量度輒以詩一首四十韻干竇
尊嚴伏蒙仁恩俯賜披覽獎踰其實情溢於
辭顧惟踈蕪曷用酬戴輒復五言四十韻詩
一章獻上亦詩人詠歎不足之義也
唐李商隱

滌濯臨清濟巖倚碧嵩鮑壺水皎潔王佩玉丁東
筆處大錄要注云漢末絕無玉佩侍中王粲處劇張
京兆通經戴侍中將星臨迴夜卿月麗層穹下令銷
秦盜高談破宋聾含霜太行竹拂霧嶧陽桐樂道乾
知退當官寒匪躬服箱青海馬入北渭川熊固是符
真宰徒勞讓化工鳳池春歛豔雞樹曉瞳矐願守三
章約嘗期九譯通薰琴調大舜寶瑟和神農慷慨資
元老周旋值狡童仲尼羞問陣魏絳喜和戎欵欵將
除蠹孜孜欲達聰所求因渭濁安肯與雷同物議將
調鼎君恩忽賜弓開吳相上下全蜀占西東銳卒魚
入部 卷十九 三
懸弭豪青鳥在籠疲民呼杜母鄰國仰羊公置驛推
東道安禪合北宗嘉賓增重價上士悟真空扇舉遮
王導樽開見孔融煙飛愁舞罷塵定惜歌終岸柳兼
池綠園花映燭紅未曾周顗醉轉覺季心恭繫滯喧
人望便蕃屬聖衷天書何日降庭燎幾時烘早歲乖
投刺今晨幸發蒙達塗哀跛輓薄藝癡雕蟲故事曾
尊隗前修有薦雄終須煩刻畫聊擬更磨礪蠻嶺晴
留雪巴江晚帶楓營巢憐越燕裂帛待燕鴻自苦誠
先藥長飄不後蓬容華雖少健思緒卽悲翁感激淮
山館優游碣石宮待公三入相不祚始無窮

獻寄舊府開封公 唐李商隱 晚
幕府三年遠春秋一字褒書論秦逐客賦續楚離騷
地理南溟闊天文北極高酬恩撫身世未覺勝鴻毛
叙事感恩上狄右丞 唐鄭谷 晚
昔歲曾投贊關河在左馮庾公垂顧遇王粲許從容
頃年庾公出守同州右丞在末席谷退避遊謝始受獎知首薦叨殊禮全家寓
近封白樓陪寫望青眼感遭逢顧念梁間燕深憐澗
底松嵐光蓮岳逼酒味菊花濃同州官酒冠難旋移
國深離幾聽蛩半生悲道旅二紀間門墉蜀雪隨僧
踏荆煙逐鴈衝彫零歸兩鬢舉止失前蹤得事雖甘
入部 卷十九 三
晚陳詩未肯慵邇來趨九仞又伴賞三峰時大駕樓在華州
托情何限吹噓意數重自茲儔侶內無復歎龍鍾
獻從叔郎中 唐鄭谷 晚
從叔郎中誠輟自秋曹分符安陸屬羣盜倡熾流
毒江甯竟以援兵不來城池失守例削今任却叙
省銜退居荆漢之間頗得琴樽之趣因有寄獻
華省稱前任何慙削一麾滄洲失孤壘白髮出重圍
苦節翻多難空山自喜歸悠悠清漢上漁者日相依
獻浙東王大夫 唐方干 晚
王臣夷夏仰清名領鎮猶爲失意行已見玉璫曾上

釣何愁金鼎不和羹譽將星月同時朽身應山河滿
數生泥滓雲霄至懸關漁翁不合見公卿

獻王大夫一首

唐方干晚

都緣聲價振皇州高卧中條不自由早赴急徵來鳳
沼常陪內宴醉龍樓鏘金五字能援筆釣玉三年信
直鈎必恐借留終不遂越人相顧已先愁

寄獻三川守劉公二首

唐許渾晚

三川歌頌徹咸秦十二樓前侍從臣休閉玉籠留鶯
鶯早開金埒縱麒麟花深程樹迎何客月在膺舟醉
幾人自笑東風過寒食茂陵寥落未知春

人部

卷全九

三五

呈獻三川

半年三度轉蓬居錦帳心關羨隼旟老去自驚秦塞
鴈病來先憶楚江魚長聞季氏千金諾更望劉公一
紙書春雪未晴春雨潰莫教愁殺馬相如

獻僕射相公

唐薛能晚

清如水玉重如山百辟嚴趨禮絕攀強虜外聞應破
膽平人長見盡開顏朝廷有道青春好門館無私白
晝閑致却垂衣更何事幾多詩合詠關關

獻知已

唐喻鳧晚

亦不受恩身當殊投刺新竟蒙分玉石終不離埃塵
大谷非無暖幽枝自未春昏昏過朝夕應念苦吟人

上高侍御

唐喻鳧晚

舊隱白雲峰生涯落葉同關河一棲旅楊柳十東風
迹處龍鍾內聲居汨沒中酬恩若有地寧止殺微躬
將歸蜀留獻恩地僕射

唐姚鵠晚

自持衡鏡採幽沈此事常聞曠古今危葉只將終委
地焦桐誰料却為琴蒿萊詎報生成德犬馬空懷感
戀心明日還家盈眼血定應迴首卽沾襟

書情獻知已

唐姚鵠晚

日日恨何窮巴雲舊隱空一為棲寓客二見北歸鴻
有道期攀桂無門息轉蓬賃居將罄比乞食與僧同

人部

卷全九

二六

呈獻

花月登臨處江山悵望中衆皆輕病驥誰肯救焦桐
坐惜春還至愁吟夜每終谷寒思變律葉晚怯迴風
謁蔡慙王粲憐衡冀孔融深恩知一作尚在何處問窮通

上靈州令狐相公

唐李洞晚

征蠻破虜漢功臣提劍歸來萬里身笑一作倚凌煙
金柱看形容憔悴老於真

留獻彭門郭常侍

唐羅鄴晚

受得彭門擁信旗一家將謂免羈離到來門館空歸
去羞向交親說受知層構尚無容足地尺波寧有躍

鱗時到頭忍耻求名是須向青雲覓路岐

獻池州庾員外

唐羅鄴

曾降瑤緘薦姓名攀雲幾合到蓬瀛須存彭壽千年
在終見茅公九轉成鯢海已知勞鶴使螢牕不那夢
霓旌琪花玉蔓應相笑未得歌吟從酒行

獻所知

唐張嶺

跡熟荀家見弟兄九霄同與指前程吹噓漸覺馨香
出夢寐長疑羽翼生仕僻驕皆識路來頻鸚鵡亦
知名登龍不敢懷他願祇望爲霖致太平

揚州選蒙相公賞判雪後

唐崔洞

人部

卷八十九

呈獻

自得山公許休耕海上田慚看長史傳欲棄釣魚船
窮巷殷憂日蕪城雨雪天此時瞻相府心事比旌懸
諫議以罷郡將歸以六韻賜示因佇訓獻

唐皮日休

欲下持衡詔先容解印歸露濃春後澤霜薄霽來威
舊化堪治疾餘恩可療饑隔花攀去棹穿柳挽行衣
佐理能無取酬知力甚微空將千感淚異日拜黃扉

冬日長安感志寄獻虢州崔郎中二十韻

唐韋莊

帝里無成久滯淹別家三度見新蟾詎說丹桂無人

指阮籍青襟有淚霑谿上却思雲滿屋鏡中唯怕雪

生并病如原憲誰能療蹇似劉楨豈用占霧雨十年

同隱遁風雷何日振沈潛吁嗟每被更聲引歌詠還

因酒思添客舍正甘愁寂寂郡樓遙想醉厭厭已聞

鈴閣懸新詔卽向綸闈副具瞻濟物便同川上楫慰

心還似邑中黔觀星始覺中郎貴問俗方知太守廉

宅後綠波樓盡鷁馬前紅袖簇丹檐閑招好客斟香

蟻悶對瓊花詠散鹽積凍慢封寒雷細幕雲高拔連

峰尖訟堂無事水生印水榭高吟月透簾松下圍棋

期楮胤筆頭飛箭薦陶謙未知匣劍何時躍但恐鉛

人部

卷八十九

呈獻

刀不再銛雖有遠心長擁篲耻將新劒學編古纔驚
素節移銅律又見玄冥變玉籤百口似萍依廣岍一
身如燕戀高簷如今正困風波力更向人間問宋纖

上江州陳員外

唐羅隱

寒江九派轉城樓東下鍾陵第一州人自中臺方貴
盛地從西晉卽風流舊班久望鷄晴翫餘力猶聞虎
夜浮應恨屬官無健令異時佳節阻間遊

獻尚父大王

唐羅隱

數年鐵甲定東甌夜渡江山瞻斗牛今日朱方平殄
後虎符龍節十三州

獻淮南師

唐李嶸晚

雞樹煙含瑞氣凝鳳池波待玉山澄國人久倚東關望擬築沙堤到廣陵

將赴東都上李相公

書情上使君

唐程長文女郎

四海兵初偃平津閣正開誰知火燼下還有不燃灰
妾家今住鄱陽曲一片堅心比孤竹當年二八盛容
儀紅牋草隸恰如飛盡日閑牕刺繡坐有時極浦採
蓮歸誰道居貧守都邑幽居寂寞無人入海燕朝歸
枕席寒山花夜落堦堦濕強暴之男何所爲手持白
人部 卷十九 二十九 呈獻

刃向簾幃一命任從刀下死千金豈受閨中欺我心
匪石情難轉志奪秋霜意不移血濺羅衣終不恨瘡
粘錦繡亦何辭縣僚曾未知情緒即便教人繫圍圍
朱唇滴瀝獨銜冤玉筋欄干歎非所十月寒更堪思
人一間擊柝一傷神高髻不梳雲已散蛾眉罷掃月
仍新三尺嚴章難可越百年心事向誰說但看洗雪
出園扉始信白玉無點缺

詩集類函卷八十九

詩集類函卷九十

東吳俞安期彙纂

宣城梅鼎祚增定

新都吳薪訂校

人部三十二

投贈答上

○投

投贈哥舒開府

唐杜甫盛

今代麒麟閣何人第一功君王自神武駕馭必英雄
開府當朝傑論兵邁古風先鋒自勝在略地兩隅空
青海無傳箭天山早挂弓廉頗仍走敵魏絳已和戎
每惜河湟棄新兼節制通智謀垂睿想出入冠諸公
人部 卷九十 一 投

日月低秦樹乾坤繞漢宮胡人愁逐北宛馬又從東
受命邊沙遠歸來御席同軒墀曾寵鶴畋獵舊非熊
茅土加名數山河誓始終策行遺戰伐契合動昭融
勲業青冥上交親氣槩中未爲珠履客已見白頭翁
壯節初題柱生涯獨轉蓬幾年春草歇今日暮途窮
軍事留孫楚行間識呂蒙防身一長劍將欲倚崆峒
投簡成華兩縣諸子 唐杜甫盛

赤縣官曹擁材傑軟裘快馬當冰雪長安苦寒誰獨
悲杜陵野老骨欲折南山豆苗早荒穢青門瓜地新
凍裂鄉里兒童項領成朝廷故舊禮數絕自然棄擲

與時異况乃疎頑臨事拙飢卧動即向一旬弊裘何
帝聯百結君不見空牆日色晚此老無聲淚垂血

投江州張郎中

唐周賀中

要地無閑日仍容冒謁頻借山年法閨寢郡月逾旬
驛徑曾衝雪方泉省滌塵隨行谿路細接話草堂新
減藥痊餘癖飛書苦問貧噪蟬離宿故吟石寄秋身
鍊句貽箱篋懸圖見蜀岷使君匡岳近終作社中人

投時相十韻

唐鄭谷晚

何以保孤危操修日不知衆中常杜口夢裏亦吟詩
失計辭山早非才得事遲薄水安可履閭室豈能欺

人部

卷九

二一投

勤苦流螢信吁嗟宿燕知殘鐘殘漏曉落葉落花時
故舊寒門少文章外族衰此生多輒軻半世足漂離
省署隨清品漁舟乘素期戀恩休未遂雙鬢漸成絲

新安投所知

唐羅隱晚

少年容易捨樵漁曾辱明公薦子虛漢殿夜寒時不
食宋都風急命何疎雲埋野艇吟歸去草沒山田賦
遂初長劍一尋歌一奏此心爭肯爲鱸魚

暇日投錢尚父

唐羅隱晚

牛女星邊女宿間棟梁虛敞麗江關望高漢相東西
閣名重淮王大小山體設鬬傾金鑿落馬歸爭撼玉

連環自慚麋鹿無能事未報深恩鬢已斑

春日投錢唐元帥尚父一首

唐□□□□

征東府幕十三州敢望非才忝上游官秩已叨異品
職姓名兼顯魯春秋鹽車顧後聲方重火井窺來焰
始浮一句黃河千載事襄城王粲謾依劉

○贈答上

皇娥歌

王子年拾遺記曰少昊以金德王母曰
經歷窮桑滄茫之浦時有神童容貌絕俗稱
爲白帝之子即太白之精降乎水際與皇娥
譙戲並坐撫桐峯梓瑟皇娥倚瑟而清歌云
云白帝子答歌云云及皇娥生少昊號曰窮
桑氏

少昊母

人部

卷九

三

贈答上

天清地曠浩茫茫萬象迴薄化無方冷天蕩蕩望滄
滄乘桴輕漾著日傍當期何所至窮桑心知和樂悅
未央

白帝子歌

四維八埏眇難極驅光逐影窮水域璇宮夜靜當軒
織桐峰文梓千尋直伐梓作器成琴瑟清歌流暢樂
難極滄湄海浦來棲息

白雲謠

二章○穆天子傳曰乙丑天子觴西王
母於瑤池之上西王母爲天子謠曰

西王母

白雲在天山陵自出叶尺道里悠遠山川間之將子

無死尚能復來叶陵之反將請也尚庶幾也

答歌

周穆王

予歸東土和洽諸夏叶後五反萬民平均吾顧見女比及三年將復而野叶上與反顧是也復反此野而見汝也

贈徐幹

魏劉楨

誰謂相去遠隔此西掖垣拘限清切禁中情無由宣思子沈心曲長歎不能言起坐失次第一日三四遷步出北寺門遙望西苑園細柳夾道生方塘含清源輕葉隨風轉飛鳥何翩翩垂人易感動涕下與袷連仰視白日光皦皦高且懸兼燭八紘內物類無頗偏

人部

卷九

四

贈答

我獨抱深感不得與比焉

答劉公幹詩

魏徐幹

與子別無幾所經未一旬我思一何篤其愁如三春雖路在咫尺難涉如九關陶陶諸夏別草木昌且繁

贈秀才入軍十九首

集云兄秀才公移入軍贈詩

魏嵇康

鴛鴦于飛肅肅其羽朝遊高原夕宿蘭渚邑邑和鳴顧盼儔侶俛仰慷慨優游容與鴛鴦于飛嘯侶命儔朝遊高原夕宿中洲交頸振翼容與清流咀嚙蕙蘭俛仰優游

泳彼長川言息其滸陟彼高岡言刈其楚嗟我征邁

獨行踽踽仰彼凱風涕泣如雨

泳彼長川言息其止陟彼高岡言刈其杞嗟我獨征靡瞻靡恃仰彼凱風載坐載起

穆穆惠風扇彼輕塵奕奕素波轉此游鱗伊我之勞有懷佳人寢言永思寔鍾所親

所親安在舍我遠邁棄此蓀芷襲彼蕭艾雖曰幽深豈無顛沛言念君子不遐有害

人生壽促天地長久百年之期孰云其壽思欲登仙

以濟不朽攬轡踟躕仰顧我友

人部

卷九

五

贈答

我友焉之隔茲山岡誰謂河廣一葦可航徒恨永離近彼路長瞻仰弗及徒倚彷徨

良馬既閑麗服有暉左攬繁弱右接忘歸風馳電逝躡景追飛交厲中原顧盼生姿

攜我好仇載我輕車南凌長阜北厲清渠仰落驚鴻俯引淵魚盤于游田其樂只且

凌高遠眇俯仰咨嗟怨彼幽縶邈爾路遐雖有好音誰與清歌雖有姝顏誰與發華仰託高雲俯託輕波

乘流遠遁抱恨山阿輕車迅邁息彼長林春木載榮布葉垂陰習習谷風

吹我素琴交交黃鳥顧儔弄音感悟集作馳情思我所欽心之憂矣永嘯長吟

浩浩洪流帶我邦畿萋萋綠林奮榮揚暉魚龍澆澦山鳥羣飛駕言出遊日夕忘歸思我良朋如渴如飢願言不獲愴矣其悲

息徒蘭圃秣馬華山流磻平臯垂綸長川目送歸鴻手揮五絃俯仰自得游心太玄嘉彼釣叟得魚忘筌野人逝矣誰與盡言

閑夜肅清朗月照軒微風動桂組帳高塞百酒盈樽莫與交歡鳴琴在御誰與鼓彈仰慕同趣其馨若蘭

人部

卷九

六

贈答

佳人不存能不永歎

乘風高遊遠登靈丘託好松喬攜手俱遊朝發太華夕宿神州彈琴詠詩聊以忘憂

琴詩自樂遠遊可珍含道獨往棄智遺身寂乎無累何求於人長寄靈岳怡志養神

流俗難悟逐物不還至人遠鑒歸之自然萬物爲一四海同宅與彼共之予何所惜生若浮寄暫見忽終世故紛紜棄之八成澤雉雖飢不願園林安能服御紛形苦心身貴名賤榮辱何在貴得肆志縱心無雙鸞陸景曜最翼大山崖抗首漱朝露晞陽振羽儀

長鳴戲雲中時下息蘭池自謂絕塵埃終始永不虧何意世多艱虞人來我疑雲網塞四區高羅正參差奮迅勢不便六翮無所施隱姿就長纓卒爲時所羈單雄翻孤逝哀吟傷生離徘徊戀儔侶慷慨高山陂鳥盡良弓藏謀極身心危吉凶雖在已世路多嶮巇安得返初服抱玉寶六奇逍遙遊太清攜手長相隨

荅嵇康四首一作答弟叔夜

魏嵇喜

飾車駐駟駕言出遊南厲仰渚北登印丘青林華茂青鳥羣嬉感悟長懷能不永思永思伊何思齊大儀凌雲輕邁託身靈螭遙集芝圃釋轡華池華木夜光

人部

卷九

七

贈答

沙棠離離俯漱神泉仰嘒璫枝結心皓素終始不華堂臨凌沼靈芝茂清泉仰瞻青禽翔俯察淥水濱逍遙步蘭渚感物懷古人李叟寄周朝莊生遊漆園時至忽蟬蛻變化無常端

君子體變通否泰非常理當流則義行時遊則鵲起達者鑒通塞盛衰爲表裏列仙徇生命松喬安足齒縱軀任世度至人不私已

達人與物化世俗安可論都邑可優游何必棲山原孔父策良駟不云世路難出處已時資潛躍無常端保心守道居視變安能遷

贈嵇康三首

魏郭遐周

吾無佐世才時俗不可量歸我北山阿逍遙以倡佯
同氣自相求虎嘯谷風涼惟予與嵇生末回分好章
古人美傾蓋方此何不臧援筆執鳴琴攜手遊空房
棲遲衡門下何願於姬姜予心好永年年永懷樂康
我友不期卒改計適他方巖東咸發日翻然將高翔
離別在旦夕惆悵以增傷

風人重離別行道猶遲遲宋玉哀登山臨水送將歸
伊此往昔事言之以增悲歎我與嵇生倏忽將永違
俯察淵魚游仰觀雙鳥飛厲翼太清中徘徊于丹池
人部 卷九 贈答

欽哉得其所令我心獨違言別在斯須愁焉如調飢
毛詩怒如調飢韓詩調作朝飢云朝飢難忍也

離別自古有人非比目魚君子不懷土豈更得安居
四海皆兄弟何患無彼姝巖穴隱傳說寒谷納白駒
方各以類聚物亦以羣殊所在有智賢何憂此不如
所貴身名存功烈在簡書歲時易過歷日月忽其除
最哉子嵇生敬德在慎軀

贈嵇康五首

魏郭遐叔

每念邁會惟日不足斯往宵歸常苦其速歡接無厭
如川赴谷如何忽爾將適他俗言駕有日巾車命僕

思念君子溫其如玉心之憂矣視丹如綠

如何忽爾超將遠遊情以休惕惟思惟憂展轉反側
寤寐追求馳情運想神往形留心之憂矣增其勞
不見可欲使心不亂譬彼造化抗無崖畔封疆畫界
事利任難唯予與子鮮一作籍不同貫交重情親欲面
無算如何忽爾時適他館明發不寐耿耿極旦心之
憂矣增其憤怨

天地悠長人生若忽苟非知命安保旦夕思與君子
窮年卒歲優哉逍遙幸無隕越叶俞切如何君子超將
遠邁叶力切我情願關我言願結心之憂矣良以怛
人部 卷九 贈答

君子交有義不必常相從天地有明理遠近無異同
三仁不齊迹貴在等賢蹤衆鳥羣相追鷺鳥獨無雙
何必相啗濡江海自可容願各保遐心有緣復來東
答二郭三首 魏嵇康

天下悠悠者下足趨上京二郭懷不羣超然來北征
樂道託萊廬雅志無所營良時邁其願遂結歡愛情
君子義是親恩好篤平生寡志自生災屢使衆譽成
豫子一作讓匿梁側聶政變其形顧此懷怛惕慮在苟
自寧今當寄他域嚴駕不能停本圖終宴婉今更
克并二子贈嘉詩馥如幽蘭馨戀土思所親不知氣

憤盈

昔蒙父兄祚少得離負荷因疏遂成懶寢跡北山阿
但願養性命終已靡有他良辰不我期當年值紛華
坎壈趣世務常恐嬰網羅義農邈已遠拊膺獨咨嗟
朔戒貴尚容漁父好揚波雖逸亦已難非余心所嘉
豈若翔區外餐瓊漱朝霞遺物棄鄙累逍遙遊太和
結友集靈岳彈琴奏清歌有能從此者古人豈足
詳觀凌世務屯險多憂虞施報更相市大道匿不舒
夷路值枳棘安步將焉如權智相傾奪名位不可居
鸞鳳避爵羅遠託崑崙墟莊周悼靈龜越穆一作嗟
人部 卷九十 十 贈答

與阮德如

魏嵇康

含哀還舊廬感切傷心肝良時遘數子談慰真如蘭
疇昔恨不早既回倅舊歡不悟卒永離念隔增憂歎
事故無不有別易會良難邇人忽已逝匠石寢不言
澤雉窮野草靈龜樂泥蟠榮名穢人身高位多災患
未若捐外累一作肆志養浩然顏氏希有虞隰子慕
黃軒消彭獨何人唯志在所安漸漬殉近欲一往不

可攀生生在豫積勿以怵自寬南土旱不涼衿計宜
早完君其愛德素行路慎風寒自力致所懷臨文情
辛酸

答嵇康二首

魏阮德如

早發溫泉廬夕宿宣陽城顧眄懷惆悵言思我友生
會過一何幸及子遘歡情交際雖未久思愛發中誠
良玉須切磋瓊瑤就其形隋珠豈不曜雕瑩啓光榮
與子猶蘭石堅芳互相成庶幾行古道伐檀俟河清
不謂中離別飄飄然遠征臨興執手訣良誨一何精
佳言盈我耳援帶以自銘唐虞曠千載三代不可并
人部 卷九十 十 贈答

幸子無損思逍遙以自寧

雙美不易居嘉會故難常爰處憇斯土與子遘蘭芳
常願永遊集拊翼同迴翔不悟卒永離一別為異鄉
四牡一何速征人告路長顧步懷想像遊目屢太行
撫軫增歎息念子安能忘恬和為道基老氏惡強梁
患至有身災榮子知所康神龜實可樂明戒在剗腸
新詩何篤穆申詠增慨恍舒檢話良訊終然永厭藏

還誓必不食復與同故房願子盍憂慮無以情自傷
俟路忘所以聊以酬來章

贈毋丘儉

文章敘錄曰華與毋丘儉鄉里相親故為詩與儉求仙藥一丸欲以濟然聲竟不得遂卒于祕書

魏杜摯

騏驎馬不試婆娑槽檻間壯士志未伸坎軻多辛酸
伊摯為勝臣呂望身操竿夷吾困商販寔戚對牛歎
食其處監門准陰飢不餐買臣老負薪妻叛呼不還
釋之官十年位不增故官才非八子倫而與齊其患
無知不在此表盍未有言被此萬病久榮衛動不安
聞有韓眾藥信來給一丸

初學記載摯贈毋丘儉詩云鶴飛舉萬里一蜚翮

人部

卷九

十一

贈客

吳蒼翔高志難得離鴻失所望

荅杜摯

魏毋丘儉

鳳鳥翔京邑哀鳴有所思才為聖世出德音何不怡
八子未際遇今者遭明時胡康出壠畝楊偉無根基
飛騰冲雲天奮迅協光熙駿驥骨法異伯樂觀知之
但當養羽翮鴻舉必有期體無纖微疾安用問良醫
聯翩輕栖集還為燕雀嗤

不在辭

此四句韓眾藥雖良恐便不能治悠悠千里情薄言荅嘉詩信心感諸中中賞

贈傅休奕詩

晉程曉

咎咎獨夫寂寂靜處酒不盈觴有不掩俎厥客伊何
許由巢父厥醴伊何玄酒瓠脯

荅程曉詩

晉傅玄

奕奕兩儀昭昭太陽四氣代升三朝受祥濟濟羣后
戡我聖皇元服肇御配天垂光伊州作弼王室惟康
顒顒兆民蠢蠢戎羶率土充庭萬國奉蕃皇澤雲行
神化風宣六合咸熙遐邇同歡赫赫明明天人合和
下罔遺滯焦朽斯華矧我良朋如玉之嘉穆穆離離
興頌作歌

又贈傅休奕

晉程曉

人部

卷九

十三

贈客

三光飛景玉衡代邁龍集甲子四時成歲權輿授代
徐陳蕩穢元服初嘉萬福咸會赫赫應門嚴嚴朱闕
羣后揚揚庭燎哲哲

又荅程曉

晉傅玄

羲和運玉衡招搖賦朔旬嘉慶彤三朝美德揚初春
聖主加元服萬國望威神伊周敷玄化並世霑天人
洪崖歌山岫許由嗟水濱

贈張華

晉何劭

四時更代謝懸象迭卷舒暮春忽復來和風與節俱
俯臨清泉涌仰觀嘉木敷周旋我陋圃西瞻廣武廬

既貴不忘儉處有能存無鎮俗在簡約樹寒焉足慕
在昔同班司今者並園墟私願偕黃髮逍遙絲琴書
舉爵茂陰下攜手共躊躇奚用遺形骸忘筌在得魚

答何劭三首

晉張華

吏道何其迫窘然坐自拘纓綬爲微纆文憲焉可踰
恬曠苦不足煩促每有餘良朋貽新詩示我以游娛
移如灑清風煥若春華敷自昔同寮案於今比園廬
衰疾近辱始庶幾並懸輿散髮重陰下抱杖臨清渠
屬耳聽鸞鳴流目翫儵魚從容養餘日取樂於桑榆

二

人部

卷九

十四

贈答

洪鈞陶萬類大塊稟羣生明闇信異姿靜躁亦殊形
自予及有識志不在功名虛恬竊所好文學少所經
忝荷既過任白日已西傾道長苦智短責重困才輕
周任有遺規其言明且清負乘爲我戒夕惕坐自驚
是用感嘉貺寫心出中誠發篇雖溫麗無乃違其情

三

駕言歸外庭放志永棲遲相伴步園囿春草鬱鬱滋
榮觀雖盈目親友莫與偕悟物增隆思結戀慕同儕
援翰屬新詩永歎有餘懷

贈華仲治詩

晉杜育

之子于歸言秣其駒矧乃斯人乃邁乃徂雖非顯甫
餞彼百壺雖非張仲將贈河魚人亦有言貴在同音
雖曰翻飛曾未異林顧戀同枝增其慨心望爾不遐
無金玉音

答杜方叔詩

晉摯虞

越有杜生旣文且哲龍躍潁潁有聲彰澈潁茲三益
如琢如切好以義結友以文會豈伊在高分定傾蓋
其人如玉美彼生芻鐘鼓匪樂安用百壺老夫濯濯
離羣索居懷戀結好心焉悵如

贈傅咸詩

并序

晉潘尼

人部

卷九

十五

贈答

司徒左長史傅長虞會定九品左長史宜得其才
屈爲此職執天下清議宰割百國長虞性直而行
或有不逮余與之親作詩以規焉
悠悠羣吏非子不整嗷嗷衆議非子不靖忽荷略組
握綱提領矯矯貞臣惟國之屏

答潘尼詩

并序

晉傅咸

司州秀才潘正叔識通才高以文學溫雅爲博士
余性直而處清論褒貶之任作詩以見規雖褒飾
之舉非所敢聞而斐然之辭良可樂也答之雖不
足以相酬報所謂蓋各言志也

貽我妙文繁春之榮匪榮斯尚乃新其聲吉甫作頌
有馥其馨寔由樊仲其德克明授此瓦礫厠彼瑤瓊
貺非其喻聞寵若驚

贈陸機出爲吳王郎中令章六 晉潘尼

東南之美曩惟延州顯允陸生於今抄一作儔儔一作儔振鱗
南海濯翼清流婆娑翰林容與墳丘

玉以瑜潤隨以光融乃漸上京羽一作儀儀儲宮玩爾
清藻味爾芳風泳之彌廣挹之彌冲

崑山何有有瑤有珉及爾同僚具惟近臣予涉素秋
子登青春愧無老成厠彼日新

人部 卷九 十六 贈答

祁祁大邦惟桑惟梓穆穆伊人南國之紀帝曰爾諧
惟王卿士俯僕從命奚恤奚喜

我車旣中我馬旣秣星陳夙駕載脂載轄婉孌二宮
徘徊殷闕醪澄莫饗執慰飢渴

昔子忝私貽我惠蘭今子徂東何以贈旃寸晷惟寶
豈無與璠彼美陸生可與晤言

答潘尼 晉陸機

於穆同心如瓊如林我東日徂來餞其琛彼美潘生
實綜我心探我玉懷酬爾惠音

爲賈謐作贈陸機十一章 晉潘岳

肇自初創二儀網緼與有生民伏羲始君結繩闡化
八象成文芒芒九有區域以分

神農更王軒轅承紀畫野離疆爰封畋子夏殷既襲
宗周繼祀綿綿瓜瓞六國互峙

疆秦兼并吞滅四隅子嬰面櫬漢祖膺圖一作靈獻
微弱在湮則渝三雄鼎足孫啓南吳

南吳伊何僭號稱王大晉統天仁風遐揚僞孫銜璧
奉土歸疆婉婉長離凌江而翔

長離云誰咨爾陸生鶴鳴九臯猶載厥聲况乃海隅
播名上京爰應旌招撫翼宰庭

人部 卷九 十三 贈答

儲皇之選實簡惟良英英朱鸞來自南岡曜藻崇正
玄冕丹裳如彼蘭蕙載採其芳

藩岳作鎮輔我京室旋反桑梓帝弟作弼或云國宦
一作清塗攸失吾子洗然恬淡自逸

廊廟惟清俊父是延擢應嘉舉自國而遷齊轡羣龍
光讚納言優游省闈珥筆華軒

昔余與子縉縉東朝雖禮以賓情通友僚嬉娛絲竹
撫鞞舞韶脩日朗月攜手逍遙

自我一作離羣離羣二周于今雖簡其面分著情深子其
超矣實慰我心發言爲詩俟望好音

欲崇其高必重其層立德之柄莫匪安一作恒在南
稱甘度北則登崇子鋒穎不頽不崩

荅賈謐十一章

并序

晉陸機

余昔爲太子洗馬魯公賈長淵以散騎常侍侍東
宮積年余出補吳王郎中令元康六年入爲尚書
郎魯公贈詩一篇作此詩荅之云爾

伊昔有皇肇濟黎蒸先天創物景命是膺降及羣后
迭毀迭興邈矣終古崇替有徵

在漢之季皇綱幅裂大辰匿暉金虎曜質雄臣馳騫
義夫赴節釋位揮戈言謀王室

人部

卷九

十九

贈答

王室之亂靡邦不泯如彼陸景曾不可振乃卷三哲
俾又斯民啓土雖一作發難改物承天

爰茲有魏卽宮天邑吳實龍飛劉亦岳立干戈載揚
俎豆載戢民勞師興國玩凱入

天厭霸德黃祚告豐欲訟違魏謳歌適晉陳留歸蕃
我皇登禪庸岷嵇穎三江改獻

赫矣隆晉奄宅率土對揚天人有秩斯祐惟公太宰
光翼二祖誕育洪胄纂戎干魯

東朝旣建淑問義我我求明德濟同以和魯公戾止
袞服委蛇思媚皇儲高步承華

昔我逮茲時惟下寮及子棲遲同林異條年殊志比
服奸義稠游跨三春情固二秋

祗承皇命出納無違往踐蕃朝來步紫微升降秘閣
我服載暉孰云匪懼仰肅明威

分索則易攜手實難念昔良游茲焉永歎公之云感
貽此音翰蔚彼高藻如玉如蘭

惟漢有木曾不踰境惟南有金萬邦作詠民之胥好
徇狂厲聖儀刑在昔予聞子命

贈潘尼正叔

廣文選作

晉陸機

水會千海雲翔干天道之所混孰後孰先及子雖殊
人部

卷九

十九

贈答

同升太玄舍彼玄冕襲此雲冠遺情市朝永志丘園
靜猶幽谷動若揮蘭

荅陸士衡

晉潘尼

顧茲蓬蔚厠根蘭陵膏澤雖均華不足披逮春不茂
未秋先委子濯鱗翼我挫羽儀願言難常載合載離

昔遊禁闥祗畏夕惕今放丘園縱心夷易口詠新詩
目玩文跡予志耕圃爾勤王役慙無琬琰以訓尺璧

贈鄭曼季谷風五章

并序

晉陸雲

谷風懷思也君子在野愛而不見故作是詩言其
懷思之也

習習谷風扇此暮春玄澤墜潤靈爽烟煴高山熾景
喬木興繁蘭波清躍芳猗增涼感物興想念我懷人

二

習習谷風載穆其音流瑩鼓物清塵拂林霖雨嘉播
有弁淒陰歸鴻逝矣玄鳥來吟嗟我懷人其居樂潛
明發有想如結予心

三

習習谷風以溫以涼玄黃交泰品物含章潛介淵躍
候鳥雲翔嗟我懷人在津之梁明發有思凌波襲裳

四

人部

卷九十

二十

贈答

習習谷風其集惟高嗟我懷人於焉逍遙鸞栖高岡
耳想雲韶拊翼墜夕和鳴興朝我之思之言懷其休

五

習習谷風其音孔嘉所謂伊人在谷之阿虎質山嘯
龍輝淵蟠維南有箕匪休其和有林斯畢俾爾滂沱
懿厥河漢惟彼太華明發有懷我勞如何

贈陸士龍鴛鴦六章

并序

晉鄭曼季

鴛鴦美賢也有賢者二人雙飛東岳揚輝上京其
兄已顯登得朝而弟中漸婆娑衡門然其勞謙接
士吐握待賢雖姬公之下白屋洙泗之養三千無

以過也乃肯垂顧惠我好音思樂結永好之懽云
爾

鴛鴦于飛在江之涘和音反暢拊翼雙起朝遊蘭池
夕宿蘭芷清風翕習扇彼蘭茝凌雲高厲載翔載止

二

鴛鴦于飛載飛載吟有鬱浚敷實惟桂林芳條高茂
華繁垂陰爰翔爰翔爰憩其南有馥清芬協我好音

三

鴛鴦于飛乘雲高翔有嬰其友戢翼未翔澹澹素波
容與趨唱雖曰戢止和音遠揚我有好爵與子偕嘗

人部

卷九十

二十一

贈答

四

鴛鴦于飛徘徊翩翩載頡載頽命侶鳴羣有鬱蘭皋
冽彼清源駕言遊之聊樂我云思與佳人齊懽順川

五

鴛鴦于飛或飛或遊習習谷風扇彼清流春草揚翹
醴醴沈浮感物興想我心長憂誰謂河廣曾不容舟
企予望之搔首踟躕

六

鴛鴦于飛載和其鳴懷爾好音寡我中情人亦有言
心得遺形授我木瓜報爾瑤瓊匪繁曰報永好千齡

贈鄭曼季鳴鶴四章 并序

晉陸雲

鳴鶴美君子也太平之世君子猶有退而窮居者
樂天知命無憂無欲碩人之考槃傷有德之遺世
故作是詩也

鳴鶴在陰戢其左翼肅雍和鳴在川之側假樂君子
祚爾明德思樂重虛歸于其極嗟我懷人惟馨黍稷
鳴鶴在陰其鳴喈喈垂翼蘭沼濯清芳池假樂君子
其茂猗猗底之瑰寶有餐瓊瓊乃振繁裳襲爾好衣
嗟我懷人啓襟以唏

鳴鶴在陰其儀藹藹謂天蓋高和音于適假樂君子
人部 卷九 二十三 贈答

篤膺俊乂穆風潛烈興雲戢蒼德茂當年時衍嘉會
安得擊藻改爾編帶嗟我懷人心焉忼愴

鳴鶴在陰戢其左翼漸陸儀羽遵渚回涇假樂君子
祚之篤生德耀有穆如瑤如瓊安得風帆深濯髣滅
景移雲雨爾在北冥嗟我懷人惟用傷情

答陸士龍蘭林五章 并序

晉鄭曼季

蘭林歡至好也有君子世濟其美英名光茂遭時
暫否福德衡門顧我慙慙屢辱德音思與結好以
永不刊

瞻彼蘭林有翹有秀有斐君子邦之碩茂厥德伊何

固天攸授如川之源如山之富回流清淵啓襟開裕
縉紳晞風民用胥附

倚倚碩人如玉如金凌其明哲克廣德心習習凱風
吹我棘林飛鴉萃至允懷好音悠悠征徒輶德鮮任
嗟我倚人和樂實忱

在昔延州鵠鳴江涯今我陸子曠世繼奇身垂千載
德音並馳漸鴻遵渚宛其羽儀安得高風騰翮天
飛龍蜿蜒山谷升氣猛虎嘯吟清風高厲情同來感
數垂身逝夷鮑齊權專名故世愷悌君子民之攸暨
咨予違時千載同愛

人部 卷九 二十三 贈答

垂龔之會匪詩不宣嗟我懷人斯恩斯勤德音來訊
有蔚其文救菽甕免匪迹不存誠在心德愛結忘言

贈鄭曼季南衡五章 并序

晉陸雲

南衡美君子也言君子遐世不悶以德存身作者
思其以德來仕又願言就之宿感白駒之義而作
是詩焉

南衡惟嶽峻極昊蒼瞻彼江湘惟水泱泱清和有合
俊人以藏天保定爾茂以瓊光景秀蒙汜賴逸扶桑
我之懷矣休音峻揚

穆穆休音有來爾雍沈波涌奧淵芳馥風儀虛養恬

照日遺蹤考樂遵渚思樂潛龍我之懷矣冥爾華

和壁在山荆林玉潤之子于潛清輝遠振克稱輜德

作實有晉和聲在林羽儀未變我之懷矣有客來

風雲有作應通山淵清琴啓彈宮商乘絃類族知感

有命自天夷叔希世猶謂比肩矧我與子姤會斯

我之懷矣在彼北林北林何有於煥斯文瓊瑰非寶

尺牘成珍豐華非妙得意惟神河魴登俎遺芳清川

荅陸士龍南山五章 并序 晉鄭曼季

南山酬至德也有退仕衡門修道以養和棄物以

存神民思其治士懷其德或思置之列位或思從

人部

卷九

二十四

贈答

之信宿詩人嘉與此賢當年相遇又屢獲德音情

歡心至故作是詩焉

陟彼南山言采其蕭樂只君子邦家之勳克茂厥猶

輜德是收聊道以儉廣愛以周嗟我懷人永好秋

瞻彼江潭言釣其鱖有美碩人自公退處羔裘逍遙

輜德是舉白駒遯時世事孰與思我倚人寘之晉序

有客信信獨寐寤語

天高地卑玄黃烟煴人道交泰自昔先民耽文合好

輔總與仁管叔罕僑曠世難鄰脩組施結玄升生塵

咨我與子違會當身琴瑟在御永愛纏綿

瞻彼江澳言詠其潭所謂伊人在水之陰養和以泰
樂道之潛錦衣尚絅至樂是耽興言永思繫懷所欽
愛而不見獨寐寤吟

詩以言志先民是經乃惠嘉訊德音惟馨欽詠繁藻
永結中情華文傷實世士所營達人神化反之混冥
交棄其數言取其誠思與哲人獨寶其貞

贈鄭曼季高岡四章

晉陸雲

瞻彼高岡有猗其桐允也君子實寶南江員規啟俗

沈矩履方泳此清流清瀾川通陟彼衡林味其芳

馥馥回芳綢繆中原祁祁庶類薄采其芬栖遲泌丘

人部

卷九

二十五

贈答

容與衡門聲播東汜響溢南雲

穆穆閭闔南端啓籥燕明以庸帝聽式闕有鳳千潛

在林栖翮非予之祚孰與好爵

幽居玩物顧景自頤發憤潛惟仰佛有思予美忘此

終然胥來企予與言惟用作詩

荅陸士龍中陵四章

晉鄭曼季

瞻彼中陵蘭英猗猗允矣君子樂且有儀沈仁育物

玄聰鏡機德充闔庭名逸南畿祁祁俊友言酌言

鼓鐘于宮百里震聲疊疊令問歸我偉貞厥震伊何

駿奔以驚厥問伊何民胥以寧有鶴在陰非子誰鳴

我有好爵非子孰盈

潛龍遜初有鳳戢羣王猷未泰彝倫錯違皇門重關
資爾啟扉庶績適敷非爾焉綬翼翼京宇俟爾攸晞
民之胥望如渴如飢

德音來惠覆玩三周沈潤淵洞逸藻雲浮結心所親
曷變曷渝路隔津梁一葦限殊終朝之思三秋是踰
愛而不見興言踟躕

贈陸士龍十章

孫拯字顯世吳郡富春人能屬文吳黃門郎入晉爲承令陸機被誣收極考掠遂死獄中

五龍戢號雲鳥纂紀淳化既離義風肅始軒冕垂容

入部

卷九

三

贈答

文教乃理奕奕英族盛德豐祀

於赫皇吳應天統元蒸文烈公光讚懿勲九命重輝

恭德彌勤華黻襲藻金石載振

淵哉陸生本顯洪貴亦崇懿風邈比弘裕無兢惟德

豐光伊茂文以義好施以仁富

山積惟峻道隆名遐潛景在淵龍躍承華既升爾儀

誰不允嘉有淮重淵載清其波

濟濟皇朝我髦士序爵以賢惟俊萃止翩翩二官

令問不已乃遷華閣皇典斯紀

思文大謨恢我王猷清風肆穆雅憲允休邁彼江川

邈此北流微言蘭馥玉藻雲浮

遭時之險虎宰滔天憑德美重繫此俊賢休否既亨
名以德淵清微伊鑠鑠之彌堅

明明大象玄鑒照微顯允君子求福不回善挹引慶
險以德祈澄濁以靜罔久不暉

釋彼遊寄樂此窈貞形以神和思以道新青雲方乘
芳餌可捐達觀在一萬物自賓

寂寂重門誰和子音瞻彼晨風思託茂林

荅孫顯世十章

晉陸雲

邈矣上祖垂休萬葉廣問弘被崇軌峻躡高山克荒

入部

卷九

三

贈答

大川利涉繁謁惟枯風連雲接

大人有作二后利見九功敷奏七德殷薦鼎寶重芳

勞烈再扇奕世弘道天祿來宴

道弘振古祚未替今如彼在川亦有浮沈大韶既素

響非我音豈曰荒止塗弗克尋

昌風改物豐水易瀾百川總紀四海合源在彼焉取

聿來莫觀曾是福心敢忘丘園

員暉偏照玄澤謬盈發彼承華頓此嶒城紀景靈雲

倦遊紫庭匪曰能知寔忝長纓

煥矣金虎襲我皇猷孰云匪忝仰媿蒼流往寒來反

弭迹一丘變彼東朝言即爾謀
振振孫子洪族之紀志擬龍潛德配麟趾引服朗節
克明峻軌遵彼中臯於穆不已
於穆不已大都是階之子于命民膺如賁厚德時邁
協風允諧惠此海湄俾也可懷
乃眷丘林樂哉河曲解紱披褐投印懷玉遺情春臺
托蔭寒木言念伊人溫其在公
道侯人行辭以義輯和容過表余未云執惠音弘播
清風駿集懷德形無臨篇景立

詩雋類函卷九十一

東吳俞安期彙纂 新都汪道會增定

新都吳養春訂校

人部三十三

贈答下

○贈答下

贈東臚

晉石崇

久官無成績棲遲於徐方寂寂守空城悠悠思故鄉
怊怊二三賢身遠屈龍光攜手沂泗間遂登舞雩堂
文藻警春華談話猶蘭芳消憂以觴醴娛耳以名娼
博奕逞妙思弓矢威邊疆

人部

卷九十一

贈答下

答石季倫

晉東臚

昔我不造備嘗顛沛后土傾基皇天隕蓋少懷蒙昧
長無耿介遺訓莫聞出入靡賴我舅敷命于彼徐方
載詠陟岡言念渭陽乃沂洪流汎身餘腥宵寢晨逝
曷路之長亦既至止願言以寫爰有石侯作鎮東夏
寬以撫戎從容柔雅我聞有言居安思危位極則遷
勢至必移上德無欲貴道不為妙識先覺通夢皇義
竊觀堂奧欽蹈明規藝文類聚石崇答東臚詩曰言
念將別觀物傷情贈爾詩言要
在遺名惟此遺
名可以長生

贈石季倫

曹嘉元康中與石崇俱為國子博士
後嘉為東莞太守崇為征虜將軍監

所餘軍車屯於下
外嘉以詩遺崇

晉曹嘉

文武應時用兼才在明哲嗟嗟我石生爲國之俊傑
入侍於皇闈一作出則登九列威檢肅青徐風發
吳裔顧子鑒斯誠寒暑不踰契

答曹嘉詩

晉石崇

昔常接羽儀俱游青雲中敦道訓胃子儒化渙以融
同聲無異響故使恩愛隆豈惟敦初好欸分在今終
孔不陋九夷老氏適西戎道遙滄海隅可以保玉躬
世事非所務周公不足夢玄寂令神王是以守至冲

贈劉琨二十章并書

晉盧諶

人部

卷九上

贈下

故吏從事中郎盧諶死罪死罪諶稟性短弱當世
罕任因其自然用安靜退在木闕不材之資處鴈
乏善鳴之分卷異遽子愚殊窳生匠者時時不免
饌質嘗自思惟因緣運會得蒙接事自奉清塵于
今五稔謨明之效不著候人之譏已彰大雅含弘
量包山數加以待接彌優欸眷逾昵與運籌之謀
厠謙私之歡綢繆之旨有同骨肉其爲知已古人
固喻昔聶政殉嚴遂之顧荆軻慕燕丹之義意氣
之間糜軀不悔雖微達節謂之可庶然苟曰有情
孰能不懷故委身之日夷險已之事與願違當忝

外役遂去左右收迹府朝蓋本同末異楊朱與哀

始素終玄墨翟垂涕分年之際咸可歎慨致感之
途或迫于茲亦奚必臨路而後長號觀絲而後歔
歔哉是以仰惟先情俯覽今遇感存念亡觸物增
眷易曰書不盡言言不盡意然則書非盡言之器
言非盡意之具矣况言有不得至於盡意書有不
得至於盡言邪不勝猥懣謹貢詩一篇抑不足以
揄揚弘美亦以攄其所抱而已若公肆大惠遂其
厚恩錫以咳唾之音慰其違離之意則所謂咸池
酬於北里夜光報於魚目諶之願也非所敢望也

人部

卷九上

三

諶死罪死罪

濟哲維皇紹熙有晉振厥弛維光闡遠韻有來斯雍
至止伊順三台摘朗四嶽增峻
伊陟佐商山甫翼周弘濟艱難對揚王休苟非異德
曠世同流加其忠貞宣其徽猷
伊諶嘔宗昔蓮嘉惠申以婚姻者以累世義等休戚
好同興廢孰云匪諧如樂之契
王室喪師私門播遷望公歸之視險忽艱茲願不遂
中路阻顛仰悲先意俯思身愆
大鈞載運良辰遂往瞻彼日月迅過俯仰感今惟昔

口存心想借曰如昨忽為疇曩

疇曩伊何逝者彌踈溫溫恭人慎終如初覽彼遺音
恤此窮孤譬彼樛木蔓葛以敷

妙哉蔓葛得託樛木葉不雲布華不星燭永倅下和

質非荆璞眷同尤良同尤用之驥駉

承亦既篤眷亦既親飾獎鵞鵠方駕駿珍祈諸靡成

良謨具陳無覬狐趙有與五臣

五臣奚與契闊自罹一作羅身經險阻足蹈幽遐義由

恩深分隨昵加綢繆委心自同匪他

昔在暇日妙尋通理尤彼意氣狹是節士情以體生

人部

卷九十一

四

贈答

感以情起趣舍同一一作要窮達斯已

由余片言秦人是憚日磻效忠飛聲有漢桓桓撫軍

古賢作冠來牧幽都濟厥塗炭

塗炭既濟冠拯民阜謬其疲隸授之朝右上懼任大

下欣施厚實祗高明敢忘所守

相彼及哺尚在翔禽孰是人斯而忍斯心每憑山海

庶覲高深遐眺存亡緬成飛沈

長徽已纓近將徙舉收跡西踐銜哀東顧曷云塗遼

曾不咫步豈不夙夜謂行多露

綿綿女蘿施于松標黑澤洪幹踰陽豐條根淺難固

華弱易彫操彼纖質承此衝蹙

纖質寔微衝蹙斯值誰謂言精致在賞意不見得魚

亦忘厥餌遺其形骸寄之深識

先民願意潛山隱几仰熙丹崖俯淥綠水無求於和

自附眾美慷慨遐蹤有愧高旨

爰造異論肝膽楚越惟同大觀萬塗一轍死生既齊

榮辱奚別處其玄根廓焉靡結

福為禍始禍作福階天地盈虛寒暑周迴夫差不祀

繫在勝齊句踐作伯祚自會稽

邈矣達度唯道是杖形有未泰神無不暢如川之流

人部

卷九十一

五

贈答

如淵之量上弘棟隆下塞民望

荅盧諶八章并書

晉劉琨

琨頓首損書及詩備辛酸之苦言暢經通之達旨

執玩反覆不能釋手慨然以悲歡然以喜昔在少

壯未嘗檢括逮慕老莊之齊物近嘉阮生之放曠

怪厚薄何從而生哀樂何由而至自頃輒張困於

逆亂國破家亡親友彫殘塊然獨坐則哀憤兩集

負杖行吟則百憂俱至時復相與舉觴對膝破涕

為笑排終身之積慘求數刻之暫歡譬由疾疢彌

年而欲一丸銷之其可得乎夫才生於世世實須

才和氏之璧焉能獨曜於郢握夜光之珠何得專
玩於隋掌天下之寶固當與天下共之但分析之
日不能不悵恨爾然後知聃周之爲虛誕嗣宗之
爲妄作也昔騷騷倚輶於吳阪鳴於良樂知與不
知也百里奚愚於虞而智於秦遇與不遇也今君
遇之矣最之而已不復屬意於文二十餘年矣久
廢則無次想必欲其一反故稱指送一篇適足以
彰來詩之益美耳現頓首頓首

厄運初遭陽爻在六乾象棟傾坤儀丹覆橫厲糾紛
羣妖競逐火燎神州洪流華域彼黍離離彼稷育育
人部 卷九十一

哀我皇音痛心在目

天地無心萬物同塗禍淫莫驗福善則虛逆有全昌
義無完都英榮夏落毒卉冬敷如彼龜玉韞積毀諸
芻狗之談其最得乎

咨余軟弱弗克負荷愆戾仍彰榮寵屢加威之不建
禍延凶播忠隕千國孝愆于家斯罪之積如彼山河
斯孽之深終莫能磨

郁穆舊姻嫵婉新婚不慮其敗唯義是敦畏懼猶弱
匍匐星奔未輟爾駕已隳一作我門一族借覆三孽
並根長慙舊孤永有冤冤

亭亭孤幹獨生無伴綠葉繁縟柔條脩罕朝採爾實
夕捋爾竿竿翠豐華逸珠盈碗實消我憂憂急用緩
逝將去矣庭虛情滿

虛滿伊何蘭桂移植茂彼春林瘁此秋棘有鳥翻飛
不遑休息匪桐不棲匪竹不食永戢東羽翰撫西翼
我之敬之廢歡輟職

音以賞奏味以殊珍文以明言言以暢神之子之往
四美不臻澄醪覆觴絲竹生塵素卷莫啓幄無談賓
既孤我德又闕我鄰

光光段生出幽遷喬資忠履信武烈文昭旌弓辟辟
人部 卷九十一

興馬翹翹乃奮長縻是轡是鑣何以贈子竭心公朝
何以叙懷引領長謠

重贈盧諶

晉劉琨

握中有玄璧本自荆山璆惟彼太公望昔在渭濱叟
鄧生何感激千里來相求白登幸曲逆音句鴻門賴
留侯重耳任五賢小白相射鉤苟能隆二伯安問黨
與讎中夜撫枕歎相與數子游吾衰久矣夫何其不
夢周誰云聖達節知命故不憂宣尼悲獲麟西狩涕
孔丘功業未及見夕陽忽西流時哉不我與去乎若
雲浮朱實隕勁風繁英落素秋袂路傾華一作蓋駭

駟摧雙軸何意百鍊剛化為繞指柔晉書曰班固意非常慷慨幽憤遠想張陳感臨門白登之事用以激

重贈劉琨

晉盧湛

璧由識者顯龍因慶雲翔茨棘非所憇翰飛遊高岡余音非九韶何以儀鳳凰新城非芝圃曷由殖蘭芳

重答盧湛

晉劉琨

隋寶產漢濱摘此夜光直不待卞和顯自爲命世珍

贈王太常

宋顏延之

玉水記方流璇源載圓折蓄寶每希聲雖秘猶彰徹聆龍際音九淵聞鳳窺丹穴歷聽豈多士歸然觀時

人部

卷九十一

八

贈答

哲舒文廣國華敷言達朝列一作烈德輝灼邦懋芳風被鄉臺側同幽人居郊扉常晝閉林間時晏開亟迴長者轍庭昏見野陰山明望松雪靜惟浹羣化徂生入窮節豫往誠歡耿悲來非樂闕屬美謝繁翰遙懷具短札

答顏延之

宋王僧達

長卿冠華陽仲連擅海陰珪璋既文府精理亦道心君子聳高駕塵軌實爲林崇情符達迹清氣溢素襟結遊略年義篤顧棄浮沈寒榮共偃曝春醞時獻斟聿來歲序暄輕雲出東岑麥蘗多秀色楊園流好音

歡此乘日暇忽忘近景侵幽裏何用慰翰墨久謠吟棲鳳難爲條淑貺非所臨誦以永一作周旋匪以代

兼金

寄到建安

南史曰到溉爲建安太守助寄詩求二彩段

梁任昉

鐵錢兩當一百易代名實爲惠當及時無待涼秋日

答任新安

梁到溉

予衣本百結閩中徒八蠶假令金如粟詎使廉夫食

與柳惲相贈答六首

梁吳均

黃鸝飛上苑綠芷出汀洲日映昆明水春生鵲鵲樓

人部

卷九十一

九

贈答

飄颻白花舞瀾漫紫萍流書織迴文錦無因寄龍頭思君甚瓊樹不見方離憂

鳴鞭適大阿聯翩渡漳河燕姬及趙女挾瑟夜經過

纖腰曳廣袖半額畫長蛾客本倦遊者箕箒在江沱

故人不可棄新知空復何

離居苦無樂回慕心悽悽要途訪趙使聞君仕執珪

杜蘅色已發菖蒲葉未齊暮蟬飢餌鹽差池燕吐泥

願逐東風去飄蕩至遼西

白日隱城樓勁風掃寒木離枿隔東西執手異涼燠

相思咽不言洞房清且肅歲去甚流煙年來如轉軸

別鶴千里飛孤雌夜未宿

閒房蕭已靜落月有餘輝寒蟲隱壁思秋蛾繞燭飛
絕雲斷更合離禽去復歸佳人今何在迢遞江之沂
一爲別鶴弄千里淚沾衣

秋雲靜晚天寒夜方綿綿聞君吹急管相思維採蓮
別離未幾日高月三成弦蹀躞黃河浪嘶唱隴頭絃
寄君靡無葉插著蓬臺邊

贈吳均二首

梁柳惲

山桃落晚紅野蕨開初紫雲日自清明蘋芷齊羈靡
離念已鬱陶物華復如此

人部

卷九十一

十

贈客

秋風度關隴楚客秦歸音颯颯避霜葉離離出塞禽

答柳惲

梁吳均

清晨發隴西日暮飛狐谷秋月照層嶺寒風掃高木
露露夜侵衣關山曉催軸君去欲何之參差聞原陸
一見終無緣懷悲空滿目

贈周興嗣四首

梁吳均

孺子賤而貧且非席上珍唯安萊蕪醜兼慕林宗巾
百年逢繾綣千里遇殷勤願持江南蕙以贈生芻人

二

思君欲何言中心亂如霧淚下非一端愁來誰有數

子爲馮敬通不減汲長孺千里無關梁安得王喬履

三

與君初相知不言異一宿意欲寒衣裳陰雲亂人目
之子伏高卧伊予空杼柚無因渡淇水見此荷荷竹

四

可憐吳越公子終自不敢言青松蔽南隴白雲生
北園沈憂無人語默念空憑軒安得湛盧劍以報相

知恩

答吳均三首

周興嗣字思纂頭都人世俗始號選員外散騎侍郎給事中直西省

左衛

梁周興嗣

人部

卷九十一

十一

贈客

明燈照暗室邊韶對趙壹但酌中山酒唯甘江浦橘
風動雲入箕雨至月離畢王丹贈不拜是我相知日

後漢王丹贈陳遵以不拜

二

驚鳥起北海儀鳳飛上林霧低不同翼歡楚亦殊音
燈燈夕雲起落落曉星沈李陵報蘇武但令知我心

三

昔別襄城村同會長安市誰學萊蕪醜本得王喬履
皆前養素鶴池中飴赤鯉一往玉臺上兼復見蕭史

古意贈王中書

梁范雲

攝官青鎖闥遙望鳳凰池誰云相去遠脉脉阻光儀
岱山饒靈異沂水富英奇逸韻凌北海搏飛出南皮
遭逢聖明後來栖桐樹枝竹花何莫食桐葉何離離
可栖復可食此外亦何爲豈知鷦鷯者一粒有餘貲
雜體報范通直 齊王融

和璧荆山下隋珠漢水濱無雙自昔代有美今爲鄰
三楚多秀士江上復才人綵綃非善寶聖德可名臣
追飛且學步共子奉清塵紫庭風日好青槐枝葉新
徘徊吹樓側欲見心所親樹君蘭蕙草何用以書紳
莊子河上有家食特緯蕭而食者註蕭蕭也纖蕭
爲薄綃疑蕭字之誤也樹未詳音義融集作微
人部 卷九十一

南還道中送贈劉諮議別 梁何遜
一官從府役五稔去京華遽逐春流返歸帆得望家
天末靜波浪日際歛煙霞乍齊生寒葉村梅落早花
遊魚上急水獨鳥赴行楂目想平陵相心憶青門瓜
曲陌背通垣長墟抵狹斜善鄰談穀稼故老述桑麻
寢興從閒逸視聽絕喧譁夫君日高興爲樂坐驕奢
室隨傾城佩門交接憶車入塞長雲雨出國暫泥沙
握手分岐路臨川何怨嗟

答何記室 梁劉孝綽
遊子倦飄蓬瞻途杳未窮晨征凌迸水暮宿犯頽風

出洲分去燕向浦逐歸鴻蘭芽隱陳葉秋苗抽故叢
忽憶園間柳猶傷江際楓吾生棄武騎高視獨辭作
餘雄旣輝孝王產兼傾卓氏僮罷籍駐陽囿陪謁建
章宮紛余似鑿枘方圓殊未工黑貂久自弊黃金屢
已空去辭追楚穆還耕偶漢馮巧拙良爲異出處嗟
莫同若 厭蘭臺石見訪灞陵東

別沈助教 梁何遜
可憐玉匣劍復此飛鳬鳥未覺愛生憎忽見雙成隻
一朝別笑語萬事成疇昔道道若波瀾人生異金石
願君深自愛共念悲無益
人部 卷九十一

答何郎 梁沈繇
歡戚遞來事聚散居常理但傷膠投漆忽作弦離矢
形影一東西山川俄表裏執手涉梁上悲心萬端起
方同兒女泣況此流湖水

贈何郎 梁孫攢
幽居少怡樂坐靜對嘉林晚花猶結子新竹未成陰
夫君阻清切可望不可尋處處多謾草賴此慰人心
野夕答孫攢郎 梁何遜

山中氣色滿墟上生煙露香杳星出雲啾啾雀隱樹
虛館無賓客幽居乏譚趣思君意不窮長如流水注

贈何郎

梁丘遲

向夕秋風起野馬雜塵埃憂至猶如繞詎是故人來
檐際落黃葉堦前網綠苔遙情不入酒望美信難裁

荅丘長史

梁何遜

宿昔敦遠遊名分乃異路千里泝波潮一朝披雲霧
從容拾密勿繾綣論襟趣披文極詆訶析理窮章句
明鐘信有待巨海誰能喻奔景驟西傾還途忽東騫
黃花發岍草赤葉翻高樹漁舟乍回歸沙禽時獨赴
宴年時未幾離歌脩成賦伊我念幽關夫君思贊務
短翮方息飛長轡日先驅曝鰓□□走逸翮康時務

人部

卷九十二

十四

贈答

握手與沈浮佳期安可屢

贈高允十二章

北魏宗欽

鬼戎恒嶺泥濘滄溟山挺其和水耀其精啓茲令族
應期誕生華冠衆彥偉邁羣英
於穆吾子含貞籍茂如彼松竹陵霜擢秀味老思冲
詭易體復戢翼九臯聲溢宇宙
我皇龍興重離疊映剛德外彰柔明內鏡乾象奄氣
坤厚山競風無殊音俗無異經
經緯曰文著述曰史斟酌九流錯綜幽旨帝用訓詁
明發虛擬廣關四門披延髦士

爾應其求翰飛東觀口吐瓊音手揮霄翰彈毫珠零
落紙錦粲墳無凝割典無滯泮

山降則謙含柔爲信林崇日漸明外斯進有逸夫子
兼茲四慎弱而難勝通而不峻

南董邈矣史功不申固傾佞竇雄穢美新遷以陵腐
邕由卓浪時無逸勒路盈摧輪

尹佚謨周孔明述魯抑揚羣致憲章三五昂昂高生
纂我遐武勿謂古今建規易矩

自昔索居沈淪西藩風馬旣殊標榜莫緣開通有運
間遇當年披衿暫固定交一言

人部

卷九十三

十五

贈答

諮疑祕省訪滯京都水鏡叔度洗吝田蘇望儀神婉
卽象心虛悟言禮樂採研詩書

履霜悼遷撫節感變嗟我年邁迅踰激電進乏由賜
退非回憲素髮掩玄枯顏落倩

文以會友友由知己詩以明言言以通理盼坎逃流
覲良聞止伊爾虬光肆鱗曲水

荅宗欽十三章

高允爲著作郎與崔浩同撰史
宗欽贈詩以相規風允荅之云

云後崔浩竟坐暴揚國惡與宗
欽同被誅允以太子救得免

北魏高允

湯湯流漢謫謫南都載稱多士載耀靈珠邈矣高族

世記丹圖啓基郢城振彩涼區

吾生朗到誕發英風紹熙前緒奕世克隆方圓備體
淑德斯融望傾羣儒響駭華戎

響駭伊何金聲允著匡贊西藩拯厥時務肅志琴書
恬心初素潛思淵淳秀藻雲布

上天降命祚鍾有代協耀紫宸與乾作配仁邁春陽
功隆覆載招延隱叟永貽大賚

伊余櫟散才至庸微遭緣幸會忝與樞機竊名華省
厠足丹墀愧無螢燭少益天暉

明外非諭信漸難兼體卑處下豈曰能謙進不弘道
人部 卷九十一 賸答 十六

退失淵潛既慚朱闕亦愧閭閻

史班稱達揚蔡致深負荷典策載蹈於心四轍同軌
覆車相尋敬承嘉誨永佩明箴

遠思古賢內尋諸已仰謝丘明長揖南史遐武雖存
高蹤難擬夙興夕惕豈獲恬止

世之圯矣靈運未通風馬殊隔區域異封有懷西望
路險莫從王澤遠灑九服來同

在昔平吳二陸稱寶今也冠涼吾生獨矯道映儒林
義爲羣表我思與之均於紵緇

仁乏田蘇量非叔度韓生屬降林宗仍顧千載曠遊

邁茲一遇藻詠風流鄙心已悟

年時迅邁物我俱逝任之斯通擁之則滯結駟貽塵
屢空亦敝兩間可守安有回賜

詩以言志志以表丹慨哉刎頸義已中殘雖曰不敏
請事金蘭爾其勵之無忘歲寒

當塗界寄裴宣州

唐張九齡初

故人宣城守亦在江南偏如何分虎竹相與間山川

章綬胡爲者形骸非自然含情津渡闊倚望脰空延
遠近聞佳政平生仰大賢推心徒有屬會面良無緣

日夕遵前渚江村投暮煙念行祇意默懷遠豈宣
人部 卷九十一 賸答 十七

委曲風波事難爲尺素傳

和張九齡當塗界見寄

唐裴卿初

茂先實王佐仲舉信時英氣觀衝天發人將下榻迎
挂符肅有命江國遠徂征九派期方越千鈞或可輕

高帆出風迴孤嶼入雲平適邁嗟于役離憂空自情
飾簪陪早歲接壤厠專城曠別心彌軫宏規意轉傾

徒然限饑渴况乃諷瑤瓊

贈趙公

唐張說初

湘東股肱守心與帝鄉期舟楫中路寒風波復來思
嘉我常聯翼金貂侍玉墀跡參前馬聖名綬嚮熊師

寒暑一何速山川遠間之寧知洞庭上獨得平生時
精義微絕簡從權討妙棋林壑爲予請紛雷發華滋
流賞忽已散驚帆杳難追送君在南浦佗條投此詞

奉荅燕公二首

唐趙冬曦初

語別意悽悽零陵湘水西佳人金谷返愛子洞庭迷
舊館逢花發他山值鳥啼江天千里望誰見綠蘋齊

二

誰道零陵守東過此地遊友寮同省閣昆弟接荊州

我逐江潭鴈君隨海上鷗屢傷神氣沮久別鬢毛秋

疑嶺春應遍陽臺雨欲收主人情未盡高駕少淹留

人部

卷九十一

十八贈客

伯奴邊見歸田賦因投趙

傅

唐張說初

爾家歎窮鳥吾族賦歸田莫道榮枯異同嗟世網牽

黃陵浮汨渚青草會湘川去國逾三歲茲山老二年

寒鴉鳴舍下昏虎卧籬前客淚堪斑竹離憂欲贈荃

放言久無次觸興感成篇

奉酬張燕公見歸田賦垂贈之作

唐趙冬曦初

窮鳥嬰籠綴孤飛任播遷鷓鴣王佐用復此挫冲天

楚雲何掩鬱湘水亦迴迴懷哉愧木鴈忽爾枉蘭荃

愈疾同枚叔銷憂比仲宣歸途書可畏弱操石猶堅

覆載雖云廣洛陽直塊然

贈張丞相并序

唐宋鼎初

張丞相九齡與余有孝廉校書之舊又代余爲荊
州余改漢陽仍兼按使巡至荊州故爲此贈

漢上登飛幘荆南歷舊居已嘗臨砌櫺更觀躍池魚

盛德繼微眇深衷能卷舒義申逢閣際情坦廟堂初

郡挹文章美人懷燮理餘皇恩儼照亮豈厭承明廬

酬宋使君

唐張九齡初

時來不自意宿昔謬樞衡聖明主妨賢媿友生

罷歸猶右職待罪尚南荆政有留棠舊風因繼組成

人部

卷九十一

十九贈客

高軒問疾苦蒸蔗荷仁明裴廢時所薄祗言僚故情

贈李十二

唐崔宗之盛

涼風八九月白露空園亭耿耿意不暢稍稍風葉聲

思見雄俊士共談今古情李侯忽來儀把袂苦不早

清論既抵掌玄談又絕倒分明楚漢事歷歷王霸道

擔囊無俗物訪古千里餘袖有七首劍懷中茂陵書

雙眸光照人詞賦凌子虛酌酒絃素琴霜氣正凝潔

平生心中事今日爲君說我家有別業寄在嵩之陽

明月出高岑清谿貞素光雲散牕戶靜風吹松桂香

子若同斯遊子載不相忘

謝崔五郎中

唐李白盛

朔雲橫高天萬里起秋色壯士心飛揚落日空歎息
長嘯出原野凜然寒風生幸遭聖明時功業猶未成
奈何懷良圖鬱悵獨愁坐杖策尋英豪立談乃知我
崔公生人秀緬邈青雲姿制作參造化託諷含神祇
海嶽尚可傾吐納終不移是時霜飈興逸興臨華池
起舞拂長劍四座皆揚眉因得窮歡情贈我以新詩
又結汗漫期九垓還相待舉身赴蓬壺濯足弄滄海
從此凌倒景一去無時還朝遊明光宮暮入閭闔關
但得長把袂何必嵩丘山

人部

卷九十一

三十一

贈李十二

贈李十二

唐崔成甫盛

我是瀟湘放逐臣君辭明主漢江濱天外常求太白
老金陵捉得酒仙人

酬崔侍御

唐李白盛

嚴陵不從萬乘遊歸卧空山釣碧流自是客星辭帝
座元非太白醉揚州

贈杜二拾遺

唐高適盛

傳道招提客詩書自討論佛香時入院僧飯屢過門
聽法還應難尋經剩欲翻草玄今已畢此外復何言

酬高使君相贈

唐杜甫盛

古寺僧牢落空房客寓居故人供祿米鄰舍與園蔬
雙樹容聽法三車肯載書草玄吾豈敢賦或似相如

早發湘潭寄杜員外院長

唐韋迥盛

北風昨夜雨江上早來涼楚岫千峰翠湘潭一葉黃
故人湖外客白首尚爲郎相憶無南鴈何時有報章

酬韋韶州見寄

唐杜甫盛

養拙江湖外朝廷記憶疎深慙長者轍重得故人書
白髮絲難理新詞錦不如雖無南過鴈看取北來魚

寄杜甫

唐郭受盛

新詩海內流傳久舊德朝中屬望勞郡邑地卑饒霧
雨江湖天闊足風濤松花酒熟傍看醉蓮葉舟輕自

學操春興不知凡幾首衡陽紙價頓能高

才微歲晚尚虛名卧病江湖春復生藥裏關心詩總

酬郭十五判官受

唐杜甫盛

廢花枝照眼句還成只同燕石能星噴自得隋珠覺
夜明橋口橘洲風浪促繫帆何惜片時程

寄蕭穎士補正字

唐鄭象先盛

六月度關雲三峰旣山翠爾時黃綬屈別後青雲致

荅鄭象先

唐蕭穎士盛

桂枝常共擢茅茨冀同薦一命何阻脩載馳各州縣

壯圖悲歲月明代耻貧賤回首無津梁祗令二毛變

春夜竹亭贈錢少府歸藍田 唐王維盛

夜靜羣動息時聞隔林犬却憶山中時人家澗西遠
羨君明發去采薇輕軒冕

訓王右丞見贈 唐錢起中

山月隨客來主人興不淺今宵竹林下誰覺花源遠
惆悵曙鶯啼孤雲還絕巘

代書詩一百韻寄微之 唐白居易中

憶在貞元歲初登典校司身名同日授心事一言知
肺腑都無隔形骸兩不羈踈狂屬年少閑散爲官卑

人部 卷九十一 三

分定金蘭誓言通藥石規交賢方汲汲友直每德德

有月多同賞無杯不共持秋風拂琴匣夜雪卷書帷
高上慈恩塔幽尋皇子陂唐昌玉葉會崇敬牡丹期

笑勸迂辛酒閑吟短李詩儒風愛敦實佛理尚玄師
度日曾無悶通宵靡不爲雙聲聯律句八面對宮棋

往往遊三省騰騰出九達寒銷直城路春到曲江池
樹暖枝條弱山晴彩翠奇峰攢石綠點柳宛翹塵絲

岸草煙鋪地園花雪壓枝早光紅照耀新溜碧逶迤
幄幕侵堤布盤筵占地施徵伶皆絕藝選伎悉名姬

鉛黛凝春態金鈿耀水嬉風流誇墮髻時世鬪啼眉

密坐隨歡促華樽逐勝移香飄歌袂動翠落舞釵遺

籌插紅螺碗觥飛白玉卮打嫌調笑易飲訝卷波遲
殘席諠譁散歸鞍酩酊騎酖顏烏帽側醉袖玉鞭垂

紫陌傳鐘鼓紅塵塞路岐幾時曾暫別何處不相隨
荏苒星霜換迴環節候推兩衙多請假三考欲成資

運偶千年聖天成萬物宜皆當少壯日同惜盛明時
光景嗟虛擲雲霄竊暗闕攻文朝訖訖講學夜孜孜

策目穿如札毫鋒銳若錐繁張獲鳥網堅守釣魚坻
並受夔龍薦齊陳是董詞萬言經濟略三策太平基

中第爭無敵專場戰不疲輔車排勝陣犄角舉降旗
人部 卷九十一 三

雙闕紛容衛千僚儼等衰恩隨紫泥降名向白麻披
既在高科選還從好爵縻東垣君諫諍西邑我驅馳

再喜登烏府多慙侍赤墀官班分內外遊處遂參差
每列鸛鸞序偏瞻獬豸姿簡威霜凜冽衣彩繡歲華

正色摧強禦剛腸嫉嗾嗾常憎持祿位不擬保妻兒
養勇期除惡輸忠在滅私下韞驚燕雀當道懾狐狸

南國人無怨東臺吏不欺理寃多定國切諫甚辛毗
造次行於是平生志在茲道將心共直言與行兼危

水閣波翻覆山藏路險巖未爲明主識已被倖臣疑
木秀遭風折蘭芳遇露萎千鈞勢易壓一柱力難支

騰口因成瘠吹毛遂得疵憂來吟貝錦謫去詠江離
邂逅塵中遇殷勤馬上辭賈生離魏闕王粲向荆夷
永過清源寺山經綺季祠心搖漢臯珮淚墮岘亭碑
驛路綠雲際城樓枕水湄思鄉多繞澤望闕獨登陴
林晚青蕭索江平綠渺瀟野秋鳴蟋蟀沙冷聚鷗鷺
官舍黃茅屋人家苦竹籬白醪充夜酌紅粟備晨炊
寡鵠摧風翮鰥魚失水鬐聞雞啼渴旦涼葉墜相思
一點寒燈滅三聲曉角吹藍衫經雨故驄馬卧霜羸
念涸誰濡沫嫌醒自歎醺耳垂無伯樂舌在有張儀
負氣衝星劍傾心向日葵金言自銷鑠玉性肯瑯緇

人部

卷九上

十四

聯客

伸屈須看蠖窮通莫問龜定知身是患當用道為醫
想子今如彼嗟予獨在斯無慘當歲杪有夢到天涯
坐阻連襟帶行垂接履綦潤銷衣上霧香散室中芝
念達緣遷貶驚時為別離素書三往復明月七盈虧
舊里非難到餘歡不可追樹依興善老草傍靜安衰
前事思如昨中懷寫向誰北村尋古柏南宅訪辛夷
此日空搔首何人共解頤病多知夜永年長覺秋悲
不飲長如醉加餐亦似饑狂吟一千字因此寄微之

酬翰林白學士代書一百韻并序

唐元稹

玄元氏之下元日會予家居至在樂天代書詩一
百韻鴻洞卓犖令人興起心情且置書美予前和
七章章次用本韻韻同意殊謂為工巧前書可謂
實難之今復次排百韻以答懷思之貺云

昔歲俱充賦同年遇有司八人稱迴援兩郡濫相知
同年八人樂天拔萃登科予平判入等逸驥初翻步羈鷹暫脫羈遠途
憂地窄高視覺天卑並入紅蘭署偏親白玉規近朱
憐冉冉伐木願偃偃魚魯非難識鉛黃自嬾持心輕
馬融帳謀奪子房帷秀發幽巖電清澄溢岸陂九霄
排直上萬里整前期勇贈棲鸞句慚當古井詩

人部

卷九上

十五

聯客

詩云皎彼鸞鳳委樂天多聞全受益擇善頗相師脫
俗殊常調潛工大有為還醇憑酎酒運智託園棋情
會招車胤閑行竟戴逵僧餐月燈閣醪宴劫灰池
樂天約直拒非並多於月燈閣開游又營與聖官同官醪宴昆明池勝繁爭先到篇章
競出奇輸贏論破的點竄肯容絲山岫當街翠牆花
拂面杖拂面花時唯樂天知此鶯聲愛嬌小燕翼翫
逶迤轡為逢車緩鞭緣趁伴施密攜長上樂偷宿靜
坊姬僻性慵朝起新晴助晚嬉相歡常滿目別處鮮
開眉翰墨題名盡光陰聽話移樂天每與予游從
無不書名屋壁

贈韓定辭

唐馬彥晚

燧林芳草綿綿思盡日相攜陟躋
誰別後囀啓山上
望美君時復見王喬

荅馬彥

唐韓定辭晚

崇霞臺上神仙客學辨凝龍
藝最多盛德好將銀筆
述麗辭堪與雪兒歌

醉中戲贈襲美

唐陸龜蒙晚

南北風流舊不同
僖吳今日若相通
病來猶伴金杯酒
欲得人呼小褚公

奉酬次韻

唐皮日休晚

人部
卷九十二
主六
僖吳風俗昔難同
唯有才情事事通
剛戀水雲歸不
得前身應是太湖公

詩雋類函卷九

詩雋類函卷九十二

東吳俞安期彙纂

新都吳養春訂校

人部三十二

贈一

○贈一

贈徐幹

魏陳思王

驚風飄白日忽然歸西山
圓景光未滿衆星燦以繁
志士營世業小人亦不閒
聊且夜行游游彼雙闕間
文昌鬱雲興迎風高中天
春鳩鳴飛棟流森激櫺軒
顧念蓬室士貧賤誠足憐
微藿弗充虛皮褐猶不全

人部

卷九十二

贈一

慷慨有悲心興文自成篇
實棄怨何人和氏有其怨
彈冠俟知己知己誰不然
良田無晚歲膏澤多豐年
亮懷璠璵美積久德愈宣
親交義在敦申章復何言
贈丁儀集云與徐亭侯下翼今云儀誤也
魏署曰丁儀字正禮太祖辟爲掾

魏陳思王

初秋涼氣發庭樹微銷落
凝霜依玉除清風飄飛閣
朝雲不歸山霖雨成川澤
黍稷委疇隴農夫安所穫
在貴多忘賤爲恩誰能博
狐白足禦冬焉念無衣客
思慕延陵子寶劍非所惜
子其寧爾心親交義不薄

贈王粲

魏陳思王

端坐苦愁思攬衣起西遊樹木發春華清池激長流
中有孤鴛鴦哀鳴求匹儔我願執此鳥惜哉無輕舟
欲歸忘故道顧望但懷愁悲風鳴我側義和逝不留
重陰潤萬物何懼澤不周誰令君多念自使懷百憂

又贈丁儀王粲

魏陳思王

從軍度函谷驅馬過西京山岑高無極涇渭揚濁清
壯哉帝王居佳麗殊百城員闕出浮雲承露槃泰清
皇佐揚天惠四海無交兵權家雖愛勝全國爲令名
君子在末位不能歌德聲丁生怨在朝王子歎自營
歡怨非貞則中和誠可經

人部

卷九十二

二

贈丁翼

文士傳曰翼字敬禮儀之弟也爲黃門侍郎

魏陳思王

嘉賓填城闕豐膳出中厨吾與二三子曲宴此城隅
秦箏發西氣齊瑟揚東謳肴來不虛歸觴至反無餘
我豈仰異人朋友與我俱大國多良材譬海出明珠
君子義休倚小人德無儲積善有餘慶榮枯立可須
滔蕩固大節時俗多所拘君子通大道無願爲世儒

贈五官中郎將四首

魏劉楨

昔我從元后整駕至南鄉過彼豐沛都與君共翱翔
四節相推斥李冬風且涼衆賓會廣坐明鐙煇炎光
清歌製妙聲萬舞在中堂金壘含甘醴羽觴行無方

長夜忘歸來聊且爲太康四牡向路馳歡悅誠未央

二

余嬰沈痼疾竄身清漳濱自夏涉玄冬彌曠十餘旬
常恐游岱宗不復見故人所親一何篤步趾慰我身
清談同日夕情盼叙憂勤便復爲別辭遊車歸西鄰
素業隨風起廣路揚埃塵逝者如流水哀此遂離分
追問何時會要我以陽春望慕結不解貽爾新詩文
勉哉修令德北面自寵珍

三

秋日多悲懷感慨以長歎終夜不遑寐叙意於濡翰

人部

卷九十二

三

人部

卷九十二

三

明燈曜閨中清風淒已寒白露塗前庭應門重其關
四節相推斥歲月忽欲殫壯士遠出征戎事將獨難
涕泣灑衣裳能不懷所歡

四

涼風吹沙礫霜氣何皚皚互來明月照緹幕華燈散
炎輝賦詩連篇章極夜不知歸君侯多壯思文雅縱
橫飛小臣信頑鹵僂佻安能追

贈梅公明

魏繁欽

瞻我北園有條者桑邁此春景旣茂且長氣氤吐葉
柔潤有光黃條蔓衍青鳥來翔日月其邁時不可忘

公子瞻旃敷名乃彰

贈皇甫謐

晉辛曠

顒顒朝士亦孔其依莫不遲想載渴載飢我弓我旌
禮亦無違企望高岡來儀來歸其暉伊何與帝同心
明明天子如日之臨臨照四方探賾幽深山無逸民
水無潛鱗爰被一作彼九臯克量德音茂哉先生皇實
是欽

贈溫嶠

晉郭璞

人亦有言松竹有林及爾臭味異苔同岑言以忘得
交以淡成同匪伊和惟我與生爾神余契我懷子情

人部 卷九十二 四 贈

贈潘尼

晉郭璞

杞梓生南荆奇才應世出擢賴蓋漢陽鴻聲駭皇室
遂應四科運朱衣耀玉質

贈虞顯度

晉張載

疇昔協蘭芳縑縑在華年嘉好結平素分著寮友前
謂得終遐日綢繆永周旋吾子遭不造遘閔丁憂艱
俾我失良朋誰與吐話言一日爲三秋歲況乃三年
離居一何闊結思如迴川

贈潘正叔

晉陸機

過蒙時來運與爾遊承華執笏崇賢內振纓曾城阿

贈紀士

晉陸機

瓊環俟豐價窈窕不自鬻有美蛾眉子惠音清且淑
脩姱協妹麗華顏婉如玉

贈顧彥先

晉陸機

清夜不能寐悲風入我軒立影對孤軀哀聲應苦言

贈顧尚書

晉陸雲

五嶽降神四瀆炳靈兩儀鈞陶參和大成兆光人倫
誕育至英於顯尚書實惟我兄行成世則才爲時生
體道既弘大德允明厥弘伊何靡曠不遵厥明伊何

人部

卷九十二

五

靡妙不研無索炤灼有求幽玄細微不錯毫芒以陳
積實爲山納流成淵扶翹布華養物作春所肅以禮
所謂以仁宣質拔行曜文入采堅不可鑽清如凝水
方迹迎眼蹈齊闕里晞聖而惟亦顏之子彼棄芝英
玩此蘭茝異世同芳其馥不已我蘭既馥我風載清
能芬南嶽運芳北征子有其德人求其馨近此陋巷
薰彼紫庭厥音不已鼓鐘有聲聞天之聰譬之鵠鳴
天聰既招我實惟彰乘風之鳳眷言朝陽披雲藻繡
來此舊鄉謙光自抑厥輝愈揚麗容雕翕孔好已張
既照平林具我華英華英已曜餘光難延會淺別速

哀以紹欣追曠同塗暫和笑言殊音合奏曲異響通
絕我懽條統我思日根分來在愛感往思我非形景
有處有遊載離載會且懽且憂感彼遠曠公此延娛
樂奏聲哀言發涕流唯願我子德與福俱亦天之祐
亦我之私

贈顧驃騎有皇八章

并序

晉陸雲

有皇美祈陽也祈陽秉文之士駿發其聲故能明
照有吳入顯乎晉國入美之故作是詩焉

有皇大晉時文憲章規天有光矩地無疆神篤斯祐
本顯克昌載生之雋實惟祈陽哲問宣猷考茂其相

人部

卷九十二

六

贈

於鑠祈陽誕鍾天篤清輝龍見玄猷淵嘿沈機響駭
幽神廣覲和以同人歸物時育有大惡盈謙以自牧
思我懿範萬民來服

三

吳未喪師天秩有庸淵哉若人弱冠休風俯翼黃門
以德來忠端秀蕃后正色儲宮徽音鑠穎邈矣遐踪

四

皇維南終舊邦匪歆委弁釋位如龍之潛考槃窮谷
假樂豐林子雖藏器鐘鼓有音惠風往敬慶問來尋

五

濟濟元公相惟天子明明辟王思隆多士帝曰欽哉
有命集止我咨四方令問在爾以朕大賚乃膺嘉祉
聿來胥步觀國之紀

六

惟皇建極緝熙清曜我有峻民明德來照大觀在上
王假有廟顯允顧生金聲玉振之子于升利見大人
龍輝絕跡有肅清塵

七

清塵旣彰朝虛好爵敬子侯度慎徽百辟予聞有命

人部

卷九十二

七

贈

德禮不易嗟我懷人瞻言永錫豐祐東法惟子之績

八

遵汶涉泗言告同征勁風宵烈湛露朝零雲垂藹下
泉冽清泠哀哉行人感物傷情從子京邑言觀厥成
天保祚德式穀以寧

贈顧驃騎思文八章

并序

晉陸雲

思文美祈陽也祈陽能明其德刑于寡妻以至于
家邦無思不服亦賴賢妃貞女以成其內教故作
是詩焉

思文祈陽祈陽克峻天錫淳嘏宣茲義問德音既烈

海外有奮既奮斯音祇敬厥德昭治其家單及邦國
永肇儀刑俾民惟則

文王在上太妣思齊魯侯克昌亦賴令妻鑒神有顧
蘋繁在斯祈陽載天作之伉儷

在虞之胄實惟有姚穎艷王秀華茂桃夭居顯祇明
在靈格幽清塵熠燿淑心綢繆爰及祈陽惟德

其德伊何和貞虔告師民履素言謀慮度鐘鼓思樂
靖端風效考休攸嬪來嫁于顧

羔羊執贄玉帛有輝百兩集止之子于歸宗姻風從
娣姪雲回祈陽顧之煥其盈闈

人部

卷九十二

贈

既曰歸止式揚好音言觀河洲有集于林思樂葛藟
薄采其葦疾彼攸遂乃孚惠心

惠心既孚有恪中饋敦此衆斯永錫嗣類載延罔寤
用和寤寐神之聽之胤祚來爾

昔周之隆有妊有妣內刑聖敬外崇多士今我淑人
實亮君子疊疊翼翼亦繼斯祉宜爾子孫福祿盈止

贈劉佐

晉潘尼

要言將誰苦聊以貽友生念我二三賢規我無隱情
贈太尉司馬虞顯機

晉傅咸

帝崇元淑妙選其屬命子是佐增袞之緝

贈崔伏三郎詩

晉傅咸

英妙之選二生之授顯顯兩城歡德之茂君子所居
九夷非陋無狹百里而不垂覆人之好我贈我清詩
示我周行心與道期誠發自中義形於辭古人辭讓
豈不爾思

贈山濤

晉司馬彪

若若椅桐樹寄生於南嶽上凌青雲霓下臨千仞谷
處身孤且危於何託余足昔也植朝陽傾枝俟鸞鷟
今者絕世用倥偬見迫東班匠不我顧牙曠不我錄
焉得成琴瑟何由揚妙曲冉冉三光馳逝者一何速

人部

卷九十三

九 贈

中夜不能寐撫劍起躑躅感彼孔聖歎哀此年命促
下和潛幽冥誰能證奇璞冀願神龍來揚光以見燭

贈石季倫

晉嵇紹

人生稟五常中和爲至德嗜欲雖不同伐生所不識
仁者安其身不爲外物惑事故誠多端未若酒之賊
內以損性命煩辭傷軌則屢飲致疲怠清和自否塞
陽堅敗楚軍長夜傾宗國詩書著明戒量體節飲食
遠希彭聃壽虛心處冲默茹芝味醴泉何爲昏酒色

贈石季倫

晉曹摅

渭涓谷中泉鬱鬱巖下林泄泄羣翟飛咬咬春鳥吟

野次何索寞薄暮愁人心三軍望衡蓋歎息有餘音
臨者忘肉味對酒不能斟人言重別離斯情效於今

贈石季倫

晉襄映

深蒙君子眷雅顧出羣俗受寶取諸懷所贈非珠玉
凡我二三子執手攜玉腕嘉言從所好企予結雲漢
望風整輕翮因虛舉雙翰朝遊清渠側日夕登高館
初學記載四句曰翁如翔雲會忽若驚風散分給懷離析對樂增累歎題云贈石崇

贈石季倫

歐陽建字堅石渤海人石崇甥為馬建每匡正不從私欲迎楚王偉立之由是有隙石崇勸淮南王誅倫未行事覺倫收崇建及母妻無少長見害

晉歐陽建

人部

卷九十二

十一

於鑠我舅明德寒違俾扞東藩在徐之邳載播其惠
載揚其威濟寬以猛方夏以綏光啓先業增耀重暉
咨余冲人艱苦攸離過庭無聞頑固匪移寔賴茲誨
導之軌儀仰遵嘉訓俯蹈明規如葛斯蔓如穆斯垂
我邁君子仰之彌高巖巖其高卽之惟溫居盈思冲
在貴忘尊縱酒嘉讌自明及昏無幽不研靡與不論
人樂其量士感其敦

贈溫太真崔道儒

晉盧湛

逍遙步城隅暇日聊游豫北眺沙漠垂南望舊京路
平陸引長流岡巒挺茂樹中原厲迅飈山阿起雲霧

游子恒悲懷舉目增永慕良儔不獲偕舒情將焉訴
遠念賢士風遂存往古務朔鄙多俠氣豈唯地所固
李牧鎮邊城荒夷懷南懼趙奢正疆場秦人折北慮

亦既弛負擔忝位宰黔庶苟云免罪戾何暇收民譽
倪寬以殿黜終乃最衆賦何武不赫赫遺愛常在去
古人非所希短弱自有素何以敷斯辭惟以二子故

贈鮑侍郎

宋湯惠休

玳枝今金英綠葉兮紫莖不入君王杯低彩還自榮
想君不相艷酒上視塵生當令芳意重無使盛年傾

人部

卷九十二

十一

贈徐孝嗣

齊王儉

婉婉游龍載游載東靡靡行雲並躍齊蹤無類不感
有來斯雍之子云邁嗟我莫從歲云暮止述職戒行
崇蘭罷秀孤松獨貞悲風宵遠乘鴈晨征撫物遐想
念別書情南史載四句曰方軌叔茂追清彥輔柔亦不茹剛亦不吐時人以此蔡子尼之行狀也

贈庾易

南史曰庾易新野人居江陵志性恬靜不交外物齊臨川王映臨州表薦之

齊袁孝

白日清明青雲遼亮昔聞巢許今觀臺尚

贈傅昭詩

梁書曰傅昭少有神情宋廷尉虞愿並當世名流通

之贈昭詩曰

齊虞通之

英妙擅山東才子傾洛陽清塵誰能嗣及爾遺芳

贈到溉洽

梁書曰時以溉洽兄弟比之二陸故世祖贈詩曰

梁元帝

魏世重雙丁晉朝稱二陸何如今兩到復似凌寒竹

贈張纘

梁簡文帝

儀表咸推挹墻仞難窺踐既富垂帷學復折波濤辭

綺思暖霞飛清文煥燄轉朱旗赫容與雕祭紛曜煜

波搖白鱧舟風動蒼鷹舳九疑勢參差江天相蔽虧

人部

卷九十二

十三 贈

三春豐浦葉九月洞庭枝洞庭枝嫵娜豐浦葉參差

芬芳與搖落俱應傷別離

擬陳思王曹植贈友

梁江淹

君王禮英賢不恡千金璧雙闕指馳道朱宮羅第宅

從容米井臺清池映華薄涼風盪芳氣碧樹先秋落

朝與佳人期日夕望青閣寒暄明珠徒倚拾蕙若

眷我二三子辭義麗金屢延陵輕寶劍季布重然諾

處富不忘貧有道在葵藿

贈徐徵君

梁任昉

促生悲永路早交傷晚別自我隔容徽於焉徂歲月

情非山河阻意似江湖悅東臯有儒素香與榮名絕

曾是違賞心曷用箴余缺眇焉追平生塵書廢不閱

信此伊能已懷抱豈暫輟何以表相思貞松擅嚴節

贈王僧孺

梁書曰王僧孺由治書侍御史出為西邸以文學友會及是將之縣助贈詩其略曰

梁任昉

惟子見知惟余知子觀行視言要終猶始敬之重之

如蘭如芷形應影隨曩行今止百行之首立人斯著

子之有之誰毀誰譽脩名既立老至何遽誰其執鞭

吾為子御劉略班藝虞志荀錄伊昔有懷交相欣勗

下惟無倦升高有屬嘉爾晨燈惜余夜燭

人部

卷九十三

十三 贈

贈任昉詩

南史曰昉為御史中丞後進皆宗之

匪張率陳郡殷芸沛國劉顯及到溉到洽車軌日至號曰蘭臺聚

梁陸匪

和風雜美氣下有真人遊壯矣荀文若賢哉陳太丘

今則蘭臺聚萬古信為儔任君本達識張子復清修

既有絕塵到復見黃中劉

贈任黃門一首

梁吳均

相如體英彥左右生容暉已紆漢帝組復解梁王衣

經過雲母扇出入千金一作門扉連洲茂芳杜長山鬱

翠微欲言終未敢徒然獨依依一作默默

紛吾少馳騁自來乏名德白玉鏤衢鞍黃金瑪瑙勒
射鵰靈丘下驅馬鴈門北愁歎盡日華雷連窮黑
歲暮竟無成憂來坐默默

贈搖郎

搖一作姚

梁吳均

星漢正參差佳人不在此宿昔暫垂阻何異遠分離
露染靡蕪葉日照芳蘭枝風光已飄薄雲采復逶迤
勞夢無人覺默默心自知

贈朱從事

梁吳均

我行欲何之千里尋膠漆長段歷渚生疎蒲綠岍出
裊裊能隨風離離堪度日客思已飄蕩相思復非

人部

卷九

十四

未得幸慙慙先作數行泣

遙贈周承

梁吳均

巨石亂天崖雜樹鬱參差伯魚留蜀郡長房還葛陂
練練波中月亭亭雲上枝高岑蔽人者無處得相知

周承未還重贈

梁吳均

石渠閒無人子雲今何在顧望獨懷憂
誰待散雪逐吹寒蓬姿浮霜采甘泉無竹花鵲雛欲
還海

贈王桂陽

梁吳均

松生數寸時遂爲草所沒未見籠雲心誰知負霜骨

弱幹可摧殘纖莖易凌忽何當數千尺爲君覆明月

入蘭臺贈王治書僧孺

梁吳均

故人揚子雲校書麟閣下寂寞少交遊紛綸富文雅
予爲隴西使寓居洛陽社相思非不深行行避驄馬

贈周散騎與嗣二首

梁吳均

子雲好飲酒家在成都縣製賦已百篇彈琴復千轉
敬通不富豪相如本貧賤共作失職人包山一相見

二

昔賢當路者聲名振華夏朱輪玳瑁車紫綬連錢馬
朝花舞風去一作中夜月窺牕下想君貴易朋居然應

人部

卷九

十五

見捨

贈柳秘書

梁吳均

靡蕪與丹桂奇心復奇骨已蔽蒼龍門又影鳳凰闕
紫雲依夜來清風扶晚發鴛鴦若上天寄聲謝明月

贈柳真陽

梁吳均

王孫清且貴繁室芙蓉池羅生君子樹雜種女貞枝
南窓帖雲母北戶映琉璃街書轆轤鳳坐水玉盤螭
朝衣朱黃錦夜覆蘭對卮聯翩驂赤兔窮究駕青驪
龍泉甚鳴利如何獨不知

贈吳均三首

梁柳惲

寒雲晦滄洲奔潮溢南浦相思白露亭永望秋風渚
心知別路長誰一作謂若燕楚關候日遼絕如何一作
因附行旅願作野飛鳥飄然自輕舉

遠遊濟伊洛秣馬度清漳邯鄲饒一作美女艷色含

春芳鼓瑟未成曲踏疑一作蹀復翺翔我本遊客子情

愛在淮陽新知誰不樂念舊苦人腸

夕宿飛狐關晨登磧磧坂形爲戎馬倦思逐征旗遠

邊城秋霰來寒鄉春風晚始信隴雪輕漸覺寒雲卷

徭役命所當念子加餐飯

贈顧倉曹

梁王僧孺

八部

卷九十二

十六

贈

洛陽十二門樓闕似西崑曖曖眾囂下相望隔畫垣

畫垣向阿閣栖鳳復栖鴛五曹均趨奏六尚等便煩

朝爐何設馥夜錦有餘溫日中驅上駟驤首遍京宛

晨趨和公子夕宿韓王孫夙昔今何在生平棄不論

譬如卷施草心謝葉空存誰復三承睫獨念九飛翬

贈王僧辨

梁朱超

故人總連率方冊下漢池王節交橫映金鏡前後吹

聚圖匡漢業傾產救韓危昔時明月夜蔭羽切高枝

冲天勢已遠控地力先疲各言獻捷後幾處泣生離

贈沈左衛

梁范雲

伊昔霜嘉惠出入承明宮遊息萬年下經過九龍中
越鳥憎北樹胡馬畏南風願言返漁蓑津梁肯一作
見通

贈張徐州謨

梁范雲

田家樵採去薄暮方來歸還聞稚子說有客欸柴扉

儋從皆珠玳裘馬悉輕肥軒蓋照墟落傳瑞生光輝

疑是徐方牧既是復疑非思一作懷舊昔言有此道今

已微物情棄疵賤何獨顧衡闥恨不具雞黍得與故

人揮懷情徒草草一作搔搔淚下空霏霏寄書雲間鴈爲

我西北飛

八部

卷九十三

十七

贈

贈俊公道人

梁范雲

秋蓬飄秋甸寒藻泛寒池風條振風響霜葉斷霜枝

幸及清江滿無使明月虧月虧君不來相期竟悠哉

一作
何時

贈諸遊舊

梁何遜

弱操不能植薄伎竟無依淺智終已矣今名安可希

擾擾從役倦屑屑身事微少壯輕年月遲暮惜光輝

一塗今未是萬緒昨如非新知雖已樂舊愛盡墜違

望鄉空引領極目淚沾衣旅客長憔悴春物自芳菲

听花臨水發江燕遶橋飛無由下征帆獨與暮潮歸

贈王左丞僧孺

梁何遜

欄外鶯啼罷園裏日光斜遊魚亂水葉輕燕逐風花
長墟上寒靄曉樹沒歸霞九華暮已隱抱鬱徒交加

落日前墟望贈范廣州雲

梁何遜

緣溝綠草蔓扶援雜華舒輕煙澹柳色重霞映日餘
遙遙長路遠一作晚寂寂行人疎我心懷碩德思欲命
輕車高門盛遊侶誰肯進畋魚

贈中尉李彪

北魏韓延之

賈生謫長沙董儒詣臨江愧無若人跡忽尋兩賢蹤
追昔渠閣遊策駑厠羣龍如何情願牽飄然獨遠從
人部

卷九十二

十八

痛哭去舊國銜淚屈新邦哀哉無援民嗷然失侶鴻
彼蒼不我聞千里告志同

贈李寶七章

北魏段承根

世道衰陵淳風殆緬衢交問鼎路盈訪璽徇競爭馳
天機莫踐不有直宰榛棘誰翦

於皇我后重明襲煥文以息煩武以靜亂剖蠭求珍
搜巖采餘野無投綸朝盈逸翰

自昔涼李林焚淵涸矯矯公子鱗羽靡託靈慧雖奮
妖氛未廓鳳戢崑丘龍潛玄漠

數不常擾艱極則夷奮翼幽裔翰飛京師班蟬紫闥

仗節方畿弼我王度庶績緝熙

自余幽淪眷參舊契庶庇餘光優游卒歲欣路未淹
離轡已際顧難分岐載張載繼

聞諸交舊累聖疊曜淳源雖漓民懷餘劭思樂哲人
靜以鎮躁藹彼繁音和此清調

詢下曰文辨計曰明化由禮治政以寬成勉崇仁教
播德簡刑傾首景風遲聞休聲

贈司寇淮南公

北周庾信

危邦久亂德天策始乘機九河聞誓衆千里見連旂
號三垂棘返齊平寶鼎歸久弊風塵俗殊勞關塞衣

人部

卷九十二

十九

絆驥還千里垂鵬更九飛猶憐馬齒進應念節旄稀
迴軒入故里園柳始依依舊竹侵行徑新桐益幾圍

寒谷梨應重秋林栗更肥美酒還參聖雕文本入微
促歌迎趙瑟游絃召楚妃小人司刺舉明敷一作實

溢吹南部治都尉軍謀假建威商山隱士石一作丹
水鳳凰磯野亭長被馬山城早掩扉傳呼擁絳節交

戟映彤闈遂令忘楚操何但食周薇三十六水變四
十九條非丹竈風煙歇年齡蒲柳衰同僚敢不盡嚔

日懼難追

贈周處士

北周王褒

我行無歲月征馬屢盤桓峭曲二危阻關重九折難
猶持漢使節尚服楚臣冠巢禽疑上幕驚羽畏虛彈
飛蓬去不已客思漸無端壯志與時歇生年隨事闌
百齡悲促命數刻念餘歡雲生隴坻黑桑疎薊北寒
鳥道無蹊徑清漢有波瀾思君化羽翮要我鑄金丹

贈李若

隋盧思道

初發清漳浦春草正萋萋今留素湮曲夏木已成蹊
塵起星橋外日落寶壇西庭空野煙合巢深夕羽迷
短歌雖製素長吟當執珪寄語當憇婦非關惜馬蹄
贈蔡君

隋孔紹安

人部

卷五十二

二十

秋日贈王中舍

隋盧世基

秦關望吳苑渭溪去江濱天漢星躔絕山川地角分
百年變朝市千里異風雲雙駕難可贈別鶴不相聞
忽值從遊士玳簪光素履歡言悅鄭郊雪泣悲燕市
契闊論談笑慙慙訪生死思君在一方無由同四美
尺素乃云披投瓊慰久離雲開縹緲錦散霞照綠緹披
相思歎河廣相望阻天垂贈言方杜若握手代萱枝
伊昔風期早金蘭信爲寶去來金馬門留連關難道
驚嶺訪三禪商山追四皓勝地俱遊息披文遞論計

虛薄忝官聯喬木遂同遷濯纓升博望闕一作步入

崇賢高軒照流水長劒聳秋蓮南風忽不競東海遂

成田喧喧狹斜路隱隱平陵樹鳳闕暖西臨星橋耿

南注五方多異俗四海皆行路士衡嗟苦辛德璉傷

流寓華洛重行行寓目盡傷情太行臨北絳函谷拒

西京雀書圖久滅龍文鼎遂輕凌雲餘構盡蒙汜曲

池傾一作徘徊殊未極惆悵空雲纓伊川忽會面留

連展言宴東西一背飛翻然成異縣哀哉人道促痛

矣嗟埋玉嵇生顧影琴裴子飄風燭摧茲激水意頓

此浮雲足棄置勿重陳難終唯此曲漢陽趙元淑薛

縣雍門周清文寧解病妙曲反增愁翳翳神逾伏慄

慄歲方邁雙嶠飛暗雨八水東寒流蘭枯芳草歇槐

古憶前秋江干不可望徒此歎離憂

贈薛播州十四首

隋楊素

在昔天地閉品物屬屯蒙和平替王道哀怨結人風

麟傷世已季龍戰道將窮亂海飛羣水一作亂流貫

日引長一作虹干戈異革命揖讓非至公

兩河定寶鼎八水域神州函關絕無路京洛化爲丘

漳滏爾連沼涇渭余別流生郊滿戎馬涉路起風牛

班荆疑莫遇贈編竟無由

五緯連珠聚千載濁河清金亡潛虎質閨盡自蛙聲
聖期伊日暮天祿落炎精霧生三日重星飛五老輕
裡宗蒼上帝收物創羣生

道昏雖已朗政故猶未新剝舟洹水濟一作際結網大

川濱出遊迎釣叟入夢訪幽人植林雖各樹開榮豈

異春相逢一時泰共幸百年身

有帛賁丘園生芻自幽谷塵芳金馬路瀾清鳳池澳

零露既垂光清風復流穆傾蓋如舊知彈冠豈新沐

利心金各斷芬言蘭共馥

自余歷端揆緝熙而時彥及爾陪帷幄出納先天睭

人部

卷九十二

二十三

贈

高調發清音縹藻流餘絢或如彼金玉歲暮無凋變

余松待爾心爾筠留我箭

往再積歲時契闊同遊處閭閻既趨朝承明還宴語

上林陪羽獵甘泉待清曙迎風含暑氣飛雨淒寒序

相顧惜光陰留情共延一作佇

滔滔彼江漢實爲南國紀作牧求明德若人應斯美

高臥未褰帷飛聲已千里還望白雲天日暮秋風起

峴山君儻遊淚落應無已

漢陰政已成嶺表人猶蠹彈冠比方新還珠總如故

楚人結去思越俗歌來暮陽鳥一作鳥尚歸飛別鶴還

迴顧君見南枝巢應思北風路

北風吹故林秋聲不可聽鴈飛窮海寒鶴唳霜臯淨

含毫心未傳聞音跡猶實唯有孤城月徘徊獨臨映

弔影余自憐一作知我疲病

養病願歸閑居榮在知足栖遲茂陵下優游滄海曲

古人情可見今人遵路躅荒居接野窮心物俱非俗

桂樹芳叢生山幽竟何欲

所欲棲一枝稟分豐諸已園樹避鳴蟬山梁遇雌雉

野陰冒叢灌幽氣含蘭芷悲哉暮秋別春草復萎矣

鳴琴久不聞屬聽空流水

人部

卷九十二

二十三

贈

秋水魚遊日春樹鳥鳴時濠梁暮共往幽谷有相思

千里悲無駕一見香難期山河散瓊蕊庭樹下丹滋

物華不相待遲暮有餘悲

銜悲向南浦寒色黯沈沈風起洞庭險煙生雲夢深

獨飛時暮侶寡和乍孤音木落悲時暮時暮感離心

離心多苦調詎假雍門琴北史曰素嘗以五言詩七

詞氣稍拔風韻秀上爲一時盛作未幾而卒道衡曰人之將死其言也善若此乎

詩集類函卷九十二終

詩集類函卷九十三

東吳俞安期彙纂

新都汪道會增定

新都吳養春訂校

人部三十五

贈二

○贈二

贈梁公

唐王績初

我欲圖世樂斯樂難可常位大招譏嫌祿極生禍殃
聖莫若周公忠豈踰霍光成王已興諸宣帝如負芒
范蠡何智哉單舟戒輕裝疏廣豈不懷策杖還故鄉
朱門雖足悅赤族亦可傷履霜成堅冰知足勝不祥

人部

卷九十三

贈

我今窮家子自言此見長功成皆能退自古誰滅亡

贈程處士

唐王績初

百年長擾擾萬事悉悠悠日光隨意落河水任情流
禮樂囚姬旦詩書縛孔丘不如高枕上時取醉消愁
薛記室收過莊見尋率題古意以贈

唐王績初

伊昔逢一作喪亂歷數適一作當餘豺狼塞衢路桑

梓成丘墟吾一作余及爾自一作東西各異居爾為一作背

風鳥我為涸轍魚逮承雲雷後欣逢天地初東川

州一作聊下釣南畝試揮鋤資稅幸不及伏臘常有儲

散誕時須酒蕭條懶向書朽木不可雕短翮將焉據

故人有深契過我蓬蒿廬曳裾一作復出門迎握手登

前除相看非舊顏一作顏色非對接忽一作若形骸踈追道

憚宿昔事切切心相於憶我年少時攜手遊東渠梅

李夾兩岍花枝何扶疏同志亦不多西莊有姚徐管

愛陶淵明酌醴焚枯魚嘗學公孫弘策杖牧羣猪追

念甫如昨奄忽成空虛人生詎能幾歲歲一作感常不

舒賴有北山僧教我以真如使我視聽遣自覺塵累

祛何事須筌蹄今已得免魚舊遊儻多暇同此釋紛

拏

人部

卷九十三

二

贈李十四二首

唐王勃初

野客思茅宇山人愛竹林琴尊惟待處風月自相尋

二

亂竹開三逕飛花滿四鄰從來揚子宅別有尚玄人

贈益府裴錄事

唐盧照鄰初

忽忽歲云暮相望限風煙長歌欲對酒危坐遂停絃

停絃變霜露對酒懷朋故朝看桂蟾晚夜聞鴻鴈度

鴻度何時還桂晚不可攀浮雲映丹壑明月滿青山

青山雲路深丹壑月華臨耿耿離憂積空令星鬢侵

贈益府羣官

唐盧照鄰初

一鳥自北燕飛來向西蜀單棲劍門上獨舞崑山足
昂藏多古貌哀怨有新曲羣鳳從之遊問之何所欲
答言寒鄉子飄飄萬餘里不息惡木枝不飲盜泉水
常思稻粱遇願棲梧桐樹智者不我邀愚夫余不顧
所以成獨坐耿耿歲云暮日夕苦風霜思歸赴洛陽
羽翮毛衣短關山道路長明月流客思白雲迷故鄉
誰能借風便一舉凌蒼蒼

在江南贈宋五之問

唐駱賓王初

并絡雙源潯陽侯九派長淪波通地穴委輸下歸塘
別島籠朝蜃連洲擁夕陽韞珠成積潤讓璧動浮光

人部

卷九十三

七

浮光凝折水積潤疎圓吐玉輪涵地開劍匣連星起
風煙標迥秀英靈信多美懷德踐遺芳端操慙謀已
謀已謬觀光牽跡強慙惶揆拙迷三省勞生昧兩忘
彈隋空歛笑獻楚自多傷一朝殊語默千里易炎涼
炎涼幾遷貿川陸疲臻轅積水架吳濤連山橫楚岫
風月雖殊昔星河猶是舊姑蘇望南浦邯鄲通北走
北走平生親南浦別離津瀟湘一起忽洞庭多苦辛
秋江無綠芷寒潭有白蘋采之將何遺故人漳水濱
漳濱已遼遠江潭未旋返爲聽短歌行尚想長洲苑
露金蘆菊軒風颿搖蘭坂蟬鳴稻葉秋鴈起蘆花晚

晚秋雲日明亭臯風露清獨負平生氣空牽搖落情
占星非聚德夢月詎懸名寂寥傷楚奏淒斷泣秦聲
秦聲懷舊里楚奏悲無已郢路少知音叢臺富奇士
溫輝凌愛日壯氣驚寒水一顧重風雲三冬足文史
文史盛紛綸京洛多風塵猶輕五車富木重一囊貧
李仙非易託蘇鬼曲難因不惜勞歌盡誰爲聽陽春
夏日遊德州贈高四并序 唐駱賓王初

夫在心爲志發言爲詩詩有不得盡言言有不得
盡意僕少負不羈長逾虛誕讀書頗存涉獵學劍
不待窮工進不能矯翰龍雲退不能棲神豹霧撫

人部

卷九十三

四

循諸已深覺勞生而太夫人在堂義須捧檄因仰
長安而就日赴帝鄉以望雲雖史闕三冬而書勞
十上嗟乎入門自媚誰相謂言致使君門隔於九
重中堂遠於千里旣而交非得免路是亡羊敬止
醉廬竭來初服遂得載披玉葉欵洽金蘭傾意氣
於一言締風期於千祀雖交因意合資得意以敦
交道契言忘少寄言而筌道是以輕投木李以代
疏麻章句繁蕪心神媿庶瞻雅韻竚望報章則
紫氣連星開龍文於劍匣素輝虧月頻驪頷於珠
怡云爾

日觀鄰全趙星臨俯舊吳
紫電浮劍匣青山孕寶符
封疆恢霸道問鼎競雄圖
神光包四大皇威震八區
風煙連地軸星象正天樞
天樞限南北地軸殊鄉國
關門通舜賓比屋封堯德
言謝垂鈞隱來參負鼎職
天子不見知羣公詎相識
未展從東駿空戢圖南翼
時命欲何言撫膺長歎息
歎息將如何遊人意氣多
白雪一作雲梁山曲寒風易
水歌泣魏傷吳起思趙切
廉頗妻斷韓王劍生死翟
公羅羅悲翟公意劍負韓
王氣驕餌去易論忌途良
可畏夙昔懷江海平生混
涇渭千載莽風雲一官忘
人部

卷九十三

五

賤貴去去訪林泉空谷有遺賢
言投爵里刺來泛野人
船締交君贈編投分我忘筌
成風郢匠斲流水伯牙絃
牙絃忘道術漳濱恣閑逸
聊安張蔚廬詎掃陳蕃室
虛室狎招尋敬愛混浮沈
一諾黃金信三復白圭心
霜松貞雅節月桂朗冲襟
靈臺萬頃濬學府九流深
談玄明毀壁拾紫甌籊籊金鸞
鸞開筆海鳳彩綴詞
林林虛星華映水澈霞光淨
霞水兩分紅川源四望通
霧捲天山靜煙銷太史空
鳥聲流迴薄蝶影亂芳叢
柳陰低垂水荷氣上薰風
風月芳菲節物華紛可悅
將歡促席賞遽爾又歸別
積水帶吳門通波連

禹穴贈言雖欲盡機心
庶應絕潘岳本自閑梁鴻
不因熱一飄欣狎遁三月
聊棲拙棲拙隱金華狎遁訪
仙槎放曠愚公谷消散野
人家一頃南山豆五色東
陵瓜野人栽薛荔山酒酌
藤花白雲離望遠青谿隱
路賒儻憶幽巖桂猶真折
疎麻

題祀山烽樹贈喬十二侍御
唐陳子昂初

漢庭榮巧宦雲閣薄邊功
可憐驄馬使白首爲誰雄

贈趙六貞固二首
唐陳子昂初

回中烽火入塞上追兵起
此時邊朔寒登隴思君子
東顧望漢京南山雲霧裏

人部

卷九十三

六

赤螭媚其形婉變蒼梧杳
昔者瑯琊子躬耕亦慨然
美人豈遐曠之子乃前賢
良辰在何許白日屢頽遷
道心固微密神用無留連
舒可彌宇宙攬之不盈拳
蓬蒿久蕪沒金石徒精堅
良寶委短褐閑琴獨嬋娟

贈崔融二十韻
唐杜審言初

十年俱薄宦萬里各他方
雲天斷書札風土異炎涼
太息幽蘭紫勞歌奇樹黃
日疑懷叔度夜似憶真長
北使從江左東歸在洛陽
相逢慰疇昔相對叙存亡
草深窮巷毀竹盡故園荒
雅節君彌固衰顏余自傷
人事盈虛改交遊寵辱妨
雀羅爭去翟鸛鷺競尋王

思極歡娛至朋情記可忘琴尊橫宴席巖沼一作臥
詞揚連騎追佳賞城中及路傍三川宿雨霽四月晚
花芳復此開懸榻寧唯入後堂與酣鸚鵡舞言洽鳳
凰翔高選俄遷職嚴程已飭裝撫躬銜道義攜手戀
輝光玉振先推美金銘舊所防勿嗟離別易行役共
時康

贈唐祖二子

唐王翰初

鴻飛遵枉渚鹿鳴思故羣物情尚勞愛况乃余別君
別時花始發別後蘭再薰瑤觴滋白露寶瑟凝涼氛
徘徊北林月悵望南山雲雲月眇千里音微不可聞
人部 卷九十三 七

贈廣平公宋大

唐張說初

亞相本時英歸來復國楨朝推長孺直野慕隱之清
傳節還闕障皇恩入漢京寧思江上老歲晏寒無成
贈崔公 唐張說初

我聞西漢日四老南山幽長歌紫芝秀高卧白雲浮
朝野光塵絕榛蕪年貌秋一朝驅駟馬連袂入龍樓
昔遁高皇去今從太子遊行藏唯聖節福禍在人謀
卒能匡惠帝豈不賴留侯事隨年代遠名與圖籍留
平生飲淳德慷慨景前修蚌蛤伺陰兔蛟龍望斗牛
無差異飛伏同氣幸相求

贈趙侍御

唐張說初

祿放跡異端偏荒事同寒荷忘風波累俱會雲壑踐
險式壓西湖倚廬對南峴夜樓江月入朝幌山雲卷
山勢遠濤連江途斜漢轉坐嘯子多暇行吟子獨善
並轡躡郊郭方舟玩遊演虛聲萬籟分水色千里辨
不知听陰謝再見春露滋綠壤發欣顏華年助蟲篆
上世時難接古人情可選泊渚煩為媒多才怨成編
長沙鵬作賦任道可知淺請從三已心榮辱兩都遣
古意贈孫翊一作崔 唐余仁友初

贈寶蔡二記室入蜀

唐陳政初

雲日落廣廈鶯花對孤琴琴中多苦調悽切誰復尋
崑山積良寶大廈構衆材馬卿委官去鄒子背淮來
風流信多美朝夕豫平臺逸翮獨不羣清才復道上
六輔昔雄名二江今振響英華雖外發磨琢終內朗
四海奮羽儀清風久播馳沈鬱材難厠青山翻易阻
迴首望煙霞誰知慕儔侶飄然不繫舟為情自可求
若奉西園夜浩想北牕愁無因逐萍藻從爾泛清流

贈李頎

唐王維盛

聞君餌丹砂甚有好顏色不知從今去幾時生羽翼

王母翳華芝望爾崑崙側文螭從赤豹萬里方一息
悲哉世上人甘此羶腥食

贈裴十迪

唐王維盛

風景日夕佳與君賦新詩澹然望遠空如意方支願
春風動百草蘭蕙生我籬暖暖日暖閨田家來致詞
欣欣春還皇淡淡水生陂桃李雖未開萼萼滿芳枝
請君理還策敢告將農時

贈裴迪

唐王維盛

不相見不相見來久日日泉水頭常憶同攜手攜手
本同心復歎忽分襟相憶今如此相思深不深

人部

卷九十三

九

贈

座上走筆贈薛璩慕容損

唐王維盛

希世無高節絕跡有卑棲君徒視人文吾固和天倪
緬然萬物始及與羣牧齊分地依后稷用天信重黎
春風何豫人令我思東谿草色有佳意花枝稍含萼
更待風景好與君藉淒淒

贈祖三詠

唐王維盛

蟪蛄挂虛牖蟋蟀鳴前除歲晏涼風至君子復何如
高館闌無人離居不可道關門寂已閉落日照秋草
雖有近音信千里阻河關中復客汝潁去年歸舊山
結交二十載不得一日展貧病子既深契關余不淺

仲秋雖未歸暮秋以爲期良會詎幾日終自長相思

贈房盧氏瑄

唐王維盛

達人無不可忘已愛蒼生豈復少十室絃歌在兩楹
浮人日已歸但坐事農耕桑榆樽相望邑里多雞鳴
秋山一何淨蒼翠臨寒城視事兼偃卧對書不簪纓
蕭條人吏疎鳥雀下空庭鄙夫心所向晚節異平生
將從海岳居守靜解天刑或可累安邑茅茨君試營

贈張五弟諶三首

唐王維盛

吾弟東山時心尚一何遠日高猶自卧鐘動始能飯
領上髮未梳牀頭書不卷清川興悠悠空林對偃蹇

人部

卷九十三

十

贈

青苔石上淨細草松下軟牕外鳥聲閑階前虎心善
徒然萬象多澹爾太虛緬一知與物平自顧爲人淺
對君忽自得浮念不煩遣

張弟五車書讀書仍隱居染翰過草聖賦詩輕子虛
閉門二室下隱居十年餘宛是野人野時從漁父漁
秋風日蕭索五柳高且疎望此去人世渡水向吾廬
歲晏同攜手只應君與予

設罝守竟兔垂釣伺游鱗此是安口腹非關慕隱淪
吾生好清淨蔬食去情塵今子方豪蕩思爲鼎食人
我家南山下動息自遺身入鳥不相亂見獸皆相親

雲霞成伴侶虛白侍衣巾何事須夫子邀予谷口真

贈劉藍田

唐王維盛

籬中大犬吠出屋候柴扉歲晏輪井稅山村人夜歸
晚田始家食餘布成我衣詎肯無公事煩君問是非

贈吳官

唐王維盛

長安客舍熱如煮無箇茗糜難御暑空搖白團其諦
苦欲向縹囊還歸旅江鄉鱗鮓不寄來秦人湯餅那
堪許不如儂家任挑達草齋嶠嶢富春渚

贈徐中書望終南山歌

唐王維盛

晚下兮紫微悵塵事兮多違駐馬兮雙樹望青山兮

八部

卷九十三

十一

贈

不歸

贈范金卿二首

唐李白盛

君子枉清盼不知東走迷離家未幾日絡緯鳴中閨
桃李君不言攀花願成蹊那能吐芳信惠好相招攜
我有結綠珍久藏濁水泥時人棄此物乃與燕珉齊
撫拭欲贈之申眉路無梯遼東慙白豕楚客羞山雞
徒有獻芹心終流泣玉啼祗應自索莫留古石山妻

二

范宰不買名絃歌對前楹爲邦默自化日覺水壺清
百里雞犬靜千廬機杼鳴浮人少蕩析愛客多逢迎

遊子覩佳政因之聽頌聲

贈武十七諤并序

唐李白盛

門人武諤深於義者也質木沈悍慕要離之風潛
釣川海不數數於世間事聞中原作難西來訪余
余愛子伯禽在魯許將冒胡兵以致之酒酣感激
援筆而贈

馬如一匹練明日過吳門乃是要離客西來欲報恩
笑開燕匕首拂拭竟無言狄犬侵伊洛天津成塞垣
愛子隔東魯空悲腸斷後林回棄白璧千里阻同奔
君爲我致之輕賫涉淮源精誠合天道不愧遠遊覓

八部

卷九十三

十二

贈

早秋贈裴十七仲堪

唐李白盛

遠游動風色吹愁落天涯南星變大火熱氣餘丹霞
光景不可迴六龍轉天車荆人泣美玉魯叟悲匏瓜
功業若夢裏撫琴發長嗟裴生信英邁崛起多才華
歷抵海岱豪結交魯朱家復攜兩少妾艷色驚荷花
雙歌入青雲但惜白日斜窮漠出寶貝大澤饒龍蛇
明主儻見收煙霄路非賒時命若不會歸應鍊丹砂

贈溧陽宋少府陟

唐李白盛

李斯未相秦且逐東門兔宋玉事襄王能爲高唐賦
常聞綠水曲忽此相逢遇掃灑青天開豁然披雲霧

威蕤紫鸞鳥巢在崑山樹驚風西北吹飛落南溟去
早懷經濟策特受龍顏顧白玉棲青蠅君臣忽行路
人生感分義貴欲呈丹素何日清中原相期廓天步
贈秋浦柳少府
唐李白盛

贈崔諮議

唐李白盛

驟驥本天馬素非伏櫪駒長嘶向清風倏忽凌九區
何言西北至却走東南隅世道有翻覆前期難預圖

人部

卷九十三

十三

贈

希君一剪拂猶可聘中衢

贈饒陽張司戶璣

唐李白盛

朝飲蒼梧泉夕棲碧海煙寧知鸞鳳意遠託椅桐前
慕蘭豈襲李舉嵇是當年愧非黃石老安識子房賢
功業嗟落日容華棄徂川一語已道意三山期著鞭
蹉跎人間世寥落壺中天獨見遊物祖探元窮化先
何當共攜手相與排冥筌

贈崔侍御

唐李白盛

長劍一杯酒男兒方寸心洛陽因劇孟託宿話胸襟
但仰山岳秀不知江海深長安復攜手再顧重千金

君乃軒轅佐余叨翰墨林高風摧秀木驚彈落虛禽
不取回舟興而來命駕尋扶搖因借便桃李願成陰
笑吐張儀舌愁爲莊舄吟誰憐明月夜腸斷聽秋砧
贈崔郎中宗之
唐李白盛

胡鷹拂海翼翔翔鳴素秋驚雲辭沙朔飄蕩迷河洲
有如飛蓬人去逐萬里遊登高望浮雲影如舊丘
日從海傍沒水向天邊流長嘯倚孤劍目極心悠悠
歲晏歸去來富貴安所求仲尼七十說歷聘莫見收
魯連逃千金珪組豈可酬時哉苟不會草木爲我儔
希君同攜手長往南山幽

人部

卷九十三

十四

贈

贈何七判官昌浩

唐李白盛

有時忽惆悵匡坐至夜分平明空嘯咤思欲解世紛
心隨長風去吹散萬里雲蓋作濟南生九十誦古文
不然拂劍起沙漠收奇勳老死田陌間何因揚清芬
夫子今管樂英才冠三軍終與同出處豈將沮溺羣
贈裴司馬
唐李白盛

翡翠黃金縷繡成歌舞衣若無雲間月誰可比光輝
秀色一如此多爲衆女譏君恩移昔愛失寵秋風歸
愁苦不窺鄰泣上流黃機天寒素手冷夜長燭復微
十日不滿匹鬢蓬亂若絲猶是可憐人容華世中稀

向君發皓齒顧我莫相違

贈韋秘書子春二首

宋本作一首

唐李白盛

谷口鄭子直躬耕在巖石高名動京師天下皆籍籍
斯人竟不起雲卧從所適苟無濟世心獨善亦何益
惟君家世者偃息逢休明談天信浩蕩說劍紛縱橫
謝公不徒然起來為蒼生秘書何寂寂無乃羈豪英
且復歸碧山安能戀金闕舊宅樵漁地蓬蒿已應沒
却顧女几峰胡顏見雲月

徒為風塵苦一官已白鬚氣同萬里合訪我來瓊都
披雲觀青天捫虱話良圖留侯將綺里出處未云殊

人部

卷九十三

十五

贈

終與安社稷功成去五湖

贈常侍御

唐李白盛

安石在東山無心濟天下一起振橫流功成復蕭灑
大賢有卷舒李葉輕風雅匡復屬何人君為知音者
傳聞武安將氣振長平瓦燕趙期洗清周秦保宗社
登朝若有言為訪南遷賈

贈韋侍御黃裳二首

唐李白盛

太華生長松亭亭凌霜雪天與百尺高豈為微颺折
桃李賣陽艷路人行且迷春光掃地盡碧葉成黃泥
願君學長松慎勿作桃李受屈不改心然後知君子

二

見君乘驄馬知上太山道此地果摧輪全身以為寶
我如豐年玉棄置秋田草但勗冰壺心無為歎衰老

贈王漢陽

唐李白盛

天落白玉棺王喬辭葉縣一去未千年漢陽復相見
猶乘飛鳧為尚識仙人面鬚髮何青青童顏皎如練
吾曾弄海水清淺嗟三變果慙麻姑言時光速流電
與君數杯酒可以窮歡宴白雪歸去來何事坐交戰

贈徐安宜

唐李白盛

白田見楚老歌詠徐安宜製錦不擇地操刀良在茲

人部

卷九十三

十六

贈

清風動百里惠化聞京師浮人若雲歸耕種滿郊岐
川光淨麥隴日色明桑枝訟息但長嘯賓來或解頰
青槐拂戶牖白水流園池遊子滯安邑懷恩未忍辭
繫君樹桃李歲晚託深期

於五松山贈南陵常贊府

唐李白盛

為草當作蘭為木當作松蘭幽香風遠松寒不改容
松蘭相因依蕭艾徒丰茸雞與雞並食鸞與鸞同枝
棟珠去沙礫但有珠相隨遠客投名賢直堪寫懷抱
若惜方寸心待誰可傾倒虞卿去趙相便與魏齊行
海上五百人同日死田橫當時不好賢豈傳千古名

願君同心人於我少留情寂寂還寂寂出門迷所適
長銑歸來平秋風思歸客

贈宣城宇文太守兼呈崔侍御 唐李白 盛

白如白鷺鮮清如清唳蟬受氣有本性不爲外物遷
飲水箕山上食雪首陽巔迴車避朝歌掩口去盜泉
岩巖廣成子僊儻骨仲連卓絕二公外丹心無間然
昔楚六龍飛今作百鍊鉛懷恩欲報主投珮向北燕
彎弓綠絃開滿月不憚堅閑騎駿馬獵一射兩虎穿
回旋若流光轉背落雙鳶胡虜三歎息兼知五兵權
鎗鎗突雲將却掩我之妍多逢勦絕兒先著祖生鞭

人部 卷九十三 十七 贈

據鞍空襲鑠壯志竟誰宜蹉跎復來歸憂恨坐相煎
無風難破浪失計長江邊危苦惜顏光金波急三圓
時遊敬亭上閒聽松風眠或弄宛谿月虛舟信洄沿
顏公二十萬盡付酒家錢興發每取之聊向酒中仙
過此無一事靜談秋水篇君從九卿來水國有豐年
魚鹽滿市井布帛如雲煙下馬不作威水壺照清川
霜眉邑中叟皆美太守賢時時慰風俗往往出東田
竹馬數小兒拜迎白鹿前含笑問使君日晚可回旋
遂歸池上酌掩抑清風絃曾標橫浮雲下撫謝朓肩
樓高碧海出樹古清蘿懸光祿紫霞杯伊昔忝相傳

良圖掃沙漠別夢繞旌旄富貴日成疎願言香無緣
登龍有直道倚玉阻芳筵敢獻繞朝策忠同郭泰船
何言一水淺似隔九重天崔生何傲岸縱酒復談玄
身爲名公子英才苦迍邅鳴鳳托高梧凌風何翩翩
安知慕羣客彈劍拂秋蓮

書情贈蔡舍人雄 唐李白 盛

晉高謝太傅攜妓東山門楚舞醉碧雲吳歌斷清猿
暫因蒼生起談笑安愁元余亦愛此人丹霄冀飛翮
遭逢聖明主敢進興亡言白璧竟何辜青蠅遂成冤
一朝去京國十載客梁園猛犬吠九關殺人憤精魂

人部 卷九十三 十八 贈

皇穹雪冤枉白日開氛昏泰階得夢龍桃李滿中原
倒海索明月凌山採芳蓀愧無橫草功虛負雨露恩
跡謝雲臺閣心隨天馬轅夫子王佐才而今誰復論
層飈振六翮不日思騰鶩我縱五湖棹煙濤恣崩奔
夢釣子陵湍英風緬猶存徒希客星隱弱植不足援
千里一回首萬里一長歌黃鶴不復來清風奈愁何
舟浮瀟湘月山倒洞庭波投汨笑古人臨濠得天和
閒時田畝中搔背牧雞鵝別離解相訪應在武陵多

陳情贈友人 唐李白 盛

延陵有寶劍價重千黃金觀風歷上國暗許故人深

歸來挂墳松萬古知其心懦夫感達節壯志激青衿
鮑生薦夷吾一舉置齊相斯人無良朋豈有青雲望
臨財不苟取推分固辭讓後世稱其賢英風邈難尚
論文但若此友道孰云喪多君騁逸藻掩映當時人
舒文振頽波秉德觀彝倫卜居乃此地共井爲比鄰
清琴弄雲月美酒娛冬春薄德中見捐忽之如遺塵
英豪未豹變自古多艱辛他人縱以疎君意宜獨親
奈何成離居相去復幾許飄風吹雲霓蔽目不得語
投珠冀相報按劍恐相距所思採芳蘭欲贈隔荆渚
沈憂心七醉積恨淚如雨願假東壁輝餘光照貧女

人部

卷九十五

十九

江夏贈韋南陵水

唐李白 盛

胡驕馬驚沙塵起胡雛飲馬天津水君爲張掖近酒
泉我竄三巴九千里天地再新法令寬夜郎遷客帶
霜寒西憶故人不可見東風吹夢到長安寧期此地
忽相遇驚豈是如墮煙霧玉簫金管喧四筵苦心不
得申長句昨日繡衣傾綠樽病如桃李竟何言昔騎
天子大宛馬今乘款段諸侯門賴遇南平豁方寸復
兼夫子持清論有似山開萬里雲四望青天解八閭
人悶還心悶苦辛長苦辛愁來飲酒二千石寒灰重
暖生陽春山公醉後能騎馬別是風流賢主人頭陀

雲月多僧氣山水何曾稱人意不然鳴笳按鼓戲滄
流呼取江南女兒歌棹謳我且爲君提碎黃鶴樓君
亦爲我倒却鸚鵡洲赤壁爭雄如夢裏且須歌舞寬
離憂

江上贈寶長史

唐李白 盛

漢求李布魯朱家楚逐伍胥去章華萬里南遷夜郎
國三年歸及長風沙聞道青雲貴公子錦帆遊戲西
江水人疑天上坐樓船水淨霞明兩重綺相約相期
何太深棹歌搖艇月中尋不同珠履三千客別欲論
交一片心

人部

卷九十五

二十

駕去溫泉宮後贈楊山人

唐李白 盛

少年落魄楚漢間風塵蕭瑟多苦顏自言管葛竟誰
許長吁莫錯還閉關一朝君王垂拂拭剖心輸膽雪
胸臆忽蒙白日迴景光直上青雲生羽翼幸陪鸞輦
出鴻都身騎飛龍天馬駒王公大人借顏色金章紫
綬來相趨當時結交何紛紛片言道合惟有君待君
盡節報明主然後相攜卧白雲

贈裴十四

唐李白 盛

朝見裴叔則朗如行玉山黃河落天走東海萬里寫
人胸僕聞身騎白龍不敢渡金高南山買君顧徘徊

六合無相知飄若浮雲且西去

贈孟浩然

唐李白 盛

吾愛孟夫子風流天下聞紅顏棄軒冕白首卧松雲
醉月頻中聖迷花不事君高山安可仰徒此揖清芬

贈柳圓

唐李白 盛

竹實滿秋浦鳳來何苦饑還同月下鵲三繞未安枝
夫子卽瓊樹傾柯拂羽儀懷君戀明德歸去日相思

贈郭李鷹

唐李白 盛

河東郭有道於世若浮雲盛德無我位清光獨映君
耻將雞並食長與鳳爲羣一擊九千仞相期凌紫氛

人部

卷九

三

贈任城盧主簿

唐李白 盛

海鳥知天風竄身魯門東臨觴不能飲矯翼思凌空
鐘鼓不爲樂煙霞誰與同歸飛未忍去流淚謝鴛鴻

贈薛校書

唐李白 盛

我有吳越曲無人知此音姑蘇成蔓草麋鹿空悲吟
未誇觀濤作空鬱釣鼇心舉手謝東海虛行歸故林

贈臨洛縣令皓弟

唐李白 盛

陶令去彭澤茫然太古心大音自成曲但奏無絃琴
釣水路非遠連鰲意何深終期龍伯國與爾相招尋

贈崔侍御

唐李白 盛

黃河一尺鯉本在孟津居點額不成龍歸來伴凡魚
故人東海客一見借吹噓風濤儻相見更欲凌昆墟

江夏使君叔席上贈史郎中 唐李白 盛

鳳凰丹禁裏銜出紫泥書放三湘去今還萬死餘
仙郎久爲別客舍問何如涸轍思流水浮雲失舊居
多暫華省貴不以逐臣疎復如竹林下叨陪芳宴初
希君生羽翼一化北溟魚

贈盧司戶

唐李白 盛

秋色無遠近出門盡寒山白雲遙相識待我蒼梧間
借問盧耽鶴西飛幾歲還

人部

卷九

三

贈李白

唐杜甫 盛

二年客東都所歷厭機巧野人對羶腥蔬食常不飽
豈無青精飯使我顏色好苦乏大藥資山林跡如掃
李侯金闥彥脫身事幽討亦有梁宋遊方期拾瑤草

贈鄭十八賁

唐杜甫 盛

溫溫士君子令我懷抱盡靈芝冠衆芳安得闕親近
遭亂意不歸窺身跡非隱細人尚姑息吾子色愈謹
高懷見物理識者安肯哂卑飛欲何待捷徑應未忍
示我百篇文詩家一標準羈離交屈宋牢落值顏閔
水陸迷畏途藥餌駐脩軫古人日已遠青史字不泯

步趾詠唐虞追隨飮葵葦數杯資好事異味煩縣尹
心雖在朝謁力與願矛盾抱病排金門衰容豈爲歟

贈衛八處士

唐杜甫

人生不相見動如參與商今夕復何夕共此燈燭光
少壯能幾時鬢髮各已蒼訪舊半爲鬼驚呼熱中腸
焉知二十載重上君子堂昔別君未婚兒女忽成行
怡然敬父執問我來何方問答乃未已驅兒羅酒漿
夜雨翦春韭新炊間黃粱主稱會同難一舉累十觴
十觴亦不醉感子故意長明日隔山嶽世事兩茫茫
奉贈射洪李四丈

唐杜甫

人部

卷九十三

三

丈人屋上烏人好鳥亦好人生意氣豁不在相逢早
南京亂初定所向色枯槁遊子無根株茅齋付秋草
東征下月峽挂席窮海島萬里須十金妻孥未相保
蒼茫風塵際踴躍躋麒麟老志士懷感傷心胸已傾倒

贈蘇溪

唐杜甫

異縣昔同遊各云厭轉蓬別離已五年尚在行李中
戎馬日衰息乘輿安九重有才何棲棲將老委所窮
爲郎未爲賤其奈疾病攻子何面黧黑焉得豁心胸
巴蜀倦剽劫下愚成土風幽薊已削平荒徼尚蹙弓
斯人脫身來豈非吾道東乾坤雖寬大所適裝囊空

肉食晒菜色少壯欺老翁況乃主客間古來偏側同
君今下荆揚獨帆如飛鴻三州豪俠場人馬皆自雄
一請甘饑寒再請甘養蒙

贈華陽柳少府

唐杜甫

繫馬喬木間問人野寺門柳侯披衣笑見我顏色溫
並坐石堂下俛視大江奔火雲洗月露絕壁上朝暾
自非曉相訪觸熱生病根南方六七月出入異中原
老少多暍死汗踰水漿翻俊才得之子筋力不辭煩
指揮當世事語及戎馬存涕淚濺我裳悲氣一作排
帝閭鬱陶抱長策義仗知者論吾衰卧江漢但愧識

人部

卷九十三

三

璵璠文章一小伎於道未爲尊起予幸班白因是託
子孫俱客古信州結廬依毀垣相去四五里徑微山
葉繁時危挹佳士况免軍旅喧醉從趙女舞歌鼓秦
人盆子壯顧我傷我驩兼淚痕餘生如過鳥故里今
空村

贈崔十三評事公輔

唐杜甫

飄飄西極馬來自渥洼池颯颯定一作山桂低回風
雨枝我聞龍正直道屈爾何爲且有元戎命悲歌識
者誰官聯辭冗長行路徒歌危脫劍主人贈去帆春
色隨陰沈鐵鳳闕教練羽林兒天子朝侵早雲臺仗

數移分軍應供給百姓日支離黠吏因封已公才或
守雌燕王買駿骨渭老得能罷活國名公在拜壇羣
寇疑冰壺動瑤碧野水失蛟螭入幕諸彥集渴賢高
選宜騫騰坐可致九萬起於斯復進出矛戟昭然開
鼎彝會看之子貴歎及老夫衰豈但江曾決還思霧
一披暗塵生古鏡拂匣照西施舅氏多人物無慙困
翻垂

贈孟氏
唐杜甫 盛

孟氏好兄弟養親唯小園承顏抵手足坐客強盤餐
負米力葵外讀書秋樹根卜鄰慙近舍訓子覺先門
人部 卷九十三 王五 贈

贈畢四
唐杜甫 盛

才大今詩伯家貧苦宦卑饑寒奴僕賤顏狀老翁為
同調嗟誰惜論文笑自知流傳江鮑體相顧免無兒

贈高式顏
唐杜甫 盛

昔別是何處相逢皆老夫故人還寂寞削跡共艱虞
自失論文友空知賣酒壚平生飛動意見爾不能無

奉贈王中允維
唐杜甫 盛

中允聲名久如今契闊深共傳收庾信不比得陳琳
一病緣明主三年獨此心窮愁應有作試誦白頭吟

奉贈嚴八閣老
唐杜甫 盛

扈聖登黃閣明公獨妙年蛟龍得雲雨鵬鵠在秋天
客禮仍疎放官曹可接聯新詩句句好應任老夫傳
戲贈閬鄉秦少府短歌 唐杜甫 盛

短歌行贈王郎司直
唐杜甫 盛

王郎酒酣拔劍斫地歌莫哀我能拔爾抑塞磊落之
奇才豫樟翻風白日動鯨魚跋浪滄溟開且脫劍佩
休徘徊西得諸侯棹錦水欲向何門取珠履仲宣樓
人部 卷九十三 王六 贈

移居公安敬贈衛大郎
唐杜甫 盛

衛侯不易得余病汝知之雅量涵高遠清襟照等夷
平生感意氣少小愛文辭河海由來合風雲若有期
形容勞宇宙質朴謝軒墀自古幽人泣流年壯士悲
水煙通徑草秋露接園葵入邑豺狼鬪傷弓鳥雀饑
白頭供宴語烏几伴棲遲交態遭輕薄今朝豁所思

贈王二十四侍御契四十韻
唐杜甫 盛

往往雖相見飄飄媿此身不關輕紱冕俱是避風塵
一別星橋夜三移斗柄春敗亡非赤壁奔走為黃巾

子去何瀟灑余藏異隱淪書成無過鴈衣故有懸鵲
恐懼行裝數伶俜卧疾頻曉鶯工迸淚秋月解傷神
會面嗟驚黑合悽話苦辛接輿還入楚王粲不歸秦
錦里殘丹竈花谿得釣綸消中祇自惜晚起索誰親
伏柱聞周史乘槎似漢臣鴛鴻不易仰龍虎未宜馴
客即挂冠至交非傾蓋新由來意氣合直取性情真
浪跡同生死無心耻賤貧偶然存蔗芋幸各對松筠
麤飯依他日窮愁怪此辰女長裁褐穩男大卷書勻
湖口江如練蠶崖雪似銀名園當翠嶺野棹沒青蘋
屢喜王侯宅時邀江海人追隨不覺晚欵曲動彌旬

人部

卷九主

三

贈

但使芝蘭秀何須棟宇鄰山陽無俗物鄭驛正留賓
出入並鞍馬光輝忝席珍重遊先主廟更歷少城園
石鏡通幽魄琴臺隱絳唇送終惟糞土結愛獨荆榛
置酒高林下觀基積水濱區區甘累斫稍稍息勞筋
網聚粘圓鯽絲繁煮細尊長歌敲柳瘦小睡凭藤輪
農月須知課田家敢忘勤浮生難去食良會惜清晨
列國兵戈暗今王德教淳要聞除狹偷休作盡麒麟
洗眼看輕薄虛懷任屈伸莫令膠漆地萬古重雷陳

贈裴南部

唐杜甫 盛

塵滿萊蕪堂橫單父琴人皆知飲水公輩不偷金

梁獄書應作秦臺鏡欲臨獨醒時所嫉羣小謗能深
卽出黃沙在應須白髮侵使君傳舊德已見直繩心

贈李白

唐杜甫 盛

秋來相顧尚飄蓬未就丹砂愧葛洪痛飲狂歌宜度
日飛揚跋扈爲誰雄

重贈鄭鍊

唐杜甫 盛

鄭子將行罷使臣囊無一物獻尊親江山路遠羈離
日裘馬誰爲感激人

效古贈崔二

唐高適 盛

十月河洲時一看有歸思風颺生慘烈雨雪暗天地

人部

卷九主

三

贈

我輩今胡爲浩哉迷所至緬懷當途者濟濟居聲位
邈然在雲霄寧肯更淪躋周旋多燕樂門館列車騎
美人芙蓉姿挾室蘭麝氣金爐陳獸炭談笑正得意
豈論草澤中有此枯槁士我慙經濟策久欲甘棄置
君負縱橫才如何尚憔悴長歌增鬱快對酒不能醉
窮達自有時夫子莫下淚

醉後贈張九旭

唐高適 盛

世上謾相識此翁殊不然興來書自聖醉後語尤顛
白髮老閑事青雲在目前牀頭一壺酒能更幾回眠

贈張旭

唐李頎 盛

張公性嗜酒豁達無所營皓首窮草隸時稱太湖精
露頂據胡牀長呌三五聲興來灑素壁揮筆如流星
下舍風蕭條寒草滿戶庭問家何所有生事如浮萍
左手持蟹螯右手執丹經瞪目視霄漢不知醉與醒
諸賓且方坐旭日臨東城荷葉裏江魚白甌貯香杭
微祿心不屑放神於八紘時人不識者卽是安期生

贈史修文

唐沈千運

故人隔千里會面非前期握手於此地當歡返成悲
念離宛如昨俄已二十朞昔昔少年別來鬢如絲
不道舊姓名相逢知是誰曩遊盡羣羣與君仍布衣

人部

卷九

三九

豈曰無其才命理應有時前路漸欲少不覺生涕淚

贈程秘書

唐盧象昇

客自岐陽來吐音若鳴鳳孤飛長不偶獨立誰見用
忽從被褐中召入承明宮聖人借顏色言事無不通
殷勤拯黎庶感激論諸公將相猜賈誼圖書歸馬融
顧余久寂寞一歲麒麟閣且共歌太平勿嗟名宦薄

贈王侍御

唐常建

高山臨大澤正月蘆花乾陽色薰兩崖不改青松寒
士賢守孤貞古來皆共難明君錯任才臺上飛三鸞
操與霜雪明量與江海寬束身視天涯安能窮波瀾

孤鶴在枳棘一枝非所安逸翮望絕霄見欲凌雲端
層臺何其高山石流洪湍固知非天池鳴躍同所歡
誰念獨枯槁四十長江干責躬貴知已効拙從一官
折翮悲高風苦饑候朝餐湖月映大海天空何漫漫
托身未知所謀道庶不刊吟彼喬木詩一夕常三歎

贈喬林

唐張謂

去年上策不見收今年寄食仍淹留羨君有酒能便
醉羨君無錢能不憂如今五侯不待客羨君不入五
侯宅如今七貴方自尊羨君不過七貴門丈夫會應
有知己世上悠悠安足論

人部

卷九

三九

蘭峰贈張九臯

唐祖詠

君王旣巡狩輦路入秦京遠樹低蒼壘孤山入幔城
寒疎禁城漏夜警羽林兵誰念迷方客長懷魏闕情

贈苗發員外

唐祖詠

宿雨朝來歇空山天氣清盤雲變鶴下隔水一蟬鳴
古道黃花落平蕪赤燒生茂陵雖有病猶得伴君行

贈李中華

唐梁銓

莫向松山去神仙多誤人不不如朝魏闕天子重賢臣

詩雋類函卷九十三終

詩集類目卷九十四

東吳俞安期彙纂

新都汪道會增定

新都吳養春訂校

人部三十六

贈三

○贈三

睢陽贈李司倉

唐劉長卿中

白露變時候
蒼聲暮啾啾
飄飄洛陽客
惆悵梁園秋
只為乏生計
爾來成遠遊
一身不家食
萬事從人求
且喜接餘論
足堪資小留
寒城落日後
砧杵令人愁
歸路歲時盡
長河朝夕流
非君深意願
誰復能相憂

人部

卷九十四

劉展平後贈秦贊府

唐劉長卿中

却見同官喜復悲
此生何幸有歸期
空庭客至逢搖落
舊邑人疎經亂離
湘路未過回鴈處
江城卧聽檣衣時
南方風土勞君問
賈誼長沙豈不知

贈元容州

唐劉長卿中

擁旌臨合浦
上印卧長沙
海徼長無戍
湘山獨種畬
政傳通歲貢
才惜過年華
萬里依孤劍
千峰寄一家
累徵期旦暮
未起戀煙霞
避世歌芝草
休官醉菊花
舊遊如夢裏
此別是天涯
何事滄波上
漂漂逐海槎

贈崔九載華

唐劉長卿中

憐君一見一悲歌
歲歲無如老去何
白屋漸看秋草沒
青雲莫道故人多

頃以家事獲謗
因出舊山每荷觀察崔公見知
欲歸未遂感其流寓詩以贈之

唐劉長卿中

初迷武陵路
復出孟嘗門
迴首江南岼
青山與舊恩

贈張南史

唐錢起中

紫泥何日到滄洲
笑向東山沈隱侯
黛色青峰雲外出
穀文江水縣前流
使臣自欲論公道
才子非關厭薄遊
谿畔秋蘭雖可佩
知君不得少停舟

人部

卷九十四

贈李十六

唐錢起中

半面喜投分
數年欽盛名
常思夢顏色
誰憶訪柴荆
忽聽欵扉響
欣然倒屣迎
蓬蒿駐駟馭
雞犬傍簪纓
酌水即嘉宴
新知甚故情
僕夫視日色
栖鳥催車聲
自爾宴言後
至今門館清
何當更乘興
林下已蒼生

奉和王相公秋日戲贈元校書

唐錢起中

才妙心仍遠
名疎跡可追
清秋聞禮暇
新雨到山時
勝事唯愁盡
幽尋不厭遲
弄雲憐鶴去
隔水許僧期
賢相敦高躅
雕龍憶所思
芙蓉洗清露
願比謝公詩

贈王八衢

唐李嘉祐中

丹地偏相逐清江若有期腰金才子貴剖竹老人遲
桂檝閑迎客茶甌對說詩渚田分邑里山桂樹穿園
心靜無華髮人和似古時別君遠山去幽獨更應悲

贈李儋

唐韋應物中

絲桐本異質音響合一作自然吾觀造化意二物相
因緣誤觸龍鳳嘯靜聞寒夜泉心神自安宅煩慮頓
可捐何因知久要絲白漆亦堅

贈盧嵩

唐韋應物中

百川注東海東海無虛盈泥滓不能濁澄波非益清
恬然自安流日照萬里晴雲物不隱象三山共分明

人部

卷九十四

三

贈

奈何疾風怒忽若砥柱傾海水雖無心洪濤亦相驚
怒號在倏忽誰識變化情

贈馮著

唐韋應物中

契闊仕兩京念子亦飄蓬方來屬追往十載事不同
歲晏乃云至微褐還未充慘悽遊子情風雪自關東
華觴發歡顏嘉藻播清風始此盈抱恨曠然一夕中
善蘊豈輕售懷才希國工誰當念素士零落歲華空

贈丘員外二首

唐韋應物中

高詞兼浮靡貞行表鄉閭未真南宮拜聊偃東山居
大藩本多事日與文章疎每一覩之子高詠遂起予

宵畫方連燕煩悵亦頓祛格言雅誨闕善諒矜數餘
久踟思遊曠窮慘遇陽舒虎丘愜登眺炎門悵躊躇
方此戀攜手豈云還舊墟告諸吳子弟文學為何如

二

跡與孤雲遠心將野鶴俱那同石氏子每到府門趨

贈蕭河南

唐韋應物中

厭劇辭京縣懷賢待詔書鄭侯方繼業潘令且閑居
霽後三川冷秋深一作萬木疎對琴無一事新興復
何如

贈王侍御

唐韋應物中

人部

卷九十四

四

贈

心同野鶴與塵遠詩似冰壺見底清府縣同趨昨日
事升沈不改故人情上陽秋晚蕭蕭雨落木寒來夜
夜聲自歎猶為折腰吏一作客可憐驄馬路傍行

贈李儋侍御

唐韋應物中

風光山郡少來看廣陵春殘花猶待客莫問意中人

贈薛戴

唐李端中

曉露忽為霜寒蟬罷還響行人在長道日暮多歸想
射策本何功名登終帳中遂矜立空重不料阮途窮
交結慙時輩龍鍾似老翁機非鄙夫正懶是平生性
歌枕鴻鴈高閉關花藥盛厨煙當雨絕階竹連牕暝

舊業歷胡塵荒原少四鄰毛義心常苦袁安家轉貧
今皇胸臆事當為淚沾巾

贈暢當

并序

唐李端

余少尚神仙且未能去友人暢當以禪門見導余
心知其是未得其門因寄詩以咨焉

少喜神仙術年來久蹉跎壯志一為累浮生事漸多
衰顏不相識歲暮定相過請問宗居士君其奈老何

贈盧綸

唐李端

弱冠家廬岳從師歲月深翻同老夫見殊寡少年心
及此時方晏因之名亦沈趨途非要路避事樂空林

人部

卷九十四

五

贈

素業在山下青泉當樹陰交遊有彫喪離別代追尋
向秀初聞笛鍾期久罷琴殘愁猶滿貌餘淚可沾襟
勿以朱顏好而忘白髮侵終期入靈洞相與鍊黃金

奉贈苗員外

唐李端

朱戶敞高扉青槐礙落暉八龍承慶重三虎遞朝歸
坐竹人聲絕橫琴鳥語稀花慚潘岳貌年稱老萊衣

葉暗新櫻熟絲長粉蝶飛應憐鶯鶯空與故山違

贈胡居士

唐李端

孔融過五十海內故人稀相府恩猶在知君未拂衣
贈韋司直

唐郎士元

聞君感歎二毛初舊友相依萬里餘烽火有時驚暫
定甲兵無處可安居客來吳地星霜久家在平陵音
信疎昨日風光還入戶登山流水意何如

贈李端

唐司空曙

共憶南浮日登高望若何楚田湖草遠江寺海榴多
載酒尋山宿思人帶雪過東西幾迴別此會各蹉跎

贈吏侍御

唐司空曙

年老身無累相逢憶此時雪過雲寺宿酒向竹園期
白髮今催老清琴但起悲唯應逐宗炳內學願為師

贈朱放

唐嚴維

人部

卷九十四

六

贈

昔年居漢水日醉習家池道勝跡長在名高身不知
欲依天目住新自始寧移生事曾無長唯將白接離

贈萬經

唐嚴維

萬公長慢世昨日又隳官縱酒真彭澤論詩得建安
家山伯禹穴別墅小長干輒有時人至廳前白眼看

贈嚴維

唐耿漳

許詢清論重寂寞住山陰野路接寒寺閉門常古林
海田秋熟早湖水夜漁深世上窮通理誰人奈此心

贈王述

唐韓翃

端隨事龍樓思閑輒告休新調赭白馬暫試黑貂裘

珠履迎佳客金錢與莫愁座中豪貴滿誰道不風流

贈張子牛

唐韓愈中

蓬萊闕下是天家上路新迴白鼻駒急管畫催平樂
酒春衣夜宿杜陵花

贈李翼

唐韓愈中

王孫別舍擁朱輪不羨空名樂此身門外碧潭春洗
馬樓前紅燭夜迎人

孟生詩

唐韓愈中

孟生江海士古貌又古心嘗讀古人書謂言古猶今
作詩三百首皆默成池首騎驢到京國欲和薰風琴

人部

卷九十四

七一

豈識天子居九重鬱沈沈一門百太守無籍不可尋
晶光蕩相射旗戟翩以森遷延乍却走驚怪靡自任
舉頭看白日泣涕下霑襟場來遊公卿莫肯低華簪
華蓬風波急桑榆日月侵奈何從進士此路轉崦嵫
異質忌處羣孤芳難寄林誰憐松桂性競愛桃李陰
朝悲辭樹葉夕感歸巢禽顧我多慷慨窮簷時見臨
清宵靜相對髮白吟苦吟我論徐方牧好古天下欽
竹實鳳所食德馨神所歆求觀衆丘小必上泰山岑
求觀衆流細必泛滄溟深子其聽我言可以當所箴
既獲則思返無爲久滯淫下和試三獻期子在秋砧

北極一首贈李觀

唐韓愈中

北極有羈羽南溟有沈鱗川源浩浩隔影響兩無因
風雲一朝會變化成一身誰言道理遠感激疾如神
我年二十五求友昧其人哀歌西京市乃與夫子親
所尚苟同趨賢愚豈異倫方爲金石姿萬世無緇磷
無爲兒女態憔悴悲賤貧

劉生詩

唐韓愈中

生名師命其姓劉自少軒輊非常壽棄家如遺來遠
遊東走梁宋暨揚州遂凌大江極東陬洪濤春天禹
穴幽越女一笑三年留南逾橫嶺入炎州青鯨高磨

人部

卷九十四

八

波山浮怪魅炫曜堆蛟虬山參寥謹謹程程游毒氣
爍體黃膏流問胡不歸良有由美酒傾水肉肥牛奴
歌慢舞爛不收倒心迴腸爲青眸千金邀顧不可酬
乃獨遇之盡綢繆瞥然一餉成千秋昔鬚未生今白
頭五管歷徧無賢侯迴望萬里還家羞陽山窮邑惟
後猴手持釣竿遠相投我爲羅列陳前修艾蒿斬蓬
利鋤耨天星迴環數纔纔周文學穰穰困倉糶車輕御
良馬力優咄哉識路行勿休往取將相酬恩誓

贈崔立之評事

唐韓愈中

崔侯文章苦捷敏高浪駕天輪不盡曾聞關外來上

都隨身卷軸車連軫朝爲百賦猶辭怒暮作千詩轉
道緊搖毫擲簡自不供頃刻青紅浮海屋才豪氣猛
易語言往往蛟螭雜螻蛄知音自古稱難遇世俗乍
見那妨哂勿嫌法官未登朝猶勝赤尉長趨尹時命
雖乖心轉壯技能虛富家逾窘念昔塵埃兩相逢爭
名齟齬持矛盾子時專場誇諸距余始張軍嚴轡制
爾來但欲保封疆莫學龐涓怯孫臏竄逐新歸厭聞
鬧齒髮早衰嗟何悶頻蒙怨句刺棄遺豈有閒官敢
推引深藏篋箭時一發戢戢已多如束筍可憐無益
費精神有似黃金擲虛牝當今聖人求侍從拔擢杞
人部

卷之四

九

梓收楷作箇東馬嚴徐已奮飛枚臯卽召窮且忍
復聞王師西討蜀霜風冽冽催朝菌走章馳檄在得
賢燕雀紛拏要鷹隼竊料二塗必處一豈比恒人長
蠢蠢勸君韜養待徵招不用瑯琊愁肝腎牆根菊花
好沽酒錢帛縱空衣可準暉暉簷日暖且鮮臧臧井
梧疎更殞高士例須憐麴蘖丈夫終莫生畦畛能來
取醉任喧呼死後賢愚俱泯泯

汴泗交流贈張僕射

唐韓愈

汴泗交流郡城角築場十步平如削短垣三面繚逶
迤擊鼓騰騰樹赤旗新秋朝涼未見日公早結束來

何爲分曹決勝約前定百馬攢蹄近相映毬驚杖奮
合且離紅牛纓紱黃金羈則身轉臂著馬腹霹靂應
手神珠馳超遙散漫兩閒暇揮霍紛紜爭變化發難
得巧意氣麗謹聲四合壯士呼此誠習戰非爲劇豈
若安坐行良圖當今忠臣不可得公馬莫走須殺賊

贈鄭兵曹

唐韓愈

樽酒相逢十載前君爲壯夫我少年樽酒相逢十載
後我爲壯夫君白首我材與世不相常戢鱗委翅無
復望當今賢後皆周行君何爲乎亦遲遲杯行到君
莫停手破除萬事無過酒

人部

卷之四

十一

贈唐衢

唐韓愈

虎有爪兮牛有角虎可搏兮牛可觸奈何君獨抱奇
材手把犁鋤餓空谷當今天子急賢良匱面朝出開
明光胡不上書自薦達坐令四海如虞唐

顧十二左遷過韋蘇州房杭州韋睦州三使君

皆有郡中燕集詩辭章高麗鄙夫之所仰慕

顧生既至留連笑語因亦成篇以繼三君子

之風焉

唐劉太真

寵至乃不驚罪及非無由奔迸歷畏途竊適壯偏什
荒陬牧此凋弊自屬當賦歛秋風興涼無補句服焉

敢休前日懷友生獨登城上樓迢迢西北望遠思不
可收今日車騎來曠然銷人憂晨迎東齋飯晚度南
谿遊以我君流水泊君青翰舟莫將遷客程不爲勝
境留飛札謝三守斯篇希見訓

贈崔純亮

唐孟郊中

食齋腸亦苦強歌聲無歡出門卽有礙誰謂天地寬
有礙非遐方長安大道傍小人智慮險平地生太行
鏡破不改光蘭死不改香始知君子心交久道益彰
君心與我懷離別俱迴遑譬如浸槩泉流苦已日長
忍泣目易衰忍憂形易傷項籍非不壯賈生非不良

人部

卷九十四

十一 贈

當其失意時涕泗各沾裳古人勸加餐一作此餐作食
難自強一飯九祝噎一嗟十斷腸況是兒女怨
氣凌彼蒼蒼蒼蒼有知白日下清霜今朝始驚歎一作呼
碧落空茫茫

贈嚴河南

唐孟郊中

君從西省郎正有東洛觀洛民蕭條久威恩憫撫難
苦竹聲嘯雪夜齋聞千竿詩人偶寄耳聽苦心多端

贈鄭大夫魴

唐孟郊中

天地入胸臆吁嗟生風雷文章得其微物象由我裁
宋玉逞大句李白飛狂才苟非聖賢心孰與造化該

勉矣鄭夫子驪珠今始胎

大隱詠二首

唐孟郊中

崔從事郎以直隸職官一作

古人留清風千載遙贈君破松見貞心裂竹看直文
殘月色不改高賢德常新家懷詩書富宅抱草木貧
安得一蹄泉來化千尺鱗含意永不語釣璜幽水濱
章仇將軍良棄功守貧

飲君江海心詎誰一作能辨淺深揖君山岳德誰能齊

嶽岑東海精爲月西嶽氣凝金進則萬景書退則羣
物陰我欲薦此言天門峻沈沈風颺亦感激爲我颺

人部

卷九十四

十一 贈

颺吟

贈韓郎中愈二首

唐孟郊中

何以定一作交契贈君高山石何以保貞堅贈君青

松色貧居過此外無可相彩飾聞君碩鼠詩吟之淚

空滴

碩鼠既穿墉又嚙機上絲穿墉有閑餘一作土嚙絲無餘

餘衣朝吟枯桑柘暮泣穿杼機豈是無巧妙絲斷將

何施衆人上肥華志士多饑羸願君保此節一作願

節天意當察微

贈黔府王中丞楚

唐孟郊中

舊說天下山半在黔中青又聞天下泉半落黔中鳴
山水千萬遶中有君子行儒風一以扇汗俗心皆平
我願中國春化從異方生昔爲陰章毒今爲陽華英
嘉實綴綠蔓涼瀉瀉清聲道遙物景勝視聽空曠并
桐廬山中贈李明府
唐孟郊中

贈蘇州韋郎中使君

唐孟郊中

嘉木依性植曲枝亦不生蘋萍一浪草掀蒲片池榮
人部 卷九十四 十三 贈

曾是康樂詠如今塞其英顧惟菲薄質亦願將此并
困驥猶在轅沈珠尚隱精路遐莫及盼泥汙日已盈
歲晏將何從落葉甘自輕

贈王樞密

唐王建中

三朝行坐鎮相隨今上春宮見長時脫下御衣先賜
著進來龍馬每教騎長承密旨歸家少獨奏邊機出
殿遲自是當家頻向說九重爭得外人知

贈華州鄭大夫

唐王建中

此官出入鳳池頭通化門前第一州少華山雲當驛
起小敷谿水入城流空閒地內人初滿詞訟牌前草

漸稠報狀拆開知足雨赦書宣過喜無囚自來不說
雙旌貴恐替長教百姓愁公退晚涼無一事步行攜
客上南樓

贈人二首

唐王建中

金鑪煙裏要班頭欲得歸山可自由每度報朝愁入
閣在先教示小千牛
多在蓬萊少在家越緋衫上有紅霞朝迴不回諸餘
處騎馬城西檢校花

贈王建

唐張籍中

白君去後交遊少東野亡來篋笥貧賴有白頭王建
人部 卷九十四 十四 贈

在眼前猶見詠詩人

贈姚合

唐張籍中

丹鳳城門向曉開千官相次入朝來唯君獨走衝塵
土下馬橋邊報直迴

贈太祝張籍

唐姚合中

妙絕江南曲淒涼愍女詩古風無手敵新語是人知
飛動終由格工夫過却奇儒書參雜卷樂府換歌詞
野老一作開山借鄰僧與米炊聖朝文墨物一作盛大
祝獨低眉

贈王建司馬

唐姚合中

久向空門隱交親亦不知文高輕古語一作官冷似
前資老學僧齋講貧還藥債遲仙方小字寫行坐把
相隨

贈友人

唐呂溫中

南山雙喬松擢本皆千尋夕流膏露津朝被青雲陰
負雪出深澗搖風倚高岑明堂久不辯雲幹何森森
匠意方雕巧時情正誇淫生材會有用天地豈無心

零陵贈李卿元侍御簡吳武陵

唐柳宗元中

理世固輕士棄捐湘之湄陽光競四溟敲石安所施
鐵羽集枯幹低昂互鳴悲朔雲吐風寒寂歷窮秋時

人部

卷九十四

五

君子尚容與小人守兢危慘悽日相視離憂坐自滋
樽酒聊可酌放歌詠徒爲惜無協律者窈眇絃五言詩
初秋夜坐贈吳武陵

唐柳宗元中

稍稍雨侵竹翻翻鵲驚叢美人隔湘浦一夕生秋風
積霧香難極滄波浩無窮相思豈云遠卽席莫與同
若人抱奇音朱絃絙枯桐清商激西嶺汎艷凌長空
自得本無作天成諒非功希聲闕大樸躡俗何由聰

贈竇十九

唐崔峒中

靈臺暮宿意參違木落花開羨客歸江海幾時傳錦
字風塵不覺化緇衣山陽會裏同人少瀨曲農時故

老稀幸得漢皇容直諫憐君未遇覺人非

贈元秘書

唐崔峒中

舊書稍稍出風塵孤客逢秋感此身秦地謬爲門下
客淮陰徒笑市中人也聞阮籍尋常醉見說陳平不
久貧幸有故人茅屋在更將心事問情親

贈楊秘書巨源

唐

早聞一箭取遼城相識雖新有故情清句三朝誰是
敵白眉四海半爲兄貧家雜草時時入瘦馬羣花處
處行不用更教詩過好折君官職是聲名

贈言

唐白居易中

人部

卷九十四

十六

捧籬獻千金彼金何足道臨觴贈一言此言真可寶
流光我已晚適意君不早况君春風面柔促如芳草
二十方長成三十向衰老鏡中桃李色不得十年好
胡爲坐脉脉不肯傾懷抱

贈友二首

唐白居易中

吾友有王佐之才者以致君濟人爲己任識者深
許之因贈是詩以廣其志云

一年十二月每月有常令君出臣奉行謂之握金鏡
由茲六氣順以遂萬物性時令一反常生靈受其病
周漢德下衰王風始不競又從斬鼂錯諸侯益強盛

百里不同禁四時自為政盛夏興土功方春勸人命
誰能收其失待君佐邦柄我象魏門懸法彝倫正

二

三十男有室二十女有歸近代多離亂婚姻多過期
嫁娶既不早生育常苦遲兒女未成人父母已衰羸
凡人貴達日多在長大時欲報親不待孝心無所施
哀哉三牲養小得及庭闈惜哉萬鍾粟多用飽妻兒
誰能正婚禮待君張國維庶使孝子心皆無風樹悲

贈元稹

唐白居易中

自我從宦遊七年在長安所得唯元君乃知定交難

人部

卷九十四

七

無山上苗徑寸無歲寒豈無要津水咫尺有波瀾
之子異於是久處誓不謾無波古井水有節秋竹竿
一為同心友三及芳歲蘭花下鞍馬遊雪中杯酒歡
衡門相逢迎不具帶與冠

池上贈韋山人

唐白居易中

新竹夾平流新荷拂小舟眾皆嫌好拙誰肯伴閑遊
客為忙多去僧因飯暫留獨憐草處士盡日共悠悠

贈吳丹

唐白居易中

巧者力苦勞智者心苦憂愛君無巧智終歲閑悠悠
嘗登御史府亦佐東諸侯王操紉謬簡心運決勝籌

宦途似風水君心如虛舟泛然而不有進退得自由
今來脫冠冕時往待龍樓官曹稱心靜居處隨跡幽

冬負南榮日支體甚溫柔夏卧北牕風枕席如涼秋
南山入舍下酒甕在牀頭人間有閑地何必隱林丘

贈能七倫

唐白居易中

澗松高百尋四時寒森森臨風有清韻向日無山陰
如何時俗人但賞桃李林豈不知堅貞芳馨誘其心
能生學為文氣高功亦深苦節二十年無人振陸沈
今我尚貧賤徒為爾知音

贈蘇少府

唐白居易中

人部

卷九十四

十八

籍甚二十年今日方款顏相送嵩洛下論心杯酒間
何為嬾出入府寮多閑關蒼髮彼此老白日尋常閑
朝欲攜手出暮思聯騎還何當挈一榼同宿龍門山
六年春贈分司東都諸公 唐白居易中

我為同州牧內愧無才術忝招恩已多遭逢幸非一
偶當穀賤歲適值民安日郡縣獄空虛鄉閭盜奔逸
其間最幸者朝客多分秩行接鷺鷥羣坐成芝蘭室
時聯拜表騎閑動題詩筆夜雪秉燭遊春風攜榼出
法酒澹清漿含桃嬌紅實洛童調金管盧女鏗瑤瑟
繁慘歌思深腰凝舞拍密每因同醉樂自覺忘衰疾

始悟時後方不如杯中物生涯隨日過世事何時畢

贈江州李十使君員外十四
唐白居易中

我本江湖上悠悠任運身朝隨賣藥客暮伴釣魚人
迹爲燒丹隱家緣嗜酒貧經過剡谿雪尋覓武陵春
豈有疎狂性堪爲侍從臣仰頭驚鳳闕下口觸龍鱗
劍珮辭天上風波向海濱非賢虛偶聖無屈敢求伸
昔去曾同日今來卽後塵中年俱白鬢左宦各朱輪
長短才雖異榮枯事略均殷勤李員外不合不相親

贈康叟
唐白居易中

八十秦翁老不歸南賓太守乞寒衣再三憐汝非他

人部
卷九十四
十九

意天寶遺民見漸稀

贈思黯
唐白居易中

爲憐清淺愛潺湲一日三迴到水邊若道歸仁灘更
好主人何故別三年

贈舉之僕射
唐白居易中

雞毬錫粥慶開筵談笑謳吟鬬管絃一月三迴寒食
會春光應不負今年

和樂天贈吳丹
唐元稹中

不識吳生面久知吳生道跡雖染世名心本奉天老
雖一守命門迴九填血腦委氣榮衛和咽津顏色好

傳聞共甲子衰潰盡枯槁獨有冰雪容纖華奪鮮編

問人何能爾吳實曠懷抱弁冕徒挂身身外非所寶
伊予固童昧希真亦云早石壇玉晨尊晝夜長自掃
密印視丹田遊神夢三島萬過黃庭經一食青精一作
餽稻冥搜方朔桃結念安期東綠髮幸未改丹誠自
能保行當擺塵纓吳門事探討君爲先此詞終期舉
瑤草

贈呂三校書
與呂校書同年科第後爲別七年
元和己丑歲八月偶於陶化坊會
宿

唐元稹中

同年同拜校書郎觸處潛行爛熳狂共占花園爭趙

人部
卷九十四
二十

倅競添錢貫定秋娘七年浮世皆驚眼八月間宵忽
並牀語到欲明歡又泣傍人相笑兩相傷

贈熊士登
唐元稹中

平生本多思况復老逢春今日梅花下他鄉值故人

贈李十一
唐元稹中

淮水連年起戰塵油旌三換一何頻共君前後俱從
事羞見功名與別人

重贈樂人高玲瓏能
歌歌子數十詩
唐元稹中

休遣玲瓏唱我詩我詩多是別君詞明朝又向江頭
別月落潮平是去時

九日小園獨謠贈門下武相唐李吉甫

小園休沐暇暫與故山期樹杪懸丹粟苔陰落紫梨
舞叢新菊徧徧繞樹古藤垂受露紅蘭晚迎霜白薤肥
上公留鳳沼冠劍侍清祠應念端居者長慙補衮詩

贈陳商唐李賀

長安有男兒二十心已朽楞伽堆案前楚辭繫肘後
人生有窮拙日暮聊飲酒祗今道已塞何必須白首
太華五千仞劈地抽森秀旁古無寸尋一上憂牛斗
公卿縱不憐寧能鎖吾口

贈馮宿唐李觀

人部 卷九十四 三十一

寒城上秦原遊子意飄飄黑雲截萬里獵火從中燒
陰空蒸長煙殺氣獨不銷冰交石可裂風疾山如搖
時無青松心領我獨不凋

常山贈張正則評事唐秦系

終年避喧思常事五千言流水閒過院春風與閉門
山葵邀上客桂實落華軒莫強教余起微官不足論

贈薛鼎待御唐張祐

一命前途遠唐李賀小邑閒夜潮人到郭春霧島啼山
淺瀨橫沙堰高峻峻石斑不堪曾倚棹猶復夢升攀

贈朱慶餘校書唐周賀

風泉盡結冰寒夢徹西陵越信楚城得遠懷中夜興
樹停沙島鶴茶會石橋僧寺閣連官舍行吟過幾層

醉中贈崔膺唐李涉

與君兄弟住嶺故與君相逢楊子渡白浪南分吳塞
寒綠楊深入隋宮路隋家文物今雖改舞館歌臺基
尚在煬帝陵邊草木深沛河流水空歸海古今悠悠
人自別此地繁華終未歇大道青樓夾翠煙頭犀繡
帳開明月與君一言兩相許外捨形骸中爾女揚州
歌酒不可追洛神映洛妃語白馬黃金為身置誰
能獨美他人醉暫到香爐一夕間展愁眉百世事

人部 卷九十四 三十一

君看白日光如箭一度別來顏色變早謀侯印佩腰
閒莫遣看花鬢如霰

贈夜客唐李涉

不用到秦久聞詩名願題一絕贈之

春雨蕭蕭江上村綠林豪客夜知聞他時不用相廻
避世上如今半似君

重贈邢校書唐李益

俱從四方士共會九秋中斷蓬與落葉相值各因風

贈內兄盧綸唐李益

世故中年別餘生此會同却將悲與病來對朗陵翁

贈韋徵君况

唐李約

我有心中事不向韋三說秋夜洛陽城明月照張八

贈朱放

唐顧况

野客歸時無四鄰黔婁別久按長貧漁樵舊路不堪入何處空山猶有人

贈李文通

唐賈島

營窟萬勝岡頭下誓立千年不朽功天子手擎新鉞斧諫官請贈李文通

贈殷亮

唐戴叔倫

日日河邊見水流傷春未已復悲秋山中舊宅無人部

卷九十四

二三

往來往風塵共白頭

贈子

唐陳羽

或棹孤舟或杖藜尋常適意釣長谿草堂竹徑在何處落日孤煙寒渚西

贈鄭處士

唐許渾

道傍年少莫矜誇心在重霄鬢未華楊子可曾過北里營人何必敬東家寒雲曉散千峰雪暖雨晴開一迳花且賣湖田釀春酒與君書劍是生涯

贈蕭兵曹

唐許渾

廣陵堤上欲離居帆轉瀟湘萬里餘楚澤病時無鵬

鳥越鄉一作歸處有鱸魚潮生水郭兼陵甯雨過山城橘柚踈聞說攜琴并載酒邑人爭識馬和如

戲代李協律松江有贈

唐許渾

蜀客操琴吳女歌明珠十斛是天河霜凝薛荔怯秋樹露滴芙蓉愁晚波蘭浦遠鄉應解佩柳堤殘月未

鳴珂西樓沈醉不知散潮落洞庭洲渚多

贈鄭瓊協律

唐杜牧

廣文遺韻留樞散維大圖書共一船自說江湖不歸事阻風中酒過年年

贈朱道靈

唐杜牧

人部

卷九十四

三西

劉根丹篆三千字郭璞青囊兩卷書牛渚磯南謝山北白雲深處有巖居

湘中贈范郎

唐羅隱

丹桂無心彼此誼三年疎懶共江潭愁知酒盞終難捨老覺人情轉不堪雲外鷓鴣非故舊眼前膠漆是煙嵐勞歌一奏霜風暮擊折湘妃白玉簪

贈劉畏之

唐李商隱

清時無事奏明光不遣當關報早霜中禁詞臣尋引領左川歸客自迴腸郎君下筆驚鸚鵡侍女吹笙弄鳳凰空寄大羅天上事衆仙同日詠霓裳

贈送前劉五經映三十四韻 唐李商隱

建國宜師古興邦屬上庠從來以儒戲安得振朝綱
叔世何多難茲基遂已亡泣麟猶委吏歌鳳更佯狂
屋壁餘無幾焚坑速可傷挾書秦二世壞宅漢諸王
草草臨盟誓區區務富強微茫金馬署狼藉關雞場
盡欲心無竅皆如面正牆驚疑豹文鼠貪竊虎皮羊
南渡宜終否西遷冀小康策非方正士貢絕孝廉郎
海鳥悲鐘鼓狙公畏服裳多岐空擾擾幽室竟徬徨
凝邈爲時範虛空作士常何由羞五伯直自告三皇
別派驅楊墨他鑪並老莊詩書資破冢法制困探囊
人部 卷九十四 三五 贈
周禮仍存魯隋師果禪唐鼎新麾一舉革故法三章
星宿森文雅風雷起退藏緣因爲學切掌故受經忙
夫子時之彥先王跡未荒褐衣終不召白首興難忘
感激誅非聖棲遲到異鄉片詞褒有德一字貶無良
燕地尊鄒衍西河重卜商式閭真道在擁篲信謙光
外舅太原公亦獲預青衿列叨來絳帳旁雖從各言
志還要大爲防勿謂孤寒棄深憂訝直妨叔孫讒易
得盜蹠暴難當鴈下秦雲黑蟬休隴葉黃莫踰力履
念容許後升堂

贈知音

唐溫庭筠

翠羽花冠碧樹雞未明先向短牆啼
鵲間謝女青蛾
欽門外蕭郎白馬嘶星漢漸移庭竹影露珠猶綴野
花迷景陽宮裏鐘初動不語垂鞭上柳堤

暮春戲贈吳端公

唐曹唐

年少英雄好丈夫大家望拜執金吾閒眠曉日聽鶻
鵠笑倚春風杖輶轡深院吹笙聞漢婢靜街調馬任
奚奴牡丹花下簾鉤外獨凭紅欄將虎鬚

贈鄆縣尉李先輩

唐馬戴

同人家郭杜相見罷官時野坐苔生石荒居菊入籬
聽蟬臨水久送鶴背山遲未擬還城闕谿僧別有期

人部

卷九十四

三六 贈

贈楊先輩

唐馬戴

平生閑放久野鹿許爲羣居止鄰西岳軒牕度白雲
齋心飯松子話道接茅君漢主思清淨休書諫獵文

贈越客

唐馬戴

故國波濤隔明時已久留獻書雙闕晚看月五陵秋
南棹何時返長江憶共遊遙知釣船畔相望在汀洲

贈同遊

唐李昌符

此風雨後已覺減年華若待皆無事應難更有花
管絃臨夜急榆柳向江斜且莫看歸路同須醉酒家

贈趙學士

唐王建

常欽趙夫子遠作五侯賓見面到今日操心如古人
醉同華席少吟訪野僧頻寂寂長河畔荒齋與廟鄰

贈任肅

唐李咸用

玄髮難姑息青雲有路岐莫言多事日虛擲少年時
松色雪中出人情難後知聖朝公道在中鵠勿差池

贈來鵬

唐李咸用

默坐非關悶凝情祇在詩庭闌花落後山靜月明時
蒼客言多簡尋僧步稍遲既同和氏璧終有玉人知

贈先達

唐劉駕

終南蒼翠好未必如故山心期在榮名三載居長安
人部 卷九十四 三七

背蒙大雅匠勉我工五言業成時不重辛苦只自憐
皎皎機上絲盡作秦箏絃貧女皆罷織富人豈不寒

驚風起長波浩浩何時還時君當要路一指王化源

贈鄭殷處士

唐邵謁

善琴不得聽嘉玉不得名知音既已死良匠亦未生
退居一河湄山中物景清魚沈池水碧鶴去松枝輕
長材靡入用大厦失巨楹

贈輩疇

唐鄭薰

密雪松桂寒書牕導餘清風撼冰玉碎階前琴聲聲
榻靜几硯潔帙散縑緗明高論展僧肇精言資輩生

立意加玄虛析理分縱橫萬化悉在我一物安能驚

江海何所動丘山常自平遲速不相闕後先徒起爭

鏡照各妍醜秤稱分重輕顏容寧入鑑銖兩豈關衡

蘊微道超忽剖證音泠泠紙上掣牢鍵舌端搖利兵

圓澈保真性客塵排妄情有住卽非住無行方是行

陳絳捨吳典朱絃鄙秦箏淡薄貴無味羊斟慙太羹

洪遠包乾坤幽宵潛沈冥罔煩跬步舉頓達萬里程

廬遠尚莫曉隱留曾誤聽直須持妙說共詰毗耶城

贈申長官

唐方干

言下隨機見物情看看嶽路草還生旅人莫怪無魚
人部 卷九十四 三八

食直爲寒江水至清

贈副戎等

唐南卓

翱翔曾在玉京天墮落江南路幾千從事不須輕縣
宰滿身猶帶御爐煙

詩雋類函卷九十五

東吳俞安期彙纂

新都汪道會增定

新都吳養春訂校

人部三十七

酬答上

○酬答上

荅對元式詩

漢蔡邕

伊余有行爰戾茲邦先進博學同類率從濟濟羣彥如雲如龍君子博文貽我德音辭之集矣穆如清風

荅卜元嗣詩

漢蔡邕

斌斌碩人貽我以文辱此休辭非余所希敢不酬答

人部

卷九十五

酬答

賦誦以歸

荅贈詩

魏邯鄲淳

我受上命來隨臨苗與君子處曾未盈期見召本朝駕言趨期羣子重離首命於時饒我路隅贈我嘉辭既受德音敢不荅之余惟薄德既局且鄙見養賢侯於今四祀既庇西伯永誓沒齒今也被命義在不俟瞻戀我侯又慕君子行道遲遲體逝情止豈無好爵惟不我與聖主受命千載一遇攀龍附鳳必在初舉行矣去矣別易會難自強不息人誰獲安願子大夫勉簪成山天休方至萬福爾臻

荅孫楚詩

晉書隱逸傳曰京在洛陽孫楚時為歸京不肯坐楚賂之書曰今竟辭之世胡為懷道迷那京答之以詩

晉董京

周道歟今頌聲沒夏政衰今五常汨便便君子顧望而逝洋洋乎滿目作者七豈不樂天地之化也哀哉平時之不可與對之以獨處無娛我以為歡清流可飲至道可餐何為栖栖自使疲單魚懸獸檻鄙夫知之古之至人藏器如韜緼袍不能今收當作暖軒冕不能令榮動如川之流靜如川之淳鸚鵡能言泗濱浮磬重人所詭豈合物情玄鳥紆幕而不被害鳴隼遠

人部

卷九十五

酬答

巢咸以欲死吟彼梁魚逡巡倒尾沈吟不決忽焉失水嗟乎魚鳥相與萬世而不悟以我觀之乃明其故焉知不有達人深穆其度亦將闕我壺顚而去萬物皆賤惟人為貴動以九州為狹靜以園堵為大

荅樂弘詩

并序

晉傅咸

安樂令樂弘太傅鉅平侯羊公辟未就而公薨後應司州之命舉秀才博文通濟之士余失和於府當換為護軍司馬賦詩見贈荅之云爾鉅平作宰是貴是欽弓旌仍托嘉命胥尋鸞鳳養儀戢翼幽林未附雅調以和韶音鉅平遐逝厲志彌深

肅肅京司清風載邁乃延羣彥龍集鳳會亦既斯降
萬里有賴聲發響應好結傾蓋

荅傅咸

晉郭泰機

噉噉白素絲織爲寒女衣寒女雖妙巧不得秉杼機
天寒知運速况復鴈南飛衣工秉刀尺棄我忽若遺
人不取諸身世事焉所希况復已朝餐曷由知我飢

荅楊士安詩

晉潘尼

逝將辭儲宮栖遲集南畿不悟百里賤徒惜年志衰
躊躇顧城闕怨戀慕端闈俊德貽妙詩敷藻發清微
媿彼褒崇過感此岐路悲

入部

卷九十五

三

四

荅張士然

晉陸機

潔身躋秘閣秘閣峻且玄終朝理文案薄暮不遑眠
駕言巡明祀致敬在祈年逍遙春王圃一作躡躡千
畝田迴渠繞曲陌通波扶直阡嘉穀垂重穎芳樹發
華顛余固水鄉士總轡臨清淵戚戚多遠念行行遂
成篇

荅張士然

晉陸雲

行邁越長川飄飄冒風塵通波激枉渚悲風薄丘榛
脩路無窮迹并邑自相循百城各異俗千室非良鄰
歡舊難假合風土豈虛親感念桑梓域勢髣髴眼中人

靡靡日夜遠眷懷苦辛

荅顧秀才五章

晉陸雲

芒芒上玄有物有則厥初造命立我藝則爰茲族類
有覺先識斯文未喪誕育明德

允矣顧生載靈之和沈根芳沼濯秀蘭波淵翹載穎
景茂凌華惟是德心是用閑邪

德心伊何行歸于周希高仰峻企遠懷悠匪願在明
靡倦斯幽凡有同朋瞻言清休

慎終于遠俾民歸厚言若有行及予攜手何以恤我
其仁孔有心之云愛隆敬其久

入部

卷九十五

四

四

既邁斯仁亦迪茲文藻不雕樸華不變淳有匪君子
如珪如璠仰欽德類依懷惠詮式揚好問邦家于宣

荅大將軍祭酒顧令文五章

晉陸雲

惟林有鸞惟淵有螭顯允明德實邦之基先後陟恪
子配於茲遵彼玉堂受言邁之

中原有軌世鮮克蹈先民有懷子探其妙心循水鑒
面景內照若振炎攄光外耀

相彼水鑒民胥攸臨矧曰明德人誰弗欽寫我孕願
卽爾澄心義隆自古好邈在今

大人有作興雲自天之子于升亦躍于淵景茂清霄

響發鳴絃義問弘集淑風載鮮

企予朔都非子孰念豈無弱翰才不克瞻惠音聿來
瓊華玉豔無德不報念辭惟忝

答吳王上將顧處微九章 晉陸雲

邈矣大昧造化明明物以曲全人以直生類聚百族
羣分萬形圓淵挺隨方川吐瓊

請謁洪族天祿攸蕃神綏厥本道裕其源條有豐葉
波無輟瀾烈風時播芳響世繁

日繁曰願載德于茲克文克敏乃憲乃慈遵彼洪流
薄言詠之好是神契聊與之期

人部

卷九十五

五

答

仁勇同宅文武相紛王謂御事誰撫上軍於時翻飛

虎嘯江濱式遏不虞俾也無塵

三代既遠直道垂音非齒焉尚非德孰欽鑽仰自古

鮮曰在今匪唯形交殷薦其心

心以殷薦分以道成祗報惠顧疇此深情亦有芳訊

薄載其誠豈無春暉茲焉可榮

大道易開崇軌難襲軌云匪衍咎么尤集敢謝不佞

桐山自戢臨篇焉愧德輶辭輯

朝彼日月逝猶駭電朝華未厭夕風已扇詩亦有志

無幾相見懷德歎心于焉東眷

平津晚貢貢公後徵陟彼玉階黃髮來升靈丹三秀
芳草秋興唯願清神福祿是膺

答魏子悌 晉盧湛

崇臺非一幹珍裘非一腋多士成大業羣賢濟弘績

遇蒙時來會聊齊朝彥跡顧此腹背羽愧彼排虛翮

寄身蔭四岳託好憑三益傾蓋雖終朝大分邁疇昔

在危每同險處安不異易俱涉晉昌艱共更飛狐厄

恩由契闊生義隨周旋積豈謂鄉閭譽謬充本州役

垂離今我感悲欣使情惕理以精神逼匪曰形骸隔

妙詩申萬好清義貫幽蹟恨無隋侯珠以酬荆文璧

人部

卷九十五

六

酬

酬丁柴桑二章 晉陶淵明

有客有客爰來爰止秉直司聰于惠百里餐勝如歸

聆善若始

匪惟諸也屢有良由載言載眺以寫我憂放歡一遇

既醉還休寔欣心期方從一作我遊

酬劉柴桑 晉陶淵明

窮居寡人用時忘四運周櫛庭多落葉慨然知已秋

新葵耀北牖嘉穠養南疇今我不為樂知有來歲不

命室攜童弱良日登遠遊

答龐參軍六章 并序 晉陶淵明

麗為衛軍參軍從江陵使上都過潯陽見贈

衡門之下有琴有書載彈載詠爰得我娛豈無他好
樂是幽居朝為灌園夕偃蓬廬

人之所寶尚或未珍不有同愛云何以親我求良友
實觀懷人歡心孔洽棟宇惟鄰

伊余懷人欣德孜孜我有旨酒與汝樂之乃陳好言
乃著新詩一日不見如何不思

嘉遊未數誓將離分送爾千路銜觴無欣依依舊楚
邈邈西雲之子之遠良話曷聞

昔我云別倉庚載鳴今也遇之雪霰飄零大藩有命
人部 卷九十五 七

作使上京豈忘晏安王事靡寧
慘慘寒日肅肅其風翩彼方舟容裔江中一作容舫與冲冲

哉征人在始思終敬茲良辰以保爾躬
答麗參軍 并序 晉陶淵明

三復來貺欲罷不能自爾鄰曲冬春再交款然良
對忽成舊遊俗諺云數面成親舊况情過此者乎

人事好乖便當語離楊公所歎豈惟常悲吾抱疾
多年不復為文本既不豐復老病繼之輒依周孔

往復之義且為別後相思之資
相知何必舊傾蓋定前言有客賞我趣每毋顧林園

談諧無俗調所說聖人篇或有數斗酒閑飲自歡然
我實幽居士無復東西緣物新人惟舊弱毫多所宜
情運萬里外形迹滯江山君其發體素來曾在何年

答客

宋鮑照

幽居屬有念含意未連詞會客從外來問君何所思
澄神自惆悵嘿慮久迴疑謂賓少安席方為子陳之
我以車門士負學謝前基愛賞好偏越放縱少矜持
專求遂性樂不計緝名期歡至獨斟酒憂來輒賦詩
聲交稍希歇此意更堅滋浮生急馳電物道險絃絲
深憂寡情謬進伏兩睨時願賜卜身要得免後賢嗤
人部 卷九十五 八

直東宮答鄭尚書

宋顏延之

皇居體環極設險祗天工兩闥阻通軌對禁限清風
歧予旅東館徒歌屬南墉寢興鬱無已起觀辰漢中
流雲謁青闕皓月鑒丹宮踟躕清防密徙倚恒漏窮
君子吐芳訊感物惻余衷惜無丘園秀景行彼高松
知言有誠貫美價難克充何以銘嘉貺言樹絲與桐

答張齊興

齊謝朓

荆山從百里漢廣流無極北馳星斗正南望朝雲色
川隰同幽快冠冕異今昔子肅兩岐功我滯三冬職
誰知京洛念彷彿昆山側向夕登城壕潛池隱復直

地迴聞遙蟬天長望歸翼清文忽景麗思泉紛寶飾
勿言脩路阻勉子康衢力曾厓寂且寥歸軫逝言陟

荅王世子

齊謝朓

飛雪天山來飄聚繩樞外蒼雲暗九重北風吹萬籟
有酒招親朋思與清顏會熊席惟爾安羔裘豈五帶
公子不垂堂誰肯憐蕭艾

酬王晉安

齊謝朓

稍稍枝早勁塗塗露晚晞南中榮橘柚寧知鴻鴈飛
拂霧朝青閣日旰坐彫闥悵望一途阻參差百慮依
春草秋更綠公子未西歸誰能久京洛緇塵染素衣

人部

卷九十五

九

奉荅內兄希叔五章

齊陸厥

嘉惠承帝子躡履奉王孫屬叨金馬署又點銅龍
門出入平津邸一見孟嘗尊歸來翳桑柘朝夕異涼
溫

二

殂落固云是寂滅終如斯杜門清三徑坐檻臨曲池
鳬鳴嘯倚佔荷芰始參差雖無田田葉及爾汎漣漪

三

春華與秋實庶子及家臣王門所以貴自古多俊民
離宮收祀梓華屋富徐陳平旦上林苑日入伊水濱

四

書記旣翩翩賦歌能妙絕相如惡溫麗子雲慙筆札
駿足思長坂柴車畏危轍愧茲山陽讌空此河陽別

五

平原十日飲中散千里遊渤海方淫滯宜城誰獻酬
屏居南山下臨此歲方秋惜哉時不與日暮無輕舟
荅蕭琛梁書曰高祖在西邸早與琛狎每朝燕
接以舊恩呼為宗老琛亦奉陳昔恩以
早造中陽風采同開雖迷
典渾猶荷洪慈上荅曰梁武帝

雖云早契闊乃自非同志勿談興運初且道狂奴異

荅何徵君

梁任昉

人部

卷九十五

十

散誕羈轡一作外拘束名教裏得性千乘同山林無
一作朝市勿以耕蠶貴空笑易農士宿昔仰高山超
然絕塵軌傾壺已等樂命管亦齊喜一作壺已等樂
命管亦齊符壺
無為歎獨遊若終一作路方同止

荅劉居士

梁任昉

君子之道亦有其四高行絕俗盛德出類才同文錦
學非書肆望之可階卽之難至輟精天理矚衆少微
人與俗異道與人違庭飛熠燿室滿伊威行無轍跡
理絕心機

還園宅奉酬華陽先生

梁沈約

早欲尋名山期待婚嫁畢二事雖云已此外復非一
忽聞龍圖至仍覩榮光溢副朝首八元開壤賦千室
冠纓曾弗露風雨未嘗櫛鳴玉響洞門金蟬映朝日
慙無小人報徒叨令尹秩豈忘平生懷離監不遑恤
酬華陽陶先生

梁沈約

酬謝宣城朏

梁沈約

王喬飛鳧鳥東方金馬門從宦非宦侶避世作避諠
揆予發皇鑒一作覽短翮屢飛翻晨趨朝一作建禮晚

人部 卷九十五

沐臥郊園賓至下塵榻憂來命綠尊昔賢侔時雨今
守馥蘭蓀神交疲夢寐路遠隔思存牽拙謬東汜浮
情及西崑顧循良非薄何以儷璵璠將隨渤澥去刷
羽汎清源

酬蕭新浦王洗馬二首

蕭子雲封新浦侯
王筠為太子洗馬

梁吳均

始可結交者文酒滿金壺園基帝臺局繫馬秦王蒲
長劒皆玉具短笛悉銀塗送歸日愁滿留客袂紛吾
今成桓山上秋風星散鳥
思若出江湄慷慨臨長薄獨對東風酒誰舉指南酌

崇蘭白帶飛青鳩紫纓絡一年流淚同萬里相思各
胡為舍旃去故人在宛洛

荅蕭新浦

梁吳均

僕本二陵徒英豪多久要用祗良家兒期門惡年少
身一作腰紆丈二組手擎尺一詔問子行何去高帆艤

江干今夜杯酒別明朝江水邊萋萋看細雨漠漠視
濃煙颯灑入銅箭低昂五會船欲知故人者江南共
採蓮悵然心不樂跨馬出城壕觀濤看白鷺望草見
青袍青袍行中把蔽草覆平野公子不垂堂紛紛故
交者肘懸辟邪印屋躍鴛鴦瓦翩翩流水車蕭蕭曳

人部 卷九十五

練馬是時君別我青莎沒馬蹄連連文鶯爾驚驚伺
朝雞今日予懷友積恨一作雪滿東西

酬郭臨丞

梁吳均

聞君立名義我亦倦晨征馬在城上蹀劒自腰中鳴
白日遼川暗黃塵隴坻驚願君但銜酒深知有素誠

江上酬鮑幾

梁吳均

振棹出江湄依依望九疑欲謁蒼梧帝過問沅湘姬
折荷縫作葢落羽紡成絲吾行別有意不為君道之

酬周參軍

梁吳均

日暮憂人起倚戶悵無歡水傳洞庭遠風送鴈門寒

江南霜雪重相如衣服單沈雲隱喬集作高樹細雨滅層巒且當對樽酒朱絃永夜彈

答句曲陶先生

梁范雲

終朝吐祥霧薄晚孕奇煙洞澗生芝草重厓出醴泉中有懷真士被褐守冲玄石戶栖干秘金壇謁九仙乘鶴方履漢轡鶴上騰天一作且

敬酬王明府僧孺

梁何遜

星稀初可見月出未成光澄江照遠火夕霞隱連檣賤軀臨不測玉體畏垂堂念別已零淚况乃思故鄉下直出谿邊望蒼虞丹徒敬

人部

卷九十五

十三

酬答

夫君美章句席丈珍梁楚伊余忝攝官含毫亦禁阻直廬去咫尺心期得晏語休沐乃幽棲別離未幾許佇立日將暮相思忽無緒谿北映初星橋南望行炬九重不可越三爵何由舉

石頭答庾郎丹

梁何遜

高樹蔭樓密細草綠成被黃鸝隱葉飛蛺蝶縈空戲陰岑自爾悅寂寥亭罕寄相如阻禁闌何由從簡易

答高博士

梁何遜

北牕涼夏首幽居多卉木飛蜨一作蝶弄晚花清池映疎竹爲宴得快性安閒聊鼓腹將子厭羣麀就子閒

耳目

酬范記室雲

梁何遜

林密戶稍陰草滋堦欲暗風光盡上輕日色花中亂相思不獨懽佇立空爲歎清談莫共理繁文徒可玩高唱子自輕繼音予可憚

郊外望秋答殷博士

梁江淹

白露掩江皋青滿平地蕪長夜亦何際銜思久踟躕企余重蘭貝清才富金瑜獨艷始東山擅麗終西都雲精無永滯水碧豈慙瀟屬我蜺景半賞爾若光初折麻異離羣紉蕙非索居頻贈既雅歌還懷諒短書

人部

卷九十五

十四

酬答

答張貞成臯詩

梁裴子野

匈奴時未滅連年被甲兵明君思將帥方聽鼓鼙聲吾生志逸翮撫劍起徂征非徒慕辛李聊欲逞良平出車旣方軌絕幕且橫行豈伊長纓繫行見黃河清雖令懦夫勇念別猶有情感子盈編贈握玩以爲榮跋子振旅凱含毫備勒銘

酬江總詩

梁書曰江總持幼便聰慧神采奕拔其爲郢郡王鈞范陽張續南陽劉之遴所重之遴

嘗謂總詩

梁劉之遴

上位居崇禮寺署鄰栖息忘聞曉唱每畏晨光絕高談意未窮晤對賞無極探志共遨遊休沐忘退食

曷用銷鄙吝在趾觀顏色上下數千載揚推吐胸臆

答張左西

梁劉孝綽

相思如三月相望非兩宮持此連枝樹暫作背飛鴻
若人惠思我摘藻蔚雕蟲仙掌方晞露靈鳥正轉風
方假排虛翮相與北山叢

酬陸長史倕

梁劉孝綽

王祭始一別猶且歎風雲况余屢之遠與子亟離羣
如何持此念復為今日分分悲宛^{一作張}如昨弦望殊
揮霍行舟雖不見行程猶可度度君路應遠期寄新
詩返相望且相思勞朝復勞晚薄暮閑人進果得承

人部

卷九十五

十五

酬答

芳信殷勤覽妙書留連披雅韻刻洲^{一作財賦總慈}
山行旅鎮已切臨睨情遠動思歸引歸歎不可即前
途方未極覽諷欲緩誚研尋還慨息來喻助雕金比
質非所任虛薄無財用徘徊守故林屏居青門外結
宇瀾城陰竹庭已南映池牖復東臨喬柯貫簷上垂
條拂戶陰條開風暫入葉合影還沈惟屏落早露階
雷擾昏禽衡門謝車馬煩席簡未符雖愧陽陵^{一作春}
山寧無流水琴蕭條聊屬和寂寞少知音平生竟何
託懷抱共君深一朝四美廢方見百憂侵曰余濫官
守因之泝廬久^{一作水}接淺原陰山帶荆門右從容

少職事疲病踈僚友命駕獨尋幽淹留宿廬草廬早

擅高名君凌太清舒雲類紫府標霞同赤城北上

輪難進東封馬易驚未若茲山險車騎息逢迎山橫

路似絕徑側樹如傾蒙籠乍一啓磔硤無暫平倚巖

忽廻望援蘿遂上征乍觀秦帝石復憇周王城交峰

隱玉窗對澗距金櫺風傳鳳臺瑄雲度洛濱笙紫書

時不至丹爐且未灰無因迫羽翮及爾宴蓬瀛蓬瀛

不可託悵然返城郭時過馬鳴院偶憇鹿園閣既異

人世勞聊比化城樂影塔圖花樹經臺總香藥月殿

曜朱旛風輪和寶鐸園援^{一作垣}即重嶺階基仍巨壑

人部

卷九十五

十六

酬答

朝後響聲棟夜水聲帷薄餘景鶯登臨方宵盡談詭
談詭有名僧慧義似傳燈遠師教逾闡生公道復弘
小乘非汲引法善招報能積迷頃已悟為歡得未曾
為歡誠已往坐卧猶懷想况復心所積^{一作親}茲地多
諧賞惜哉無輕軸更泛輪湖上可思不可見離念空
盈蕩賈生傳南國平子相東阿優游匡贊罷縱橫辭
賦多才幸同貫無令絕詠歌幽谷雖云阻煩君計
吏過

重酬楊僕射山亭

隋薛道衡

寂寂無與晤朝端去總戎空庭聊步月閑坐獨臨風

臨風時太息步月山泉側朝朝散霞彩暮暮澄秋色
秋色遍阜蘭霞彩落雲端吹旌朔氣冷照劍日光寒
光寒塞草平氣冷咽笳聲將軍獻凱入藹藹風雲生

答楊世子

隋孫萬壽

太華五千仞長河九萬里山川每蘊玉人物多君子
丞相朝所宗太尉國之紀若人惟傑出濟世承餘祉
趨庭遵教義博物兼文史奇聲振宛洛雅論窮名理
伊余苦疲病寂寞空宿遊不言驅駟馬於焉訪一丘
編紵始云贈膠漆乃相投伏枕空長想驟寒遂無由
忽此承來翰華藻殊輝煥雖則濫吹噓可以蠲憂歎

人部

卷九十五

十七

酬答

懷袖終不滅掌握方留翫和風初應律山鶯已復新
芳菲徒自好節物不關人勞歌雖有曲無以報陽春

答江學士協

隋周若水

弱齡愛丘壑與子亟忘歸開襟對泉石攜手翫芳菲
忽聞朝市變斯樂眇難追意氣酒中改容顏鏡裏衰
祁寒傷暮節落景促餘暉野曠蓬常轉林遙鳥倦飛
故友輕金玉萬里嗣音微鄉關不可望客淚徒霑衣

答賀屬

隋王胄

外黃初邸客蜀郡晚禽聲本欲從張耳何曾問馬卿
定知遊道日非是第如行高文擬維佩善謔問瓊瓊

前書言家室末叙挂簪纓問仁寧伐國揚波豈亂清
聞有陽臺客一作曲常留入夢情無爲一作由嗟獨割空
引助庖名

酬陸常侍

隋王胄

相知四十年別離萬餘里君留五湖曲余去三河渙
寒松君後凋溺灰余僅死何言西北雲復覲東南美
深交不忘故飛鴈敦宴喜贈藻發中情寄音邁流徵
追惟中歲日於斯同憇止思之宛如昨倏焉逾二紀
嗟昔多朋好一旦埋蒿里無人莫已知有慟傷知已
把臂還相泣歸然吾與子霑襟行自念哀哉亦已矣

人部

卷九十五

十八

酬答

吾歸在漆園著書試詞一作經理勞息乃殊致存亡寧
異軌大路不能遵咄哉情可鄙

妝殿答太宗

唐徐賢妃初

朝來臨鏡臺妝罷暫徘徊千金始一笑一召詎能來

答洛陽主人

唐陳子昂初

平生白雲志早愛赤松遊事親恨未立從官此中州
主人何發問旅客非悠悠方謁明天子清晏奉良籌
再取連城璧三陟平津侯不然拂衣去歸從海上鷗
寧隨當代子傾側且沈浮

西還至散關答喬補闕知之

唐陳子昂初

歲寒蒼梧鳳嘹唳白露蟬羽翰本非匹結交何獨全

昔君事胡馬余得奉戎旃攜手向沙塞關河緬幽燕

芳歲幾陽止白日屢徂遷功業雲臺薄平生王珣捐

歎此南歸日猶聞北戍邊代水不可涉巴江亦潺湲

攬衣度函谷銜涕望秦川蜀門自茲始雲山方浩然

東征至淇門答宋參軍之問 唐陳子昂 初

南星中大火將子涉清淇西林改微月征旆空自持

碧潭去已遠瑤草折遺誰若問遼陽戍悠悠天際旌

昨夜銀河畔星文犯遙漢今朝紫氣新物色果逢真

人部 卷九十五 十九

言從天上落乃是地仙人白璧疑冤楚烏裘似入秦

摧藏多古意歷覽備艱辛樂廣雲雖覩夷吾風未春

鳳歌空有問龍性詎能馴寶劍終應出驪珠會見珍

未及馮公老何驚孺子貧青雲儻可致北海憶孫賓

酬張少府東 唐盧照鄰 初

昔余與夫子相遇漢川陰珠浦龍猶臥檀谿馬正沈

價重瑤山曲詞驚丹鳳林十年睽賞慰萬里隔招尋

毫翰風期阻荆衡雲路深鵬飛俱望青樓屈其悲今

誰謂青衣道還歎白頭吟地接神仙洞江連雲雨岑

飛泉如散玉落日似懸金重以瑤華贈空懷舞詠心

酬李丹徒見贈之作

唐宋之間 初

鎮吳稱粵里試劇仰通才近挹人披霧遙聞境震雷

一朝逢解榻累日共銜杯連騎一作登山盡浮舟望

海廻以余慙拙宦期子遇良媒贈曲南是斷征途北

鴈催更憐江上月還入鏡中開

荅田徵君 唐宋之間 初

出遊杳何處迴回伊洛間歸寢忽成夢宛在嵩丘山

賈生流寓日揚子寂寥時在物多相背唯君獨見思

漁為江上曲雪作郢中詞忽枉兼金訊長懷伐木詩

人部 卷九十五 二十

酬宋使君見詒 唐張九齡 初

陟隣初稟訓獻策幸逢時朝列且云忝君恩復若茲

庭闈際海曲郵傳荷天慈顧已歡烏鳥聞君泣素絲

才明應王召福善豈神欺但願白心在終然涅不緇

酬王履震遊園林見詒 唐張九齡 初

宅主惟海縣素業守郊園中覽霸王說上微明王恩

一行罷蘭徑數載歷金門既負潘生拙俄從周任言

逶迤戀軒陛蕭散及丘樊舊徑稀人跡前池耗水痕

併看芳樹老唯覺敝廬存自我棲幽谷逢君翫芳盆

孟軻應有命賈誼得無冤江上傷行遠林間偶避喧

地偏人事絕時露鳥聲繁獨善心俱閉窮居道共尊
樂因南澗藻憂登北堂萱幽意如投漆新詩重贈軒
平生猶知已窮達與君論

答太常靳博士見贈

唐張九齡

上苑春先入中園花盡開唯餘幽徑草尚待日光催

答王無功冬夜載酒鄉館

唐崔善為

頒條忝貴郡懸榻久相望處士同楊鄭邦君謝李彊

詎知方擁篲逢子敬惟桑明朝蓬戶側會自謁任崇

敬酬陳掾親家翁秋夜有贈

唐儲光義

大姬配胡公位乃三恪賓盛德百代祀斯言良不泯

人部

卷九十五

三

唐

敬仲爲齊卿當國名益震文舉登宰輔太丘榮縉紳
武皇受璫圖爵土封其新繁祉既驟集裔孫生賢臣
特達踰珪璋節操方松筠雲漢一矯翼天池三振鱗
曳裾朝赤墀酌醴侍紫宸大君錫車馬時復過平津
言則廣台階道亦資天鈞清秋忽高典震藻若有神
曜曜趨宮庭沈沈邁徐陳錦京既賜第門巷交朱輪
方將襲傅隼永以崇夏殷宗黨無遠近敬恭依仁人
雪盡宇宇喧鴈歸滄海春沈吟白華頌帝闈降絲綸
驛騎及蕪城相逢在郊野別離曠南北謫謫惟苦辛
書遊還荆吳迷方客咸秦惟賢惠重義男女期嘉姻

梧桐生朝陽鷓鴣鳴蕭晨豈不畏時暮坎壈無與鄰
中夜涼風來顧我闕音塵瓊瑤不返棄寤寐如日新

酬李處士山中見贈

唐儲光義

厥初遊太學相與極周旋舍采共朝暮知言同古先
孟陽題劒閣子雲獻甘泉斯須曠千里婉婉將十年
今來艷陽月好鳥鳴翩翩同聲既求友不肖亦懷賢
引領遲芳信果枉瑤華篇成頌非其德高文徒自妍
聲塵邈超越比興起孤絕始信郢中人乃能歌白雪
歧予北堂夜搖筆酬明哲綠竹動清風層軒靜華月
想像南山下恬然謝朝列猶恐鷓鴣鳴坐看芳草歇

人部

卷九十五

三

唐

邀以青松色同知白華潔永願登龍門相將持此節

答王十三維

唐儲光義

門生故來往知欲命浮觴忽奉朝青閣回車入上陽
落花滿春水疎柳映新塘是日歸來暮勞君奏雅章

奉酬張五丈垂贈

唐儲光義

綵服去江汜白華生大梁星辰動異色羔鴈成新行
日望天朝近時憂郢路長情言問過軸惠念及滄浪
松柏以之茂江湖亦自忘賈生方弔屈豈敢比南昌

同崔傅答賢弟

唐王維

洛陽才子姑蘇客桂苑殊非故鄉陌九江楓樹幾回

青一片揚州五湖白揚州時有下江兵蘭陵鎮前吹
笛聲夜火人歸富春郭秋風鶴唳石頭城周郎陸弟
爲儔侶對舞前谿歌白紵曲几書留小史家草堂棋
賭山陰墅衣冠若話外臺臣先數夫君席上珍更聞
臺閣求三語遙想風流第一人

荅張五弟

唐王維盛

終南有茅屋前對終南山終年無客長閉關終日無
心長自閑不妨飲酒復垂釣君但能來相往還

酬楊比部員外暮宿琴堂朝躋書閣率爾見贈
之作

唐王維盛

人部

卷九十五

三三

舊簡拂塵看鳴琴候月彈桃源迷漢姓松徑有秦官
空谷歸人少青山背日寒羨君栖隱處遙望在雲端

酬慕容上

唐王維盛

行行西陌返駐驂問車公挾轂雙官騎應門五尺僮
老年如塞北強起離牆東爲報壺丘子來入道姓蒙

酬張少府

唐王維盛

晚年唯好靜萬事不關心自顧無長策空知返舊林
松風吹解帶山月照彈琴君問窮通理漁歌入浦深

酬汴州李別駕贈

唐祖詠盛

秋風多客思行旅厭艱辛自洛非才子遊梁得主人

文章參末議榮賤豈同倫歎逝逢三演懷賢憶四真
情因恩舊好契託死生親所媿能投贈清言益潤身

酬陸少府

唐高適盛

朝臨淇水畔還望衛人邑別意在山阿征途背原隰
稍稍前村口唯見轉蓬入水渚人去遲霜天鴈飛急
固應不遠別所爲路未及欲濟川上舟相思空佇立

酬麗十兵曹

唐高適盛

憶昔遊京華自言生羽翼懷書訪知己末路空相識
許國不成名還家有慚色託身從畎畝浪跡初自得
雨澤感天時耕耘忘帝力同人洛陽至問我淮水北

人部

卷九十五

三四

遂爾欵津涯淨然見胸臆高談懸物象逸韻投翰墨
別岍迥無垠海鶴鳴不息梁城多古意攜手共悽惻
懷賢想鄒枚登高思荆棘世情惡疵賤之子憐孤直
酬贈感并深離憂豈終極

酬岑二十主簿秋夜見贈

唐高適盛

含下蛩亂鳴居然自蕭索緬懷高秋興忽枉清夜作
感物我心勞涼風驚一毛池空菡萏死月出梧桐高
如何異鄉縣復得交才彥泪沒嗟後時蹉跎耻相見
箕山別來久魏闕誰不戀獨有江海心悠然未嘗倦

淇上酬薛三據兼寄郭少府

唐高適盛

自從別京華我心乃蕭索十年守章句萬里空寥落
北上登薊門茫茫見沙漠倚劒對風塵慨然思衛霍
拂衣去燕趙驅馬恨不樂天長滄洲路日暮邯鄲郭
酒肆或淹留漁潭屢棲泊獨行備艱險所見窮善惡
永願拯芻蕘執云干鼎鑊皇情念淳古時俗何浮薄
理道資任賢安人在求瘼故交負靈竒逸氣抱謬謬
隱軫經濟具縱橫建安作才望忽先鳴風期無宿諾
飄飄勞州縣迢遞限言謔東馳眇貝丘西顧彌號略
淇水徒自流浮雲不堪託吾謀適可用天路豈寥廓
不然買山田一身與耕鑿且欲同鷦鷯焉能志鴻鶴

人部

卷九十五

二十五

酬答

同呂員外酬田著作幕門軍西宿盤山秋夜作

唐高適

磧路天已秋邊城夜應永遙傳戎旅作已報關山冷
上將頓盤坂諸軍徧泉井綢繆閫外書慷慨幕中請
能使勲業高動令氛霧屏遠途能自致短步終難騁
羽翮時一看窮愁始三省人生感然諾何啻若形影
白髮知苦心陽春見佳境星河連塞絡刁斗兼山靜
憶君霜露時使我空引領

酬司空璩

唐高適

飄飄未得意感激與誰論昨日遇夫子乃欣吾道存

江山滿詞賦札翰起涼溫吾見風雅作人知德業尊
驚飈蕩萬木秋氣屯高原燕趙何蒼茫鴻鴈來翩翩
此時與君別握手欲無言

酬衛八雪中見贈

唐高適

季冬憶淇上落日歸山樊舊宅帶流水平田臨古村
雪中望來信醉裏開衡門果得希代寶絨之那可論
敬酬杜華淇上見贈兼呈

唐岑參

杜侯實才子盛名不可及祇曾効一官今已年四十
是君同時者已有尚書郎憐君獨未遇淹泊在他鄉
我從京師來到此喜相見共論窮途事不覺淚滿面

人部

卷九十五

二十六

酬答

憶昨癸未歲吾兒自江東得君江湖詩骨氣凌謝公
熊生尉淇上開館常待客喜我二人來歡笑朝復夕
縣樓壓春岍戴勝鳴花枝吾徒在舟中縱酒兼彈碁
三月猶未還客愁滿春草賴蒙瑤華贈諷詠慰懷抱
號州酬辛侍御見贈

唐岑參

門柳葉已大春花今復開鬢毛方二色愁緒日千端
夫子屢新命鄙夫仍舊官相思難見面時展尺書看
酬崔十三侍御登玉壘山思故園見寄

唐岑參

玉壘天晴望諸峰盡覺低故園江樹北斜日嶺雲西

曠野看人小長空共鳥齊山高徒仰止不得日攀躋

敬酬李判官使院即事見呈 唐岑參

公府日無事吾徒只是閑草根侵柱礎苔色上門關
飲視時見鳥卷簾晴對山新詩吟未足昨夜夢東還

荅武陵田太守

唐王昌齡

仗劍行千里微軀敢一言自爲大梁客不負信陵恩
酬王補闕惠翼莊廟宋丞泚贈別

唐李白

學道三千春自言義和人軒蓋宛若夢雲松長相親
偶將二公合復與三山鄰喜結海上契自爲天外賓

人部

卷九十五

二十七

酬答

鸞翮我先鍛龍性君莫馴朴散不向古時訛皆失真
勿踏荒谿坡竭來浩然津帶何辭楚桃源堪避秦
世迫且離別心在期隱淪酬贈非烟誠冰言銘佩紳

訓張卿夜宿南陵見贈

唐李白

月出魯城東明如天上雪魯女驚莎鷄鳴機應秋節
當君相思夜火落金風高河漢挂戶牖欲濟無輕舸
我昔辭林丘雲龍忽相見客星動太微朝去洛陽殿
爾來得茂彥七葉仕漢餘身爲下邳客家有圯橋書
傳說未夢時終當起巖野萬古騎辰星光輝照天下
與君各未遇長策委蒿萊寶刀隱玉匣繡澀空莓苔

遂令世上愚輕我土與灰一朝攀龍去鼃鼃安在哉
故山定有酒與爾傾金罍

荅從弟幼成過西園見贈

唐李白

一身自瀟灑萬物同躋喧拙薄謝明時棲閑歸故園
二季過舊壑四鄰馳華軒衣劍照松宇賓從光石門
山童薦珍果野老開芳罇上陳樵漁事下遂農圃言
昨來荷花滿今朝蘭若繁一笑復一歌不知夕景昏
醉罷同所樂此情難具論

江上荅崔宣城

唐李白

太華三芙蓉明星玉女峰尋仙下西嶽陶令忽相逢
人部 卷九十五 二十八 酬答

問我將何事湍波歷幾重貂裘非李子鶴筆似王恭
謬忝燕臺召而陪郭隗蹤水流知入海雲去或從龍
樹繞蘆洲月山鳴鵲鎮鐘還期如可訪台嶺陰長松

五月東魯行荅汶上翁

唐李白

五月梅始黃蠶凋桑柘空魯人重織作機杼鳴簾櫳
顧余不及仕學劍來山東舉鞭訪前途獲笑汶上翁
下愚忽壯士未足論窮通我以一箭書能取聊城功
終然不受賞羞與世人同西歸去直道落日昏陰虹
此去爾勿言甘心如轉蓬

荅高山人兼呈權顧二侯

唐李白

虹霓掩天光哲后起康濟應運生夔龍開元掃氛翳
太微廓金鏡端拱清遐裔輕塵集高嶽虛點聖明意
謬擢紫泥詔獻納生雲際讒惑英主心恩疎佐臣計
傍徨庭闕下歎息光陰逝未作仲宣詩先流賈生涕
挂帆秋江上不爲雲羅制山海東傾百川無盡勢
我於鴟夷子相去千餘歲運濶英達稀同風遙執袂
分道望遠水忽見滄浪樵高士何處來虛舟渺安繫
大觀本淳古文章多佳麗延引故鄉人風義未淪替
顧侯達語默權子識通蔽曾是無心雲俱爲此留滯
變浮易飄轉獨鶴思凌厲明晨去瀟湘共謁蒼梧帝

卷五

三十九

荅杜秀才五松見贈

唐李白 盛

昔獻長楊賦天開雲雨歡當時待詔承明裏皆道揚
雄才可觀敕賜飛龍二天馬黃金絡頭白玉鞍浮雲
蔽日去不返總爲秋風摧紫蘭角巾東出商山道採
秀行歌詠芝草路逢園綺笑向人兩君解來一何好
聞道金陵龍虎盤還同謝朓望長安千峰夾水向秋
浦五松名山當夏寒銅井炎鑪歛九天赫如鑄鼎荆
山前陶公嬰綬呵赤電回祿睢陽揚紫煙此中豈是
公前處便欲燒丹從列仙愛聽松風且高臥颺颺吹
寒氣過登臺獨立望九州陽春欲奏誰相和聞君

往年遊錦城章仇尚書倒屣迎飛牋絡繹奏明主天
書降問回恩榮骭髀不能就珪組至今空揚高蹈名
夫子工文絕世奇五松新作天下推吾非謝尚邀彥
伯異代風流各一時一時相逢樂在今袖拂白雲開
素琴彈爲三峽流泉音從前一別武陵去去後桃花
春水深

荅湖州迦葉司馬問白是何

唐李白 盛

青蓮居士謫仙人酒肆藏名三十春湖州司馬何須
問金粟如來是後身

荅山中俗人

唐李白 盛

人部

卷五

三十

問余何事棲碧山笑而不荅心自閑桃花流水杳然
去別有天地非人間

酬寇十侍御錫見寄

唐杜甫 盛

往別鄒瑕地於今四十年來簪御府筆故泊洞庭船
詩憶傷心處春深把臂前南瞻按百越黃帽待君偏

荅鄭十七郎

唐杜甫 盛

雨後過畦澗花殘步屣遲把文驚小陸好客見當時

荅楊梓州

唐杜甫 盛

聞到房公池水頭坐逢楊子鎮東州却向青谿不相
見回船應載阿戎遊

荅中丞嚴公雨中垂寄見憶奉荅二絕

唐杜甫盛

雨映行宮辱贈詩元戎肯赴野人期江邊老病雖無力強擬晴天理釣絲

昨日雨晴雲出谿白沙青石洗無泥只須伐竹開荒徑拄杖穿花聽馬嘶

巴嶺荅杜二見憶

唐嚴武盛

卧向巴山落月時兩鄉千里夢相思可但步兵偏愛酒也知光祿最能詩江頭赤葉楓愁客離外黃花菊對誰歧馬望君非一度冷猿秋鴈不勝悲

詩集類函卷九十六

東吳俞安期彙纂

新都吳養春訂校

人部三十八

酬荅下

○酬荅下

荅高三十五爾別便呈于十 唐李頎盛

累薦賢良皆不就家近陳留訪耆舊韓康雖復在人間王霸終思隱巖竇清冷池水灌園蔬萬物滄江心淡如妻子歡同五株柳雲山老對一牀書昨日公車見三事明君賜衣遣為吏懷章不使郡邸驚待詔初人部 卷九十六 酬荅下

從闕庭至散誕山來自不羈低頭受職爾何為故園壁挂烏紗帽官舍塵生白接離寄書寂寂於陵子蓬蒿沒身胡不仕藜羹被褐環堵中歲晚將貽故人耻欲之新鄉荅崔顯基母潛 唐李頎盛

數年作吏家屢空雖道黑頭成老翁男兒在世無產業行子出門如轉蓬吾屬交歡此何夕南家檣衣動歸客銅鑪將炙相歡飲星宿縱橫露華白寒風卷葉渡渾沱飛雪布地悲我孤城日落見栖鳥馬上時聞漁者歌明朝東路把君手臘日辭君期歲首自知寂寞無去思敢望縣人致牛酒

同張員外誣酬答之作

唐李頎

洛中高士日沈冥，手自灌園方帶經。王湛牀頭見周易，張康傳裏好丹青。鵲冠葛屨無名位，博奕賦詩聊遣意。清言只到衛家兒，用筆能誇鍾太尉。東籬二月種蘭蓀，窮巷人稀鳥雀喧。聞道郎官問生事，肯令鬢髮老柴門。

自東都還濠州奉詔王八諫議見贈

唐獨孤及

關西仕時俱稚容，彪之鬢始相逢。天地變化縣城改，天寶中及尉華陰鄭縣別後經獨有故人文態

人部

卷九十六

三

酬答下

在不言會合跡，未并猶似歲寒心。相待洛陽居守寄，鄭侯君著貂冠參運籌。高閣連雲騎省夜，新文會友涼風秋。青袍白面昔攜手，冉冉府趨君記否。雲分雨散十五年，始得一笑罇酒前。未遑少留驟遠別，况值旅鴈鳴秋天。二華舊遊如夢想，他時再又何由緣。賴君贈我郢中曲，別後相思被管絃。

將赴京答李紆贈別

唐獨孤及

膠漆常投分，荆蠻各倦遊。帝鄉今獨往，溝水便分流。日作遠行客，深慙不繫舟。思君帶將綬，豈直日三秋。答李滁州見寄

唐獨孤及

相逢遽歎別離牽，三見江皋蕙草鮮。白髮俱生歡未再，滄洲獨往意何堅。愁看郡內花將歇，忍過山中月屢圓。終日望君休汝騎，媿無堪報起予篇。

答皇甫十六侍御北歸留別

唐獨孤及

正當楚客傷春地，豈是騷人道別時。俱徇空名嗟欲老，况將行役料前期。勞生多故應同病，羸馬單車莫自悲。明日相望隔雲水，解頤唯有袖中詩。

江寧訓鄭縣劉少府兄贈別

唐獨孤及

往年脫縫掖，接武仕關西。結綬腰章並，趨階手板齊。仙山不用買，朋酒日相攜。抵掌誇潭壑，忘情回組珪。

人部

卷九十六

三

酬答下

事遷時既往，年長跡逾賒。何為青雲器，猶嗟濁水泥。役牽方遠別，道在或先迷。莫見良田晚，遭時亦杖藜。

金陵訓李翰林謫仙仙

萬後名顯上元初，登第始見李白於廣陵。白曰：爾後必著大名於天下，無忘老夫與明月奴。盡出其文命，願集之白有送萬選王屋詩。

唐魏萬

君抱碧海珠，我懷藍田玉。各稱希代寶，萬里遙相燭。長卿慕蘭久，子猷意已深。平生風雲人，暗合江海心。去秋忽乘興，命駕來東土。謫仙遊梁園，愛子在鄉魯。二處一不見，拂衣向江東。五兩挂海月，扁舟隨長風。南遊吳越徧，高掛二千石。雪上天台山，春逢翰林伯。

宣父敬項梁林宗重黃生一長復一少相看如弟兄
惕然意不盡更逐西南去同舟入秦淮建業龍盤處
楚歌對吳酒借問承恩初宮買長門賦天迎駟馬車
才高世難容道廢可推命安石重攜妓子房空謝病
金陵百萬戶六代帝王都虎石據西江鍾山臨北湖
二山信爲美王屋人相待應爲岐路多不知歲寒在
君遊早晚還勿久風塵間此別未達別秋期到仙山

謝裴雲客

唐元結

身厭久荒浪於時無所任耕釣以爲事來家樊水陰
甚醉或漫歌甚閑亦漫吟不知思僻意稱得雲客心

卷九十六

四

人部
雲客方持斧與人正相臨符印隨坐起守位常森森
縱能有相招豈暇來山林

酬李十六岐

唐王季友

鍊丹文武火未成賣藥販屨俱逃名出谷迷行洛陽
道乘流醉卧滑臺城城下故人久離怨一歡適我兩
家願朝飲杖懸沽酒錢暮餐囊有松花飯於何車馬
口憧憧李膺門館爭登龍千賓對江流水五經發
難如扣鐘下筆新詩行滿壁立談古人坐在席問我
草堂有臥雲知我山儲無儋石自耕自刈食爲天如
鹿如麋飲野泉亦知世上公卿貴且養丘中草木年

答長孫十一東山春夜見贈

唐楊諫

故人謝城闕揮手碧雲期
明月照隱處松風生興時
舊林日暮芳草歲空滋
甘與子成夢請君同所思

酬李袁州嘉祐

唐竇叔向

少年輕會復輕離老大關心總是悲
強說前程聊自慰未知攜手定何時
公才屈指登黃閣匪服胡顏上赤墀
想到長安誦佳句滿朝誰不念瓊林

暮春宜陽郡齋愁坐忽聞枉劉七侍御新詩因

以酬荅

唐李嘉祐

子規夜夜啼楮葉遠道逢春半是愁
芳草伴人還易老落花隨水亦東流
山臨睥睨恒多雨地接瀟湘畏及秋
唯羨君爲周柱史手持黃紙到滄洲

卷九十六

五

人部
鶴書猶未至那出白雲來
舊路經年別寒潮每日迴
家空歸海燕人老發江梅
最憶門前柳閑居手自栽

酬秦系

唐劉長卿

離羣方歲晏謫宦在天涯
暮雪同行少寒潮欲上遲
海鷗知吏傲沙鷗見人衰
只畏生秋草西歸亦未期

酬張夏別後道中見寄

唐劉長卿

酬李員外從崔錄事

唐劉長卿

寒江鳴石瀨歸客夜初分
人語空山蒼猿聲獨戍聞

邇來朝及暮愁去水連雲歲晚心誰在青山見此君

酬皇甫侍御見寄時前相國姑臧公初臨郡

唐劉長卿

離別江南北汀洲葉再黃路遙雲共水砧迴月如霜
歲儉依仁政年衰憶故鄉行看宣室召漢法倚張綱

酬李侍御登岳陽樓見寄

唐劉長卿

想見孤舟去無由此路尋暮帆遙在眼春色獨何心

綠水瀟湘闊青山郭杜深誰當北風至為爾一開襟

酬屈突陝

唐劉長卿

落葉紛紛滿四鄰蕭條環堵絕風塵鄉看秋草歸無

人部

卷九十六

六

酬答

路一作歸家對寒江病且貧藜杖懶迎征騎客菊花

能醉去官人憐君計畫誰知者但見蓬蒿空沒身

酬包諫議見寄之什

唐劉長卿

佐郡愧頑疎殊方親里閭家貧寒未度身老歲將除

過雪山僧至依陽野客舒藥陳隨遠宦梅發對幽居

落日棲鴉鳥行人遺鯉魚高文不可和空愧學相如

酬李使君見贈

唐劉長卿

滿鏡悲華髮空山寄此身白雲家自有蒼松業長貧

嬾任垂竿老任因釀黍春花迷聖代桂樹仰幽人

懷益方臨郡柴荆忝作鄰但愁千騎至石路却生塵

酬李穆見寄

唐劉長卿

孤舟相訪至天涯萬轉雲山路更賒欲掃柴門迎遠

客青苔黃葉滿貧家

省中春暮酬嵩陽焦道士

見

唐錢起

朝花飛暝林對酒傷春心流年催素髮不覺映華簪

垂老遇知己

一作

明代訓恩看寸陰如何紫芝客一作紫陽

客相憶白雲深

訓元秘書晚出藍谿見寄

唐錢起

野興引才子獨行幽徑遲雲留下山處鳥靜山谿時

拙宦不忘隱歸休長在茲知音倘相訪炊黍掃茅茨

人部

卷九十六

七

酬答

閑居酬張起居見贈

唐錢起

在林非避世守拙自離羣弱羽謝風水窮愁依典墳

良知不遐棄新詠獨相聞能使幽興苦坐忘清景曛

前山帶喬木暮鳥聯歸雲向夕野人思難忘騎省文

赴章陵訓李卿贈別

唐錢起

一官叨下秩九棘謝知音芳草文園路春愁滿別心

荅張諲劉方平兼呈賀蘭廣

唐皇甫冉

野性難馴狎荒郊自閑門心閑同海鳥日夕戀山村

屢枉瓊瑤贈如今道術存遠峰時振策春山耐香源

復有故人在寧聞盧鵲喧青苔色綠終是待王孫

酬權器

唐皇甫冉

南望江南滿山雪此情惆悵將誰說徒隨羣吏不曾
聞顧與諸生為久別聞君靜坐轉耽書種樹葺茅遠
舊居終日白雲應自足明年芳草又何如人生有懷
若不展出入公門猶未免迴舟朝夕待春風先報華
陽洞深淺

酬裴十四

唐皇甫冉

淮海各聯翩三年方一見素心終不易玄髮何須變
舊國想平陵春山滿陽羨鄰雞莫遽唱共惜良夜晏
酬張二倉曹楊子所居見寄兼呈韓郎中

人部

卷九十六

八

唐皇甫冉

孤雲獨鶴自悠悠別後經年尚泊舟漁父置詞相借
問郎官能賦許依投折芳遠寄三春草乘興來看萬
里流莫恠杜門頻乞假不堪扶病拜龍樓

酬張二仲彝

唐皇甫冉

吳洲見芳草楚客動歸心屈宋鄉山古荆衡煙雨深
艱難十載別羈旅四愁侵澧月通沅水湘雲入桂林
已看生白髮當為之黃金江海時相見唯聞梁甫吟

酬張繼

唐皇甫冉

謫孫余之舊好祗役武昌以六言詩見懷余以七

言裁蒼蓋拙於事者繁而費

帳望南徐登北固迢迢西塞限東關落日臨川問音
信寒潮唯帶夕陽還

酬前大理評事張芬

唐李端

君家舊林密寄在亂峰西近日春雲滿相思路亦迷
聞鐘投野寺待月過前谿悵望成幽夢依依識故蹊
酬前駕部員外郎苗發

唐李端

馬融方直枕闌復待鈇素業高風繼青春壯思全
論文多在夜宿寺不虛年自署區中職同荒郭外田
山鄰三徑絕野意入行傳袁王矜新法留符識舊仙

人部

卷九十六

九

涵苔谿溜淺搖浪竹橋懸復洞潛棲燕疎楊半翳蟬
詠歌雖有和雲錦獨成妍應以馮唐老相議示此篇

酬張協律

唐韋應物

昔人鬻春地今人復一賢屬余藩守日方君卧病年
麗思阻文宴芳蹤闕賓筵經時豈不懷欲往事
屢牽公府適煩倦開緘瑩新篇非將握中寶何以比
其妍感茲棲寓詞想復痾瘵纏空宇風霜交幽居情
思綿當以貧非病孰云白木玄邑中有其人憔悴即
我愆由來牧守重英俊得薦延匪人等鴻毛斯道何
由宣遭時無早晚臨器俟良緣觀文心木衰勿藥疾

偶然棄官去投跡在田中日出穿茅屋園林一作種園養

愚蒙雖云無一資罇酌會不空且欣百穀成仰歎造

化功出入與民伍作事靡不同時伐南澗竹夜還澧

水東貧寒自成退豈為高人蹤覽君金玉篇彩色發

我谷口日欲為報方一作歷春已徂冬

酬劉侍郎使君

唐韋應物中

瓊樹凌霜雪蕊荷如芳春英賢雖出守本自玉階人

宿昔陪郎署出入仰清塵孰云俱列郡比德豈為鄰

風雨飄海氣清涼悅心神重門深夏晝賦詩延衆賓

方以歲月舊每蒙君子親繼作郡齋什遠贈荆山珍

人部

卷九十六

十一

唐韋應物

高閒一作山城庶務理遊眺景物新朋友亦遠集燕酌在

佳辰始唱已慙拙將酬益難伸濡毫意飽倪一用寫

情勤

答韓庫部協

唐韋應物中

良玉表貞度麗藻頗為工名列金閨籍心與素士同

日晏下朝來車馬自生風清宵有佳興皓月直南宮

矯翮方上征顧我逸沖沖豈不願攀舉執事府庭中

智垂時亦寒才大命有一作一作通還當以道推解組守

蒿蓬

答崔主簿倬

唐韋應物中

朗月分林霽遙管動離聲故歡良已阻空宇澹無情

荅崔都水

唐韋應物中

亭亭心中人迢迢居秦關常緘素札去一作一作適枉華

章還憶在澧郊時攜手望秋山久嫌官府勞初喜罷

秩閒終年不事業寢食長慵頑不知為時來一作一作

名籍挂郎間攝衣辭田里華簪耀顏顏卜居又依仁

日夕正追攀牧人本無術命至荷復還離念積歲序

歸途渺山川郡齋有佳月園林含清泉同心不在宴

罇酒徒盈前覽君陳迹遊詞意俱悽怆忽忽已終日

人部

卷九十六

十一

唐韋應物

將酬不能宣昨稅况重疊公門極熬煎責迫甘首免

一作一作歲晏當歸田勿厭守窮輟一作一作慎為名所牽

荅裴丞說歸京所獻

唐韋應物中

執事頗勤久行去亦傷垂家貧無僮僕吏卒升寢齋

衣服藏內篋藥草曝前階誰復知次第淩落且安排

還期在歲晏何以慰吾懷

荅李博士

唐韋應物中

休沐去人遠高齋出林杪晴山多碧峰顚氣疑秋曉

端居喜良友枉使千里路緘書當夏時開緘時已度

簷雖已飆颺荷露方蕭颯凌遠竹隱幽行稀蘭徑合

舊居共南北往來只如昨問君今爲誰日夕渡清洛

荅貢士黎逢

唐韋應物中

戎等一作

方上達諸生安可希栖神澹物表渙汗布

令詞如彼崑山玉本自有光輝鄙人徒區區稱歎亦何爲彌月曠不接公門但驅馳蘭章忽有贈持用慰所思不見心微密况當相見時

酬李儋

唐韋應物中

開門臨廣陌旭旦車馬喧不見同心友徘徊憂且煩
郡城二十里居在良與坤人生所各務乖闊累朝昏
湛湛罇中酒青青芳樹園絨情未及發先此枉璵璠

卷九十六

十三

人部
適世超一作高躅尋流得真源明當策疲馬與子同笑言

荅故人見論

唐韋應物中

素寡名利心自非周圓器徒以歲月資屢蒙藩條寄
時風重書札物情敦貨遺機杼十緜單慵踈百面愧
常負交親責且爲一官累况本濩落人歸無置錫地
省已知非枉書見深致雖欲効區區何由枉其志

訓盧嵩秋夜見寄五韻

唐韋應物中

喬木生夜涼月華滿前墀去君咫尺地勞君千里思
素素棲遁志况貽招隱詩坐見林木榮一作生樹願

赴滄洲期何能待歲晏攜手當此時盧詩云歲晏以爲期

荅端

唐韋應物中

郊園夏雨歇閑院綠陰生職事方無効幽賞獨違情
物色坐如見離抱悵多盈况感夕涼氣聞此亂蟬鳴

酬闔員外陟

唐韋應物中

寒夜阻良覲叢竹想幽居虎符予已誤金丹子何如
醺集觀農暇笙歌聽訟餘雖蒙一言教自愧道情疎
酬柳郎中春日歸揚州南郭見別之作

唐韋應物中

廣陵三月花正開花裏逢君醉一廻南北相過殊不
人部
卷九十六
十四

達暮潮從去早潮來

荅李潯

唐韋應物中

馬卿猶有壁漁父自無家想子今何處扁舟隱荻花

荅賓

唐韋應物中

月纔鑒帷凝霜偏冷枕持情須耿耿故作單牀寢

酬贈韋應物

唐丘丹中

久作煙霞侶暫將簪組親還同褚伯玉入館忝州人

酬崔峒見寄

唐司空曙中

趨陪禁掖鴈行隨遷放江潭鶴髮垂素浪遙疑太液
水青楓忽似萬年枝嵩南春遍愁魂盡空口雲深隔

路岐共望漢朝多沛澤蒼蠅早晚得先知

酬李端校書見贈

唐司空曙中

綠槐垂穗乳鳥飛忽憶山中獨未歸青鏡流年看髮
變白雪芳草與心違乍逢酒客春遊慣久別林僧夜
坐稀昨日聞君到城闕莫將簪弁勝何衣

酬暢當

唐耿漳中

同遊漆沮後已是十年餘幾度曾相夢何時定得書
月高城影盡霜重柳枝疎且對尊中酒下殷想未如

酬王侍御西陵渡見寄

唐嚴維中

前年萬里別昨日一封書郢曲西陵渡秦官使者車

人部

卷九十六

十五

柳塘燕書日花水溢春渠若不嫌雞黍先令掃敝廬

酬耿漳拾遺題贈

唐嚴維中

掩扉嘗自靜驛吏忽傳呼水巷驚馴鳥絮牀起病軀
顧身悲欲老戒子力爲儒明日曲西一作去煙霞復
作徒

酬劉員外見寄

唐嚴維中

蘇耽佐郡時近出白雲司藥補清羸疾應吟絕妙詞
柳塘春水漫花塢夕陽遲欲識懷君意明朝訪檝師
答劉長卿蛇浦橋月下重送之作

唐嚴維中

月色今宵最明庭間夜久天清寂寔多年老宦殷勤
達別深情谿路臨脩竹煙色風落高梧雨聲耿耿相看
不寐遙聞遠柝山城

奉酬韋滁州寄示

唐楊凌中

淮陽爲郡暇坐惜流芳歇散懷累榭風清暑澄潭月
陪燕辭三楚戒途綿百越非當遠別時雅奏何由發

奉酬湖州崔郎中見寄

唐劉禹錫中

山陽昔相遇灼灼晨葩鮮同遊翰墨場和樂墳簞然
一落名宦途浩如乘風船行當暮暮日臥理淮海邊
猶期謝病後共樂桑榆年

人部

卷九十六

十六

衢州徐員外使君遺以綈紵兼竹紙箱因賦一

篇用答佳贐

按此郡本自婺州
析置徐自台州遷

唐劉禹錫中

爛柯山下舊仙郎列宿來添婺女光遠放歌聲分白
紵知傳家學與青箱水朝滄海何時去蘭在幽林亦
自芳聞說天台有遺愛人將琪樹比甘棠

答劉連州邦字

唐柳宗元中

連璧本難雙分符刺小邦崩雲下灘水劈箭上潯江
負琴啼寒吹鳴柁驚夜猿遙憐郡山好謝守但臨牕

酬韶州裴曹長使君寄道州呂八大使因以見

示二十韻

唐柳宗元

金馬嘗齊入銅魚亦共頒疑山看積翠湏水想登巒
標榜同驚俗清明兩照姦乘輅參孔僅接節服侯冊
賈傳辭寧切虞童髮未巖秉心方的騰口任頻頻
聖理高懸象爰書降罰緩德風流海外和氣滿人寰
禦魅恩猶賔思賢淚自潛存亡均寂寞零落間惻惻
夙志隨憂盡殘肌觸瘡痛月光搖淺瀨風韻碎枯管
海俗衣猶卉山夷髻不髮泥沙潛虺蜮榛莽闢豺狼
循省誠知懼安排祗自憫食貧甘芥鹵被褐謝爛爛
達物裁青廟時珍饌白鵬長捐楚客珮未暢大夫環
人部 卷九十六 十七 酬答
異政徒云仰高蹤不可攀空勞慰顙領妍唱劇妖嫺
酬婁秀才將之淮南見贈 唐柳宗元
遠棄甘幽獨誰言值故人好音憐鍛羽濡沫慰窮鱗
困志情惟舊相知樂更新浪遊輕費日醉舞詎傷春
風月歡寧聞星霜分益親已將名是患還用道為鄰
機事齊飄瓦嫌猜比拾塵高冠余肯賦長鉞子忘貧
晚晚驚移律睽攜忽此辰開顏時不再絆足去何因
海上銷魂別天邊弔影身祗應西澗水寂寞但垂綸
酬曹侍御過象縣見寄 唐柳宗元
破額山前碧玉流騷人遙駐木蘭舟春風無限瀟湘

憶欲採蘋花不自由

奉酬振武胡十二丈大夫

唐韓愈

傾朝共美寵光頻半歲遷騰作虎臣戎旆暫停辭社
樹里門先下敬鄉人橫飛玉盞家山曉遠蹀金珂塞
草春自笑平生誇膽氣不離文字鬢毛新

酬盧員外

唐楊巨源

謝傳旌旗控上游盧郎罇俎借前籌雒城風土臨清
廟魏國山川在樓臺寺當時接高步水亭今日又
同遊滿筵舊有笙歌在獨自羊曇最淚流

酬裴舍人見寄

唐楊巨源

人部

卷九十六

十八

酬答

誰道重遷是舊班自將霄漢比鄉關二妃樓下宜臨
水五老祠西好看山再草吾廬心已足每來公府路
常閑詩陪亞相逾三紀煙霞不共攀

酬王十八秀才見寄

唐郎士元

昨夜山月好故人果相思清光到枕上嫋嫋涼風時
永意能在我憶無攜手期

酬韓庶子

唐張籍

西街幽僻處正與懶相宜尋寺獨行遠借書常送遲
家貧無易事身病是閑時寂寞誰相問祗應君自知
酬裴僕射朝回寄韓吏部 唐張籍

獨愛南關裏山晴竹杪風從容朝早退蕭灑客常通
案曲新亭上移花遠寺中唯應有吏部詩酒每相同

答姚怱見寄

唐孟郊

日月不同光晝夜各有宜賢哲不苟合出處亦待時
而我獨迷見意求異士知如將舞鶴管誤向鶯兒吹
大雅難具陳正聲易漂淪君有丈夫淚泣人不泣身
行吟楚山下一作義淚沾衣巾

同從叔簡淵廬殷少府

唐孟郊

梅尉吟楚聲竹風爲淒清深虛水在性高潔雲入情
借水洗閑貌寄蕉書逸名羞將片石文關此雙瓊英

人部

卷九十六

十九

醉後走筆酬劉五主簿長句之贈兼柬張大賈

二十四先輩昆季

唐白居易

劉兄文高行孤立十五年前名翕習是時相遇在符
離我年二十君三十得意忘年心迹親寓居同縣日
知聞衡門寂寞朝尋我古寺蕭條暮訪君朝來暮去
多攜手窮巷貧居何所有秋燈夜寫聯句詩春雪朝
傾暖寒酒脾湖綠愛白鷗飛灘水清憐紅鯉肥偶語
閑攀芳樹立相扶醉踏落花歸張賈弟兄同里巷乘
閑數數來相訪雨天連宿草堂中月夜徐行石橋上
我年漸長忽自驚鏡中冉冉髭鬚生心畏後時同勵

人部

卷九十六

二十一

志身牽前事各求名問我栖栖何所適鄉人薦爲鹿
鳴客二千里別謝交游三十韻詩慰行役出門可憐
唯一身弊癯瘦馬入咸秦繁繁街鼓紅塵鬧晚到長
安無主人二賈二張與余弟驅車遞遞來相繼操詞
握賦爲干戈鋒銳森然勝氣多齊入文場同苦戰五
人十載九登科二張得雋名居甲美退爭雄重告捷
榮棣輝榮並桂枝芝蘭芬馥和荆葉唯有沅犀屈未
伸握中目謂駭雞珍三年不鳴鳴必大豈獨駭雞當
駭人元和運啓千年聖同遇明時余最幸始辭秘閣
吏王畿遽列諫垣升禁闈寒步何堪鳴珮玉衰容不
稱著朝衣間闔晨開朝百辟冕旒不動香煙碧步登
龍尾上虛空立去天顏無咫尺宮花似雪從乘輿禁
月如霜坐直廬身賤每驚隨內宴才微常愧草天書
晚松寒竹新昌第職居密近門多閉日暮銀臺下直
迴故人到門門暫開迴頭下馬一相顧塵上滿衣何
處來歛手炎涼叙未畢先說舊山今悔山岐陽旅宦
少歡娛江左羈遊費時日贈我一篇行路吟吟之句
句披沙金歲月徒催白髮親泥塗不恤青雲心誰謂
茫茫天地意短才獲用長才棄我隨鷁鷥入煙雲謬
上丹墀爲近臣君同鸞鳳栖荆棘猶著青袍作選人

惆悵知賢不能薦徒爲出入蓬萊殿月慙諫紙二百
張歲愧俸錢三十萬大抵浮榮何足道幾度相逢卽
身老且傾斗酒慰羈愁重話符離問舊遊北巷鄰居
幾家去東林舊院何人住武里村花落復開流溝山
色應如故感此酬君千字詩醉中分手又何之須知
通塞尋常事莫歎浮沈先後時慷慨臨岐重相勉殷
勤別後加餐飯君不見買臣衣錦還故鄉五十身榮
未爲晚

荅韋八

唐白居易中

麗句勞相贈佳期恨有違早知留酒待悔不趁花歸
人部

卷九十六

三十一 開卷

春盡綠醅老雨多紅萼稀今朝如一醉猶得及芳菲

酬周協律

唐白居易中

五十錢塘守應爲送老官濫蒙詞客愛猶作近臣看
盤落愁須飲琵琶悶遣彈白頭雖強啼不似少年歡

山中酬江州崔使君見寄

唐白居易中

春吟情無限優客禮有餘三年爲郡吏一半許山居
酒熱心相待詩來手自書更樓春好醉明日且回車

荅馬侍御見贈

唐白居易中

謬入金門侍玉除煩君問我意何如蟠木詎堪明
川籠禽徒與故人疎苑花似雪同隨華宮月如君作

直廬淺薄求賢思自代稽康竝寄絕交書

醉中得上都親友書以予停俸多時憂問貧乏

偶乘酒興詠而報之

唐白居易中

頭白醉昏昏狂歌秋復春一生耽酒客五度棄官人
異世陶元亮前生劉伯倫卧將琴作枕行以鉢隨身
歲要衣三對年支穀一困園葵烹佐飯林葉掃添薪
沒齒甘蔬食搖頭謝綰紳自能拋爵祿終不惱交親
但得杯中祿從生醜上塵煩君問生計憂醒不憂貧

酬盧秘書二十韻

唐白居易中

謬歷文場選慙非翰苑才雲霄高暫致毛羽弱先摧
人部

卷九十六

三十一 開卷

識分忘軒冕知歸返草萊杜陵書積蠹欲劒生苔
晦厭鳴雞雨春驚震蟄雷舊恩收墜屐新律動寒灰
鳳詔容徐起鴈行許重陪衰顏雖拂拭寒步尚低徊
睡少鐘偏警行遲漏苦催風霜趁朝去泥雪拜陵迴
上感君猶念傍慙友或推性將時共背病與老俱來
聞有蓬壺客知懷杞梓材世家標甲地官職滯麟臺
心爲論文合冒因勸善開不勝珍重意滿袖爲瑣瑣
酬王十八見寄
唐白居易中
秋思太白峰頭雪晴憶仙遊洞口雲不報皇恩歸未
得慙君爲寄北山文

酬樂天時樂天攝尉

唐元稹中

放鶴在深水置魚在高枝升沈或異勢同謂非所宜
君為邑中吏皎皎鸞鳳姿顧我何為者翻侍白玉墀
昔作芸香侶三載不暫離速茲忽相失旦夕夢夢思
崔嵬驪山頂宮樹遙參差祗得兩相望不得長相隨
多君歲寒意裁作秋興詩上有風塵苦下言時節移
官家事拘束安得攜手期願為雲與雨會合天之垂
酬樂天赴江州路上見寄
昔在京城心今在吳楚末千山道路險萬里音塵闊
天上參與商地上吳與越終天升沈異滿地羅網設
人部 卷九十六 二十三 蜀客
心有無朕環腸有無繩結有結解不開有環尋不歇
山嶽移可盡江海塞可絕離恨若空虛窮年思不徹
生莫強相同相同會相別

二

襄陽大隄繞我向隄前任燭隨花艷來騎送朝雲去
萬竿高廟竹三月徐亭樹我昔憶君時君今懷我處
有身有離別無地無岐路風塵同古今人世勞新故
酬李浙西先因從事見寄
唐元稹中

近日金鑾直親於漢珥貂內人傳帝命丞相讓吾僚
浙郡懸旌連長安論日遙因君藥珠贈還一夢煙霄

代杭民答樂天

唐元稹中

翠幕籠斜日朱衣儼到筵管絃淒欲罷城郭望依然
路溢新成市農開舊廢田春坊幸無事何惜借三年
酬樂天東南行詩一百韻
唐元稹中

我病方吟越君行已過湖
元和十年閏六月至通州
去應緣直道哭不為窮途亞竹寒驚牖空堂夜

向隅暗魂思背燭危夢怯乘桴
此後每歸之內半述
坐痛筋骸慙旁嗟物候殊雨蒸重沸渭浪湧怪雕

野索綆飄蚊蚋蓬麻焚舳舻短簷苦稻草微俸封
漁租泥聲浦喧撈蛤荒郊險鬪鯨吞近溟漲狹闊

接黔巫芒屨涸牛婦丫頭蕩槳夫醉醅荷裹賣醪酒
水淋沽如淋醺法舞態翻鸛鵒歌詞咽鷓鴣夷音啼

似笑蠻語謔相呼江郭船添店山城木豎郭吹聲沙
市犬爭食墓林烏獷俗誠堪憚妖神甚可虞欲令仁

漸及已被瘴潛圖膳減思調鼎行稀恐蠹樞維尊參
剖鱗和黍半蒸菰綠櫻新菱實金丸小木奴巴橘酸

彈芋羹真甕淡醺炎漫塗蘇包鼈那勝烹烹鮓只似
鱸魚鮓楚風輕似蜀巴地濕如吳氣濁星難見

州斜日易晡通宵但雲霧未西即桑榆
此後並言
窟蛇休蟄炎谿暑不徂俛魂陰叫嘯鵬貌畫踟躕

人部 卷九十六 二十四 蜀客

子 212-673

里家藏壘官曹世乏儒欽緡倫印信傳箭作符繡

髻拋巾幘鑲刀代轆轤當心鞞銅鼓背弔射桑弧

詞訟敢研朱陋室鴉窺伺衰形蟒覬覦鬚毛霜點合

襟淚血痕濡倍憶京華伴偏忘我爾軀此後並言與

校尉事謫居今共遠榮路昔同趨科試銓衡局衙參典

澤陪遊值賜哺心唯撞衛磬耳不亂齊竿此後並言

海岱詞鋒截皇王筆陣毆疾奔凌驤裏高唱軌吳

飲點檢張儀舌提攜傳說圖擺囊看刊穎開領出明

人部 卷九十六 三五

珠並取千人特皆非十上徒白麻雲色膩墨詔電光

饒眾口貪歸美何顏敢妬姝秦臺納紅旭鄭匣洗黃

壚諫獵寧規避彈豪詎囁嚅肺肝憎巧曲蹊徑絕紫

迂誓遣朝綱振忠饒翰苑輪元和四月為監察御史

調方汗血蠅點忽成盧遂謫栖遑掾還飛送別孟痛

嗟親愛隔顛望友朋扶俚病翻隨鼠鼯贏返作駒物

情良狗俗時論太誣吾瓶聲壘偏耻松摧柏自枯虎

雖遭陷阱龍不怕泥塗此已上並述五年喪事重喜

登賢苑方甘佐伍符九年樂天除太子贊判身入弓

戟輕敵比錯鉢驛騎來千里天書下九衢因教罷飛

微便許到皇都十年春自唐州舟敗罌浮漢驂疲林

過邛郵亭一蕭索烽候各崎嶇餽餉人推輅誰何吏

執戈跋家逃力役連鑣責責音責逋誅防戍兄兼弟收田

婦與姑縑細工女竭青紫使臣紆望國參雲樹歸家

滿地蕪破牕塵堦堦幽院鳥鳴鳴此已下並言靖安

祖竹藁新筍孫枝壓舊梧晚花狂蚊蝶殘蒂宿茱

萸始悟摧林秀因銜避綴蘆文房長遣閉經肆未曾

鋪鷓鴣方求侶鳴鳶已嚇雛微還何鄭重斥夫亦須

吏迢遞投遐徽蒼黃出奧區通川誠有咎溢口定無

幸三月值之通川入利器從頭匣剛腸到底剝薰蕕

人部 卷九十六 三五

任盛貯穉稗莫超踰公幹經時臥鍾儀幾歲拘光陰

流似水蒸瘴熱於鑪薄命知然也深交有矣夫救焚

期骨肉投分刻肌膚本題云歸唐州李十一舍人果

軒陛三英詠袴襦史三十三杜二十四並唐州李

李多嘲蜉蝣數集蜘蛛李二十雅善談論固多味

受椰掄嬾學三閭憤甘齊百里愚耽眠稀醒素憑醉

少嗟吁學問徒為爾書題盡已干別猶多夢寐情尚

感凋枯近喜司戎健尋傷掌誥祖今日謂唐天書士

元名位屈伯道子孫無舊好飛瓊翰新詩灌玉壺幾
催開處泣終作苦中娛廉蘭聲相讓燕秦勢豈俱此
篇應絕倒休漫持髭鬚樂天戲題篇末云此篇擬打
寄容州詩故有戲譽

酬許伍康佐

唐元稹中

奮迅君何晚羈離我詎儔鶴籠閑警露鷹縛悶牽羈
蓬閣深沈省荆門遠慢州課書同吏職旅宦各鄉愁
白日傷心過滄江滿眼流嘶風悲代馬喘月伴吳牛
枯涸方窮轍生涯不繫舟猿啼三峽雨蟬報兩京秋
珠玉慙新贈芝蘭忝舊遊他年問狂客須向老農求
酬鄭侍御秋夜見寄

唐權德輿中

人部

卷九十六

三十七

酬答

搖落空林夜河陽興已生未辭公府步知結達山情
高柳風難定寒泉月助明表公方卧雲尺素及柴荆
西川獨孤侍御見寄七言四韻一首為郡翰墨

都捐逮此酬答誠為拙速

唐羊士諤中

百雉層城上將壇列營西照雪峰寒文章立事須銘
鼎談笑論功耻據鞍草檄清油推健筆曳裾黃閣聳
危冠雙金未比三千字負弩空慙知者難

節度宣武酬樂天夢得

唐令狐楚中

蓬萊仙監客曹郎曾柱高車客大梁見擁旌旄治軍
旅知親筆倪事文章愁看柳色懸離恨憶遞花枝助

酒狂洛下相逢肯相寄南金璀璨玉淒涼

酬范中丞見惠

唐費冠卿中

花宮柳陌正從行紫袂金鞍問姓名戰國方須禮干
木康時何必重侯嬴捧將束帛山僮喜傳示銀鈞邑
客驚直為雲泥相去遠一言知己殺身輕

荅蕭建

唐費冠卿中

自地上青峰懸崖一萬重踐危頻側足登塹半齊胸
飛狄啼攀桂遊人喘倚松入林寒瘁瘁近瀑布濛濛
徑滑石稜上寺開山掌中幡花撲淨地臺殿印晴空
勝境層層別高僧院院逢泉魚候洗鉢老叟戲撞鐘

人部

卷九十六

三十八

酬答

外戶憑雲掩中厨課水春搜泥時和麵拾橡半添種
渡壑緣槎際持燈入洞窮夾天開壁峭透石感波雄
澗藹清無土潭深碧有龍畝田一片淨谷樹萬株濃
野客登臨慣山房幽寂同寒爐樹根火夏脯竹梢風
邊鄙疇賢相黔黎託聖躬君能棄名利歲晏一相逢
酬致政楊祭酒見寄

唐李逢吉中

初還相印罷戎旃護守皇居在紫煙安比鄧侯功蔑
爾每懷疎傳意悠然應將半俸霑閭里料入中條訪
洞天十載別離那可道倍令驚喜見來篇

酬李補闕雨中寄贈

唐崔峒中

十年隨馬宿幾度受人恩白髮還鄉井微官有子孫
竹牕寒雨滴苔砌夜蟲喧獨媿東垣友新詩慰旅魂

劉展下判官相招以詩答之

唐崔峒中

國有非常寵家承異姓勲背恩慙皎日不義若浮雲
但使忠貞在甘從玉石焚竄身如有地夢寐見明君

荅贈

唐李賀中

本是張公子曾名萼綠華沈香燭小像楊柳伴啼鴉
露重金泥冷杯闌玉樹斜琴堂沽酒客新買後園花

酬陳翊郎中冬至攜柳郎寶郎歸河中舊居見寄

唐盧綸中

人部

卷九十六

二五九 開卷

三旬一休沐清景滿林廬南郭羣儒從東牀兩客居
燒煙浮雪野麥隴潤水渠斑白皆持酒蓬茅盡有書
終期買寒渚同此利蒲魚

酬人

唐盧綸中

孤鸞將鶴羣晴日麗春雲何幸晚飛者清音長此聞

荅王參

唐賈島中

寸晷不相待四時互如競客思先覺秋蟲聲苦知眠

酬姚合校書

唐賈島中

因貧行道遠得見舊交遊美酒易傾盡好詩難卒酬
公堂朝共到私第夜相留不覺入關晚別來林木秋

酬郭縣李廓少府見寄

唐賈島中

稍憐公事退復遇夕陽時北朔霜凝竹南山水入籬
吟懷滄海侶空問白雲師恨不相從去心惟野鶴知

酬厲玄

唐賈島中

我來從北鄙子省涉西陵白髮初相識秋山擬共登
鄰居帝城雨會宿御溝水未報見貽作耿然中夜興

酬李處士見贈

唐朱慶餘中

干上非無援才多却累身雲霄未得路江海作閑人
久別唯謀道相逢不話貧行藏一如此可便老風塵

酬蕭員外二首

唐朱慶餘中

人部

卷九十六

三十 開卷

十夜郡城宿苦吟身未閑那堪西郭別雪路問青山
二

此去非關興君行不當遊無因兩處馬共飲一谿流

荅陸豐

唐朱放中

松葉堪爲酒春來釀幾多不辭山路遠踏雪也相過

酬秦系山人見寄

唐釋皎然

左右香童不識君擔簦訪我領鷗羣山僧待客無俗
物唯有牕前片碧雲

酬張祐處士見寄長句四韻

唐杜牧

七子論詩誰似公曹劉須在指揮中薦衡昔已知文

舉令狐相公曾乞火無人作刺通北極樓臺長挂夢

西江波浪遠吞空可憐故國三千里虛唱歌辭滿六

宮處士詩曰故國三千里深宮二

酬綿州于中丞使君見寄 唐許渾晚

故人書信越褒斜新意雖多舊約賒皆就一麾先去

國共謀三逕未還家荆巫夜隔巴西月鄢郢春連漢

上花半月離居猶悵望可堪垂白各天涯

酬和杜侍御 唐許渾晚

花時曾省杜陵遊聞下書帷不舉頭因過石城先訪

戴欲朝金闕暫依劉征帆夜轉鷓鴣穴一作騁騎春

辭鶴雀樓正把新詩望南浦棹歌應是木蘭舟

江夏酬高崇節 唐羅隱晚

都堂試春風汴水行十年雖抱疾何處不無情

羣盜正當路此遊應隔生勞君問流落山下已躬耕

寄酬鄴王羅令公二首 唐羅隱晚

營室東迴廡斥丘少年承襲擁青油坐調金鼎尊明

主橫把琬文傲列侯書札二王爭巧拙篇章七子避

風流西園舊跡今應在衰老無由奉勝遊

脉散源分歷幾朝縱然官宦只卑僚正憂末派淪滄

海忽見高枝拂絳霄十萬貔貅趨玉帳三千賓客理

金貂良時難得吾宗少應念衰門更寂寥

酬令狐郎中見寄 唐李商隱晚

望郎臨古郡佳句灑丹青應自丘遲宅仍過柳惲江

封來江渺渺信去雨冥冥句曲聞仙訣臨川得佛經

朝吟摺客枕夜讀漱僧瓶不見銜蘆鴈空流腐草螢

土宜悲坎井天怒識雷霆象卉分疆近蛟涎浸岸腥

補羸貪紫桂負氣託青萍萬里懸離抱危於訟閣鈴

酬友人 唐溫庭筠晚

辭榮亦素尚倦遊非夙心寧復思金籍獨此臥煙林

閒雲無定貌佳樹有餘陰坐久菱荷發釣蘭茝葦深

游魚自搖漾浴鳥故浮沈唯君清露夕一為灑煩襟

酬王擅見寄 唐喻鳧晚

馳心棲杳冥何物比清冷夜月照巫峽秋風吹洞庭

酬難塵鬢皓坐久壁燈青竟晚蒼山詠喬枝有鶴聲

前寄左省張起居一百言尋蒙唱酬見譽過實

却用舊韻重答 唐鄭谷晚

減瘦經多難憂傷集晚年吟高風過樹坐久夜涼天

旅退慙隨衆孤飛怯向前釣朋蓂叟在藥術衲僧傳

鬢禿趨榮路腸焦鄙盜泉品徒誠有隔推唱意何堅

寒地殊知感秋燈耿不眠從來甘默爾自此倍怡然

問答

子 212-678

分

八伯歌

明明上天 爛然星陳 日月光華 弘于樂書作一人

帝乃載歌曰

日月有常星辰有行 四時順經 萬姓允誠 於予論樂配天之靈 遷于賢善 莫不咸聽 鑿

平鼓之軒乎舞之菁華已竭寒裳去叶上之聲

和劉柴桑

晉陶潛

山澤久見招胡事乃躊躕直為親舊故未忍言索居良辰入奇懷挈杖還西廬荒塗無歸人時時見廢墟

人部 卷九十七

茅茨已就治新疇復應畚谷風轉淒薄春醪解飢劬弱女雖壯男慰情良勝無栖栖世中事歲月共相疎耕織稱其用過此奚所須去去百年外身名同翳如

和胡西曹示顧賊曹

晉陶潛

蕤賓五月中清朝起南颺不駛亦不遲飄飄吹我衣重雲蔽白日閑雨紛微微流目視西園暉暉紫葵於今甚可愛奈何當復衰感物願及時每恨靡所揮悠悠待秋稼寥落將賒遲逸想不可淹猖狂獨長悲

和郭主簿二首

晉陶潛

詩讀堂前林中夏時清陰凱風因時來同颺開一作

我襟息交游閑業臥起弄書琴園蔬有餘滋舊穀猶儲今營已良有極過足非所欽春林作美酒酒熟吾自斟弱子戲我側學語未成音此事真復樂聊用忘華簪遙遙望白雲懷古一何深

和澤周二春清涼素秋節露凝無游氛天高肅景澈陵岑聳逸峰遙瞻首奇絕芳菊開林耀青松冠巖列懷此貞秀姿卓為霜下傑銜觴念幽人千載撫爾訣檢素不獲展厭厭竟良月

五月旦作和戴主簿

晉陶潛

虛舟縱逸棹回復遂無窮發歲始倪仰星紀奄將中

人部 卷九十七

南颺罕悴物北林榮且豐神淵寫時雨晨色奏景風既來孰不去人理固有終居常待其盡曲肱豈傷冲遷化或夷險肆志無宸倥卽事如已高何必升華嵩

和謝監靈運

宋顏延之

弱植慕端操窘步懼先迷寡立非擇方刻意藉窮樓伊昔邁多幸秉筆侍兩閭一作雖慙丹墀施未謂玄素睽徒遭良時詆王道奄昏霾人神幽明絕朋好雲雨乖弔屈汀洲浦謁帝蒼山蹊倚巖聽緒風攀林結留黃趾予間衡嶠曷月瞻泰稭皇聖昭天德豐澤振沈泥惜無雀雉化何用充海淮去國還故里幽門樹

蓬萊采夫茸昔字翦棘開舊畦物謝時既晏年往志
不諧親仁敷情昵興玩善作究辭棲芬馥歇蘭若清
越奪琳瑯盡言非報章聊用布所懷

和王丞

宋鮑照

限生歸有窮長意一作無已年秋心日迴絕春思坐
連綿銜協曠古願斟酌高代賢跡迹俱浮海採藥共
還山夜聽橫石波朝望宿嚴煙明澗子汾越飛羅予
縈牽性好必齊遂迹幽非妄傳滅志身世表藏名琴
酒間

和元帝去丹陽尹

梁徐勉

人部

卷九十七

四和

敬愛良是賢謙恭實所務尊賢貴道德重學嚴師傅
六藝誠為敏三雍稱有裕履被唯仁義吐納必珪璋
壯思如泉湧逸藻似雲翔夙有匡時調早懷經世方
畱心在庶績勵精思治綱

和元帝

梁蕭琛

妙善有兼姿羣才成大廈奕奕工辭賦翻翻富文雅
麗藻若龍雕洪才類河瀉素牘時多暇優游閱典墳
儒墨自玄解文史更區分平臺禮中移免苑接卿雲
軒蓋陰馳道珠履忽成羣德高下被英聲遠近聞

奉和趙王

北周庾信

花逕日相攜花林鳥未棲比看中郎醉堪聞鳥夜啼

和劉儀同臻

北周庾信

南登廣陵岵迴首落星城不言臨舊浦烽火照江明

和庾四

北周庾信

離關一長望別恨幾重愁無妨對春日懷抱只言秋

和侃法師三絕

北周庾信

秦關望楚路灞岵想江潭幾人應落淚看君馬向南

二

客遊經歲月羈旅故情多近學衡陽鴈秋分俱渡河

三

人部

卷九十七

五和

迴首河堤望春春嗟離絕誰言舊國人在他鄉別

和劉長史荅十九兄

唐楊炯初

帝堯平百姓高祖宅三秦子弟分河嶽衣冠動縉紳
盛名恒不隕歷代幾相因街巷塗山曲門閭浴水濱
五龍金作友一子玉為人寶劍豐城氣明珠魏國珍
風飈自落落文質且彬彬共許陶元亮同推周伯仁
石城俯天闕鍾阜對江津驥足方遐騁狼心獨未馴
鼓鼙鳴九域風火集重圍城勢餘三版兵威乏四鄰
居然混玉石直置保松筠耿介酬天子危言數賊臣
鍾儀琴未奏蘇武節猶新受祿寧辭死揚名不顧身

精誠動天地忠義感明神怪鳥俄垂翼脩蛇竟暴鱗
來朝拜休命迷職下梁岷善政馳金馬嘉聲繞玉輪
三荆忽有贈四海更相親宮徵詣鳴石光輝掩燭銀
山川遙滿目零落坐沾巾友愛光天下恩波浹後塵
懦夫仰高節下里繼陽春

和李明府

唐駱賓王

傳聞葉縣後飛向洛陽城馳道臨層掖津門對小平
霞殘疑製錦雲度似飄縷藻挾潘江澈塵虛范甌清
詎憐衝斗氣猶回匣中鳴

和蕭兵曹

唐儲光義

人部

卷九十七

六

公府傳休沐私庭效陸沈方知從大隱非復在幽林
闕下忠貞志人間孝友心既將冠蓋雅仍與薜蘿深
寒變中園柳春歸上苑禽池涵青草色山帶白雲陰
潘岳閑居賦鍾期流水琴一經當自足何用遺黃金

奉和儲光義

唐高適

天靜終南高俯映江水明有若蓬萊下淺深見澄瀛
羣峰懸中流石壁如瑤瓊魚龍隱蒼翠鳥獸游清泠
菰蒲林下秋薜荔波中輕山嵐浴蘭沚水若居雲屏
嵐氣浮潛宮孤光隨曜靈陰陰豫章館宛宛百花亭
大君及羣臣燕樂方嚶鳴吾黨二三子茲辰怡性情

逍遙滄洲時乃在長安城

追和柳惲

唐李賀

汀洲白蘋草柳惲乘馬歸江頭櫨樹香嘶上蝴蝶飛
酒杯箬葉露玉軫蜀桐虛朱樓通水陌沙暖一雙魚

奉和張大夫戲示青山郎

唐韋應物

天生逸世姿竹馬不曾騎覽卷冰將釋援毫露欲垂
金貂傳幾葉玉樹長新枝榮祿何妨早甘羅亦小兒

和張大夫酬高山人

唐司空曙

野客居鈴閣重門將校稀牙冠親毅弁龜印識荷衣
座右寒廳爽談餘暮角微蒼生須太傅山在岳容歸

人部

卷九十七

七

奉和陝州十四翁中丞寄雷州二十翁司戶

唐張籍

聯飛獨不前迴落海南天賈傳竟行矣邵公唯泫然
瘴開山更遠路極水無邊沈劣本多感况聞原上篇
奉和兵部張侍郎酬鄆州馬尚書祗召途中見
寄開緘之日馬帥已再領鄆州之作

唐韓愈

來朝當路日承詔改轍時再領須句國仍遷少昊司
暖風抽宿麥清雨卷歸旗賴寄新珠玉長吟慰我思

和席八十二韻

唐韓愈

終關銀河曙東風右掖春官隨名共美花與思俱新
綺陌朝遊間綾衾夜直頻橫門開日月高閣切星辰
庭變寒前草天銷燄後塵溝聲通苑急柳色壓城勻
綸綰謀猷盛丹靑步武親芳菲含含藻光景暢形神
傍砌看紅藥巡池詠白蘋多情懷酒伴餘事作詩人
倚玉難藏拙吹竽久混真坐懸空自老江海未還身

奉和沐州令狐令公二十韻 唐白居易

客有東征者夷門一落帆二年方得到五日未為淹
在浚旌重葦遊梁館更添心因好善樂貌為禮賢謙
俗早知敦勸民安見察廉仁風扇道路陰雨膏閭閻

人部

卷九十七

九

和

文律操將柄兵機釣得鈐碧幢油葉葉紅旆火簷簷
景象春加麗威容曉助嚴槍森赤豹尾藤吐黑龍髯
門靜塵初斂城皆日半銜選幽閑後院占勝坐前簷
平展絲頭毯高寒錦額簾雷起柘枝鼓雪擺胡騰衫
髮滑歌釵隋妝光舞汗霑迴燈花簇簇過酒玉纖纖
饌盛盤心帶醅濃盞底粘陸珍熊掌爛海味解蠶鹹
福履千天祝彤儀四座瞻羊公長在峴傳說莫歸巖
眷愛人人遍風情事事兼猶嫌客不醉同賦夜厭厭
江陵嚴司空見示與成都武相公唱和因命同
作 唐劉禹錫

西蜀大行臺幕府旌門相對開名重三司平水
土威雄八陣役風雷彩雲朝望青城近錦浪秋經白
帝來不是郢中清唱發誰當丞相揆天才

朗州賈員外見示與澧州元郎中郡齋贈答長
句二篇因以繼和 唐劉禹錫

鴛鴦差池出建章綵旗朱戶蔚相望新恩共理犬牙
地昨日同含雞舌香白芷江邊分驛路山桃蹊外接
甘棠應憐一罷金閨籍枉渚相逢十度傷

碧澗寺見元九侍御和展上人詩有三生之句
因以和 唐劉禹錫

人部

卷九十七

九

和

廊下題詩滿壁塵塔前松樹已皴鱗古來唯有王文
度重見平生竺道人
○貽示 勸諭併入

示周祖謝三郎 周續之祖 企謝景表 晉陶淵明

負痾頽簷下終日無一欣藥石有時閑念我意中人
相去不尋常道路邈何因周生述孔業祖謝響然臻
道喪何千載今朝復斯聞馬隊非講肆校書亦已勤
老夫有所愛思與爾為鄰願言誨諸子從我相水濱
貽表常侍 梁江淹

昔我別楚水秋月麗秋天今君客吳坂春色縹緲
作

春泉幽冀生碧草沅湘含翠煙鏤鏤霞上景惜惜雲
外山涉江竟何望留滯空採蓮駐情光氣下凝怨琴
瑟前珠貝性明潤蘭玉好芳堅不以宿昔咀懷愧期
暮年

夕望江橋示蕭諮議楊建康江主簿

梁何遜

夕鳥已西度殘霞亦半消風聲動密竹水影漾長橋
旅人多憂思寒江復寂寞爾情深華洛予念返漁樵
何因適歸願分路一場鏢

西州直示同員

梁何遜

人部

卷九十七

十一

日長禁戶倦即事思短晨漏盡唱聲急此理復傷人
矛盾交爲論光壁帶成珍誓將收飲啄得得心相
入西塞示南府同僚

梁何遜

露清曉風冷天曙江見一作光爽薄雲巖際出初月波
中上黯黯連嶂陰騷騷急沫響迴棹急礙浪羣飛爭
戲廣伊余本羈客重賒復心賞望鄉雖一路懷歸成
二想在昔愛名山自知謹獨往情游乃落魄得性隨
怡養年事以蹉跎生平任浩蕩方還讓夷路誰知羨
魚網

詒孔中丞奐

陳江總

我行五嶺表辭鄉二十年聞鶯欲動詠披霧即依然
疇昔同寮案今隨年代改借問藏書處唯君故人在

故人名宦高霜簡肅權豪誰知懷九歎徒然泣二毛
步出東郊望心遊江海上海上遇物便今古何爲不惆悵
初晴原野開宿雨潤條枚叢花曙後發一鳥霧中來
淹留蘭蕙苑吟嘯芳菲晚忘懷靜躁間自覺風塵遠
白社聊可依青山乍採薇鍾牙乃得性語默豈同歸
示程伯達北史本傳曰史入沮渠牧犍牧犍遇
之北史本傳曰史入沮渠牧犍牧犍遇
之不重史乃爲詩示所知廣平程伯

羣犬吠新客佞暗排踈實直途既已塞曲路非所遵
人部

卷九十七

十一

望衛婉祝鮀盼楚悼靈均何用宣憂懷託翰寄輔仁
示封中錄二首似吃語詩

北周庾信

貴館居金谷關前隔葉街冀君見果顧郊間光景佳
二
高階既激澗廣閣更交柯葛巾久垂角菊逕簡經過
遺于仲文隋書曰千仲文從楊帝征遼東高麗
出兵掩襲輜重仲文與擊大破之至
鴨綠水高麗將乙支文德詐降仲文拾之既
去高麗遂窮追之每戰破賊文德始時曰

神策究天文妙算窮地理戰勝功既高知足願云止
還赴蜀中貽示京邑遊好

唐盧照鄰

藥宿花初滿章臺柳尚飛如何正此日還望昔多違
悵別風期阻將垂雲會稀歛衽辭丹闕懸旗陟翠微
野禽喧戍鼓春草變征衣回顧長安道關山起夕霏

貽王侍御出臺掾丹陽

唐儲光義

高高鄆瑯臺臺下生箇箇照車十二乘光彩不足數
既當少微星復隱南山霧金丘華陽下仙伯養晦處
茅茨對三峰梧桐開一路神谿繞臯陸樵牧自成趣
時登青冥遊若從天江度墟里獻薇蕨羣公致衣縷
深沈復清淨偃仰視太素猛獸識賓僕頽霞知早暮
峨峨雲龍開忽有方伯遇達人無不可壯士且馳驚

人部

卷九十七

十三

貽示

融泄長離鳴續紛大鵬翮赤堦高崩另見如三顧
禮服正邦祀刑冠肅王度三辰明昭代光啓玄元祚
章臺收杞梓太液滿鸛鷺豐澤耀純仁八方晏黔庶
沈沈閭闔起殷殷蓬萊曙旌戟儼成行雞人傳發煦
翔翼一如鶚百辟莫不懼清廟奉蒸嘗靈山扈鑾輅
天街時蹴踘直指燕桂桓四月純陽初雷雨始奮象
逆星孛皇極鐵鎖靜天步鄼錦舒曜靈干戈藏武庫
析漸增廣運直道有好惡迴跡清憲臺傳騎東南去
列城異疇昔近饒寡徒御繼綿西關道婉孌新豐樹
伊洛不敢息淮河任沿汭鄉亭榮更津先後非疏附

分時方怵惕有若踐霜露惆悵長岑長寂寞梁王傳
紛吾家延州結友在童孺岑陽沐天德邦邑持民務
踟躕望朝陰如何復淪誤牙曠三千里擊輶非所慕
秋濤聯滄溟舟楫湊北固江汜日綿眇朝夕空寐寤
中洞松栝新東阜阡陌故餘輝方焜耀可以歡邑聚
南華在濠上誰辨魏王瓠登陟芙蓉樓爲我時一賦

貽閭處士防卜居終南

唐儲光義

春風搖雜樹言別還江汜堅氷生綠潭又客三千里
光夢唯顏色懸情乃文史滌耳貴清言披歡遲玉趾
秦城疑舊廬佇立問所如稚子跪而說還山將隱居

人部

卷九十七

十三

貽示

竹林既深遠松宇復清虛跡迴事多逸心安趣有餘
石門動高韻草堂新著書鸞飛久超絕蹇足空躊躇
猶有昔時意望君當照車驅車當六國何以須潛默
聖主常徵賢羣公每舉德此時方獨往身志將何欲
願謝山中人迴車首歸躅

秋庭貽馬九

并序

唐儲光義

扶風馬挺余之元伯也舍人諸昆知已之目挺充
鄭鄉之賦予乃貽此詩
伊昔好觀國自鄉西入秦往復萬餘里相逢皆衆人
大君幸東岳世哲扈時巡予亦從此去閑居清洛濱

稍稍寒木直彩彩陽華新迭宕孔文舉風流石季倫
妙年一相得白首定相親重此虛賓館歡言冬及春
哲兄盛文史出入馳高軌令德本同人深心重知己
絳衣朝聖主紗帳延才子伯淮與季江清濬口孤峙
羣方趨汎愛萬物通情理而我信空虛提攜過杞梓
夫君美聲德直道期終始孰謂忽離居優游鄭東里
東里近玉城山連路亦平何年相去遠閑言獨淒清
萬里鴻鴈度四鄰砧杵鳴其如久離別重以霜風驚

貽崔太祝

唐儲光義

天都分禮閣肅肅臨清渠春山照前屏高槐陰內陰

人部

卷九十七

十一

惟賢尚稟祿弟去兄來居文雅更驤首風流信有餘
中年幸從事乃遇兩吹噓何以知君子交情復淡如

貽余處士

唐儲光義

故園至新浦遙復未百里北望是他邦紛吾即遊士
潮來津門啓罷楫信流水客意乃成歡舟人亦相喜
遲遲菱荷上泛泛菰蒲裏漸聞商旅喧猶見鳥驚起
市亭忽雲構方物如山峙吳王昔喪元隋帝又滅祀
停艦一以眺太息興亡理秋苑故池田宮門新柳杞
我行苦炎月乃及清昊始此地日逢迎終思隱君子
莫言異舒卷形音在心耳

貽王處士子文

唐儲光義

春草生洞渚春風入上林春草有黃鸝撫關未傷
王屋嘗嘉遁伊川復陸沈張弦鷄雞弄閉室蓬蒿深
避地歌三樂遊山賦九吟大君思左右無乃化黃金

山中貽崔六琪華

唐儲光義

恍惚登高嶺徘徊看落日遙想仲長園如親幼安室
春渚菖蒲花山中撥穀鳴相思不道遠太息未知情
意君來此地時復疎林薄中夜掃開門迎晨閉園閣
疑復清池上家童奉信歸憂隨落花散目送孤雲飛
故交在天末新知復千里無人暫往來獨作中林士

人部

卷九十七

十五

太學貽張均

唐儲光義

壁池忝門子俄頃變炎涼綠竹深虛館清流響洞房
園林在建業新友去咸陽中夜鼓鐘靜初秋漏刻長
浮雲開太室華蓋上明堂空此遠相望勞歌還自傷

洛中貽朝校書衡

朝日本人也

唐儲光義

萬國朝天中東隅道最長吾生美無度高駕仕春坊
出入蓬山裏逍遙伊水傍伯鸞遊太學中夜一相望
落日懸高殿秋風入洞房屢言相去遠不覺生朝光

示孟郊

唐孟浩然

蔓草蔽極野蘭芝結孤根衆音何其繁伯牙獨不喧

當時高深意舉世無能分鍾期一見知山水千秋聞
爾其保靜節薄俗徒云云

賊退示官吏

唐元結

癸卯歲西原賊入道州焚燒殺掠幾盡而去明年
賊又攻永州破郡不犯此州邊鄙而退豈力能制
敵歟蓋蒙其傷憐而已諸使何為忍苦徵歛故作
詩一篇以示官吏

昔歲逢太平山林二十年泉源在庭戶洞壑當門前

井稅有常期日晏猶得眠忽然遭世變數歲親戎旃

今來典斯郡山夷又紛然城小賊不屠人貧傷可憐

人部

卷九十七

十六

貽示

是以陷鄰境此州獨見全使臣將王命豈不如賊焉
今彼徵歛者迫之如火煎誰能絕人命以作時世賢
思欲委符節引竿自刺船將家就魚麥歸老江海邊

遊惠泉示泉上學者

唐元結

顧吾漫浪久不欲有所拘每到惠泉上情性可安舒
草堂在山曲澄瀾涵階除松竹陰幽徑清源湧坐隅
築塘列圃畦引流灌時蔬復在郊郭外正堪靜者居
愜心則自適喜尚人或殊此中若可安不佩銅虎符

遊石谿勸學者

唐元結

小谿在城下形勝堪賞愛尤宜春水滿水石更殊怪

長山勢回合井邑相縈帶石林繞舜祠西南正相對
階庭無爭訟郊境罷守衛時時谿上來勸引辭學軍
今誰不務武儒雅道將廢豈忘二三子旦夕相勉勵

諭常吾直

唐元結

山澤多饑人閭里多壞屋戰爭且未息徵歛何時足
不能救人患不合食天粟何況假一官而苟求其祿
近年更長吏數月未為速來者罷而官豈得不為辱
歡為辭府主從我遊退谷谷中有寒泉為爾洗塵服

諭舊部曲

唐元結

漫遊焚水陰忽見舊部曲尚言軍中好猶望有所屬

人部

卷九十七

十七

貽示

故令爭者心至死終不足與之一杯酒喻使燒我服
兵興向十年所見堪歎哭相逢是遺人當合識榮辱
勸汝學全生隨我禽退谷

示爽

唐韓愈

宣城去京國里數逾三千念汝欲別我解裝具盤筵
日昏不能散起坐相引牽冬夜豈不長達旦燈燭然
座中悉親故誰肯捨汝眠念汝將一身西來曾幾年
名科掄衆俊州考居吏前今從府公召府公又時賢
時輩千百人孰不謂汝妍汝來江南近里閭故依然
昔日同戲兒看汝立路邊人生但如此其實亦可憐

吾老世味薄因循致留連強顏班行內何實非罪經才短難自力懼終莫洗前臨分不汝誑有路即歸田

貽友人

唐杜牧

自是東西客逢人又送人不應相見老祇是別離頻

度日還知暮平生未識春儻無遷谷分歸去養天真

貽錢塘路明府

唐方干

志學不得力至今猶苦吟吟成五字句川破一人心

世路屈聲遠寒谿怨氣深前賢多晚達莫怕雪霜侵

癸卯歲毗陵會中貽同老

唐章碣

玉皇恩詔別星班去歷徐方分野間有鳥盡巢垂汴

人部

卷九十七

十八

柳無樓不到隔淮山旌旗漸向行時擁案牘應從到

日間想憶朝天獨吟坐旋飛新作過秦關

○代書

得書附

以詩代書別後寄贈

梁陸倕

余本水鄉士閉門江海隅時逢世道泰蹇足步高衢

名成宦雖立效微功日疎入仕乘肥馬出守擁高車

關門遊昔吏遷亭有故書江派資賢牧宗英山建旗

不勞王布鼓無賴露田車勸政非責實求名已課虛

長卿病猶在脩齡疾未祛詎知亭長肉寧挂府丞魚

不能未能止內訟慙諸已僂僂從王事繩舟出淮泗

朋故蓬追尋賦宿清江陰明旦一分手翻飛各異林

歸舟隨岍曲猶聞歌棹音行者日超遠誰見別離心

夕次洲岍明登慈姥峯水流多迴復余歸良未尋

江關一作中寒事早夜露傷秋草心屬姑蘇臺目送邯鄲道

戛口蒼蒼親知慎早涼劉兄消渴病休攝戒

無良殷弟癩眩疾行止避風霜劉侯有餘冷宜仰咳

一作釐方伏子多風咳門冬幸易將率更愛雅體體

弱思自強吏曹勉玉潤諷議勗金相比部多暇日奚

用肆龍章建德何爲者無墮無人鄉記室朋從暇露

蠲附行商議曹坐朝罷尺板嗣微芳雙栖成獨宿俱

人部

卷九十七

十九

飛忽異翔眷言思親友沈思結中腸追惟曩昔時朝

府多歡暇薄暮塵埃靜飛蓋遙相近李郭或同舟潘

夏時方駕娛談終美景敷文永清夜促膝豈異人戚

戚皆朋一作姻姬今者一乖離淮然心事差山川望猶

近便似隔天涯玉躬子加護昭質余未虧八行思自

勉一札望來儀

代書寄姜七崔九

唐張說

婀娜金閨樹離披野田草雖殊兩地榮幸共三春好

花殊鳥飛處樂鏤蟲行道真心獨感人惆悵令人老

代書寄薛四

唐張說

孤鷹東飛來寄我紋與素紋足經三象素當綜羣務
遠見古人心一言重千金答之綵毛翰繼以瑤華音
歲寒衆木改松柏心常在

代書寄吉十一

唐張說初

一鴈雪上飛值我衡陽道口銜離別字遠寄當歸草
目想春來進心驚寒去早憶鄉乘利酬慕侶盈懷抱
零淚答故人將隨江樹老

酬裴員外以詩代書

唐高適

少時方浩蕩遇物猶塵埃脫畧身外事交遊天下才
單車入燕趙獨立心悠哉寧知戎馬間忽展平生懷

人部

卷九十七

二十

代書

且欣清論高豈顧夕陽頽題詩碣石館縱酒燕王臺
北望沙漠垂漫天雪皚皚臨邊無策略覽古空徘徊
樂毅吾所憐拔齊翻見猜荆卿吾所悲適秦不復迴
然諾多死地公忠成禍胎與君從此辭每恐流年催
如何俱老大始復忘形骸兄弟真二陸聲華連八裴
乙未將星變賊臣候天災胡騎犯龍山乘輿經馬嵬
千官無倚著萬姓徒悲哀誅呂鬼神動安劉天地開
奔波走風塵倏忽值雲雷擁旄出淮甸入幕徵楚材
誓當翦鯨鯢永以竭鴛鴦小人胡不仁讒我成死灰
賴得日月明照耀無不該西司洛陽宮詹府唯蒿萊

是時掃氛祲尚未殲渠魁背河列長圍師老將亦乖

歸軍劇風火散卒爭椎埋一夕灑洛空生靈悲感

天冠投草莽予欲馳江淮登頌苑葉下棲遑裏鄧

城池何蕭條邑屋更崩摧縱橫荆棘叢但見瓦礫堆

行人無血色戰骨多青苔遂除彭門守因得朝玉階

昂激仰駕鸞獻替欣鹽梅驅傳及遠蕃憂思鬱難排

罷人紛爭訟賦稅如山崖所思在畿甸曾是魯宓儕

自從拜郎官列宿煥天街那能訪遐僻還復寄瓊環

金玉本高價墮甕終易諧朗詠臨清秋涼風下庭槐

何意寇盜間獨稱名義偕辛酸陳侯誅歎息季鷹杯

人部

卷九十七

二十一

代書

人部

卷九十七

二十一

代書

白日屢分手青春不再來臥看中散論愁憶太常祠
酬贈徒爲爾長歌還自吟

以詩代書答元丹丘

唐李白

青鳥海上來今朝發何處口銜雲錦字與我忽飛去

鳥去凌紫煙書留綺牕前開緘方一笑乃是故人傳

故人深相最憶我勞心曲離居在咸陽三見秦草綠

置書雙袂間引領不覺開長望香難見浮雲橫遠山

代書寄裴六冀劉二穎

唐獨孤及

昔余馬首東君在海北內聲盡屏簿領書相與議嚴

穴載來詣佳境每山有車轍長嘯林木動高歌嘯壺

缺此辭月未周虜馬嘶絳闕猛虎踞大道九州當中
裂聞君棄孤城猶自握漢節耻棲惡木影忍與故山
別脫寫挂嶺雲罔然若鳥逝聲入唯留潺湲水分付練
谿月爾來大谷梨白花再成雪關梁限天險歡樂竟
兩絕大盜近削平三川今底寧句芒布春令屏翳收
雷霆伊洛日夜漲鳴皋蘭杜青鸞鸞兩黃鶴何處遊
青冥疇昔切玉刃應如新發矟及時當樹勳高懸景
鍾銘莫抱白雲意徑往丹丘庭功成儻長揖然後謀
滄溟

代書寄上李廣州

唐獨孤及

人部

卷九十七

三十三

代書

峽水望番禺迢迢青天末鴻鴈飛不到音塵何由達
獨有與人歌隔雲聲誼昭皆稱府君仁百越賴全活
推誠魚鱉信持正魍魎怛疚民飽中和性足無天關
天子咨四嶽佇公濟方割幾時復旋歸入踐青瑣闥
賤子託明德繚若松上葛別離鄙吝生結念思所豁
門欄關山阻岐路天地闊唯憑萬里書特用慰饑渴
賈員外處見中書賈舍人巴陵詩集覽之懷舊

代書寄贈

唐獨孤及

海岬望青瑣雲長天漫漫十年不一展知有關山難
適逢阮如平立馬問長安取公詠懷詩示我江海瀾

覽若窺武庫森然矛戟寒眼明遺頭風心悅忘朝餐
下弋陽江舟中代書寄裴侍御唐獨孤及
故鄉隔西日去水連長天煎路知幾許但指天南邊
愴恨極浦外隱映青山連重風滿帆來五兩如弓絃
遙羨繡衣客罔然馬首先得餐武昌魚不顧潯陽田
租指數別日忽乎成兩年百花已滿眼春草漸碧鮮
豈是離居時奈何千役牽洞庭有深涉曷日期歸旋
○簡

報王承典觀田

唐劉孝綽

人部

卷九十七

三十三

簡

重門寂已暮案牘能驚塵輕涼生菊席微風起扇輪
浮瓜聊可貴溢酒亦成珍復有寒泉井兼以瑩心神
睠彼忘言客閑居伊洛濱顧已慙因地徒知薑桂辛
但願崇明德無謂德無鄰

晚景悵然簡二三子

唐李嶠

楚客秋悲動梁臺夕望賒梧桐稍下葉山桂欲開花
氣迎寒露光收向晚霞長歌白水曲空對綠池華
奉簡高三十五使君

唐杜甫

當代論才子如公復幾人驕驕開道路鷹隼出風塵
行色秋將晚交情老更親天涯喜相見披豁對吾真
敬簡王明府

唐杜甫

業縣郎官宰周南太史公神仙才有數流落意無窮
驢病思偏秣腐愁一作怕苦籠看君川高義耻與萬人同

重簡王明府

唐杜甫

甲子西南異冬來只薄寒江雲何夜靜蜀雨幾時乾
行李須相問窮愁豈有寬君聽鴻鴈聲恐致稻粱難

官亭夕坐戲簡顏十少府

唐杜甫

南國調寒杵西江浸日車客愁連蟋蟀亭古帶蒹葭
不返青絲鞵虛燒夜燭花老翁須地主細細酌流霞

君不見簡蘇侯

唐杜甫

入部

卷九十七

二十四

君不見道邊廢棄池君不見前者摧折桐百年死樹
中琴瑟一斛舊水藏蛟龍丈夫蓋棺事始定君今幸
未成老翁翁何恨憔悴在山中深山窮谷不可處霹靂
魍魎兼狂風

蘇端薛復筵簡薛華醉歌

唐杜甫

文章有神交有道端復得之名譽早愛客滿堂蓋豪
傑開筵上日思芳草安得健步移遠梅亂插繁化向
晴昊千里猶殘舊冰雪百壺且試開懷抱垂老惡聞
戰鼓悲急勝爲緩憂心憐少年努力縱談笑看我形
容已枯槁座中薛華善醉歌歌辭自作風格老近來

海內爲長句汝與山東李白好何劉沈謝力未工才
兼鮑照愁絕倒諸生頗盡新知樂萬事終傷不自保
氣酣日落西風來願吹野水添金杯如灑之酒常快
意亦知窮愁安在哉忽憶雨時秋井塌古人白骨生
青苔如何不飲令心哀

簡恒燦

唐韋應物

室一作臺虛多涼氣一作風天高屬秋時空庭夜風雨草
木曉離披簡書日云曠文墨誰復持聊因遇澄靜一
與道人期

簡盧陟

唐韋應物

入部

卷九十七

二十五

可憐白雪曲未遇知音人栖遑戎旅下蹉跎淮海濱
澗樹含朝雨山鳥弄餘春我有一瓢酒可以慰風塵
簡郡中諸生

唐韋應物

守郡臥秋閣四面盡荒山此時聽夜雨孤燈照牕間
藥園日蕪沒書帷長自閒唯當上客至誦詩一解顏

詩集類目卷九十八

東吳俞安期撰

新都吳泰泰撰

人部四十 寄上

○寄上

報趙淑麗一作報趙淑麗

魏應瑒

朝雲不歸夕結成陰離羣猶一作宿永思長吟有一作

孤栖哀鳴北林嗟我懷矣感物傷心

寄江州褚諮議

梁何遜

自與君別離四序紛迴薄分丰清江上念別猶如昨

人部 卷九十八

追憶邊城遊奚尋平生樂俱登龍從嶺共坐逶迤閣

清吹或忘歸繁文時問作連鑣戲淺草遊憶遊長薄

五載同衣裘一朝異際索夫君頗留滯躊躇未沃若

伊家從入關終是填溝壑早秋正悽愴餘暉晚銷鑠

林葉下仍飛水花披未落如何隔千里無由舉三爵

因君奏采蓮為余吟別鶴

寄何記室

梁王僧孺

思君不得見望望獨長嗟夜風入寒水晚露拂秋花

何由假日御暫得寄風車

寄丘三公

梁江淹

昔我學冠劍逢君在三川何意風雨激一訣異東西
精菊秀空應奪蘭芳幾時堅常恐握手畢黯如光絕
天安得明月珠墜涕寄吳山

江津寄劉之遴

梁劉孝綽

與子如黃鵠將別復徘徊經過一柱觀出入三休臺
共摘雲氣藻同舉霞紋杯佳一作人每晚遊禁門恒

晚開欲寄一言別高駕何由來

遇長安使寄裴尚書

陳江總

傳聞合浦葉遠向洛陽飛北風尚嘶馬南冠獨不歸
去雲目徒送離琴手自揮秋蓬失處所春草屢芳菲

人部 卷九十八

太集作 息關山月風塵客子衣

寄王琳

北周庾信

玉關道路遠金陵信使疎獨下千行淚開君萬里書

寄徐陵

北周庾信

故人倘思我及此平生時莫待山陽路空聞吹笛悲

奉報寄洛州

北周庾信

舟師會孟津甲子陣東鄰雷轍驚戰鼓劒室動金神
幕府風雲氣軍門關塞人長鈴析鳥羽合甲抱犀鱗

星芒一丈談月暈七重輪黎陽水稍渌官渡柳應春

無庸奉天聰驅傳牧南秦繁詞勞簡牘雜俗弊風塵

上洛逢都尉商山見逸民留滯終南下唯當一史臣

寄贈齊公

唐杜淹

冠蓋遊梁日詩書同志年佩蘭長坂上攀桂小山前
結交淡若水履道直如絃此歡終未極于茲獨播遷
赭衣登蜀道白首別秦川淚隨溝水逝心逐曉旌懸
去去逾千里悠悠隔九天郊野間長薄城闕隱凝煙
關門共月對山路與雲連此時寸心裏難用尺書傳

寄楊公

唐李百藥

公子盛西京光華早著名分庭接遊士虛館待時英
高閣浮香出長廊寶劍鳴匣花無隔笑歌扇不障聲
人部

卷九十八

寄贈柳九龍

唐盧照鄰

遙聞彭澤宰高弄武城絃筋骸寄文墨意氣託神仙
相思勞日夜相望阻風煙坐惜春華晚徒令客思懸
水去東南地氣凝西北天關山悲蜀道花鳥憶秦川
天子何時問公卿本亦憐自哀還自樂歸歟復歸田
海屋銀爲棟雲車電作鞭儻遇鸞將鶴誰論貂與蟬
萊洲頻度淺桃實幾成圓寄言鳬鳥客歲晏同聯翩
晚渡渭橋寄示京邑遊好 唐盧照鄰
我行背城闕驅馬獨悠悠寥落百年事徘徊萬里憂
途遙日向夕時晚鬢將秋滔滔俯東近耿耿泣西浮

長虹掩釣浦落鴈下星洲草變黃山曲花飛清渭流
逆水驚愁鷺鷥沙起狎鷗一起清泥道空思玄灞

叙寄負半千

唐駱賓王

薄宦三河道自負十餘年不應驚若厲祇爲直如絃
坐歷山川險吁嗟陵谷遷長吟空抱膝短翮詎翺天
魂歸滄海上望斷白雲前

寄胡皓時在南中

唐李乂

徭役苦流滯風波限沂洄江流通地骨山道繞天台
有鳥圖南去無人自北來閉門滄海曲雲霧待君開

寄劉校書

唐郭元振

人部

卷九十八

四

俗吏三年何足論每將榮辱在朝昏才微易向風塵
老身賤難酬知己恩御苑殘鶯啼落日黃山嶺也
荒非細雨濕歸軒迴首漢家丞相府昨來誰得掃重
門

出湖寄趙冬曦

唐張說

西泛平湖盡參差入斷山東瞻岳陽郡汗漫太虛間
窮步同行樂道文互屢看山戎上雲桂江亭臨水關
川途倏忽間風景依如昨湘浦未賜環荆門猶主諾
何時與美人載酒遊宛洛

寄許八

唐張說

萬類春皆樂，但願獨不怡。年來人更老，花發意先衰。
乳雀穿壇盡，巢蜂觸網絲。平生美容色，宿昔影中疑。
遠道何由夢，同心在者誰。西風欲寄語，惘然無詞。

秋次灞亭寄申大

唐儲光義

橘柚植寒陵，芙蓉脩坂無。言不得意，得意何由展。
況我行且徙，而君往猶寒。既傷人事近，復言天道遠。
薄暮入空亭，中夜不能飯。南聽鴻鴈盡，西見招搖轉。
千門漢主宮，百里周王苑。杲杲初景出，油油鮮雲卷。
會朝幸歲直，校獵從秋獮。念君久京國，雙涕如露泫。
無人薦子雲，太息竟誰辨。

人部

卷九十八

五

冬夜寓居寄儲太祝

唐薛據

自為洛陽客，夫子吾知音。愛義能下士，時人無此心。
奈何離居夜，巢鳥飛空林。愁坐至月上，復聞南鄰砧。

寄閻防

唐劉昫

青冥南山口，君與緇錫鄰。深路入古寺，亂花隨暮春。
紛紛對寂寞，往往落衣巾。松色照空水，經聲時有人。
晚心復南望，山遠情獨親。應以修往業，亦惟立此身。
深林度空夜，煙月資清真。莫歎文明日，彌年徒隱淪。

巴陵寄李二戶部張十四

唐賈至

江南芳草初，羣羣愁殺江南獨。愁客秦中楊柳也，應

春轉憶秦中，相憶人萬里。鶯花不相見，登高一望淚沾巾。

巴陵早秋寄荊州崔司馬吏部閻功曹舍人

唐賈至

謫居瀟湘渚，再見洞庭秋。極目連江漢，西南浸斗牛。
滔滔盪雲夢，澹澹搖巴丘。曠如臨渤澥，窅窅疑瀛洲。
君山麗中波，蒼翠長夜浮。帝子去永久，楚辭尚悲愁。
我同長沙行，時事加百憂。登高望舊國，胡馬滿東周。
宛葉遍蓬蒿，樊鄧無良疇。獨攀青楓樹，淚灑滄江流。
故人西掖寮，同扈岐陽蒐。差池盡三黜，蹭蹬各南州。

人部

卷九十八

六

相去雖地接，不得從之遊。耿耿雲陽臺，迢迢王粲樓。

歧子暮霞裏，誰謂無輕舟。

西江寄越弟

唐王昌齡

南浦逢君嶺外還，沅谿更遠洞庭山。堯時恩澤如春雨，夢裏相逢同入關。

寄張徵古

唐沈如筠

寂歷遼山意，微冥半空碧。綠蘿無冬春，彩煙竟朝夕。
張子海內奇，耐為巖中客。聖君勞夢想，安得老松石。

奉寄韋太守陟

唐王維

荒城自蕭索，萬里山河空。天高秋日迥，嘹唳聞歸鴻。

寒塘映衰草高館落疎桐臨此歲方晏顧景詠悲翁
故人不可見寂寞平林東

寄荊州張丞相

唐王維

所思竟何在悵望深荆門舉世無相識終身思舊恩
方將與農圃藝植老丘園目盡南無鴈何由寄一言

寄河上段十六

唐王維

與君相見即相親聞道君家在孟津為見行舟試借
問客中時有洛陽人

歸南園寄京邑耆舊

唐孟浩然

嘗讀高士傳最嘉陶徵君目睹田園趣自謂羲皇人

人部 卷九十八

七

予復何為者樓樓徒問津中年廢丘壑上上一作上國旅
風塵忠欲事明主孝思侍老親歸來當炎夏耕稼不
及春扇枕北牕下採芝南澗濱因聲謝朝列吾慕
陽真

宿楊子津寄處士

唐孟浩然

所思在夢寐欲往大江深日夕望京口煙波愁我心
心馳茅山洞目極楓樹林不見少微隱星霜勞夜吟

江上寄崔少府

唐孟浩然

春堤楊柳發憶與故人期草木本無意榮枯自有時
山陰定遠近江上日相思不及蘭亭事空吟被襖詩

秦中感秋寄遠上人

唐孟浩然

一丘常欲臥三逕苦無資北土非吾願東林懷我師
黃金燃桂盡壯志逐年衰日夕涼風至聞蟬但益悲

南還舟中寄袁太祝

唐孟浩然

沿汴非便習風波厭苦辛忽聞遷谷鳥來報武陵春
嶺北迴征棹巴東問故人桃源在何處遊子正迷津

行至汝濱寄盧徵君

唐孟浩然

行乏憊予駕依然見汝濱洛川方罷雪嵩嶂有殘雲
曳曳半空裏溶溶五色分聊題一時興因寄盧徵君

途中寄徐錄事

唐高適

人部 卷九十八

八

落日風雨至秋天鴻鴈初離憂不堪比旅館復何如
君又幾時去我知首信疎空多篋中贈長見右軍書

寄孟五

唐高適

秋風落窮巷離憂兼暮蟬後時已如此高興亦徒然
知君念淹泊憶我屢周旋征路見來鴈歸人悲遠天
平生感千里相望在真賢

至大梁却寄匡城主人

唐岑參

一從棄魚釣十載干明王無由謁天階却欲歸滄浪
仲秋至東郡遂見天雨霜昨夜夢故山蕙草色已黃
平明辭鐵丘薄暮遊大梁仲秋蕭條景後剝飛鵲鵲

四郊陰氣閉萬里無晶光長風吹白茅野火燒枯桑
故人南燕吏籍籍名更香聊以玉壺贈置之君子堂
潼關鎮國軍公覆使院早春寄王同州

唐岑參

胡寇尚未盡大軍鎮關門旌旗遍草木兵馬如雲屯
聖朝正用武諸將皆承恩不見征戰功但聞歌吹喧
儒生有長策閉口不敢言昨從關東來思與故人論
何爲厭廟器至今居外藩黃霸淹留蒼生望騰蹕
卷簾見西岳仙掌明朝瞰昨夜聞春風戴勝過後園
各自限官守何由叙涼溫離憂不可忘襟背思樹萱

人部

卷九十八

九

郊行寄杜位

唐岑參

嶠嶮空城煙淒清寒山景秋風引歸夢昨夜到汝穎
近寺聞鐘聲映陂見樹影所思何由見東北徒引領

寄宇文判官

唐岑參

西行殊未已東望何時還終日風與雪連天沙復山
二年領公事兩度過陽關相憶不可見別來頭已斑

丘中春臥寄王子

唐岑參

田中開白室林下閉玄關卷跡人方處無心雲自閑
竹深喧暮鳥花缺露春山勝事那能說王孫去未還

寄韓樽

唐岑參

夫子素多疾別來未得書北庭苦寒地體內今何如
玉關寄長安李主簿
唐岑參
東去長安萬里餘故人何惜一行書玉關西望堪腸
斷况復明朝是歲除

江夏寄漢陽輔錄事

唐李白

誰道此水廣狹如一匹練江夏黃鶴樓青山漢陽縣
大語猶可聞故人難可見君草陳琳檄我書魯連箭
報國有壯心龍顏不回眷西飛精衛鳥東海何由填
鼓角徒悲鳴樓船習征戰抽劍步霜月夜行空庭徧
長呼結浮雲埋沒顧榮扇他日觀軍容投壺接高宴

人部

卷九十八

十

江上寄元六林宗

唐李白

霜落江始寒楓葉綠未脫客行悲清秋永路若不達
滄波眇川汜白日隱天末停棹依林巒驚猿相叫聒
夜分河漢轉起視溟漲濶涼風何蕭蕭流水鳴活活
浦沙淨如洗海月明可掇蘭交空懷思瓊樹詎解渴
最哉滄洲心歲晚庶不奪幽賞頗自得興遠與誰豁

寄丹丘子

唐李白

聞丹丘子於城北營石門幽居中有高鳳遺跡僕
離羣遠懷亦有棲遁之志因叙舊以寄之

春華滄江月秋色碧海雲離居盈寒暑對此長思君

思君楚水南望君淮水北夢魂雖飛來會面不可得
嘯昔在高陽同余臥義皇綠蘿笑簪紱丹壑賤巖廊
晚途各分析乘興任所適僕在鴈門關君爲峨嵋客
心懸萬里外影滯兩鄉隔長劒復歸來相逢洛陽陌
陌上何喧喧都令心意煩迷津覺路失託勢隨風翻
以茲謝朝列長嘯歸故園故園恣閑逸求古散縹帙
久欲入名山婚娶殊未畢人生信多故世事豈惟一
念此憂如焚悵然若有失聞君卧石門宿昔契彌敦
方從桂樹隱不羨桃花源高鳳起遐曠幽人跡復存
松風清瑤瑟谿月湛芳樽安居偶佳賞丹心期此論
人部 卷九十八 十一 寄

沙丘城下寄杜甫

唐李白 盛

我來竟何事高卧沙丘城城邊有古樹日夕連秋聲
魯酒不可醉齊歌空復情思君若汶水浩蕩寄南征

秋山寄衛尉張卿及王徵君

唐李白 盛

何以折相贈白花青桂枝月華若夜雪見此令人思
雖然剡谿興不異山陰時明發懷二子空吟招隱詩

涇谿東亭寄鄭少府諤

唐李白 盛

我遊東亭不見君沙上行將白鷺羣白鷺閒時散飛
去又如雪點青山雲欲往涇谿不辭遠龍門感波虎
轉眼杜鵑花開春色闌歸向陵陽釣魚晚

寄當塗趙少府炎

唐李白 盛

晚登高樓望木落雙江清寒山饒積翠秀色連州城
目送楚雲盡心悲胡鴈聲相思不相見迴首故人情
江上寄巴東故人 唐李白 盛

寄淮南友人

唐李白 盛

紅顏悲舊國青歲歎芳洲不待金門詔空持寶劒遊
海雲迷驛道江月隱鄉樓復作淮南客因逢桂樹留
寄王漢陽 唐李白 盛

南湖秋月白王宰夜相邀錦帳郎官醉羅衣舞女嬌

唐李白 盛

笛聲誼酒鄂歌曲上雲霄別後空愁我相思一水遙
寄崔侍御 唐李白 盛

宛谿霜夜聽猿愁去國長爲不繫舟獨憐一鴈飛南
海却羨雙谿解北流高人屢解陳蕃榻過客難登謝
朶樓此處別離同落葉朝朝分散敬亭秋

寄狄明府

唐杜甫 盛

梁公曾孫我姨弟不見十年官濟濟大賢之後竟陵
遲浩蕩古今同一體比看伯叔四十人有才無命百
寮底今者兄弟一百人幾人卓絕秉周禮在汝吏用

文章為長兄白眉復天啓汝門請從曾公說太后留
朝多巧計狄公執政在末年濁河終不汗清濟國嗣
初將付諸武公獨延諍守丹陛禁中冊決詔房陵前
朝長老皆流涕太宗社稷一朝正漢官威儀重昭洗
時危始識不世才誰謂茶苦甘如濟汝曹又宜裂土
食身使門戶多旌旆胡為飄泊岷漢間干謁王侯頗
歷詆況乃山高水有波秋風蕭蕭露泥泥虎之飢下
巉巖蛟之橫出清泚早歸來黃污人衣眼易眯

寄韓諫議注

唐杜甫

今我不樂思洛陽身欲奮飛病在牀美人始始隔秋
人部

卷九十八

十一

水濯足洞庭望八荒鴻飛冥冥日月白青楓葉赤天
雨霜玉京羣帝集北斗或騎麒麟翳鳳凰芙蓉旌旗
煙霧樂影動倒景搖瀟湘星宮之君醉瓊漿羽人稀
少不在傍似聞昨者赤松子恐是漢代韓張良昔隨
劉氏定長安帷幄未改神慘傷國家成敗吾豈敢色
難腥腐餐楓香周南留滯古莫惜南極老人應壽昌
美人胡為隔秋水焉得置之貢玉堂

奉寄李十五秘書二首

唐杜甫

避暑雲安縣秋風早下來暫留魚腹浦同過楚王臺
猿鳥千崖窄江湖萬里開竹枝歌未好畫舸且遲回

二

行李千金贈衣冠八尺身飛騰知有策意度不無神
班秩兼通貴公侯出異人玄成負文彩世業豈沈淪
寄高三十五詹事

唐杜甫

安穩高詹事兵戈久索居時來如宦達歲晚莫情疎
天上多鴻鴈池中足鯉魚相看過半百不寄一行書
寄高三十五書記

唐杜甫

歎息高生老新詩日又多美名人不及佳句法如何
主將收才子崆峒足凱歌聞君已朱紱且得慰蹉跎
寄賀蘭鉞

唐杜甫

人部

卷九十八

十四

朝野歡娛後乾坤震蕩中相隨萬里日總作白頭翁
歲晚仍分袂江邊更轉蓬勿云俱異域飲啄幾回同
寄楊五桂州

唐杜甫

五嶺皆炎熱宜人獨桂林梅花萬里外雪片一冬深
聞此寬相憶為邦復好音江邊送孫楚遠附白頭吟
寄杜位

唐杜甫

寒日經簷短窮猿失木悲峽中為客恨江上憶君時
天地身何往風塵病敢辭封書兩行淚雷灑裏新詩
赴青城縣出成都寄陶王二少尹

唐杜甫

老被樊籠役貧嗟出入勞客情投異縣詩態憶吾曹
東郭滄江合西山白雪高文章差底病迴首興爲消

暮登西安寺鐘樓寄裴十

唐杜甫

暮倚高樓對雪峰僧來不語自鳴鐘孤城返照紅將
歛近市浮煙翠且重多病獨愁常聞寂故人相見未
從容知君苦思緣詩瘦太向交遊萬事慵

寄杜位

唐杜甫

近聞寬法離新州想見歸懷尚百憂逐客雖皆萬里
去悲君已是十年流干戈况復塵隨眼鬢髮還應雪
滿頭玉壘題詩心緒亂何時更得曲江遊

八部

卷九十八

十五

寄

寄韋徵君

唐杜甫

白水青山空復春徵君晚節傍風塵楚妃堂上色殊
衆海鶴皆前鳴向人萬事糾紛猶絕粒一官羈絆實
藏身開州入夏知涼冷不似雲安毒熱新

奉寄河南韋尹丈人

唐杜甫

有客傳河尹逢人問孔融青囊仍隱逸章甫尚西東
鼎食爲門戶詞場繼國風尊榮瞻地絕疎放憶途窮
濁酒尋陶客丹砂訪葛洪江湖漂短褐霜雪滿飛蓬
牢落乾坤大周流道術空謬慙知薊子真快笑揚雄
暝清神明懼謳歌德義豐戶鄉餘土室難說祝雞翁

甫故廬在偃師承韋
公頻訪問故有下句

寄岳州賈司馬六丈巴州嚴八使君兩閣老五

十韻

唐杜甫

衡岳啼猿裏巴州鳥道邊故人俱不利謫宦兩悠然
開闢乾坤正榮枯雨露偏長沙才子遠釣瀨客星懸
憶昨趨行殿殷憂捧御筵討胡愁李廣奉使待張騫
無復雲臺仗虛修水戰船蒼茫城七十流落劍三千
盡角吹秦晉旄頭俯澗瀝小儒輕董卓有識笑符堅
浪作禽填海那堪血射天萬方思助順一鼓氣無前
陰散陳倉北晴熏太白巔亂麻屍積衛破竹勢臨燕

八部

卷九十八

十六

寄

法駕還雙闕王師下八川此時霜奉引佳氣拂周旋
貔虎開金甲麒麟受玉鞭侍臣諳入仗旆馬解登僊
花動朱樓雪城凝碧樹煙衣冠心慘愴故老淚潺湲
哭廟悲風急朝正霽景鮮月分梁漢米春得水衡錢
內藥繁於纈宮花軟勝綿恩榮同拜手出入最隨肩
晚著華堂醉寒重繡被眠嚮齊兼秉燭書在滿懷綫
每覺升元輔深期列大賢秉鈞方咫尺鍛羽再聯翩
禁掖朋從改微班性命全青蒲甘受戮白髮竟誰憐
弟子貧原憲諸生老伏虔師資謙未達鄉黨敬何先
舊好腸堪斷新愁眼欲穿翠乾危棧竹紅膩小湖蓮

賈筆論孤憤嚴君賦幾篇定知深意苦莫使衆人傳
貝錦無停織朱絲有斷絃浦鵬防碎首霜鵲不空拳
地僻昏炎瘴山稠隘石泉且將基度日應用酒爲年
典郡終微眇治中實棄捐安排求傲吏比興展歸田
去才難得蒼蒼理又玄古人稱逝矣吾道卜終焉
隴外翻投迹漁陽復控弦笑爲妻子累甘與歲時遷
親故行稀少兵戈動接聯他鄉饒夢寐失侶自迢迢
多病加淹泊長吟阻靜便如公盡雄俊志在必騰騫

寄李十二白二十韻

唐杜甫

昔年有狂客號爾謫仙人筆落驚風雨詩成泣鬼神

人部

卷九十八

十七

聲名從此大汨沒一朝伸文彩承殊渥流傳必絕倫
龍舟移棹晚獸錦奪袍新白曰來深殿青雲滿後塵
乞歸優詔許遇我宿心親未負幽栖志兼全寵辱身
劇談憐野逸嗜酒見天真醉舞梁園夜行歌泗水春
才高心不展道屈善無鄰處士禰衡俊諸生原憲貧
稻粱求未足蒼莽謗何煩五嶺炎蒸地三危放逐臣
幾年遭鵬鳥獨泣向麒麟蘇武先還漢黃公豈事秦
楚筵辭醴日梁獄上書辰已用當時法誰將此義陳
老吟秋月下病起暮江濱莫怪恩波隔乘槎與問津

寄張十二山人彪三十韻

唐杜甫

盛

獨卧嵩陽客三違潁水春艱難隨老母慘澹向時人
謝氏尋山屐陶公漉酒巾羣兇彌宇宙此物在風塵
歷下辭姜被關西得孟鄰早通交契密晚接道流新
靜者心多妙先生藝絕倫草書何太古詩興不無神
曹植休前重張芝更後身數篇吟可老一字買堪貧
將恐曾防寇深潛託所親寧聞倚門夕盡力潔餐晨
疎懶爲名誤驅馳喪我真索居猶寂寞相遇益愁辛
流轉依邊徼逢迎念席珍時來故舊少亂後別離頻
世祖修高廟文公賞從臣商山猶入楚渭水不離秦
存想青龍秘騎行白鹿馴耕巖北谷口結草卽河濱

人部

卷九十八

十八

時後符應驗囊中藥未陳旅懷殊不愜良覲眇無因
自古皆悲恨浮生有屈伸此邦今尚武何處且依仁
鼓角凌天籟關山倚月輪官場羅鎮鎮賊火近洮岷
蕭瑟論兵地蒼茫關將辰大軍多處所餘孽尚紛綸
高興知龍鳥斯文起獲麟窮秋正搖落迴首望松筠

寄盧象

唐崔顥

盛

客從巴南度傳爾沂行舟是日風波霽高唐雨半收
青山滿蜀道綠水向荊州不作書相問誰能慰別愁

海上寄蕭五

唐獨孤及

盛

朔風剪寒草寒露白始結客行屈濕壩歸思生暮節

驛樓見萬里延首望遼碣達海入大荒平蕪際窮髮
舊國在夢想故人且胡越契闊阻風期在再成別
海西望京口兩地各天末索居動經秋再笑知曷月
日窮南雲盡唯見飛鳥滅清塵未易得何以慰饑渴

東京寄萬楚

唐李頎

滌落久無用隱身甘采薇仍聞薄宦者還事田家衣
賴水日夜流故人相見稀春山不可望黃鳥東南飛
濯足豈長往一樽聊可依了然潭上月適我胸中機
在昔同門友如今出處非優游白虎殿偃息青瑣闥
且有薦君表當看攜手歸寄書不待面蘭庭空芳菲

八

卷九十八

十九

寄齊萬融

唐李頎

名高不擇仕委世隨虛舟小邑常歎屈故鄉行可遊
青楓半村戶香稻盈田疇為政日清淨何人同海鷗
搖巾北林夕把菊東山秋對酒池雲滿向家湖水流
岸陰止鳴鶴山色映潛蚪靡靡俗中理蕭蕭川上幽
昔年至吳郡常隱臨江樓我有一書札因之芳杜洲

寄鏡湖朱處士

唐李頎

澄霽晚流闊微風吹綠蘋鱗鱗遠峰見淡淡平湖春
芳草日堪把白雲心所親何時可為樂夢裏東山人

寄李侍御

唐張謂

柱下聞周史書中慰越吟近看三歲字遙見百年心
價以吹噓長恩從顧盼深不栽桃李樹何日得成陰

山中寄韋子春秘書

唐王季友

出山秘芸署山木已再春食我山中藥不憶山中人
山中誰余留白髮日相親雀鼠晝夜無知我厨廩貧
有情盡捐棄土石為周身依依舍北松不厭我南鄰
夫子質千尋天澤枝葉新余以不材壽非智免斧斤

湖中寄王侍御

唐丘為

日日湖水上好登湖上樓終年不向郭過午始梳頭
嘗自愛杯酒得無相獻酬小童能膾鯉少妾事蓮舟

八

卷九十八

二十

每有江南信仍期後月遊方春轉搖蕩孤興時淹留
驄馬真傲吏翛然無所求晨起玉階下心許滄江流
少別如昨日何言經數秋應知方外事獨往非悠悠

寄源休

唐元結

辛丑中元結與族弟源休皆為尚書郎在荆南府
幕休以曾任湖南久理長沙結以曾遊江州將兵
鎮九江自春及秋不得相見故抒所懷以寄之
天下未偃兵儒生預戎事功勞安可問且有忝官累
昔嘗以荒浪不敢學為吏況當在兵家言之豈容易
忽然向三嶺境外為偏帥時多尚矯詐進退多欺貳

縱有一直方則上似姦智誰為明信者能辨此勞與

途次維揚望京口寄白下唐蔣煥

北望情何限南行路轉深晚帆低欲葉寒日下楓林
雲白蘭陵渚煙青建業岑江天秋向盡無處不傷心

過烏公山寄錢起員外唐李嘉祐

雨過青山猿叫時愁人淚點石榴枝無端王事還相
繫腸斷兼葭君不知

宿懷仁縣南湖寄東海荀處唐劉長卿

向夕歛微雨晴開湖上天離人正惆悵新月愁嬋娟
佇立白沙曲相思滄海邊浮雲自來去此意誰能傳

人部 卷九十八 寄李侍御唐劉長卿

一水不相見千峰隨客船寒塘起孤鴈夜色分鹽田
時復一延首憶君如眼前

寄李侍御唐劉長卿

舊國人未歸芳洲草還碧年年湖上亭悵望江南客
驄馬入關西白雲獨何適相思煙水外唯有心不隔

寄會稽公徐侍郎唐劉長卿

搖落淮南葉秋風想越吟鄒枚入梁苑逸少在山陰
老鶴無衰貌寒松有本心聖朝難稅駕惆悵白雲深

逢郴州使因寄鄭協律唐劉長卿

相思楚天外夢寐楚猿吟更落淮南葉難為江上心

衡陽問人遠湘水向君深欲逐孤帆去茫茫何處尋

使次安陸寄友人唐劉長卿

新年草色遠萋萋久客將歸失路谿暮雨不知郎口
處春風共到穆陵西孤城盡日空花落三戶無人自

鳥啼君在江南相憶否門前五柳幾枝低

寄別朱拾遺唐劉長卿

天書達召滄浪客幾度臨岐病未能江海茫茫春欲
遍行人一騎發金陵

山齋讀書寄時校書杜叟唐錢起

日愛衡方下閑觀山海圖幽人自守朴窮谷也名愚

人部 卷九十八 寄袁州李嘉祐員外唐錢起

倒嶺和谿雨新泉到戶樞叢蘭齊稚子蟠木老潛夫
憶戴差過剡遊仙慣入壺濠梁時一訪莊叟亦吾徒

誰謂江山阻心親夢想偏容輝常在目離別任經年

郡國通流水雲霞共遠天行春鶯幾囀遲客月頻圓

鴈有歸鄉羽人無訪戴船願徵黃霸入相見玉階前

寄永嘉王十二唐錢起

永嘉風景入新年才子詩成定可憐夢裏還鄉不相
見天涯憶戴復誰傳花傾曉露垂如淚鶯拂游絲斷

若絃願得回風吹海鴈飛書一宿到君邊

山中寄時校書

唐錢起中

蓬萊紫氣溫如玉唯知爾陽春曲別來幾日芳蕓
綠百花酒滿不見君青山一望心斷續

冬至夜寄京師諸弟兼懷崔都水

唐韋應物中

理郡無異政所憂在素餐徒令去京國辭旅當歲寒
子月生一氣陽景極南端已懷時節感更抱別離酸
私燕席云罷還齋夜方闌遽幕沈空宇孤燭照牀單
應同茲夕念寧忘故歲歡川塗恍悠遞涕下一闌干
灋上寄幼遐

唐韋應物中

人部

卷九十八

三十五

寂寞到城闕惆悵返柴荆端居無所爲念子遠徂征
夏晝人已息我懷獨未寧忽從東齋起兀兀尋澗行
胥室叢榛密披翫孤花明曠然西南望一極山水情
周覽同遊處逾恨阻音形壯圖非旦夕君子勤令名
勿復久留燕蹉跎在北京

寄子西

唐韋應物中

夏景已難度懷賢思方續喬樹落疎陰微風散煩燠
傷離枉芳札欣遂見心曲藍上舍已成田家雨新足
託鄰素多欲一作殘佚猶見東日夕上高齋但望東
原綠

寄馮著

唐韋應物中

春雷起萌蟄土壤日已疎胡能遭盛明才俊伏里閭
偃仰遂真性所求唯斗諸披衣出茅屋盥漱臨清渠
吾道亦自適退身保玄虛幸無職事牽且覽案上書
親友各馳騫誰當訪弊廬思君在何夕明月照廣除

寄盧庚

唐韋應物中

悠悠遠離別分此歡會難如何兩相近反使心不安
亂髮思一櫛垢衣思一浣韻豈如望友生對酒起長
歎時節異京洛孟冬天未寒廣陵多車馬日夕自遊
盤獨我何耿耿非君誰爲歡

人部

卷九十八

三十四

因省風俗與從姪成緒遊山水中道先歸寄示

唐韋應物中

累宵同燕酌十舍攜征騎始造雙林寂遐搜洞府秘
羣峰繞盤鬱懸泉仰特一作時異陰壑雲松埋陽崖煙
花媚每慮觀省牽中乖遊踐志我尚山水行子歸棲
息地一操臨流袂上聳于雲轡獨往倦危途懷冲一作
寡幽致賴爾還都期方將登樓遲

園林晏起寄昭應韓明府盧主簿

唐韋應物中

田家已耕作井屋起晨煙園林鳴好鳥閑居猶獨眠

不覺朝已晏起來望青天四體一舒散情性亦欣然
還復茅簷下對酒思數賢東帶理官府簡牘盈目前
當念中林賞覽物遍山川上非遇明世庶以道自全

寄暢當

唐韋應物中

寇賊起東山英俊方未閑聞君新應募籍籍動京關
出身文翰場高步不可攀青袍未及解白羽插腰間
昔爲瓊樹枝今有風霜顏秋郊細柳道走馬一夕還
丈夫當爲國破敵如摧山何必事州府坐使鬚毛斑

秋夜南宮寄禮上弟及諸生

唐韋應物中

暝色起煙閣沈抱積離憂况茲風雨夜蕭條梧葉秋

人部

卷九十八

二五

唐

空宇感涼至顏顏驚歲周日夕遊闕下山水憶同遊

社日寄崔都水及諸弟羣屬

唐韋應物中

山郡多暇日社時放吏歸坐閣獨成悶行塘閱清輝
春風動高柳芳園掩夕扉遙思里中會心緒悵微微

寄楊協律

唐韋應物中

吏散門閣掩鳥鳴山郡中遠念長江別俯覺坐隅空
舟泊南池雨簾卷北樓風併罷芳樽爲洽昨時同

寄恒璨

唐韋應物中

心絕去來緣跡順人間事獨尋秋草徑夜宿寒山寺
今日郡齋閒思問楞伽字

早春對雪寄前殿中元侍御 唐韋應物中

掃雪開幽徑端居望故人猶殘臘月酒更值早梅春
幾日東城陌何時曲水濱聞閑且共賞莫待繡衣新

寄李儋元錫

唐韋應物中

去年花裏逢君別今日花開又一年世事茫茫難自
料春愁黯黯獨成眠身多疾病思田里邑有流亡媿
俸錢聞道欲來相問訊西樓望月幾迴圓

和李二主簿寄淮上綦毋三 唐韋應物中

滿城憐傲吏終日賦新詩請報淮陰客春帆浪作
音期

人部

卷九十八

二六

唐

寄高雲

唐皇甫冉中

南徐風日好悵望毗陵道毗陵有故人一見恨無因
獨戀青山久唯令白髮新每嫌持手板時見著頭巾
煙景臨寒食農桑接仲春家貧仍嗜酒生事今何有

芳草徧江南勞心憶攜手

方平曾東遊以詩寄之

唐皇甫冉中

出郭離言多迴車始知遠寂然層城暮更念前山轉
縱戀越城臯浮舟背梁苑朝朝勞延首往往若眼
落日孤雲還邊愁迷楚關如何淑花發復對遊子顏
古寺松栢裏連檣洲渚間煙生海西岫雲見吳南山

驚風掃蘆花翻浪連天白正是揚帆時偏逢江上客
由來許佳句况乃愜所適差我天姥峰翠色春更碧
氣淒湖上雨月淨剡中夕釣艇或相逢江離又堪摘
迢遙始寧野蕪沒謝公宅朱槿攢列墉蒼苔偏幽石
顧予任疎懶期爾振羽翮滄洲未可行須售金門策

寄劉方平

唐皇甫冉

坐憶山中人窮樓事南畝煙霞相親外墟落今何有
潘郎作賦年陶令辭官後達生遺自適良願固無負
田取潁水流樹入陽城口歲暮憂思盈離居不堪久

寄劉八

唐皇甫冉

人部

卷九十八

三

東臯若近遠苦雨隔還期閨歲風霜晚山田收穫遲
茅簷燕去後樵路菊黃時平子遊都久知君坐見嗤

秋夜寄所思

唐皇甫冉

寂寞坐遙夜清風何處來天高散騎省月冷建章臺
鄰笛哀聲忌城砧朔氣催芙蓉已委絕誰復可為媒

奉寄皇甫補闕

唐皇甫冉

京口情人別久揚州估客來疎潮至潯陽不去相思
無處通書

寄暢當

唐李端

麥秀草芊芊幽人好晝眠雲霞生嶺上猿鳥下牀前

顏子方敦行支郎久住禪中林輕暫別約略已經年

寄王密卿

唐李端

酒樂今年少僧期近日頻買山多為竹卜宅不緣貧
志業歸初地文章寄此身嵇康雖有病猶得見情人

寄贈號州張參軍

唐韓翃

三十事諸侯賢豪冠北州桃花迎駿馬蘇合染輕裘
觀妓將軍第題詩關尹樓青林朝送客綠嶼晚回舟
好栗分通子名香贈莫愁洗杯新酒熟把燭故人留
百雉歸雲過千峰宿雨收兼葭露下晚菡萏水中秋
憶昨陪行樂常時接獻酬佳期雖霧散惠問亦川流

人部

卷九十八

三

開卷醒堪解含毫思若抽無因達情意西望目悠悠

寄張象甫

唐權德輿

悲風還舊浦雲嶺隔東田伏臘同雞黍柴門閉雪天
孤村明夜火稚子候歸船靜者心相憶離居畏度年

西陵寄二公

唐權德輿

西陵遇風處自古是通津終日空江上雲山若待人
汀洲寒事早魚鳥興情新西望稽山路吾心有所親

寄盧仝

唐韓愈

玉川先生洛城裏破屋數間而已矣一奴長鬚不裹
頭一婢赤脚老無齒辛勤奉養十餘人上有慈親下

妻子先生結髮憎俗徒閉門不出動一紀至今鄰僧
乞米送僕忝縣尹能不耻俸錢供給公私餘時致薄
少助祭祀勸參留守謁大尹言語纔及輒掩耳水北
山人得名聲去年去作幕下士水南山人又繼往鞍
馬僕從寒閭里少室山人索價高兩以諫官微不起
彼皆刺口論世事有力未免遭驅使先生事業不可
量惟用法律自繩已春秋三傳束高閣獨抱遺經究
終始往年弄筆嘲同異怪辭驚衆謗不已近來自說
尋坦途猶上虛空跨駉駉去年生兒名添丁意令與
國充耘耔國家丁口連四海豈無農夫親耒耜先生
人部

卷九十八

三十九 寄

抱才終大用宰相未許終不仕假如不在陳力列立
言垂範亦足恃苗裔當蒙十世宥豈謂貽厥無基址
故知忠孝生天性潔身亂倫安足擬

次石頭驛寄江南王十中丞閣老

唐韓愈

憑高試迴首一望豫章城人由戀德泣馬亦別羣鳴
寒日夕始照風江遠漸平默然都不語應識此時情
晚寄張十八助教周郎博士 唐韓愈
日薄風景曠出歸偃前簷晴雲如縹絮新月似磨鎌
田野興偶動衣冠情久厭吾生可攜手歎息歲將淹

寄張籍

唐孟郊

夜鏡不照物朝光何時昇黯然秋思來一作黯然走
入志士膺志士惜時逝一宵三四興清漢徒自朗濁
河終無澄舊愛忽已遠新愁坐相凌君其隱壯懷我
亦逃名稱古人貴從晦君子忌黨朋傾敗生所競保
全歸懜懜一作懜懜浮雲何當來潛虬會飛騰

寄崔純亮

唐孟郊

百川有餘水大海無滿波器量各相懸賢愚不同科
羣辯有咨語眾歡無一作有行歌唯餘洛陽子鬱鬱恨
常多時讀過秦篇爲君涕滂沱

人部

卷九十八

三十一 寄

寄洛州李大夫

唐孟郊

自從薊師及中國事紛紛儒道一失所賢人多在軍
鳥巢憂迸射鹿耳駭驚聞劒折唯恐匣一作匣弓食不
讓勲方知省事將動必謝前羣鸛陣常先罷魚符最
晚分步閑洛水曲笑激太行雲

寄漢陽故人

唐張籍

知君漢陽住煙樹遠重重歸使雨中發寄書燈下封
同時買江島今日別雲松欲問新移處青蘿最北峰
寄友人 唐張籍

憶在江南日同遊三月時採茶尋遠澗鷗鴨向春池

送客沙頭宿招僧竹裏暮如今各千里無計得相隨

寄王六侍御

唐張籍中

漸覺近來筋力少難堪今日在風塵誰能借問功名
事祇自扶持老病身貴得藥資將助道肯嫌家計不
如人洞庭已置新居處歸去安期與作鄰

寄李渤

唐張籍中

五渡谿頭躑躅紅嵩陽寺裏講時鐘春山處處行應
好一月看花到幾峰

再赴桂州先寄李大夫

唐戎昱中

玷玉甘長棄朱門喜再遊過因讒後重恩合死前酬

卷九十八

三十一

養驥須憐瘦栽松莫厭秋今朝兩行淚一半血和流

寄孟東野

唐戴叔倫中

亂餘城郭怕經過到處閒門長薜蘿用世空悲聞道
淺入山偏喜識僧多醉歸花徑雲生履樵罷松巖雪
滿簑石上幽期春又暮何時載酒聽高歌

逢南中使因寄嶺外故人

唐盧綸中

見說南來處蒼梧接桂林過秋天更暖邊海日長陰
巴路綠雲出蠻鄉入洞深信迴人自老夢到月應沈
碧水通春色青山寄遠心炎方難久客爲爾一沾巾
爲郎分司寄上都同舍

唐劉禹錫中

籍通金馬門家在銅駝頭省闈書無塵宮樹朝凝碧
荒街淺深輟古渡潺湲石唯有高丘雲堪誇早朝客

早春對雪奉寄澧州元郎中

唐劉禹錫中

新賜魚書墨未乾賢人暫出遠人安朝驅旌旆行時
令夜見星辰憶舊官梅蕊覆堦鈴閣暖雪峰當戶戟
枝寒寧知楚客思公子北望長吟澧有蘭

寄韓八壽州

唐劉禹錫中

風微紅旗入壽春滿城歌舞向朱輪八公山下清淮
水千騎塵中白面人桂嶺雨餘多鶴迹茗園晴望似
龍鱗聖朝方用敢言者次第應須舊諫臣

卷九十八

三十一

奉和淮南李相公暮秋卽事寄成都武相公

唐劉禹錫中

八柱共承天東西別隱然遠夷爭慕化真相故違邊
並進夔龍位仍齊龜鶴年同心舟已濟造膝壁常聯
對領專征寄遙持造物權斗牛添氣色并落淨氛煙
獻可通三略分甘出萬錢漢南趨節制趙北賜山川
玉帳觀渝舞虹旌獵楚田步嫌雙綬重夢入九城偏
秋雨離情動新詩樂府傳聆音還竊抃不覺撫么絃

詩類卷九十九

東吳俞安期彙纂

新都汪道會增定

新都吳養春訂校

人部四十一

寄下 謝獻

○寄下

寄李益少監兼送張實遊州

唐王建中

大雅廢已久人倫失其常天若不生君誰復為文網
迷者得道路弱者遇舟航國風人已變山澤增輝光
星辰有其位豈合離帝傍賢人既遐征鳳鳥安來翔
少小慕高名所念隔山岡集卷新紙封每讀常焚香

人部

卷九十九

寄下

古來誰自達取鑒有賢良未為知音故徒恨名不彰
諒無金石堅性命豈能長常恐一世中不上君子堂
偉哉清河子少年志堅強篋中有素文千里求發揚
自顧音韻乖無因合宮商幸君達精誠為我求迴章

山中寄及第故人

唐王處中

長長南山松短短北磻楊俱承日月照幸免斤斧傷
去年與子別誠言暫還鄉如何棄我去天路忽騰驤
誰謂有雙目識貌不識腸豈知心內垂著我薜蘿裳
尋君向前事不歎今異翔往往空室中寤寐說璋璋
十年居此谿松桂日蒼蒼自從無佳人山中不輝光

盡棄所留藥亦焚舊草堂還君誓已書歸我學仙方
既為參與辰各願不相望始終名利途慎勿罹咎殃

寄杜侍御

唐王建中

何須服藥竟升天粉閣為郎即是仙買宅但幽從索
價栽松取活不爭錢退朝寺裏尋荒塔經宿城南看
野泉道氣清凝分曉爽詩情冷瘦滴秋鮮學通儒釋
三千卷身擁旌旗二十年春巷偶過同戶飲暖牕時
語對牀眠破除心力緣書癖傷瘦花枝為酒顛今日
總來歸聖代一作今日總丈人先達幸相憐

寄元九

唐白居易中

人部

卷九十九

寄下

晨雞纔發聲夕雀俄歛翼晝夜往復來疾如出入息
非徒改年貌漸覺無心力自念因念君俱為老所迫
君年雖少少顛顛謫南國三年不放歸炎瘴銷顏色
山無殺草雪水有含沙蜮健否遠不知書多隔年得
願君少愁苦我亦加餐食各保金石軀以慰長相憶

寄張十八

唐白居易中

經旬不出門竟日不下堂同病者張生貧僻住延康
慵中每相憶此意未能忘迢迢青槐街相去八九坊
秋來未相見應有新詩章

寄李十一建

唐白居易中

外事牽我形外物誘我情李君別來久徧慘從中生
憶昨訪君時立馬扣柴荆有時君未起稚子喜先迎
連步笑出門衣翻冠或傾掃堦苔紋綠拂榻藤陰清
家醞及春熟園葵乘露烹看山東亭坐待月南原行
分手來幾時明月三四盈別時殘花落及此新蟬鳴
芳歲忽已晚離抱悵未平

春晚寄微之

唐白居易中

三月江水闊悠悠桃李波年芳與心事此地共蹉跎
南國方譴謫中原正兵戈通州更迢遞春盡復如何

寄微之三首

唐白居易中

人部 卷九十九

三 寄

江州望通州天涯與地末有山萬丈高有江千里闊
間之以雲霧飛鳥不可越誰知千古險爲我二人設
通州君初到鬱鬱愁如結江州我方去迢迢行未歇
道路日乖隔音信日斷絕因風欲寄語地遠聲不徹
生當復相逢死當從此別

二

君遊襄陽日我在長安住今日在通州我過襄陽去
襄陽九里郭樓雉連雲樹顧此稍依依是君舊遊處
蒼茫蒹葭水中有潯陽路此去更相思江西少親故

三

去國日已遠喜逢物似人如何含此意江上坐思君
有如河嶽氣相合方氣氤狂風吹中絕兩處成孤雲
風迴終有時雲合豈無因努力各自愛窮通我獨身

寄行簡

唐白居易中

鬱鬱眉多歛默默口寡言豈是願如此舉目誰與歡
去春爾征西從事已蜀間今春我南謫抱疾江海壖
相去六千里地絕天邈然十書九不達何以開憂顏

寄庾侍郎

唐白居易中

一雙華亭鶴數片太平石巉巖蒼玉峰矯矯青雲翮
是時歲云暮淡薄煙景夕庭霜封石稜池雪印鶴跡

人部 卷九十九

四 寄

幽致竟誰別閑靜聊自適懷哉庾順之好是今宵客

遠寄

唐白居易中

欲忘憂未得欲去去無由兩腋不生翅二毛空滿頭
坐看新落葉行上最高樓暝色無邊際茫茫盡眼愁

寄皇甫七

唐白居易中

孟夏愛吾廬陶潛語不虛花樽飄落酒風案展開書
鄰女偷新果家童漉小魚不知皇甫七池上興何如

偶作寄明之

唐白居易中

葉落槐亭院水生竹閣池雀羅誰問訊鶴顰罷追隨
身與心俱病容將力共衰老來多健忘惟不忘相思

寄李蘄州

唐白居易

下車書奏龔黃課動筆詩傳鮑謝風江郡謳謠誇杜
母洛城歡會憶車公笛愁春盡梅花裏簾冷秋生蘿
葉中不道蘄州歌酒少使君難稱與誰同

行次夏口先寄李大夫

唐白居易

連山斷處大江流紅旆逶迤鎮上游幕下翔翔秦御
史軍前奔走漢諸侯曾陪劔履升鸞殿欲謁旌幢入
鶴樓假著緋袍君莫笑恩深始得向忠州

渭村退居寄禮部崔侍郎翰林錢舍人

唐白居易

人部

卷九十九

五

聖代元和歲閑居渭水陽不才甘命舛多幸遇時康
朝野分倫序賢愚定否臧重文疎卜式尚少棄馮唐
世慮休相擾身謀且自強猶須務衣食未免事農桑
薤草通三徑開田占一坊晝扉局白版夜碓掃黃粱
隙地治場圃閑時糞土疆枳籬編刺夾薤壠孽科秧
穡力嫌身病農心願歲稔朝衣典杯酒佩劔博牛羊
困倚栽松鉅饑提採薇筐引泉來後澗移竹下前岡
生計雖勤苦家資甚渺茫塵埃常滿甌錢帛少盈囊
弟病仍扶杖妻愁不出房早寒風撼撼新霽月蒼蒼
園菜迎霜死庭蕪過雨荒簷空愁宿燕壁暗思啼鴛

眼爲看書損肱因運甓傷病骸渾似木老鬢欲成霜

少睡知年長端憂覺夜長舊遊多廢忘往事偶思量
忽憶煙霄路嘗陪劔履行齊竿泥留夏燕石厠琳琅
同日升金馬分宵直未央共詞加寵命合表謝恩光
廐馬驕初跨天厨味始嘗朝館頒餅餌寒暑賜衣裳
對秉鵝毛筆俱含雞古香青縑衾薄絮朱裏幕高張
晝夜恒連案宵眠每並牀差肩承詔旨連署進封章
起草偏同視疑文最共詳減私容點竄窮理析毫芒
便共輸肝膽何曾異肺腸慎微參石奮決密與張湯
禁聞青文瑣官垣紫界墻并欄排苗舊簷瓦關鴛鴦

人部

卷九十九

六

樓額題鳩鵲池心浴鳳凰風枝萬年動溫樹四時芳
宿露凝金掌晨輝上璧璫砌筠塗綠粉庭果滴紅漿
曉從朝興慶春陪宴柏梁傳呼鞭索索拜舞珮鏘鏘
仙仗環雙闕神兵闢兩廂火翻紅尾旆米卓白竿槍
泥濘經魚藻深沈近浴堂分庭皆命婦對面卽儲皇
貴主冠浮動親王纓開裝金鈿相照耀朱紫間熒煌
毬簇桃花騎歌巡竹葉觴窪銀中貴帶昂黛內人妝
賜襖東城下頒餉山水傍樽罍分聖酒妓樂借仙倡
下直閑如社尋芳醉似狂有時還後到無處不相將
雞鶴初雖雜蕭蘭久乃彰來燕隗貴重王曾孔栖惶

聚散期難定飛沈勢不常五年同晝夜一別似參商
屈折孤生竹銷摧百鍊鋼途窮任憔悴道在肯憶皇
尚念遺輝折仍憐病雀瘡郵寒分賜帛收飯餘糧
藥物來盈裹書題寄滿箱殷勤翰林主珍重禮闈郎
照沐誠多謝搏持豈所望妝嫻徒費黛磨礪詎成璋
習隱將時背干名與道妨外身宗老氏齊物學蒙莊
疎放遺千慮愚蒙守一方樂天無怨歎倚命不動勤
憤悶胸須豁交加臂莫攘珠沈猶是寶金躍未爲祥
泥尾休搖掉灰心罷激昂漸閑親道友因病事醫王
息亂歸禪定存神入坐亡斷癡求慧劍濟苦得慈航

卷九九

七

人部

卷九九

八

不動爲吾志無何是我鄉可憐身與世從此兩相忘

東南行寄通州元九侍御豐州李十一舍人果

州崔二十二使君開州韋大員外吏三十二

補闕杜十四拾遺李二十助教員外竇七校

書

唐白居易

南去經三楚東來過五湖山頭看候館水西問征途
地遠窮江界天低極海隅吏徵漁戶稅人納火田租
亥日饒蝦蟇寅年足虎羆成人男作非事鬼女爲巫
見果多虛橘聞禽悉鷓鴣山歌猿獨叫野哭鳥相呼
嶺微雲成棧江郊水當郭月橋翹柱鶴風泛颶驚島

驚潮無信蛟驚浪不虞鼉鳴泉窟室層結氣浮圖
樹裂山魁穴沙含水弩樞喘牛犂紫羊羸馬放青菰
繡面誰家婢鵝頭幾歲奴泥中採菱女燒後拾樵蘇
鼎臠愁烹驚盤腥厭膾鱸鍾儀徒戀楚張翰浪思吳
氣序涼還熱光陰旦復晡憶歸恒慘澹懷舊忽踟躕
自念咸秦客嘗爲鄒魯儒蘊藏經國術輕棄度關繻
世務經磨揣周行竊覲覲承明連夜直建禮拂晨趨
美服頒王府珍羞降御廚議高通白虎諫切伏青蒲
柏殿行陪宴花樓走看酺定場排漢旅促座進吳歎
縹緲疑仙樂嬋娟勝畫圖歌鬟低翠羽舞汗隋紅珠

人部

卷九九

八

別選閑遊伴潛招小飲徒一杯愁已破三盞氣彌麤
軟美仇家酒幽閑葛氏姝十千方得斗二八正當爐
鞍馬呼教住散盤喝遣輸長驅波卷白連擲采成盧
籌併煩逃席觥嚴別置盂漏卮那可灌顏玉不勝扶
入視中樞草歸乘內廐駒醉曾衝宰相驕不揖金吾
日近恩雖重雲高勢却孤翻身落霄漢失脚到泥塗
博望移門籍潯陽佐郡符江關未徹警淮寇尚稽誅
林對東西寺山分大小姑廬峰連刻削滄浦帶縈紆
九派吞青草孤城覆綠蕪歲華何倏忽年少不須更
眇然思千古蒼茫想八區孔窮緣底事頗天有何辜

龍智猶經醢龜靈未免剝窮通應已定聖哲不能逾
況我身謀拙逢他厄運拘漂流隨大海鎚鍛任洪爐
險阻嘗之矣栖遲命也夫沈冥消意氣窮餓耗肌膚
防瘡和殘藥迎寒補舊襦書牀鳴蟋蟀琴匣網蜘蛛
貧室如懸磬端憂劇守株時遭人指點數被鬼揶揄
兀兀都疑夢昏昏半是愚女驚朝不起妻怪夜長吁
萬里拋烟侶三年隔友于自然悲聚散不是恨榮枯

寄吳士矩端公四十韻

江陵士唐元稹中

昔在鳳翔日十歲即相識未有好文章逢人賞顏色
可憐何郎面字何郎二十纔冠飾短髮予近梳羅衫

卷九十九

九

人部
紫蟬翼伯舅各驕縱仁兄未摧抑事業若杯盤詩書
甚微縹西州戎馬地賢豪事雄特百萬時可贏十千
良易惜寒食桐陰下春風柳林側藉草送遠遊列筵
酬博塞萎蕤雲幕翠粲爛紅茵絕將軍煩下城佳人
盡傾國媚語嬌不聞纖腰軟無力歌詞妙宛轉舞態
能剗刻筆絃玉指調粉汗紅綃拭予時最年少專務
酒中職未能媿生惇偏矜任任直曲庇桃根蓋橫講
捐雲式亂布關分朋惟新間讒謔扣節參差亂飛觥
往來織強起相維持翻成兩匍匐邊霜颯然降戰馬
鳴不息但喜秋光麗誰憂雲黑常隨獵騎走多在

豪家匿夜飲天既明朝歌日還易荒狂歲久名利
心潛逼時輩多得途親朋屢相救脫跡壯士場甘心
堅儒域矜持翠筠管敲斷黃金勒屢蓋蘭膏燈猶研
兔枝墨崎嶇來掉蕩矯枉事沈默隱笑甚艱難歛容
還芳則與君始分散勉我勞修飾岐路各營營別離
長惻惻昨來陝郊會悲歡兩難克問我新相知但報
長相憶為別詎幾時伊予墜溝洫大江鼓風浪遠道
參荊棘往來事返無期前途浩難測一旦得自由相求
北山北

寄胡靈之

唐元稹中

人部

卷九十九

十一

早歲顛狂伴城中共幾年有時潛步出連夜小亭眠
月影侵牀上花叢在眼前今宵正風雨空宅楚江邊

寄樂天

唐元稹中

無身尚擬魂相就身在那無夢往還直到他身亦相
覓不能空記樹中環

寄庾敬休

唐元稹中

小來同在曲江頭不省春時不共遊今日江風好暄
暖可憐春盡古湘州

寄浙西李大夫

唐元稹中

藥珠深處少人知網索西臨太液池浴殿晚聞天語

後步廊騎馬笑相隨細索在太液上學

為魏州從事寄耿拾遺

唐姚合中

小在兵馬間長還繫戎職難飛不得遠豈要生羽翼
三年城中遊與君最相識應知我衷腸不苟念衣食
主人樹功名欲滅天下賊愚雖乏智謀願陳一夫力
古人不懼死徒死亦無益百年心知聞誰限河南北

寄李頻

唐姚合中

性疎常似病一作開門閑院一作推覺長庭莎朋友來看

少詩書卧讀多命隨才苦一作薄愁與酒相和

珍重君名字新登甲乙科

人部

卷九十九

十一

寄費冠卿

唐姚合中

逍遙繒繳外高鳥與潛魚闕下無朝籍林間有詔書
夜眠幽洞石曉飯白雲疏四海人空老九華君獨居
此心誰復識日與世相疎

寄孟協律

唐賈島中

我有弔古泣不泣向路岐揮淚灑暮天滴著一作離桂
樹枝別後冬節至離心北風吹坐孤雪扉夕泉落石
橋時不驚猛虎嘯難辱君子詞欲酬空覺老無以堪
遠持霜葉倚角牕王屋懸清思

寄遠

唐賈島中

門前南流水中有北飛魚魚飛向北海可以寄遠書
不惜寄遠書故人今在無況此數尺身阻彼萬里途
自非日月光難以知子軀

寄友人

唐賈島中

同人半年別一別寂來音我常倦投迹君亦知此矜
但存舌在口當冀身遂心君看明月夜松桂寒森森

寄李存穆

唐賈島中

聞道船中病似憂親弟兄信來從水路身去到柴城
久別長鬚鬢相思書姓名忽然消息絕頻夢却還京

寄顧非熊

唐賈島中

人部

卷九十九

十一

知君歸有處山水亦難齊猶去瀟湘遠不聞猿狖啼

穴通茅嶺下潮滿石頭西獨立生遙思秋原日漸低

寄董武

唐賈島中

雖同一城裏少省得從容門掩園林僻日高巾幘慵
孤鴻來半夜積雪在諸峰正憶毘陵客聲聲隔水鐘

寄山友長孫棲嶠

唐賈島中

此時氣蕭颯琴院可應關鶴似君無事風吹雨遍山
松生青石上泉落白雲間有逕連高頂心期相與還

秋暮寄友人

唐賈島中

寥落關河暮霜風樹葉低遠天垂地外寒日下降西

有志煙霞切無家歲月迷清宵話白鬢已負十年棲

寄宋州田中丞

唐賈島中

古郡近南徐關河萬里餘相思深夜後未答去秋書
自別知音少難忘識面初舊山期已久門掩數畦蔬

寄韓潮州愈

唐賈島中

此心曾與木蘭舟直到天南潮水頭隔嶺篇章來華
岳出關書信過龍流峰懸驛路殘雲斷海浸城根老
樹秋一夕瘴煙風捲盡月明初上浪西樓

寄武功姚主簿

唐賈島中

居枕江沱北情懸渭曲西數宵曾夢見幾處得書披

人部

卷九十九

鋤草苗叢藥尋山上石梯客迴河水漲風起夕陽低
空地苔連井孤村人隔谿捲簾黃葉落鎖印子規啼

寄遠

唐賈島中

家住錦水上身征遼海邊十書九不到一到忽經年

出關後寄賈島

唐周賀中

故國知何處西風已度關歸人值落葉遠路入寒山
多難喜相識久貧寧自閑唯將往來信遙慰別離顏

相次尋舉客寄佳人

唐周賀中

停橈因舊識白髮向波濤以我往來倦知君耕稼勞
渚田臨合盡坂路出簷高遊者還南去終期伴爾曹

出關寄賈島

唐周賀中

舊鄉無子孫誰共老青門迢遞早秋路別離深夜村
伊流背遠客岳響答啼猿去後期招隱何當復此言

寄韓司空

唐周賀中

多病十年無舊識滄州戰後始逢君已知罷秩辭龍
水相勸移家近岳雲泗上旅郵侵疊浪雪中歸路踏
荒墳若為此別終期老書札何因寄北軍

寄費冠卿

唐顧非熊中

先生九華隱鳥道隔塵埃石室和雲住山田引燒開
久閑仙客降高臥詔書來一入深林去人間更不回

人部

卷九十九

題寄王秘書

唐朱慶餘中

唯求買藥價此外更無機扶病看紅葉辭官著白衣
斷籬通野徑高樹陰鄰扉時復留僧宿餘人得見稀

寄上禮部李侍郎

唐崔峒中

吳楚相逢處江湖共泛時任風舟去遠待月酒行遲
白髮常同歎青雲本要期貴來君却少秋至老偏悲

寄韓校書

唐李冶中

無事烏程縣蹉跎歲月餘不知蘭閣吏寂寞意何如
遠水浮仙棹寒星伴使車因過大雷岬莫忘八行書

道意寄崔侍郎

唐李季蘭

莫道戀浮名應須薄宦情百年齊日暮前事盡虛盈
愁鬢行看白童顏學未成無過天竺國依止古先生

寄淮上柳十

唐顧況中

葦蕭中關戶相映綠淮流莫訝春潮闊鷗邊可泊舟

天長山路別朱大却寄李暉

唐朱慶餘中

驛騎難隨伴尋山半憶君蒼崖殘月路猶數過谿雲

寄友一作包何同諸公

唐僧貫休中

聞說到揚州吹簫有一一作舊遊人來多不見莫是上

迷樓

寄裴校書

唐羊士諤中

人部

卷九十九

十五

登高何處見瓊枝白露黃花自繞籬唯有樓中好山

色稻畦殘水入秋池

柳州寄京中親故

唐柳宗元中

林邑山聯瘴海秋牂牁水向郡前流勞君遙問龍城

地正北三千到錦州

銅魚使赴都寄親友

唐柳宗元中

行盡關山萬里餘到時閭井是荒墟附庸唯有銅魚

使此後無因寄達書

寄楊侍御

唐包何中

一官何幸得同時十載無媒獨見遺今日不論腰下

組請君看取鬢邊絲

千東林寺寄陳丘二侍郎

唐釋靈澈

年老心閑無外事麻衣坐草亦容身相逢盡道休官

好林下何曾見一人

寄裴衡

唐李商隱晚

別地蕭條極如何更獨來秋應為紅葉雨不厭青苔

沈約只能瘦潘仁豈是才離情堪底寄惟有冷於灰

病中聞河東公樂營置酒口占寄上

唐李商隱晚

聞駐行春旆中途賞物華綠憂武昌柳遂憶洛陽花

人部

卷九十九

十六

嵇鶴元無對荀龍不在誇只將滄海月長厭赤城霞

興欲傾燕館歡終到習家風長應側帽舉止風流常

觀者滿路路隘豈容車樓迴波窺錦牕虛日弄沙鏤

門金了鳥展障玉鷗又舞妙從兼楚歌能莫襍已必

投潘岳果誰搵衡衡樹刻燭當時忝傳杯此夕賒可

憐漳浦卧愁緒獨如麻

寄令狐郎中

唐李商隱晚

嵩雲秦樹久離居雙鯉迢迢一紙書休問梁園舊賓

客茂陵秋雨病相如

寄天鄉寺仲儀上人富春孫處士

唐許渾

詩信與釣翁千里兩情通
雲帶鴈門雪水連漁浦風
心期榮辱外名挂是非中
歲晚爾歸去田園清洛東

京口閑寄京洛友人

唐許渾

吳門煙月昔同遊
楓葉蘆花並客舟
聚散有期雲北去
浮沈無計水東流
一樽酒盡春山暮
千里書回碧樹秋
何處相思不相見
鳳城宮闕楚江樓

旅次寄賈島兼簡無可上人

唐馬戴

相思邊草長迴望水連空
鴈過當行次蟬鳴復客中
壯年看即改羸病計多同
儻宿林中寺深憑問達公

人部

卷九十九

十七

寄遠

唐馬戴

坐想親愛遠行嗟
天地闊積疹甘毀顏
沈憂更銷骨迢迢遊子心
望歸雲沒喬木非故里
高樓共明月夜深秋風多
聞鴈來天末

寄賈島

唐馬戴

海上不同來關中俱久住
尋思別山日老盡經行樹
志業人未聞時光鳥空度
風悲漢苑秋雨滴秦城暮
佩玉與鏘金非親亦非故
朱顏枉自毀明代空相遇
歲晏各能歸心知舊岐路

寄遠

唐劉滄

西園楊柳暗驚秋
寶瑟朱絃結遠愁
霜落鴈聲還紫塞
月明人夢在青樓
蕙心迢遞湘雲暮
蘭思繁迴楚水流
錦字織成添別恨
關河萬里路悠悠

寄山中友人

唐溫庭筠

惟昔有歸趣今茲固願言
嘯歌成往事風雨坐涼軒
時物信佳節歲華非故園
因知春草色何意爲王孫

寄臺院孫端公

唐鄭谷

才拙道仍孤無何捨釣徒
班雖沾玉笋香不近金爐
雨露瞻雙闕煙波隔五湖
唯君應是念曾共伏青蒲

人部

卷九十九

十八

寄題方干處士

唐鄭谷

山雪照湖水漾舟湖畔歸
松篁調遠籟臺榭發清輝
野岫分開徑漁家並掩扉
暮年詩力在析句更幽微

春暮詠懷寄集賢韋起居

唐鄭谷

寂寂風簾信自垂
楊花筍籜正離披
長安一夜殘春雨
右省三年老拾遺
坐看羣賢爭得路
退量孤分且吟詩
五湖煙網非無意
未去難忘國士知

途中寄朱侍

唐方干

登車誤相遠談笑亦何因
路人瀟湘樹書隨巴蜀人
欽衣寒犯雪傾篋病看春
莫負髫年志清朝有獻臣

寄李頻

唐方干

衆木又搖落望君還不還軒車在何處雨雪滿前山
思苦文星動鄉遙釣渚聞明年見名姓唯我獨何顏
寄盧式
唐項斯晚

到處久南望未知何日回寄書頻到海得夢忽聞雷
嶺日當秋暗蠻花近臘開白身居瘴癘誰不惜君才
除官行至昭應友人出官
唐杜牧晚

賤子來千里明公去一麾可能休涕淚豈獨感恩知
草木秋風後山川落照時如何望故國驅馬却遲遲
寄宣州鄭諫議
唐杜牧晚

大夫官重醉江東蕭灑名儒振古風文石階前醉聖
人部
卷九十九
十九
唐

主碧雲天外作冥鴻五言寧謝頽光祿百歲須齊衛
武公再拜宜同丈人行過庭交分有誰同

寄遠人

唐杜牧晚

終日求人下迴迴道好音那時離別後入夢到如今
寄杜子
唐杜牧晚

不識長楊事北胡且教紅袖醉來扶狂風烈焰雖千
尺豁得平生俊氣無

寄華州馬戴

唐釋無可

三峰待秋上鳥外挂衣巾猶見無窮景應非暫住身
水寒仙掌路山遠華陽人欲問壇邊月尋思缺復新

秋日寄厲玄先輩

唐釋無可

楊柳起秋色故人猶未還別離俱自老少壯豈能閑
夜雨吟殘燭秋城憶遠山何當一相見語默此林間
寄友人
唐張翥晚

總道欲何如東西遠索居長疑即見面翻致久無書
旬來深藏難准苔淺露魚相思不我會明月屢盈虛
別後寄友生
唐張翥晚

上馬如飛鳥飄然隔去塵共看今夜月獨作異鄉人
就養江田熟移居并賦新襄陽所卜隱應與孟家鄰
金陵道中寄□□
唐曹松晚

人部

卷九十九

十九

唐

忍苦待知音無時省廢吟始爲分路客莫問向隅心
嶠翠藏幽瀑枝風下曉禽憶君秋欲盡馬上秣陵砧
寄許融
唐羅隱晚

多病仍踈拙唯君與我同帝鄉年共老江外業俱空
燕冷辭華屋蟬涼咽晚叢白雲高幾許全屬採芝翁
秋寄張坤
唐羅隱晚

庭樹已黃落閉門俱寂寥未知棲托處空羨聖明朝
酒醒鄉心闊雲晴客思遙吾徒自多感顏子只簞瓢
寄易定公乘意
唐羅隱晚

謝舞仍宮柳高奇世少雙侍中生不到園令死須降

班秩通烏府鐘疊奉碧幢昭王有餘烈試為禱迷邦

江南寄所知周僕射

唐羅隱

曾陪公子醉西園峴首碑前事頗言世亂共嗟王粲
老時危俱受信陵恩劍把盞吟江徼雨憶平蘭望
海門飛益寂寥清宴罷不知簪履更誰存

寄雷澤處士

唐羅隱

鰲背樓臺拂白榆此中槎客亦踟躕牢山道士無仙
骨却向人間作酒徒

寄友人

唐羅隱

秋夕蒼茫一鴈過西風白露滿宮莎昨來京洛逢歸
人部

卷九十九

王

客猶說軒車未渡河莫把少年空倚賴須知孤立易
蹉跎想君懷抱哀吟夜銅雀臺邊皓月多

寄蔣先輩

在蘇州

唐黃滔

夫差宮苑悉蒼苔攜客朝遊夜未回塚上題詩蘇小
見江頭酌酒伍員來秋風急處煙花落明月中
時水寺開千載三吳有高跡虎丘山翠益崔嵬

寄江南逐客

唐韋莊

二年音信阻湘潭花下相思酒半酣記得竹齋風雨
夜對牀孤枕話江南

赴安南却寄台司

唐高駢

曾驅萬馬靜江山風去雲迴頃刻間今日海門南
事莫教還似鳳林關

○嘲戲

嘲友人

晉李充

同好齊歡愛纏綿一何深子既識我情我亦知子心
燕婉歷年歲和樂如瑟琴良辰不我俱中閤似商參
爾隔北山陽我分南川陰嘉會固克從積思安可任
目想妍麗姿耳存清媚音脩晝興永念遙夜獨悲吟
近將尋行役言別泣沾巾願爾降玉趾一顧重千金

嘲府僚詩

宋書曰何長瑜為臨川王記室參軍常於江陵寄書與族人何遜以韻語

人部

卷九十九

王

序臨川州府僚佐云云如此五六句輕薄少
年送演而廣之一時人士並為品目盡加刺
言若句其文流行臨川怒以宋何長瑜
白太祖除為廣州曾城令
陸展樂鬢一作髮欲以媚側室青青不解久星星行
復出

戲題劉孺手板

南史曰武帝宴壽光殿詔羣臣賦詩時劉孺與張率並醉未成

武帝取孺手板題戲之曰

梁武帝

張率東南美劉孺洛陽才攬筆便應就何事久遲回
贈何記室聯句不成

梁江革

龍鱗無復彩鳳翅於茲鍛鑿昔似翩翩今辰何乙乙

荅江革

梁何遜

曰余乏文幹逢君善章札工拙既不同神氣何由按

又贈何記室

梁江革

刻猴雖言巧辨對今知章且欣共卮酒勿道濫衣裳

又荅江革

梁何遜

棘端雖非譬至妙安可量要知同罔象然始見毫芒

嘲劉郎

梁何遜

房櫳滅夜火牕戶映朝光妖女寒帷去蹊蹠初下牀

雀釵橫曉鬢蛾眉艷宿妝稍聞玉釧達猶憐翠被香

寧知早朝客差池已鴈行

嘲羅羅

帝常醉遊諸宮偶戲宮嬖羅羅者羅羅與蕭妃不取迎帝帝乃嘲之曰

人部

卷九十九

三

隋煬帝

箇人無賴是橫波黛染隆顙簇小蛾幸好留儂伴成

夢不留儂住意如何

應詔嘲司花女

隋遺錄曰煬帝幸江都洛陽人獻合帶迎華花帝令御車女表

寶兒持之號司花女時詔世南草勅於帝側寶兒注視久之帝曰昔傳飛燕可掌上舞今得寶兒方昭前事然多愁態今注目

於卿卿可便嘲之世南爲絕句曰

隋虞世南

學畫鴉黃半未成垂肩暉袖太憨生緣愁却得君王

惜長把花枝傍輦行

荅朝士

朝士以知章吳越人戲云南金復生中土知章因賦此詩荅之

唐賀知章初

級鏤銀盤盛蛤蜊鏡湖真菜亂如絲鄉曲近來佳此

味遮渠不道是吳兒

戲贈趙謙光

唐諸郎中不自員外郎拜者謂之土山頭果毅便拜崇品有似長征

兵士便長邊遠果毅謙光自彭州司馬入爲大理正遷戶部郎中戶部員外賀遂涉戲贈

云

唐賀遂涉初

錦帳隨情設金爐任意薰唯愁員外置不應列星文

荅賀遂涉

唐趙謙光初

員外由來美郎中望亦優寧知粉署裏翻作土山頭

戲贈范舍人

唐王維盛

人部

卷九十九

二十四

嘲戲三

苑舍人能書梵字兼達梵音皆曲盡其妙戲爲之

贈

名儒待詔滿公車才子爲郎典石渠蓮花法藏心懸

悟貝葉經文手自書楚詞共許勝揚馬梵字何人辨

魯魚故舊相望在三事願君其厭承明廬

荅王維

唐范成盛

王員外兄以予嘗學夫竺書有題見贈然王兄當

代詩匠又精禪理任採知音形於雅作輒走筆以

酬焉且久未遷因而嘲及

蓮花梵字本從天華省仙郎早悟禪三點成伊猶有

想一觀如幻自忘筌為文已變當時體入用還推開
氣賢應同羅漢無名欲故作焉唐七歲年

重酬范郎中

唐王維 盛

頃輒奉贈忽枉見酬叙末云且公不遷因而嘲及
詩落句云應同羅漢無名欲故作焉唐老歲年亦
解嘲之類也

何幸含香奉至尊多慙未報主人恩草木盡能酬雨
露榮枯安敢問乾坤仙郎有意憐同舍丞相無私斷
掃門揚子解嘲徒自遣焉唐已老復何論

聞裴秀才迪吟詩因戲贈

唐王維 盛 有

人部

卷九十九

三五

後吟一何苦愁朝復悲夕莫作巫峽聲腸斷秋江客

劇嘲史寰

唐王維 盛

清風細雨濕梅花驟馬先過碧玉家正值楚王宮裏
至門前初下七香車

戲贈張郎

唐盧象 盛

少婦石榴裙新妝白玉面能迷張公子不許時相見
戲問花門酒家翁

唐岑參 盛

老人七十仍沽酒千壺百雞花門口道傍榆莢仍似
錢摘來沽酒君肯否

嘲魯儒

唐李白 盛

魯叟談五經白髮死章句問以經濟策茫如蓬煙霧
足著遠遊履首戴方山中緩步從直道末行先起塵
秦家丞相府不重裘衣人君非叔孫通與我本殊倫
時事且未達歸耕汶水濱

戲贈鄭溧陽

唐李白 盛

陶令日日醉不知五柳春素琴本無絃漉酒用葛巾
清風北牕下自謂羲皇人何時到栗里一見平生親
嘲王歷陽不肯飲酒

唐李白 盛

地白風色寒雪片大如手笑殺陶淵明不飲杯中酒
浪撫一張琴虛栽五株柳空負頭上角吾與爾何有

人部

卷九十九

三六

戲謝令妻白微時募縣小吏入令門內嘗驅牛
經堂下令妻怒將加詰責太白以
謝詩令驚異不問
稍親招引侍視席

戲贈杜甫

唐李白 盛

素面倚欄鉤嬌聲出外頭若非是織女何得問牽牛
飯顆山頭逢杜甫頂戴笠子曰卓午借問因何太瘦
生總為從前作詩苦

戲贈友

唐杜甫 盛

元年建已月即有焦校書自誇足管力能騎生馬駒
一朝被馬踏唇裂齒無壯心不肯已欲得東橋胡
春日戲題惱却使君兄

唐杜甫 盛

春日戲題惱却使君兄

唐杜甫 盛

使君意氣凌霄霄憶昨歡娛常見招細馬時鳴金腰
裏佳人屢出董嬌嬌東流水西飛燕可惜春光不
相見願攜王趙兩紅顏再騁肌膚如素練通泉百里
近梓州請公一來開我愁舞處重看花滿面尊前還
有錦纏頭

戲簡崔評事

唐杜甫

崔評事弟許相迎不到應慮老夫見泥雨怯出必
愆佳期走筆戲簡

江閣要賓許馬迎午時起坐自天明浮雲不負青春
色細雨何孤白帝城身過花間露濕好醉於馬上往
人部

卷九十九

二十七

來輕虛疑皓首衝泥怯實少銀鞍傍險行

與党侍御

唐元結

庚子中元次山為監察御史党茂宗罷大理評事
次山愛其高尚曾作詩一篇與之及次山未辭殿
中茂宗已受監察采茂宗嘗相誚戲之意又作詩
與之

眾坐吾獨歡或問歡為誰高人党茂宗復來官憲司
昔吾順元和與世行自遺茂宗正作吏日有趨走疲
及吾汗冠冕茂宗方矯時誚吾順讓者乃是干進資
本將問茂宗茂宗欲何辭若云吾無心此來復何為

若云吾有羞於此還見嗤誰言萬類心閑之不可窺
吾欲喻茂宗茂宗宜聽之長轅有脩轍馭者今爾馳
山谷安可怨筋力當自悲嗟嗟党茂宗可為識者規

戲贈韓判官紳卿

唐李端

少尋道士居嵩嶺晚事高僧住沃洲齒髮未知何處
老身名且被外人愁欲隨山水居茅洞已有田園在
虎丘獨怪子猷緣掌馬雪時不肯更乘舟

戲贈張使君

唐戎昱

數載蹉跎罷縉紳五湖乘興轉迷津如今野客無家
第醉處尋常是主人

人部

卷九十九

二十八

調張籍

唐韓愈

李杜文章在光焰萬丈長不知羣兒愚那用故謗傷
蚍蜉撼大樹可笑不自量伊我生其後舉頸遙相望
夜夢多見之晝思反微茫徒觀斧鑿痕不矚治水航
想當施手時巨刃磨天揚垠崖崩豁乾坤擺雷琅
惟此兩夫子家居率荒涼帝欲長吟哦故遣起且僵
翦翎送籠中使看百鳥翔平生千萬篇金薤垂琳琅
仙官敕六丁雷電下取將流落人間者太山一毫芒
我願生兩翅捕逐出八荒精誠忽交通百怪入我腸
刺手拔鯨牙舉瓢酌天漿騰身跨汗漫不著織女襄

顧語地上友經營無太忙乞君飛霞珮與我高顏頰

以樂府戲贈陸長源

唐孟郊

蓮子不可得荷花生水中猶勝道傍柳無事蕩春風

荅孟東野戲贈

唐陸長源

芙蓉初出水菡萏露中花風吹著枯木無奈值空槎

戲贈夢得兼呈思黯

唐白居易

雙鬢莫欺今老矣一杯莫笑便陶然陳郎中處為高

戶裴使君前作少年顧我獨狂多自哂與君同病最

相憐月終齋滿誰開素須擬寄章置一筵

戲唐仁烈歲日先把屠蘇

唐裴夷直

人部

卷九十九

二十九

晚

自知年幾偏應少先把屠蘇不讓春儻更數年逢此

日還應惆悵羨他人

韓同年新居餞韓西迎家室戲贈

唐李商隱

籍籍征西萬戶侯新緣貴壻起朱樓一名我漫居先

甲千騎君翻在上頭雲路招邀迴彩鳳天河迢遞笑

牽牛南朝禁嚮無人近瘦盡瓊枝詠四愁

飲席戲贈同舍

唐李商隱

洞中夜響省分攜不是花迷客自迷珠樹重行憐翡翠

玉樓雙舞羨鷗鷺蘭迴舊藥綠屏綠椒綴新香和

泥唱盡關山無限疊半杯松葉凍頗黎

和友人戲贈二首

唐李商隱

望花樓會不同西來雙燕信休通仙人掌冷三霄

露玉女牕虛五夜風翠袖自隨回雪轉燭房尋類外

庭空殷勤莫使清香透半合金魚鎖桂叢

迢遞青門有幾關柳梢樓角見南山明珠可貫須為

珮白璧堪裁且作環子夜休歌團扇掩新正木破剪

刀閑猿啼鶴怨終年事未抵燠爐一夕間

題二首後重有戲贈任秀才

唐李商隱

一丈紅蕖擁翠筠羅牕不識繞街塵峽中尋覓長逢

人部

卷九十九

三十

晚

用月裏依稀更有人虛為錯刀留遠客枉緣書札損

文鱗遙知小閣還斜照羨殺烏龍卧錦茵

與同年李定言曲水閑話

唐李商隱

海燕參差溝水流同君身世屬離憂相攜花下非秦

贅對泣春天類楚囚碧草暗侵穿苑路珠簾不捲枕

江樓莫驚五勝埋香骨地下傷春亦白頭

戲贈張書記

唐李商隱

別館君孤枕空庭我閉關池光不受月野氣欲沈山

星漢秋方會關河夢幾還危絃傷遠道明鏡惜紅顏

古木含風久平蕪盡日開心知兩愁絕不斷若循環

追代盧家人嘲堂內

唐李商隱

道却橫波字人前莫謾羞只應同楚水長短入淮流

醉中戲贈襄美

唐陸龜蒙

南北風流舊不同倉吳今日若相通病來猶伴金杯酒欲得人呼小褚公

奉酬次韻

唐皮日休

倉吳風俗昔難同唯有才情事事通剛戀水雲歸不得前身應是太湖公

詩集類函卷九十九

人部

卷九十九

三

謝

詩集類函卷一百

東吳俞安期彙纂 新都汪道會增定

新都吳養春訂校

人部四十二

尋訪 不遇附 喜至 過從 見訪 語舊

○尋訪

不遇附

訪友 原作 雜詩

魏嵇康

微風清扇雲氣四除皎皎亮月麗于高閣興命公子攜手同車龍驤翼翼揚鑣踟躕肅肅宵征造我友盧光燈吐輝華幔長舒鸞觴酌醴神鼎烹魚絃超子野歎過綿駒流詠太素俯讚玄虛孰克英賢與爾剖符

人部

卷一百

尋訪

尋周處士弘讓

梁庾肩吾

試逐赤松遊披林對一丘梨紅大谷晚桂白小山秋石鏡菱花發桐門琴曲愁 一作 泉飛疑度雨雲積似重樓王孫若不去山中定可留

尋沈剡口夕至嶧亭

梁虞騫

命楫尋嘉會信次歷山原捫天上雲紉磐 一作 石下

雷奔澄潭寫度鳥空嶺應鳴援榜歌唱將夕商子處方昏

策杖尋隱士

唐王績 初

策杖尋隱士行行路漸賒石梁橫澗斷土室映山斜

孝然疑集作有舍威輦遂無家置酒燒枯葉披書坐
落花新垂滋水釣舊結茂陵宜歲歲長如此方知輕
世華

尋徐山人遇馬舍人

唐儲光義盛

泊舟伊川右正見一作遇野人歸日暮春山綠我心清
且微聲風雨度水氣雲霞飛復有金門客來參蘿
薜衣

尋張五廻夜園作

唐孟浩然盛

聞就龐公隱移居近洞湖興來林是竹歸卧谷名愚
挂席樵風便開軒琴月孤歲寒何用賞霜落故園無
人部

西山尋辛諤

唐孟浩然盛

漾舟乘水便因訪故人居落日晴川裏誰言獨羨魚
石潭窺洞澈沙岬歷紆餘竹嶼見垂釣茅齋聞讀書
欸言忘景夕清興屬涼初回也一瓢飲賢哉常晏如

檀谿尋故人

唐孟浩然盛

花伴成龍竹池分躍馬谿田園人不見疑向洞中栖
尋魯城北范居士失道落蒼耳中見范置酒摘

蒼耳作

唐李白盛

鴈度秋色遠日靜無雲時客心不自得浩漫將何之
忽憶范野人閒園養幽姿茫然起逸興但恐行來遲

城壕失往路馬首迷荒陂不惜翠雲裘遂為蒼耳欺
入門且一笑把臂君為誰酒客愛秋蔬山盤薦霜梨
他筵不下筯此席忘朝饑酸棗垂北郭寒瓜蔓東籬
還傾四五酌自詠猛虎詞近作十日歡達為千載期
風流自簸蕩謔浪偏相宜酣來上馬去却笑高陽池

尋高鳳石門山中元丹丘

唐李白盛

尋幽無前期乘興不覺遠未窮三四山已歷千萬轉
高松來好月空谷宜清秋谿深古雪在石斷寒泉流
峰巒秀中天登眺不可盡丹丘遙相呼顧我忽而哂
遂造幽谷間始知靜者閒留歡達永夜清曉方言還
人部

翫月金陵城西孫楚酒樓達曙歌吹日晚乘醉

著紫綺裘烏紗巾與酒客數人棹歌秦淮往

石頭訪崔四侍御

唐李白盛

昨翫西樓月青天垂玉鉤朝沽金陵酒歌吹孫楚樓
忽憶繡衣人乘船往石頭草裏烏紗巾倒被紫綺裘
兩岬拍手笑疑是王子猷酒客十數公崩騰醉中流
謔浪棹海客喧呼傲陽侯半道逢吳姬捲簾出揶揄
我憶君到此不知狂與羞月下一見君三杯便迴橈
捨舟共連袂行上南渡橋興發歌淥水秦客為之謳
雞鳴復相招清宴逸雲霄贈我數百字字字凌風颿

繫之衣裳上相憶每長謔

訪衛八處士

訪原

唐杜甫

盛

人生不相見動如參與商今夕復何夕共此燭燭光
少壯能幾時鬢髮各已蒼訪舊半為鬼驚呼熱中腸
焉知二十載重上君子堂昔別君未婚兒女忽成行
怡然敬父執問我來何方問答未及已兒女羅酒漿
夜雨剪春韭新炊間黃粱主稱會面難一舉累十觴
十觴亦不醉感子故意長明日隔山岳世事兩茫茫
與李十二白同尋范十隱居

唐杜甫

盛

李侯有佳句往往似陰鏗余亦東蒙客憐君如弟兄
人部

卷一百

四

尋訪

醉眠秋共被攜手日同行更想幽期處還尋北郭生
入門高興發侍立小童清落景聞寒杵屯雲對古城
向來吟橘頌誰與討尊羹不願論簪笏悠悠滄海情

尋龍井楊老

唐劉長卿

中

柴門草舍絕風塵空谷耕田學子真泉咽恐勞經隴
底山深不覺有秦人手栽松樹蒼蒼老身卧桃園寂
寂春唯有胡麻富羅黍白雲來往未嫌貧

尋劉處士

唐權德輿

中

幾年人不見林下掩柴關留客當清夜逢君話舊山
隔城寒杵急帶月早鴻還南陌雖相近其如隱者閑

尋寶島所居

唐朱慶餘

中

求閒身未得此日到京東獨在鐘聲外相逢色中
誰言人漸老所向意皆同月上因留宿移牀對藥叢

尋李暹

唐于鵠

中

任性常多出人來得見稀市樓逢酒住野寺送僧歸
簷下懸秋葉籬頭曬褐衣門前南北路誰肯入柴扉

尋人偶題

唐邵真

中

日晏不復午落花難歸樹人生能幾何莫厭相逢遇

訪隱

唐李商隱

晚

路到層峰斷門依老一作樹開月從平楚轉泉自上

人部

卷一百

五

尋訪

方來薤白羅朝饌松黃暖夜杯相留笑孫綽空解賦
天台

春日尋淮川王處士

唐馬戴

晚

碧草徑微斷白雲扉晚開罷琴松韻發墜水月光來
宿鳥排花動樵童澆竹迴與君同露坐澗石拂青苔

秋日訪同人

唐李咸用

晚

忽憶金蘭友攜琴去自由遠尋寒澗碧深入亂山秋
見後却無語別來長獨愁幸逢三五夕露坐對冥搜

春日訪李十四處士

唐溫庭筠

晚

花深橋轉水潺潺角里先生自閉關看竹已知行處

好望雲空得暫時閑誰言有策堪經世自是無錢可
買山一局殘棋千點雨綠萍池上暮方還

訪許顥

唐杜牧晚

門近寒谿牕近山枕山流水日潺潺長嫌世上浮雲
客老向塵中不解顏

訪周承不值因贈此詩

以下不遇

梁吳均

竹枝任風轉蘭心逐風卷青雲葉上團白露花中泫

聞君入騎疎聊寄錦中書一隨平原客寧憶豫章徐

劉博士江丞朱從事同顧不值作詩云爾

梁何遜

人部

卷一百

六

尋訪不遇

故人篤久要新知從暮室崎嶇枉道過邂逅幽人出

心期不會面懷之成首疾向夕蔽山扉臨牕玩餘帙

蜘蛛正網戶落花紛入膝浸淫水上風蔽虧霞中日

良辰一攜手住坐無儔匹劉侯務屬書江生勤下筆

朱君博辭理去去追名實是顧一參差何能更蓬華

吾人少拘礙得性便遊逸方欲俟寒裳相從謹道術

與素補闕尋蔡拾遺不遇會此公出行後蔡有

五韻詩見贈以此篇答焉

唐張九齡初

轍迹陳家巷詩書孟子鄰偶來乘興者不值草玄人

契是忘年合情非累日申聞君還薄暮見眷及茲辰

如瓊玖將何報所親

春日與裴迪過新昌里訪呂逸人不遇

唐王維盛

桃源一向絕風塵柳市南頭訪隱淪到門不敢題凡

鳥看竹何須問主人城外青山如屋裏東家流水入

西鄰閉戶著書多歲月種松皆作老龍鱗

春日同王右丞過新昌里訪呂逸人不遇

唐裴迪盛

恨不逢君出荷蓑青松白屋更無他陶令五男曾不

有蔣生三徑枉相過芙蓉曲沼春流滿薜荔成帷晚

人部

卷一百

七

尋訪不遇

霽多聞說桃源好迷客不如高卧時庭柯

洛中訪袁拾遺不遇

唐孟浩然盛

洛陽訪才子江嶺作流人見說梅花早何如此地春

薊門不遇王之渙郭密之因以留贈

唐高適盛

適遠登薊丘茲晨獨搔屑賢交不可見吾願終難說

迢遞千里遊羈離十年別才華仰清興功業嗟芳節

曠蕩阻雲海蕭條帶風雪逢時事多謬失路心彌折

行矣勿重陳懷君但愁絕

尋少室張山人聞與偃師周明府同入都

唐岑參 盛

中峰鍊金客昨日遊人間葉縣堯王去葛陂龍暫還
春雲湊深秋水雨懸空山寂寂青谿上空餘丹竈閒

草堂村尋羅生不遇

唐岑參 盛

數株谿柳色依依深巷斜陽暮鳥飛門前雪滿無人
迹應是先生出未歸

與韓侍御同尋李七舍人不遇題壁留贈

唐獨孤及 盛

三徑何寂寂主人山上山亭空簷月在水落釣磯閑
藥院雞犬靜酒壚苔蘚斑知君少機事當待暮雲還

人部

卷一百

八

尋訪不遇

尋西山隱者不遇

唐丘為 盛

絕頂一茆茨直上三十里叩關無僮僕窺室唯茶几
若非巾柴車應是釣秋水蹉跎不相見僂倪空仰止
草色新雨中松聲晚牕裏及茲契幽絕自足盪心耳
雖無質主意頗得清淨理興盡方下山何必待之子
春過裴虬郊園時裴不在因以寄之

唐劉長卿 中

郊園春欲暮桃李落紛紛何處隨芳草留家寄白雲
聽鶯情念友看竹恨無君長嘯高堂上南風翼爾聞
至饒州尋陶十七不在寄贈 唐劉長卿 中

謫宦投東道逢君已北轅孤蓬向何處五柳不開門

去國空迴首懷賢欲訴冤梅枝看嶺嶠竹路過湘源
月下高秋薦天南獨夜猿離心與流水萬里共朝昏

明月灣尋賀九不遇二首

唐劉長卿 中

楚水日夜綠傍江春草深青青遙滿目萬里傷歸心

二

故人川上復何之明月灣南空所思故人不在明月
在誰見孤舟來去時

尋司空勳李郎中不遇

唐錢起 中

知己知音同舍郎如何咫尺阻清揚每恨兼葭傍芳
人部

卷一百

九

尋訪不遇

樹多慚新燕入華堂重花不隔陳蕃榻脩竹能深夫
子牆唯有早朝趨鳳閣朝時伶羽接鷺行

尋李山人不遇

唐王建 中

山客長須少在時谿中放鶴洞中碁生金有氣尋還
達仙藥成窠見即移莫爲無家陪寺食應緣將米寄
人炊從頭石上畱名去獨向南峰問老師

尋胡處士不遇

唐韓翃 中

到來心自足不見亦相親說法思居士忘機憶丈人
微風吹藥案晴日照茶中幽興殊未盡東城飛暮塵
過龍灣五王閣訪友人不遇 唐戴叔倫 中

野橋秋水落江閣，暝煙微白日又欲。午高人猶未歸，青林依石塔虛靜。柴扉久坐思題字，翻憐柿葉稀。

休暇日訪王侍御不遇

唐韋應物

九日驅馳一日閒，尋君不遇又空還。恠來詩思清人骨，門對寒流雪滿山。

城南訪裴氏昆季不遇

唐李約

相思起中夜，夙駕訪柴荆。早霧桑柘隱，曉光谿澗明。田頭逢餉人，道君南山行。南山千重峰，盡是相思情。野老無拜揖，村童多躲形。相呼看車馬，顏色喜相驚。荒圃雞豚樂，雨牆禾莠生。欲君知我來，壁上空書名。

人部

卷一百

十一

尋訪不遇

往丹陽尋陸處士不遇

唐釋皎然

遠客殊未歸，我來幾惆悵。叩關一日不見人，繞屋寒華笑相向。寂寂寒花徧荒阡，柳色蕭蕭愁暮蟬。行人無數不相識，獨立雲陽古木邊。鳳翅山中思古寺，魚竿村口望歸船。歸船不見見寒煙，離心遠水共悠然。他日相期那可定，閒僧著處即經年。

訪陸鴻漸不遇

唐釋皎然

移家雖帶郭，野徑入桑麻。近種籬邊菊，秋來未著花。叩門無犬吠，欲去問西家。報道山中去，歸時每日斜。

訪友人不過

唐李咸用

出門無至友，動即到君家。空掩一庭竹，去看何寺花。短僮應捧杖，稚女學擎茶。吟罷留題處，苔階日影斜。

訪別韋隱居不值

唐許渾

余行至雙巖，豁訪韋隱居。已榜舟謁開元寺，水閣見送棹回已晚。因題是詩留別。

犬吠雙巖碧樹間，主人朝出半開關。湯師閣上留詩別，杜叟橋邊載酒還。櫟塢炭煙晴過嶺，蓼村漁火夜移灣。故鄉蕪沒兵戈後，憑向谿南買一山。

與張道士同訪李隱居不遇

唐許渾

千巖萬壑獨攜琴，知在陵陽不可尋。去轍已平

人部

卷一百

十一

尋訪不遇

秋草遍空寒一作齊長掩暮雲深，霜寒橡栗留一作霜供山鼠月冷菰蒲散。水禽唯有西陵張仲蔚，坐來同愴別離心。

匡城尋薛閔秀才不遇

唐劉滄

音容一別近三年，往事空思意浩然。匹馬東西何處客，孤城楊柳晚來蟬。路長草色秋山綠，川闊晴光遠水連。不見故人勞夢寐，獨吟風月過南燕。

○過從

過賈六

唐蘇晉

主人病且間，客來情彌適。一酌復一笑，不知日將夕。

昨來屬歡遊於今盡成昔努力持所趣空名定何益

過李揖宅

唐王維 盛

閉門秋草色終日無車馬客來深巷中大吠寒林下
散髮時未簪道書行尚把與我同心人樂道安貧者
一罷宜城酌還歸洛陽社

武威同諸公過楊七山人

唐高適 盛

幕府日多暇田家歲復登相知恨不早乘興乃無恒
窮巷在喬木深齋垂古藤邊城唯有醉此外更何能
過王判官西津所居

唐岑參 盛

勝跡不在遠愛君池館幽素懷巖中諾宛得塵外遊

人部

卷一百

十二 過從

何必到清谿忽來見滄洲潛移岷山石暗引巴江流
樹密晝先夜竹深夏已秋沙鳥上筆牀谿花簞簾鉤
夫子賤簪冕注心向林丘落日出公堂垂綸乘釣舟
賦詩憶楚老載酒隨江鷗翛然一傲吏獨在西津頭
相從行贈嚴二別駕

唐杜甫 盛

我行入東川十步一回首成都亂罷氣蕭瑟浣花草
堂亦何有梓州豪俊大者誰本州從事知名久把臂
開樽飲我酒酒酣擊劍蛟龍吼烏帽拂塵青螺粟紫
衣將炙緋衣走銅盤燒蠟光吐日夜如何其初促膝
黃昏始叩主人門誰謂俄頃膠漆在漆萬事盡付形骸

外百年未見歡娛畢神傾意豁真佳士久客多憂今
愈疾高視乾坤又可愁一軀交態同悠悠垂老遇君
未恨晚似君須向古人求

野望因過常少府

唐杜甫 盛

野橋齊度馬秋望轉悠哉竹覆青城合江從灌口來
入村樵徑引嘗果栗園開落盡高天日幽人未道回
九月一日過孟十二倉曹十四主簿

唐杜甫 盛

藜杖侵寒露蓬門啓曙煙力稀經樹歇老困撥書眠
秋覺迫隨盡來因孝友偏清談見滋味爾輩可忘年

人部

卷一百

十三 過從

罷章陵令山居過中峰道者二首

唐錢起 中

寧辭園令秩不改淵明調解印無與言見山始一笑
幽人還絕境誰道苦奔峭隨雲剩渡谿出門更垂釣
吾廬青霞裏隱樹玄猿嘯微月清風來方知散髮妙

二

丘壑趣如此暮年始栖偃賴遇無心雲不笑歸來晚
鳴鳩拂紅枝初服傍清畎昨日山僧來猶嫌嘉遯淺
託君紫陽家路滅心更遠梯雲創其居抱犢上絕巘
杏田谿一曲霞境峰幾轉路石挂飛泉謝公應在眼

願言攜手去採藥長不返

秋夜雨中諸公過靈光寺

唐劉長卿中

晤語青蓮舍重門閉夕陰向人寒燭靜帶雨夜鐘沈

流水從他事孤雲任此心不能捐斗粟終日愧

瑤琴

使迴次柳楊過元八所居

唐劉長卿中

君家楊柳渡來往甚勤過綠竹經寒在青山欲暮多

薜蘿誠可戀婚嫁復如何無奈閑門外漁翁夜夜歌

過錢員外

唐司空曙中

為郎頭已白跡向市朝稀移病居荒宅安貧著敗衣

人部

卷一百

十四

野園隨客醉雪寺伴僧歸自說東峯下松蘿滿故扉

過谷口元贊善所居

唐李端中

入谷訪君來秋景已難涉林間人獨坐月下山相接

重露濕蒼苔明燈照黃葉故交一不見素髮何稠疊

易州過郝逸人居

唐賈島中

每逢詞翰客邀我共尋君果見閒居賦未曾流俗聞

也知鄰市井宛似出囂氛却笑巢由輩何須隱白雲

過雍秀才居

唐賈島中

夏木鳥巢邊終南嶺色鮮就涼安坐石煮茗汲鄰泉

鐘遠清霄半蠅稀暑雨前幽齋如葺罷約我一來眠

過賈島野居

唐張籍中

青門坊外住行坐見南山此地去人遠知君終日閑

蛙聲籬落草色戶庭間好是經過處唯愁暮獨還

經王處士原居

唐張籍中

舊宅誰知近唯僧近竹關庭閑雲滿井牕曉雪通山

來客半留宿借書多寄還明時未中歲莫便一生閑

春日過李侍御

唐盧綸中

高柳滿春城東園有鳥聲折花朝露滴漱石野泉清

心許陶家醉詩逢謝客呈應憐未行吏曾是魯諸生

晚到盤屋耆老家

唐盧綸中

人部

卷一百

十五

老翁曾舊識相引出柴門苦話別時事因尋谿上村

數年何處客近日幾家存冒雨看禾黍逢人憶子孫

亂藤穿井口流水到籬根惆悵不堪住空山月又昏

汝南過訪田評事

唐方干晚

移家近漢陰不復問華簪買酒宜城遠燒田夢澤深

暮山逢鳥入寒水見魚沈與物皆無異終年愜本心

○見訪

鄭果州相過

唐王維盛

麗日照殘春初晴草木新牀前磨鏡客樹下灌園人

五馬驚窮巷雙童逐老身中廚辦麴飯當恕阮家貧

河南嚴尹弟見宿敝廬訪別人賦十韻

唐王維盛

上客能論道吾生學養蒙
貧交世情外才子古人中
冠上方簪豸車邊已畫熊
拂衣迎五馬垂手憑雙童
花醪和松屑茶香透竹叢
薄霜澄夜月殘雪帶春風
古壁蒼苔黑寒山遠燒紅
眼看東侯別心事北川同
爲學輕先輩何能訪老翁
欲知今日後不樂爲車公

王迴見尋

唐孟浩然盛

閑歸日無事雲卧晝不起
有客欵柴扉自云巢居于
居閑好芝朮采藥來城市
家在鹿門山常遊澗澤水

人部

卷一百

十六見訪

手持白羽扇脚步青芒履
聞道鶴書徵臨流還洗耳

裴司士見尋

唐孟浩然盛

府僚能枉駕家醞復新開
落日池上酌清風松下來
廚人具雞黍稚子摘楊梅
誰道山翁醉猶能騎馬迴

李少府再來

唐孟浩然盛

弱歲早登龍今年喜再逢
如何春月柳猶憶歲寒松
煙火臨寒食笙歌達曉鐘
誼誼關難道行樂羨朋從

趙十四兄見訪

唐王昌齡盛

客來舒長簾開閣延清風
但有無絃琴共君盡樽中
晚來常讀易頃者獨還高
世事何須道黃精且養蒙

嵇康殊寡識張翰獨知終
忽憶鱸魚膾扁舟往江東

博晉鄭太守自廬山千里相尋入江夏北市門

見訪却之武陵立馬贈別

唐李白盛

大梁貴公子氣蓋蒼梧雲
若無三千客誰道信陵君
救趙復存魏英威天下聞
邯鄲能屈節訪博從毛薛
夷門得隱淪而與侯生親
仍要鼓刀者乃是袖鎚人
好士不盡心何能保其身
多君重然諾意氣遙相託
五馬入市門金鞍照城郭
都忘虎竹貴且與荷衣樂
去去桃花源何時見歸軒
相思無終極腸斷明江猿

夏日李公見訪

唐杜甫盛

人部

卷一百

十七見訪

遠林暑氣薄公子過我遊
貧居類村塢僻近城南樓
傍舍頗淳朴所願亦易求
隔屋喚西家借問有酒不
牆頭過濁醪展席俯長流
清風左右至客意已驚秋
果多衆鳥闌葉密鳴蟬稠
苦遭此物聒孰謂吾廬幽
水花晚色靜蔗足充淹留
預恐罇中盡更起爲君謀

過客相尋

唐杜甫盛

窮老直無事江山已定居
地幽忘盥櫛客至罷琴書
挂壁移筐果呼兒問煮魚
時聞繫舟楫及此問吾廬

有客

唐杜甫盛

惠氣經時久臨江卜宅新
喧卑方避俗疎快頗宜人

有客過茅宇呼兒正葛巾自鋤稀菜甲小摘爲情親

徐九少尹見過

唐杜甫

晚景孤村僻行軍數騎來交新徒有喜禮厚愧無才
賞靜憐雲竹忘歸步月臺何當看花藥欲發照江梅
王十五司馬弟出郭相訪兼遺營草堂貲

唐杜甫

客裏何遷次江邊正寂寥肯來尋一老愁破是今朝
憂我營茅棟攜錢過野橋他鄉唯表弟還往莫辭遙
有客

唐杜甫

幽棲地僻經過少老病人扶再拜難豈有文章驚海
內謾勞車馬駐江干竟日淹留佳客坐百年羸癯腐

唐杜甫

儒餐不嫌野外無供給乘興還來看藥欄

客至

唐杜甫

舍南舍北皆春水但見羣鷗日日來花逕不曾緣客
掃蓬門今始爲君開盤餐市遠無兼味尊酒相逢只
舊陪肯與鄰翁相對飲隔籬呼取盡餘杯

嚴中丞枉駕見過

唐杜甫

元戎小隊出郊坰問柳尋花到野亭川合東西瞻使
節地分南北任浮萍扁舟不獨歸張翰早帽應兼似
管寧寂寞江天雲霧裏何人道有少微星

嚴公仲夏枉駕草堂攜酒饌得寒字

唐杜甫

竹裏行廚洗玉盤花邊立馬簇金鞍非關使者徵求
急自識將軍禮數寬百年地僻柴門迴五月江深草
閣寒看弄漁舟移白日老農何有罄交歡

荅韋司業垂訪五首

唐蕭穎士

叨叨食苹鹿常飲清泠川但悅豐茸美寧知牢饌鮮
主人有幽意將以充林泉羅網幸免傷蒙君復羈牽
高堂列衆賓廣坐鳴清絃俯仰轉驚惕徘徊獨憂煎
緬懷雲巖路欲往無由緣物各有所好違之傷自然

人部

卷一百

十九

二

神龜在南國緬邈湘川陰遊止蓮葉上歲時嘉樹林
毒蟲且不近斤斧何由尋錯落負奇文熒煌耀丹金
江山萬里餘淮海阻且深獨保貞素質不爲寒暑侵
一逢盛明代應見通靈心

三

晉代有儒臣當年富辭藻立言寄清史將以贊王道
遼落緬歲時辛勤歷江島且言風波倦探涉豈爲寶
不遇庾征西云誰展懷抱士貧乏之知已安得成所好

四

彭陽昔遊說願謁南郢都王果尚未達况從夷節議
豈知晉叔向無罪嬰囚拘臨難俟解紛獨知祁大夫
舉難且不棄何必論親疎夫子覺者也其能遺我乎

五

關西一公子年貌獨青春披褐來上京翳然聲未振
中郎何為者倒屣驚座賓詞賦豈不佳盛名亦相因
為君奏此曲此曲多苦辛千載不可誣孰言今無人

李侍御河北使迴至東京相唐劉長卿中

故人南臺秀風擅中朝美擁傳從北來飛霜日千里
貧居幸相訪顧我柴門裏却訝繡衣人仍交布衣士

人部 卷一百 二十 見訪

王程遽爾迫別戀從此始濁酒未暇斟清文頗垂示
迴瞻驄馬速但見行塵起日暮汀洲寒春風渡流水
草色官道邊桃花御溝裏天涯一鳥夕惆悵知何已

山中酬楊補闕見過 唐錢起中

日暖風恬種藥時紅泉翠壁薜蘿垂幽谿鹿過苔還
靜深樹雲來鳥不知青瑣同心多逸興春山載酒遠
相隨却慚身外牽纓冕未勝杯前倒接離

山中枉張宙員外書期訪衡門一作馬唐秦系中

常恨相知晚朝來枉數行卧雲驚聖代拂石候仙郎

時果連枝熟春醪滿甕香貧家仍有趣山色滿湖光
徐侍郎素未相識時攜酒命饌兼命諸詩客同
訪會稽山居 唐秦系中○一作馬

忽道仙翁至幽人學拜迎華簪窺甕牖珍味代藜羹
洗硯魚仍戲移尊鳥不驚蘭亭攀叙却會此越中營

高軒過韓員外愈皇甫侍御唐李賀中

華裾織翠青如葱金環壓轡搖玲瓏馬蹄隱耳聲隆
隆入門下馬氣如虹云是東京才子文章鉅公二十
八宿羅心胸元耿耿貫當中殿前作賦聲摩空筆
補造化天無功麗眉書客感秋蓬誰知死草生華風

人部 卷一百 二十一 見訪

我今垂翅附冥鴻他日不羞蛇作龍

長孫霞李溟自紫閣白閣二峰見訪

唐賈島中

寂寞吾廬貧同來二閣人所論唯野事招作一作住
雲鄰古寺期秋宿平林散早春漱流今已矣巢許豈
堯臣

夜喜賀蘭三見訪 唐賈島中

漏鐘仍夜淺時節欲秋分杳聒棲松鶴風除翳月雲
踏苔行引興枕石卧論文即此尋常靜來多祗是君

僻居無可上人相訪 唐賈島中

自從居此地少有事相關積雨荒鄰圃秋池照遠山
硯中枯葉落枕上斷雲開野客將禪子依依徧往還

張郎中過原東居

唐賈島中

年長惟添嬾經旬止掩關高人餐藥後下馬此林間
對坐天將暮同來客亦閑幾時能重至水味似深山

酬思黯相公見過弊居

唐白居易中

軒蓋光照地行人爲徘徊呼傳君子出乃是故人來
訪我入窮巷引君登小臺臺前多竹樹池上無塵埃
貧家何所有新酒三兩杯款曲語上馬從容復遲迴
留守不外宿日斜宮漏催但留金刀贈未接玉山頽

人部

卷一百

二十三 見訪

夢得因病攜酒相尋先以寄

唐白居易中

病來知少客何可以爲娛日晏開門未秋寒有酒無
自宜相慰問何必待招呼小疾無妨飲還須挈一壺

張常侍相訪

唐白居易中

西亭晚寂寞鶯鶯散柳陰繁水戶簾不捲風牀席自翻
思聞車馬客來訪蓬蒿門况是張常侍安得不開樽

曲江夜歸聞元八見訪

唐白居易中

自入臺來見面稀班中遙得揖容輝早知相憶來相
訪悔待江頭明月歸

至日荷李常侍過郊居

唐熊孺登無世次

賤子守柴荆誰人記姓名風雲千騎降草木一陽生
禮異江河動歡殊里巷驚觸觴容侍坐看竹許同行
遇覺蒼溟淺恩疑太嶽輕盡搜天地物無論此時情

唐

十年一相見世路信多岐雲雨易分散山川長間之
我銜鳳闕恩按獄橋山陞君在龍驤府掌奏羽檄詞
相去百餘里竟夢自相馳形容在胸臆書札通相思
煩君愛我深輕車忽載脂寒門秋色老霜氣方凝姿
此地少平川岡阜相參差誰知路非遠行者多云疲
君能犯勁風信宿凌歊危情親不自倦下馬開雙眉

人部

卷一百

二十三 見訪

相對坐沈吟屈指驚歲時萬事且莫問一杯欣共持
陽鳥忽西傾明蟾挂高枝卷簾引瑤玉滅燭臨霜墀
中庭有疎蘆淅淅聞風吹長河卷雲色凝碧無瑕疵
一言開我懷曠然澹希夷悠悠夜方永冷思徧相宜
眉睫無他人與君閒解題陶然叩寂寞更請吟清詩
得意且忘言何況竹與絲頃刻過三夕起坐輕四支
明朝告行去慘然還別離出門送君去君馬揚金羈
迴來坐空堂寂寞無人知重重碧雲合何處尋佳期

謝友人見訪留詩

唐釋懷楚

軒車誰肯到泉石自相親暮雨凋殘寺秋風悵望人

庭新一片葉衣故十年塵賴有瑤華贈清吟愈病身

酬田逸人見尋不遇

唐陳子昂

遊人獻書去薄暮返靈臺傳道尋仙友青囊買卜來
聞鶯忽相訪題鳳久徘徊石髓空盈握金經閉不開
還疑縫掖子復似洛陽才

同盧拾遺章給事過東山

唐王維

給事首春休沐維已陪遊及乎是行亦預聞命會
無車馬不果斯諾

託身事雲陛昧早趨華軒遂陪鵷鴻侶霄漢同飛翮

君子垂惠顧期我於田園側聞景龍際親降南面尊

人部

卷一百

二十四

見訪不遇

萬乘駐山外順風祈一言高陽多夔龍荆山積璵璠
盛德啓前烈大賢鍾後昆侍郎文昌官給事東掖垣
謁帝俱來下冠蓋盈丘樊閨風首邦族庭訓延鄉村
采地包山河樹井竟川原巖端迴綺檻谷口開朱門
階下羣峰首雲中瀑水源鳴玉滿春山列筵先朝暾
會舞何颯踏擊鐘彌朝昏是時陽和節清晝猶未暄
藹藹樹色深嚶嚶鳥聲繁顧已負宿諾延頸慙芳蓀
蹇步守窮巷高駕難攀援素是獨往客脫冠情彌敦
訓嚴少尹徐舍人見過不遇
唐王維

公門暇日少窮巷故人稀偶值乘藍輿非關避白衣

不知炊黍否誰解掃荆扉君但傾茶碗無妨騎馬歸

范二員外邈吳十侍御郁特枉駕闕展侍聊寄

此作

唐杜甫

暫往北鄰去空聞二妙歸幽棲誠簡略衰白已光輝
野外貧家遠村中好客稀論文或不愧重肯欸柴扉

酬趙給事相尋不遇留贈

唐錢起

誰憶顏生窮巷裏能勞馬跡破春苔忽看童子掃花
處始愧夕郎題鳳來斜景適隨詩興盡好風纔送珮
聲回豈無難黍期他日惜此殘春阻綠杯

郎員外見尋不遇

唐錢起

人部

卷一百

二十五

見訪不遇

軒騎來相訪漁樵悔晚歸更怜垂露跡花裏點牆衣

婺州屏居蒙右省王拾遺降訪病中延候不得

因成寄謝

唐韋莊

三年流落卧漳濱王粲思家拭淚頻畫角莫吹殘月
夜病心方憶故園春自爲江上樵蘇客不識天邊侍
從臣怪得白鷗驚去盡綠蘿門外有朱輪

○喜至

喜祖三至留宿

唐王維

門前洛陽客下馬拂征衣不枉故人駕平生多掩扉
行人返深巷積雪帶餘暉早歲同袍者高車何處歸

荅王維留宿

唐祖詠

四年不相見相見復何為握手言未畢却令傷別離
升堂還駐馬酌醴便呼兒語嘿自相對安用傍人知

喜韓樽相過

唐岑參

三月灞陵春已老故人相逢耐醉倒甕頭春酒黃花
脂祿米只充沽酒資長安城中足年少獨共韓侯開
口笑桃花點地紅斑斑有酒留君且莫還與君兄弟
日攜手世上虛名好是閑

喜華陰王少府使到南池

唐岑參

有客至鈴下自言身性梅仙人掌裏使黃帝鼎邊來

人部

卷一百

二十六

喜至

柳司馬至

唐杜甫

有使歸三峽相過問兩京面關猶出將渭水更屯兵
設備邯鄲道和親邏步城幽燕惟鳥去商洛少人行
衰謝身何補蕭條病轉嬰霜天到宮闕戀主寸心明

喜李翰自越至

唐劉長卿

南浮滄海上萬里到吳臺久別長相憶孤舟何處來
春風催客醉江月向人開羨爾無羈束沙鷗猶不猜

永定寺喜辟疆夜至

唐韋應物

子有新歲慶獨此苦寒歸夜叩竹林寺山行雪滿衣

深爐正燃火空齋共掩扉還將一樽對無言百事違

秋夜喜盧司直嚴少府訪宿

唐耿湋

寂寂閉層城悠悠此夜情早涼過鬢髮秋思入柴荆
嚴子多高趣盧公有盛名還如杜陵下暫拂蔣元卿

喜侯十七校書見訪

唐耿湋

東城獨屏居有客到吾廬發原因春黍開畦復翦蔬
許酣今乞酒辭宴任無魚徧出新成句更通未悟書
藤絲秋不長竹粉雨仍餘誰謂須張燭涼空有望舒
喜邢校書遠至對雨同賦遠晚飯阮返五韻

唐李益

人部

卷一百

二十七

喜至

雀噪空城陰木衰羈思遠已蔽青山望徒悲白雲晚
別離千里風雨中同一飯開徑說逢康臨觴方接阮
旅宦竟何如勞飛思自返

月下喜邢校書至自洛

唐李益

天河夜未央漫漫復蒼蒼重君遠行至及此明月光
華星映衰柳暗水入寒塘客心定何似餘歡方自長

汝州陸中丞席喜張從事至同賦十韻

唐孟郊

汝水無濁波汝山饒奇石大賢爲此郡佳士來如積
有客乘白駒奉義懷所適清風蕩華館雅琴泛瑤席

芳醪靜無喧金樽光有滌縱情孰慮損聽論自招益
願折若木枝却彼曜靈夕貴賤一相接憂悵忽轉易
會合勿言輕別離古來惜請君駐征車良遇難再覲

喜雍陶至

唐賈島中

今朝笑語同幾日百憂中烏度劍門靜蠻歸瀘水空
步霜吟菊畔待月坐林東且莫孤此興勿論窮與通

喜李餘自蜀至

唐賈島中

迢遞岷峨外西南驛路高幾程尋嶮棧獨宿聽寒濤
白鳥飛還立青猿斷更號往來從此過詞體近風騷

喜友至留宿

唐白居易中

人部

卷一百

三六

村中少賓客柴門多不開忽聞車馬至云是故人來
況值風雨夕愁心正悠哉願君且同宿盡此手中杯

人生開口笑百年都幾迴

歲初喜皇甫侍御至

唐嚴維中

湖上新正逢故人情深應不笑家貧明朝別後門還
掩脩竹千竿一老人

喜園田韓少府見訪

唐胡令能中

忽聞梅福來相訪笑著荷衣出草堂兒童不慣見車
馬爭入蘆花深處藏

冬夕喜友生至

唐李咸用晚

天涯行欲遍此夜故人情鄉國別來久干戈還未平
燈殘偏有焰雪甚却無聲多少新聞見應須語到明

江上喜洛中親友繼至

唐許渾晚

戰馬昔紛紛一作向風驚蒿少塵全家南渡遠舊友
北來頻罷酒松筠晚賦詩楊柳一春誰言今夜月
同是洛陽人

深愁喜友人至

唐劉滄晚

不避驅羸道路長青山同喜惜年光燈前話舊草
夜月下醉吟谿樹霜落葉已經寒燒盡衡門猶對古
城荒此身未遂歸休計一半生涯寄岳陽

人部

卷一百

三九

○留客

村中留李三固言宿

唐白居易中

平生早遊宦不道無親故如我與君心相知應有數
春明門前別金氏陂中遇村酒兩三杯相留寒日暮
勿嫌村酒薄聊酌論心素請君少踟躕繫馬門前樹
明年身若健便擬江湖去他日縱相思知君無覓處
後會既茫茫今宵君且住

留北客

唐白居易中

峽外相逢遠樽前一會難即須分手別且強展眉歡
楚袖蕭條舞巴絃趣數彈笙歌隨分有莫作帝鄉看

郡樓夜宴留客

唐白居易中

北客勞相訪東樓爲一開
寒簾待月出把火看潮來
艷聽竹枝曲香傳蓮子杯
寒天殊未曉歸騎且遲迴

縣南花下醉中留劉五

唐白居易中

百歲幾迴同酩酊一年今日醉
芳菲願將花贈天台
女留取劉郎到夜歸

留盧秦卿

唐司空曙中

知有前期在難分此夜中
無將故人酒不及石尤風

話舊

朝下過盧郎中叙舊遊

唐李白盛

人部

卷一百

三十

留客話舊

君登金華省我入銀臺門
幸遇聖明主俱承雲雨恩
復此休浣時間爲疇昔言
却話山海事宛然林壑存
明湖思曉月疊嶂憶清猿
何由返初服田野醉芳樽

話舊

亭中對兄妹話蘭陵崇賢
懷真已來故事法然而作
唐韋應物中

存亡三十載事過悉成空
不惜霑衣淚併話一宵中

逢楊開府話舊

唐韋應物中

少事武皇帝無賴恃恩私
身作里中橫家藏亡命兒
朝持檇蒲局暮竊東鄰姬
司隸不敢捕立在一作白

玉墀驪山風雪夜長楊羽獵時
一字都識飲酒肆

頑癡武皇升仙去憔悴被人欺
讀書事已晚把筆學

題詩兩府始收跡南宮謬見推
非才果不容出守撫
婢姦忽逢楊開府論舊涕俱垂
坐客何由識唯有故人知

與故人夜坐道舊

唐權德輿中

笑語歡今夕煙霞愴昔遊
清羸還對月遲暮更逢秋
勝理方自得浮名不在求
終當製初服相與卧林丘

酬友封話舊叙懷十二韻

唐元稹中

風波千里別書信二年稀
乍見悲兼喜猶驚是與非
身名判作夢杯盞莫相違
草館同牀宿沙頭待月歸

人部

卷一百

三十

留客話舊

春深鄉路遠老去宦情微
魏闕何由到荊州且共依
人欺翻省事官冷易藏威
但擬馴鷗鳥無因用弩機
開張圖卷軸顛倒醉衫衣
尊萊銀絲嫩鱸魚雪片肥
憐君詩似湧踏馬筆如飛
會遣諸伶唱篇篇入禁闈

和元九與呂二同宿話舊

唐白居易中

見君新贈呂君詩憶得同年行
樂時爭入杏園齊馬
首漸過柳曲關城眉八人雲散俱遊宦
七處花開盡
別離聞道秋娘猶且在至今時復問微之

與侯春時同年南池夜話

唐許渾晚

蘆葦暮脩脩谿禽上釣舟
露涼花歛夕風靜竹含秋



素志應難契清言豈易求相歡一瓢酒明日醉西樓

過故崔充海宅與崔明秀才話舊因寄舊僚杜

趙李三掾

唐李商隱晚

絳帳思如昨烏衣事莫尋諸生空會葬舊掾已華簪

共入留賓驛俱分市駿金莫憑無鬼論終負託孤心

晚夏逢友人話舊

唐李昌符晚

一別同袍友相思已十年長安多在客久病忽聞蟬

驟雨纔沾地陰雲不徧天微涼堪話舊移榻晚風前

岐陽逢曲陽故人話舊

唐馬戴晚

異地還相見平生分可知壯年俱欲暮往事盡堪悲

人部

卷一百

三十一

話舊

道路頻艱阻親朋久別離解兵逃白刃謁帝值明時

淹疾生涯故因官事一作業移雞鳴關月落鴈度朔

風吹客淚翻岐下鄉心落海湄積愁何計遣滿酌浣

相思

與僧話舊

唐劉滄晚

中冓同時下翠微舊遊因話事多違南朝古寺幾僧

在西嶺空林唯鳥歸莎徑晚煙凝竹塢石池春色渠

苔衣此時相見又相別卽是關河朔鴈飛

與重幽上人話舊

唐劉滄晚

雲飛天末水空流省與師同別異州庭樹蟬聲初入

夏石林苔色幾經秋燈微靜室生鄉思月上嚴城話
旅遊自喜他年接巾烏滄浪地近虎谿頭

詩雋類函卷一百

人部

卷一百

三十一

話舊